

49941/B .


MAXIMILIANI STOLL

S. C. R. A. M. CONS. NOSOCOMII
S. S. TRINIT. PHYSICI ORDINarii

P A R S P R I M A

R A T I O N I S
M E D E N D I,

IN NOSOCOMIO PRACTICO
VINDOBONENSIS



V E R S A L I I S,

APUD B. ANDRÉ DE LAUSSIN,

BIBLIOPOLAM,

M D C C L X X X V I.

MAXIMILIAN STOLT.

S. C. R. A. M. CONS. TROSCOMIE
S. S. TRINIT. P. SICI OGIARH

P. N. R. S. P. R. I. M. A.

R. A. T. I. O. N. I. S.

M. E. D. E. N. I. S.

IN ROSCOMO P. R. A. T. I. O.
VINDO COME N. S.



S. C. R. A. M. CONS. TROSCOMIE
S. S. TRINIT. P. SICI OGIARH





P R Æ F A T I O.

Cum præsens libellus medendi rationem Collegio pratico Vindobonensi usitatam exponat, e re visum fuit, brevem Nosocomii hujus practici descriptionem legentibus dare.

AUGUSTÆ MARIÆ THERESIÆ munificentia jam ante multos annos Nosocomium practicum institutum fuisse, in quo Medicinæ Studiosi, postquam theoretica artis Hippocraticæ disciplina sufficienter imbuti fuerint, ad ipsum ejus exercitium duce professore practico se accingant, abunde constat.

Hanc spartam qua laude Vir eximius Antonius de Haen, & quanto cum emolumento rei medicæ gesserit, multa ab eo præclare scripta testantur. Eo defuncto gravissimam hanc provinciam ILLUSTRISSIMUS L. B. DE STÖRK, cujus tantæ in me voluntatis, dum spiritus hos reget artus, mecum vivet memoria sempiterna, mihi demandavit.

VIR HIC in commoda Studiorum, Patriæ, Cæsariumque natus, multa denuo promovendo studio clinico adjumenta procuravit: Nosocomium practicum aptiorem in locum transtulit, ut iisdem modo Aedibus cum altero, quod S. S. Trinitaris vocant, contineatur, & cum eodem in unum coaluerit. Hic

ingens quotidie ægrotantium confluxus morbos, quoscunque volueris, seligendos, demonstrandosque suppeditat. Præterea illud etiam commodi Medicinæ Studiosi nunc habent, quod, ubi quamdam in Nosocomio præctico penes ægros pauciores cognoscendorum, curandorumque morborum facultatem sibi compararint, amplior ipsis perficiendæ artis campus aperiatur, atque ad reliqua spatiosa variorum ægrotantium quotidie huc affluentium cubilia perducantur, ut, quemadmodum novitii milites levioribus velitationibus exercitati ad graviores conflictus præparantur, ita & hi, morborum ingenium in ægris paucioribus edocti, numerosiorem diversimode ægrotantium copiam contemplando sese ulterius instruant, sibi que, dum praxin alienis quasi sumptibus exercent, judicium quoddam præcticum, atque insignem in apte judicando promptitudinem concilient, quibus dotibus comparandis, cuilibet fortunatam facere medicinam adlaboranti pernecessariis, sola librorum lectitatio neutiquam par est.

Ad hanc in arte difficillima facilitatem acquirendam alia quoque momenti gravissimi auxilia solers E-
JUSDEM ILLUSTRISSIMI PRÆSIDIS cura suppeditavit.

Cum enim multi ejusmodi morbis conflictentur, qui eos lecto non affigunt, hinc in eadem hac nostra domo statis quotidie horis, locove adventantium querelæ excipi, remediaque, quibus suæ dein quivis domi utatur, distribui gratis solent.

Cum aliquot centeni quotannis miseriarum suarum solamen hic quærant, nonne maxime opportuna perdiscendæ praxeos medicæ in quocunque morborum genere occasione fruuntur, qui quotidie huic pauperum conventui interesse voluerint?

Ut nihil superesset, quod animus vel avidissimus studiorum amplius desideraret, alia insuper quædam
Itu-

studia, præterquam quod ea in publico Athanæo coram copioso quotidie auditore pertractentur, jussu ILLUSTRISSIMI NOSTRI PRÆSIDIS tanquam universæ quoddam, qua late patet, praxeos medicæ complementum nostris etiam in Aëdibus exercitantur.

Ars enim obstetricia etiam apud nos ab exercitissimo hac in arte viro Raphaële Steidele Chirurgiæ Professore penes machinas ingeniose ab ipso hunc in usum excogitatas, & tandem ad ipsos parturientium lectos medicinæ studiosis traditur. Qui vero non sola theoria contenti ipsa artis exercitatione imbuï volunt, eam hic occasionem nanciscuntur, quæ ipsorum desiderio abunde satisfaciet.

Praxin chirurgicam, anatomen, operationes chirurgicas idem Cl. Chirurgiæ Professor copiosam juventutem dexteritate insigni, industriaque quotidie docet.

Copia quoque secandi cadavera omnibus iis sit, qui exquisitori studio anatomen colunt, seque ipsos in arte disseccandi exercere desiderant.

Eadem quoque ILLUSTRISSIMI STUDIO-
RUM PROMOTORIS vigilantia cavit, ne alia nobis adjumenta desint, quæ ad artem facilius addiscendam conferre boni quid quacunque ratione possunt. Hinc locupletissimus tam medicus, quam chirurgicus apparatus quotidiana incrementa sumit: hinc selecta librorum supellex comparata novis identidem accessionibus ditatur.

Sed etiam id singulare, æternaque memoria dignum eminenti, quo in scientias impense fertur, AUGUSTÆ NOSTRÆ studio, munificentiaque debemus, quod exteris æque, ac indigenis isto multiplicis comparandæ scientiæ beneficio uti gratis detur.

Nunc pauca de meo scribendi consilio dicam.

Ut primum gravissimum hoc munus mihi decretum erat, in id potissimum animum intendi, ut morborum popularium, eorum videlicet, qui *passim* affligunt, sive omnium horarum non observato temporum ordine ii sint, sive certas tantum anni partes ament, naturam, geniumque pervestigarem.

Etenim usu cum meo, tum & aliorum experiebar, notionem non eorum solummodo morborum, qui frequenter perniciem inferunt, sed illorum etiam, qui inter vulgarissimos, curatuque leviores a plerisque habentur, quive affligunt potius, quam eneant, nondum ita ex omni parte completam, adequatamque esse, quemadmodum vulgo existimant, & non pauci vel ipsos inter medicos arbitrantur.

Operæ igitur non exiguum pretium me facturum existimabam, si, quæ sedula horumcè morborum contemplatione, & luculenta quotidie experientia doctus in adversaria conjeci, publici nunc juris faciam, fidaque narratione, ac simplici stylo, quæ in tanto ægrotantium numero prodesse, aut etiam nocere expertus fuerim, cordate exponam.

Votorum idcirco me compotem, fortunatumque reputabo, si opella hac mea, utut tenui, ac levidensi, ad profliganda perniciosarum opinionum commenta conferre boni quid, distinctioresque morborum quorundam vulgatiorem notiones communicare, atque ab omni vana hypothese alienus observata aliorum nondum fortasse sufficienter comprobata fidarum observationum suffragio valeam confirmare.



E L E N C H U S.

Brevis Descriptio

CONSTITUTIONIS ANNI 1775.

CONSTITUTIO ANNI 1776.	pag. 1 - 4.
JANUARIUS.	5.
— <i>hujus constitutio & enumeratio morborum.</i>	<i>ibid.</i>
FEBRUARIUS.	<i>ibid.</i>
MARTIUS.	<i>ibid.</i>
— <i>Pleuritidis & Peripneumoniæ biliosæ descriptio.</i>	6 - 22.
— <i>Variae Morborum successiones.</i>	13.
— <i>Rheumatismus biliosus.</i>	16.
— <i>Catarrhus biliosus.</i>	17.
APRILIS.	22.
— <i>Morborum biliosorum prosecutio, & quæ ad eorum æthiologiam & medendi methodum spectant.</i>	22 - 52.
MAYJUS.	52.
— <i>Observationes de Morbis rheumaticis & eorum differentiis.</i>	55.
— <i>Pleuritidis rheumaticæ descriptio.</i>	59.
— <i>Canones circa usum vesicantium in Pleuritide observandi.</i>	65.
JUNIUS.	68.
— <i>Exemplum Peripneumoniæ veræ vitio bilioso systematis gastrici stipatæ.</i>	<i>ibid. seqq.</i>
JULIUS.	73.
— <i>Pleuritidis occultæ descriptio.</i>	73.
AUGUSTUS.	76.
— <i>Lithotomiæ Exemplum.</i>	83.
	SEP-

VIII E L E N C H U S.

	pag.
SEPTEMBER.	85.
— <i>Dysenteriae curandi ratio.</i>	86.
OCTOBER.	<i>ibid.</i>
— <i>Tussis stomachicae quædam species.</i>	87.
NOVEMBER.	90.
DECEMBER.	<i>ibid.</i>
ANACEPHALÆOSIS.	91.
SECTIONES CADAVERUM.	93.
SECTIO PRIMA.	<i>ibid.</i>
SECTIO II.	98.
SECTIO III.	99.
SECTIO IV.	101.
SECTIO V.	111.
SECTIO VI.	114.
SECTIO VII.	118.
SECTIO VIII.	123.
SECTIO IX.	126.
SECTIO X.	132.
SECTIO XI.	135.
SECTIO XII.	139.
SECTIO XIII.	146.
SECTIO XIV.	150.
SECTIO XV.	154.
SECTIO XVI.	157.
SECTIO XVII.	159.
SECTIO XVIII.	161.
SECTIO XIX.	164.
SECTIO XX.	170.

Nosocomii ad S. S. Trinitatem


NECROLOGIA ab Anno 1761. usque ad
Annum 1776. 173. *seqq.*

B R E-



BREVIS DESCRIPTIO CONSTITUTIONIS

A N N I 1 7 7 5.



orbos populares descripturum non solum eam tempestatum rationem, quæ morbis ipsis comes est, sed etiam illam, quæ paulo ante prægressa, & integrum modo effectum sortita, certam in corpus diathesin induxit, exponere oportet. En cur ea, quæ de constitutione temporis anni proxime elapsi, varioque tempestatis ad valetudinem habitu, sparsim in adversaria conjeceram, nunc collecta, contractaque recenseam.

Mensis Januarius anni 1775 a gelu magno ordiebatur: secutæ mox nives copiosissimæ, nebulae multæ, foetentes, noctu, mane, itemque vesperi. Venti per intervalla fortes. His haud diu stantibus repente tepor. Diffluxere nives: pluviae admodum copiosæ. Post medium mensem subitum

Pars I.

A

gelu,

gelu, rigidumque. Altæ nives, venti rari, exigui. Circa finem denuo tepor, nives colliquatæ, cœlum nubibus, nebulisque triste, venti tenues.

Januario ad exitum vergente convulsiva infantum tussis caput efferre cepit.

Ineunte Februario temporis proxime elapsi tepida constitutio incrementa sumpsit: nebulae densæ, pluviae raræ, interpellante subinde validissimo vento. Post initium tepor, gelu, paucæ nives, rarus sol, pluviae, venti, nebulae foetentes, depluentes, varia ratione per totum mensis decursum sese excipiebant, ita tamen, ut atmosphærae tepor primas teneret. Finis mensis calore verno incaluit: venti tenues.

Convulsiva infantum tussis maxime viguit, & circa mensis medium ferinas adultorum tusses in societatem adscivit.

Martius totus mutabilis, jam veri similis, jam borealis, cœlo ad initium sereno, circa finem verò nebuloso, imbrosoque. Tusses ferinae longe lateque dominabantur.

Aprilis mutabili suo genio hoc anno præter morem indulgit. Frequens subitaque caloris in frigus commutatio, cœli sereni in procellosum, imbrosum, nebulosum: venti varii, crebri. Ad medium usque Aprilem idem tussis ferinae imperium, convulsiva infantum tussi adhucdum vigente. Circa finem uterque morbus multum remisit.

Mense Majo crebra denuo mutatio ex calore in frigus: dies austrini, noctes aquilonares. Siccitas summa. Cœlum serenum, crebro, forti, varioque perflatum vento. Circa finem copiosissimæ pluviae, ventus perfrigidus, quo etiam tempore, silentibus & convulsiva, & ferina tussi, alia tussis species exorta vix ulli pepercit, quam ob signa redun-

dant.

dantis in ventriculo bilis, tum etiam ex eo, quod vomitu, aut alvi ductione cito sanaretur, *stomachicam* appellarunt, etsi fuerint, qui *pectoralem* arbitrati, neglecto ventriculo, in agrorum perniciem pulmonibus medebantur.

Initio Junii frequens caloris frigorisque mutatio, noctibus plerumque solito frigidioribus. Post initium calores magni, constantes, cœlum serenum, siccum, rarissimæ pluviæ. Exeunte mense constitutio nebulosa, humidaque successit: toto hoc mense tussis stomachica grassabatur.

Mense Julio æstus fere constans, raræque pluviæ: tussis stomachica circa finem vix non penitus comprimebatur.

Mense Augusto æstus magni, squallor, rarissimæ pluviæ, crebra tonitrua Morbi pauci, sporades. Sudores nocturni copiosissimi.

Ad medium ferme Septembris calores magni. Successit dein frigus, cœlo ut plurimum sereno. Febres plures, ac præteritis mensibus, cæque huic anni tempori maxime solennes, intermittentes, remittentes, item cholæræ, diarrhœæ &c. &c. non tamen præter aliorum annorum morem viscebantur.

Mensis October frigidus, humidusque ut plurimum fuit, attamen pauciorum paulo morborum, quam mensis prægressus, ferax.

November continuis fere pluviis maduit. Nives exiguæ, citoque diffuentes. Minus, quam pro temporis hujus ratione, frigus, præcipue circa finem.

Rheumatismi universales: destillationes topicæ variæ: aphthæ etiam inter adultos. Fœminæ debiliores præcipue, crudo primarum viarum apparatu, mucos, sero putri, laborabant.

Mense Decembri pluviæ crebræ, tempusque humidum, non frigidum, præcipue circa initium &


4 BREVIS DESCRIPTIO CONSTIT. 1775.

finem ; circa medium vero siccum , & frigidum. Defluxiones multæ ad oculos , nares , fauces , pulmones ; artus.

Hæc fere prioris anni constitutio fuit , qua breviter delineata sequentis anni 1776 rationem describemus.



M. S T O L L
R A T I O M E D E N D I.
P A R S P R I M A.



J A N U A R I U S,

A N N I 1776.

Sub anni 1776. exordium nives multæ fuere; inde ad medium usque Januarii constitutio æris humida, atque minori cum frigore, quam pro temporis hujusce ratione. A 15ta mensis ad finem usque frigus siccissimum obtinuit, quod magis identidem intendebatur, ut ultima mensis tempora ab hominum memoria frigidissima dicerentur.

Initio mensis variolæ malignæ non paucæ, morbilli benignæ indolis non infrequentes visebantur. Febres, quæ ad medium usque mensem serosæ fuere, circa ultimos Januarii dies, rigidissima hyeme per omnem Europam sæviante, in inflammationes pulmonum, pleuritides, ac peripneumonias abiire.

F E B R U A R I U S.

Initio Februarii idem hyemis sævissimæ rigor; at tribus, quatuorve exactis diebus successit aura mollis, humida, dominante austro, quæ per totius mensis decursum non interrupta perstitit.

Morbi pulmonum inflammatorii non pauci, plures vero ex illo genere, qui sub anni principium grassabantur.

M A R T I U S.

Mensis hic ut plurimum siccus erat, frigore, caloreque alternatim sese excipientibus, calore tamen, si omnia spectes, prævalente. Febres catarrhales innumeræ, peripneumoniarum, ac pleuritidum quæ-

dam species, quam curatius explicandam e re esse arbitror, tum, quod ea hoc anni tempore, quo Nosocomio ad sanctissimam Trinitatem præficerer, mihi frequentissime contemplanda, sanandaque, in tanto adfluentium quotidie ægrorum ex plebe numero, obvenerit, cum etiam (quæ ratio longe superior est) quod illam necdum ita accurate descriptam, aut si descripta sit, ejus tamen curandæ methodum necdum satis in usum tractam, vulgatamque existimem, ut idcirco actum agere videar, si quædam ex meo penu depromam.

Morbus, quem paulo fusius persecuturus sum, eo etiam ex capite peculiarem attentionem meretur, quod ad illos pertineat, qui, paucio interposito tempore, frequentius recurrunt, & inter populum epidemice grassantur. Accedit præterea, quod is sub alterius morbi specie medentibus imponat, & methodo non sua sæpe tractetur.

Ægri hac pleuritis, aut peripneumonie specie laborantes varia symptomata exhibuere: præcesserat per aliquot dies, quin & septimanas catarrhosa dispositio, dejectus appetitus, os insipidum, amarum, glutinosum, sudores nocturni: tandem accessit horripilatio, quin & intensius frigus, minus tamen grave, quam in vera alias pulmonum inflammatione solet; successit æstus, oppressio pectoris, dolor vel in sternum, vel in alterutro latere thoracis ardens. Ardor hic subinde totum thoracem occupavit, & inter respirandum, tussendumque raro augebatur. Decubitus facilis in utrumque latus: hypochondria frequenter tensa, dolentia, præcipue dum manu contrectarentur. Dolor ad scrobiculum, & infra illud gravans, qui attactum ægre ferebat. Ructus amari, alvus aut obstructa, aut liquidior, ac biliosa. Facies cum virore pallida. Oculi tristes. Dolor capitis gravativus. Sitis sæpe nulla, & si tamen aliqua,

qua, minor tamen, quam pro morbi acuti ratione. Sapor oris amarus ut plurimum, in aliquibus nauseose dulcis, vel & acidus, austerus. Lingua alba subinde, mucosaeque, plerumque tamen flavo virescente humore obducta, & prominentibus quasi villis flava viridique materia tinctis hirsuta. Dentes sordidi. Tumor ventriculi, & sensus plenitudinis in eodem. Anxiety circa præcordia. Tormenta subinde. Lumborum dolor. Sputa glutinosa, crassa, tenacia, alba, in paucis vere virescentia, eaque statim initio apparere, quin & præcessere. Urinæ croceæ, brevi jumentosæ cum sedimento imperfecte deposito, furfuraceo, albo, lateritio, mixtoque: tales fuere statim ab initio morbi. Vomitus quibusdam spontanei, levantes, biliosi. Vomituritiones. Copiosus insipidæ salivæ in fauces affluxus, nausea, qua factum, ut ne aspectum quidem alimentorum ferrent. Pulsus ut plurimum non durus, & varia in variis celeritate.

Febris vel uno tenore continuabatur, vel vaga periodo exacerbabatur, absque certa lege, modoque.

Inter omnia hæc symptomata nullum erat, de quo magis querebantur, quam ardor in thorace, oppressio ejusdem, & spiritus difficultas. Fuerunt, qui solummodo de angusta respiratione, & valida pectoris oppressione questi sunt.

Hæc symptomata erant pleuritidis istius, aut peripneumonix (quam *biliosam* appellamus) ubi morbus cum nullo alio malo complicabatur. Paucissimi tamen inventi sunt, in quibus omnes omnino superius recensitas morbi notas deprehenderes. Plerique paucis tantummodo characteribus mali, quo laborabant, indolem demonstrarunt. Constans in omnibus nota fuit, præter memoratos pectoris, respirationisque affectus, lingua, & oris sapor varia ratione depravatus, prout supra descripsi. Nauseæ, &

appetitus deperditus omnibus fuere, non omnes tamen biliosa, aut aliena ructabant. Cardialgiam omnes querebantur, gravantem plerique, pauci oris ventriculi morsum: quidam autem, nonnisi manu contractarentur, molestiæ quid circa ventriculum sensere.

Exeunte Martio, & per totum ferme Aprilem plures erant, quibus alia præter paulo ante enarrata accidentia accessere, dolores videlicet artuum inferiorum, superiorumque, item loci inter scapulas medii. Quibusdam carnes doluere inter articulos locatæ, his non affectis. Aliis articulorum rigiditas dolorifica fuit, non paucis mollitudo hypochondrii alterutrius doluit, dolore non gravante, non tensivo, sed acutissimo, ad inspirationes magnopere aucto, & tactum minime ferente. In his pleuritidi aut peripneumonix biliosæ rheumatismus jungebatur.

Hoc tempore, mense videlicet ad exitum vergente, quibusdam, iisque non paucis, præter superius dicta symptomata, dolor vere *pungens*, acutissimusque, & fitis morbo respondens fuit, pulsus durus, & plenus, sputa aut nulla, aut sanguine striata. Hos, præter morbum biliosum, vera quoque pulmonum inflammatio tenuit.

Paucissimi in morbi principio ad nos devenere, plerique exactis aliquot primis diebus, ubi aut nihil omnino, quod sæpius contigerat, aut quod fors, vel consilium obtulit, remedium adhibuere. Multi unam duasve etiam sanguinis missiones instituerunt eo eventu, ut *post momentaneum, brevique evanidum levamen* omnia symptomata exasperarentur, & pectoris incommoda longe graviora redderentur cum pulsu celeriori, humili, repente, anxietatibus magnis, & calore intensiore. A purgantibus, si fors usi erant, aut nihil, quod frequenter accidit, aut parum tantum emolumenti retulerunt, plerique pejus habuerunt, & magis febricitarunt.

Hæc

Hæc fere fuit morbi facies, quem tuto, ac brevi ut plurimum methodo, mox describenda curavimus. Ubi factò examine constitit, morbum nulla vera inflammatione complicari, qualis plerumque fuit, curam ab emetico inchoavimus, quo copiosissima materies flava, plerumque viridissima ore rejecta est: alvus simul fere omnibus movebatur aliquoties. Apparatus hic biliosus vomitu excussus, amarissimus plerumque, subinde vero acido-austerus fuit. Ferme omnibus paulo post vomitum oppressio pectoris insigniter imminuebatur: quibusdam etiam prorsus evanuit, respiratio liberior, & ablata, vel plurimum emendata ventriculi incommoda sunt. Nulli certe emeticum propinavimus (& propinabamus longe plurimis) qui non cum insigni levamine vomuisset. Non pauci, qui dolores acutos in hypochondrio alterutro ad attactum auctos querebantur, dato emetico liberabantur, ut adeo non omnis dolor acutus ad attactum auctus pro inflammatorio haberi debeat. A vomitu, atque etiam ante eundem decocto hordei cum oxymelle utebamur ad abluendas ventriculi, & intestinorum sordes, atque operam dabamus, ut alvus post vomitum aperta diutius servaretur. Hunc in finem data est mixtura ex aqua hordei, aceto, melle, & sale quodam medio, ut biliosæ reliquæ, quæ intestinis fors profundius infederant, quam ut vomitu rejici quiverint, medicamento salino solutæ per alvum everrerentur. Si hæc cautela neglecta fuerat, contigit, ut biduo exacto, aut eadem redirent symptomata, aut morbus intermittente exciperetur, eaque potissimum tertiana, quam salibus mediis præmissis, cortice peruviano profligavimus. Fuere quidem, sed in tanto reliquorum numero perpauci, qui etsi cum effectu vomuerant, & magnam sordium biliosarum vim ore & ano ejecerant, id tamen levaminis non experiebant.

riebantur, ut exspectationi nostræ plane satisfaceret. Signum id erat, materiam crudam, necdum sat-mobilem redditam, parietibus ventriculi valentius adhærere. His mullâ cum aceto, ac sale quodam, per unum alterumve diem exhibito, denuo potionem emeticam propinavimus, quæ ferme semper suffecit; vix una alterave vice terno vomitorio, interpositis aliquot diebus, exhibito opus fuit.

Aliis hac methodo sanatis, cum & appeterent, & febre carerent, quædam spirandi difficultas remanebat, quam mixtura ex aqua fœniculi, oxymelle squillitico, & stibio diaphoretico non abluto sustulimus, motis hac ratione sputis copiosis, aquosis; paucis kermetem præscripsimus, pluribus ejusdem loco refractam admodum tartari emetici dosin in aqua quadam conveniente solutam, qua de re alibi erit commodior differendi occasio.

Cum observatio nos doceret, ægros ex hoc morbo reconvalescentes facillime relapsum pati, præcipue, si paulo plenius, quam debilis ventriculus ferret, nutrirentur, cavimus, ne in regulas diæteticas peccaretur, atque stomachicorum remediorum ope vires coctrices, quas morbus, atque ipsa morbi medicatio fregerant, firmavimus. Uti sumus maximam partem elixirio stomachico temperato, & tinctura rhei aquosa, æquis partibus, ni fors febris intermittens, quam morbo coronidem non raro imposuisse superius diximus, corticem peruvianum una exposceret.

Semper cavebamus, ne, non hos solum, sed neque cæteros quoscunque ex Nosocomio dimitteremus, priusquam ex integro pristinum robur recuperassent. Hinc eos paulo diutius, quam adversa ipsorum valetudo exigere videbatur, retinuvimus, imperfectum tantummodo, aut fere nullum beneficium rati, si, quos morbus acutus non sustulit, longa in-

firmitas consumeret. Hac methodo usi sumus, quotiescunque morbus simplex, ac nullo alio permixtus fuerat. Pendere nunc juvat ea, quæ nocuisse deprehensa sunt, cum non a juvantibus solum, sed quam maxime etiam a nocentibus instruamur.

Sanguinis missio præ cæteris nocuit, nisi fors inflammatio comes esset, quo de casu infra erit dicendi locus; hac enim instituta pectus opprimi validius, spiritus difficilius trahi, pulsus fieri humilis, celerque cœpit, caloribus supra modum adauctis. Puella 14. annorum hujus rei documento nobis fuit: laboraverat hæc, paucis septimanis antea, vera pleuritide; sanata e Nosocomio discessit, at post carnes intemperantius comestas riguit, æstuavit, vomuitque aliquoties biliosa. Altero mox die ad nos delata tussim, pectoris gravitatem, & spiritum summo opere difficilem conquesta est. Præter peripneumonias hæc affectiones aderant oris amaror, ructus, nausæ, cardialgia, febris multa. Præscriptum vomitorium est, cui, ut tutius operaretur, modicam venæ sectionem præmittere placuit. Verum, missio vix sanguine, delirium ferox, & febris valida sequebantur. Dato emetico, multisque biliosis vomitu rejectis, mens rediit mox, & affecti pectoris symptomata una cum febre multum mitiora, continuo salium mediorum usu, & reliquiis morbi ad alvum determinatis, paulo post penitus abstergebantur. En *Delirium biliosum*, ubi fomes in hypochondriis latet, ore & ano exturbandus.

Non pauci ad nos venerant, qui, aut proprio Marte, aut amicorum, ut fit, consilio, morbum medicamento purgante sollicitarunt: nocuit ferme omnibus; exacerbationes enim graviores inde redditæ, aucta thoracis incommoda, febrisque sunt: profuere paucissimis, atque iis fortasse, qui crudo apparatu non ventriculi, sed intestinorum laborabant,

bant, ubi materies mobilis facta, facilius pharmaco purganti, quam vomitorio auscultabat.

Qui morbum motis sudoribus aggressus fuisset, neminem scio, etsi facile quis perspiciat, quantum noxæ prava hæc methodus intulisset. Opinio, quæ febres acutas sudoriferis pernicioso plerumque cum eventu tractat, magnam partem inter nostros, etiam eos, qui ex plebe sunt, eviluit.

Contigit non raro, ut motu febrili a collecta re-
sorptaque primarum viarum saburra producto, sanguis inflammaretur. Sic vera insuper inflammatio jungebatur, vel pulmonum, vel carniū musculosarum, vel membranarum, tendinumque in articulis præcipue. Ortum hinc est malum complicatum vera scilicet vel pleuritis, vel peripneumonia, vel rheumatismus, vel arthritis morbo bilioso sociata, quam ob causam sæpius unam, rarius duas sanguinis missiones instituere oportebat, donec discussa phlogosi emeticum daretur; quibusdam, & forte pluribus, licet sanguis extractus ferme semper crustam pleuriticam exhiberet, veraque simul inflammatio adesset, cum exiguo tamen, eoque brevi evanido levamine secta vena est, fors, quod inflammatio secundo primam nata tolli non posset, nisi prius cruda materies sub præcordiis collecta, a qua motus humorum citatior, eorumque phlogosis oriretur, brevissima, qua id fieri potest, via ejiceretur. At repurgato systemate gastrico, sive phlogosis perseveraret, sive etiam augetur, sanguinis detractio insignem effectum, & levamen constans attulit. Subinde venæ sectiones, & emeses alternabant, prout vel inflammatio, vel affectio biliosa prævalebant. Non observavimus, statâ periodo, & certo dierum numero hos ægros judicari, nec peculiari crisi obnoxii erant; id solum observatum, sputa, quæ initio statim apparere, fuisse primum glutinosa, tenacia,

dein aquosa, copiosaque ad finem morbi usque, quo sensim cum levamine minuebantur. Nunquam vidimus sputa illa *puriformia, coctaque*, qualia maturum catarrhum, aut inflammatos pulmones solvere solent. Quidam intra octo dies sanabantur, quidam vero intra septemdecim, vel & viginti.

Vidimus & varias morborum successiones, mutationesque: quidam enim ex pleuritide simplici biliosa jam sanati, aut tales propemodum futuri in *veram ac inflammatoriam pleuritidem* inciderant, ubi venæ sectiones, & decoctum hordei cum melle, atque aceto fere semper suffecere. Cataplasmata emollientia ad locum doloris applicuimus bono cum successu. Lateri dolenti nunquam apposuimus vesicans, cumque eo in morbis vere inflammatoriis aliquoties uteremur, semper febris incitabatur magis, inflammatio augebatur, atque in universum cum canonem secuti sumus, ut, ubi diluendum esset, ubi laxandæ partes solidæ, earumque stricturæ solvendæ, ubi frenandus humorum exorbitantium motus, a vesicantium stimulo caveremus; hinc factum est, ut sanguinis missio, remediorum refrigerantium facile princeps, inflammanti cantharidum vi rarissime jungeretur. In rheumate vero, ut ut inflammatorio, & febrili, præsentem cantharidum opem sæpissime mirabamur. Sed ea de re paulo post. Eximium e contrario auxilium vesicantia præstitere, quotiescunque *vera debilitas*, solidorum inertia, indeque natæ stases aderant, quo in casu præter remedia cardiaca, roborantia, stimulantia, antiseptica, excitantem vesicantium stimulum in subsidium vocavimus. In vera pulmonum inflammatione abstinuimus pariter ab intempestivo, præmaturoque remediorum sputa moventium usu, qualia in stibio diaphoretico non abluto, aliisque Antimonii præparatis habemus. Sedulo distinguebamus duplicem pulmonicorum statum, eum

vide-

videlicet, ubi cruda inflammatio remedium quodcunque movens vetaret, atque eum, ubi fracta phlogosi, vires ægrorum tum ex morbi diuturnitate, cum & remediorum debilitantium applicatione languiebant, & materies sputorum in pectore coacervata a dejectis vitæ viribus protrudi non poterat: hic moventia, incitantiaque profuere, præcipue stibium diaphoreticum non ablutum, & solutio tartari emetici ea dosi exhibita, ut nec vomitum, nec alvum moveret. Plerique pleuritici judicabantur sputis mucosis, aquosis, & intermixtis coctis. Vidimus paucas quasdam pulmonum inflammationes, easque pergraves post novem aut undecim dies, absque manifesta evacuatione, cum constantia ac securitate solutas.

Aliquoties vero pleuritis in principio diarrhœam sibi junctam habuit: hæc, ut ut symptomatica fuerit, nihilominus morbum reddidit magis tolerabilem, ut adeo non omnis diarrhœa symptomatica pleuriticis periculosa habeatur. Credo apparatus crudum in intestinis stabulantem vehementiori illo paraxysmo, quo pleuritis plerumque orditur, emotum ad alvum ruisse, molimine naturæ perquam salutari. Fuerunt etiam, qui in gravi illo assultu pleuritidem inchoante, biliosa cum emolumento vomuerunt.

Una, alterave vice, in gravissima pulmonum inflammatione pulsum mollem, debilem, celeremque deprehendi, ubi nihilominus venæ sectio insigne levamen attulit, sanguine crassam tenacemque crustam exhibente, & pulsu paulo post assurgente, plenioreque.

Puellæ secundo pleuritidis die orta parotis morbum sustulit, quam dein, cum alvum quotidie fluentem redderemus, & herbæ aromaticæ cum camphora tumenti loco apponerentur, insigniter minuebamur. Pertinacis tumoris reliquias emplastrum de cicuta penitus dispulit.

Qui

Qui initio vera pulmonum inflammatione eaque, quam Sydenhamus *essentialem* appellavit, ac simplici laborarunt, rarissime in eundem morbum relapsi sunt, aliquoties autem in pleuritidem illam spuriam, biliosam, quam dato statim emetico in herba suffocavimus.

Aliam morborum successionem observavimus, ubi *biliosa* pleuritis in *malignam* vertebatur. Malignam nos vocabamus illam ægrorum conditionem, ubi vis vitæ admodum dejecta, pulsu arteriarum & cordis vere debili proderetur. Si evacuatio sanguinis aut ab ægroto ipsomet, priusquam ad nos veniret, aut & nobis imperantibus instituta male cesserat, sique materies ex primis viis intra humores circulantes reciperetur, si, licet multa affecti systematis gastrici signa adessent, emeticum nihilominus non conduxerat, si pulsus accesserant celeres, debiles, quosve vel levissime premens digitus facillime elideret, si mens vacillaret, & vires secrete trices languerent, *malignitatem* adesse, & letalem partium solidarum, fluidarumque dissolutionem instare judicabamus.

Malo præcipiti inventum præsidium est in decocto corticis cum camphora, in infuso radicis serpentariæ virginianæ, contrajervæ, angelicæ: hic quoque in subsidium vocata vesicantia sunt, quæ torpidam languentis vitæ vim concitarent, atque id facerent artubus adplicata, quod cardiaca ore assumpta. Miros certe effectus ex hac medendi methodo vidimus. At in perpaucis hic *pleuritidis biliosæ* in *malignam* transitus observabatur, atque in iis potissimum, qui ex longa infirmitate, aut hæreditario vitio debilitatem adferebant utrique huic morbo idoneam.

Id adhuc notasse expedit, nos sanguini emisso, atque in vasculis ad id aptis servato, sive is dissolutior appareret, sive compactior, sive crusta tegetetur, aut etiam ea careret, rei utpote supra modum fallaci,

ci, parum tribuisse, etsi non inficias eamus, sanguinem, prout is sub sensu cadit, confirmare nostrum iudicium subinde posse, quod ex notis multo certioribus de morbi conditione ferebamus.

Hac tempestate Rheumatismi febriles grassabantur, qui vel inflammatorii, vel biliosi fuere, vel ex utrisque componebantur. Habuimus quosdam, qui acute laborabant absque signis sordium primas vias inquinantium. His sitis multa, febris valida cum pulsu duro, qualis pleuriticorum esse solet, manuum, genuumque tumores dolentissimi fuere: dolor vago more artus extremos, malleolos, genua, femur externum a lumbis, vel ab acetabulo ad caput fibulæ usque oberrabat, modo etiam musculos thoracis affecit, ut ideo pleuritidem mentiretur. Quibusdam dolor anginosus accessit. Venæ sectiones, emulsa cum nitro profuere, decoctum radicum altheæ cum Roob sambuci, itemque vesicantia, atque omnia ea, quæ aut alvum, aut sudores blande sollicitabant. At pertinax admodum nonnunquam morbus difficillime vel indicatissimis remediis cessit, & tunc in longum protrahabatur: sanguis secta vena eductus crusta pleuritica maxime crassa, tenaci-que obtegebatur.

Feliciores fuere illi, quibus acris & biliosa materies maximam partem ex ventriculo resorpta, & ad corporis superficiem delata in vasculorum exhalantium orificiis hæsit, ibique vellicando dolores rheumaticos concitavit. His emeticum profuit, cui medicamentum salinum, ad alvum laxiorem servandam, subjungebatur. Quod si quid altius impactum hæreret, quam ut recensita hac methodo revocari ad alvum denuo posset, frictione aromatica instituta, aut vesicante facile discussum est. Profuere etiam repurgatis ventriculo & intestinis medicamenta sudorem absque tumultu moventia.

Qui

Qui *rheumatismo hoc bilioso* laborabant, mitius ut plurimum habuerunt, minus febricitarunt, nec semper emetico indigebant. Decoctum tamarindorum, aliaque hujus notæ medicamina, juncto quodam sale medio, expectationi medentis per sæpe satisfecerunt. Hanc rheumatismi speciem aliis annis, atque alio anni tempore, præcipue cum in Hungaria medicinam facerem, frequentissime observavi. Adulta enim æstate, atque initio autumnii, quo morbi gastrici biliosi dominium obtinent, *rheumatismus biliosus* frequentissimus est, in iis præcipue, qui ex morbo bilioso convalere, si forte durante morbo aut nulla, aut non sufficiens per vomitum, atque alvum biliosæ saburræ evacuatio fuerat instituta. Post dysenteriam biliosam adstringentibus opiatisque præmature sublata, post febres autumnales præcoci corticis usu sufflaminatas, præcipue vero, si intempestivis sudoribus materies versus corporis superficiem fuerat determinata, frequentissimos vidi rheumaticos dolores diuturnos & plerumque absque febre. Solventia, alvum leniter ducentia, frictiones, omniaque ea, quæ materiam hærentem in motum agunt, balnea mineralia, succi herbarum antiscorbuticarum, gummi ferulacea omnem paginam absolvebant.

Sed, missis his, biliosas nostras pectoris affectiones ulterius prosequamur. Plurimi fuere, quibus res intra catarrhum constitit, qui a *peripneumonia*, aut *pleuritide biliosa* sola mali vehementia differebat, & hanc plerumque præcedebat. Eadem medendi methodus utrobique profuit. Hæc catarrhi species sæpius *ἐπίκοινως* aggreditur, hocque anno, uti & vere anni proxime elapsi totam ferme Europam pervasit. Hoc morbi genus anno 1580. universam Europam infestabat, atque pro novo morbo habebatur, quod remediis catarrho alias dicatis aut omnino non cederet,

aut etiam exasperaretur, atque non paucis funestus evaderet.

Descriptionem ejusdem habemus a Boekelio factam, qui cum *novum morbum*, seu *catarrhum febrilem* salutavit. Eundem fuisse, qui & prioris anni ver, partemque æstatis, & hujus anni Martium & Aprilem præprimis occuparat, descripta a Boekelio symptomata luculenter ostendunt, quamvis a vera medendi ratione, quam sibi hæc catarrhi species peculiariter deposcit, illius temporis medici aberrarint. Id solummodo discriminis intercessit, quod ille a Boekelio descriptus multos enecaret, noster vero ut plurimum vitæ parceret. Rationem credo eam fuisse, quod catarrhus Boekelii febrilis ab ipso, quo grassabatur, anni tempore vitium traxerit, adulta videlicet æstate, & autumnus, quo cælum gravius esse solet, & morbis quibuscunque in eandem tempestatem incidentibus septici quid, malignique affricat. Præterea novus hic Boekelii morbus cum pluribus aliis complicabatur, qui illam anni partem communiter comitantur. At venæ sectio raro profuit, quemadmodum etiam apud nos plerumque morbus majora inde incrementa sumpsit, & in malignum mutabatur: eo quoque tempore omnes reliqui morbi plus malignitatis habuerunt, & pluribus, quam alias solent, funesti evaserunt.

Quoniam hoc loco de catarrhi quodam genere, quod a sordibus systematis gastrici originem ducit, sermo incidit, juvabit quædam addere de illa catarrhi specie, quæ prioris anni ver & initium æstatis maculavit. Mense Junio anni 1775. catarrhus populariter per omnem ferme Europam grassabatur. Aderat: inappetentia, lassitudo, os amarum, aut insipidum, lingua alba, mucosa, flava, dolor ad scrobiculum, si manu contrectares. Tumor ventriculi, hypochondriorum tensio, alvus aut tarda, aut frequentiori-

bus,

bus, iisque exiguis ac biliosis dejectionibus molesta. Urina crocea, subinde cum ardore missa, parca, cum sedimento ex albo-rubente, furfuraceo, mucoso, lateritio. Nauseæ fere omnibus, vomitiones, tussis multa, ardor sterni, oppressio. Variam medendi rationem experti sumus, prout diversam sibi quisque ideam de ejus mali indole finxerat. At profuere lenia solventia, salina, alvum moventia. Quidam kermes minerale dedit, qui præter voluntatem vomitum movit, & ejectis ventriculi foribus catarrhum absterfit. Verum cum hoc medelæ genus in hac mali specie inusitatum non ægrotis solum, sed ipsiis quoque medentibus videatur, atque ab ratione, aut potius ab eorum systemate absolum, fit, ut una omnibus catarrhis plerumque methodus accommodetur, sed eventu utique longe dispari. Nihilominus sat frequens hic morbus est, atque inter eos stipendia meretur, qui sæpius ingruunt.

Clarissimus Huxham describit morbum maxime epidemicum mense Januario anni 1733. cum tussi valida, qui per omnia ferme accessit ad indolem catarrhi anno priori dominantis; profuere enim apud eundem cl. auctorem nonnunquam emetica, aut lenia cathartica, atque frequenter observavit, tussim, oborta diarrhæa, profligari. Hinc rheo, manna, & tartaro solubili usus est. Idem febrim catarrhalem epidemicam observavit mense Novembri 1737. atque, hanc febrim per plures jam hyemes magis, minusque grassatam esse, provenireque a crasso, udo, gelidoque aëre spiracula cutis occludente, & eandem videri indolem habere cum febre *hyemali* Sydenhami. Arbitror, epidemias has ab Huxhamo descriptas easdem quidem reapse eum hac nostra fuisse, propius tamen ad humorum phlogosin accessisse.

Petrus Forestus L. VI. obs. I. describit febrim autumno anni 1557. publice grassantem, gutturis

dolore, & thoracis affectu stipatam : catarrhi instar morbus invaserat , cum febre admodum lenta , sed maligna , multisque necem inferente , quæ postmodum aucta subitanæ quasi suffocationem , & respirandi difficultatem intulit , ut ægri statim suffocari viderentur. Inde etiam ventriculus , & præcordia laborabant , tussis fuit valida , febris quibusdam continua , plerisque tertianæ duplices , quotidianæ , erraticæ fuere. Quibusdam & oris , ac linguæ ulcuscula morbo provento oriebantur. Hujus morbi fomitem intra præcordia , atque intestina conclusum fuisse testantur multa , præprimis vero , quod pectoris oppressionem , & gravia ventriculi incommoda , & sæpe intermittens febris comitarentur , quodve & ecoprotica sanarent , & contumax , longave ventriculi imbecillitas , curata febre , reconvalescentes affligeret , *cum hujusmodi accidentibus* , ait Forestus , *quæ in melancholia hypochondriaca adesse solent*. Idem cl. auctor L. cit. in scholio ad observ. II. describit anginae malignæ , pestiferæque speciem symptomatibus peripneumoniacis junctam , quæ tempore Joannis Tyengii , Amstelodamensis Medici circa principium anni 1517. quam , plurimis mortalibus adeo perniciofa fuit , ut , quibus intra sex , septemve horas apta remedia non adhibebantur , ante 16tam , vel 20am horam subito morerentur. *Erat materia in illo morbo populari* , ita Forestus loco citato asserit , *ita furiosa , ut uno momento tantam anhelitus difficultatem , cordisque angustiam & dolorem in collo pareret , ut ægrotus strangulari mox videretur. Quibus symptomatibus rursus cessantibus , moxque redeuntibus , cum materia adeo maligna , venenosa , & fluxa per musculos colli , tum pectoris uno ictu irajiceretur , omnes facillime curabantur , secta quam primum vena , ante sex horas a morbi invasione , & si eodem die medicamentum purgans propinaretur , licet id alienum foret a sententia*

omnium

omnium medicorum illustrium. Quibus hæc primo die non adhibebantur, subito suffocabantur.

Morbum adeo gravem, citoque perimentem materies generasse videtur copiosa, mobilisque, quæ ventriculum, intestina, partesque ventriculo vicinas, aut cum eodem, ac intestinis communicantes imprimis occuparat, quo tamen denuo, præmissa sanguinis missione, dato purgante pharmaco, cito ac facile revocari, atque alvo eliminari poterat.

Libro eodem observatione 3tia catarrhi describuntur anno 1580. mensibus Junio & Julio epidemice ac catervatim grassantes, una cum febre admodum copiosa in fauces, guttur, ac pulmonem irruente cum vocis rauedine, & tussi valida, qui præmissa ad paucas uncias sanguinis detractioe medicamentis leniter alvum moventibus curabantur.

Sed ad nostra redeamus. Etsi plerumque pectus afficiebatur, ea ratione, quam hucusque narravimus; erant tamen aliqui, qui febre continua remittente laborabant. Ea triplicis generis fuerat, vel inflammatoria, quin aliquid biliosi mixtum fuerit, vel biliosa-absque comitante phlogosi, vel denique composita ex utroque affectu. Rarissime vitium erat in solo sanguinis inflammatorio statu, quin non etiam aliquid vitiosæ materiæ in systemate gastrico hæret. Raro quoque in hisce febribus continuis remittentibus accusandæ erant solæ primarum viarum ac ventriculi præcipue fordes: morbus ex utroque vitio coaluit, bile videlicet præcordia gravante, & sanguinis phlogosi, sed sic, ut pro varia corporum ratione modo illa dominium obtineret, modo hæc.

Hinc varia quoque methodo pugnatum fuit, quæ tamen omnis intra emeticum, & sanguinis missionem constitit, potuque diluente, mulso, ita, ut modo emeticum venæ sectioni, modo hæc illi præmitteretur pro ratione prævalentis vitii.

Cortice peruviano rarius usi sumus, nisi continua remittens in perfectam intermittentem fatisceret, quæ corpore licet repurgato, nihilominus persisteret, & virium debilitate aleretur. Securius tunc cortex dabatur, nec tam facilis erat in febrim relapsus, rejecto dudum mali fomite.

A P R I L I S.

Mensis Aprilis ad medium usque frigidus, humidusque fuit, cui tempus successit serenum, ventosumque ad finem usque, manente frigore.

Pleuritides, & peripneumoniæ biliosæ fuere paucissimæ, paulo plures bilioso-inflammatoriæ; frequentissimæ vero illæ, quæ dolores rheumaticos artuum sibi junctos habuerunt.

Multa restant, ad biliosos illos, spuriosque pe-
ctoris morbos pertinentia, quæ hic commodissimum sibi locum inveniunt.

Nomine pleuritidis, ac peripneumoniæ biliosæ aliud recentiores intelligunt, quam veteres, qui crassam sanguinis phlogisticam ex albo flavescentem *bilem*, morbosque inde oriundos *biliosos* appellarunt.

Nos crudum, plerumque amarescentem apparatus in ventriculo, & ejus vicinia collectum, *bilem* vocamus, cujus sapor plerumque amarus est, subinde acidus, & austero-acidus, quin & dulcis, sed dulcedine perquam nauseosa. Rarius fors a vera sic dicta bile copiosius collecta, originem trahit, & potius cruda undecumque nata colluvies est, quæ in convenientem sibi corruptionem, ob languentem ventriculi facultatem, vel nimia ipsius humoris in corruptionem proclivitate, transmigrat, ut hinc modo acida, modo austera appareat, prout eadem materies sibi relicta modo hanc, modo illam mutationem, etiam extra ventriculum, subiisset. Colorem, & saporem amarum persæpe a bile mutuatur.

Cru-

Crudum ventriculi apparatus, cumque acidissimum, austero-acidum, fauces exurentem, & quasi acidum vitriolicum spirantem, ac dentes stupefacientem sæpissime in febribus quibuscunque æstate adulta, & autumnno inter Hungaros observavi, quin & non raro in memet ipso expertus sum. Hinc credo natam esse illam opinionem, quæ bilem *acidam* esse statuit, & morbis biliosis antacida opposuit; bilem enim appellabant sordes illas acidissimas, bilis colorem, quo tangebantur, solummodo referentes.

Tempore verno colluviem hanc bili magis analogam, & ut plurimum amaram observavimus: ea hoc anni tempore raro crassa, tenaxque fuit, sed diluta, mobilis, & ut vomitu, absque præmissio solvente potu, & levi negotio ejici quiverit, quam maxime idonea: id quod tempore æstivo & autumnali rarius accidit, ubi bilis tenax crassaque ventriculo firmissime adhæret, ut, nisi solvens medicamentum, per unum alterumve diem propinatum, materiam in primis viis collectam diluat, mobilioremque reddat, emeticum subsequens vix ullum effectum, aut saltem vix ullum levamen producat.

Origo sordium harum, systema gastricum gravantium, varia esse potest: Imo, alimenta difficilius subigenda, præcipue autem pingua, quæ in loco calido, humidoque, qualis ventriculus est, cito rancefcunt, & si acidis jungantur, in pessimam acrimoniæ corrosivæ, urentisque speciem abeunt. Hinc enim est, quod lardum, cui quis vinum superbibere, longe citius & gravius vitium in ventriculo contrahat, quam si eundem cibum aquæ potor commederit.

Defectus fructuum horæorum, & universim vegetabilium recentium, ad hujus crudi in ventriculo apparatus genesis, suam quoque symbolam confert, quin & materies perspirabilis ad partes internas re-

jecta eandem saburram vel auget, vel commovet.

Biliosa hæc colluvies genuina æstatis jam adultæ, & autumnii soboles est, experientia, & Hippocrate teste, qui L. de natura hominis ait: *bilis autem per æstatem, & autumnum corpus possidet, id quod inde cognoscere potes, quod homines sua sponte hoc tempore bilem vomunt, & in medicamentorum potionibus biliosiora purgantur. Manifestum fit, & febribus & hominum caloribus.*

Quamvis morbi biliosi hoc, quo paulo ante diximus, tempore quotannis nascantur, dantur nihilominus constitutiones quædam, in aliud anni tempus incidentes, quæ eorundem morborum genesi favent, id quod hujus anni tempore verno *ἐπὶ τοῖς χειμῶνι* experiebamur.

Id discriminis inter morbos biliosos veris, & adultæ æstatis observatur, quod illi sæpe phlogisticum quid sibi junctum habeant, aut, excussis licet sordibus, in inflammatorios migrent, rarius in malignos; hi vero, quos æstas, & autumnus gignit, septici quid malignique terant, aut in malignos facillime mutantur. Major præterea est materiæ, ventriculorum, & intestina obsidentis mobilitas, fluiditasque vere, quam autumno.

Diversissimi specie morbi, morborumque symptomata, a materia aliena in hypochondriis stabulante: producuntur, quorum nonnulla percurrere juvat, ut, quibus notis hi morbi detecti, atque ab aliis, quamdam cum iis analogiam referentibus distincti fuerint, quave etiam methodo usi fuerimus, paulatim fiat.

Dolor capitis *biliosus* omnes fere morbos biliosos comitatur, gravissimus sæpe est, quasi caput dissiliret, quod æger manibus vel suis, vel adstantium valide compressum minus dolere putat, idque leni-

minis

minis efflagitat. Dolor hic modo occiput, subinde frontem, non raro totum etiam caput atrociter affligit, itatasque periodos, quibus acrius instat, observat. Subinde adest faciei rubor, oculorum quasi scintillatio, sed plerumque faciei color $\chi\lambda\omega\rho\omicron$, id est, cum virore pallidus, qui & albi oculorum inficit. Lingua, fauces, ructus, pondus ventriculi, dolorque ejus, si contrectetur; hypochondria tensa, elevata, dolentia, dolore acuto, gravante; borborygmi, flatus; levis, & sponte orta diarrhæa, materiam alienam circa præcordia hospitantem, & omnium malorum originem aperte loquuntur. His si alvum purgavimus, raro quid boni obtinebamus.

Morbus increvit pedetentim, & sero tandem aut mortui sunt, aut non nisi difficillimi convalescerunt. At si vena secta fuerat, omnia mox ab educto sanguine in pejus ruebant: solum emetico-catharticum profuit, & constans plerumque, ac insigne levamen attulit. Vidimus quosdam a missione sanguinis mox delirare, quibus emeticum sanam denuo mentem restituit. Vidimus affectus stuporosos, incipientem opisthotonum, resolutionem musculorum faciei ex uno latere, balbutiem emeto-catharli sublatam, & cito secutos effectus mirabamur.

In mentem tunc venerat illud Hippocratis in coacis prænotationibus, scilicet, *in febre continua* (a posteriori constat, de *biliosa* mentionem fieri) *quicumque voce destituti jacentes, oculis conniventes, nutant, bi, si postquam sanguis ipsis ex naribus fluxit, & ubi vomuerint, loquantur, & ad se ipsos redeant, servantur.*

Sanguinis fluxum per nares Hippocrates requirit, ut facilius moveantur humores, & ipse vomendi conatus innoxius esset, non ab illo sanguinis per nares fluxu, sed a vomitu morbi solutionem expectans. Hoc naturæ conamen & nos subinde imitabamur, &

pauxillum sanguinis detrāximus, ut æger minori cum periculo vomeret: attamen maximam partem hac cautela opus non erat.

Recordabamur etiam illius, quod Galenus L. 5. comment. aph. 1. de juvene narrat, qui æruginem vomuerat: inter vomendum totum corpus convellebatur, & ærugine evacuata, febris statim, ac convulsio cessavit.

En historiam hucusque dicta confirmantem: vir 39 annorum, cellæ vinariæ curator, die pascha præcedente frigit, caluitque alternatim per octo continuos dies, quin tamen decumberet: tandem per gradus scalæ decedit, ut dorsum, & occiput graviter allideret: accessit dolor capitis, dorsi, lumborum, vomitus biliosus cum pauxillo sanguinis: secta dein vena melius habuit. Verum paulo post rediit dolor capitis adeo gravis, ut ad Nosocomium F. F. misericordiæ transferretur. Dato ibi emetico bene habuit. Digressus inde per aliquot dies commodè valuit, verum, exactis octo diebus, rediit idem capitis dolor cum tinnitu, susurro, & quadam sensuum confusione. Accessit respiratio læsa, sputa mucosa, viridia, lingua biliosa, oris sapor non raro amarus, nulli ructus. Molestia cardialgia, hypochondriorum, & abdominis totius tensio, alvus difficilis, pulsus celer, plenus, non durus. Vesicans ad nucham ponebatur, aliaque simul adhibebantur, quæ ex usu esse videbantur. Animus erat locum vesicante erosum diu apertum servare. Secta denuo vena est: sanguis cum crusta phlogistica. Omnis nostra cogitatio potius in lapsum, quem passus erat, etsi nihil a chirurgo detegi poterat, quam in saburram primarum viarum conversa erat. Elapso biduo quasi incipiens opisthotonus observabatur, oris ad alterutrum latus retractio, balbuties, confusio sensuum, & magna in somnum proclivitas, pulsus ce-
ler,

ler, non durus. Datum emulsum purgans ex manna, & sale amaro, fœces multas, sed absque levamine eduxit. At continuo morosus, confusus, comatosus, die, ex quo susceptus erat, quinto, emeticum hausit, quo plurima profunde flava, viridiaque rejiciebantur. A vomitu minus soporosus erat, & alacrior. Sapor oris bonus, lingua adhuc biliosa. Minor cardialgia, minorque hypochondriorum, & abdominis tensio. Respiratio facilis, indolens, sed accessit tussis. Elapsis duobus diebus denuo emeticum exhibitum: copiosa denuo, flava, viridia, & pultacea rejecit cum insigni levamine omnium symptomatum. Post emeticum datum est medicamentum salinum, quo alvus laxior ad abigendas reliquias biliosas efficeretur.

Verum paulo post, die circiter 14to, ex quo ad nos venit, cum per omnia commode valeret, intermittente quotidiana corripitur, eaque mitiori, quæ cortici peruviano auscultabat: is postea brevi ex integro sanus discessit.

Causa affectuum quorundam capitis, ac imprimis delirii cujusdam libro de affect. in hypochondriis statuitur, sic enim legitur: *phrenitis ubi apprehenderit, febris primum debilis detinet, & dolor circa præcordia, magis autem dextra ad hepar; quum autem quarta, aut quinta advenerit, & febris fortior fit, & dolores augeantur & color subbiliosus efficitur, & mens percellitur.* Alvum curandam esse, ait auctor libri; acetum, mel, & aquam propinanda. Subjungitur postea: *fit hic morbus a bile, cum mota visceribus, ac septo transverso insederit.* Nos viæ compendio usi, bilem ore potius quam alvo ejecimus.

Huc aliqua ratione pertinent, quæ in viro quodam contigisse scio, qui caput graviter ad durum obstaculum cadendo alliserat, unde vertiginosus, & capitis dolore vexatus tam diu mansit, donec æ-

ruginosa vomeret : peracto vomitu bene habuit.

Duæ fœminæ ex fumo carbonum male mulctatæ, vertiginosæ, nauseabundæ, capite dolentes manferre, donec dato emetico, bileque multum rejecta, mox a vomitu convalescerent.

Per sæpe hypochondria affecta, multaue bile rurgida caput afficiunt : nonnunquam vero caput ipsum aut lapsu, aut alia ratione affectum efficit, ut bilis copiosior in ventriculum effundatur, quæ dein ob sympathiam encephali cum systemate gastrico morbum capitis alit.

Per scrutanti singulorum hucusque narratorum rationes, & eorum, quæ paulo post recensebimus, id fortasse satisfaciet, quod prava materies præcordiorum, non eas solum partes, quibus circumscribitur, sed etiam remotius positas, & consensu quodam per observationes certo, etsi fors nondum satis explicato, inter se communicantes afficiat, aut si hoc displicet, id forte verosimile erit, particulas saburræ resorptas, partem, ad quam delatæ hæserint, vellicare, & quacunque ratione male afficere. Verum finita vomitorii actione effectus salutaris non raro citius sequitur, quam ut alibi præterquam in ventriculo mali fomitem quæras.

Morbos pectoris a bile ortos superius descripsimus. Superest, ut quæ de eorum frequentia, methodo curandi varia, ac periculo mihi constant, exponam.

Per sæpe occurrunt gravissimæ peripneumonix, ac pleuritides, quæ & symptomatum anomalia, & temporis diuturnitate, quo durant, & efflorescentiis, præcipue miliaribus, supervenientibus, clare ostendunt, quod non ex illa pleuritidum, aut peripneumoniarum familia sint, quam Sydenhamus satis certo curari posse asserit, dum vim curationis fere totam in repetita venæ sectione ponit. Eximius hic ob-

observator pleuritides suas raro in adultis, citra jacturam 40 unciarum sanguinis, curavit; at occurrunt haud infrequentes pleuritides, quæ, facta licet duplo majori sanguinis impensâ, nihilominus adeo non mitigantur, ut hominem & gravius affligant, & demum jugulent.

Est, cur credam, pertinaces hæc pleuritides eas esse, quas nos *biliosas* appellamus, aut ex utraque, *biliosa* videlicet & *inflammatoria*, *compositas*.

Quod si simplex pleuritis biliosa, aut etiam composita, ita tamen, ut levior tantum, eaque secundo nata phlogosis sit, multum interim prædominante vitio, morboque bilioso, sanguinis missionibus sollicitetur, fieri necessario debet, ut, sanguifero systemate depleto, plus materiæ biliosæ in ventriculo, & intestinis hospitantis transferatur, visque vitæ debilitetur, quo minus inimicas materiæ alienæ particulas excutere valeat, & ipsius ventriculi robur, plus æquo imminutum, adhuc magis dejiciatur.

Certe longe plures hac medendi ratione interirent, etsi non pauci intereant, ni errores per toties repetitas sanguinis missiones commissi aliqua saltem ex parte corrigerentur. Qui enim ita medicantur, languidam, dejectamque vitæ vim vesicantium, & epilepticorum stimulo suscitant, copioso potu melito, nitrosoque saburram diluunt: inde aptior resorptioni redditur, totaque successive in sanguinis massam transit, ac demum per varia corporis, colatoria lente difficulterque eliminatur, dum interim æger inter mille mortis propinquæ imagines miseram vitam trahit, & si etiam vim ac diuturnitatem morbi superet, non nisi tarde eluctatur.

Qui vera, essentiali, ac inflammatoria pleuritide laborat, cito sanatur, nique alia prava prædispositio adsit, cito pristinas vires recuperat, ac recidivis

mi-

minus subjacet. Huic enim nimium solummodo fibrarum robur solvere, sanguinis copiam demere, ejus consistentiam æquo majorem diluere, & illum sanitatis nimiae excessum ad justam mediocritatem reducere oportet. At vero is, qui, ob languentem systematis gastrici œconomiam, sordes diutius collectas circumfert, qui, profuso per repetitas venæ sectiones vitali latice, ad incitas redactus, per miserimum a vesicantibus petatum auxilium id obtinet, ut illud paucillum relictæ sanguinis dissoluti, impurique, citatori suo circuitu amissi quantitatem suppleat, vitæque tenuissimæ scintillam alat, næ is inquam aut nunquam omnino, aut non nisi longissimo post tempore, & exquisitori artis auxilio, naturæque benignitate singulari, ad pristinam sanitatem redibit. Labefactata corporis compages eum relapsui, aut aliis morbis diuturnis, magis reddet obnoxium. Quot homines quotidie videmus, qui morbi acuti sequelas tota sua vita lugent!

Hæc methodus, quæ sanguinis missione repetita, copiosaque, potu multo diluente, ac vesicantibus morbos biliosos tentat, sæpius spectata, medicos non paucos deterruit, ut eandem deseruerint penitus, atque arripuerint aliam.

Hinc sunt, qui cum, una alterave præmissa venæ sectione morbum incrementum vident, *malignitatem* clamant, atque ad antiseptica confugiunt.

Tantam sanguinis jacturam æger hac medendi ratione non patitur, sed medicamentis stimulantibus, aromaticisque urgetur: qua re fit, ut, quidquid pravæ in primis viis materiæ hæret, id totum intra sanguinis alveum adigatur, cum eoque circumductum per corpus, gravia symptomata progignat, donec tandem, attenuata, subactaque stimulantium vi, ad corporis superficiem deferatur, ibique, distillata tenuiori parte, relictæ in extremis vâculis crassiori sub-

substantia, exanthemata, ac ecchymata producat, utique critica, sed crisi perquam difficili.

Genesin efflorescentiarum in sordibus systematis gastrici quæri fere semper debere, multorum, atque etiam nostris observationibus, convictum videtur. En ideam miliarium pleuritidi, peripneumoniæve supervenientium.

Etsi hanc utramque morbis biliosis medendi methodum merito reproben, quicunque morbi notionem paulo distinctiorem habent, nihilominus non infrequentes nobis casus oblatis sunt, ubi alterutra opus fuit. Contigit enim subinde, ut morbo bilioso detenti, factis extra Nosocomium jam aliquot venæ sectionibus, ad nos deferrentur. Quod in primis viis alieni tunc restitaret, dato quidem emetico ejectum fuit. At multum interea ejusdem pravæ materiæ, in communem humorum oceanum delatum, nec emetico, nec purgante revocari denuo poterat. Potione multa diluenda erat absorpta suburra, omniaque corporis colatoria aperta servanda, ita tamen, ut alvus præprimis pronior redderetur ad excipiendum, quidquid recrementitii illuc deponeretur.

Quod si vires vitæ succumbere viderentur, vesicantium, & radicis serpentariæ virginianæ, contrajervæ, camphoræ &c. stimulos subdidimus.

Ita & hac methodo usi sumus, ubi phlogosis juncta primariam attentionem & medelam postulabat; cum enim inflammationi obviam iretur, increvere symptomata biliosa, bile dominium in toto jam corpore obtinente. Quo factum, ut emeticum quod ad initium inflammatio prohibuerat, serius datum nil amplius in bilem absorptam potuerit: hic spem in repudiata alias methodo posuimus.

Symptomata quædam difficiles nobis explicatus admittere sæpius videbantur. Sic nulla sæpe primarum viarum affectarum signa apparere, quibus con-

filus

fusus emeticum tuto exhibere potuisses : sola aderat paulo frequentior alvi dejectio , pulsus naturali citatior , parum tamen , & mollitie consueta : cæterum & lingua , ut in sanis solet , & bonus assumptorum sapor. Nullum circa ventriculum incommodum. Subinde faciès solummodo prærubra , & oculi scintillantes erant. Hos si missione sanguinis aggressi sumus , gravissime id tulere : at dato emetico ingens materiæ viridis , flavæ , nigricantis , pultaceæ , moles rejecta admirationem nobis fecit , qui fieri possit , ut tanta ejus vis tamdiu collecta circa præcordia morari queat , quin luculentius præsentia suæ signum det.

Habuius hominem , qui , excepto capitis dolore , tremore labii inferioris continuo , modica hypochondriorum tensione , ac punctorio , sed levissimo tantum dolore sub infimis costis spuris lateris sinistri , nil querebatur. Ternis per intervalla exhibitis emeticis , pultem biliosam , eamque magna quantitate cum levamine vomuit.

Aliqui ructus acidissimos questi , materiam acidousteram , ac dentes stupefacientem , vomitu rejiciebant. Saburram & odore , & sapore acidissimam , austera , fauces exurentem , colore viridissimam . in Hungaria , cum adulta æstate febres biliosæ grassarentur , sæpissime vidi.

Apparatus crudus , rancidus , amarus , biliosusque , ab assumptis acidis vel acescentibus , in acerrimam acido-austera acrimoniæ speciem degenerat : idque æstate & autumnò , uti supra notabamus , quo tempore vis coctrix magis languet , frequentius accidit , quam vere. At male inde *acidam* bilis naturam quis statueret absorbentibus solis corrigendam.

Constat per experimenta Pringliana , partes animales putridas , si vegetabilibus misceantur , fermenti instar agere , & vegetabiles substantias in acido-

do-austeram acrimoniam convertere; unde saburræ acidæ in his origo explicatur.

Inde fors apta explicatio peti potest illius inter Damnonios epidemice grassantis colicæ, quam cl. Huxhamus peculiari opusculo descripsit. Alio quoque signo utebamur, quo morbos gastricos a colluvie materiæ alienæ ortos a febribus inflammatoriis distinximus, si etiam reliqua fere omnia nos deficerent, urinis scilicet parvis, frequenter missis, profunde flavis, principio morbi statim deponentibus. Galenus ait, *Commi. 4 de victus rat. part. 43. quibus principio urinæ & nebulosæ & crassæ existunt, hos annuentibus cæteris purgare convenit: quod si urinæ inter initia tenues fuerint, tales non purgabis; at, si videatur, clysterem exhibebis.*

Multum interest, ut omnia morbi cujuscunque signa colligantur, quæ medentium memoriæ firmiter inhæreant; nam dum morbus primum nasci incipit, dumque nondum formatus, nondum luculentis characteribus insignitus, sub ambigua adhuc, pluribusque aliis communi, forma delitescit, per difficile sæpe accidit, morbi *solummodo inchoantis* speciem determinare, eumque mature, atque adhuc in herba suffocare.

Hinc nullum nec levissimum signum, quod ad diagnosin horum morborum *fieri primum incipientium* aliquid conferre potest, unquam negligi debet.

Idem persæpe languor corporis, eadem inappetentia, calorisque sensus præternaturalis observatur, siue aliquid pravæ materiæ systema gastricum afficiat, etsi ea vix ullum præsentia suæ paulo certius signum det; siue vero in systemate venoso, & arterioso sanguis vel phlogosi, vel plethora peccare inceperit. At vero etsi morbus utrinque sub eadem propemodum larva ingrediatur, non erit idcirco indifferens, an ventrem purges, vel vero sanguinem

mittas. Magnum certe in utramque partem momentum afferes, quidquid feceris, & morbum vel adhuc in cūnis jugulabis, vel ut præceps feratur, certo efficies.

Hanc morborum *sentium* diagnosin Baglivius inter *desiderata medica* reposuit, medicosque exhortatur, ut suam quisque symbolam pro locupletanda hac scientiæ nostræ parte conferat.

Hæc ratio est, quare minutiora quædam paulo scrupulosius subinde persequar, omniaque colligenda esse opiner, unde morbi aut complicati, aut latentis, aut inchoantis, incertique ideam, ut phrasi Balloniana utar, *venari* possimus.

Ardorem thoracis, oppressionem pectoris, tussimque, quam in pleuritide ac peripneumonia biliosa observavimus, duplici origine nasci posse supra inuimus. Scilicet vel ex resorpta, & ad pulmones delata materie aliena, vel ex solo pulmonum cum ventriculo consensu.

Id forte de *biliosis his thoracis morbis* aliqua ratione dici potest, quod Galenus de febre ardenti scribit Comment. 4. Aphor. 55. *febrim ardentem fieri novimus, quando venæ exsiccatae acres ac biliosos humores ad se traxerint.* Nihilominus cum sputum sanguinis, quod etiam in hac biliosa pleuritidum specie subinde occurrit, statim absoluta emetici actione frequenter cesset, multum quoque consensus poterit.

Id in pueris tussi stomachica laborantibus frequens est, ut gravatus ventriculus pulmones crebra tussi sollicitet, qua ruptis exiguis in pulmone vasculis sanguis prodit. Correcto ventriculo pulmo quiescit, & sputum sanguinis cessat.

Hanc sputi sanguinei speciem probe pariter distinguere ab illa oportet, quæ aut sanguinis missione, & emollientibus, uti in inflammationibus pulmonum nonnunquam accidit, aut etiam roborantibus, uti
in

in iis fit, qui ob laxos pulmones cruenta sputant; indiget; cum utraque hac methodo, ea sputi sanguinei species, de qua agimus, incrementa capiat. Fit tamen, ut vera interdum pulmonum inflammatio cum spuria hac specie complicetur, & sputi sanguinei ratio in natura veræ phlogoseos quæri debeat.

Linguam, uti illam in omnibus morbis febrilibus magni fecimus, sic in biliosis maximi, illius Hippocratici memores L. 6. de morbis popularibus sect. 5. *lingua urinam significat. Linguae virides cum pallore biliosæ. Biliosum autem a pingui: albæ a pituita. Lingua concolor attingentibus ipsam humoribus, quapropter per hanc humores cognoscimus.*

Observavimus in morbis biliosis a venæ sectione levamen, sed momentaneum haberi, morbumque paulo post validius urgere. Sanguinis missio fibras ab acri bilioso vellicatas crispatasque ad exiguum tempus relaxat: at si venæ, ut Galenus ait, *copiosorem bilem attraxerint*, morbum augeri necesse est.

Mala ab attracta biliosa materie oriri solita, quæve nec venæ sectionibus; nec quocunque alio modo, nisi tempestiva emetici exhibitione tolluntur, Libro de veteri medicina Hippocratico penicillo depicta videmus: *cum amaritudo quædam diffusa fuerit, quam bilem flavam appellare solemus, quales statim anxietates, & æstus, & impotentiae occupant! verum ubi liberati fuerimus ab illa aut sponte, aut per medicamentum, si modo tempestive quid ipsorum fiat, manifeste & a doloribus, & a calore liberamur. Quanto autem tempore eadem elevata fuerit, & cruda, & meraca, & intemperata, nulla arte neque dolores, neque febres sedare possumus. Et quos quidem acuta, acrisque ac æruginosa bilis affligit, quales mox rabies & morsus viscerum, ac pectoris, & desperatio! non*

sedantur autem hæc, priusquam eadem expurgetur, & prosternatur, & aliis permisceatur.

Momentaneum hoc a sanguinis missione levamen in juvene, biliosa saburra laborante, nos seduxit, ut morbum alia, quam oportebat, ratione, curaremus. En ejus perbreve historiam: juvenis 18. annorum, faber ferrarius, 20. Maji ad nos venit. Ante 5. dies vesperi lassitudine, dolore lumborum, pectoris oppressione, dolore punctorio ad sternum afficiebatur. Sitis multa, tussis nulla, frigus internum continuum, & extremorum calores querebatur. Caluit multum, si contractaretur. Dolor capitis aderat, lingua multum biliosa. Dolor in molli parte hypochondrii sinistri. Pulsus celer, fortis, plenus. Nulla alia consuetata biliosi apparatus signa. Animus erat, præmissa venæ sectione die sequenti potionem emeticam propinare. Secta vena est. Sanguis bonus extractus cum insigni levamine diutius, ac alias solet, persistente. Emeticum omisi, meque in diagnosi deceptum, morbumque, quem pridie *biliosum* declaraveram, nunc *inflammatorium*, ob insigne, & satis diuturnum a sanguinis missione levamen, argumento a posteriori, ut ajunt, desumpto, arbitrabar. Sumpsit potum hordeatum cum oxymelle. Verum cum exacto uno die symptomata pectoris multo gravius redirent, eadem usus medela sum, sanguinis scilicet missione, ut ut longe parciori, ac prima vice. Denuo insigne levamen, sed minus diu durans. Accedit sensuum hebetudo, stupor, abdomen dolens, præcipue hypochondrium sinistrum, gravissima pectoris oppressio, pulsus celerior multo, quam in principio. Mens sæpe vacillat. Datum emetico-catharticum est, quo multa flava, viridia ore, & alvo ejecta sunt. Post emesin mens nondum ex integro rediit, sed adhuc subdelirat, attamen rarius mitiusque, quam antea. Dedi tincturam rhei aquosam cum sale medio ea dosi,

quæ:

quæ alvum servaret apertam, etsi cavebam, ne fusior fieret, & vires agri convelleret. Aliunde noveram, quantum boni afferre paulo laxior alvus soleat eo in casu, ubi morbus biliosus prava ad initium methodo curabatur, & cruda systematis gastrici materies sanguinem inquinaret, cum sordium biliosarum, si massam humorum intrarint, aptissimum colatorium alvus sit, quo sensim reductæ commodissime eliminantur. Mens interea rarius vacillabat; verum ingentem capitis dolorem querebatur. Oculorum pars alba rubebat ex integro: minor abdominis dolor, minorque oppressio pectoris. Sed cum pulsus mollis, debilisque admodum evaderet, celeritate ferme naturali, lingua, antea biliosa, aresceret, camphoræ, radice serpentariæ virginianæ, contrayervæ & sinapismorum stimulos subdidimus, ut, quidquid extra terminos systematis gastrici situm est; & aut visceribus infixum, aut circumductis humoribus permixtum, extricetur. His effectum est, ut mens sæpius rediret, ac antea, pulsusque vegetiores redderentur, lingua humectaretur &c. Verum cum hypochondriorum meteorismus, dolorque intenderetur, datum denuo emeticum est, quod copiosam bilem multo cum levamine excussit. Ab emesi secunda vice celebrata, subjunctisque denuo cardiacis mens ex integro, & plena, tardo licet passu, convalescentia rediit.

Emetici vices purgans pharmacum subire non posse, & observatio frequens, & ratio docet. Qui materiem alienam in ventriculo, & partibus, illi communicantibus, stabulantem, purgante aggreditur, aut nihil agit, aut morbum graviores reddit: hæc enim, cum ex ventriculo ad inferiora deturbatur, per longissimum intestinorum canalem circumducta, & vasis resorbentibus quamplurimis ad-

plicata, ab iisdem excipitur, & sanguinem, vitii hucusque expertem, inficit.

Damnanda ergo praxis est, quæ adeo mollem medicinam facit, ut nunquam emeticum, ut ut indicatissimum, propinare audeat, sed eccoproticis, veterumque minorativis, sæpius, & per epicrasin datis, morbum, unico emetico jugulandum persæpe, cum periculo ægri non exiguo in longum trahit.

His antiquissima observatio suffragatur; bilem enim frequentius, tutiusque vomitu vacuari, Hippocrates L. 4. de morbis testatur: *quantum quidem in ventriculo, & vesicula inest bilis, quod quidem in ventriculo est, aliquando deorsum exturbatur, plerumque vero in primis diebus vomitur, aut in quatuor, aut in quinque.*

Nos, a natura ipsa edocti, in principio bilem emetico potius, quam purgante vacuavimus.

Huc faciunt, quæ L. 7. de morbis popularibus habentur: *subpurgandi sunt ventres in morbis, ubi purganda matura fuerint; inferni quidem, ubi considisse videris. Signum habes, si non anxii fuerint, neque capite gravati, & cum calores mitissimi, & cum post exacerbationes cessarint. Superni vero in ipsis exacerbationibus: tunc enim & hi elevantur, cum anxii & gravati supernis partibus fuerint. Propterea vero in principiis purgandum non est, quoniam sua sponte in his temporibus (vomitu scilicet) expurgantur.*

Tutius ergo dari emeticum potest, quam purgans, cum illud in ipsis adeo exacerbationibus exhibere oporteat, hoc non nisi post illas. Propterea vero usum evacuantium in principio morbi superfluum putat, quod biliosa collectio sua sponte evacuetur. Verum ubi natura, muneris sui velut oblita, salutare hasce evacuationes non ciet, quidni, ars naturæ imitatrix, id suppleat, ut idcirco in exordio

more

morbi emesis tuto moveatur, quæ multoties alias cum emolumento ægri sponte fit.

Præstantiam emeticorum præ solis purgantibus cl. de Præval in præclara, etsi perbrevis, dissertatione de vomitoriorum usu in peripneumonia putrida (*vid. T. II. Disputationum ab Ill. Hallero collectarum*) ita demonstravit, meamque mentem, cum serius in hanc dissertationem incidere, ea ratione expressit, ut integrum textum non possim non transcribere: *antequam faceßant ægri vires*, ait cl. Auctor, *nequidem expectato morbi decremento, cathartica, cathartico-emetica, & ipsamet emetica cito & tuto exhibeamus. Prævis enim nondum evacuatis luxuriantibus fermentis, frustrancum expectaremus decrementum, in pejus rueret cunctando malum, & certo certius morti occumberet, antequam veræ & genuinæ methodo committi potuisset æger. Rite ergo præparatus lene catharticum hauriet? Est, sed uberior, viscosaque nimis iurget saburra, quam ut cathartici foras amandari queat, tempus urget, in promptu adest auxilium, cathartica emeticis stimulata (granis aliquot tartari stibiani) vel multa quidem aqua dilutas antimonii ipsissimas exhibeamus præparaciones, quæ blande, & efficaciter purgant; in eo quippe casu excandesceret pectus, plus æquo intensa & agitata sanguinis mole, si simplici leniori cathartico saburræ foras educerentur, hoc præsertim cælo eliminatu difficillimæ.*

Pro vomitu concitando usi sumus solutione tartari emetici, juxta normam in dispensatorio Viennensi præscriptam, parati: grana quatuor in libra aquæ solvimus, cujus quartam partem singulo horæ quadrante vomituri potabant. Post singulas vomitiones aquam tepidam bibebant, quo facilius atque majori cum emolumento vomant.

Multiplici prærogativa hoc medicamentum præ quovis alio gaudet: numerus vomitionum propemodum

dum in medici potestate est, cum potio hæc per epicrasin propinetur. Præterea vim emeticam incertius, quam a quocunque alio vomitorio, ac citius experimur. Radix ipecacuanhæ subinde effæta, aut si etiam recens sit, non raro mucosis ventriculi for-
dibus involuta, aut nullam, aut non pro dignitate, aut alium, qui non quærebatur, effectum producit.

Etenim radix hæc non raro, nulla excitata eme-
si, purgantis instar versus alvum ruit. In delica-
tioribus contigit, ut nauseosam radicem vix devora-
tam fastidiosi rejicerent, & sperato effectu frustra-
rentur. Tartarus vero emeticus aqua solutus, &
hac methodo exhibitus, etiam delicatissimis tuto da-
tur: vis ejus solvens, attenuans pulchre quoque eo
in casu convenit, ubi mucosa colluvies lateribus
ventriculi firmitus adhæret.

Cum rarissime accidat, ut solummodo ventriculus
gravetur, quin non & intestina aliquid vitiosæ ma-
teriæ attraxerint, alia quoque is virtute præstat, ca-
thartica scilicet, ut adeo hæc potio cathartico-eme-
tica *choleram* quasi *artificialem* cum bonis ægrorum
rebus excitet. Lipyriam febrim, quæ ex biliosa-
rum familia est, non solvi, nisi superveniente chole-
ra, notavit Hippocrates. Id quod natura sui con-
servatrix salutari molimine nonnunquam sola facit,
medicamento nos præstitimus cathartico-emetico.
Eadem solutione tartari emetici, refracta admodum
dosi, usi sumus sæpiissime kermetis loco. Kermes
aqua non solubilis, in mixturis pectoralibus nosoco-
mii nostri minus commode exhibebatur; etiamsi
enim vasculum, quo medicamentum continebatur,
probe concuteretur, tamen inæqualis portio, &
sæpe nihil omnino kermetis æger acceperat, donec
cum ultima dosi mixturæ totam kermetis, in fundo
hærentis, portionem hauriret.

Solenne remedium expectorans erat ex aquæ sam-
buci

buci unc. v. oxym. simpl. & squill. ā unc. i. tart. emet. gr. ij. Si commode æger ferebat, etiam grana tria addidimus, ut intra 24 horas totum absumatur, divisum in doses sex.

De præparanda ante vomitum materia id dico, nos plerumque, ubi emeticum requirebatur, absque prægressis solventibus id dedisse. Tumultuarium hoc videri posset, atque inconsulto factitatum, ni observatio frequens nos docuisset, id utiliter fieri. Materies plerumque ex integro mobilis fuit, & ad evacuationem parata, aut, si quædam solummodo materię portio soluta, reliqua vero tenax, & glutinosa fuerat, id saltem obtinebamus, ut, quod mobile fuetat, ejiceretur, reliquæ vero ipsa vomendi actione, vi medicamenti attenuante, solventeque aptæ redderentur, quo repetita denuo vomitione vacuari quiverint. Id enim intendebamus, ut mali fomes quantocius, & cum temporis & laborum compendio excutiat.

Nunquam, aut perraro, sanguinis missionem emetico præmisimus, ac non nisi præsens aliqua inflammatio eam posceret. Præsenti solummodo malo medebamur: nolebamus hominem, ut ut sanguinis copiam, & robur fibrarum insignē ex pulsu, aspectuque metiremur, morbo bilioso laborantem vel paucio sanguine privare, ne magis eidem morbo, quem emetico curabamus, obnoxius reddatur. Non suffecerat, quod æger sanguinis detractionem *ferre possit*, requirebamus etiam illud, ut *necessaria* sit.

Univerſim in profundendo vitali latice paulo parciores eramus. Non omnem caloris prænaturalis sensum, non omnem motum febrilem a sanguine phlogistico, copioso, orgastico nasci arbitrabamur, observationibus ita docti. Ventriculus, abdomen injuriis magis patent, quam systema sanguineum, & si quid in hoc vitii sit, plerumque id secundario ortum

est, labe a ventriculo, & intestinis tracta. Sæpius in mentem venit illud Celsi L. 2. C. 10. sanguinem incisa vena mitti novum non est, sed nullum pene morbum esse, in quo non mittatur, novum est.

In pleuritide, & peripneumonia biliosa sæpius, morbo jam in melius vergente, diarrhœa supervenerat, ægro perutilis, nisi fors nimium fusa alvus vires convelleret, & sputa supprimeret: moderatior summopere profuit; hac enim materies in ventriculo, & intestinis restitans, quæ nec vomitu ad initium rejecta, nec resorpta ex integro ad vias secundas transiit, multo potu diluente assumpto mobilis facta, alvum petiit, fortunato utique naturæ conamine.

Non est hæc illa pleuriticis superveniens, & ab Hippocrate damnata diarrhœa, quæ a pure in pulmonibus jam nato, & ad intestina labente provenit, mortis prænuntia, aut quæ, dum inflammatio, latius serpens, vicinas pulmonibus partes corripit, vellicatque, liquidiores sanguinis partes alvo eliminat, restitante interim cruore, & per vasa difficiliter moto. Hæc ægris perniciofa a viis secundis oritur, sese in primas exonerantibus: illa salutaris reliquias biliosas everrit.

Alterum est, quod cum alvo hac laxiori plerumque observatur, spurum videlicet crassum, tenax, glutinosum, cujus excretio æque utilis, ac necessaria est. Hinc alvum sæpe reprimere oportebat, ubi uno alterove die copiosior fuerat, ne expectoratio supprimatur, pulmones a resorpta materie liberans.

Dedi tunc optimo cum effectu singulis horis pulverem compositum ex grano dimidio kermeteris mineralis, & quarta parte grani laudani puri triti cum pauxillo sacchari, vel etiam omni bihorio pulverem

ex

ex eadem laudani quantitate, & grano uno-kermetis mineralis præparatum.

Hoc quoque tempore vesicantia egregios effectus præstiterunt; vis enim cantharidum movens, glutinosa incidens, attenuans, solvens, sputa pulchre promovebat, quin alvum sollicitavit. Nam cætera expectorantia, alvo per se jam nimium lubrica, antequam in sanguinem recepta destinato fini satisfaciant, vim potius catharticam exerunt; verum cantharidum particulae massam humorum, insalutatis primis viis, subeunt, & sputa promovent.

Hoc scopo si vesicantia adponerentur, locum vesicante tentatum nunquam permisi epidermide spoliari, sed ea relicta, & adposito siccante remedio deligatio fiebat, dein altera, quin & tertia vice, ac sæpius, ubicunque commodum videbatur, aliud vesicans applicari curavi.

Vim illam cantharidum, qua in totum corpus, atque etiam in pulmones agunt, unice spectans, diuturna loci suppuratione aut peculiari attentione ad locum, quo adplicentur, non egebam.

Quod usum expectorantium concernit, non est eadem apud omnes lex. Nos equidem damnabamus praxin illam, quæ, sive in vera essentiali ac inflammatoria pulmonum inflammatione, sive in hac spuria biliosa, aut inflammatorio-biliosa, mox in principio morbi medicamenta moventia ex stibio non abluto, ex kermete minerali, aliisque hujus generis exhibet. Quamdiu enim, e. g., in vera pleuritide phlogosis manet, tamdiu sola viget solvendi, emolliendi, & massam sanguineam minuendi indicatio: verum ubi primum morbi inflammatorii stadium præterit, discussaque phlogosi materies mobilis effecta, ob lentorem, aut vim vitæ nimis dejectam, Sputando educi nequit, pulmonesque suo pondere gravat, convenit, medicamento movente, attenuante, stimulante

viribus vitæ debilitatis suppetias ferre, ut omnes secretiones, & excretiones, quæ ob morbi vehementiam, diuturnitatem, prægressasque copiosas evacuationes languent, admoto expectorantium stimulo resuscitentur.

Cochionem, crisinque die quodam decretorio peragendam, & quæcunque huc pertinent, si restricta magis significatione acceptentur, ut non quævis morbi solutio, quocunque tempore modovè facta, crisis dicatur, ad morbos biliosos attinere non putabamus.

Controversiam de dierum criticorum veritate innatam existimo, quod alii in omnibus febribus acutis dies criticos quæsierint, atque etiam in omnibus observasse putarint, etsi eosdem solum in aliquibus vere observarent: alii vero, cum in plurimis non observarent, dies criticos ad superstitiosa antiquitatis figmenta, conclusione latius, ac par erat, deducta, retulerint.

Morbi febriles, quorum materia, fomesque intra humorum circulantium limites positus est, & circulationis legi subjacet, *magna ex parte* cochionem, crisinque die critico peragendam admittunt, cum motus cordis & arteriarum materiam hanc alienam intra vasa sanguifera contentam subigat, attenuet, & excretioni, quæ coctæ materiæ magis convenit, aptam reddat.

Attamen non omnis omnino aliena materies intra humorum circulum recepta, ut ut & subigi, attenuari, expellique, id est, *coqui*, & *critice evacuari* debeat, modum diesque ab Hippocrate descriptos observare videtur.

Verior, & observationibus recentiorum stabilita dierum criticorum doctrina erit, si ea unice materiæ phlogisticæ in ipso circulante sanguine natæ, nec aliunde receptæ adaptetur, ut ideo soli morbi inflamm-

inflammatorii certo dierum numero, certove modo judicentur.

In morbis gastricis materies motui cordis, & artiarum exposita non est, sed iners in ventriculo ac intestinis hæret, & vim vitæ subigentem, attenuantem, expellentemque non experitur: hinc in sensu saltem strictiori coctio, critica perturbatio, & crisis in morbis hisce locum non habet.

Medicus ipsemet dato solvente, attenuante medicamento, quodve morbi materiem mobilem efficit, naturæ coquentis vices, subit, ac, dum fomes mali ad excretionem aptus evasit, exhibito aut emetico, aut emetico-cathartico *perturbationem criticam, crisinque artificialem facit.*

Quemadmodum igitur coctionis, criscosque negotium in morbis inflammatoriis a sola propemodum medicatrice natura provenit, ita in febribus gastricis id solius propemodum medici opus est. Is in febribus inflammatoriis naturæ solummodo hinc inde succurrit, sæpissime otiosus tantummodo moliminum ejus spectator est. In gastricis, a crudo humorum apparatu oriundis, parum natura facit, medicus plurimum.

Restant aliqua, quæ medentem subinde diu multumque suspensum tenent, in partesque trahunt varias, *biliosane* pleuritis sit, an *inflammatoria*, vel vero, an ex utraque *composita*, sollicitè secum disputantem; non enim ea semper horum morborum ratio est, ut non multa inter se communia habeant, nec alterius persæpe speciem præ se ferat.

At gravem ex commisso in diagnosi errore noxam sequi necessum est. Ut ergo secura pleuritidis veræ a spuria diagnosi instituat, sequentia erunt perpendenda.

Imo. quænam eo tempore epidemia regnet: equidem difficile id persæpe accidit, nisi cui quam plurimi

rimi ægri curandi obveniunt. Hinc epidemias, earum augmentum, statum, decrementum copiosior plebis ægrotantis concurlus ad nosocomia quam optime docet.

Toto hoc verno tempore sordes primarum viarum, febresque inde multiplices oriundæ prædominium obtinebant; etsi hæc ipsa anni pars inflammationibus alias infamis, biliosis non raro phlogosin adsperserit. Hinc regnante hac epidemia edocti statum primarum viarum attentius observabamus, quas fere semper, quiscunque alius simul morbus fuerit, epidemico hoc vitio laborantes deprehendimus.

Hac occasione non possum non deprædicare illorum industriam, qui non solum quovis fere mense in adversaria referre consuevere, qua sanitate usi homines eo tempore fuerint, quinam dominium habuerint morbi, quinam orti de novo, quinam vero mitiores facti, quinam cessarint penitus, sed & simul atmospheræ, in qua vivimus, statum adnotant. Quod si plures, paulo attentius, singulas hæc res conscriberent, atque quasdam quasi ephemerides componerent, brevi in immensum excresceret observationum numerus, ex qua tam vasta collectione quidam quasi canones, de diverso atmospheræ habitu ad hominum diversam valetudinem, deduci possent.

2do. ut in diagnosi pleuritidis vel peripneumonix biliosæ non erres, symptomata supra recensita in morbis hisce thoracis probe oportet memoriæ infixæ habere.

3tio. multa docet præcedens valetudinis status. Pleuritis enim vera inflammatoria plerumque validissimos, & inopinantes aggreditur. Pleuritis vero spuria biliosa lente progreditur, & a dejecto appetitu, signisque primas vias affectas denotantibus longo antea tempore sese monstrat.

4to. frequentior in iis hic morbus deprehenditur, qui

qui victu crudo, uti plebs infima solet, utuntur, quive ventriculo alias debili & imbecilli sunt, aut a natura temperamentum biliosum nanciscebantur.

5to. ad diagnosin securius instituendam facit quoque hæc observatio, quod dolor in pleuritide, & peripneumonia hac spuria, inter tussendum, respirandumque raro augeatur, cum e contrario, qui vera pulmonum inflammatione laborant, non tussiant, neque respirent absque insigni pectoris incommodo. Præterea tussis rato cruenta est in biliosa pleuritide, nisi illa validior sit, ut ipso tussendi conatu aliquid sanguinis exprimatur.

6to. in spuria pleuritide scrobiculum, hypochondria, abdomen, & lumbi maxime afficiuntur, non autem æque in vera.

7mo. alvus diarrhœica biliosa longo ante morbum tempore non raro observatur; secus in vera pleuritide, nisi per accidens id fiat.

8vo. urina non ruffa, sed flava, vitellinum colorem referens, biliosa, sæpe cum sedimento aut mucoso, aut lateritio, vel ante morbum, vel & in ipso pleuritidis biliosæ exordio observatur. In vera autem pulmonum inflammatione urina ruffa est, & absque sedimento.

9no. Febris pleuritidi veræ juncta *continua* est, cum levi ut plurimum ad vesperam intensione absque intermixtis horripilationibus; at vero febris, pleuritidis biliosæ comes, ex familia *continuarum remittentium* esse solet, ubi aut flato tempore, aut & per incerta intervalla, exacerbationes redeunt, sive id quotidie, sive omni tertio, quartove, sive etiam eodem die sæpius contingat.

10mo. Pulsus in vera pleuritide fortis, durusque est, & ut Petrus Forestus ait, *tactum ferrat*; at in exquisita, non complicata, biliosa, mollis est, & varia in variis celeritate.

Per:

Perpenſis hiſce, conſideranda quædam ſymptomata ſunt, quæ utrique pleuritidi tum veræ, cum & ſpuria, bilioſæque ex æquo conveniunt, ob eam rationem penitus pernoſcenda, quod letali cum eventu medentem ſæpe numero in errorem inducant. Ea fere ſequentia ſunt:

1mo. Oris amaror. Oris amarorem in bilioſis fere ſemper obſervamus, non tamen ita, ut abeſſe non poſſit, magna licet colluvie cruda bilioſa primas vias gravante. Verum ſubinde in iis, qui bilioſo vitio non laborant, atque in *vera pulmonum inflammatione* hic oris amaror deprehenditur. Hinc ſerio monendum eſt, ne quis nimium præcipitata concluſione, ex ſolo ferme amarore oris, prædominantem bilioſam colluviem aſſeſſe ſtatuat, & funeſtam ægro medicinam faciât.

2dum. Symptoma ſæpe anceps, & utrique morbo commune eſt vomituritio, vomitusque. Etenim non infrequentèr accidit, ut pulmo vera inflammatione tentatus proximum diaphragma, ventriculum, & œſophagum in conſenſum trahat, ac vomendi deſiderium, & ipſum adeo vomitum moveat. Hinc quemadmodum a cauſa idiopathica, in ipſo ventriculo exiſtente, vomituritio & vomitus fieri queunt, ita & ventriculus ſympathice nonnunquam a pulmonibus inflammatis afficitur.

3tio. ipſa bilis, hoc vomitu ſponte excitato reſecta, necdum ſufficit, ut de pleuritide bilioſa concludam, ſi cætera reclamant; in omni enim prope modum vomitu, præcipue paulo vehementiori, bilis in inteſtina & ventriculum exprimitur, vomituque reſicitur, idque etiam in homine cæteroquin ſaniſſimo accidit.

4tum ſymptoma, fallax ſæpe, eſt rubor faciei, genarumque, qui tam in vera pleuritide, quam in ſpuria, bilioſaque obſervatur. Eum obſervari in-

inflammatione pulmonum vera, facile captu est, nec ulteriori explicatione indiget. Verum certa est observatio Ballonii, sæpius apud ægros nostros confirmata, eos videlicet, quorum ventriculum, & intestina crudus apparatus obsidet, subinde pallere quidem, virescereque, persæpe tamen summo opere rubore suffusos esse, ita, ut & album oculorum rubeat. Est quoque Hippocratis ipsius observatio, eos, qui facie rubent, aut sanguineos, plethoricosque esse, aut, quod huc pertinet, abdomen habere stercoreibus, ut ait, vetustis obsessum. Sed neque genarum pallor, & virescens faciei color unisolummodo biliosæ pleuritidi convenit.

Etenim permulti sunt, quorum pulmones vera, diraque inflammatio tenet, etsi vultu sint pallidissimo, oculis semiictericiis, corporisque totius eo colore, quem græci non exprimendo alias vocabulo *χλωρον* appellavere, ac si diceres, ex pallido virescente. Serum enim phlogisticum, quod crustam in patella flavescentem exhibet, ægros hosce hoc flavo viridi colore pingit. Hinc cavendum, ne in diagnosi nos color faciei seducat.

Stum symptoma, in utraque pleuritide, tam vera, quam spuria, observari non raro solitum, sputum cruentum est; etsi id frequentius pleuritidem, & peripneumoniam veram comitetur. Verum si in spuria pleuritide tussis assidua, validaque thoracem quatiat, si præterea vasa pulmonum ex prædispositione quadam sint paulo debiliora, laxioraque, ipso validiori tussiendo conatu sanguinis quid ex ruptis vasculis excutitur, ea prorsus ratione, qua in tussi pulmonum stomachica vehemens motus, sanguinem per os & nares subinde copiose exprimit.

Vidimus hucusque, quibus notis in casu dubio medicus uti debeat, ut morbum pectoris spurium, biliosumque ab inflammatorio, *pleuritidem biliosam &*

vera & *phlogistica* securius distinguat: dictum præterea est, quantum intersit, ut omnis in hac diagnosi error vitetur.

Verum nonnunquam adeo abstrusa mali causa, atque adeo complicata Symptomata sunt, ut tot argumenta pro *spuria* pleuritide, quot pro *vera* pugnent. Hoc rerum statu dum medicus, quam partem, quodve consilium arripere debeat, dubius fluctuat, gravis quæstio nascitur, quid eundem moliri, aut potius non moliri, oporteat.

In his angustiis medici officio, quod parens medicinæ binis vocabulis: *ωφελεειν*, η *μη βλαπτειν* (prodesse, aut si id nequeat, non nocere) totum circumscripsit, is probe defungetur, qui alteram solum ejus partem, *μη βλαπτειν*, expleverit. Pauca certe utrique morbo ex æquo conveniunt, eaque sunt:

1mo. potus copiosi cum melle, aceto, & paucosale medio.

2do. frequens elysterum usus, ut intestina a præsentē fors cacochylia liberentur.

3tio. mora ipsa morbum deteget, evolverque.

4to. exigua venæ sectio ad Uncias iv — v — vi: utrique non raro convenit, nam & biliosis subinde sanguinis missio eatenus prodest, quatenus spatium majus in systemate venoso, & arterioso efficitur, præcipue ubi febris biliosa valida est, ita ut mali quid ab ipso hoc motu auctiore timeas. Conditio sanguinis detracti, levamen aut nullum, aut momentaneum, morbo posthac aut mitius, aut gravius afficiente, aliquid fortasse suggeret, unde novam possis indicationem venari.

Juvat potius hac indirecta quidem, & incompleta, quam nulla, aut ancipiti methodo uti.

Hæc, quæ de pleuritide & peripneumonia spuria biliosa dicta sunt, iis apprimè respondent, quæ magni in arte viri, annosa praxi edocti, posteros docue-

re. Ballonius *potiorem* pleuritidum partem non venæ sectione, sed iis curandam asserit, quæ gastricum systema purgant. Ita enim ait: *major est pars pleuritidum & dolorum lateris tum a congestione cujusdam excrementi in pulmonem, & thoracem, tum ob redursum tenuioris humoris per orgasmum a ventre inferiore, quam a capite & partibus superioribus, quod diligenter videndum, quoniam plerique non audent purgare & solvere ventrem, & sæpe hoc plus confert, ac phlebotomia; imo tunc sectioni venæ locus non est, nisi forte semel id fit, præsertim si dolores lateris fiant hyeme a crudo & frigido humore, in quibus nequaquam sectio venæ convenit.* Et paulo post: *cum dolores vagabunde tenent nothas costas, & continuatione membranarum attingunt aliquando mammas, & partes sterni anteriores, caute videre oportet, an propter ventris inferioris cacochyliam, a qua propter vapores elevatos dolores surgunt, sensio adsit doloris, an causa ipsa a partibus superioribus pendeat, an vero in thorace ipso sit: vulgo secatur vena, undelibet sit dolor, idque male. Quis enim nescit, si dolor iste agnoscat causam in ventre inferiore, non modo non prodesse phlebotomiam, sed etiam sæpe nocere, quod attractio fiat a partibus inferis, & si nondum adsit pleuritis, ea per venæ sectionem acceleretur?*

Pulchre quoque notat hanc, de qua agimus, pleuritidis & peripneumoniæ speciem inferius, dum ait: *plerique queruntur de dolore pectoris, unaque ventriculi, & sese animam ducere non posse ajunt. Statim medicorum quorundam vulgarium opinione ad phlebotomiam concurritur, at nil, aut parum profici, declarat rerum exitus. Etenim si vel cholera, vel diarrhæa succedat, vel purgante sollicitetur alvus, dolores cito levantur. Sic cacochylia, hypochondriorum obstructio dolores facit, qui maxime adparent, & proferuntur in pectore ob consensum diaphragmatis, & quia in thorace communis est membrana & lateribus & diaphragmati*

parte convexa. Choleram Ballonio laudatam, tanquam veram pleuritidis biliosæ crisin, antimoniali emetico ars naturæ imitatrix movet.

M A J U S.

Mensis hic frigidus, siccus, multoque perflatus vento, febrium intermittentium præ reliquis ferax fuit: fuere & rheumatismi permulti, anginae, pleuritides copiosæ.

Febres hujus mensis ut plurimum tertianæ fuere, solventibus & vomitu curatæ, ita, ut rarius cortice peruviano opus fuerit, nisi ubi repetitis evacuationibus febris nihilominus perseveraret. Continuae remittentes morem tertianæ servantes non paucae viscebantur, quæ sumpto solvente medicamento, & dein emetico, primo intermiserunt, tandem vero penitus cessarunt. Plures habuimus continuas remittentes, quarum exacerbatio nulla certa periodo rediit, omni die, omni 3tio die, atque etiam eodem die sæpius.

Quidam per tres, pluresque septimanas de continuo fere, & nunquam intermisso totius corporis horrore, frigoreve querebantur, hos solvens quoque medicamentum, subjuncto emetico juvit. Inter continuas remittentes fuerunt quædam, quæ, licet copiosæ sordes biliosæ vomitu rejicerentur, idque etiam iterato, nihilominus nil remiserunt. Id iis potissimum accidit, qui præviam debilitatem, aut imbecillem ventriculum ad hunc morbum afferebant, aut a multis jam septimanis continuato horrore, anorexia, aliisque, a ventriculo gravato oriri solitis, symptomatibus conflictabantur, aut qui morbum, visceribus jam diutius insidentem, stulta, quæ inter plebem viget, opinione seducti, vino, & continuato quin & aucto corporis exercitio, superare contendebant, vel sanguinis missione intempestiva vires potius, quam morbum, fregere. His supervenit linguæ siccitas,

ari-

ariditasque, atque cæ affectiones, quæ malignitatem imminere demonstrabant: nihilominus cortex cum camphora eos denuo in vado collocavit.

Observatæ quoque sunt febres larvatæ, quarum binas ex adversariis meis huc transferam: Chirurgus 22. annorum, coryzam cum narium siccitate, obstructione, ac dolore ad radicem nasi, a quatrIduo passus, ad nos venit, bono habitu plenoque præditus. Pridie horruisse, dein caluisse præter ordinem, sectam sibi venam fuisse, narrabat. Mane, quo ad nos venit, commodè habuit, pulsus erat celer, sitis pauca, caput grave, odor, saporque deperditus, lingua alba. Rubor ingens faciei totius. Datum est decoctum hordei cum oxymelle, jussusque est decocto emolliente tepido naribus attracto membranam schneiderianam fomentare. Primo die a meridie apud nos peculiarem capitis gravitatem usque ad mediam fere noctem experiebatur, largo sudore terminatam. Die sequente cum & pulsus, & habitus corporis sanguinis detractionem exigere viderentur, facta est venæ sectio; at a meridie circa horam primam frigus, inde dolor ingens, ac fere intolerabilis ad sinum frontalem sinistrum, qui sudore circa horam noctis undecimam finiebatur. Nares siccæ, nullumque aliud in corpore molestum symptoma. Die tertio statò tempore prægresso frigore dolor sævus in sinu frontali dextro rediit, statà itidem hora sponte desinens. Verum hoc die lingua modicissime biliosa fuit, os subinde leviter amarescens, ructus rari, sed nonnunquam amari. Finito paroxysmo datum emeticum est, unde multa, flava, viridiaque vomuit. Paroxysmus posthac nullus rediit. Longo postea tempore hominem sanum atque ab omni febre immunem vidi.

Juvenula 24. annorum per tres septimanas appetitum dejectum, frigora cum caloribus alternan-

tia quæsta, suo consilio venam tundi curavit: at inde pejus habuit. Accessit & dolor capitis, qui a meridie in seram usque noctem multum exacerbabatur cum horrore, æstuque horis pomeridianis graviter affligente. Vomitiones, oris amaror, ructus amari. Sumpto emetico vomuit plurima biliosa, alvusque mota aliquoties est. Die sequenti a meridie rediit dolor capitis ad tempora, item ad verticem capitis cum frigore, sudore frigido per totum corpus, mitior tamen multo, quam præcedentibus diebus. Cum ea sumeret, quæ alvum redderent modice fluentem, cephalalgia, quæ prioribus diebus ægram crudeliter affligebat, postea minus diu, ac mitius urgebat, tandem cortice peruviano compressa est.

Utraque historia, primariam sedem febrium larvatarum in gastrico systemate locatam esse, demonstrat. Quamvis hæc juvencula solo emetico curata non fuerit, paroxysmum tamen concitata emesi mitiorem experta est. Quin ipse cortex, juxta mentem cl. Casimiri Medicus, non nisi ea ratione febribus medetur, quod vi sua roborante, nimiamque ventriculi & intestinorum irritabilitatem emendante agat.

Id inde etiam consequitur, in febribus larvatis non semper in solo cortice quærendum auxilium esse; quemadmodum enim pleræque febres intermittentes tuto, & sat cito alia methodo, quam quæ corticem peruvianum exhibet, percurantur, sic & larvatae pleræque hoc antifebrili specifico non indigent, sed aliis medendi modis sat belle auscultant. Nihilominus ubi febris, sub gravis periculosique symptomatis larva delitescens, ipsi adeo vitæ insidias struit, hostem a mœnibus propulsare, repudiatove omni alio incerto auxilio ad corticem peruvianum confugere oportet.

Varios rheumatismos observabamus hoc mense : dolebant atrociter articuli majores , carnesque inter eosdem mediae.

Non opinantes plerumque hic morbus corripuit, quin ulla, ut in podagricis solet, apestia præcederet, aut stata periodo, legeve certa exacerbationes redirent.

Vidimus rheumatismos, quibus nulla comes febris ibat, paucos licet. Plerisque febris jungebatur.

Dolor vertebrae lumborum persæpe occupavit, effecitque *lumbaginem rheumaticam*. Pluribus acetabulum doluit dolore per femoris externam faciem atque crus ad malleolos usque descendente. *Ischias erat rheumatica*.

Eadem materies rheumatica palpebras, partesque oculo proximas, ipsumque oculum obsidens *ophthalmiam serosam* aliquoties fecit.

Ex eadem origine fuere *coryzae*, *hemicraniae rheumaticae*, *otalgiae*, *odontalgiae*, *genarum tumores*, *anginae*, *bronchi*, sive *rancedines*, & defluxiones ad pectus, quas κατ' ἐξοχην, catarrhos appellant.

Sanavimus dolorem ventriculi rheumaticum, sive *gastritidem rheumaticam*, itemque in alio ægro *rheumaticam enteritidem*.

Huc quoque pleuritides rheumaticae spectant, quæ hoc tempore frequentissime viscebantur, reliquis anni temporibus σποραδες fuerunt.

In rheumatismo febrili crustam summe phlogisticam in sanguine detracto semper vidimus, eamque tam crassam, ut vix aliquid cruoris, aut rubrae partis appareret. In quocunque alio morbo inflammatorio, ut ut gravissimo, minor, tenuiorque crusta phlogistica apparebat.

Plures deprehendimus differentias inter eam inflammationem, quæ rheumatismum febrilem, atque eam, quæ morbos alios inflammatorios committit, ut alia idcirco nobis visa sit *inflammatio rheu-*

matica, atque itidem alia, quam *genuinam*, *veramque* appellare phlogosin possumus.

Discrimen utriusque inflammationis *genuinæ* videlicet, & *spuriæ* multiplici observatione, atque, ut ajunt, a *posteriori* demonstrabatur, & novis identidem observationibus quotidie demonstratur; nam

1mo. *Rheumatica inflammatio* minus longe periculosa, ut plurimum, est, &, nisi nobilissima viscera occupet, raro necat: gravior letaliorque inflammatio *genuina* est.

2do. Inflammatio rheumatica plerumque benigna resolutione terminatur, etsi multum fortasse temporis a morbi exordio lapsum sit, neque leges coctionis, criseosque observat. Id in rheumatica pleuritide, materie non solos musculos intercostales, pleuramque, sed & ipsos pulmones occupante, constanter observavimus.

3tio. Etsi encephalo, utpote visceri, cujus integritas ad vitam summopere necessaria est, rheumatica inflammatio, quam maxime inimica sit, atque illuc delata plerumque cito occidat, alias tamen non ignobiles partes longe minori cum periculo obsidet, quibus *genuina inflammatio* non nisi maximo cum vitæ discrimine inhæret. Sic genuina enteritis merito inter acutissimos morbos recensetur, quæ intra paucas non raro horas enecat. Nos interim rheumaticam Ventriculi inflammationem, item aliam intestinorum vidimus, longo utramque durantem tempore, nec gravibus adeo symptomatibus stipatam, ac tandem benigne resolutam, etsi sanguinem emissum crusta adeo crassa obtegeret, ut vix aliquid rubræ partis conspiceretur.

4to. *Genuina inflammatio* intra paucos plerumque dies concluditur, quocunque demum exitu finiatur. Raræ sunt *veræ illæ, simulque chronicæ* inflammationes, de quibus inferius erit dicendi locus. Verum rheu-

matica ad multas sæpe septimanas producitur, & opido raro sibi relicta intra exiguum tempus terminatur.

5to. *Rheumatica*, etsi subinde partem quandam peculiariter infestet, latius tamen ut plurimum diffunditur.

Febrilis rheumatismi diuturnitas, dolorisque vehementia, & motuum omnium impotentia ægros multum excruciarunt. Curato etiam morbo subinde stupor artuum, minorque ad motum aptitudo remanebant. Unus, alterve, licet apyretos dudum esset, atque artus moveret, quemdam tamen ad omnia rebellem doloris sensum experiebatur.

Varia est variorum in morbo summe dolorifico, tædiolique medendi methodus, quarum plerasque in usum aliquamdiu traximus, donec, quæ optima videretur, semper posthac, cæteris repudiatis, retineretur.

Methodum antiphlogisticam Sydenhami, qui eandem fere ac in vera pulmonum inflammatione, sanguinis quantitatem detraxit, aliaque addidit vi refrigerante donata, etiam nos aliquoties sequebamur. Verum vim medicationis hujus mali diuturnitas non raro elusit, viresque ægrorum citius, ac morbum fregimus. Ægri per multas septimanas immobiles decubuerunt.

Methodi hujus inefficaciam ipsemet Sydenhamus aliquoties expertus a repetitis sanguinis detractationibus abstinuit, aliamque inire viam statuit, ut & sanguini parceretur, atque, quod magis intendebat, ut certiolem, breviorumque huic morbo medendi rationem inveniret. Hinc copiosum lactis serum exhibuit, ut eo solo, & similagineo pane æger per multos dies victitaret.

Hac ratione dolentissimi rheumatismi cum exigua sanguinis jactura, & temporis non medioeri compen-

dio, tam ab ipſomet Sydenhamo, quam ab aliis quoque multoties percurabantur.

Gaſtritidem rheumaticam, itemque *rheumaticam enteritidem*, præmiſſa venæ ſectiōe & ſanguine ſumme phlogiſtico educto, ſolo lactis ſero, & tenui diætâ ſat cito curavimus.

Eos ſubinde imitabamur, qui variis diaphoreticis multo liquido dilutis corpus replent, & regimine calidiori inſtituto morbi materiem per vaſculorum exitus, in ſuperficie corporis poſitos, eliminare annuntuntur. Verum morbi pertinaciam ſæpenumero non vicimus.

Varia adhuc alia ratione rebelli malo mederi fategimus, verum morbus ſe ipſum potius tandem confeciſſe, quam remediis devictus videbatur.

Ubi topica materiæ rheumaticæ deſcriptio erat, eaque parti cuidam firmitus inhaſerat, optimo cum ſucceſſu veſicans quam proxime ad locum dolentem adplicabatur. Sic in *ophthalmia ſeroſa*, quam ad rheumatismos locales, ſive topicos, pertinere ſuperius dixi, veſicans ad tempora poſitum votis reſpondit. Hemigraniam, ortam ex retropreſſa ophthalmiæ ſeroſæ materia, veſicante penes locum dolentem adplicato curavimus, quem unguento digeſtivo, addito pauxillo ſaponis diu fluentem, eroſumque ſervavimus.

Odontalgiam ſeroſam, ſive rheumaticam, ſanabat ſatis cito veſicans ad angulum maxillæ poſitum; hoc enim loco nervus maxillam ſubintrans, qui ſuos ramos ad radices dentium dimittit, ſero rheumatico veſicatus, laceſſitusque, cantharidibus adplicatis, liberabatur.

Anginas, utut graves, ortas a rheumate aut ſinapiſmus, aut veſicans, toti collo anteriori adplicatum, inſigniter mitigavit, & abolitam deglutiendi facultatem intra horas non multas reſtituit.

Dignus notatu morbus erat *pleuritis rheumatica*, five symptomata, five methodum medendi spectes. Signa diagnostica collegimus sequentia.

1mo. plerumque præcedebant artuum, five superiorum, five inferiorum dolores lacerantes, rheumatici.

2do. hi ipsi dolores artuum pleuritidem sæpenu-mero comitabantur.

3tio. pleuritis hæc incepit subinde absque horrore, aut cum frigore non diu durante, & levi, ubi vera pleuritis valido ut plurimum aliquot horarum rigore tragœdiam ordiebatur.

4to. statim dolor lateris cum levi illo horrore se monstrabat; cum e contrario dolor punctorius in genuina pleuritide primum post aliquot horas a valido illo rigore supervenerit.

5to. dolor in pleuritide rheumatica ad præcordia, ad abdomen, ad totum sæpe thoracem, ad locum interscapularem se extendebat, in genuina vero pleuritide dolor intra arctius spatium concludebatur.

6to. dolor pleuritidis rheumaticæ sæpe ab uno loco in alium migrabat: stabiliior is erat in genuina pleuritide.

7mo. attactum locorum dolentium persæpe non ferebant in rheumatica pleuritide; contrarium in genuina.

8vo. plerumque in rheumatica sano lateri facilius; in genuina vero eidem difficilius incumbabant.

9no. sensus oppressionis, difficilisque spirationis, aut nullus, aut perquam exiguus in rheumatica; luculentior in vera pleuritide.

10mo. lingua, fauces in rheumatica albæ mucosæque ut plurimum erant; siccæ in genuina.

11mo. cutis magis arida, siccitas narium, oculorum squallor, urinæ ruffæ, perpaucae, alvus exigua in genuina; nihil horum vero symptomatum, aut saltem longe minus occurrit in rheumatica pleuritide.

12mo.

12mo. pleuritides genuinæ sæpe in initio *siccæ* & absque sputo fuerunt : perraro sputabant mucosa, crocea, sanguinea, pleuritides vero rheumaticæ rarissime *siccæ* erant, sed tussis tenuit, sputaque mucosa, glutinosa sanguine striata, idque mox in morbi principio. Sanguis in utraque pleuritidis specie summe phlogisticus, hoc solo discrimine, quod in pleuritide *rheumatica* crusta fuerit crassior ut plurimum, majorque, ita, ut parum, aut nihil ferme nonnunquam crassamenti adparuerit. In *genuina* pleuritide crusta plerumque contrahebatur fimbriis circumcirca assurgentibus.

13tio. pleuritis vera acutior erat, majorique cum periculo decurrebat, crisi diebus criticis peragenda, & perturbationi criticæ subiecta; etsi vero pleuritis rheumatica sputis & urina solvatur, nullam tamen certam legem natura observabat, juxta quam hæc morbi solutio contingeret. Non raro exortis sudoribus solvebatur.

Sedcs inflammationis rheumaticæ in hac pleuritidis specie in pleura, musculis intercostalibus, ipsi quoque pulmonibus fuit; hos enim ab inflammatione rheumatica affectos esse demonstrabant sputa sanguinea.

Sectum nuper cadaver est hominis pleuritide rheumatica laborantis, cui portio materiæ rheumaticæ ad cerebrum, ejusque meninges delata phrenitidem, & mortem citam attulit. Si ex unica hac cadaveris sectione concludi de statu pulmonum inflammatione rheumatica laborantium quid possit, statuendum erit, pulmones rheumatica inflammatione affectos, si in cadavere dissecentur, aliquam duritiem cultro opponere, minorem tamen, ac si vera, & genuina inflammatione laborassent.

Pulmones vere inflammati hepatis substantiam duritie in disseccando æmulantur, coloremque late roseum

scum exhibent. Præterea particula inde abscissa & aquæ injecta fundum petit. Verum pulmo rheumaticorum in aqua aut omnino non subsidet, aut difficiliter, tardiusque. Colore naturali est, ita tamen, ut roseis hinc inde filamentis intertextus adpareat. Cura consistebat.

1mo. in venæ sectione una vel pluribus, prout circumstantiæ exigebant.

2do. in potu emolliente, nitroso, tepido.

3tio. in adplicatione matura vesicantium ad locum dolentem, vel etiam quemeunque alium: subinde sola antiphlogistica methodus suffecit, quin vesicantium necessitas fuerit. Verum ubi doloris acerbitas (ea enim persæpe multo gravior est, quam in genuina pleuritide) venæ sectionibus non mitigabatur, vesicans latum ad locum dolentem, vel inter scapulas &c. applicatum, brevi dolorem omnem absterfit. Vix tres horæ quadrantès ab admoto emplastro vesicante labebantur, cum jam doloris expertem se æger diceret. Hinc adparet, ab resorpto vesicantium acri stimulo potius quam a diuturna loci affecti erosione levamen hoc fuisse repetendum. Num sinapismi eadem vi gaudeant, necdum experimento constat.

In rheumatica pleuritide, fracto morbi impetu, sputis vero necdum satis attenuatis, kermes egregios effectus produxit.

In exhibendo kermes minerali, itemque in propinandis quibuscunque expectorantibus ex classe mineralium, non præmature agendum censuimus. Rebus enim jam in vado propemodum positis, medicamentum expectorans maturius, ac par est, exhibitum, novos febriles motus, venæ sectione componendos, aliquoties excitabat.

Hæc morbi curatio fuit, quoties is simplex, nulloque alteri jungebatur. Verum evenit non raro,
ut

ut biliosa simul colluvies adfuerit & *pleuritidem biliofo-rheumaticam* produxerit. Hoc in casu expendendum erat, quodnam in corpore vitium, *rheumaticum*, an vero *biliosum* magis urgeat: unde modo huic, modo illi occurrebatur, & methodus pariter composita adhibebatur.

Pleuritidem rheumaticam cum *genuina pleuritide* complicari, atque in hanc abire aliquoties vidimus.

Litem inter Auctores medicos de usu vesicantium in pleuritide agitatam componi modo posse existimo, si ea *veræ pleuritidi*, *eique adhuc crudæ* noxia dicantur; alteri vero, *rheumaticæ*, proficua. Atque id adcurata praxis constanter probat.

Est fortasse, qui reponat, nunquam fuisse in controversiam adductum, utrum vesicans pleuritidi *rheumaticæ* medeatur, id enim ab omni ævo in confesso fuisse; verum litem in eo verti, an in *vera*, *inflammatoria*, & *essentiâli* proſit, aut noceat? sed respondeo: eam, quam appello *rheumaticam*, apte quidem in scholis ab *inflammatoria* diversam statui, doceri-que; penes lectos autem ægrorum sæpenumero utramque, non sine gravi ægrotantium noxa, confundi, cum & in *rheumatica* perſepè febris valida, dolor lateris atrox, cæteraque symptomata tam accurate veram ac inflammatoriam æmulentur, ut error confusionis facillimus sit, & quotidianus. Sed an adeo difficilis cognitu utriusque pleuritidis ab se invicem distinctio est, ut exercitatis etiam in arte viris imposuerit toties, imponatque quotidie? non dignoverint practici inflammationem ab rheumate? id equidem ita esse, ex symptomatibus utriusque morbi vix dissimilibus, atque ex Sydenhamo, uti mox ostendam, certo liquet. Etenim capite V. ad propositum nostrum apprime faciente, quam facile utraque pleuritis pro una eademque habeatur, quid ex hoc errore detrimenti, quæ medendi indicata methodus sit, luculen-

ter docet, ubi constitutionem adulti autumnii, hyemisque subingredientis sequenti ratione describit : cum tempestas placida ac tepens, imo vero aestatis simillima, præter solitum ad postremos usque octobris dies perseveraret anno 1675, cum vero mox exciperet alia multum diversa, frigida scilicet atque humida subito ingruens, tussies ubique numerosiores grassabantur, quam alio quovis, quod memini, tempore, nemini fere parcentes. Quemadmodum tussis constitutioni opitulabatur in febre producenda, ita etiam febris, occasionem ex tussi natam arripiens, jam pleuram ac pulmones haud aliter invadebat, ac caput invaserat vel septimana illa, quæ harum tussium exortum fuerat prægressa, quæ tam improvisa symptomatum mutatio nonnullis, qui minus diligenter advertebant animum, ansam præbuit, *febrem hanc pro pleuritide essentiali, aut essentiali peripneumonia habendi*, licet eadem omnino illa maneret, atque fuerat per integram hanc constitutionem. — Et quantumvis lateris dolor punctorius, spirandi difficultas, color detracti sanguinis, & reliqua signa pleuritidi familiaria, essentialem pleuresin subesse innuerent, non aliam tamen medendi methodum postulavit hic morbus, quam quæ feбри hujus constitutionis quadrabat, ab illa vero, quæ veræ pleuritidi conveniebat, abhorrebat admodum. ”

Jam vero hanc Sydenhami pleuritidem eandem fuisse cum *rheumatica nostra*, methodum medendi æque eandem Sydenhamiana cum nostris conferenti liquido constabit. Tota enim curatio apto regimine, una, raro repetita sanguinis missione, & epispastico nuchæ adplicato absolvebatur. Hac ratione symptomata universa placide solebant evanescere, cum, qui morbum ferocius, atque hostili manu adgredebantur, ingenti remediorum molimine bellum infer-

rentes, vel suos ægros amitterent, vel saltem phlebotomia sæpius repetita, quam vel postulabat morbi genius, vel & tuto ferebat, eorundem vitam redimere cogerentur.

Hinc rationes, ex theoria, ab egregio plurimumque de re medica merito Trallesio, petitæ, veram utique pleuritidem concernunt; verum eas ad *rheumaticam*, utut æque periculosam, æque laboriosam, difficilemque, & sæpe non nisi ab oculatissimo a vera & essentiali internoscendam, adplicatas refutat certa, indubitataque experientia. Nescimus equidem adæquatas rationes, quare febre licet & hic præsentē, & subinde validissima, vesicans, stimulantissimum remedium, in *pleuritide rheumatica* dolorem tollat, febrimque: at vero ratiunculas nostras, utut perpulchras, filere, fida rerum, aliter, ac ratiocinabamur, se habentium, observatio jubet.

Sed quomodo cantharidum stimulus cum crusta illa phlogistica, huic pleuritidis speciei præprimis propria, ut ejus crassities ad signa diagnostica pertineat, concordat? quomodo acerrimum hoc, & summopere movens remedium cum febre convenit? Novimus has difficultates, quas aliis enodandas relinquimus, contenti utramque speciem pleuritidis bene distinxisse, aptamque utrique medelam adhibuisse.

Pleuritides, ab eximio Pringlio observatæ, curatæque, præsentem in hoc morbo vesicantium opem indubiam reddunt. Sed has ex tribu *rheumaticarum* fuisse, ea, quæ ex ipso præclaro Auctore referam, convincunt. Etenim morbus hic anno 1743. in Belgio, tempore verno, noctibus adhuc frigidis, nebulosis, sole vero interdiu paulo magis calente, amænoque, alterna frigoris, calorisque commutatione, commoratione sub tentoriis, loco videlicet: humido erectis, in milites sæviit. Plurimi fuere:
pleu-

pleuritici, & peripneumonici, nec multo minor rheumatismo laborantium copia, ut hinc ex ipso æquali propemodum, & rheumate, & affectis pulmonibus decumbentium, numero, utriusque morbi affinitatem conspiciere liceat.

Præterea dolor pleuriticus sæpe adeo extendebatur, ut inflammationem viscerum abdominalium mentiretur. Pringle §. 4. edit germanic. *Vesicantia in morbi initio statim post primam sanguinis missionem, imo & priusquam ea instituta fuisset, modo paulo post subjungeretur, adplicabantur. Doloꝛe hac ratione sublato, consultum videbatur, alteram phlebotomiam celebrare, nisi fors obortus sudor dolorem solverit, ubi nulla amplius remediorum necessitas supererat. Idem ibid.*

Hucusque recensita cum mea hujus pleuritidis descriptione belle congruunt, morbiq; genium declarant, atque usum cantharidum præstantem tot inter ægros, observante egregio Pringlio, cuicumque demum hypothefi contrariæ superiorem faciunt. Id adhuc addo, cl. Auctorem sedem mali non in pleura, sed in pulmonibus statuere, sectionibus Morgagnii & Halleri convictum.

En jam canones circa usum vesicantium in pleuritide observandos.

1mus. vesicantia in pleuritide rheumatica, ferme specifica sunt, debentque mox in morbi principio adplicari, præmissa sanguinis missione, subinde & iterata.

2dus. suppuratio post excitatam vesiculam excitari non debet; hinc epidermis non auferatur. Medicamenta suppurationem excitantia dolores inanes faciunt, & febrim augent; non enim suppuratio, sed stimulus vesicantium prodest.

3tius. vim cantharidum medicatricem experiuntur ægri, cuicumque corporis parti vesicans adplicetur. Præplacet tamen locus inter scapulas medius. Sedes

Pars I.

E

enim

enim hujus pleuritidis pulmo est, aut membrana pulmonem vestiens, uti supra ostensum.

4tus. vesicantia *pleuritidem veram*, atque *inflammatoriam* exacerbant: hinc quamdiu phlogosis viget, ab iisdem omnino abstinendum.

5tus. neque, instituta una alterave phlebotomia in pleuritide inflammatoria, confugiendum mox ad vesicantia est. Atque ut paucis dicam, quamdiu aliqua adhuc inflammatio adest, etsi ea ob celebratas sanguinis missiones a suo vigore multum remiserit, quin imo, quamdiu vel prudens suspicio, metusque est, ne denuo phlogosis recrudescat, vesicantia periculosa sunt.

6tus. quod si vero fracta penitus phlogoseos vis sit: si præcedens ægrotantis conditio in statum contrarium, nimia scilicet fibrarum elasticitas tensioque in laxitatem, humorum inflammatoria densitas in lentorem oppositum frigidumque, eorundemque abundantia in penuriam abiverit; si præterea expectorandæ materiæ copia pulmones inundet, opprimatque, aut ejusdem visciditas eos infarciat, vis dejecta vitæ: anacatharsi haud sufficiat, vesicantia palmare auxilium suppeditabunt.

7mus. in *pleuritide*, & *peripneumonia biliosa* cantharides, antequam gastricum systema repurgatum sit, nocent. Etenim sudores noxios movent, alvum tardiozem reddunt, & materiam circa præcordia hærentem intra humorum circulantium territorium propellunt.

8vus si vero vacuato ventriculo & intestinis, tenax illud, viscidumque sputum, uti in pleuritide biliosa fieri assolet, difficilem anacatharsin faciat, potus largus, calidus, mitiori stimulo aromatico armatus, & adplicata simul vesicantia omnem paginam absolvunt.

Rheumatismos febriles ad lumbos sæpe, ad co-

xam,

xam, & femur sapissime curavimus. Adest dolor ad acetabulum, & motus impotentia. Dolor hic per femur externum ad caput fibulae usque, quin etiam ad malleolum decurrit. Subinde & lumbi, & inguina dolent. Nonnunquam nullus dolor, sed femoris stupor, & gradiendi impotentia vexat. Hoc in casu ad caput fibulae, sive ad externam genu partem, methodo Cottuniana, latum vesicans applicabatur cum insigni emolumento. Aliquoties vesicans acetabulo admovebatur. Dabantur lenia diaphoretica ex sambuco & stibio diaphoretico non abluto: loca vesicantibus tentata diu fluentia conservabantur: hunc in finem unguentum digestivum cum pauxillo saponis illitum est. Eadem methodus in lumbagine rheumatica profuit.

Aliam rheumatismi speciem, superius jam explicatam, etiam hoc mense, sed multo rarius, vidimus, ubi colluvies biliosa systema gastricum occuparat.

Habuiamus quosdam his artuum doloribus affectos & febrientes, qui omnes biliosi apparatus notas exhibuere, ubi dato emetico, & cacochylia biliosa rejecta, dolores artuum illico evanuerunt.

Hanc speciem rheumatismi, biliosam scilicet, a resorptis particulis acribus e ventriculo, & ad artus depositis, ubique nervos vellicantibus ortam, frequenter in febribus biliosis, autumnalibus, diuturnisque observari tunc imprimis, quando ex praematturo corticis usu sufflaminantur, & materiae debita praeparatio, evacuatiove praegressa non est, supra jam diximus. Id adhuc praecedentibus addo, ægrum intempestiva corticis peruviani exhibitione curatum, ut ut a febre liberum, chronicis tamen artuum doloribus, coque morbo vexari, quem Sydenhamus *rheumatismum scorbuticum* appellavit, quemve ex nimis diuturno corticis hujus usu provenire arbitrabatur. Verum non cortex, sed usus ejus praematurus ante

requisitam materiæ febrilis coctionem, & evacuationem hosce rheumaticos dolores genuit.

J U N I U S.

Mense hoc constitutio aëris moderate calida, sicque fuit: sed ventis frigidis ferme quotidie agitata, unde factum, ut quiescente vento corpora facile in sudores solverentur, eodem denuo revertente compressos.

Initio hujus mensis ad medium usque continuæ remittentes tertianæ, & quædam quotidianæ frequentes fuere, quæ fere omnes emetico, solventibus, & eccoproticis per epicrasin propinatis obedivere. Paucissimæ malignitatem minatæ, cortice peruviano sanabantur. A medio fere mense ad ejusdem finem usque pleuritides, peripneumoniæve biliosæ rarius visæ sunt, copiosiores vero rheumaticæ. Rheumatismi universales, ischiades plures, ac alias, comparuere. Mense quoque ad finem vergente, quibusdam, morbo bilioso laborantibus, petechiæ supervenerunt, quarum eruptio morbum neque graviolem, neque faciliorem, reddebat.

Et si veræ pulmonum inflammationes non hoc solum mense, sed & toto hoc verno tempore solitorius viderentur, nihilominus cum pleuritidem bilioso-inflammatoriam, sive pleuritidem veram & essentialem cum vitio primarum viarum bilioso junctam, multarumque feracem observationum, curaverimus, juvat ejusdem historiam referre.

Vidua annos 55. nata, quæ integra a longo jam tempore sanitate fruebatur, die 14ta Junii circa vespertas horret per aliquot horas, dein æstuat, fitit magnopere: nox inquieta.

Altero die (15ta) mitius æstuanti circa meridiem pectus opprimitur, latusque dextrum a costis spuris ad mammam more pleuritico dolet. Tussitatio frequens,

quens, sputa nulla, laboriosa respiratio, atque cubandi in latus dolens difficultas summa. Sanguis mox eductus ex brachio est: crusta summe phlogistica, & oppressionis levamen, brevi tamen evanidum; rediit enim & dolor lateris, & oppressio pectoris paulo post. Ea vespera denuo horruit mitius, minusque diu, ac pridie: æstus: nox anxia.

Die 16ta mane eadem. Sputa nunc mucosa, sanguine tincta. Fit denuo venæ sectio: sanguis idem, & idem levamen, Vesperi horror. Nox, uti pridie.

Die 17ma mane eadem omnia. Ad meridiem dolor, tussis, & oppressio augmentur. Sputa jam nulla. Vesperi horror: æstus. Nox ut antea.

Die 18va ægra mitius per omnia se habere affert: tussitat: sputat mucosa, flava. Latus non dolet, & facilius in latus ante dolens cubat. Levis vesperi horripilatio: nox quietior.

Die 19na ad Nosocomium deportatur. Dolor lateris vix ullus, nullus oppressi pectoris sensus. Cubatus in omnem partem facilis. Tussis rara: sputa pauca, mucosa, flavescentia: pulsus naturali modice celerior, subdurus; lingua biliosa: sitis multa: sapor bonus: alvus hucusque facilis. Non appetit. Capite non dolet: moderate calet, animus præsens, & alacer: prompta responsio: actorum adcurata narratio, facilisque. quamcunque in partem vellet, conversio. Vis musculorum quasi mediocriter ægro-tanti, aut sanæ propemodum. Respiratio, utut ipsimet ægræ facilis videbatur, citissima tamen, & abdomine potius, quam thorace, peragebatur. Instituta sanguinis missio: ingens crusta. Potus antiphlogistici, copiosi. Exigua emendatio. Nulla vesperi horripilatio. Somni turbati.

Die 20ma nihil incommodi queritur. Omnia uti pridie, pulsus solum fortior, pleniorque hesterno. Respiratio citissima, solo ferme abdomine peracta:

fit venæ sectio: sanguinis crusta phlogistica tanta est, ut vix aliquid cruoris appareat. Levamen exiguum. Circa meridiem pectus sibi opprimi queritur: genæ intensius rubent, cita & parva respiratio cum intercurrente levi per intervalla animi deliquio. Hic inde parvæ in pectore petechiæ colore roseo conspiciuntur, Denuo sanguis mittitur a meridie, atque iterum vesperi, unde melior aliquantum respiratio fiebat, somni noctu longiores.

Die 21ma Junii omnia, ut heri vesperi. Sed cum spirandi difficultas denuo inciperet, pulsusque semper pleni, fortes, & subduri, etsi magna identidem sanguinis copia demeretur, persisterent, binæ hoc die venæ sectiones institutæ sunt, & applicatum ad pectus vesicans est. Crusta phlogistica eadem. Vesperi larga diaphoresis, & respiratio multo quam hucusque melior. Somnus tranquillus, protractus.

Die 22da Junii, cum diem morbi octavam agit, diaphoresis heri cœpta continuat. Urina per totum morbi decursum tenuis, atque ex ruffo crocea, nunc citrina est. Pulsus, qui toto morbi tempore naturalibus non multum celeriores, pleni tamen, & subduri fuere, nil modo vitii habent. Paucissimæ petechiæ: alvus hodie sæpe mota suapte est. Sputa vix ulla; & respiratio emendata: nox bona.

Die 23tia continuat diaphoresis, alvus cocta, frequenter sua sponte mota, cætera ut heri. Nox bona.

Die 24ta larga diaphoresis, per omnia bene habet.

Die 25ta Junii mane nulla diaphoresis, oris amaror, sitis magna; a meridie alvus denuo sponte fluit: nox bona.

Die sequenti cum adhuc aliquoties sponte dejiceret, oris amaror, & sitis disparuere, atque inde nil amplius

plus molestiæ passâ, recuperatis brevi viribus, a nobis sana discessit.

En periculosam pulmonum inflammationem, vitio bilioso systematis gastrici stipatam.

Vere exacto, sub exordium æstatis morbi inflammatorii sensim pedem quotannis retrahunt, desertamque ab iis stationem biliosi occupant. Hoc fere tempore, quod utramque hanc anni partem, ver scilicet, & æstatem nectit, mixtum quoddam morborum genus plerumque dominatur, ex verna phlogosi, & bile æstiva compositum. Medendum utrique malo est, sed illi promptius, quod gravius urget. Hinc omnem propemodum in solvenda pulmonum inflammatione operam consumimus, crudam ventriculi colluviem, quæ modum non excedebat, copioso potu enervantes.

Transitum pleuritidis in peripneumoniam malum esse, Hippocrates asserit, & assertum hoc observatio comprobavit. Cum enim inflammatio pulmonum, quæ & pleuritidi & peripneumonix ex æquo convenit, altius penetraret, difficilisque per hoc viscus humorum circuitus sanguinis a capite refluxum moraretur, rubuere genæ, respirationem abdomen peregit immoto thorace, pressumque ab accumulato humore cerebrum doloris sensum, præsentem licet ejusdem causa, abstulit. Hinc pleuritidem eousque intensam, ut omnis molesta sensatio, cerebro laborante, pereat, cum periculo in peripneumoniam abiisse Hippocrates jure dixit.

Mentis præsentia, alacritas insolita, præteritorum exacta memoria, & narratio promptâ cum insolita quadam, etsi ad rem adcurate pertinente, loquacitate, attentum medicum adeo non decipit, ut, hoc ipso *infido levamine* de gravissimo periculo admonitus, perniciem, ægri jugulo intentatam, universo artis apparatu quantocius avertere connitatur.

Insidum id levamen esse præcipue respiratio docuit, quam maxime, ac fere unice in morbis pectoris observandam Baglivius voluit. Hæc si prava fuerit, time semper, etsi omnia reliqua eventus exoptatos portendant.

Inito calculo septuaginta sanguinis unciae iteratis venæ sectionibus eductæ sunt. Copiosi potus ex decocto hordei, & oxymelle propinabantur. Regimen universim frigidissimum fuit: nihilominus petechiæ, etsi paucæ, comparuere. An ergo petechialis eruptio soli regimini calido debetur, & prava artis prava progenies est?

J U L I U S.

Ineunte Julio minor atmosphæram calor, quin & frigus tenuit, ac pro hujus temporis ratione alias solet. Circa medium aër incaluit, at neque hinc juxta morem aliis annis solennem. Ultimi mensis dies ejusdem principio respondebant. Fructus horæi pauci, insipidi.

Febris hoc mense inter infimam plebem sæpius ac præteritis mensibus apparuit, quam malignam, & petechialem ab efflorescentiis petechialibus, aut petechizantem appellant, ob id, quod, etsi ægros sæpe nullo exanthemate pingat, eadem nihilominus ratione decurrat, & iisdem cæteroquin symptomatibus stipetur.

Quæ circa febres exanthematicas, aliasque congeneres observavi, in futura tempora rejeci, donec lectis, collectisque aliorum, quæ huc faciunt, ac inter se, & cum meis comparatis observationibus, cum tam multiplex hæc febres contemplandi occasio in eo populi, ad hocce Nosocomium affluxu, sese quotidie offerat, limatius quid dare potuero, quodve in tanta opinionum circa hanc rem, tamque an-

cipiti

cipiti varietate, in emolumentum artis, & miserrum mortalium cedere queat,

PLEURITIS OCCULTA SIVE LATENS.

Morbus est, aut potius morbi cujusdam gravioris fomes perpetuus, quem Baglivius pleuritidem, aut peripneumoniam *latentem* appellat. Hanc cum initio hujus mensis aliquoties, & fere solito frequentius viderim, breviter delineandam censui.

Cognitu non raro difficilis hic morbus est, quod characteribus formatae jam, veræque pleuritidis aut peripneumoniae maximam partem destituatur. Febris nulla prorsus plerumque est; decubitus in utrumque latus aut facilis, aut non multum molestus. Tussicula rara, sicca, aut cum sputis paucis, coctis, mucosis. Lingua modicissime albescens, sitis nulla, oppressio pectoris non nisi in motu corporis, appetitus vicens, nulli febriles per intervalla motus, aut exigui. Nihilominus malum hoc si negligatur, aut in formatam gravemque, & universaliorem pulmonum inflammationem exsurgit, aut, quod pluries fit, in pulmonum indurationes abit, atque tubercula producit, aut, quod æque frequenter contingit, in phthisin terminatur.

Plures sunt phthisici ex neglecta exigua hac pleuritide, quam ex sæviori graviorique pulmonum inflammatione facti, non quod major in phthisin hujus morbi proclivitas sit, sed, quod aut prava tractetur methodo, aut curæ indignus habeatur, negligaturque.

Detegitur hæc occulta pleuritis aut peripneumonia.

Imo, ex descriptis superius symptomatibus.

E s

2do. §

2do. si æger modo in hoc, modo in alterum latus sese convertere jubeatur, atque attendere, num quilibet decubitus æque ipsi facilis sit: num fors uni lateri incumbens tussitare debeat: num angustiores ipsi, difficilioremque fieri spiritum in hoc potius situ, quam in alio experiatur.

3tio. æger jubeatur fortius inspirare, exploreturque, num is inter respirandum aliquid in pectore incommodi, aliquem dolorem, puncturam, ardorem, pressionemque sentiat.

4to. data opera validius aliquoties in vario corporis positu tussitet, & attendat, num quid molesti, pungentis, ardentis, prementisque doloris sentiat.

5to. status ægri prægressus diligenter examinetur. Sunt enim morbi, qui hæc pleuritides occultas, & peripneumonias sæpissime post se relinquunt. Nam

imo. post veram & essentialem pleuritidem, eamque debite curatam, judicatamque, nihilominus restitit nonnunquam aliquid in thorace incommodi, ea ratione, qua paulo ante dixi. Nulla interim febris adest, & perfecta adesse sanitas videtur, si exiguum illud molestæ sensationis excipias, ob quam, postquam reconvalescent jam ex morbo, data quacunque occasione relapsus denuo in peripneumoniam, aut pleuritidem fit; nam leve hoc post pleuritidem incommodum rarius ab adhæSIONIBUS novis pulmonum cum pleura, frequentissime vero a superstitæ exigua phlogosi, particulam pulmonis pertinacius occupante, deduci posse videtur. Hinc ejusmodi ægri, etsi a morbo restituti, perpetuum tamen novarum pleuritidum fomitem intra thoracem fovant.

2do. post rheumatismos febriles, ac inflammatorios, post pleuritides, ac peripneumonias *rheumaticas* idem accidit.

3tio. sunt, qui, prægresso catharro per multas septimanas, quin & menses, levi alterutrius lateris dolore,
ardo-

ardore quodam, licet exiguo, oppressionis sensu, sputis non purulentis, sed puriformibus, coctisque vexantur, quin propterea decumbant. Hos leviori hæc & occulta Baglivii pleuritis ac peripneumonia afficit.

4to. qui pulmones tuberculis obritos habent, si quacunque ex occasione incaluerint, vino, motu, sole, atque circuitum humorum incitarint, his sæpe unum alterumve tuberculum inflammatur, quin propterea febre universali totumque corpus prehendente corripiantur.

Diagnosin ex hucusque dictis formare facile est. Est scilicet levis inflammatio particulæ solum pulmonis, quæ diu latere non raro potest, quin propterea noto quodam phlogoscon exitu terminetur. Certum enim est, dari morbos inflammatorios *etiam chronicos*, phlegmonem *veram sed chronicam*, quæ diuturno tempore cruda persistit, antequam vel benigne resolvatur, vel in suppurationem abeat, vel induretur, vel gangrænescat.

Prognosin quod spectat, id sciendum, occultas hæc pleuritides, ac peripneumonias vel in morbum gravein, acutum, inflammatorium abire, vel benigne resolvi, si detegatur, & apta curatione tractetur, vel, more aliarum partium inflammatarum, in suppurationem verti.

Hæc vomicarum clausarum in pulmonibus frequentissima genesis est. Cura est antiphlogistica omni modo. Venæ sectio una, quin & plures subinde requiruntur, & emulsa nitrosa, potus emollientes cum oxymelle, & nitro. In pleuritide hac *occulta*, quæ a materie rheumatica illuc deposita provenit, vesicans ad locum dolentem applicatum optime convenit.

Pleuritidem *veram inflammatoriam, sed chronicam* aliquoties videre est in hominibus collo longo, corpore gracili, pectore compresso exiguo, genis roseis, fibra tenera, delicataque, ac summo irritabili

donat.

donatis. Hic longissimo tempore cruda inflammatio perstat absque aliquo consueto inflammationum aliarum exitu. Tandem sputa cocta, non *purulenta*, sed *puriformia*, qualia concocto catarrho solent, prodire incipiunt, copiosaque, quæ pectoris oppressiorem, doloremque punctorium minuunt. Verum cum ea magna quantitate & diuturno tempore evacuentur, ager emaciatur, contabescit; moritur, quin unquam vere purulenti quid deprehensum fuerit. His si emollientia, mucilaginosa præscriperis, facile ferunt, pectore non gravantur, interim aucta sputorum quantitate magis emaciantur. Remedia tonica, lichen islandicus, egregius alias in alia phthiseos specie, materiam expectorandam supprimunt, & pectoris incommoda augment. Balsamica, cortex, equitatio *hanc phthiseos speciem* brevi mortiferam efficiunt.

Qui descripto corporis habitu, tenui, delicatoque præditi sunt, multoties sanguinem sputant: hos iterato, sed parca semper quantitate missus sanguis, diæta vegetabilis, & antiphlogistica vivendi ratio ferme semper relevat, in multosque conservat annos, quos methodus roborans, adstringens, balsamica in phthisin veram, consummatamque, ac mortem maiorum finem præcipitat.

A U G U S T U S.

Constitutio sicca, æstus magni, nullis, aut non nisi raris imbris subinde temperati. Ultimi mensis dies sereni æque, sed quidam eorum perfrigidi fuerunt.

Fructus horæi paucissimi, immaturi, insipidi.

Diarrhœæ multæ, dysenteriae non paucæ, choleraeque viscebantur: mense inclinante febres putridæ, petechiales, continuæ, quotidianæ, tertianæ.

Maximus hoc mense ægrotantium numerus fuit,

at morbi plerumque faciles , non diuturni : funera pro tanta ægrorum copia perquam rara.

Hoc tempore æque ex primis viis laborabant , ac præterito : attamen id discriminis inter morbos biliosos hujus & præteritorum mensium intercessit , quod , qui nunc ægrotarunt , vomuerint difficilius ; vitellina , amurcosa , glutinosa , gluten scriniariorum , aut ichtyocollam æmulantia , & universim pauciora , non ex defectu materiæ gravantis , sed , quod ob ejus tenacitatem pars magna restitaret , nondum mobilis , aut excretioni apta ; pars autem alia , eaque non exigua , absorpta infarciret vasorum systema , massam circulantium humorum coinquinaret , & vasculis infixâ hæreret altius. Ob eam rationem repetita emesi non raro opus fuit , quam per epicrasin exhibita sæpius ipecacuanha movimus.

Id hoc mense aliquoties nobis contigit , ut radix hæc , quacunque ratione exhibita , aut nullam , aut non nisi unicam cieverit emesin , quia , ut opinor , ejusdem vis , stimulusve multo glutine obvolutus iners reddebatur. Id præterea est observatum , eos , qui dato emetico non vomuerant , ea ferme proportionem pejus manifesto habuisse , qua , qui probe vomuerant , statim a vomitu levabantur. Circa finem mensis , relicta ob rationem recensitam radice ipecacuanha , cujus vires hucusque periclitari voluimus , solutionem tartari emetici resumpsimus , eventu , quem sperabamus , exoptato.

Continuæ remittentes , quarum exacerbationes aut stata rediere lege , aut per incertos periodos recurrerunt , medicamentis solventibus , & interposita nonnunquam tartari emetici solutione , eaque sæpius aliquando repetita , sanabantur. Id solum peculiare hujus temporis febres habuere , quod & potentioribus indiguerint solventibus , & emetico validiori. Hinc quibuscunque spissum in ore gluten , lingua
gla-

glabra, prærubra, præcalida, consimili vitio præcordia laborare, ac morbum difficilius solvendum monstrarat, remedia convenerant, quæ præter saponēs vegetabiles, salem quoque ammoniacum, glutinosa potentius discindentem continerent. Solennis nobis formula fuit, quæ aquæ sambuci Unc. v. oxym. simplicis & roob sambuc. aa Unc. i. sal. ammon. Dr. ij. — iij commiscet, & partitis vicibus intra 24 horas propinat.

Hiscæ usi continuo sumus, nisi. quod intercalari tempore subinde data potio emetica fuerit.

Observatum hac tempestate est, neminem ægrorum nostrorum, assumpto hoc sale, de molesto ad cardiam sensu questum fuisse, quod tamen vernis mensibus frequenter evenerat, ut tunc temporis a multo minori ejusdem dosi non raro ob ægrorum querelas abstinere debuerimus. Major solidorum inertia, mucusque hoc tempore & copiosior, & tenacior ventriculi latera obliniens, observati phænomeni rationem, ipsiusque medicamenti incidentis, attenuantisque aptitudinem demonstrat.

Plerisque, quibus vis vitæ sufficiens, & subigendæ materiæ par fuit, hac sola ratione profuimus. Verum ubi materiæ alienæ copia, aut tenacitas tanta erat, ut vires coctrices, fors ineptis venæ sectionibus, aut undecunque, dejectæ, solo salis hujus adjumento eandem subigere, & per vias congruas eliminare non valerent, optato cum effectui radicis Arnicæ pulverem junximus. Multæ rationes sunt, alia occasione explicandæ, cur in febribus plerisque gastricis, mesentericis, putridis, malignis, quibus vulgata modo praxis corticem peruvianum opponit, radicem hanc a solertissimo Collinio, viro de arte nostra egregie merito, multiplices in usus tractam, præstantissimo cæteroquin peruviano remedio præponam. Diarrhœas maligne febrientium diuturnas, quæ-

quæve vires convellunt, hæc radix præ quovis alio medicamento fortunate compressit.

Salis quoque ammoniaci multiplex commendatio apud practicos semper fuit, isque in antisepticorum non vulgarium familiam recipiebatur, Verum cum morborum horum antummalium genesin, præcipue paulo pertinaciorum, in crasi sanguinis soluta, septicove fluidorum statu reponerent, & effectum non necessarium pro causa reputarent, cumque insuper non paucos hoc sale adjutos, eos potissimum, quibus incisum hocce remedio gluten fuerat, conspicerent, conclusionem de vi salis ammoniaci antiseptica formarunt.

Dysenteria longe, lateque per urbem, suburbia, atque circumjacentem agrum hoc mense grassabatur. Morbus hic quosdam bene per omnia se habentes repente invasit, ita, ut alvum primo bonam, dein cruentam mucosamque ponerent. Ad finem mensis quosdam tormina, & alvus statim cruenta, cum recte paulo ante adhuc valerent, quasi ex composito & non opinantes corripuere. Quidam febrim per dies complures passi sunt ex continuarum remittentium classe: tandem in dysenteriam morbus convertebatur. Alii per multos dies tormina patiebantur: demum alvus supervenit dysenterica.

Fuerunt, qui per aliquot dies lassitudinem, & dolorem urentem circa ventriculum questi sunt, dein, eo cessante, torminibus vexari circa umbilicum, succedente paulo post alvo dysenterica, ceperunt. Obscurior febris in plerisque observabatur, quamdiu dolor abdominis, & tenesmus urgebat. At symptomatibus hisce evanescentibus, etsi cruenta, mucosaque perstaret alvus, motus tamen febriles nulli amplius advertiebantur. Paucis & ante dysenteriam, & ea vigente febris continua fuit, mitior ut plurimum, & per incertas periodos exacerbari solita. Dejectiones

nēs primæ fuere rariōres, fæces vero copiosiores: aucto sequentibus diebus dejectionum numero, & tormina, & tenesmus æquis fere passibus increvere, at minor tunc excretorum identidem quantitas fuit, & fæcibus ad initium bonis successit varia colore & consistentia materies, æruginosa non paucis, quibusdam amurcosa, profunde viridis, mucosa, sanguini commixta. Morbo jam confirmato accessit mictus frequens, stranguriosusque: lotium parca quantitate singulo mictu missum, biliosum, ac saturate flavum fuit. Dolor abdominis quibusdam continuus, plerisque per intervalla solummodo recrudit, proxime secuturæ dejectionis nuntius. Abdomen dolens attactum paulo rudiorē non tulit. Paucissimi ingens solummodo pondus absque dolore circa umbilicum querebantur. Cardialgia morbi subinde prodromus, eo jam vigente aut nulla, aut multo minor. Lingua pura, aut parum abludens ab habitu naturali: sapor vitiosus, attamen minus ac tempore morbum proxime præcedente: & universim is oris & ventriculi status, qui sordes biliosas, acresque profundius sitas demonstraret, quam ut ejus præsentiam lingua, & fauces loquerentur. Nulli vomendi conatus: nausæ nullæ.

Varia methodo huic morbo medebamur, & plurimos sanitati restituimus integræ. Unus, cum diutius jam extra Nosocomium decumberet, mortem occubuit dysentericam, atque alius in hydropem incidit. Morbum in quibusdam pertinacem experti, animum omnem in partem convertebamur, ut breviorē, tutiorēque medicinam faceremus. Tandem sub mensis finem, atque per totum Septembrem, & sub exordium Octobris, stabilem dysentericis mœdendi rationem amplexi, quam plurimos, intra non multum tempus, & cum constantia sanavimus.

Nunc;

Nunc, quæ ad initium Augusti acta sunt, paucis referam.

Ipecacuanham primis, qui obvenerant, ægris propinabamus. Verum decantatum hoc antidysentericum non ita profuit, uti binis consequenter annis profuisse in Hungaria videram. Rationem hanc esse arbitrabar, quod materies morbum committens crassa supra modum esset, parietibus systematis gastrici firmitus adhæreret, aut ipsa fortassis materiæ dysentericæ sedes profundius in intestinis, atque ita sita fuerit, ut ipecacuanha revocari, & per os rejici nequiverit.

In Hungaria, ubi radicem ipecacuanhæ eximie conduxisse dysentericis dicebam, oris amaror, vomitus, vomituritiones, anxietas, præcordiorum molesta sensatio gravius multo ægros affligerunt, quam in hujus tempestatis dysenteria, ubi ventriculi læsi signa perpauca visebantur.

Levioribus dysenteriis, & ad quas sanandas primis statim diebus accersebar, sequenti ratione in urbe, & suburbio vicino medebar: scilicet, injuncta tenui diætâ, æger omni horâ, aut singulo saltem bihorio diu noctuque vaseulum seri lactis sumpsit, in cujus lb. iij. solutæ erant pulpæ tamarindorum Unc. iij. adjecta exigua dosi liquoris anodynî mineralis Hoffmanni. Quibusdam infusum rhei aquosum cum emolumento dedi. Hoc remedium continuabatur per duos plerumque dies, quo tempore dolor abdominis, tenesmus, stranguria ferme ex integro disparuere: at eadem dejectionum cruentarum, mucosarumque frequentia mansit. Contigit aliquoties, ut post numerosas dejectiones liquidas dura tandem scybala subsequerentur. A vespertino anodyno destiti, ni continuæ fors dejectiones omnem omnino somnum præpedirent, quod cum fieret, granum laudani exhibitum exiguam saltem ægro quietem,

refocillandis viribus adeo necessariam, conciliavit. Tandem, ubi a doloribus immunitas aderat, alvus tamen frequens æque ac antea esset, pulveres exhibui e mirobalanis, rheo tosto, & opii pauxillo compositos.

In quibusdam gravioribus dysenteriis, alvo tenesmoidea, frequentissima, mucosa, cruenta, torminibus stipata gravibus, plus emolumenti, durante primo stadio, mihi visus sum observare a pulpa tamarrindorum, aut prunorum soluta in decocto hordei, omisso stimulo quocunque salino, omissa & ipsa, miti licet, tinctura rhei aquosa. Alvi frequentia adeo quidem minuta non est, ut & augetur, sed omnis in abdomine, circa anum molesta sensatio sensim diminuta, tandem disparuit. Lotium & libere, & absque doloribus mittebatur, fæces rejectæ cocti quid continebant, ut adeo primum dysenterix stadium feliciter decurrerit, & malum medicamento roboranti, adstringenti, mucilaginoso, opiato, aut illi, quod ex omnibus hisce coaluit, postmodum cito auscultaret.

Fuerunt, qui, etsi eorum dysenteria a gravissimis symptomatibus ordiretur, lenissimis paulo antea recensitis eccoptroticis in decursu stadii primi usi, præter illam a torminibus, tenesmo, & stranguria: immunitatem, etiam id comodi obtinuerunt, ut alvus non solum absque doloribus, sed & parcius, rariusque fluere, & redderet sanis similia, donec eodem continuato remedio, nullis nec opiatis, nec adstringentibus in auxilium vocatis, res in integrum restitueretur. At hos nihilominus invigorante remedio, stomachicove contra facillimum in priorem infirmitatem relapsum præmunire oportebat.

Inter ægros fuere quidam, quibus alvus torminosa uno alterove die moderate fluxit, atque æruginea reddidit, verum suapte fluxus alvi substitit,

in:

intestinorum cruciatu persistente, dolore ventriculi gravante, urente: mictu parco, stranguriosoque: oris amarore: jactitatione: atque ubi malum gravius urgebat, delirio quoque superveniente. *Dysenterias has imperfectas* datum emetico-catharticum, solutio scilicet tartari emetici intra breve tempus egregie certoque sustulit.

Alii iisdem, quibus dysenterici solebant, symptomatibus affecti, oris amarorem, cardialgiam, ventris tormina, mictum difficilem, sed alvo aut naturali, aut suppressa, querebantur. *Colicam hanc biliosam* ejusdem cum dysenteria prolapiae, jugis potus solvens, datumque antimoniale emeticum cito & tuto absternit.

Circa finem hujus mensis calculum ex vesica sectione eximi curavimus, cujus historiam referre hic juvat.

Juvenis, 15 annorum, filius militis, a triennio circiter post emissum lotium ardorem in perinaeo experitur; qui per octavam horae partem a mictu durat, evanidus postea. At si stando, aut ambulando mingat; nullus post mictum ardor affligit, neque etiam, si super fellam perforatam, aut ita sedeat, ut inter sedendum nulla perinaei pressio fiat. Die 15ta Augusti ad nos venit. A duobus fere mensibus arenulae prodeunt, subinde & mucus *ductilis*, aut *materies mucosa* quidem, carens tamen ductilitate. Cum arenulae solae; tum & mucus ductilis cum ardoris per urethram sensu prodit. Ab hoc duorum mensium spatio & mictus solito frequentior est, & praecipue noctu molestus.

Aqua calcis cum aequali lactis copia & sapone veneto febriculam, mictum frequentiore, stranguriosum excitavit. Hinc mutata mox medendi ratione, praecipue cum ab adplicato difficilius, cathe-
tere

tere, partium levis contusio accederet, præscriptum est medicamentum sequens:

R. Decoct. hordei adjecta
liquiritia parati lb. 11.
gummi arabici Unc. 1.

Diæta quoque maximam partem vegetabilis injungebatur. Die 29no Augusti æger asserit, se raro jam, & singula vice plus lotii mittere, cum antea frequentius quidem, attamen parcius mingeret; ardorem in perinæo jam nullum sentiri, sed sensum quemdam ibi loci rei alienæ percipi, utut exiguum, nec multum incommodum, statimque evanidum, neque post singulos mictus. Exigui calculi sæpius sub usu medicamenti hujus mucilaginosi, & majores ac alias, sed minori cum molestia prodivere: quod si malum nulla posthac incrementa sumpturum esset, se hac sorte contentum fore ajebat, seque ad omnes aptum labores arbitrari.

Nihilominus cum hac ratione levamen solum temporarium conciliaretur, & æger, utut nunc doloris propemodum expers, tamen probabilius in priorem statum relapsurus erat, placuit sectione calculum eximere, quam dexterrimus hujus Nosocomii Chirurgus dominus Sartori manu exercitata die 30ma Augusti peregit. Usus eo cultro est, quem *Lithotomum occultum* appellant.

Operationem aliquantum morabantur frustra aliquot: confracti intra vesicam calculi, qui totus asper, & friabilis erat, si nucleum multo duriores excipias.

Finita sectione, repositus in lectum æger, toto reliquo tempore nil præter morem incommodi patiebatur. Victitabat jusculo tenui, decocto hordei, emulsis. Elapsis aliquot diebus, oleribus cum jusculo carniū vescebatur. Die 26ta Septembris nulla amplius per vulnus urina prodibat, idque penitus eo die

die coaluisse visum est. Lecto quoque exemptus, horam sedendo exegit. Die 10ma Octobris prima vice lentis & exiguis passibus per cubiculum gradiebatur. Die 17ma Octobris sanus discessit.

Ad felicioris operationis eventum plurimum contulit, quod eam æger non nisi probe præparatus subiverit, tenuiori diætâ, ac vegetabili antea usus.

Lithotomiam instituturis suadendum, ne, si de præsentia calculi certi per catheterem facti sint, ægrum posthac frequentius adplicato cathetere vexent. Vesica instrumento frequentius irritata, difficilius sectionem sustinet, & secta, facilius, majorive cum periculo phlogosin concipit.

Varia instrumenta ab artis peritis pro facilitanda Lithotomia excogitata prostant. At vereor, ne & hic ea optima sint, quæ simplicissima. Scalpellum firmum, firmo donatum manubrio, fors omni alio instrumento præstat. Secabit enim, qui scalpello utitur, quousque, & quantum volet, nec hilo plus, minusve. Sectionem visus diriget, & firmior manus: nec alio, quo eandem perficiat, instrumento, opus erit.

S E P T E M B E R.

September ab initio ad finem usque perfrigidus fuit, ficcusque. Febres continuæ, remittentes, ex putridarum, & biliolarum familia populum affligerunt; minor tamen ægrotantium numerus hoc mense fuit, quam præterito, etsi, qui nunc ægrotabant, diutius decumberent. Paucissimas intermittentes, quotidianas, tertianasque vidimus, & quartanas non nisi duas brevi & absque negotio, præter indolem quartanarum hoc præprimis Anni tempore, solis propemodum solventibus salinis cum constantia persanatas.

Circa finem prioris mensis, & toto reliquo per au-

tumnum tempore, quo dysenteriae saeviebant, aliam dysentericis auxiliandi viam invenimus, quam cum tutam certamque experiremur, tere solam posthac, rejectis aliis, sequebamur.

Ægris hisce ut primum ad nos venerant, copiosum potum ex decocto hordei, & oxymelle simplici exhibuimus: die sequenti antimoniale emeticum, tartari videlicet emetici solutionem propinavimus. Mictus ante parvissimus, stranguriosus, tenesmi, tormina, plerumque miraculi instar statim ab emetici operatione emendabantur. Alvus longe minus frequens brevi ita comprimebatur, ut post duos tresve dies medicamento indigerent alvum denovo molliter sollicitante. Finita emeto-catharsi solo ferme decocto hordei, cui oxymel & pulpa prunorum intrabuit, utebantur, donec intra exiguum tempus medicamento invigorante contra relapsus præmunirentur.

Paucissimis post emesin rheo tosto, miobalanis, atque opio in pulverem commixtis opus fuit.

Vir diligentissimus, atque egregius observator Collinius æque certo suis dysentericis sola arnicæ radice medebatur. Nullam is evacuationem, uti ex fidei relationibus accepi, instituere solebat, etsi humorum biliosorum copia non mediocri gravarentur. Operadicis hujus materies dysenterica subacta, immutataque, atque in benignum humorem conversa nocere desit.

Hanc methodum, etsi perutilem audieram, ob id tamen hucusque non sum amplexus, eamque in futura tempora reservavi, quod hæc me hac tempestate nunquam defereret.

O C T O B E R.

Ut cæteræ hujus Anni partes minus solito caluerunt, sic & October frigidior, ac plerumque solet, & siccus fuit: circa finem nebulæ multæ.

Mor-

Morbi chronici, hydropes, icteri, infarcta abdominis viscera, ob prægressas hac ætate biliosas febres, nos multum exercuere. Multi catarrhum questi sunt, tussimque noctu præprimis permolestam, quam sensus in hypochondriis, ad ventriculum, vel & inferius in abdomine dolorificus & præcedere, & commitari solebat, ita, ut hoc abdominis dolore de mox adfutura tussitatione præmonerentur.

His antea febres fuerunt intermittentes, aut suapte, aut non ex arte curatæ.

Tussis hæc, ad stomachicarum tussium speciem pertinens, remedia, pectori alias dicata, nequaquam admisit, sed ea, quæ glutinosa potenter incidunt, solvuntque, ac soluta, rejectaque per emeto-catharsin materie, ventriculo, & intestinis robur addunt. Rheum, elixirium stomachicum temperatum, decoctum lichenis, & polygalæ profuerunt.

Quicumque intermittente, aut remittente quadam febre hoc mente laborarunt, de spurio hoc pectoris affectu, difficili scilicet respiratione, & oppressio- nis sensu, tussique multa querebantur. Sputa aut nulla prodire, aut pauca, glutinosaque.

Perdifficile nonnunquam nobis accidit, *verane*, an *spuria* hæc pulmonum affectio esset, an malum in ipso thorace infarcto, inflammarique incipiente natum sit, an vero a primis viis attractum, probe internoscere; idque eo difficilius erat, quod hoc tempore utrumque sæpe vitium, levior nempe pulmonum inflammatio, & biliosum quid, mucosum- que a ventriculo oriundum una jungeretur.

Hinc cōsultum arbitrabamur, iis, qui complicata hac pectoris affectione laborabant, aut quos ea laborare suspicabamur, pauxillum sanguinis detrabere, eosque diuturniori solventium, & diluentium usui addicere, donec, quam cœlum frigidius pulmonibus adpersisset phlogosin, diffatam existi-

maremus, intra paucos ut plurimum dies evanidam. Interea vero, quod in tubo intestinali latuerat vitium, biliosum, mucosum, putridum, sese luculentius exerere, pluresque præsentia suæ, & indubitatos dare characteres cœpit. Vomitorium tunc, quod in initio *propria* thoracis affectio prohibuerat, insigniter profuit, cui fortunate salis ammoniaci largiores doses subjunximus.

Frequentior multo venæ sectionis necessitas fuit hoc, quam elapsis mensibus, &, si ab ipsomet ægro, priusquam ad nos veniret, præter rationem instituta esset, minus nocuit.

Quartanas jam multo plures, quam priori mense habuimus non rebelles, solventibus salinis, sale imprimis ammoniaco, datoque emetico usum solventium interpolante, vel ex integro curatas, vel ita cicuratas, ut sumpto cortice citro & cum constantia profligarentur. Quasdam quartanas remittentes æque levi brachio, & eadem methodo persanavimus.

Observare mihi visus sum, eas quartanas, quæ aut remitterent solum, aut vix intermitterent, citius faciliusque dicta ratione curari, quam illas, quæ paroxysmos habuere breves, sed inviolabili lege modoque redeuntes, quæve intermedio tempore ægro nil, aut perparum incommodi reliquerunt.

Quartanarum maxima pars priori adhuc mense nata fuit, verum ægri post exantlatas primum aliquot accessiones nostram opem implorarunt: hinc factum, ut, etsi September quartanarum præ aliis feracior esset, plures tamen mense primum Octobri nobis curandæ obvenerint.

Quotidianæ, & tertianæ febres nec numero, nec pertinacia eas superarunt, quæ alios aliorum Annorum autumnos infestant.

Dysenteria paucissima hoc mense, plures tamen immi-

inmitis morbi reliquæ comparuerunt, dolores videlicet, tumoresque, ac immobilitas articulorum. Accidit id in illis, quibus mala medicatio fluxum ventris stitit. Hic diversa profuere. Materiem dysentericam non raro male sedula medicatio intra viscera dato opio concludit; retentus vero fomes tunc sanguinem subit, & aut corpus oberrat, aut articulis, locisque illis, ubi tardior humorum motus, vasaque angustiora sunt, profunde inlidet, maximeque sensiles partes vellicat.

Multi quoque hoc mense, uti etiam proxime elapso, fuerunt, quos tormina stranguriæ cum oris amarore cum in modum vexabant, quo dysenterici solent, silente alvo. Id mali, siue colicam *biliosam*, siue *siccam dysenteriam* malis appellare, eandem, ac ipsa vera dysenteria, curam postulat, & ni ventrem probe vacues, sed solis diluentibus, ac involventibus impugnes, tardam ægro, tædiosamque, & persæpe inutilem medicinam facies, morbumque, qui modo in ventrem detonat, haud difficulter inde pellendus, ad articulos, locave exquisitissimis persæpe medicamentis inaccessa convertes.

Morbus articularis non raro etiam febres biliosas excipit, eas duntaxat, quas cortex præmature filere iussit, aut, quæ sensim suapte fatiscebant.

Nullam hic cortici remediorum principi notam inustam volumus, cum præmaturum solummodo ejusdem usum inculamus. Uti enim diutius solvendo, præparando, eliminandoque materiam febrilem, febris ipsa multoties alitur, donec, sero licet, ad corticem conlugiatur, ita e contrario inepti est, artemque ignorantis, audito mox febris nomine, nullo prorsus ad materiem febrilem respectu habito, largas corticis doses ingerere.

Vidimus ex multiplici hac origine natas arthritides non paucas. Profuerunt lenia purgantia, salina,

na, &, si morbus levior erat, ea ipsa remedia, quibus morbus, arthritidis genitor, si medicum letentem nactus esset, procul dubio auscultasset. Verum, quorum articulis malum profundius infixum hæsit, iis remedia ex potentiorum solventium classe deprompta profuere. Kermes minerale, sulphur antimonii auratum tertiæ præcipitationis, hisque nonnunquam potiora, aconitum, flammula jovis (vicina interea loca vesicante erosimus) saturata chamædryos, & chamæpytios decocta sæpissime votis respondebant. Quibusdam malum adeo alte insedit, ut potentissima remedia eluserit: his ternis, quaternisque consequenter diebus emplastrum latum vesicans ad eundem semper locum appoluiimus. Post aliquot dierum tormenta dolor omnis ubicunque, atque etiam extra locum vesicante tentatum existens, aut corpus oberrans, orta diaphoresi larga, vel & pustulis prurientibus per totam corporis, artuum præcipue, superficiem excitatis, evanuit.

N O V E M B E R.

Mense hoc varia tempestas lufit: cælum modo serenum, modo pluviosum: nives: tepor: frigus; ita tamen, ut nulla aëris qualitas aut exorbitaret nimium, aut diutius persisteret. Morbi longe pauciores ac reliquo totius Anni tempore, iidemque propemodum, qui præterito mense, si dysenterias jam modo compressas excipias.

D E C E M B E R.

Mensis hic ad zomum usque raras pluvias, frigus tolerabile, nives copiosas habuit. Inde rigidum gelu, nives copiosissimæ. Hoc tempore lumbagines non paucae, item tumor in alterutro genu summopere dolens, & motum impediens, cum, vel etiam sine ischiæ. Quibusdam articulus humeri doluit cum

im.

immobilitate brachii. Multis glandulæ subaxillares tumebant, dolebantque, quæ subinde in suppurationem abivere. Plurimis, iisque potissimum fæminis, dolor, noctu ingravescens, femora, crura, pedesque per intervalla pervasit; febricitabant plerumque, sed moderate, & more vago. Tussēs multæ, multoque plures, ac aliis hucusque mensibus.

Prout ab æstivo, & autumnali tempore longius provehebamur, ita rarius, mitiusque ex primis viis laboratum est, ingruente frigidiori anni parte ferocientem æstatis bilem comprimente. Verum per hoc tempus spissior facta humorum fere omnium indoles alios produxit morbos, atque alias, ac antea, corporis partes occupavit. Sanguis & compactior, & ad vasa, frigore nunc magis constricta, validius attritus, phlogoses non paucas generavit. Aquosa humorum portio æquo tenacior, vascula minutiora circa articulos, partesque tendinosas, ac glandulas locata, difficiliter permeavit. Facilis hinc explicatio est & rheumatismorum complurium, & inflammationum nunc seorsim, nunc junctis una viribus affligentium.

Numerus ægrotantium multo minor erat, quam per æstatem; & qui nullam infirmitatem chronicam ad hunc morbum attulere, facile convaluerunt. Funera, si quæ fuere, ea morbi longis, phthisi maxime, & consummato hydropi debebantur.

Exanthemata *σποραδην* & rarissime, & paucissima visa hoc, & præcedente mense sunt, ac ea fere ratione sentim disparuere, qua morborum biliosorum dominium contraheretur.

A N A C E P H A L Æ O S I S.

Πολυμορφον morborum popularium genium per hujus Anni decursum sæpius mirabamur, cum in aliis alia sit & morbi facies, & intensio, duratio, & eventus

tus alius. Nihilominus in tanto symptomatum lusu ejusdem epidemici morbi, atque in ipsa diversarum epidemiarum successione mira quædam simplicitas obtinet, siue causam morbificam, siue vero genuinam methodum medendi spectes; illa enim varios ad speciem morbos, siue potius unum solummodo morbum, producet, sed qui diversissimos, atque alios in aliis mentiatur, prout vel aëris constitutio, vel corporis diathesis, quam quisque sibi propriam, atque ab alio diversam habet, *ejusdem* morbificæ causæ vires *diversimode* applicuerit.

Hæc vero paucorum remediorum, eorumque simplicissimorum usus, quem efficacem experientia docuerit, facile acquiescit, non, quod plura non suppetant; sed quod pluribus, in tanta causarum simplicitate, supersedere queamus.

Juvat nunc unico quasi intuitu totius Anni ad finem modo perducti constitutionem contemplari.

Ineunte Anno inflammationes pulmonum frequentes fuisse: his pleuritides, & peripneumoniarum successerant a bile prognatæ. Denuo febribus biliosis intermittentibus, remittentibus, varia periodo, leque recurrentibus æstas infestabatur. Autumnum proxime & præcedebant, & comitabantur dysenteriarum, biliosarum utique prolapiarum, febribus æstivis sensim vela hoc tempore contrahentibus.

Sub initium hyemis febres inflammatoriæ denuo caput exerebant, morbi que alii, ad phlogoscon familiam pertinentes.

En per totius Anni decursum modo sanguinis, modo bilis prædominium, vel temporibus intermediis: æquale utriusque imperium, junctasque vires! En a gemina hac origine multiplicem morborum faciem, sed non adeo multiplici remediorum suppellectile persanandam!

Fortunate medebitur, qui remedii exhibendi oc-

casiones sagax captat, quive repertæ indicationi potius, quam specificæ cuidam remediorum virtuti confidit.

SECTIONES CADAVERUM.

SECTIO PRIMA.

Sub finem Aprilis anni 1776. sectum cadaver fuit, cujus historia morbi, & anatomes hæc est:

Vir 40 Annorum, opilio, cum præterita æstate per Italiam pecudes ageret, vino italico, cum, & itinere ipso, & fervidiore cœlo frequentius æstua-
ret, solito largius indulgit. Domum redux in Germaniam, sero autumno tussitare primum, pectore oppresso esse, & asthmaticorum instar spiritum trahere cœpit. His incommodis per totam hyemem conflictatur absque remedio, si duas, tresve per tempus hoc venæ sectiones excipias, quas semper insigni cum levamine instituit.

Die ipso paschatis rigor horarum aliquot cum succedente æstu hominem corripuit: respiratio longe difficilior, oppressio pectoris major, quam hucusque, dolorque puaëtorius ad mämmam dextram cum sputo cruento accedit. Ter vena secta est, sed quo morbi tempore, quæve sanguinis missi quantitas fuerit, ignoro: id solum ab ejus uxore rescivi, sanguinem crusta inflammatoria crassa, tenacique con-
tectum fuisse. Cæterum an ullum, & quale remedium fuerit adhibitum homini ruri habitanti, & solius chirurgi curæ commissio, non scio. Negavit tamen uxor, quidquam fuisse adplicatum. Die mor-
bi-

bi decimo septimo in Nosocomium defertur: respiratio summe laboriosa, dolor punctorius ad mammam dextram, pulsus celerior naturali; & in brachio affecti lateris obscurior multo, mollis, non debilis. Sputa multa mucosa, pauca cocta: decubitus in latus dolens impossibilis; sed talis, ut nec supinus omnimode, nec etiam in latus sinistrum cubaret. Strepitus in pectore inter respirandum quasi ferventis aheni. Sanguis illico missus crustam summe phlogisticam exhibuit, unde levamen doloris punctorii secutum, persistente eadem strepera respirationis difficultate: pulsus evolutior: sputa eadem.

Altero die denuo vena secta, idque etiam quarto die factum, tum quod memorata inflammationis symptomata perseverarent, cum etiam quod recrudesceret pungens in latere dolor. Hoc die pulsum minus mollem, vere fortem ante venæ sectionem apprehendi; at a venæ sectione celebrata paucis horis exspiravit die morbi vigesimo.

Cadaver pectore hirsuto, & musculorum robore insigni, ab assistente chirurgo incisum, sequentia exhibuit:

Pulmo dexter ex toto inflammatus erat, portione suprema, præcipue qua dorsum respicit, excepta; quæ sana omnimode quartam pulmonis partem effecerat. Lobi, in quos pulmo dividitur, tum inter se, tum ad pleuram ubique validioribus cohæsionibus nectebantur, eamque illæsam, ac nullibi inflammata. Dexter hic pulmo majori suo volumine sinistrum urgebat, presso sinistrorsum mediastino, & remoto sterno multum protuberabat. Ex sectorum bronchiorum orificiis albidus ac subflavus prodibat humor, qualem sputa mucosa, alba, intermixtis quibusdam coctis referunt. Pulmo sinister sanus, excepta parte ejusdem media dimidii fere pugni magnitudinem æquante, & inflammata. In corde, ac va-

sis majoribus polyposæ, & albæ ut plurimum concretionibus erant. In pericardio plus feri collectum inveniebatur, quam communiter fieri assolet. Serum pariter in sinistro thoracis cavo repertum 20 fere uncias æquabat. Viscera abdominalia sana per omnia fuerunt.

In hac historia plura occurrunt, quæ nostram attentionem promerentur.

Imo. status ille asthmaticus per totam hyemem miserum affligens, quemque sola venæ sectio solabatur, nullas alias asthmatis causas videtur admittere. Pulmones, qua parte inflammatio absuit, omni modo sani fuerunt, inflammati vero sat luculenter demonstrarunt, se ante hanc inflammationem omni alio vitio caruisse. Hinc asthma hoc, quo per hyemem premebatur, ex *continua & chronica inflammatione* profectum fuisse, indubitatum videtur. Constat enim, nullos dari certos inflammationis terminos, quibus elapsis ea noto quodam exitu solvatur, cum per multas sæpe septimanas, & menses cruda inflammatio persistet. Sunt, quos respiratio difficilior, dolor exiguus punctorius in latere longissimo tempore infestat, etsi omnibus cæteroquin muniis fungantur cum pulsu aut sano, aut ab eo non multum abludente. Subinde sola difficilior respiratio est cum pulsu naturali, tussicula, & pectoris oppressione: abest dolor punctorius, nisi, si fortius inspirent, aut validius data opera tussiant, aut quacunque ratione cursum sanguinis incitent.

Morbi hi *veræ pleuritides*, & *peripneumonice* sunt, verum *chronicæ*: cumque ut plurimum absque motu febrili sint, & ita affectos lecto non affigant, ac characteribus, alias hosce morbos pulmonicos comitari solitis, destituantur, *latentes* a Baglivo appellantur, quas magno ægrorum emolumento sæpius detectas fuisse asserit, dum pungens lateris dolor aut
vali.

validiore tussi, aut profundiore inspiratione studio facta sese exsereret, aut quodnam in latus difficilior decubitus esset, exploraretur. Sed de his superius actum abunde est.

2do. æger fuerat pleuro-peripneumonicus, dolor vividus admodum, etsi pleura nullibi inflammata deprehenderetur.

3tio. cum die morbi 20mo morbus crudus adhuc deprehenderetur, apparet nullum posse statui dierum numerum, ultra quem venæ sectiones non admitti queant, neque ubique obtinere aphorismum 8vum L. 5. *Quicumque pleuritici fientes in 14 diebus non repurgantur, his ad suppurationem transitio fit.*

4to. æger in statu cruditatis ex eo moritur, quod pulmo inflammatus alterum sanum comprimat, omnemque humorum circuitum suffocet. Largissimæ venæ sectiones, quæ se invicem excipiunt, si primis statim morbi diebus instituantur, suffocationem fors subinde præpedire valent.

Recenset clarissimus Morgagni L. II. Epist. anat. med. XXI. art. 26. 27. 28. epidemicam pulmonum inflammationem, quæ hyeme Anni 1738. nusquam magis quam in quibusdam monacharum cœnobiis sæviit, & plures, paucos intra dies, sustulit. Cadaverum dissectio exhibuit gravissimam totius pulmonis inflammationem, qua ægrotæ brevi suffocabantur, eæ præcipue, quæ laxioribus ac imbecillioribus antea pulmonibus fuerant.

Statum hunc morbi crudissimi, ubi pulmo alteruter, infarctu inflammatorio turgens, spatio suo contineri nequit, & in vicinum thoracis cavum pre-tuberat, atque sufflaminando sanguinis per corpus periodum occidit, Hippocrates designasse videtur, dum de pulmonis ad latus prolapsu L. 2 de morbis sic ait. „ Si pulmo ad latus prolapsus fuerit, „ tussis tenet, & erectæ cervicis spiratio, & salivæ
„ vana

„viam tussiendo rejicit albam, & dolor ad pectus,
 „& dorsum emergit, & incumbens pulmo impel-
 „lit, & grave quiddam in pectore incumbere vide-
 „tur, & dolores acuti pungunt, & sanguis stridet
 „velut pellis, & spirationem cohibet, & ad affe-
 „ctum quidem latus decubitus sustinet, non autem
 „ad sanum. Verum velut grave quiddam ipsi de
 „latere pendere videtur, & per pectus transpirare
 „se putat.”

Subdit dein curam: *hunc calida multa bis in die lavato, & aquam mulsam ipsi bibendam dato.*

5to. pulmonis inflammati color læte ruber erat, consistentia tali, qua hepar esse solet, atque ea gravitate, ut particula abscissa, atque aquæ immissa fundum petierit.

6to. in utroque ægroto, quin in aliis compluribus verum deprehendi effatum Hippocratis in coacis prænot. Afferentis: *quibus pleuriticis strepitus sputi multus in pectore est, & facies tristis, & oculus morbi regii colore infectus, ac caliginosus, hi pereunt.*

7mo. ratio, quare in latus dolens cubare non potuerit, non adeo in propatulo est, nisi hanc hujus rei causam esse existimemus, quod pulmo finitè in medio inflammatus, atque ad latus hinc inde religatus, suo pondere dextrorsum premens pleuram, abstrahere connisus fuerit, sicque molestiam intulerit.

8vo. quorsum referre causam doloris punctorii oporteat in pleuriticis, vel pleuro-peripneumoniacis, necdum videtur exacte constare. Id solummodo certum per observationes est, pleuram ea ratione absolvi posse, ut dolor ab ejus inflammatione, utpote quæ sæpius abest, non semper repeti debeat, quamvis, si revera phlogosi teneatur, ea sic affecta, citra acuti doloris sensum, respiratorio thoracis motu distrahi nequeat.

Fors non inepte doloris causam ex arctis illis pulmonum cum pleura nexibus, multoties explicare possumus, cum pulmo turgens, seque ipso durior, majorque factus, versus alterum thoracis latus prominet, aut, ut phrasi Hippocratica utar, ad *latus prolabitur*, quod certe fieri nequit, quin simul nexu hi urgeantur, ac distrahantur, & pleuram sollicitent.

yno. feri collectio primum hoc ultimo morbi tempore facta fuisse videtur; pressis enim majoribus vasis, & retardato sanguinis per pulmones circuitu, tenuiores particulæ per ramulos laterales elabuntur, aut verius, exprimuntur. Accedunt & aliæ rationes, ex quibus hæc hydrothoracis species explicari potest, quasve Cl. Morgagni L. II. epist. anat. med. art. 34. paulo accuratius persequitur.

1omo. pulsus arteriarum obscuri, humiles, contractique in latere, aut unice aut magis affecto, ferme semper observantur. Infida præterea indicatio est, quam tum in quocunque thoracis morbo, cum & præcipue in pulmonum inflammatione, ex pulsu venamur. Securior illa est, quam respiratio, majorve, aut minor morbi tolerantia subministrat.

SECTIO SECUNDA.

Virum ætatis mediæ secui circa medium Aprilem, qui nono, ni fallor, morbi pleuro-peripneumonici die ad Nosocomium delatus est: omni hucusque auxilio caruit. Respiratio strepens, difficillima, elevata summo cum labore scapulis ac thorace, ore, ac pinnis narium diductis, & erecta cervice peragenda. Ad lectum delatus, cum decumbere non valeret, inter maximos trahendæ respirationis conatus sedens moritur.

Pulmo sinister per totum inflammatus, & vicinæ pleuræ per multas fibras membranasque nexus, mag-

nam thoracis dextri partem oppleverat, & ejusdem lateris pulmonem sanum per omnia arcte compressit. In cavo thoracis dextro aquæ ad duas facile libras repertæ sunt. Vasa cordis coronaria mirum in modum dilatata; & multo sanguine turgida visebantur. Pleura ubique sana etiam hic ostendit; doloris pungentis sedem in pleuritide, aut pleuro-peripneumonia male in ejusdem inflammatione quæri.

Viden & in hoc casu *pulmonis prolapsum ad latera*, & serum in cavo thoracis, quo latere is sanus fuit, collectum. Vasa coronaria solito longe ampliora faciliem habent explicatum ex laborioso sanguinis per pulmones meatu. Cor ipsum post repetitas pulmonum inflammationes magis amplum, & ferme aneurismaticum non raro reperiri, captæ per anatomicen observationes docent.

SECTIO TERTIA.

Pistor 32 annorum prima Martii sæva pleuro-peripneumonia correptus ad Nosocomium deferitur. Institutæ quatuor venæ sectiones sunt, aliaque, quæ antiphlogisticorum nomine vehiunt, ea, quæ par est, attentione applicata. Melius inde, licet tarde, habere cœpit; mansit nihilominus respiratio naturali paulo impeditior cum dispositione quasi catarrhosa. Accessit anxietas: pulsus celeres semper, & duriusculi: sitis nulla: decubitus in latus dextrum, quod sanum fuerat, impossibilis. Die morbi 19no dolore corripitur acutissimo in molli hypochondrii sinistri parte: sitis, febrisque urgent: facies hominis quasi exsanguis, ac labia pallidissima fuerunt. Omnibus, quæ indicata videbantur, in usum tractis, factaque terna missione sanguinis summe phlogistici, qualis pleuriticorum esse solet; dolor, qui in abdominis latere sinistro, non multum infra sep-

tum transversum hæere visus est, non longo post tempore disparuit. Mansit tamen pulsus celer supra modum absque exacerbationibus. Dyspnœa major: facies, & totum corpus tumere incipit tumore leucophlegmatico: in abdomine fluctuatio persentiscebatur. Hinc, atque etiam ex aliis, quæ præcessere, hydropis purulenti suspicio nata. Sudores nocturni copiosi, & alvus subinde citatior ægrum exercebant. Diarrhœa tamen facile pulvere myrobalanorum, & rheo tosto compressa fuit. Urinatum in dolore illo acuto, qui abdominis esse putabatur, cum & postmodum, citrini coloris, & fere naturales fuerunt. 7ma Aprilis orthopnœa subito correptus, dum ex lecto in vicinum mundiorum reponeretur, vivere desiit. Prima morbi tempora, quæ ipsemet non vidi, fida narratione accepi.

Cadaveris, tumore leucophlegmatico ubique tumens, thorax sinister ultra duodecim libras puris dedit. Pleura sana fuit, eique hinc inde laciniae quædam adhærebant, quæ parietes sacci, in pulmone nati, & in cavum thoracis rupti, ex parte effecere; Diaphragma tam alte in abdomen ex illo latere, ab incumbens puris copia pressum, descenderat, ut dolor, qui abdominis esse putabatur, in thorace fuerit, atque inde ortus, quod saccus puri plenus ad ruptionem urgeretur, & divulsæ membranæ dolerent. Pulmones ambo, magis vero sinister, erosi reperiebantur. Abdomen duas circiter feri libras continebat, a qua tam exigua quantitate manifestam fluctuationem non facile repetere licet, ut adeo etiam hinc constet, quantum hujus fluctuationis sensui fidere quis possit. Sana omnia abdominis viscera reperta sunt.

Febris, qua detinebatur, uno tenore perseveravit, nullis, quæ sub sensus caderent, exacerbationibus stipata,

stipata, & notis illis destituta, quæ alias febriam a pure resorpto natam produunt.

SECTIO QUARTA.

Die 26ta Maji cadaver me, & aliquot medicinæ Candidatis præsentibus, ab assistente chirurgo sectum fuit, cujus hæc morbi historia est:

Vir 54 annorum, a multis jam annis aurigæ officio functus, die 13tia Maji ad Nosocomium deferatur, queriturque urinam a quatuor diebus penitus suppressam. Adplicato mox cathetere multum lotii eductum est, sed obstaculum, circa collum vesicæ repertum, difficilem instrumento aditum fecit. Pus, ut relatum a chirurgo erat, nullum est animadversum. Quæ tunc ab ipso ægro, cum & ejus uxore post mariti mortem rescire poteram, narrabo.

Junior in Italia apud principem quemdam, munus aurigæ faciens, aliquot annos exegit: ibi se ægrotaſſe ex suppressa urina, & cathetere adjutum fuisse, uxori in hoc ultimo morbo fatebatur.

Ab illo tempore complurium cum utraque uxore (alteram enim jam duxerat) liberorum parens, potui, ut hoc hominum genus assolet, multum alias deditus, hoc tamen ultimo, quo vixit anno, vino moderate admodum, & ferme omnino non utebatur. Hoc etiam anno frequentiori mictu, eoque difficiliore, præcipue noctu, exercebatur, ut bis, terve præter morem de lecto surgeret, urinam missurus.

Initio Martii ab equo ad partes genitales percussus, magis conqueri de frequenti, & dolorifico mictu cœpit, itemque de urinæ stillicidio. Circa initium Aprilis domi ex pleuritide diebus tredecim decubuit. Bis ipsi primis diebus morbi vena secta est: æterum præter mixturam quamdam a medico præ-

scriptam, nullo alio auxilio utebatur. Convalescere ex morbo videbatur, ita, ut denuo aurigæ vices subiret. Verum tussicula cum sputis flavescentibus, & quædam non magna oppressio pectoris ex morbo supererant.

Post initium Maji mictus difficilior, & magis stranguriosus, ac ante hac, quin & subinde penitus suppressus ægrum torquebat, cerei tunc tenuioris auxilio, quem ipse ea methodo, qua olim in Italia usus est, versus apicem magis extenuaverat, ac oleo inunctum urethræ immiserat, lotium misit, educto cereo denuo suppressum.

Tandem ad nos delatus est, cum a quadriduo nullam amplius urinam misisset, & toto hoc tempore nihil potulentorum assumpsisset, ne, ut ajebat, urinæ quantitas accresceret. Febricitabat pulsu forti, duroque, siti multa, faucibus siccis, uti inflammati solent. Secta vena est: sanguis eductus crustam phlogisticam, eamque crassam, exhibuit. A venæ sectione urinæ libertas fuit: verum cum noctu denuo supprimeretur, sitisque urgeret magna, denuo secta vena est; sanguis crassissima crusta phlogistica tangebatur. Usus interea est decocto hordei cum oxymelle, emulso seminum frigidorum cum nitro. Adplicatum præterea est emolliens cataplasma ad perinæum, radicem penis, & ad pubem. Inde urina libere posthac fluxit, sed fluxu continuo stillante. Verum quarto die, ex quo ad Nosocomium venerat, diarrhœa accedit, nulla ratione comprimenda, etsi aliquoties rheo tosto, myrobalanis, laudano fuerit suspensa. Nullus ullibi dolor: animi indifferencia peculiaris: pulsus antea celer, fortis, durus, nunc humilior fit, debilisque, celeritate non nimia. Lingua pura siccescere primum, dein arida, lignea fieri: accessit & is oris habitus, quem risum fardonium appellant, quique continuo per septem,

tem, octove ultimos, quos vixit, dies morbi perstitit. Subdelirium, delirium, decubitus membrum inordinate projectis. Varia data sunt, quæ vi antiseptica celebrantur. Rediit subinde mens per intervalla, pulsus non raro elatiores facti, denuo subsidebant. Sinapismis, vesicantibus, aliisque excitantibus, antiseptici morbum frustra tentavimus. Vesicantia fortissima binis vicibus eidem loco apposita, vix exiguas vesiculas hinc inde excitarunt. Die 25ta Maji moritur.

Proximo die sectio cadaveris sequentia exhibuit:

Thorax sectus ex cavo dextro fudit libram prope modum aquæ paucæ pure inquinatæ. Pleura cum pulmone abscessus non magni parietes effecit, quibus ruptis illud pauculum puris aquæ mixti profluxit. In sinistro thoracis latere pulmo ubique cum diaphragmate nectebatur, si locum excipias, qui duas fere puris uncias intra pulmonem, & diaphragma conclusas habuit. Inter pulmonem & pleuram, qua illa locum scapulæ objectum investit, pariter abscessus latebat, puris uncias facile quinque continens. Idem cavum libram dimidiam aquæ dedit. Pulmones variegata superficie, & sani cæteroquin reperti sunt. In corde, & vasis ejus majoribus concretiones polyposæ.

Recluso abdomine hepar solito longe majus, sed sanissimum, offendimus; lien duplo major, quam alias solet, sanus & ipse per omnia, sed, si digitis paulo rudius contrectaretur, nimis friabilis. Ren sinister innumeris & exiguis abscessibus plenus, solito longe major, & tubulorum bellinianorum, qui pure turgebant, is habitus, ut abscessus potius viderentur: ita quoque interna renis substantia mutata reperiebatur, ut pus non aliunde delatum, sed ibi natum apparuerit. Socius ren, & intestina nil præter ordinem habuerunt. Nulla bubonum vestigia,

aut cicatrices inventæ. Vesica, carneis crassisque parietibus donata, pauca granula, uti ovula fornicarum, sed rubra in fundo suo exhibuit, quæ dissecissa pus fudere. Urethra e corpore exempta, dissectaque ostendit duos abscessus ruptos utrinque, atque in prostata locatos, quorum dexter minor facile nucem moschatam caperet, sinister autem triplo major. Plures quoque in illa vicinia hinc inde positi abscessus perquam exigui, qui dissecti pus bonæ notæ dederunt. Nullæ alias alibi excrescentiæ, & canaliculi Morgagniani frequentes viscebantur. Urethra versus glandem prærubra, & quasi inflammata apparebat. Testis dexter fere duplo major visus secabatur, verum aqua intra eundem, & membranam vaginalem collecta, cum tumorem mentiebatur. Caput ob temporis penuriam non est sectum, neque uretheres, aut vesiculæ feminales examinatae.

Plura sunt, hoc in casu notanda. Utut æger toties examinatus nil fateretur, quod ipsum gonorrhœa quondam laborasse demonstraret, multa tamen sunt, quæ hanc opinionem admodum probabilem reddunt. Videntur a longo jam tempore obstacula in urethra latitasse a male curatis, aut neglectis, ut fere fit, gonorrhœis nata. Hinc aliquando fit, ut, nisi diutius adhibito mingendi nisu, urina non prodeat, tot obstaculis, penes quæ transpiri debet, effluere prohibita. Sunt, qui per omnem vitam huic difficultati obnoxii vivunt, quin gravius quidquam inde unquam sequatur. At vero, si ea obstacula phlogosis prehenderit, seque ipsis majora evadant, canalem obturent penitus, necesse est.

De natura horum impedimentorum multum disputatum jam sæpe fuit. Cl. Brunnerus ephemer. N. C. cent. 1. observ. 97. excrescentes in urethra carunculas inter figmenta chirurgorum retulit, & naturam horum obstaculorum in quadam potius urethræ in-

signori constrictione, ac coarctatione posuit; cum e contrario Cl. Genselius eph. N. C. cent. 6. observ. 84. acriter pro carunculis contenderet. Verum cum per sectiones anatomicas conslet, vestigia cicatricum in urethra reperta esse, cumque ora canaliculorum morgagnianorum, quo sedes gonorrhœarum leviorum verosimiliter locatur, inflammari, erodi, coalescere, atque communi illa lege, quæ id omnes reliquæ partes possunt, luxuriante carne, nodosaque cicatrice repleri queant, non video, quid improbabilis, vel etiam ab observatis alieni hæc opinio habeat.

Urethram subinde ab exstantibus obstaculis liberam nihilominus in uno, vel in pluribus locis præter modum coarctari constringique, uti Cl. Brunnerus voluit, non paucæ observationes probant.

At vero alterius naturæ obices præter superius enarratos reperiri, pariter extra dubium est; glandulas videlicet in urethra locatas, induratas, tumentesque, quæ, si propius sphincterem sint, impedimento sunt, quominus exacte vesica claudi queat, ut adeo urina penes tubercula hæc utrinque continuo stillicidio elabatur, donec ejusmodi tumores altius assurgant, & urethram ex integro obturent.

Hoc ultimo obstaculorum genere, glandulis videlicet tumentibus, inflammatiis dein, & accrescente multum phlogosi tandem suppuratis, æger noster laborasse videtur. Hinc ille mingendi nisus ad transprimendam urinam: hinc etiam explicatur, quomodo urinam penitus tandem suppressam tenuiori cereo immisso, quamdiu is urethræ impositus maneret, de quo evocarit.

Cereus immissus equidem urethram magis obturasse videtur, at vero, pressis ope cerei tuberculis, non ita exacte canalis obstruebatur, quin non utrin-

que via restaret, per quam urina se subducere poterat.

Hoc adjumentum a cereo vel specillo quocunque etiam illi experiuntur, qui carnes habent excrescentes, & urethram obstruentes.

Quibus vero urethra constricta, coarctataque, precipue si tortuosum ejus iter sit, nihil ab hisce specillis auxilii habent, nec etiam a candelis vi medicamentosa, absumente, erodenteque imbutis, plurimum vero non raro incommodi; irritata enim urethra fortius stringitur; urina tenuissimo filo, & stranguiose abit; accedit irritatarum partium inflammatio, & ischuria.

Morbi urethræ, utut frequentissimi, tamen nescio, quo infortunio, curatu difficillimi sunt, & maxime discrepantes de medendi methodo opiniones vigent. Sunt, qui omnes candelas medicamentosas rejiciant, & nullas admittant, nisi quæ sola mechanica ratione superius explicata obstaculum reprimant, & urinæ exitum parent. Sunt itidem alii, & forte maxima medentium pars, qui iisdem eo scopo utuntur, ut obstacula absumantur.

Viri, qui multum in hac re experientiæ habent, quique sæpissime hisce candelis apud ægros suos usi sunt, parum aut nihil levaminis, & plurimum incommodi suis ægris hac medendi ratione attulisse mihi aliquoties fatebantur. Mæ autem observationes circa usum candelarum pauciores adhuc sunt, quam ut certi quid de illis statuere queam. Id interea verum est, in his paucioribus meis casibus candelas medicamentosas juvisse nunquam.

Curationis difficultatem inde ut plurimum provenire opinor, quod mali diagnosis perdifficilis sit, & de obstaculi natura ac indole difficulter constet.

Quærendum itaque est, an glandularum, in urethra sitarum, tumor morbi, sive is stillicidium, sive stran-

stranguria, vel & ischuria fuerit, causa sit? dein, & quæ tumoris illius species sit? aliam enim medelam scirrhusus tumor, aliam is., qui ex inflammatione glandulam prehendente nascitur, atque aliam glandulæ habitus laxior, tumorque ortus a muco copiosius collecto, & glandulam distendente postulat.

Vidi ischuriam, & mictum tenesmoideum, qui muco albedo benigno per urethram fluente cessabat; verum elapso ferme dimidio die, sensim denuo nascebatur, prout muci hujus excretio minuebatur, quæ penitus sublata, omni fere horæ quadrante ingens ad matulam tenesmus redibat, donec maximo adhibito mingendi conatu denuo mucus ille exprimi, emulgerique inciperet cum mali decremento.

Hanc scenam morbus vix non quotidie semel lussit. Raro factum est, ut per duos continuos dies æger absque obstaculo mingeret. Profuerunt solventia salina, præcipue aquæ selteranæ sine lacte potæ. Æger sensum rei, canalem versus ipsius radicem obstruentis, toties habuit, quoties urina difficilius pergeret; at fluxu restituto nullum alibi dolorem, ardoremque, aut obstaculi sensum querebatur. Interposita solventibus roborantia sunt, sed nullum remedium topicum adhibebatur, quod æger id omnino renueret.

Examinandum præterea, an constrictio, coarctatioque urethræ, an vero prominentes carnes, aut cicatrices nodosæ adsint, ut, si facta accuratior diagnosis sit, scire possimus, quid potius *non facere* expediat, quam ut incerti de morbi natura per varias, & sibi non raro quam maxime oppositas methodos, absque certa lege vagemur.

Febris inflammatoria siti, pulsu forti, pleno, duro, aliisque se manifestans, & alii quidam non abssimiles casus nos determinabant, ut omissis candelis,educta per catheterem urina, methodum mere anti-

phlogisticam arriperemus, & cataplasmate emollientissimo vicinas partes foveremus. Glandulas tumentes illam in transprimendo lotio difficultatem, quam a tot annis experiebatur, attulisse opinor: sed cum tumores hi non assurgerent magis, minus inde multabatur, donec tandem phlogosi correpti in majus volumen expanderentur.

Aurigæ officium multum poterat conferre, quo facilius inflammatio hæc tubercula afficeret, cum concutiente carpenti motu, vel & magis adhuc, si quis equo insideat, partes urethræ vicinæ exagitentur, atteranturque.

Accedit, quod id hominum genus, uti de hoc nostro ex relatione uxoris constat, vino, & cerevisiæ deditum sit, iisque vilioribus, acidis, diureticis, inflammantibus.

Præterea & illud notandum, quod totius mali origo est, gonorrhœas in ejusmodi hominibus aut negligi omnino, aut prava admodum methodo curari.

Plura male curatarum gonorrhœarum exempla nescio, non a chirurgis solummodo minus expertis, sed aliis, etiam medicis, quos diuturna, & luculentior praxis commendabat.

Sæpius mirabar, qui fiat, ut in morbo tam frequenti tam non exacta medendi methodus sit, & tot graves quotidie errores committantur. Plures vidi casus, ubi dato validiori purgante, qui mos quondam etiam inter doctissimos viguit, & nondum, ut video, inter omnes est abolitus, fluxus virulentæ materiæ substitit cum delirio paulo post subsequente, & dirissimo morbo acuto nulla arte sanando.

Qui in nostro Nosocomio ex hac causa acute decubuerunt (contigit enim nonnunquam, ut ex lue occulta, quam perversa medicatio modo superius recensito exasperaverat, validissime febrientes, tanquam simplici acuta febre affectos causæ prægressæ igna-

ignari, & nec ægri confessione, nec alio insuper signo adjuti susciperemus) qui inquam ex hac causa acute laborarunt, plerique mortui sunt.

Cum hi per aliquot dies decumberent apud nos, quædam veneni latentis signa vel in ipso ægro deteximus, vel undecunque demum causam mali, & quid ante adventum ad nos actum fuerat, expiscabamur. Gonorrhœam purgante valido suppressam, morbumque acutissimum inde natum aliquoties deteximus; plerorumque enim animis, eorum præcipue, qui ex plebe sunt, prava hæc opinio insidet, posse virus venereum ex parte affecta revocari, & per alvum eliminari. Hinc ipsi sibi medicinam per sæpe faciunt, & spiritum vini purgantem, sive resinam jallappæ spiritu vini solutam ex pharmacopœis repetunt.

Sed hæc methodus uti perniciosa est, sic alia non quidem mortem tam citam, attamen innumera alia mala, quibus etiam noster auriga conflictabatur, producere solet.

Multi videlicet, gonorrhœa affecti, unice exoptant, ut fluxus virulentæ materiæ quantocius sistatur: hinc aut chirurgorum inexpertorum consilio, aut proprio Marte therebinthinam deglutiunt, vel alia styptica, quæ fluorem sistunt, aut injectiones ex aqua calcis, & aceto lythargirii adhibent.

Hinc illa malorum ilias, hinc aut radicata lues, aut si benignius quid ægro accadat, morbi urethræ non raro immedicabiles nascuntur. Imprimis autem hac methodo fit, ut partes, quas inflammatio venerea corripit, atque in tumores elevat, indurentur, idque maxime, si glandulosæ fuerint: unde difficilis mictus, aut nullus omnino, nisi mediante specillo, atque perpetuus metus, ne tubercula hæc, etsi nunc indolentia, motu humorum quacunque ex causa aucto, doleant, inflammentur, tristemque tandem tragœdiam ludant.

Methodus, qua recentibus gonorrhœis felicissime medeor, sua simplicitate, quodve morbi naturæ adcurate respondeat, atque idcirco fortunato se eventu, commendat.

Hujusmodi ægri carnibus, vinoque penitus abstinent, solum jusculis cum oleribus vescuntur: assument magnam quantitatem decocti foliorum althææ, malvæ, quibus subinde aliquid ficuum, vel siliquarum dulcium incoquitur.

Fuerunt, qui pauxillum lactis addidere, & duodecim, pluresque etiam libras per diem hujus decocti hauserunt.

Adhibentur continua ferme balnea penis tepida, ubi simul glans penis perpetuo abluitur, ne quid materiæ venereæ intra præputium & glandem restitans rosiones, & ulcuscula venerea faciat. Plurimum semper ad breviorē curationem facere credidi, si æger quam sæpissime pudenda abluat; si enim sanus ex impuro coitu ideo vitium trahat, quod materies venerea ad glandem penis allapsa resorbeat, nonne qui infectus jam antea est, se ipsum continuo de novo coinquinabit, & morbum alet, nisi identidem materiam hanc, si qua intra glandem & præputium hæserit, eluere conetur? quemadmodum scabiosus morbum prolongat, seque ipsum identidem contagio afflat, si vestes scabiosa materia infectas non sæpius purget, neque cum aliis commutet.

Qui gonorrhœam recentem curat, meminisse semper debet, se *inflammatæ parti*, eique *glandulosæ* mederi, semperque benignam phlogoseos resolutionem omni modo tentandam esse.

Horum memor a therebinthinæis, aliis stypticis sive injiciendis per urethram sive ore assumendis, a purgantibus etiam lenissimis abstinabit, probe gnarus, nullum revera antiphlogisticum dari purgans, quod, utut parum, sanguinis motum non incitet, &
hoc

hoc ipso phlogosin non augeat. Horum loco clysmata emollientia adhibebit.

S E C T I O Q U I N T A.

Hoc loco juvat historiam alterius pariter aurigæ referre, prout illam autumnò proxime elapso in mea adversaria retuli.

Vir 43 annorum ante quatuor annos a quodam chirurgo ex gonorrhœa curabatur. Suspicio est, eum & ante & post hæc illa sæpius laborasse. Ex sæva pleuritide jam aliquoties convaluit. Jam ab anno dimidio de ardore urinæ sæpius queritur.

Die 2da Octobris anno 1775. dysuriam, solitoque majorem stranguriam patitur.

Die 3. 4. 5ta Octobris mitius habet: lotium expeditius, & copiosius mittit. Hucusque officio aurigæ impigre adhuc fungitur.

Vesperi die 5ta Octobris domum rediens post cerevisiam largius haustam cubitum petit, sed paulo post de ardore, dolente admodum ad matulam tenesmo conqueritur: ejulatus: jactitatio: dolor in hypogastrio, & ad radicem penis: somnus nullus.

Die sequenti, scilicet 6ta Octobris, itemque septima eadem symptomata, sed multum aucta: inquietum: corporis ad interiora ob dolores summos incurvatio; nisus mittendi lotium frequentissimi, dolentissimi. Hucusque ferme obambulando ægrotabat.

Vesperi die 7ma Octobris prima vice catheter applicatur, sed ad vesicam non pervenitur: in ipso applicandi catheteris conatu, educto filo argenteo pus boni moris ad unciam per cannulam effluxit: urina nulla. Catheter sæpius frustra tentabatur.

Die octava Octobris mane omnia, uti pridie. A meridie hujus diei, dum alvum deponit, inter con-

tinuos ad matulam tenesmos circa tertiam horam pomeridianam subito exclamat, sibi quidpiam in corpore ruptum esse: riget, livetque toto corpore. Sudor frigidus, copiosus in guttas collectus. Paulo post decumbit quietior: abdomen tumet, doletque ad tactum. Nullus amplius ad mejendum conatus.

Die nona vocatur medicus, qui, cum chirurgus ipso præsente denuo catheterem adplicare, sed frustra, conaretur, paracentesin, in perinæo suavit. Facta punctura ciciter uncia urinæ saltu prodiit, & dein pauxillum sanguinis. Tandem cum nihil amplius, tentatis omnibus, efflueret, educta cannula est.

Die 10ma Octobris vespere advocatus alius medicus paracentesin vesicæ supra os pubis fieri curavit: at nec gutta urinæ prodiit. Circa mediam noctem ejusdem diei lotium ad lb. v. sponte per urethram fluxit. Abdomen insigniter detumuit. Nullus amplius ullibi dolor. Circa meridiem diei proximi, cum bene speraret ipsemet æger, & adstantium quidam proxime futuram sanitatem serio prædicerent, vegetis omnino sensibus, animoque semper præsente cito, & tranquille moritur.

Sectio 12ma Octobris mane facta est. Urethra primo dissecta exhibuit circa vesicæ sphincterem: imo ulcera exigua gangrænosa, 2do prostatam proximasque eidem glandulas tumentes, inflammatasque, & magna ex parte gangrænosas.

Dissectis herniæ scrotalis (nam etiam hac laborabat) integumentis inventus saccus est ex producto peritonæo natus, partem intestinorum tenuium continens. Intestina facili negotio per dilatatum abdominis annulum redierunt.

Aperto abdomine urinæ magna quantitas profluxit. Vesica urinaria in fundo disrupta inveniebatur, ruptura duos transversos digitos facile æquante. Intestina tenuia levem hinc inde inflammationem, &
in

incipientem gangrænam exhibuere. In urethræ superiori parte, ossa pubis respiciente, vulnus, secundum urethræ ductum ad unum cum dimidio pollicem decurrens, recenterque factum, quodve circa radicem penis paulo ante sphincterem terminabatur, est observatum. Punctura in hypogastrio facta, intra peritonæum & musculos abdominis, versus pelvim progressa evanuit.

Plura nos docet hæc morbi, & sectionis historia.

1mo. Vulnus illud in urethra recenter factum catheteri debetur. Quod si paulo majori vi instrumentum adigatur, sæpius accidit, ut novæ viæ eidem aberranti parentur. Optime serviunt catheteres minus curvati, & ex lamina tenui in spiram contorta confecti.

2do. Optimus pro paracentesi vesicæ locus videtur (dummodo nihil peculiare id prohibeat atque aliud suadeat) is ipse, quo a recentioribus lithotomia institui solet, in perinæo videlicet. Quod si punctura in hypogastrio fiat, minus certa operatio erit; licet enim vesica eo usque assurgat, utpote ingenti lotii quantitate turgens, tamen cum sint, qui hypogastrio præpingui gaudent, puncturæ profunditas admodum erit incerta. Præterea facile fieri potest, ut, dum vesica, educta jam aliqua urinæ portione, se denuo in pelvim profundius recipit, cannula subtrahentem se vesicam non amplius contingat, præcipue si chirurgus eadem acu triangulari utatur, qua hydropicorum abdomen pungit.

3tio. Grave monitum hic casus præbet, scilicet, auxilia seria in rebus seriis haud quaquam differri debere. Punctura vesicæ die septima, aut octava Octobris ante meridiem instituta, procul dubio hominem servasset.

4to. Eo tempore, quo paracentesis celebrabatur, abdomen lotio inundatum jam erat. Catheter die

9na Octobris in urethram immissus, & paulo post denuo extractus colore plumbeo inficiebatur.

5to. Ratio, cur urina fluxerit sua sponte 12 ante mortem horis, haud obscura est; nam, præsente jam gangræna, tumores urinæ transitum prohibentes subsidebant, uti omnis inflammatorius tumor affolet, si cum gangræna jam prehenderit.

6to. Doloris absentia, animus tranquillus, superstitie sola breviori respiratione, mentis continua præsentia, & magna ob superatum, ut credunt, periculum hilaritas, minus attentos persæpe fallunt, dum, instante jamjam ob præsentem gangrænam morte, salutem proxime secuturam promittunt.

Mors hæc sæpius in illis fit, qui ex enteritide, aut hernia incarcerata, moriuntur.

7mo. Iteratæ gonorrhœæ, diathesis sanguinis phlogistica, de qua ex repetita sæpius pleuritide constat, item potus cerevisiæ largior in ipso morbo, sufficientes nobis rationes suppeditant, unde primo tubercula, dein eorum inflammatio explicentur: accessit aurigæ munus, quod & ipsum suam symbolum contulit, cur inflammatio hæc partes præ reliquis occuparit.

SECTIONE SEXTA.

Auriga 47 Annorum, multis consequenter annis sanus, ultimo Bacchi festo hujus Anni in peripneumoniâ incidit, cum rigidissimum tunc temporis læviret gelu, quo plures eo die horas carpento insidens, præter morem urebatur. Demi suæ decubuit, ubi sanguinem binis vicibus misit, morbum medicatricii naturæ committens. Circa festum paschatis eas primum vires receperat, ut consuetum aurigæ munus denuo subiret.

Die 12ma Junii horis pomeridianis valide riguit:

ves-

vesperi ingesta evomit: appetitus dejectus, sitisque: accessit dolor lumborum, & sinistri thoracis pungens cum tussi. Nox insomnis.

Die proximo symptomata augebantur. Vespera illius diei venæ sectio facta est cum aliquo levamine, sed brevi evanido. Die 14. & 15ta omnia exacerbantur.

16ta Suo Marte vomitorium ex tartaro emetico sumpsit, unde septies flava, fusca, amara inter gravissimos pectoris, præcordiorum, abdominisque dolores vomuit, & fere toties deiecit.

Noctu somnus nullus. Jactitatio multa.

Die 17ma Junii sexta morbi ad nos delatus sequentia exhibuit: dolor a mamma sinistra usque ad os ilei, & ultra, multa tussi, inspiratione, & attractu exacerbatus: sitis magna: decubitus in latus affectum impossibilis: sputa spumosa, sanguine tincta: respiratio strepens: pulsus celer, fortis, durus: lingua alba, humida. Larga venæ sectio facta mox est, & cataplasma emolliens dolentibus locis adplicatum: datus potus emolliens, tepidus, copiosus, antiphlogisticus: sanguis pleuriticus. Noctu somnus perquam turbatus.

Die 18va Junii morbi septima dolor lateris nullus: decubitus in omnem partem facilis: respiratio cita, strepens, exiguo ac fere nullo thoracis motu, sed solo abdomine peracta. Inspiratio duplicata: pulsus antea fortis, nunc debilis valde, mollisque ac celerior multo: urina ruffa absque sedimento: tussis non multa: sputa spumosa, pauca: alvus diarrhœica: lingua alba, humida. Cæterum vigor: animi præsentia: præteritorum exacta recordatio, ad minutias usque accurata, &, ut hoc hominum genus solet, jocosa, ac potius hilaris narratio: vivacitas magna: aptæ ad interrogata responsiones: facilitas magna sese, quodcunque in latus vellet, convertendi. Faciei ha-

bitus ab eo sanorum non abludens, nullus oppressio-
nis, aut difficilis respirationis sensus.

Hoc rerum statu cum cerebrum impeti animada-
verteretur, latum vesicans cervici adpositum est. Pulsus mox e debili factus est fortis, plenus, durus
supra modum, & perquam celer; hinc facta denuo
venæ sectio est, sed absque levamine. Cum alvus
immoderatus fluere, remota omnia sunt, quæ eam
vel levissime sollicitant, nitrum, & oxymel. Emul-
sa, mucilaginosæ, diacodiata nil proficere. Hoc die
sputa quædam cocta adparuerunt. Vesperi frequen-
tes pulsum mutationes. Cætera uti antea. Noctu
leve delirium, & ad auroram mors.

Die sequenti facta cadaveris sectio est. Aperto
thorace pulmo dexter sanus reperiatur, sinister ve-
ro ex integro inflammatus, attamen sic, ut inflam-
matio non ex gravissimis fuerit; nam & substantia
pulmonis inflammati durior quidem fuit, ac in statu
naturali solet, minus tamen, quam in graviore phlo-
gosi consuevit; & resectæ ejusdem particulæ, si aquæ
injecerentur, tarde ac ne vix quidem fundum petiere.
Quædam omnino infra aquæ superficiem suspensæ
manserunt.

Præterea materies quædam, qualis illa sputorum
coctorum esse solet, bronchiorum ramos opplevit,
& copiose ex pulmonibus leniter pressis profluxit.
Inter sinistram hunc pulmonem & diaphragma, seri-
subflavi paucæ uncie repertæ sunt, quo loco mate-
ries lardacea medium fere digitum crassa, crustam
phlogisticam & colore, & tenacitate referens, pul-
monis infimas oras obtexerat, ea ratione, ut primo
intuitu rupti abscessus parietes mentiretur: sed laci-
niæ hæ avellentem digitum facile sequebantur, &
subjectam pulmonis, partiumque vicinarum substan-
tiam integram demonstrabant.

Mediastinum subinflammatum: pleura sana, ad
quam

quam plerisque in locis in utroque thoracis cavo pulmones carnosos, & quasi ligamentosis crassisque nexibus religati fuerunt. Vasa coronaria ampliora solito, sanguine multo infarcta, & fere varicosa.

In abdomine omentum inflammatum ex toto. Intestina tenuia multis in locis inflammata, & hinc inde incipiente gangræna tentata apparebant.

Dissectum caput duram meningem sanguine turgentem, & hinc inde inflammata, qua vero parte cerebrum a cerebello disjungit, crassis fibris parallelis intertextam exhibuit. Pia meninx majori, ac fere universali phlogosi tenebatur. Cerebrum assulatum sectum, medullarem substantiam pluribus ac majoribus punctis rubris, quam alias solet, distinctam monstrabat.

Viden effata Hippocratica etiam hic demonstrata: *Spiritus densus, & parvus inflammationem in locis principalibus significat. L. de coac. prænot. spiritus extendens, & urgens, & obscurus, & dupla intro revocatio, velut superinspirantibus, lethalis. Ibidem.*

Inde præterea constat & strepentem respirationem, & dolores citra rationem levatos, Hippocrati merito damnari.

Hinc prognosin, dictante id etiam Baglivio, non ex hoc utpote infido symptomatum levamine, sed ex sola spirandi libertate majori, minorive in morbis petitoris formare convenit.

In hoc casu illud quoque Celsi obtinuit L. 2. C. 7. ubi mens laborare iis dicitur, quibus causa doloris neque sensus ejus est, & protinus insaniam timendam esse, ubi expeditior alicujus, quam sani fuerit, sermo est, subitaque loquacitas orta, & hæc ipsa solito audacior.

S E C T I O S E P T I M A.

Fœmina cœlebs 30 annorum, habitu strigoso, biliosoque die 24ta Julii ad nos venit, cujus historia morbi hæc est:

Ab octo diebus extra Nosocomium quotidie paroxysmum febrilem sustinuit. Febrilis accessio plerumque a vomitu bilioso spontaneo ordiebatur. Subinde, idque primis morbi diebus, præter vomitum etiam alvus movebatur, attamen non præter modum. Obambulando hucusque ægrotabat.

In Nosocomium suscepta linguam habuit biliosam, os amarum glutine tenaci obductum, appetitum dejectum, respirationem difficilem. In paroxysmo febrili apud nos non amplius vomuit. Color leviter flavescens totum corpus, faciem præsertim infecit, & paucae hinc inde petechiæ non latæ, & coloris obsolete rubri viscebantur. Auditus paulo gravior.

Præmissis solventibus ex oxymelle, roob sambuci cum sale quodam medio, vomitum, exhibita radice ipecacuanha, movimus. Difficulter vomuit, & ter solummodo, pauca, vitellina, crassa supra modum, tenaciaque: subjungebatur denuo solventium usus.

Die tertio ab assumpto emetico pulsus admodum debilis, intermittens, remittens, ac omni modo inæqualis fieri, somnolentia, ac somnus fere continuus: accedere, frigus extremorum, sudorque frigidus quasi: mox morituram per intervalla occupare. Ad interrogata expergescit, & apta respondet, & solum oris amarorem queritur. Viribus ita vacillantibus cortice: peruviano, camphora, sinapismis, & vesicantibus: suppetias ferre studebamus. Vesicantia nullas vesicas excitarunt.

Die quinto, ex quo ad nos venit, totius morbi decimo tertio, moritur.

Sectum cadaver sequentia monstrabat :

Resecto cranio, corticalis cerebri substantia colorem solito magis fuscum, & ex levissimo rubore lividum exhibuit. In utroque choroideo plexu racemus hydatidum fuit, quarum maxima cicorem magnitudine æquabat. Medulla oblongata prementi digito, & cultro dissecanti duritiem hepatis opposuit.

Aperto thorace pulmo dexter validis nexibus ad costam 3. 4. stam, numero a superioribus ducto, religatus inveniebatur.

In abdomine color omnium fere intestinorum lividus fuit, multumque a naturali abludens. Omentum fuscum, putridum. Ventriculi interior membrana maxima ex parte colore fusco erat, præcipue in ejusdem fundo. At versus pylorum levis inflammatio eandem internam membranam prehenderat. In cavo ventriculi materies colorem medicamenti referens, sed mucosa plurimum, & ductilis reperiebatur.

Vesicula fellea admodum turgida saturatissimo colore flavo tingebatur, quem & omnes vicinæ jecori partes referebant. E dissecta vesicula prodiit materies primo aspectu atra, tenax, oleum perverustum, & amurcosum referens : charta bibula huic immissa profundo colore flavo imbuebatur. Substantia hepatis bona, sed obscurioris, magisque fulci coloris, ac alias solet.

Ex hac sectione anatomica, aliisque consimilibus per alios factis, morborum malignorum, petechialiumque causa, & sedes, mortisque inde prognatæ, ratio constare videtur. Non enim crudus, putridusque solummodo primarum viarum apparatus hujusmodi morbos generat, sed & bilis quantitate peccans, peccans itidem prava qualitate; tenax quippe, glutinosa, amurcosa, acrisque, partim intra vesiculam collecta, eandem sollicitans, distendens, partim vero quoad tenuiores suas particulas ex systemate gastrico,

& bilifero resorpta, symptomatum in morbo maligno observari solitorum, explicatus non obscuros suppetat.

Biliosa hæc materies occidere videtur diversa ratione; vel enim, quas allabitur partes, ventriculum, & intestina inflammat, vel absque prægressa inflammatione necrosin ac gangrænæ aut sphaceli speciem quandam iisdem visceribus infert.

Inflammatio hæc ab acri hac bile generari solita alterius speciei videtur, & *maligna* esse, ac ab illa multum differre, quam, cum venæ sectionibus, diluentibus, emollientibus hæud difficulter curemus, *benignam* appellare convenit.

Hæc biliosa, & acris materies absorpta, & ad alias partes delata idem mali, videlicet vel inflammationem, vel necrosin lethalem producit. Hinc in quibusdam cerebrum, in aliis pulmones, aliaque viscera male affecta reperta sunt, prout quis viscus quoddam ante morbum quacunque ex causa imbecillum habuit, ad quod materies biliosa resorpta decubuit.

Scriptores medici, qui febris cadaveribus causas, effectusque morborum rimabantur, hæud absimiles viscerum noxas in iis reppererunt, qui ex febre maligna decessere.

Spigelius Lib. de semitertiana, *intestina tenuia partim inflammata partim sphacelata*, in hominibus, febre maligna demortuis, inventa, memorat, etsi de nullis in vita doloribus ventris unquam questi essent. Non raro *lividas in ventriculo maculas, tanquam ab hausto veneno* viderat.

Cornelius Gemma in cadaveribus hominum, hæmitritææ pestilenti defunctorum, præter dictas partes etiam hepar, & cor cum pulmonibus ex integro, aut magnam saltem illorum partem, nunc *instar carbonum nigra*, nunc *tuberculis suppuratis plena*, observavit.

Con:

Constat præterea auctoribus Spigelio, Schenckio, Helmontio, Diemerbroeckio &c. eadem, quæ in corporum externa superficie proflare alias solent, exanthemata, & anthraces, etiam in ventriculo ac passim alibi in corpore reperta esse.

Teste Hieronymo Occone, cum terras brixianas terra olim lues funestaret, secta mortuorum cadavera cerebrum ipsum graviter affectum, *combustum, nigrum, & arefactum* exhibuere.

De emeticorum usu in morbis malignis in præsentiarum quædam dicam. Vis radice ipecacuanhæ e ratione propinata, ut singulis horis grana decem ejusdem radice devorentur, donec tertia dosis absumpta fuerit, dummodo materies sat mobilis sit, & evacuationi apta, multiplici ex causa convenire hisce morbis præprimis videtur:

1mo. Enim evacuat ea via, qua brevior nulla datur, quidquid alieni in ventriculo, & proximo intestino hospitatur.

2do. Ipse vomendi conatus turgentem prava bile vesiculam emulget.

3tio. Radix ipecacuanhæ vi antiseptica, aromatica, roboranteque hoc in casu perutili commendatur.

Hinc illa methodus, qua Cl. Wagnerus Lubecensis medicus, Heisteri discipulus, adeo, fortunate usus est, peculiarem commendationem meretur, cum enim febres exanthematicas, petechiales, purpuram, & consimiles pro morbis gastricis, sive mesentericis haberet, mixturam propinavit ex uncis tribus, quatuorve aquæ cardui benedicti, & drachma dimidia radice ipecacuanhæ cum sale quodam medio tritæ, concinnatam, unde omni vel dimidia, vel integra hora cochleare ordinarium sumebatur, donec ipecacuanha effectum sortiretur. Mixturas postea solventes, quæ & alias excretiones, diaphnœn, & diuresin promoverent, exhibuit. At si morbus in-

tra horas circiter duodecim gravius urgeret, si vertigo, faucium affectus, & lipothymia nondum remississent, si pulsus, & respiratio nondum emendarentur, prædictam potionem evacuantem denuo ac toties repetiit, donec symptomatum remissio morbum in meliora tendentem ostenderet.

Ad respirationem præ cæteris attentus fuit, cujus difficultatem in morbis exanthematicis inter signa pathognomica jure recensuit.

Cl. hic vir (ut id modo dicam, cujus gratia hæc præmissi) pauca grana ipecacuanhæ mixturis morbo convenientibus, semper addidit, donec signa malignitatis evanuerant.

Exiguæ hæ ipecacuanhæ doses continuas vomitiones, subinde & vomitum excitant, majoremque hac ratione humorum salivalium, lentescentium, glandulas infarciunt, & ipsius bilis vesiculam distendentis, irritantis, putrescentis, ac jamjam resorbendæ, affluxum ad cavum ventriculi, & intestina conciliant, quin & sordes biliosæ jam absorptæ denuo revocantur, ut excitato salutari vomitu, alvoque mota, eliminentur.

Hac methodo etiam ego aliquoties exoptato cum eventu usus sum: morbi materiem solventibus mobilem reddidi, emetico paulo post excutiendam. Mota emesi denuo solventia præbui, ut, quod restabat sordium biliosarum, æque aptum efficiatur, quo iterata emesi eliminari totum queat. Medicamentis hisce solventibus exiguas ipecacuanhæ portiones adjeci, quibus nausea continua, subinde etiam vomitus concitabatur.

Utilem hanc praxin censebam, quotiescunque os supra modum mucosum, dentes sordidi, lingua crassa, tenacique materie conspurcata, consimilem & ventriculi, & tubi intestinalis statum indicabant, &
quo-

quotiescunque post primos vomitus insigne levamen non sequeretur.

Hæc crudæ, tenacissimæque materiæ conditio tempore verno rarius apparebat, æstate vero & autumno frequentissime. Inde potissimum morborum, adulta æstate & autumno regnantium, pertinacia est, etsi & aliæ accedant non nullius momenti causæ.

Id præterire in recensenda hac methodo non possum, plurimum scilicet interesse, ne exhibitis illis refractis ipecacuanhæ dosibus, res intra solas nauseas, vomituritionesque consistat. Quid enim utilitatis, aut quid non damni potius ægrum experiri necessum est, si nulla nec emesi, nec catharsi mota materies præcordia inundet, & denuo vi alterantis, & alexipharmacæ radices intra humorum circulantium alveum adigatur? hinc nauseas, vomituritionesque subinde vomitus salutaris interpellet oportet.

Cum viscerum noxas in hoc cadavere per me, in aliis vero per alios repertas recensco, alterius cujusdam sectionis recordor, a me, dum inter Hungaros physici, ut vocant, officio fungerer, institutæ, quæ etsi alio & tempore, & loco facta sit, nihilominus ob argumenti similitudinem, aliaque quædam scitu non injucunda apprime huc facit. Hanc, quemadmodum tunc fuerat in adversariâ relata, excerptam dabo. Sit ergo

S E C T I O O C T A V A.

Die 6ta Augusti 1772. Anna Maria Kazyi annum agens ætatis quintum, a nativitate nullo graviore morbo decubuit, morbillis, & variolis necdum defuncta. Verminosa nihilominus perpetuo fuit. Excrevit non raro lumbricos, & ascarides, communioraque ac leviora vermium symptomata sæpius patiebatur.

Mense Octobri Anni elapsi, cum per sex fere septi-

ma-

manas tertiana laborasset, a medico sanabatur. Nuper quotidiana corripiebatur: paroxysmi leviores, pomeridiani. Exacto secundo paroxysmo, a parentibus convocatae in consilium vicinae matronae sunt, quarum disquisitioni puellae genitor remedium quoddam proposuit, illis in terris ad curandas in junioribus febres, solenne; balsamum id est ex balsamo peruviano, oleis stillatitiis, & spiritibus quibusdam confectum. Matronae in id coivere, dandas esse saepius per diem guttas tres quatuorve penetrantissimi remedii. Habuit puella tres adhuc paroxysmos,

Die 3^{ta} Augusti loco paroxysmi, qui omnium universim paroxysmorum sextus fuit, calor solum advertebatur. Puella solum sub ipsis paroxysmis, nec sub his semper decubuit: ita facile ægritudinem tulit.

Die sequenti, quarta scilicet Augusti, puella consuetum alias jentaculum nauseat, languet parumper, & alvum ponit paucam, paucio floridoque sanguine commixtam. Circa nonam matutinam pauca vitellina vomit: prandium more consueto, & cum appetitu sumit. Circa quartam pomeridianam, quo tempore febrilis accessio fieri consuevit, dolore colico, item ventriculi, hypochondriorumque corripitur. Circa septimam vespertinam somnus: ad mediam noctem evigilat. Dolor acerbus præcordiorum, & totius abdominis, ejusque tensio, ejulatus, jactitatio per reliquum noctis, diem subsequenter, & noctem proximam. Alvus nulla: vomitus nullus.

Die 6^{ta} Augusti eadem symptomata. Vespери voratus, multas maculas petechiales in eruribus reperi: color earum diversus, roseus, intense ruber, profunde ruber, castaneus, livescens, nigrescens, variae magnitudinis, aliae lenticulares, latae aliae. Una alterave tantum amplior macula, & livescens in trunco corporis & brachiis. Pulsuum frequentia stupenda,

da, calor ad attactum mordax, jactitatio, & ejulatus continuus.

Die 7ma Augusti eadem omnia. Plures interea maculae petechiales latae & nigrae per corpus visebantur: in brachio sinistro supra cubitum macula latissima livida. Circa meridiem frigent extrema. Nullus amplius ad carpum pulsus. Ejulatio, & jactatio perstant: a meridie frigus extremorum auctum: nulla mentis praesentia, jactatio, & circa septimam vespertinam mors.

Die 8va Augusti cadaver secui. Aperto abdomine omentum leviter inflammatum deprehendebatur; intestina vero tenuia, si tractum duos circiter transversos digitos longum excipias, partim profunde rubra, partim ex rubro livida. Intestina crassa sana.

Per totum intestinorum tenuium partim inflammatorum, partim gangraenosorum tractum, crebrae petechiae conspiciebantur, parvae, magnaeque, & coloris varii, vel lacte rosei, vel ex rubro nigricantis, vel atri penitus. Mesenterium, & peritoneum simillimis, ac tenuia intestina, petechiis large conspergebantur. Glandulae mesenterii majores multo, ac in sanis solent, ex rubro nigricabant, & totidem quasi sanguinis grumos referebant.

Macula petechialis, scalpello per medium secta, humorem fudit *extravasatum*, ac si pars quaedam fugillata diffecaretur, & ejusdem coloris, quem macula ipsa petechialis, antequam secta esset, monstravit.

Ventriculus exacte maculatam tigridis pellem referebat, albidam videlicet, & maculis nigris amplis, crebrisque interstinctam. Pulmones sani. In ipsa cordis externa superficie petechiae varia magnitudine, & colore diverso visebantur.

Petechias per brachia, & crura dispersas cum examina-

minarem, eas per totam cutis substantiam, & quasdam non exiguam sæpe numero subjæctæ pinguedinis portionem penetrare, eodemque has partes colore afficere deprehendi, quem petechia visui exhibuit non dissecta.

Macula illa lata omnium in corpore maxima, supra cubitum in externa sinistri brachii parte visa, cum in eam scalpello inquirerem, ad musculos usque per profundam satis pinguedinem penetrabat, eo modo, ut conum referret, cujus apex musculos tangeret, basis vero in externa brachii superficie formaretur.

Lumbricos aliquot, paucos tamen, in intestino colo reperi.

Doleo me in tanta festinatione disquirere non potuisse, an & in aliis, & quibus in partibus petechiæ reperiuntur.

Nota, in tanta ventriculi inflammatione, quam dira necrosis excepit, vomitum non adfuisse, nisi levem, & semel tantum, cum ad initium hujus ultimi morbi pauca vitellina rejiceret. Et si ægri, gastritide correpti, *vomitum dolentissimum statim ab omni ingesto, cum singultu dolorifico* docente Boerhaavio experiantur.

Gravissima omnium fere tenuium intestinorum inflammatio *ileum* non excitavit.

S E C T I O N O N A.

Juvencula Annum vigesimum secundum agens ad Nosocomium venit, & sequentia queritur:

A sex annis ulcera crurum habet non ampla quidem, nec profunda, sed cicatricem recusantia. Ab aliquot Annis in fabrica, ut appellant, conficiendis tæniis sericis dicata, texendo sibi victum comparat. Corpore ibi proclivi sedent, & parte sterni infima ad-

ad machinam fortius adpressa laborem exercent. Tempus inter texendum cantando fallunt.

Sana cæterum fuit. Menstrua ordinata. A quinque mensibus se catarrho laborasse ait. A sex autem septimanis spiritum fieri multo difficiliorem, tussim frequentiore, adventante præprimis vespere, noctuque: sputa purulenta reddi, sitire, levi per intervalla horrore perfringi, & insomnes noctes agere. Non multum emaciabatur, & laboribus suis ita fungebatur, ut per duos solum dies domi suæ decubuerit.

Die secunda Septembris 1776. nos accedit. Pulsus febrilis, non debilis, attamen nec durus: decubitus difficilis in latus sinistrum: dolor ad infimam sterni partem: rubor per frequens genæ sinistrae: sudores nocturni, & diarrhœa ægram exercent.

Cum usque ad diem ejus mensis istam præter sudores, qui comprimebantur, nil emendaretur, alvusque sex, octove vicibus intra nychthemeron, uti antea, moveretur, & nihil in pejus conversum arbitraremur, ecce, cum sedens in lecto & cum infirmariis loquitur, plenoque decocti vasculo epoto decumbit, & facillime in alterutrum latus se convertit, vegetis omnibus sensibus, nihilque præsentens vix non inter loquendum moritur.

Cadaver pro juvenulæ habitu torosum satis, & macie nequaquam confectum apparuit.

Aperto thorace pulmo dexter levioribus membranaceis nexibus cum pleura cohæsit. Pulmo ipse pondere gravis hepaticam duritiem cultro opposuit. Sectus innumeris exiguis abscessibus, purulentam materiem plorantibus, scatebat, quorum plerique lentem vix caperent, pisum aliqui, pauci nucem avellanam. Bronchia, bronchiorumque ramos pus inundabat. Reliqua pulmonis substantia abscessibus inter-

interposita , gravi crudaque inflammatione tenebatur. Pulmo sinister sanus fuit.

Pericardium feri uncias fere octo continebat : sectum abdomen libras feri circiter duas , viscera vero sana monstrabat , glandulas mesenterii si excipias , grandiores videlicet , ac in sanis solent.

Cum collo strumoso esset , glandulam *thyroideam* secuimus , quæ substantia gelatinosa , glutinosaque hinc inde distendebatur.

Vix ullus morbus est , in quo tam varia remedia , ac in phthyfi sananda celebrantur. Verum tamen niquis exacte morbi causam inter tot alias dignoverit , infortunatam medicinam faciet. Ob neglectam hanc in phthyfi disquisitionem accuratam , cum etiam ob ipsam mali , licet probe cogniti , gravitatem , quotidie sit , ut morbus hic tot hominibus exitium afferat.

Phthisis purulenta , ex hæmopthyfi , vel peripneumonia , vel pleuritide suppurante orta , omnium pessima est ; & , si juncta febris hæctica sit , si sudores colliquantes , & diarrhœa supervenerint , brevi perniciofa.

Multæ rationes sunt , quæ ulcera pulmonum coire , consanarique prohibent.

In phthyfi pulmonali a fomite purulento aliud quoque vitium præter abscessum in pulmonibus plerumque reperitur , inflammatio videlicet partium abscessui vicinarum : hinc nova sanandæ phthyseos difficultas.

Qui hæmopthyfi aut laborarunt , aut adhuc laborant , purulenta sputant , sanguine subinde tincta : per intervalla auctum lateris dolorem queruntur , omniaque illa signa monstrant , quæ *latentem* , & *chronicam pulmonum inflammationem* indicant superius descriptam.

Phthyseos ex hac hæmopthyfi natæ , vel cum ea-

demi

dem junctæ ideam exactam habebit, qui *continuant* & *chronicam pulmonum inflammationem* concipiet, vel *chronicam quandam peripneumoniam cum sputo cruento* ob *vasa pulmonum debiliora solito largiori*, ubi pars quædam inflammata in suppurationem transit; reliqua reliqui pulmonis inflammatione cruda persistente. Sermo hic est de illa hæmopthysis specie, quam *inflammatoriam* appellare convenit, ab aliis alia ex origine natis probe distinguendam.

Abscessus pulmonum ex pleuritide, & peripneumonia acuta (nam & chronicam dari, supra ostensum est) comitatur æque partium ulceri vicinarum inflammatio, minor tamen ut plurimum, quam in *hæmopthysi inflammatoria*.

His præmissis facile patebit, quid in phthysi pulmonali ex hæmopthysi, vel peripneumonia, aut pleuritide suppurante orta profit, noceatve.

Balsamica, uti balsamum Locatelli, therebinthinam, myrrham, aliaque hujus generis a multis celebrata remedia Morgagnius, & ipsa toties repetita observatio reprobatur: calorem augent, febrimque: peripneumoniam comitem, & suppurationem promoveant.

Salina, aquæ selteranæ, aliæque consimiles, uti in lentore, & infarctu pulmonum frigido, eorundem tuberculis, & scrophulosa diathesi eximie profunt, ita certo hic nocent.

Cortex peruvianus phthysin ab hæmopthysi inflammatoria natam, ipsamque hanc hæmopthysin adeo non sanat, ut illam insigniter promoveat, & ægros in perniciem præcipites agat. Inde etiam ratio habetur, quare adstringentia in *hæmopthysi phlogistica*, etsi vulgata praxis iisdem toties utatur, morbum plerumque immedicabilem reddant.

Attamen cum magni viri corticem peruvianum in internis suppurationibus laudarent; alij vero haud in-

feriores reprobarint, dispiciendum est, quibus sub conditionibus remedium hoc exhiberi cum emolumento queat.

Si a ratione & experientia consilium petatur, cortex proderit, si nulla in sanguine phlogistica diathesis fuerit, si liber puri exitus pateat, sique penes abscessum nulla insignis inflammatio sit.

In suppurationibus externis, atque etiam in iis internis, ubi libere profluere, atque extra corpus ferri purulenta materies potest, corticis vis sanguinem a labe contrahenda præmunit, & tabem averruncat.

Pure alicubi intra corpus concluso, aut præsentis sanguinis phlogistica diathesi, aut pulmonibus, penes abscessum graviter inflammatis, hic cortex aut inutilis, aut perniciosus artem ludit.

Decantara ab omni ævo cura lactea fuit. Lac febricitantibus, ad quos nostri quoque phthysici pertinent, teste Hippocrate, & experientia non convenit: in diathesi phlogistica ob partem caseosam omnino prohibetur. Hinc mirum non est, curam lacteam, utut per multa sæcula vel inter plebem de prædicatam, in hac phthysi spem medicantium, & ægrorum semper fallere.

Lac quadrupla aquæ quantitate dilutum, vel ipsum lactis serum potiori jure præscribitur. Lac asininum humano magis analogum a veteribus celebratum expectationi nostræ in hac phthysios specie neutiquam satisfacit.

Hinc etiam patet, quid a lacte humano ex mammis sugendo sperandum, timendumve sit.

Antihecticum Poterii evilit:

Accubitus corporis juvenilis hoc in casu ægro nihil prodest, & accumbenti nocet.

Sed quid de equitatione ab Sydenhamo summissis encomiis, celebrata, qua & sudores, & diarrhoeam

col-

colliquativam vir summus curasse se asserit, sentiendum?

Doleo male intellectam a multis in ægrorum perniciem Sydenhami mentem esse; certe multiplex experientia docuit, hoc remedii genus, utut præstantissimum in plurimis morbis chronicis, phthysicis ex ulcere interno laborantibus æque parum convenire, ac pleuriticis & peripneumoniacis; eosque equitatio, & vectio in curru

Ad stygias certo limite ducit aquas.

Aptius utique hoc exercitii genus adhibetur in iis, quibus dejecta vis ventriculi intestinorumque, ingesta male assimilat, atque hinc atrophiam, & maciem inducit: aut ubi diu perdurans tussis stomachica eum corporis habitum effecit, qui phthysin mentitur: in tussi *habituali* dicta, a congestione lenta, viscidoque pulmonum infarctu orta: in hypochondriacis, sedentariis: viscerum abdominalium pituitoso infarctu, indeque nata atrophia laborantibus: post febres biliosas, intermittentes diuturnas, rebelles quartanas, lentas, mesentericas, colicam biliosam, dysenteriam: post quoscunque morbos, qui atoniam solidorum, & humorum bonorum penuriam vel suapte, vel longa, & difficili medicatione post se reliquerunt: post nimiam nobiliorum succorum, sanguinis, feminis, liquidi nervei deperditionem, natamque inde pravam, tabidamque corporis diathesin.

Lichen islandicus laxo, imbecillique pulmoni pulchre medetur. Quibus udum corpus est, & pulmo serosa colluvie frequenter inundatur, his catarrhosam hanc diathesin plastica, simulque tonica lichenis virtus corrigit.

Decoctum polygalæ iisdem ac lichen prodest, cui apte non raro jungitur. Hæmophysi & phthysi inde

natae ob rationes supra narratas æque parum, ac cortex peruvianus, aut alia roborantia, convenit.

Lichen islandicus, & polygala in spuria illa phthysi, quam equitatione sanari supra diximus, vires non contemnendas possidet: veram pleuritidem, aut peripneumoniam nunquam sanat, læpius vero spuriam, serosam, pituitosam.

Quod si post veram pulmonum inflammationem fracta dudum phlogosi, vis vitæ languens anacatharsis non sufficiat, & materiæ expectorandæ copia pulmones gravet, virium imbecillitati lichen & polygala robur addent, & *spuriam hanc peripneumoniam* auferent. Verum etiam in alio casu polygalæ decoctum admodum efficax observavimus, ubi scilicet sputa inflammationem pulmonum judicantia *diutius*, ac par est, ac *copiosius* prodeunt, viresque ægri residuas convellunt, eundemque consumunt.

Qui frequentes parvasque sanguinis missiones instituerunt, adcuratiorem phthysios ex hæmoptysi inflammatoria natae notionem habuisse videntur, ac ipsorum, a quibus damnabantur, adversarii. Venæ sectiones morbo, & viribus ægri respondentes, decocta herbarum & radicum emollientium, emulsa, & victus mere vegetabilis in sananda phthysi purulenta insigniori reliqui pulmonis inflammationi juncta, omnibus aliis remediis palmam præripiunt.

SECTIO DECIMA.

Vetula habitu corporis strigoso & icterico, circa finem mensis junii ad nos venit, dolorem ad hepatis regionem versus ventriculum, & ardorem insignem inde a costis infimis ad cristam ossis ilei ab aliquot diebus quæsta. Se ante tres septimanas e Nosocomio Pazmaniano discessisse ex ictero sanam, vegetamque aiebat, quo ibidem septem fere septima-

nis decubuerat. Plura, utut aliquoties interrogata, non retulit.

Adplicatis tum externe, cum interne iis omnibus, quæ ex usu esse arbitrabamur, en repente post paucos dies sanguinem copiosum, nigrum, leviterque grumosum vomit. Cum aqua simplex multo spiritu vitrioli alterata pro potu, omniaque alimenta frigide darentur, ligaturis artuum adhibitis, cruentus hic vomitus brevi quievit, quo compresso exiguæ portiones rhei cum tartari cremore præscriptæ tuere, eductæque fæces multæ, multo sanguini grumoso mixtæ.

At quotidie circa meridiem febris quotidianæ accessio non diuturna, nec vehemens, & paucis diebus elapsis iterum evanida observabatur. Dolor in abdomine inde ab illo sanguinis vomitu pedetentim mitior factus, tandem in delicatiorem tantummodo, & rudioris attactus non omnino patientem sensationem convertebatur, quin tamen reapse contrectata abdominis plaga vere doleret. Pulsus nihilominus exiles, obscurique, & frequentiores, quam tunc fuerant, cum ad nos veniret, continuo observabantur.

Octo fere ab ultima febris quotidianæ accessione elapsis diebus, cum jam abitum e Nosocomio meditaretur, subito moritur.

Cadaver sectum exhibuit in cavo thoracis singulo feri uncias fere octo. Pulmones sani cæteroquin, sed flaccidiores multo ac alias esse solent, dissecti serum stillabant.

In abdomine ventriculus dissectus in medio inter utrumque orificium arcui ejusdem majori insidentem tumorem cancrum, inæquali superficie, ac tuberculis solani forma præditum continebat. Tumorem hunc vasa varicosa, cæruleaque perreptabant, & pressus ichorem fudit. Inde a tumore ad pylorum

usque ventriculus angustus intestini potius duodeni, quam ventriculi figuram referebat.

Duodenum longo tractu arctis supra modum validisque nexibus, quos cultro solvere, quin nexa viscera læderentur, non licuit, cum hepatis cavo cohæserat ita, ut vesicula fellea ab utroque viscere intercepta elideretur penitus, ejusque loco abscessus nucem juglandem æquans, ac foetidissima, amurco-faque materie plenus reperiretur.

Ductum communem choledochum, quo loco is intestino duodeno inseritur, calculus triplici obtuso angulo præditus, obturabat, ita, ut ibi natus videretur, cum receptaculum, quo continebatur, exacte replet, & quodam suo angulo ductum, quo is in intestinum aperitur, perfecte clauderet.

Calculus minorem nucem moschatam magnitudine referebat, & circumcirea materia tenaci, flavaque oblinebatur, quæ paulo post exsiccata firmior ac fere lapidea evasit. Cum frustulum ejus calculi vi avelleretur, diversa, strata apparebant, quæ calculum effecere. Quousque ductus supra calculum hepar versus pertingeret, an cum abscessu amurcam continente, an vero recta cum hepate communicarit, non constat.

Substantia hepatis sana, sed tunicæ vasorum sanguiferorum, per hepar disperforum, præter modum crassæ, vasaque ipsa solito ampliora. Totum ileum, & jejuni major portio profundo, ac obsolete rubro colore tingebantur, quem non a sanguine grumoso transparente, multoque per omnem intestinalem tubum collecto fieri, portio ablati elotique intestini demonstravit. In ileo lumbricorum viventium adhuc, glomeres reperi sunt.

Robur musculorum, doloris absentia, & animus præsens, salutem promittebant; at vero *ευφροσυν* hanc

hanc infidam esse, ictus arteriarum per ultimos octo vitæ dies obscuri, tractique indicabant.

Icterus chronicus in seniculis, diuturna cardialgia, dolor vel tumor præcordiorum continuus vitium grave, & *organicum* systematis vel gastrici, vel biliferi plerumque notat. Aliarum quoque sectionum recordor, quæ hoc assertum comprobant.

Medicus medicinam his faciens & famæ suæ, & ægris consulat, si a *potentiori solvente* remedio caverit; id enim incautius datum noxios, brevique funestos motus concitat, mortemque, serius alias occupantem, ni intempestive sedula medicatio accessisset, accelerat. Victus blandus, & decocta radicis graminis, ac taraxaci tutius præscribuntur.

SECTIO UNDECIMA.

Vidua 74. annorum militis officialis quondam uxor, a multis jam annis sanissima, corpore *ευαγωγῶ*, *ευχερῆς*, cum more consueto alacris esset, & vesperi paulo lautius cœnaret, hausto inter cœnandum meraciori, & generosiori vino, ac alias consueverat, die 12ma Augusti cubitum sanissima concessit. Mane cum consueto tempore ad jentaculum sumendum non compareret, a domesticis in lecto aphonos, & toto latere dextro paralytica reperitur. Hesternæ cœnæ reliquiæ vomitu per noctem procul dubio rejectæ, & lectum, & penes eundem pavementum conspurcabant.

Medicus accersitus venam secuit in pede sinistro, & trîa vesicantia applicuit.

Die 14ta circa noctem ad Nosocomium defertur, cum non haberet, qui sumptus ferret, atque ipsa penuria pressa iisdem ferendis impar esset. Adplicatis iis, quæ convenire visa sunt, cum nec domi, nec in Nosocomio ulla mentis præsentis indicia daret,

aut saltem pauca, & per intervalla solummodo, nocte diem 16 tam excipiente moritur.

Cadaver aliquot a morte horis sectum exhibuit intra meninges in utroque latere serum multum. Meninx pia solito durior, crassiorque membranam aponeuroticam æmulabatur. Vasa ejusdem meningis in latere sinistro multo ampliora, ac in altero latere, & admodum infarcta plurimo sanguine turgebant. In ventriculis paucillum feri continebatur.

Cerebri substantia mollior solito apparebat: arteriæ carotides, ubi cranium subeunt, osseæ ex toto reperiebantur, talesque fuere, quousque illas intra canalem osseum persequi ob penuriam temporis licuit. Rami carotidum magnam partem ossei, ita tamen, ut portionem osseam alternatim exciperet alia naturalis. Arteriæ in latere cerebri sinistro longiori tractu osseæ erant, quam eæ lateris oppositi. Quidam ramuli solum lamellas osseas exhibebant.

Sinus fauciformis, qua is vertici capitis opponitur, ossiculum tribus lineis crassum, quatuor latum, & fere pollicem longum, ea parte continebat, qua falx proxime corpus callosum respicit.

Sinistra carotis in suo intra cranium introitu amplior multo, pluribus, ac amplioribus donata ramis erat, quam sociæ lateris dextri.

Vertebrales arteriæ idem omnino vitium exhibere, atque ita primitus comparatæ videbantur, ut sinistra vertebralis capacior multo esset, & in plures ramulos æque latiores dispesceretur, quam vertebralis dextra.

Cor, & ejus valvulæ juxta morem consuetum fuerunt. Arcus aortæ solito amplior, & arteria pulmonalis in superficie sua interna granulis asperis, osseisque hinc inde obsidebantur. Aorta descendens usque ad locum, ubi in iliacas dividitur, lamellas osseas exhibuit sat magnas, & quibus hinc inde vix

una tertia pars defuit, quin integrum circulum complerent. Iliacæ utriusque initium tubulum osseum longitudine fere dimidii pollicis referebat.

Alia aut non fuere quæsitæ, aut juxta naturam se habuere.

En causam apoplexiæ in latere cerebri sinistro maxime repertam, & latus oppositum corporis paralyticum.

Originaria prædispositio aderat in inæquali arteriarum utriusque lateris capacitate. Id etiam præter consuetum morem fuit, quod vasa sinistri lateris præ vasis lateris alterius ampliora fuerint, cum alias plerumque contrarium obtineat.

Apoplexiæ causa prædisponens vasorum videlicet & major capacitas, & ossescentia emendari non poterat.

Ex vomitu ab hesternâ ingurgitatione orto, & cerebro dicta ratione prædisposito apoplexia facile explicatur.

Periculosus plane vomitus in senibus est, & quidquid sanguinem validius versus caput urget, prandium lautum, vinum meracius, fæx dura, sternutatio, opium &c.

Neque id ordinarium est, cerebrum fuisse solito flaccidius, etsi vetula fuerit, & arteriæ ossescerent.

Ad serosas apoplexias hanc, de qua loquimur, pertinere non rebamur, etsi multum feri intra meninges in utroque latere contineretur. Restitante enim, congestoque intra calvariam sanguine, tenuiorem partem, serum nempe, per lateralia vascula vi transprimi, percolarique necessum fuerat. Attamen productam a sanguine apoplexiam serum extravasatum auxerat.

In apoplecticorum secto cerebro frequenter leguntur vasa cerebri sanguine turgida & serum multum effusum. Hujus generis apoplexiæ plerumque serosæ

audiunt: verius *sanguineæ* appellarentur; accumulatus enim intra caput sanguis, & seri effusi, & apoplexiæ causa est: serum ipsum effusum *ad concausas* pertinet *serius accedentes*, quæve morbum ipsum non produxere, attamen productum augent.

Discrimen non intra sola vocabula consistit: medendi enim methodus alia est, si *serosa* apoplexia fuerit, atque alia, si *sanguinea*. Porro diversitas utriusque methodi tanta est, ut, si alteram pro altera adhibeas, nil agas indifferens, quodve si non profit, non noceat, sed ægrum data opera jugules.

Morgagnius apoplexiam, *ubi vasa encephali sanguine turgentia*, & *serum intra meninges effusum deprehenderat*, inter *serosas* retulit. Veruntamen errorem practicum prudens cavit, dum *in quibusdam apoplexiis serosis* necessitatem venæ sectionis stabilivit, ibi videlicet, *ubi sanguis vasa distendit*, & *turgentia vasorum cum aqua conjicitur*.

Refert idem Cl. Auctor, esse quosdam, qui aquam nunquam apoplexiæ *causam* arbitrentur, sed *effectum*. causæ apoplecticæ, sanguinis nempe in cerebro, & vasis circa cerebrum restitantis: sed addit, id quidem plerumque ita se habere, tamen non semper.

Vere & originarie *serosas* apoplexias dari certo constat, ibi venæ sectio occidit. Succus pravi, & diuturna cacoëchyma diathesis præcedens: senectus, non cruda illa, vegetaque, quæ actionum integritate ipsam persæpe juventutem superat, sed fracta, & imbecilla: acidulæ a debilibus, seniculis largius, & inconsulto potæ: sanata crurum antiqua ulcera, quæ serum copiosum fundere diu consueverant: humida, frigidaque tempestas: corpus catarrhosum longo ante apoplexiam tempore signa suppeditant, quibus adjutus *serosam* apoplexiam a *sanguinea* non difficulter dignoscas.

SECTIO DUODECIMA.

Juvencula 26 Annorum die 28va Augusti ad Nofocomium deferebatur. A multo jam tempore sana fuit, & menstruis flata periodo redeuntibus usa, quorum reditum proxime expectabat. Die 21ma Augusti prægressa artuum lassitudine friguit, caluitque per intervalla, & capite doluit. Eadem die facta venæ sectio est: die altera purgans a chirurgo datum alvum diutius fluentem reddidit. Die sequenti denuo vena secta est, & emeticum exhibitum, unde multa mucosa biliosaque vomuit, continuata diarrhœa.

Cum ad nos veniret, querebatur alternos horrores, caloresque: os amarum, mucosumque fuit, lingua glabra, prærubra, præcalida: pulsus debilis, admodum celer: petechiæ lenticulares, coloris obsolete rubri, prostabant.

Indicatio a vacillantibus vitæ viribus desumpta est, dataque ea sunt, quæ imminentem compagis dissolutionem præpedirent, cortex peruvianus, camphora &c. aliaque, quæ morbo convenire arbitrabamur. Verum indocilem prorsus, immorigeramque nacti ægram, & operam, & medicamenta perdidimus. Remedia enim aut non assumpsit, aut sumpta in faciem custodum exspuit, mentis semper compos, & eorum, quæ faceret, probe conscia hinc factum est, ut toto morbi tempore potior medicamentorum pars pessumiret.

Interea pulsus frequentiores, debilioresque fieri, lingua asperari, sicari, ut assæ potius carnis frustum referret: ardor circa præcordia, & in abdomine, qui attactum non ferebat, sentiri, tandem tussi validissima, sicca, vesperi: præcipue vexari, noctu demum subdelirare, etsi morbo multum jam progresso,

so, & subinde tantum id fieret, ac adstantes, si quis ipsam alloqueretur, probe nosceret. Fæces nunquam in lectum misit, sui, suarumque necessitatum nunquam penitus oblita. Cæterum robur musculorum ita viguit ad mortem usque, ut ad alvum ponendam ad ultimum usque vitæ tempus vel sola vel unica custode adjuta facile surgeret.

Die 23tia Septembris, cum per tres ultimos dies stupenda pulsuum frequentia, & exilitas esset, moritur.

Cadaver apertum exhibuit omentum corruptum, sphacelatumque magna ex parte: intestina vero hinc inde partim inflammata, partim vero gangrænosa. Ventriculi interior membrana, præcipue versus pylorum, maculis rubris, lenticularibus, totidem petechias referentibus, distinguebatur, & hinc inde leviter livebat. Vesicula fellea bile multa, quam ex aspectu laudabilem diceres, turgebat. Glandulæ mensenterii solito majores erant, & grumos sanguinis referebant. Uterus antrorsum versus ossa pubis, & sinistrorsum ita inclinabatur, ut cervix ejusdem cum vagina in angulum acutum coiret, & uteri osculum latus dextrum ac retrorsum respiceret, ligamentum latum lateris sinistri multo brevius dextro fuit: interna uteri facies lineolas rubras, punctulæque rubra non exstantia referebat.

Pulmones sanissimos, nullaque in iisdem tussis validissimæ, morbo multum jam provecto, vexantis, vestigia reperimus.

Febrim vel continuam, vel remittentem, quam cruda, & *biliformis* materies præcordiis insidens producit, *biliosas* alii, alii *putridas* appellant. *Eandem hanc febrim*, si morbi materies altius infixa, & tenacior sit, ac magna ex parte in sanguinem traducta, ad nobiliora viscera deponatur, & gravia hoc ipso symptomata producat, *malignam* nominabimus.

bimus, quæ varias alias febres *petechialem*, *petechizantem*, *miliarem*, *scarlatinam*, *febrim carcerum*, *nosocomiorum*, *castrensem* &c. sub se quasi totidem ejusdem febris differentias accidentales continet.

Alia nominum vis, & potestas in denominandis febribus apud veteres fuit. Quas nos modo *inflammatorias* dicimus, illi *biliosas* appellabant ob crustam sanguinis phlogisticam, & flavescentem, quam *ii bilem sanguinem biliosum*, *pituitosum*, *μῶρον αἷμα* nominarunt. Ballonius omnes ferme pleuritides *biliosas* vocat, eas videlicet, quæ nobis *inflammatoriae* sunt. Ipse Hippocrates L. de locis in homine, nomine *bilis* pleuritidem notat. *Pleuritis biliosa* nobis toto genere diversus morbus est.

Qui veterum libris uti cupit, eorum phraseologiam, & vigentes quavis ætate opiniones, modosque loquendi, quin peculiarem cujuslibet scriptoris medici philosophandi rationem nosse debet, ni in graves errores abduci velit. Iisdem enim persæpe vocabulis cum veteribus utimur, sed quæ alias nobis ideas quam illis exprimunt. Sic cum Galenus in Comment. ad Aphor, 23. L. 1. in febribus *biliosis* venæ sectionem etiam ad Lipothymiam usque præcipit, e contrario vero Arabes sanguinis missionem in morbis iisdem reformidant, manifesto constat, non eandem & Arabibus & Galeno biliosi morbi notionem fuisse: & hunc, & illos verum dixisse, si Galenum de *inflammatoriis* loquentem, quas is *biliosas* dixit, Arabes vero de *biliosis* nobiscum sentientes accipiamus.

Venæ sectionem in morbis putridis, gastricisque intempestive vel ab ipsomet ægro, vel ab aliis male consulentibus, antequam ad nos venirent, institutam sæpius lugebamus. Dolenda plebeculæ fors est, quæ, ut primum morbo corripitur, plerumque a medicastis, cum pecuniarum, & ipsius nonnunquam caris-

carissimæ vitæ dispendio, opem petit, etsi tot asyla pauperibus pateant, ubi omne auxiliorum genus gratis porrigitur.

Nescio, an morbi ipsi, qui in populum sæviunt, an vero ii, qui artem, quam non addidicere, illotis manibus tractant, numerosiores strages edant.

Præpositorum nostrorum sagaci providentiæ debemus, quod hæc populi pestis indies mitius affligat, & a sacris Æsculapii profani, quantum fieri potest, arceantur.

Emesin cum emolumento in ejusmodi febribus moveri, per innumeras observationes constat. Id auxilii medicastri raro negligunt, at nullo sano consilio, nullis observationibus ducti, quadratis rotunda miscent, ac purgationes, emeses, venæ sectiones, intra quæ ipsorum tota scientia consistit, nulla habita temporis, sexus, morbive ratione, instituunt, repetunt, quemadmodum cæco impetui, & vanæ ipsorum empiriæ libuerit.

Lingua *glabra*, *prærubra*, *præcalida*, aut *inæqualis* ob papillas ejusdem magis elevatas, tumetactasque, etsi cæteroquin humida sit; aut in medio *sicca*, *asperaque*, quasi lingua bovilla; vel vero *sicca*, *non aspera*, *sed levis*, multiplici nostra observatione febriim gastricam putridam, eamque difficiliorem curatu, longioremque portendit. Quosve hac linguæ diathesi affectos accipimus, præmissis solventibus, emetico vacuumus, ac dein solventibus, sale ammoniaco, juncto persæpe cortice, consanamus.

Exhibito primis 24. horis decocto solvente, solutionem tartari emetici propinamus. Postea ubi major virium jactura fuerit, vel solum corticem, vel camphoræ maritatum, vel in decocto, vel vero in substantia, ut ajunt, prout ex aliis circumstantiis magis convenire arbitramur, exhibemus. Ipecacuanha
apud

apud ejusmodi ægros impar, ut plurimum, tantummodo vindex est.

Linguas albas humidæque, aut virescente materia obductas, minus timebamus: his etsi vomitorium antimonialæ cum utilitate dabatur, nihilominus ipecacuanha per epicrasin data satisfecit.

Purgans vices emeticarissime subit. Febrim purgans frequentissime incendit, quam emeticum uno quasi ictu jugulat.

Inanis plerumque metus emesin prohibet, eique alvinam purgationem substituit.

Etsi alvus minori in præsentiarum cum molestia moveatur, quam emesis, peracta tamen operatione, citius motæ ab emetico turbæ componuntur, quam quas purgans pharmacum consitavit.

In febribus putridis, sive biliosis observatum frequenter est, datis solventibus, motaque emesi, alterutrum ex duobus statum obtinere; vel enim eliminata morbi materie æger insigne omnium symptomatum, cephalalgiae, remulentiæque præcipue, ac cardialgiæ levamen experitur, ac ferme apyretos est, vel vero rejectis licet copiosis sordibus, caput æque propemodum, ac antea, gravatur: pulsus debiles, exigui, frequentesque perseverant. Quod si prior ægroti conditio obtineat, sufficiet continuatus solventium, salis præcipue ammoniaci usus.

Salem hunc aliis remediis salinis anteferendum ex eo existimo, quod glutinosa, tenaciaque potenter incidat, & torpescences simul fibras stimulet, quo resistentes saburræ reliquias excutiant.

Verum si alter ægroti status sit, ubi eliminata licet ingenti materiæ mole, quæ præcordia citra noxam occupare non poterat, levamen evacuationi conveniens non respondet, & pulsus molles, humiles, frequentesque sunt, illico ad corticem peruvianum, camphoram, serpentariam virginianam confu-

gere

gere oportet. Hoc rerum statu radicem arnicæ vel solam; vel camphoræ junctam una alterave vice perutilem observavi.

Fœminæ laxæ imbecilli ventriculo præditæ, chloroticæ; viri debiles, sanguinis missionibus intempestive institutis exhausti, si morbo bilioso teneantur, utut emesi indigeant, nihilominus raro solis solventibus, & emetico persanantur, sed plerumque in cortice peruviano, & antisepticis ex classe roborantium desumptis salutem inveniunt.

Omnes, qui graviore morbo putrido, sive maligno laborant, si diutius decubuerint, molesta tussis vespera, noctuque præprimis infestante corripiuntur. Hi sputa aut nulla, aut spumosa reddunt, aut, ut in non paucis est observare, *puriformia*. Dolorem in thorace nullum, nisi si diutius, & validius tussitent, nullam inter spirandum difficultatem queruntur: at scrobiculum dolet, indeque, si attentius observes, irritamentum ad fauces, gutturve, & demum ad thoracem prodit. Hinc tussis hæc, si genesis spectes, a gastrico systemate orditur, & illæsis pulmonibus fit, nisi forte & hi a sæpius repetita ac validiori successione, tussique diuturna proprium quoque vitium traxerint, & humores spissi illuc allekti decubuerint.

Tussis hæc *stomachica* reconvalescentibus diu non raro molesta roborantibus, stomachicis, polygala, & lichene islandico tollitur.

De hac tussi illa Ballonii valent, dum ait: *in validis tussibus, præsertim cum inanes sunt, dolorem audivimus tantum in ventriculo natum, ut necessario opitulandum ipsi ventriculo fuerit*. Quemadmodum difficultas respirationis facit, ut vi sympathiæ dolores in partibus ventris inferioribus oriantur, sic difficultas aliqua spirandi oritur ob læsionem; doloremque partium interne contentarum, & tunc est opitulandum partibus

ven.

ventris inferioris, relicto thorace, & partibus ejus. Causa sæpe latet in hypochondriis.

Tussis stomachica apud alios ægros nullo alio morbo laborantes frequenter occurrit. Res est subinde difficilioris indaginis, ut *oppressionem pectoris, ardorem in thorace, tussim a pastu præcipue affligentem, sputaque puriformia*, quod horum causam, genesinque concernit, probe dignoscas. Uti enim hæc symptomata pectoris originarie affecti esse possunt, sic in hominibus laxis, debili ventriculo donatis, & male digerentibus, in sedentariis, fœminis, pueris &c. frequentius a præcordiis, & relaxato systematis gastrici tono nascuntur.

Profuere aliquoties purgantia lenia, rhabarbarina, salina, & continuatus postmodum amaricantium, polygalæ, lichenis islandici &c. usus.

Quod si crudus apparatus ventriculum gravet, & irritationem ad pulmones propagando, eosdem continuata, validaque tussi concutiat, ut sputa cruenta ruptis pulmonum vasculis appareant, Ipecacuanha instar miraculi aliquoties profuit. Sed ea de re alibi erit distinctius differendi opportuna occasio.

Uteri obliquus in hac fœmina situs ea nobis in memoriam reduxit, quæ apud Hippocratem de *uteris transmetis, de utero in lumbis incumbente, ore uteri complicato, uteris sursum progressis, ad vesicæ stomachum, ad lumbos, ad coxas conversis, in inguina, & urinae meatus incumbentibus, ad sinistram partem & coxam inclinatis, uteris commotis, & aliquo al-lapsis, ad sedem conversis, & secessum secedere prohibentibus, uteris circumversis ad dextram partem, puerperii purgamentis non fientibus, uteris obtortis, foras egressis, dependentibus &c. diversis in locis consignata leguntur.*

Hæc de vera uteri aliter, ac in statu naturali solet, locati positione accipienda omnino esse, & hæc-

ce nostra dissectio, & aliorum, atque haud infrequens Morgagnii observatio probat. Etsi, quæ di-vus medicinæ parens de uteris ad cor, atque ad ca-pitum progressis, & strangulantibus &c. habet, ad spasmos ex hypogastrio oriundos, aut ibi loci se pri-mum exercentes, qui & alias corporis partes in con-sensum trahunt, & mutatum uteri situm mentiuntur, pertinere, clarum sit.

In Morgagnii epistola anatomico-medica XLVIII. latorum uteri vinculorum laxitati tribuitur, quod is-antrorsum concidat: eorundem vero, vel & utrorum-que nimia ex alterutro latere aut brevitās, aut laxi-tas uterorum obliquitatem facit, undecunque hanc: vinculorum inæqualitatem sive a nativā constitutio-ne, sive ab adventitio primum alicujus ligamenti vitio, sive etiam a gibbo, qui spinam dorsi, cum ea-que partes nexas, vicinasque ad obliquum detor-quet situm, derivare libuerit.

Ne vero has de obliquo utero observationes usus carere practico, atque inanes quis arbitretur, idem Cl. Vir, & frequenter in partu perrumpi uterum ob obliquum infantis positum, & hunc ipsum ob ipsius uteri sæpius, ac vulgo creditur, evenientem obli-quitatem fieri, ex aliorum quoque, præter suam, experientia docet.

SECTIO DECIMA TERTIA.

Pistor Annos viginti tres natus initio Augusti cere-visiā, vinumque promiscue, ac affatim hausit, cum die festo, ut hoc hominum genus solet, genio una cum sodalibus liberius indulgeret. Altero mox die alvo cita, torminibus, ac tenesmo corripitur. Pri-mis morbi diebus vigelies per diem dejecit; at exactis duabus septimanis, cum circa medium Augusti nos accederet, sexies intra nycthemeron aquola purga-

batur, quibus quædam quasi albæ lacinia, aut minutula quasi pasta farinacæ frustula innatabant: nullus amplius in abdomine dolor, tenesmus nullus. Os amarum, lingua albescens, pulsus humilis, non febrilis. Data est radix Ipecacuanhæ per epicrasin: non vomuit, verum alvus frequentissima facta est, & vires minuebantur. Exhibebatur pulvis ex myrobalanis, succo catechu, & opio, unde alvus compressa quidem est, at circa 24^{am} Augusti sine voce, facie hippocratica, & artubus frigidis, pulsu frequentissimo, debilissimo, tremuloque quasi jamjam moriturus jacet. Vesicantia, acres sinapismi, camphora radici arnicæ mixta tenuem vitam resuscitarunt.

7^{ma}. Septembris deglutitio difficilis, vox rauca, tussis dein major indies ægrum exercere inceperant. Nil vitiqsi in faucibus conspiciebatur, præterquam leves hinc inde rubores absque tumore.

Hiscæ remediis etsi morti præsentī ereptus videretur, nihilominus circa nonum Septembris, cum reliquam sanationem iisdem perfici posse desperabamus, ad corticem juncta simul camphora accessimus.

Excoriari ad os sacrum, & trochanterem utrumque, summa licet adhibita diligentia, cepit. Tussi primum sicca, clamosa, sonora, quasi ex cavo tus-sitaret, ad vesperam, noctuve vexari; demum & sputa copiosa *puriformia* rejici. Macies indies major. Pulsus repentes, obscuro, naturalibus celeriores: decubitus in latus dextrum impossibilis: hypochondrii sinistri dolores punctorii crebri: noctu nonnunquam copiosus, & foetidus sudor: horror validus, & ossa concutiens aliquoties accessit. Alvus naturalis.

Die 28^{va} Septembris in auxilium præter corticem & camphoram, polygalam, & lichenem islandicum vocabamus. Sputa subsequenti diebus minuebantur:

tur: vox paulo melior: at ab aliquot jam diebus fœtor peculiaris, qui absque sentu incipientis deliquii ab adstantibus ferri diutius non poterat. Reliqua symptomata perfliteret.

Die 25ta Septembris a meridie pulsus magis humiles, admodum exigui, & frequentissimi: dolor per aliquot momenta immanis in hypochondrio sinistro: ejulatus: animus præsens, & die sequenti mors.

Latus thoracis finistrum lividum in cadavere, lividi, nigrescentesque illius lateris muscoli fuere. Apertum finistri thoracis cavum duodecim propemodum libras feri turbidi, virescentis, fœtidissimique continebat. Pulmonis externam faciem, pleuram, pericardium, diaphragma, qua parte sero hoc contegebantur, membrana albescens quasi ex pasta farinacea confecta obvestiit. In pericardio libra ejusdem feri, minus tamen turbidi, & absque ejusmodi pseudo-membrana inveniebatur.

Pulmo illius cavi ita compressus, & in exiguum spatium redactus erat, ut a sua functione diutius jam vacasse visus fuerit, etsi dissectus nil vitiosi monstraret. Cavum thoracis dextrum pulmo sanissimus replevit.

Seçto abdomine omentum convolutum, ut intestina non obduceret, exiguum, & putridum reperiatur. Intestina lividissima, ac ferme nigra fuere, excepto intestino recto, si colorem spectes, sano. Ad initium intestini ilei præternaturalis coarctatio, futuri fors morbi ilei rudimentum. Fæces consistentes per totum intestinum ileum, & vera stercora. Colon, per plures prius anfractus in pelvi sitos circumductum, tandem inde ascendens in rectum abiverat. Ventriculus externa facie sanus, interna lividus.

Resecto cranio, aqua sub arachnoidea contenta gelatinam mentiebatur: reliqua sanorum instar se habuere.

Pistores morbis acutis correpti præ aliis multo facilius sæpiusque perire, tum meis, cum & aliorum, qui per aliquot jam annos ægris in Nosocomio adflitere, observationibus comprobatur. Morosi ut plurimum sunt, tardi, stupidi, sermonis pauci, aspectu torvo, facie pallida, ejusque coloris, quem græci *χλωρον* dixerunt. Morbis malignis maxime subjacent, ex quibus raro convalescunt.

Horum ratio a vivendi genere, & opificio repetenda est. Frequenter, & valide incalescunt, æstuantque. Igne, motuque corporis percalescunt subito refrigerantur potu largo, & frigido, atque insuper ob id, quod rigente etiam gelu ex hypocaustis se foras proripiunt nudi, & non nisi linteo pudenda tecti.

Tussis valida, sonora, ad vespertas, & noctu aucta facile explicatur. Sed unde sputa copiosa, *puriformia* pulmonibus integris? unde feri tanta collectio? an ea ante præsentem morbum adfuerat, an eodem inchoante, cum pridie vino, & cerevisia, corpore fors æstuate, se ingurgitasset, primum nata? an, cum circa 24 tam Augusti evacuationibus prægressis exhaustus, micante pulsu tenuissimo, & extremis frigidis jamjam moriturus videretur, extrema vascula relaxata serum dimisere, posthac non amplius resorbendum, idque in sinistro thoracis cavo potius, quam alibi, ob præexistentem fortasse pulmonis illius lateris quandam debilitatem?

Colon solito longius, & per gyros, antequam in rectum terminetur, circumductum, fæcum in anfractibus coacervatarum exitum morari necessum est. Hinc nasci aliquando fors hernia, ad quam intestino ita se habente prædisponebatur, a *prolabente colo* potuisset, quam *raram* auctores dicunt.

Vomitibus stercoreis etiam illæsa Tulpii valvula;

uti per aliorum quoque observationes constat, fieri potest.

SECTIO DECIMA QUARTA.

Sartor 34 Annos natus a duodecim propemodum annis ad scrobiculum per intervalla dolet, sanus cæteroque. Vesperis cubitum concedens horruit. æstuatque: mane sequentis diei dedolatus, æstuans, difficili respiratione, tussi, & dolore punctorio utriusque lateris in thorace correptus jacet. Difficilis in utrumque latus decubitus.

Terna venæ sectio dolorem pungentem minuit: at major postmodum pectoris oppressio orta.

Die morbi octavo ad nos delatus pulsus frequentem, non durum exhibuit. Calor ad attactum magnus: respiratio laboriosa, frequens, tussis moderata: sputa pauca, aquosa, mucosa: lingua humida, modice albescens, mens constans, alvus liquida, septies octiesve per 24 horas sponte mota. Factis compluribus per intervalla venæ sectionibus, sanguis semper crassa phlogistica, contracta, margine fimbriato contextus. Levamen a venæ sectionibus nullum omnino, si respirationem spectes, minor tamen utrinque punctorius dolor.

Die totius morbi 17ma ad finem vergente, cum se vesperi mox suffocandum ob brevissimum, difficillimumque spiritum diceret, denuo sanguis, isque ultima vice detractus est æque phlogisticus ac antea. Inde levamen exiguum, donec maiorem omnium solamen post mediam noctem mors afferret.

o Secto cadavere pulmo uterque ita inflammatus deprehendebatur, ut exiguae solum ejusdem portiones sternum versus a phlogosi immunes essent: sinister, qua is claviculam respicit, exiguis tuberculis ciceris magnitudine, intra spatium exiguum interstin-

gueba-

guebatur, duris, & nigricantibus. Pulmones ambo arctis nexibus ad pleuram ligabantur, excepta ea eorundem portione, quæ anteriora thoracis spectat, quamve ab inflammatione liberam esse diximus. Firmissima adhæsiō, & cultro, nisi alterutrum lædatur, haud dividenda, pulmones diaphragmati utrinque junxit.

Pleura inflammatione caruit. Omentum; convolutum in funis speciem, intestina non obtegebat, & explicatum perexiguum fuit. Colon ex latere dextro adscendens sub hepate contra se ipsum replicabatur, & flexum fecerat mirum quantum expansum, ac *tympaniticum*; at transversa coli pars, cum portione ejus per latus sinistrum descendente, angulum rectum, quin tamen contra se ipsum retorqueretur, in regione lienis formabat: utraque intestini coli portio, & quæ ventriculo subtendebatur, quæve per sinistrum decurrebat latus, angusta, contractaque funiculi non crassi speciem referebant. Curvatura *sigmoidea* nuncupata denuo justo amplior, & tractu semi-alterum pedem æquante vere *tympanitica* fuit. Ventriculi interna superficies colore plumbeo foedabatur, versus pylorum maculis, & punctis rubris distincta. Vasa vero ventriculi multo ampliora solito, &, ubi in ramos discescebantur, varicosa sanguinem multum nigrumque continebant.

Gravissima ea thoracis inflammatio est, quæ utrumque pulmonem, eumque ferme integrum corripit; priusquam enim noto quodam, atque omnibus aliis inflammationibus consueto exitu terminetur, *suffocando* occidit, cum auctum visceris volumen intra angustiores thoracem conclusum spiritum elidat. Sed & totius oceani sanguinei fluxum, & refluxum *sistendo* vitam adimit, cum e contrario, ubi alteruter solum pulmo laborat, sanus alter ægrotantis vices subit.

Quod si quid auxilii contra diram hancce totius pulmonis inflammationem suppeditare ars possit, id erit solummodo sub exordium morbi gravissimi, si sanguinis subita, largave evacuatio ex vena lato vulnere pertusa instituat, antequam fixa penitus phlogoseos sedes sit. Alterum post hæc subsidium ciuenta scarificatio habet, non ubique instituta, sed in dorso, & inter scapulas facta, cujus rei ratio ex nexu vicino affecti visceris patet. Sed & hic meminisse oportet, quod, morbo jam adulto vigenteque, omnis medicina plerumque sera sit.

Sartores quam plurimos vidimus pulmonum morbis præ aliis laborantes. Cum enim corpore antrosum incurvato, inclinatioque capite continuo ferme sedent, necesse est, sanguinem per corpus inaquaaliter dispensari, eumque in pulmonibus plus æquo accumulari, tum quod compressa ob situm corporis abdominis viscera minus sanguinis admittant, hinc ad superiora major humorum copia urgeatur; cum etiam, quod ob exiguas, quas sedentarii hi homines faciunt, inspirationes aggestus in pulmonibus sanguis non æque prompte, ac oportet, promoveatur. Plethora hinc *topica* nascitur, pulmonum videlicet, multaque alia incommoda ab hac origine fieri consueta.

Præterea cum hocce hominum genus præterquam quod sedentariam agant vitam, nullos inter sedendum labores peragant, qui exercendis musculis, firmandoque corpori pares sint, eos laxos, molles, & carniæ esse effeminatarum oportet.

At vero pulmo & imbecillus, laxusque, & multo sanguine turgidus, si aërem frigidum forte incautius admiserit, universalem, lethalemque ut plurimum inflammationem suscipit. Sed etiam sanguinis sputum, tum in Sartoribus, cum aliis quoque, qui vestibus supra abdomen arctius constrictis, pressoque idcirco abdomine multum sedent, & scriptitando oc-
cupan-

cupantur, frequenter occurrit, chronicum plerumque, & *απυρετον*, quove ad seram usque senectutem nonnunquam conflictantur. Huc pertinere illa hæmoptœs species videtur, quam Hippocrates L. 2. prorrh. *periculi expertem* dicit.

Hanc hæmoptœs speciem haud satis exacte a recentioribus descriptam, utut frequentiore, ac vulgo æstimatur, Hippocrati nihilominus cognitam fuisse, depictamque ab eo, ex L. 1. de morbis videmus, ubi venarum *varicosam dilatationem* in pulmonibus adstruit, quam is *σπαδωνα* appellat, quod venæ pulmonum ob copiam inundantis sanguinis distrahantur, & varices, *κίρσοι*, producantur.

En ipsa Hippocratis verba, rem egregie, ut ubique solet, & paucis exprimentia: *si vena quidem non omnino rupta fuerit, sed ea præcipue velut varix distenditur, quod etiam confestim quidem, ubi factum fuerit, dolorem quemdam tenuem, & tussim siccam exhibet, si vero diutius traxerit, & neglecta fuerit, primum quidem paucum, & subatrum sanguinem transmittit, mox etiam copiosorem, & maxime sincerum, deinde pus. His confert, si circa exordia curandos susceperis, ut manuum venæ relaxentur, & victus ratione utatur, ex qua siccissimus, & maxime exsanguis evadat.*

Pulsus arteriarum in nostro homine non duos, & progrediente morbo molliores continuo deprehendimus.

Flexus coli hepaticus, quem tympaniticum vidimus, multarum in sedentariis molestiarum fons, & origo est, apud illos maxime, qui gulæ liberius, simulque otio indulgent. Flatus ibi loci conclusi, a pastu præcipue, & turgente ventriculo, a longa sessione, anxios, morosos, capite gravatos, præcordiis dolentes faciunt, quos medici visceribus infarctis, hepate præprimis obstructo laborare perperam subinde arbitrantur, & ob eam rationem diutur-

næ medicationi subjiciunt, donec, quam restituere satagunt, sanitatem, penitus labefactent. Frugale prandium, matutina abdominis frictio, motus, & usus frigidae hypochondriacos nostros epulones feliciter sanaret, quam quaecunque solvente, roborante, nervinoque, ac carminante scopo pharmacopœa supeditat.

Vasa ventriculi dilatata, & ferme varicosa ea nobis in memoriam revocant, quæ Cl. Joan. Kœmpf de infarctu vasorum ventriculi peculiari, & lectu dignissima dissertatione, & post eum vere egregius Tissotus in ea, quam Cl. Zimmermanno inscripsit, epistola de *margo nigro* scripsere. Multa sessio, corporis inclinatus situs, & impeditior idcirco per gastricum systema sanguinis circuitus facilem cardialgiæ illius, quam æger a duodecim fere annis querebatur, explicationem subministrat.

Ruptus successu temporis fortasse varix *morbum nigrum* Hippocratis, seu *atram bilem* exhibuisset.

SECTIO DECIMA QUINTA.

Musculus Annorum 32 die 8va Octobris ad nos deferatur, delirus, pulsibus celerrimis, & exiguis, &, digito vel levissime appresso, evanescentibus. Per eos, qui ægrum huc detulere, id solummodo rescitum est, hominem ab integro mense domi decumbere, usumque esse chirurgi cujusdam opera, qui dolenti testiculo medebatur. Cum genitalia examinarentur, deprehensum est præputium callosum, & glandi firmiter ita circumcirca nexum, ut nec retro glandem penitus, neque ex integro antrorsum trahi potuerit, & glans semidenudata prospiceret. Nulla cæteroquin ullibi exulceratio visa est. Sinister testiculus aliquantum major dextro apparebat. Orificium ure-

urethræ ita arctum, ut cereis nostris aditus præcluderetur.

Indicatio vitalis urgebat, &, quidquid causarum, vitiique subesse poterat, quod nos latebat, id nihilominus in propatulo erat, tenuissime micantem vitæ scintillam omni stimulantium, cardiacorumque apparatu, quasi affuso oleo animandam esse, priusquam ex toto extinguatur. Vesicantia, sinapismi, infusum radicum serpentariæ virginianæ, & contrajervæ cum larga camphoræ dosi, pleniores magisque vividos arteriarum ictus effecere, mensque post biduum ad exiguum tempus rediit, ut diceret, se ob plures gonorrhœas ab octennio difficulter, & filo tenuissimo lotium misisse. Plura narrare volentem delirium denuo superveniens prohibuit.

Hoc tempore, quo apud nos fuerat, urinam perpauca misit, & difficillime. Tandem tenuiori cathetere imposito lotium prærubrum, & sanguine tinctum evocabatur. Die 12ma Octobris ad finem vergente moritur.

Dissecta urethra insignem circa frænulum coarctationem monstravit, quæ difficilem in vivente catheteris applicationem fecerat, cum, superato hoc angustiori urethræ principio, nullum amplius nec cereus immissus, nec catheter obstaculum in reliquo ad vesicam itinere offenderet. Sana per reliquum urethræ tractum omnia: nulla cicatrix, nullæque excrescentiæ, aut alia læsarum quondam partium vestigia. Sana feminalis caruncula, nisi quod utrumque ductuum ejaculatoriorum orificium solito magis ampliatum hiatet, & sinistrum, compressa proflata, pus funderet. Ex eadem glandula digitis leviter compressa, per omnes ejus excretorios ductus, sanos quidem ipsos pus proliebatur, sectaque exiguos abscessus, lentis quosdam, ciceris alios, magnitudine continuit.

Vesicula seminalis sinistra pure plena fuit, ipsa ex membranis duris, crassisque, & hinc inde inflammatis composita. Sana dextra, & liquore seminali turgens. Cum teste sinistro, quem dextro majorem diximus, tunica vaginalis arctissime cohæsit, isque dissectus abscessum, qui nucem juglandem æquans pure bono, crassoque replebatur, in parte a testiculo accessorio averia exhibuit.

Sanus uterque funiculus spermaticus. Vesica urinaria urinæ sanguinolentæ paucam quantitatem continebat, & maculas amplas profunde rubras, quasi totidem sugillationes, per omnem ferme internam superficiem monstrabat. Renes solito intensius rubebant: intestina tenuia erant inflammata.

Pulmo dexter labis expers, at sinister tuberculis, lentis cicerisque magnitudine, per omnem ferme substantiam obsidebatur, duris, albis, solidis, quasi ex molliori cartilagine factis: reliqua his interjecta pulmonis substantia admodum friabilis fuit, digitoque contrectanti, & ipsi oculo minus sana apparebat: pleuræ præterea ubique firmissimè necēbatur.

Pleura ipsa tota quanta in latere sinistro admodum crassa fuit, ita, ut maxima ejus crassities latum pollicem æquaret: substantia ejus in quibusdam locis molliorem cartilaginem & sectione, & ipso aspectu, tactuve referebat. Aliæ ejusdem pleuræ plagæ albidæ, tenaces, ac tendineæ erant, & variis sibi invicem impositis stratis cultri, aut etiam manuum operibus ab se invicem dividendis, comparatæ. Transversim secta pleuræ frustula, digitisque compressa sanguinem per minutula vascula, ipsam ejusdem substantiam frequentissime percurrentia, ubique plorabant.

Resecto cranio laterales ventriculi sero flavescentsurgidi inventi sunt.

SECTIO DECIMA SEXTA.

Fœmina 30 Annorum mane inter pauperes ad nos venit, atque, ut in Nosocomium suscipiatur, petit. Interrogata, quamdiu, & quo morbo laboraret, respondit, se per octo dies alvo cruenta, torminosa, citaque, non tamen supra modum exercitata fuisse, at fluxu hoc subsistente in quartanam incidisse, cujus binos universim paroxysmos pertulisset. Ab aliquot diebus, ex quo alvus quiesceret, abdomen intumescere querebatur. Cum bajuli susceptam ad cubilia ægrorum deportare juberentur, ipsa suis confisa viribus sola per gradus ascendit, seque exiit: cum in lectum se reclinat, repente moritur.

Caput dissectum, & sedulo perquisitum, nil vitiosi obtulit.

In cavo thoracis singulo libra feri flavescentis, & pauxillum aquæ ejusdem intra pericardium inventum. Pulmones sani. Cor solito multo majus: par magnitudini parietum crassities, & proportionatum utriusque ventriculi cavum. Aortæ principium, ut primum ex corde emergit, paucarum linearum tractu osseum fere totum fuit. Valvulæ ejusdem crassæ, partim cartilagineæ fuere, partim vero ejus naturæ, quæ inter os, & cartilaginem ambigit: parum mobiles, claudere, sive aperire aortam oporteret, & *semi-biantes* fuere.

In abdomine hepar mole ingens, & sanum per omnia, omnem præcordiorum regionem, hypochondrium scilicet utrumque, & quod utrique interjacet, occupabat. Sinister ejus lobus in hypochondrium sinistrum protensus lienem & ipsum solito triplo majorem, triangularemque loco movit, detrusitque. Ventriculus exiguus prægrandi hepatis subster-

ne-

nebatur; ipse vero intestinum crassum mediocriter amplum potius referebat, ita tamen, ut in medio per dimidii fere pollicis tractum constringeretur, & duos exiguos ventriculos exhiberet, quorum alter in alterum orificio vix digitum capiente aperiebatur. Color intestinorum non sanissimus, sed qui aut prægressam phlogosin, aut incipientem indicare videbatur: hinc inde inchoans livor notabatur.

Uterus, uti in nubili puella, exiguus, etsi præterito anno idque prima vice peperisset. Ovaria ovulis maximam partem non bonis foeta.

Mortem repentinam ab aucto, dum primo scalas, & depositis dein vestibibus lectum conscenderet, humorum ad cor allapsu deduximus, qui ab osseo aortæ capite, valvulisque ferme ex toto rigidis expediti, promoverique ulterius nequiverant.

Quibus vasa sanguifera obrigescere incipiunt, seniculis, aut quos gravis duravit labor, aut quibus hoc vasorum vitium peculiare est, ictus arteriarum tardi, durique sunt, non a sanguinis phlogistica densitate, copiave, sed ab aucta tuborum sanguiferorum rigiditate repetundi. Sanguis imprudentius missus vires convellit, & funestam brevi debilitatem accersit. Minuta enim humorum moles in vasa rigidiora impotentius agit, & sanguis, post venæ sectionem celerius circumducendus, fibras arteriarum frequentioribus contractionibus impares offendit. Hinc læsam, quæ inter fluida, solidaque intercedit, rationem ars nulla in integrum restituit.

At vero; ut sanguinis detractionem hi difficilius ferunt, ita auctior ejusdem motus, aut copia subito nonnunquam letalis fit: hinc proportio vim motricem inter & pondus apud eos, quorum arteriæ rigidiores evadunt, intra multo arctiores terminos, ac apud alios hujus vitii expertes sita est.

Hæc eo dicta sunt, ut, ubi prudens ossescentium

vasorum suspicio est, quid agendum, omittendumque sit, & quæ imponere medico nonnunquam possint, cumque ad instituendam sanguinis missionem hujusmodi ægro funestam perducere, clarius elucescat.

SECTIO DECIMA SEPTIMA.

Quadraginta Annorum vir ex pistore, quod opificium admodum juvenis addidicit, per 23 annos miles, atque olim inter Borussos levis armaturæ equites stipendia meritis, die 3tia octobris ad Nosocomium venit, ex quo sequentia audivimus:

A 20 annis, quo tempore, cum acute laboraret, largis venæ sectionibus institutis intra tres fere septimanas convaluerat, quotannis quater, ut plurimum, ob frequentes narium hæmorrhagias venam sibi tundi curavit.

Ante sex annos, cum præter modum palleret, multumque salivæ in fauces conflueret, purgans, nescio cujus suasu, sumpsit, quo tæniæ portionem longitudine viginti ulnas æquantem abegit. Ternis vicibus eodem medicamento purgante usus est, ita tamen, ut octo semper dies singulis purgationibus interponeret. Singula vice portio tæniæ expellebatur, ut, si totum accipias, quod excrevit, quadraginta ulnas æquet.

Toto militiæ tempore multoties æstuante corpore, ut sit, frigidam hausit, & ad hanc usque diem largiori spirituum ardentium potu delectabatur; inde a multis jam annis doloribus laterum, pleuriticorum in morem, tentabatur, quos aut neglexit, cum ipsum nunquam lecto affigerent, aut celebrata subinde sanguinis missione mitigavit.

Ab octo annis phthiticum se dicebat. Sputabat pauca, mucosa, difficilia, subinde puriformia. Respira-

spirabat anxie; cum sibilo, tussi crebra, diu nocturne molesta. A binis mensibus respiratio magis laboriosa, sibilosa magis: sputa viridia, foetida, perpauca: carnes evanidae: tussis frequentior: defluvium capillorum: virium jactura manifestior: vomitus per intervalla, mane praecipue, ac jejuno ventriculo, isque inanis, ut plurimum: diarrhoea: dolor ad scrobiculum. Ab aliquot diebus vesperi crura tument.

Cum, quæ usui esse videbantur, adplicarentur, increvere nihilominus enarrata symptomata: deglutitio fieri tandem difficilis: vox rauca vix percipienda. Die octava Novembris moritur.

Aperto thorace pulmo dexter ex toto gravissime inflammatus, si partem non magnam, quæ diaphragma respicit; excipias, deprehendebatur. Suprema ejusdem pulmonis pars conclusum abscessum pure tenui repletum continuit. Cavitas vomicae tota, quæ ovum anserinum facile cepisset, particulis albidioribus, & quasi membranam mentientibus intus obducebatur. Circa abscessum inflammatio gravior erat, quam locis a vomica magis remotis. Haud procul ab hocce abscessu aliam exiguam, quæve nucem moschatam vix caperet, vomicam pure minus tenui, & ex albo virescente turgidam vidimus.

Sinister pulmo diaphragmati per quandam pseudo-membranam circum circa ita nectebatur, ut in medio inter diaphragma scilicet, & pulmonis infimam superficiem aliquid feri, quod elabi ob nexum pulmonis cum diaphragmate non poterat, concluderetur.

Idem pulmo arctius hinc inde ad pleuram religabatur, cæterum & ipse dire inflammatus, præterquam qua parte septum transversum contigit: is dissectus unicam, eamque parvam, ut quæ vix nucem avellanam æquaret, vomicam continuit pure:
non

non illaudabili plenam. Cæterum tota pulmonis utriusque substantia tuberculis obsidebatur, quorum singula ex granulis compluribus albis, durisque, & lentem æquantibus componebantur. Rami bronchiorum ossei. Cartilagines asperam arteriam, ejusque caput constituentes ita induruerunt, ut potius ossicæ essent. Superficies interna trachææ aspera absque ulcusculis: rima glottidis amplissima.

In pericardio aquæ libra inventa est.

Dissecto abdomine hepar magnum flavo colore, totam ejus substantiam penetrante, reperiiebatur: vesicula fellea tenaci, multa, nigricante bile turgebat, & licet fortiter compressa, liquorem tamen contentum in intestina, ob deletam ductus choledochi cavitatem, non effudit. Ventriculus exiguus, & intestinum referens, tunicas solito multum crassiores habuit. Glandulæ mesenterii confertissimæ, consueto multum majores, duræ, & quæ inter eos maximæ erant, materia sebacea replebantur. Crassorum intestinorum glandulæ solito evidentiores apparebant, duræ pariter, quarum non paucæ, quemadmodum multæ quoque in mesenterio, cartilagineam fere duritiem dissecanti cultro opposuere.

Remedia in ulcere pulmonum, nataque inde consumptione usitata cum iis comparari merentur, quæ cadaveris hujus sectio exhibuit.

Sed cum non ab similem sectionis historiam, & quædam ad curam phthisicos pertinentia supra retulerim, curta eorum, quæ hic observavimus, narratio ad stabilienda superius prolata sufficiet.

SECTIO DECIMA OCTAVA.

Vidua 37 Annorum 25ta Junii ad nos venit. Per quinque menses menstruis caruit, quæ ante octo dies redierunt. Ante 11 dies prægressa ira frigidam habuit.

Pars I.

L.

fit,

fit, unde dedolatio, & gravitas corporis, & præcipue capitis stupor, horripilationes, calores, appetitus dejectus. Per plures dies horrores caloribus mixti continuabant.

Pridie quam ad nos veniret, sumpsit sal amarum, a quo per hos dies alvus trigesies septies movebatur. Vena secta fuit cum levamine quoad corporis gravitatem. Hucusque semper erecto corpore laboravit, & morbum facile tulit. Cephalalgia: somnolentia continua: lingua biliosa: os mucosum, amarum: spasmodica faucium constrictio præcedentibus vomendi conatibus, & tussi: sitis multa: calor jam nullus: petechiæ purpureæ hac nocte eruperunt. Pulsus celerior naturali, mollis: respiratio non læsa.

Retulit ægra, se custodem adstitisse infanti ex petechiis decumbenti, qui modo denuo convaluerit.

Hæc fœmina, cum post paucos dies, ex quo suscepta in Nosocomium est, petechiæ successive evanescerent, mansit tamen somnolenta, tarda, de sanitate sua plurimum anxiosa, querula, immorigera, sæpius secum ipsa interdium, noctuque mullitans, varia obstinate appetens, sano tamen iudicio, & memoria firma.

Pulsus aut naturalis, aut naturali paulo celerior, debilisque: calor præter naturam nullus. Gravitas perpetua capitis ad tempora, auresque præcipue cum tinnitu valido, continuo. Somnus noctu bonus videbatur: interdium, cum dormire videretur, somnum tamen se capere negavit. Vires non valde dejectæ, cum & facile se converteret, corpusque erigeret, & in lecto sederet: quin & extra lectum esse poterat. Continuum inappetentiam, oris gustum non amarum, attamen prævum semper quæsitæ est. Cæterum de nullo aut pectoris incommodo, aut ventriculi, abdominisque dolore unquam querebatur.

Diarrhœam toto fere tempore, quo apud nos de-

cubuit, patiebatur, quam inde ab assumpto extra Nosocomium purgante ortam continuo perstare aiebat. Alvus quacunque ratione comprimeretur, nihilominus denuo fluere cœpit.

Die 13 Junii, cum & præcedentibus diebus, eoque ipso die paulo melius valere existimaretur, etsi toto tempore, quo apud nos fuit, nil detractum ex viribus, quin potius quædam earum accessio facta videretur; cumque ejus diei hora tertia pomeridiana & medicamentum propinatum alacriter hauriret, & apte prompteque responderet, ac erecto federet corpore, elapso horæ quadrante, dum in latum se convertit, repente moritur.

Cum ipsemet eo die ob adversam valetudinem domi detinerer, atque idcirco sectioni, uti alias solebam, interesse non possem, Cl. D. Joannes Philippus Ritter Bambergensis Franco, dignus praeclaro genitore filius, qui superato multiplici tædio tempus fere omne penes lectos ægrorum in perdiscendo morborum diversissimorum genio, modoque medendi exegerat, cadaver cum assistente chirurgo secuit, & sectionis historiam, ut sequitur, mihi tradidit.

Collum, dorsum, & humeri livebant: abdomen tactu molle. Margines locorum vesicantibus tentatorum gangrænosii. Dura mater cranio solito firmitus adhæsit: vasa piæ matris multo sanguine infarcta: substantia cerebri valde compacta, ejusque medulla pluribus, quam alias, punctis sanguineis distincta. Plexus choroidei sanguine turgebant. In dextro ventriculo superiori solito plus aquæ continebatur. Apophysis clinoidea posterior sinistra erat scabra. Pulmo sinister solito flaccidior per membranas cum pleura, & diaphragmata undique cohæsit.

Hepar, lien, pancreas in statu naturali inveniebantur. Vasa coronaria ventriculi sanguine multo re-

pleta. intestinum cœcum, colon incipiens, & mesenterium inflammata deprehendebantur. In mesenterio repertum fuit *ulcus cancrosum* cum initio intestini coli communicans, & in illud materiem amurcosam, pultaceam, foetidam effundens. Margines concavi renum erant solito ampliores, profundiores, & laxiores: reliqua secundum naturam fuere.

Quod ad cohæsiones pulmonum ad partes vicinass attinet, quæ nullum in respirando impedimentum fecere, non est, quod nostram admirationem mereatur, cum id & aliquoties a nobis, & aliis quam frequentissime fuerit observatum. Notatu dignius est, quod intestinorum pars quædam inflammata fuerit reperta, quin de dolore abdominis, de febris, caloreque unquam quereretur. Ulcus mesenterii in colon apertum, quodve, qui dissecuit, *cancrosum* dixit, anni morbi petechialis effectus, an ex tumore diu antea ibi latente natum fuerit, minus constat. Colluvies putrida in intestinis diu collecta, ni & tempestive, & apta via eliminetur, febris petechialis & communissima causa est, & inflammatione, abscessu, gangræna intestinorum præcipue, sed etiam vicini mesenterii, cerebri, & pulmonum &c. occidit, si ea in sanguinem recepta ad hæc partes decubuerit.

SECTIO DECIMA NONA.

Vidua 41 Annos nata, duodecim prolium mater a sexennio menstruis caret. Ab Anni quadrante abdomen intumescere, atque frequentibus infestari flatibus queritur.

Ante decem septimanas prægressa per aliquot dies oris mucositate, dejectove appetitu, cholera corripitur: quæ vomitu rejiciebantur, biliosa fuere. Dolor eo toto die in abdomine ingens. Die altera cholera nulla, at idem abdominis, qui pridie dolor, minus

minus tamen tumefcentis, ac unquam alias. Dolor hic sensim minutus per aliquod tempus evanuit. Exactis quatuor septimanis bene valere videbatur, nisi quod abdomen per intervalla tumeret, tensumque adpareret. Elapso hoc tempore denuo cholera recrudit, qua post tres demum dies cessante sanitas rediit, etsi minus integra, quam antea.

Cum die quarta Septembris ad nos deferretur, præcedentibus sequentia adhuc addidit: a decem diebus alvum non reddidisse: per octo dies ultimos quotidie ter, quaterve biliosa, mucosaque cum dolore totius abdominis vomuisse. Hunc abdominis dolorem per intervalla gravissimum fuisse, exortumque a sinistra regione lumbari extendi ad umbilicum usque.

Cum ad Nosocomium in sella portatili deferretur, alvus moveri cepit, jamque septies intra paucas horas dejecit. Abdomen tumet, doletque cum sensu exulcerationis ad attactum aucto. Nulla in abdomine durities, nulla ejus tensio. Inappetentia: calor nullos præter naturam: fitis nulla, aut vix ulla. Pulsus molles, naturales, aut naturalibus paulo citatiores.

Dato emulso eccoprotico, cui pauxilium camphoræ jungebatur, denuo aliquoties dejecit: dolores abdominis aliquantum minuebantur, & per intervalla exacerbabantur, sic tamen, ut, nisi contrectata, eos facillime perferret. Borborygmi fere continui, & flatus permolesti sursum, deorsumque erumpentes. Usa est deinceps emulsis, oleosisque, additis lenioribus carminantibus, quibus exiguum levamen obtinebatur. Calor nullus: pulsus frequentes, exigui. Inappetentia, & os insipidum cum levi amarore: facies diluta flavedine tincta. Somnus parvus. Alvus facilis. Foetidissimæ, & coloris castanei, & aquosæ feces. Dolor ad att-

Etum auctus in toto abdomine, urinæ difficiles, stranguriosæ, colore laudabiles.

Die 12ma Septembris circa vesperam repente ejulat, de acerbis totius abdominis dolore, & suffocante respiratione queritur: pulsus frequentissimi, valde exigui: mentis præsentia. Elapso unius horæ spatio quietior facta est, & circa mediam noctem mente constans moritur.

Cutis in hypogastrio pendula, rugosaque fuit, qualis in iis solet, quæ frequenter peperere. Abdomen tumidulum, & prominens. Pinguedo multa sub cute pectoris, & abdominis musculos obsedit.

Dissecto abdomine foetidissima materies profluxit, coloris, & consistentia ejusdem, quam alvo reddidit. Omnia intestina, & mesenterium inflammata erant. Peritonæum ubique fere inflammatum vasa sanguifera copiosissima exhibuit. Omentum inflammatum, & hinc inde gangrænosum. Intestinum ileum, quo loco in cæcum inseritur, tractu quatuor digitos transversos longo angustum, sphacellatum, & foramine tres fere lineas amplo pertusum. Intestini angustati cavitas perexigua. Parietes crassiores solito, & hinc inde arrosi.

Vesiculam felleam calculi tres penitus repleverunt, nullaque ibi bilis, nisi perpauca, eaque glutinosissima calculos obliniens reperiatur.

Hepatis substantia magis, ac naturaliter solet, friabilis, dilutum colorem flavum dissecta monstravit. Reliqua juxta naturam se habuerunt.

Sectio hæc complurium observationum ferax demonstrat denique, inflammationem intestinorum adesse posse cum febre vix ulla, & dolore exiguo, idque frequentius fieri, ac communis opinio ferat.

Quod si doloris acerbicatem ex querelis, ejulatu, jactatione metiamur, constabit, hanc, de qua

agitur

agimus, fœminam abdomine gravius non doluisse, et si attactum paulo rudior non tulerit.

Confirmatur & hac, & aliis a Cl. Morgagnio recensitis historiis, dolorem colicum, pulsibus & urina bonis, per aliquot dies valde tolerabilem, subito letalem fieri posse. Ultimis enim diebus ægra apud nos decubuit, morbum haud gravare pertulit.

Quin & ex eodem Cl. Auctore, nostrisque nonnullis sectionibus constat, inflammationem intestinis alte insidere posse, etiam *nulla præsentē febre*, dummodo eam non ex pulsu solum frequentiori, sed ex auctiori simul carniū colore definiamus, quem nostræ huic ægræ abfuisse antea dixi.

Hinc moniti ab hoc Auctore prolati (L. III. epist. anat. med. art. 21.) veritas novo denuo argumento stabilitur, ita enim is ait: *quando cum aliis inflammatorum intestinorum signis vehementem dolorem, & acutam febrem in ægotantibus deprehendes, jure quidem, meritoque credes rei medicæ auctoribus hæc duo inter præcipuas notas magnæ intestinorum inflammationis ponentibus; nec tamen, si quando alterum, vel utrumque horum aut abesse, aut vix esse invenies, continuo putabis, aut nullam esse inflammationem, aut levem, neque gangrænam, & sphacelum in eorum esse intestinis non posse, in quibus duo illa præcessisse non videris.*

Signa ergo diagnostica inflammationis intestinorum a Boerhavio recensita, videlicet: *febris acuta continua, sitis ingens, calor magnus, pulsus durus, dolor igneus, urina flammea, debilitas subitanea* ad dignoscendam intestinorum inflammationem non raro parum conferunt, neque in ægra nostra multum conferebant.

Cl. Sennertus inter signa intestinorum inflammationum urinæ suppressionem posuit; ægra nostra eandem parce, strangurioseque misit.

Inter innumeras ilei, & colici doloris causas æque frequens intestinorum inflammatio est, eaque, ut vidimus, non semper sævis symptomatibus stipata, sed subdola, diu nonnunquam, attamen tolerabiliter affligens, sed quæ nihilominus ægros non opinantes occidit, dum gangrænam & sphacelum intestinis inducit.

Hanc in rem præclara quædam sæpius laudatus Morgagnius scripsit, & quid Albertinus, & Valsalva hoc in casu factitarint, diligenter exposuit. Uterque, uti in initio venæ sectionem non reprobabant, ita morbo vigente, & jam progresso ab eadem abstinebant. Rationem non addiderè, sed observationem, citius videlicet ægros mori detractò sanguine, sed & mori non detractò, serius tamen. Hoc in casu ab omni eo sollicite abstinebant, quod inter *magna remedia* numeratur. His stantibus, uti vanum auxilium in exiguis jusculorum oleosorumque dosibus quæreretur, ita inutilia fore quæcunque alia medicamina arbitror, & ignominiam præstantissimis alias remediis affricari.

Dum caute agendum existimo, ubicunque alvus pertinacior, nec enematibus, nec mitioribus, & forma liquida exhibitis purgantibus auscultat, dumque rebus ita se habentibus ad oleosos haustus, ad juscula tenuia, ac plenam ab omnibus tum alimentis, cum remediis abtinentiam potius confugiendum reor, quam ad quadruplicatas purgantium, etiam validiorum, doses; Neutiquam improbo, quæ a claris in arte viris & observata, & usu comprobata, leguntur, etsi ab hac nobis laudata methodo aliena sint.

In curando ileo plurimum interest, ut mali causa detegatur, qua ignorata empiricum est, quidquid tentaveris.

Methodus huic morbo medendi vaga plerumque est, eaque, quæ variis, iisque persæpe oppositis remediis utitur. Verum si in ullo unquam morbo ob-

ser-

servandus is canon est, *non esse ab medico nocendum, ubi is prodesse nequeat*, id profecto in ileo sanando obtinet, ubi obscuræ mali causæ nullam medico agendorum notitiam suppeditant. Malim ego cum egregio Valsalvæ præter exiguam olei e dulcibus amygdalis pressi quantitatem ægro nil quidquam propinare, ubicunque me morbi causa fugerit, aut ea talis sit, quam validius aggredi sine gravi noxa nequeamus. Imo malim potius in ejusmodi casu otiosus spectator esse, quam causæ ignarus ea moliri, quorum me postea secto cadavere pœniteat. Jusculum tenue pulli vel solum, vel cum oleo amygdalino exiguis dosibus, atque ita exhibitum, ut æger nil vel ciborum, vel potulendorum vigente ileo accipiat, in plerisque ilei causis directe prodest, &, ubi nec hoc, nec aliud quidpiam prodesse potest, non nocet. Afferti veritas ex perpensis frequentioribus ilei causis patebit.

Hauustus oleosos præ aliis remediis in ileo imminente perefficaces experti sumus. Binis hoc Anno vicibus alvus pertinaciter clausa nobis obvenerat, non a vizio quodam organico, & incurabili, sed a materie, ut videbatur, acri, vellicante, & spasmo pertinaci intestina alicubi locorum stringente. Purgantia varia, acutaque, enemata primo emollientia, dein acria, acerrima nil profecere. Imminēbat in una (utraque enim ægra juvencula fuit irritabili supra modum nervorum systemate donata) vomitus stercoreus, cum assumpta pertinaciter vomeret. Carminantia, opiata ne hilum profecere. Soli hauustus oleosi cito alvum referabant.

Ægra nostra stercorea vomuit, etsi materies vomitu rejecta e tenuibus solummodo intestinis esset. Verum aliunde jam constat, vomitum stercoreum, ligato etiam ileo intestino in, felibus & canibus, itemque ob herniam incarceratam constricto, non raro fieri.

SECTIO VIGESIMA.

Scriniarius 27 Annorum a longo tempore sanus, mane per duas fere horas valide riguit, subsequente calore intenso. Circa meridiem dolor pungens partem posteriorem lateris dextri infra scapulam invasit. Respiratio difficilis: oppressio circa sternum. Post meridiem hora tertia dolor pungens magis ad anteriora ejusdem lateris processit, ibidemque fixus mansit, inter tussitandum auctus. Sitis multa. Ad noctem venæ sectio ipsi facta cum levamine doloris, & oppressionis. Nox insomnis.

Die altero dolor punctorius ut pridie: oppressio pectoris magna: respiratio difficilior: lingua alba, atque in ejus latere dextro ulcusculum aphtham referens. Hoc die in Nosocomium a medico, ut vocant, Assistente, meas, tuac graviter ægrotantis, vices obeunte, susceptus est. Pulsus plenus, celer, durus. Facta venæ sectio lb. j. cum levamine aliquo.

Die morbi tertio dolor pungens nullus fere amplius: oppressio minor: pulsus fortis, plenus, valde durus: respiratio difficilis: facta iterum venæ sectio unc. X. crusta phlogistica admodum crassa, tenax: levamen nullum.

Die quarto nulla emendatio: facta venæ sectio unc. VI. sanguis semper idem.

Die quinto nulla emendatio. Venæ sectio unc. X. A meridie alvus quinquies sponte mota est.

Die sexto supervenit mane dolor pungens lateris sinistri, totam occupans plagam, quæ tertiæ costæ veræ, & primæ spurie, numero a superioribus ducto, interjacet. Hypochondrii ejusdem mollis portio æque dolere cepit, dolore ad attractum aucto. Oppressio pectoris ingens: respiratio difficillima. Pulsus plenus, durus, celer. Venæ sectio lb. i. Applicatum loco dolenti vesicans est.

Die

Die septimo dolor lateris nullus amplius, sed oppressio pectoris aucta; anxietas ingens: respiratio solo abdominis motu peracta. Pulsus minus fortis.

Die octavo respiratio adhuc difficilior, maxime anhelosa: omnia pessima. Eodem hoc die mors.

Decima octava post mortem hora sectum cadaver est: aperto thorace pulmo uterque ad latera, & versus dorsum, item cum diaphragmate sat firmiter mediante pseudomembrana, eaque crassa, alba, lardacea neciebatur. Membrana hac lamellatim ablata, subjacens pleura sana reperta est.

Pulmonis dextri substantia inflammatissima, durissimaque erat, & frustula plura aquæ injecta fundum illico petebant. Sinister vero hinc inde tantum inflammatus eadem, licet minus crassa, pseudomembrana pleuræ cohæsit. Membrana hæc ut plurimum digiti crassitiem æquabat, illi, quam per totum morbi decursum in superficie sanguinis emissi vidimus, simillima. Seri flavi paulo consistentioris circiter libra in cavo dextro thoracis collecta, pus, aut potius *puriformem* materiem referebat. Liquor pericardii quantitatem solitam vix non excedebat. Cor magnum: vasa cordis turgida, quasi injecta. Venæ cavæ initium polyposa concretio replevit.

Abdomen dissectum intestina tenuia, ileum præcipue, & jejunum, partim summe inflammata, partim gangrænescencia monstrabat: hinc inde intestina tegebantur materie *purulenta*, aut purulentam potius *mentiente*.

Intestinatorum quoque crassorum pars, mesenterium vero totum inflammata fuere. In cavo abdominis *puriformis* pariter materies, sed paulo consistentior illa, quæ in thorace reperta est, ad unc. VIII. circiter effusa erat. Hepar sanum pseudomembrana, multo licet tenuiori, circumvestiebatur. Lobus hepatis medius ope ejusdem membranæ spuriae ventriculo

culo jungebatur. Lien sanus. Omentum convolutum, leviter inflammatum. Renes sani.

Sectio hæc intestina inflammata, partim vero jam gangrænola, item mesenterium totum dire inflammatum exhibet, licet nulla enteritidis signa unquam apparuerint, si dolorem hypochondrii sinistri, auctum, si ea plaga contrectaretur, & die primum sexto totius morbi supervenientem excipias, qui etiam ipse die sequenti evanuit.

Transitum pleuritidis in peripneumoniam Hippocrates, suffragante ipsi experientia, jure damnat. Pleuritidem in peripneumoniam abiisse die septimo morbi arbitrabamur, ubi *dolor omnis cum pravorum symptomatum augmento* disparuit, respirationis præcipue, oppressionis, atque anxietatis.

En denuo pleuram in pleuritide vitii expertem!

Materies illa, quæ pus ex parte simulabat, ex parte vero in membranas coivit, viscera aut connectentes, aut obtegentes, ea ipsa videtur esse, quam emissio sanguine, atque in patina asservato, *crustam phlogisticam* appellant; hæc enim mala crisi per ultima exhalantia vasa in ea corporis cava subinde deponitur, unde nullum natura exitum fecit. Neque id absque exemplo est, cum in anginis toties contingat, ut tonsillæ inflammatae materiem phlogisticam conferunt dimittant, quæ mox in membranam eas partes obvestientem inspissatur, aut suppurationem mentitur; inde est, quod, qui frequentius anginosi fuere, mirentur, se post tot suppurationes tonsillarum his tamen partibus adhuc *integris* gaudere.

EXCERPTA EX NECROLOGIIS.

NOSOCOMII AD S. S. TRINITATEM.

Cum Medici ordinarii in Nosocomio S. S. Trinitatis provinciam subiveram, id inter alia operam dedi, ut, quæ de statu Nosocomii præterito me edocerent, evolverem.

Hæc inter necrologia reperi paucis abhinc annis conscribi cœpta.

In Necrologiis his summa susceptorum singulo mense, mortuorumque reperitur; inde majorem, minoremque morborum quovis Anni tempore copiam collegi, etsi probe sciam, hac methodo morborum numerum quovis mense grassantium non exacte stabiliri; manente enim eodem lectorum numero, si qua tempestate & plures simul, & diuturniores grassentur morbi, pauci dato tempore ægri numerabuntur, cum ob morbos diuturniores, qui suscepti sunt, diutius retineantur, aliosque interim ab hoc beneficio excludant.

Id præterea scire convenit, ægros non paucos rebus jam conclamatis huc deportari, quosdam, ut primum suscepti fuerint; expirare. Ea apud nos lex obtinet, ut miserrimum quemque præ omnibus aliis dignum existimemus, qui in Nosocomium suscipiatur.

Alia est apud alios *malignitatis* notio. Inde non idem apud omnes eorum numerus erit, quos maligna detinuisse febris dicetur, aut enecuisse. Malignitatem *facitiam* novi. Verum opinari haud decet, virum hujus per tot annos Nosocomii medicum, erro-

rem

rem tam turpem erravisse, ut eas febres in classem malignarum rejecerit, quas communior praxis a malignitate absolvit.

Sed quid utilitatis habebunt tam incompletæ sectorum cadaverum descriptiones quas hæc necrologia referunt? mallem sane accuratas; hæc cum deficient, incompletis contentemur, modo de earum veritate constet, quamadmodum certo constat. Nil parvum, nil contemnendum in morborum historia, dummodo id, utut exiguum, nostraque attentione minus dignum videatur, ipsius naturæ semper veridicæ opus esse demonstretur.

Sagax medicus, & observationum amans, quibus suam & originem, & incrementa omnis genuina medicina debet, probe sciet, nullam observatiunculam, utut aut prætervisam, aut nullius habitam momenti ita vanam esse, ut suam symbolam ad ampliandos artis limites non conferat. Sciet is minutissima quæque, de quibus ipsum naturæ vox edocuerit, suos in usus convertere, optime gnarus, ea non fortuito, cœcove casu, sed æque ex immutabili, æternaque lege, qua totum hoc universum gubernatur, proficisci, quam grandia illa naturæ molimina, quæ indoctorum etiam oculos feriunt.

Non possum hoc loco, etsi minus fortasse ad propositum faciat, quid de non paucis observationum collectoribus sentiam, reticere: esse videlicet, qui tantummodo insolita, mirabilia, & rara colligant, quive ea, quæ singulo fors sæculo bis eveniunt, atque merito monstra audiunt, omni sollicitudine venentur, dum interim mala illa quotidiana, quibus miseri affligimur, tanquam attentione curatorii indigna, sicco, ut ajunt, pede pertranseunt. Hos, dum insuetis inhiant, & procul positis, obviorum contemptores, medicinam fere semper inutilem, & haud raro periculosam in morbis vulgatissimis facitare necessum est.

Que-

Quemadmodum igitur hæcce rariora negligere haud convenit, ita omnis danda opera est, ut morborum vulgarium genius, & quæ illorum ad se invicem ratio, quisque ad diversa, quibus oriuntur, vigent, emoriuntur, tempora respectus sit, quis unius in alterum transitus, complicatio &c. exacte pernoscat.

Collectio omnium constitutionum epidemicarum hucusque descriptarum, & emolumentum afferret arti, quo insignius haud datur, & collectoris nomen faceret immortale. Sed, unde digressi sumus, redeamus.

Necrologium Anni 1761 (antiquiora enim non reperi) exhibet ægros per anni decursum susceptos 1056

Quos inter viri fuere 547

Fœminæ 509

Mortui inde sunt 120

Hoc Anno Ver maxime letale fuit; longe minus Æstas, & Autumnus, quamvis æstate plures numero vigerent morbi. Autumnus morbos non solummodo minus letales, sed & pauciores numeravit. Hyems morborum paucorum, sed æque propemodum, ac Ver letalium ferax.

Proportio mortuorum ad susceptos proxime est, ut 1. 8 $\frac{3}{4}$.

Ad diem quintam Februarii sequentia notantur: *Mortuus est in tympanitide, cujus abdomen, immensam in molem extensum, in sectione monstrabat feri vix libram, intestina vero præter omnem modum expansa, ac simul quoad structuram ad digitum usque crassa, inflammata, & sphacelata.*

Die 3tia Martii mortuus est ex luxatione vertebrarum lumborum, & paralyfi inferioris partis corporis, quod exenteratio etiam monstrabat, cum sphacelo viscerum abdominis, præsertim vesicæ.

Die 5ta Septembris fœmina ex febris semi-tertiana,

Et tandem suppurato mesenterio periit. Febres semitertianæ ex putridarum, malignarum, familia, a coluvie prava primarum viarum oriundæ, tandem viscerum abdominalium abscessus, gangrænam, sphacelum inducunt.

Die 14ta Octobris periit ex metastasi ad pectus, postquam febrim mali moris remittentem superavit.

Observationes meæ complures docent, in febribus biliosis, malignis, exanthematicis, continuis remittentibus, morbo neglecto, perversè tractato, multum provento, emesi aut neglecta, aut, ubi necesse fuerat, non repetita, materiam morbi ex systemate gastrico ad vias secundas traductam ad pectus decumbere, tussim continuam, & sibilosam, difficilem, strepentemque respirationem facere; ubi inmoventibus, incidentibus, stibio, kermete, vesicantibus, radice arnicæ spes tota salutis repouenda.

Anno 1762. suscepti sunt 1030

Mortui 87

Proportio mortuorum ad susceptos ferme
ut 1. 11 $\frac{2}{10}$

Quæ ægrorum quovis mense copia fuerit, quæve morborum letalitas, ex Necrologio hujus Anni non constat. Menses tamen Aprilis, Majus, & Junius præ reliquis perniciem attulere.

Mense Januario hujus anni periit quidam ex febre maligna, retrogressa parotide. Mense ejusdem Anni Martio duo ex maligna febre, exstante parotide occubuerunt. Ad diem quintam Augusti: *periit in scirrbo hepatis admirando cum ingenti tumore cystico, instar steatomatis pleno pinguedine capillis copiosis intertexta, ubi simul omnes partes abdominis scirrbose erant.*

Mense Decembri plures ex maligna febre periere, ac aliis mensibus.

Anno

Anno 1763. summa susceptorum non reperitur;
mortui sunt 95

Inter susceptos ex febre maligna decu-
buere 193

Inde mortui 28

Inter mortuos periere ex dysenteria men-
sibus Augusto, Septembri, & Octobri gras-
sante 9

Proportio ex febre maligna mortuorum
ad eos, qui eadem laboraverunt fere ut . . . 1. 6 $\frac{2}{7}$

Mortui dysenterici ad summam omnium
mortuorum ut 1. 10 $\frac{1}{9}$

Proportio mortuorum ex febre maligna ad
omnes mortuos fere ut 1. 3

Plura funera per hyemem notantur, quam cæ-
teris Anni partibus, eaque potissimum fuere homi-
num ex malis chronicis pereuntium.

Ad diem 21am Aprilis legitur periisse quidam,
vel quædam *ex febre rheumatica maligna*, in qua ad
membra diversa tumores phlogistici statim sphacelati con-
tingebant.

Ad diem 31am Septembris periit in *ictero nigro chro-
nico cum hydropo*. *Exenteratus monstrabat hepar ulce-
rosum, & corruptum, nec non mesenterium totum quoad
glandulas scirrhusum.*

Anno 1764 summa susceptorum fuit . . . 857

Mortuorum 63

Proportio defunctorum ad susceptos pro-
xime ut. 1. 13 $\frac{2}{3}$

Inter hos fuere febre maligna affecti. . . 181

De quibus mortui 24

Proportio febre maligna defunctorum ad
omnes ex eadem decumbentes proxime ut . . 1. 7 $\frac{1}{2}$

Proportio maligna laborantium ad omnes
ægros proxime ut 1. 4 $\frac{4}{5}$

Pars I. M Prox

Proportio ex febre maligna mortuorum ad omnes mortuos ut I. 2 $\frac{2}{3}$

Numerus ægrotantium multo minor ac prioribus tribus Annis. Autumno morbi paucissimi, & minime lethales. Ver paucioribus morbis, quam Æstas, pluribus quam Autumnus, sed utraque tempestate lethalioribus insigniebatur: hyems a vere haud multum abludebat. Omnium mortuorum dimidia fere pars ex febre maligna periit.

Die 6ta Aprilis æger, vel ægra periisse notatur ex apoplexia post lethargum; in exenteratione se monstrabat abscessus in cerebello, & alter circa os petrosus, & tertius circa sinus laterales ita, ut os occipitis plenum fuerit purulenta extravasata materie, descendente per foramen occipitale ad medullam oblongatam.

Ad diem secundam Novembris hæc reperiuntur: periit in hemicrania chronica ex tumore cystico ovum columbinum æquante supra sellam turcicam, & nervum opticum sito, in exenteratione reperto.

Anno 1765. summa susceptorum 903

Mortuorum 87

Inter hos fuere febris maligna affecti 162

Inde mortui 33

Proportio omnium mortuorum ad susceptos proxime ut I. 10 $\frac{2}{3}$

Proportio mortuorum ex febre maligna ad eos, qui ex eadem decubuere proxime ut I. 5

Proportio maligna laborantium ad omnes ægros proxime ut I. 5 $\frac{1}{2}$

Proportio mortuorum ex febre maligna ad omnes mortuos ut I. 2 $\frac{7}{11}$

Vere funera plura, quam Æstate, at morbi multo pauciores. Autumno morbi æque multi, ac Æstate, sed mortes plures. Hyeme ægrorum copia eadem ac vere, sed paulo minor mortuorum.

Ad

Ad diem octavam Januarii leguntur sequentia :
allata statim mortua est, & in exenteratione reperta
est magna quantitas seri purulenti in abdomine ex ab-
scessu rupto intra membranas ventriculi sito, & perfo-
ratione totius structuræ ejusdem.

Ad diem decimam ejusdem mensis: periit in ictero
nigro cum vomitu perpetuo: in exenteratione repertus
pylorus cum parte duodeni scirrhusus, & cancrusus.
Cystis fellea semi-cartilaginea loco bilis continens serum
album.

Ad 20mam Martii: periit in asthma ex dilatatione
immensa cordis, & polypo in dextro ejusdem ventri-
culo magno, cum extravasatione seri in dextra cavitate
pectoris librarum quatuor.

Ad diem 7mam Julii, periit post hæmitriticam facta
suppuratione mesenterii, & colliquatione.

Ad diem 18vam Septembris: in febre mali moris
remittente cum supervenientibus parotidibus.

A diem 4tam Novembris: periit in febre lenta ex
scirrhuso tumore cystico, magnitudine capitis humani in
dextra parte abdominis se adnectente ad ovarium, &
musculum psoam, continente materiam purulentam caseo-
sam hinc inde pilos habentem.

Tum in hoc, cum & in aliis Necrologiis non
infrequens mentio fit mortuorum in febre maligna
superveniente apoplexia.

Anno 1766. summa susceptorum fuit . . . 1057

Mortuorum 69

Inter hos fuere febre maligna affecti . . . 117

Horum quatuor habuere petechias, quin-
que vero miliaria alba. Febre maligna periere . . . 14

Proportio mortuorum ad susceptos pro-
xime ut I. 15 $\frac{7}{13}$

Proportio eorum, qui febre maligna la-
borabant, ad omnes ægros proxime ut . . . I. 9

Proportio mortuorum ex febre maligna
ad omnes maligna laborantes ut I. $8\frac{5}{14}$

Proportio mortuorum ex febre maligna
ad omnes mortuos proxime ut I. 5

Vere morbi pauciores, quam aliis Anni partibus,
at funera multa: paucissimas mortes numeravit Æstas,
etsi morbis quam plurimis infestaretur. Hyems
maxime lethalis fuit, etsi morbos haud multo plures,
ac Ver habuerit. Autumno pauciores, quam Æsta-
te morbi, plures vero, quam Hyeme, & vere repe-
riuntur, non multum lethales.

Ad diem 20mam Jan. habentur sequentia: *periit*
in fractura cranii, nimirum in osse bregmatis sinistro
usque ad suturam coronariam, & dextro ad orbitam
oculi, usque cum extravasatione sanguinis in fundo cere-
bri ad uncias tres ex lapsu accepta

Ad diem 2dam Julii: *periit in hydrophobia hora*
post susceptionem in Nosocomium vigesima quarta, mor-
sus die 15ta mensis præteriti.

Ad diem 12mam Augusti: *periit in febre rheu-*
matica, facta depositione vehementi ad fauces & lin-
guam intra paucas horas suffocante.

Anno 1767. suscepti 1017

Mortui. 78

Inter hos fuere febre maligna affecti

Sine exanthematibus 93

Cum miliaribus albis 12

Cum petechiis 5

Summa 110

Ex his mortui 16

Proportio mortuorum omnium ad suscep-
tos ut I. $13\frac{1}{26}$

Proportio maligne decumbentium ad om-
nes ægros fere ut I. $9\frac{3}{11}$

Pro-

Proportio ex febre maligna mortuorum
ad omnes ex eadem decumbentes ut . . . 1. 6 $\frac{7}{8}$

Æstate morbi plurimi, sed parum lethales: paulo
pauciores Autumno, sed maxime funesti: Hyeme ad-
huc pauciores, quam Autumno, uti & vere proxi-
mo; sed eadem mortuorum ad ægros proportio re-
peritur, quæ per Autumnum obtinuit.

Ad diem 25tam leguntur sequentia: *periit in iëtero nigro ex scirrbo sphinëteris vesiculæ felleæ cum sphacce-
latione hepatis, & ex lusu inordinato naturæ; visce-
ra enim tam pectoris quam abdominis in situ mutata
erant, ut hepar in sinistra parte reperiretur, & re-
liqua &c.*

Ad diem 26tam: *periit in febre lenta ex obstru-
ctione lienis, & omnium glandularum abdominis, si-
mul multis hydatidibus. & hydropo pericardii: exente-
ratione quoque manifestabatur peritonæum scirrhosum
ad digitum majoris crassitiem.*

Ad 12 Augusti: *senicula periit in iëtero chronico:
in exenteratione inveniebatur hepar ulcerosam, calculi
in vesicula fellea, mesenterium scirrhosum, vesicula fel-
lea simul scirrhosa, callosa, & cartilaginosa.*

Ad 3tiam Novembris *apoplexia ex casu: post
mortem inventa fractura a sutura lambdoidea usque ad
foramen occipitale: extravasatio sanguinis in cerebello,
& ruptura duræ matris antè ad os frontale, ut ce-
rebrum transiret: totum cerebrum simul impletum san-
guine extravasato.*

Anno 1768. suscepti 1066

Mortui. 83

Ex febre maligna decubuerunt.

Sine exanthematibus. 115

Cum petechiis 1

Cum miliaribus albis. 4

Summa omnium maligne ægrotantium fuit	120
Inde mortui	17
Proportio mortuorum omnium ad susceptos proxime ut	I. 12 $\frac{8}{9}$
Ratio maligne ægrotantium ad omnes æ- gros ferme ut	I. 8 $\frac{1}{6}$
Ratio omnium ex febre maligna mortuo- rum ad omnes universim mortuos ut	I. 4 $\frac{1}{17}$
Sive proxime ut	I. 5
Ratio mortuorum ex febris maligna ad om- nes ex eadem decumbentes proxime ut	I. 7.
Vere, & Autumno inter ægros non plurimos pluri- ma funera; mensibus Julio & Junio inter plurimos ægros pauci periere, pauci itidem per Hyemem mor- tui, paucique ægrotarunt.	
Ad diem 17mam Junii hæc notantur: <i>periit in ictero chronico nigro: in exenteratione inveni hepar, col- lum vesiculæ fellæ, mesenterium, & receptaculum chyli scurrhosum, & corpus integre emaciatum; atque bilis loco in vesicula fuit sanguis nigerrimus.</i>	
In sectione cadaverum una alterave vice reperi- bilem profunde flavam, amurcosam, quæ primo aspectu, antequam pauxillum bilis charta bibula ex- ciperem, sanguinem nigerrimum mentiebarur, et si fors sanguinem nigerrimum reapse viderit, qui ca- caver secuit.	
Ad diem 20mam: <i>periit in vomitu chronico ex magno scurrho pancreatis, & ejusdem concretione cum ventricu- lo, atque hepate obstrueto, & copiosis abscessibus obseſso.</i>	
Anno 1769. suscepti	1133
Mortui.	75
Febri maligna laborarunt sine efflorescentiis.	58
Cum petechiis.	6
Cum miliaribus albis	3
Cum variolis confluentibus.	1

Sum-

M. STOLL RATIO MEDENDI. 183

Summa maligne ægrotantium.	68
Inde mortui	21
Ratio mortuorum ad susceptos fere ut. . . I.	15 $\frac{1}{3}$
Ratio maligne ægrotantium ad omnes æ-	
gros fere ut I.	16 $\frac{1}{17}$
Ratio mortuorum ex febre maligna ad om-	
nes, qui ex eadem decubuere ut I.	32 $\frac{1}{7}$
Ratio mortuorum ex febre maligna ad	
omnes universim mortuos ut I.	3 $\frac{4}{7}$

Morbi plurimi per Æstatem: mense Junio vergerent febres malignæ ingrediebantur, quæ mense Augusto ad æquum pervenerunt: pleraque illius mensis funera ex ea febre contigere. Morbi vere, & Autumno ferme æquales numero, & morbis æstivis pauciores: vere plura funera, quam quocunque alio Anni tempore, eaque potissimum ex infirmitatibus chronicis, phthisi, hydrope &c. &c. dein Autumno. Hyems salubrior ac aliæ Anni partes.

Ad Diem 12mam habetur: *periit in cachexia interica. Exenteratio monstrabat hepar valde magnum, durum, flavo-rubrum in substantia, cum extravasatione feri flavi in pectore, & abdomine.*

Anno 1770. suscepti fuere	1233
Mortui	73
Febri acuta laborarunt	92
Cum petechiis	9
Cum miliaribus albis.	7
Cum scarlatina	2

Summa omnium maligne laborantium	104
Inde mortui	24

Ratio mortuorum omnium ad omnes susceptos fere ut I. 16 $\frac{9}{15}$
Ra-

Ratio maligne laborantium ad omnes æ-
gros, fere ut I. 11 $\frac{2}{10}$

Ratio mortuorum ex febre maligna ad om-
nes, qui ex eadem decubuere ut I. 4 $\frac{1}{3}$

Ratio mortuorum ex febre maligna ad om-
nes mortuos ut I. 3 $\frac{1}{4}$

Purimi morbi per Æstatem, & in principio Au-
tumni, sed omnium minime lethales. Mense Novem-
bri, & Decembri pauciores, sed magis lethales: ve-
re pauciores quam Æstate, & Autumno, sed plura
funera, eaque tam ex morbis chronicis, quam ex fe-
bre maligna.

Ad diem octavam Januarii leguntur sequentia :
periit in ascite : in extenteratione inventum est hepar
scirrhosum, vix non cartilaginosum, & ultra 40 men-
surae aquarum in abdomine.

Ad diem decimam septimam Februarii : *periit in*
ictero ex inflammatione hepatis : in exenteratione inven-
tum hepar scirrhosum, & steatomatosum magnitudinis
ultra 20 libras pendens.

Ad diem 20am Martii : *periit in asthma sicco :*
in exenteratione reperti sunt pulmones pleurae adhæren-
tes, & ex integro scirrholi cum corde præter naturam
magno.

Ad diem 28vam : *periit in asthma sicco : reperta*
pulmonum tuberculis plenorum cohesio, cum empyemate
magno (abscessu) rupto ad cavitatem thoracis.

Ad diem 12mam Maji, *periit ex casu ex alta, pa-*
ralysis corporis inferioris ex fractura, & luxatione ver-
tebræ ultimæ thoracis.

Ad diem 2dam Junii : *periit in ictero nigro ex scirrbo*
hepatis, & calculis vesicæ felleæ : in exenteratione in-
ventum hepar jam putridum & gangrænosum, & cal-
culi in intestino duodeno.

Anno 1771. fuerunt suscepti. 1216

Mortui

M. STOLL RATIO MEDENDI. 185

Mortui	100
Maligne laborarunt absque efflorescentiis	305
Cum petechiis	35
Cum miliaribus albis	6
Cum scarlatinâ	2

Summa 348

Inde mortui 45

Ratio mortuorum omnium ad omnes susceptos fere ut I. $12\frac{1}{3}$

Ratio maligne laborantium ad omnes ægros fere ut I. $3\frac{1}{2}$

Ratio mortuorum ex febre maligna ad omnes ex eadem decumbentes ut I. $7\frac{11}{15}$

Ratio mortuorum ex febre maligna ad omnes mortuos ut I. $2\frac{2}{9}$

Ab Aprilis initio ad principium Novembris morbi plurimi tuere, vere maxime lethales, minime Æstate. Hyems minus lethalis, quam Ver, & magis, quam Æstas. Majus omnium plurima funera numeravit.

Ad diem 27mam Januarii habentur sequentia: *suscepta est cum pernionibus parum sphacelatis: mox a susceptione spasmo cynico, & motibus convulsivis correpta periit.*

Ad diem 2dam Aprilis: *periit in fractura, & luxatione vertebrarum lumborum: paralyfis inferiorum partium corporis ex casu ab alto.*

Ad diem 14tam Aprilis: *periit ex febre maligna, & ingentibus parotidibus suffocatus.*

Ad diem 24tam Julii: *periit ex sphacelo faciei ex diathesi scorbutica.*

Ad diem 3omam: *periit ex spasmo cynico & convulsionibus: in exenteratione reperta est extravasatio sanguinis ad unciam in basi cranii.*

Ad 16tam Septembris: *periit convulsus in tetano ex concussione spinæ dorsæ.*

Ad 29nam: *post febrim malignam facta remittens perniciosa: in paroxysmo convulsionibus stipato periit.*

Ad diem 10mam Novembris: *periit in asthmate ex aneurismatica dilatatione cordis cum polyposis cartilagineis concretionibus.*

Ad 29nam Decembris: *periit in asthmate sicco, convulsivo: in exenteratione pulmones reperti scirrhusi*

Anno 1772. suscepti	1305
Mortui	79
Febri maligna sine efflorescentiis laborarunt		352
Cum petechiis	27
Cum miliaribus albis	8

Summa 387

Inde mortui 33

Ratio mortuorum omnium ad susceptos
fere ut I. 16 $\frac{1}{2}$

Ratio maligne laborantium ad omnes æ-
gros fere ut I. 3 $\frac{2}{5}$

Ratio mortuorum ex febre maligna ad
omnes, qui ex eadem decubuere ut . . . I. 11 $\frac{8}{11}$

Ratio mortuorum ex febre maligna ad
omnes universum mortuos fere ut . . . I. 2 $\frac{4}{11}$

A principio Anni ad finem usque omnia propemodum funera febris maligna dedit. Morbi plurimi ab initio Maji ad finem Octobris, paucissimi mensibus Novembri, & Decembri. Hyems adulta, totumque Ver maxime lethale, minus Æstas, minime Autumnus.

Anno 1773. suscepti	1176
Mortui	63
Cum		

M. STOLL RATIO MEDENDI. 187

Febri maligna sine efflorescentis laborarunt	109
Cum petechiis	5
Cum miliaribus albis	1

Summa 115

Inde mortui 13

Ratio mortuorum omnium ad omnes susceptos ut I. $18\frac{2}{3}$

Ratio maligne laborantium ad omnes universim ægros ferme ut I. $10\frac{1}{3}$

Ratio mortuorum ex febre maligna ad omnes, qui eadem laborarunt ut I. $8\frac{1}{3}$

Copia morborum Vere, & Æstate par, at dispar lethalitas: maxime enim lethale Ver fuit, ubi pleræque mortes ex febribus acutis contingere: dein Autumnus: demum Æstas: Hyeme magna salubritas.

Ad diem 9nam Septembris habentur sequentia; postquam acutam, & dein remittentem bis superavit, repente moritur. In exenteratione summa flacciditas præsertim cordis, & parva sphacelatio ventriculo reperta est.

Ad diem 10nam Octobris: periit in marasmo, & ictero nigro, in exenteratione repertum est mesenterium & glandulæ ejusdem vix non cartilagineæ, atque vesicula fellea calculis plena.

Anno 1774. suscepti fuere 992

Mortui 58

Febri maligna sine efflorescentiis laborarunt 65

Cum petechiis 8

Cum miliaribus albis 3

Summa 76

Inde mortui 11

Ratio mortuorum omnium ad susceptos ut I. $17\frac{3}{4}$

Ra-

Ratio maligne laborantium ad omnes
ægros ut I. $1\frac{1}{3}\frac{1}{19}$

Ratio mortuorum ex febre maligna ad om-
nes qui ex eadem decubuere, ut I. $6\frac{1}{11}$

Ratio mortuorum ex febre maligna ad om-
nes mortuos ut I. $5\frac{4}{11}$

Vere plures morbi, & magis lethales: paucissimi
per Æstatem, sed lethalitate haud inferiores; plures
Autumno quam Æstate, attamen rarius perniciosi:
Hyems salubris.

Ad diem 21mam Februarii habentur sequentia: *pe-
riit in asthma convulsivo post colicam pictonum.*

Anno 1775. suscepti fuere 1206

Mortui 63

Ratio mortuorum omnium ad susceptos ut I. $19\frac{2}{9}$

Quot ægri febre maligna laboraverint, atque ex
ea mortui hoc anno sint, in catalogo non reperitur.

Ab initio Maji ad finem Septembris morbi multi,
non tamen multum perniciosi: adulto Autumno,
Hyeme, & Veris initio minor morborum copia, sed
inde frequentior perniciēs.

Quod si numerus omnium per 14 annos in No-
socomio mortuorum comparetur cum nu-
mero omnium per eosdem Annos suscepto-
rum, erit ratio media mortuorum ad suscep-
tos proxime ut I. $14\frac{3}{7}$

Ratio media mortuorum ex febre mali-
gna spatio 12 annorum ad omnes per toti-
dem annos maligne laborantes proxime ut I. $7\frac{11}{10}$

Ratio media mortuorum per 12 annos
ex febre maligna ad omnes universim per
idem tempus in Nosocomio mortuos pro-
xime ut I. $2\frac{19}{20}$

Inter 270 ægros ex febre maligna mortuos qua-
tuordecim fuere, quibus parotides exstabant, &
quin-

quinque, quibus orta parotis ante mortem retrocessit.

Inter 298 fuere viginti & unus, qui *in febre maligna ex decubitu sphacelato periisse* leguntur.

Frequens mentio fit asthmatis lethalis ex hydropo thoracis, & pericardii.

Gibbosos quam plurimos phthisi, peripneumonia, asthmate, hydrothorace periisse in Necrologiis sedulo adnotatum reperitur.

Phthisicos quam plurimos, item hydropicos pleurosque, eos præcipue, qui aquis intra thoracem collectis laborabant, mensibus Vernis periisse potius, quam alio Anni tempore eadem Necrologia constanter docent.

Modum insuper additum persæpe reperi, quo febres malignæ ægros jugulaverint: *periere convulsi, phrenitici, superveniente apoplexia, congestione facta ad caput hemiplegiam producente, cum parotide exstante, ingentibus parotidibus suffocati, parotide retrogressa, parotidibus interne gangrænosæ, metastasi facta ad pulmones, facta depositione ad abdomen, decubitu sphacelato, locis vesicantium sphacelatis.*

Observatio constans, & Necrologia docent, quasdam Anni partes præ aliis perniciosas esse. Sic Ver pluribus funestari mortibus solet, ac quæcunque alia Anni pars. Intervallo non longo Hyems sequitur: utrumque hoc Anni tempus longa infirmitate detentis phthisicis, hydropicis &c. &c. lethum affert. Ver autem morbos quoque acutos adsciscit, ut & ex longis morbis, & ex acutis per idem tempus exortis multi pereant: hinc alia Veris ratio apud nos est, quam quæ apud Hippocratem descripta invenitur, qui L. 3. Aphor. 6. *Ver omnium Anni temporum saluberrimum, & minime lethale* asserit.

Observationes hæ aliorum quoque Süßmilchii præprimis observationibus respondent. Verum alius tem-

temporum ordo stabilitur, si non lethalitatem, sed numerum morborum diversis Anni partibus regnantium contemplemur. Æstas morborum feracissima, sed minime plerumque lethalium tunc primas tenet: hanc Autumnus excipit. Ver pauciores plerumque morbos numerat, paucissimos Hyems.

Sed hic de eo sermo sit, quod ut plurimum obtinet; abnormes enim, hybridasque temporum constitutiones subinde dari monumenta medica abunde testantur.



MAXIMILIANI STOLL

S. C. R. A. M. CONS. NOSOCOMII

S. S. TRINIT. PHYSICI ORDINARII


ET

PROF. PRAX. MEDICÆ. P. O.

P A R S S E C U N D A

R A T I O N I S
M E D E N D I

IN NOSOCOMIO PRACTICO
VINDOBONENSI.



V E R S A L L I S,

APUD B. ANDRÉ DE LAUSSIN,

BIBLIOPOLAM,

? M D C C L X X V I.

Oportet exacte perdiscere unamquamque temporum
constitutionem, & ipsum morbum : —

Nam æstivos morbos superveniens hyems dissolvit,
& hyemales æstas succedens transmutat.

HIPOCRAT. L. III. *de Morbis Populæ*

ILLUSTRISSIMO

AC

MAGNifico

VIRO

ANTONIO

LIB. BARONI

DE STÖRCK,

DOMINO IN JETELSEE

AUGUSTISS. IMPERATORI, ET IMPERA-
TRICI A CONSILIIS, ARCHIATRORUM
COMITI, STUDII MEDICI PRÆSIDI, AC
DIRECTORI PERPETUO, PER UNIVER-
SAS AUSTRIÆ PROVINCIAS PROTO-
MEDICO, NOSOCOMII CIVICI PAZMA-
NYIANI PHYSICO, SOCIETAT. EDIM-
BURG. BOTAN. FLORENT. ACAD.
SCIENT. SIEN. ACAD. PRINCIP. HASS.
INSTIT. BONON. ET ACAD. NAT. CU-
RIOS. DEGLI AGIATI DI ROVERDO
MEMBRO &c. &c.



ILLUSTRISIME VIR!

ot, tantisque beneficiis, VIR
T *ILLUSTRISIME! me*
devinctum habes, ut, qui dignas
referre TIBI grates possim, me. imparem
lubens fatear.


Atque id ut publice, atque alta voce
contester, mearum partium- semper erit,
quas nunquam deferam, donec hæcce, qua
fruor, aura me deseruerit.

Pa-




Parcam modestiæ TUÆ, TUÆque tempora non morabor longa illustrium virtutum narratione. Eminentiores hæc sunt, quam ut indigeant me laudatore.

TE enim tum quoque grata mente recolet sera posteritas, ubi me, meumque libellum alta oblivio dudum merferit.

TU te ipse nempe TUUM Nomen longissimo ævo consignasti, non interituum, quousque humanum genus hanc terram colet, iis malis pressam, quorum antidotum reperisti.



PRÆFATIO.

 n alterum rationis medendi tomum,
 E ex sedula penes lectos ægrorum
 contemplatione natum.

Nulla nec isthoc anno observa-
tionum monstra venabar, sed totus in eo eram,
ut fidelem constitutionis annuæ, vicissitudinum
temporis, materieive morbificæ, & morborum
imaginem sisterem, & exacte notarem varias
ægritudinum commistiones, transitus varios
una serie sese excipientium morborum, eorum-
que lusus mirificos uno eodemque tempore
conspicuos, & eadem prognatos origine, ve-
luti totidem diversa ejusdem hydræ lernææ
capita.

Hos conatus si multorum industria juverit,
fors condi quondam febrium systema poterit,
firmioribus nixum fundamentis; multaque ab
aliis collecta, sed ordine nullo, & nullo ad
aliorum inventa respectu habito, atque in vasto
observationum campo tanquam totidem disper-
sa

sa membra in unum tandem ædificium coibunt, nullis argutantium ratiunculis subruendum, utpote æternæ naturæ opus immortale.

Hæc ratio est, quare multa, præcipue in cadaveribus reperta, futuros in usus reposuerim, contentus hac simplici temporum, morborumque descriptione, utilissima quidem, nime omnia fallunt, sed ob stilum monotonon, humilioremque, & circa res sæpe easdem, semper notissimas versantem lectorum orexi fortasse non ardentia. At malui placuisse paucis, & pluribus profuisse, quam rerum verborumque jucunda varietate solam, nulliusque bonæ frugis admirationem multorum captasse.

Id assero, me nulli methodo præ alia quacunque addictum esse, sed eligere illam, quam anni constitutio, eique respondens ægritudo poposcerit: esse idcirco subinde soli sanguinis missioni, & antiphlogistico apparatusi locum, esse & soli ferme persæpe emetico, esse etiam locum utrique auxiliorum horumce generi non raro.

Multo dignos encomio arbitror, qui repertiundis novis insudant, sed nec inutiliter eorum locari operam, qui illorum, quæ prisca ætas tulit, notiones examinant, contrahunt, dilatant, rectificant. Illi regiones detegunt incognitas: Hi patrio solo docent recte uti, atque id minori quidem cum gloria, sed emolumento non impari.

Huic proposito si satisfecero, dignum patientiæ, laborisque præmium recepi.

E L E N C H U S.




Caput	I. Januarii Anni 1777. descri-	
	ptio	pag. 1
—	II. Februarius ejusdem anni .	3
—	III. Martius	16
—	IV. Aprilis	19
—	V. Majus	31
—	VI. Junius	33
—	VII. Julius	35
—	VIII. Augustus	37
—	IX. Febris puerperarum . . .	39
—	X. Febris æstivæ Anni 1777.	
	in variis individuis lusus	
	varii	59
—	XI. Reflexiones in historias	
	priori capite recensitas .	125

Caput

Caput XII. De febris æstivæ compli-
 catione cum aliis morbis,
 & parasitica ejusdem in-
 dole . . . Pag. 146

—	XIII. September	. . .	196
—	XIV. October	. . .	200
—	XV. November	. . .	207
—	XVI. December	. . .	231
—	XVII. Varia	. . .	261



M. S T O L L

RATIO MEDENDI.


PARS SECUNDA.



C A P U T I.

J A N U A R I U S,

A N N I 1777.



nitio Januarii nives copiosissimæ *Januarii*
 vento per intervalla furente, & *descrip-*
 procelloso. Frigus. Circa me- *sio.*
 dium mensis dies aliquot egelidi.
 Die 17. gelu recrudit ad 23tiam
 usque protensum. Inde tempus
 denuo egelidum, tepidum, nivesque colliquatæ.

Die 7. & 19. hujus mensis maximum frigus
 fuit in thermometro Reaumuriano. — 0. 8.
 gr., id est: infra punctum congelationis.

Die 13. 23. 24. 25. 26. frigus minimum +.
 0. 1. gr. id est supra punct. congelationis.

Pars II.

A

Ca

2 M. STOLL RATIO MEDENDI.

Calor medius atmosphære. — Q. $2\frac{1}{2}$. gr. (*)

Die 17. altissima Barometri statio 28. poll.
Viennens. 6. lin.

Die 8. 19. statio ejusdem infima 27 poll.
6. lin.

*Morbi
inflam-
matorii.*

Hoc mense phlogosis late imperitabat; hinc frequens pleuritis, & rheuma inflammatorium, & lumbago, & ischias. Morborum decursus celer, impetuosus, & cum discrimine. Aegrotantium vis magna, sed funerum non magna.

Phlebotomiæ, & totius antiphlogistici apparatus usus creberrimus hac tempestate, & mag-nopere salutaris fuit, at perquam rarus emeti-corum.

(*) Calor medius atmosphære eliciebatur ex caloribus singulorum mensis dierum in summam collectis, & per numerum dierum illum mensem constituentium divisus.





C A P U T II.

F E B R U A R I U S.

Ab exordio Februarii ad ejusdem fere me- *Februarii*
dium magna frigoris, calorisque vicissi- *descrip-*
tudo fuit, insignem per biduum atmosphærae *tio.*
reporem frigore per alios binos dies excipiente,
idque alternatim. Vix una alterave nix, eaque
pertenuis. A 15. aër quatrduo serenus, ficcus:
at reliquum mensis nebulosum partem maximam,
& valde humidum cum nive una, exigua. Ven-
ti aut nulli, aut tenues.

Die 1. & 2. Febr. frigus maximum — 0.
7½ gr.

Die 26. frigus minimum +. 0. 7. gr.

Calor atmosphærae medius +. 0. ½ gr.

Die 26. & 27. altissima Barometri statio 28.
poll. 3. l.

Die 18. ejusdem statio infima. 27. poll. 2½ l.

Primum mensis dimidium febres infestavere
indole, numero, eventuque ab iis non diversæ,
quæ annum nascentem exorsæ sunt. Inclinato
vero mense morborum numerus contractior fuit,
& ingenium minus ferox, minusque præceps
decurius, & raræ mortes.

Sub exitu mensis febris catarrhalis sæpius visa, *Catarrhi*
& rarior pleuritis, nisi ipsam hanc febrem ca- *febriles,*
tarrhalem compellare pleuritidem velis, sed ci- *inflammæ-*
curatam: & acie refracta incurstantem, quæve *torii.*
ægros obambulare permittit, & acuta pleuritide
præcedentium septimanarum diuturnam magis.

Eorum cura. Febrim hancce catarrhalem antiphlogistica methodus sanavit, missiones sanguinis, & emollientia herbarum, radicumve decocta cum mitissimo nitri sale.

Neglecti in phthi- sin abe- unt. Id generis catarrhofas febres temporibus phlogosi faventibus exortas, & hoc, & aliis annis non raro in immedicabilem pulmonum phthisini conversas vidi. Ejus rei rationem hanc deprehendi, quod multi in terris hisce ita opinentur, phlebotomiam catarrho nunquam convenire, neque disquirant, quænam illa catarrhi species sit, quæ id auxilium abhorreat, quæve e contrario exposcat.

Diversæ catarrhorum species non confundendæ. Hi sub eodem catarrhi vocabulo diversissimos reipsa morbos complectuntur, & eandem semper ægritudinem arbitrantur, cui phlebotomia semper etiam officiat.

Catarrhi hac tempestate a phlogistica corporis totius, sed præprimis pulmonum intemperie nascabantur, erantque aut inflammatorii, aut subinflammatorii, eosque pleuritides, vel peripneumonias *mitificatas* aptius compellasset. Has utique missus semel iterumque sanguis juvabat, & potice multa emolliens, nitrosa, & fracta tandem phlogosi, at tussi nihilominus ob consuetudinem redeunte, narcoticum velpertinum pulmones irritatos componens.

Cur catarrhi sapius negliguntur, & quo infortunio? Sed ipsa morbi fallax lenitas non paucis imponit, ut ab aëre frigidiore non caveant, & victu nil detrahant, carneo, vinoso; morboque tam levi, quem etiam ob salubritatem quamdam imaginariam fauste fortunateque sibi evenit venturum existimant, satisfecisse sibi male persuadeant, si semel, bisve per diem vasculum decocti cujusdam pectoralis hauserint. Interim, etsi non magna pulmonum inflammatio pernici-

cio

ciosos intus cuniculos agit, & pure clanculum nato, atque intra saccos concluso pulmones subruit, ocyus, ferius.

Alia alterius catarrhi ratio est, alio observari tempore soliti, biliosi videlicet. Qua enim tempestate biliosa febris, pleuritis potissimum biliosa dominatur, multæ aliæ ægritudines leviores, nondum formatæ, nondum insignibus suis gentilitiis insignitæ, simul spectantur, quasi principis morbi satellitium: in eo non infimum locum catarrhus quidam tenet, non dissimilis indolis a principe biliosa febre, quam sequitur, at gradus solummodo inferioris. Hosce catarrhos æque, ac ipsam dominantem biliosam febrem, sanguinis missio, iterata præcipue, & profusior multum exasperat, at alvi ductio nunquam tollit, aut emesis, eaque certius, aut emeto-catharsis certissime.

Ab hucusque descripto catarrho differt catarrhus biliosus. Hujus idea.

Et curatio.

Paucissimæ intermittentes hoc tempore comparebant, & eæ faciles, solisque ferme solventibus mitioribus, ac antiphlogisticis obaudientes.

Cum sub anni elapsi dies ultimos in malignissimum morbum inciderim, ex quo ægerrime, & inter graves cum morte luctas vix, ac ne vix quidem emerferam, observationes plures, & binis hisce mensibus magis propriæ, me penitus deficient.

Morbæ maligni historia.

Hujus ipsius gravissimæ febris descriptionem a solertissimo medicinæ Candidato Antonio Cœnen, cujus tantæ in me fidelitati, cum ægro-ranti assisteret indefessus, hic publicum testimonium lubens do, curatissime conscriptam in locum deperditi substitutam. Eam multis observationibus fœtam judico, nec minoris, ac illas Hippocratis morborum imagines, momenti. Par

certe utrobique morbi gravitas, nec inferior hic est narrantis fides.

*Cur, qui
suum ip-
sius mor-
bum de-
scribit,
eum ple-
rumque
male de-
scribat,
& male
sibi ipse
medici-
nam fa-
ciat.*

Fateor quidem, me illorum morborum histo-
rias plerumque pluris facere, quos medicus,
qui conscripserat, non erat ipsemet expertus,
sed in aliis spectatos solerter in pugillaribus con-
signavit.

Ea res præter opinionem multorum erit, &
vero minus videbitur consentanea. At novi,
quam longe aliud sit, intelligere morbum in alio
homine visum, intellectumque rite consignare,
atque item aliud, eundem ipsummet experiri, si
qui ægrotat, medicinam calleat, & suam ipsius
ægritudinem dignoscere, de ejusdem intensione,
causis, eventuve judicium justum ferre, & me-
dicinam opponere non tumultuariam, quamve
ratio suggerat, non pavor.

Certe non facile quemquam vidi, qui incon-
cinnius, & ad formandam justam diagnosin inep-
tius referat, quam plerumque ipsemet artem me-
dicam professus soleat ad alium de suo ipsius
morbo referre, si quando seriam collegæ opem
imploret.

Novi non paucos, qui pessimam sibi met me-
dicinam fecerant, & quosdam etiam, qui fune-
stam, in re non abstrusa, nec difficili, ubi aliis
omnibus profuissent, præterquam sibi. Fuit,
qui ob levem cephalalgiam, imminens coryzæ
nunciam, sanguinem copiosissimum ad animi de-
liquium usque sibi eduxit, valetudine eam tan-
tam jacturam gravissime perferente, & diu post-
hac attrita. Is apoplexiam sibi instare falso exi-
stimabat, quam opinionem in alio ejusdem se-
cum ipso habitus facile explosisset.

Alium novi & libris celebrem, & artis usu,
qui ob eundem apoplexiæ metum, a qua erat,
si

si quisquam alius, alienus, a multis annis omni ferme mense phlebotomiam unam, quin & alteram celebravit; atque imaginarium mortis genus in aliud commutavit non fictum, immemor illius:

Nonne hic stultitia est, ne moriari, mori?

Hos fortis humanæ impatientia, & amor sui nimius prohibet, moderate & æquo animo de sua, suorumque valetudine existimare, indociles fortunam adversam pati.

Faucis annis cum in Hungaria Physici, ut vocant, munere fungerer, binis vicibus ex febre autumnali putrida graviter decubui. Sæpiissime postea intermittentibus febribus conflictabar, quotidianis, tertianis, ita, ut anno uno cum dimidio continuos in intermittentem relapsus paterer, auxiliis, quibuscunque in usum frustra vocatis, & cortice peruviano ipsomet febrifugæ virtutis oblito tandem, utut & largiter assumpto, & per annum integrum quotidie, aliisque coindicatis non neglectis.

Tandem amatam mihi gentem invitus deserui, coeloque commutato, etsi aliis non insalubri, Viennam concessi, ut amicorum colloquio mentem soler, & studiis fractam, & longo morbo, eorundemque consilio utar in valetudine restauranda.

Convalui, non tamen ita, ut non identidem os amaresceret, aut epigastrium per vices non doleret, nec color ora tingeret lubetericus.

Annum, & tres propemodum menses exegi dubia hac sanitate semper usus, quam nulla ratione poteram confirmare.

Autumno Anni 1776 appetente, cum me multus labor, isque ingratus premeret, simulque diuturnus mœror ob domesticam quamdam

calamitatem, isque compressus animum morderet gravius, amaror intendi cum dolore ventriculi cepit. Rem hancce remedia salina & eccoprotica solabantur, non perfanabant. Post medium Decembrem ejusdem Anni mane inter sudores infuetos evigilanti, gravissimo pondere comprimi epigastrium videbatur, extra lectum evanido. Frigoris major, quam alias, vel in calefacto cubiculo, impatientia, ructus rodentissimi, acrimonia verbis non exprimenda, appetitu tamen non imminuto.

Prævertere cladem potuisssem, ni mens fuisset aliorum violenter abrepta, & oblita sui.

Die 20. Decembris 1776. septima vespertina dolere caput obtuse cepit: insuperabilis somnolentia, sensuum multa confusio: lumborum dolor, & dedolatio. Nox implacida, intomnia, jactitatio, aestusque magni.

Die 21. Decembris alvus septies mota ab assumpto tartari cremore: levamen nullum, cephalalgia ingens. Febris major, nox gravior.

Ob sensus confusos æger sibi met consulere non potuit. Sumsit potus antiphlogisticos.

Die 22. Decembris omnia exacerbata: mens interdium constabat: nox laboriosa, & subdelirium: remedia eadem.

23. & 24. Decembris magna symptomatum accessio: pulsus pleni, frequentes, validi. Nocturni inquieti: somni exigui insomniis horridi. Mens vacillabat. Crebra enemata, & eadem remedia.

25. Decembris nil emendatum. Sanguinis uncio vij. detrahebantur, crusta diffusa, cinerea, sublivescente, tremula, molli, gelatinam exacte referente contacti: nulla allevatio. Vespero tantundem sanguinis educebatur absque crusta phlogistica, superficie prærubra, crassa-
mento

mento denso, tenacique, & sine sero. Nox multum turbata, & mentis alienatio per vices.

26. Decembris calores magni, continui, & nullis a morbi initio horroribus interstincti. Pulsus frequentissimi, debiliores: temulentia major, quam præteritis diebus. Synapismi pedum plantis apponebantur. Remedia eadem. Nox deterior.

27. Decembris æstus ingens. Pulsus crebriores debilioresque. Somni parvi. Terrores, incontinentia corporis, & aliena sermocinatio. Duo vesicantia suris applicabantur. Hordei decoctum cum multo vitrioli spiritu, extractum item corticis peruviani, & camphora exhibebantur. Ardor in abdomine: nox gravis admodum: pervigilium, insania, sermones.

28. Decembris præcordiorum contentio sublimis, dolens, tympanitica, etiam interdiu per intervalla delirium. Secessus eo nychthemero triginta tres, spontanei, cum ingente virium jactura, & lingua siccescente.

Die 29. Decembris injecto clystere ex lacte, therebintina vitello ovi subacta, & theriaca Andromachi alvus conticuit. Duo alia vesicantia femoribus admota fuere, novique synapismi pedum plantis. Noctu sopore detinebatur. Eo die, uti etiam

Diebus 30. 31. sopor, delirium, subdelirium. Pulsus creberrimi, humilesque Alvus inscio in lectum missa. Noctes diebus pejores.

1. Januarii mador universi corporis, delirium grave, assiduum. Duo vesicantia brachiis admovebantur.

2. Januarii delirium continuum, & ferox: risus, clamor. Oculi protuberantes, superciliosi, truces, immoti. Balbuties, vox rauca,

flororum collectio, & lusus manuum. Tendines salientes: pulsus celerrime, frequentissimeque, & inæqualiter micantes, humillimi, sub exploratore digito evanescentes. Hucusque largæ extracti corticis peruviani doses ingerebantur. Remedia, alimenta eo nycthemero, ori infusa non deglutiebantur. Vesperis mador denuo totius corporis, & tussis orta est cum sputo pauco, tenaci. Latum vesicans ad nucham applicabatur.

Ad hunc usque diem morbus identidem incrementa sumsit. Hodie vitæ finem præstolabantur, & jam futurum funus parabant.

3. Jan. mane quietius habuit, delirabat mitius, & interruptim: nulli manuum inconcinni motus. Lotium missurus matulam petiit. Summa debilitas: oblata denuo sorbillabat: per vires obdormivit. Tussis cum sputo tenaci, pituitoso. Vesperis somnus profundus, tranquillus, cum respiratione bona, cum sudore ea tota nocte profuso, æquabili, universali, multum allevante, & pulsu paululum assurgente, ac vividiore.

Urinæ per totum morbi decursum a naturalibus non multum abludebant, & nubeculam habebant in medio suspensam. Lingua plerumque humida erat, abdomen molle, & respiratio laudabilis.

4. Jan. mane mens rediit: præsentem agnovit, tranquillus, & absque caloribus diem exegit. Noctu plusculum incaluit: somnus, insomnia terrifica.

Ex eo tempore mente constare perseveravit. Noctes tamen nondum omnino placidæ inter insomnia, & sudatiunculas exigebantur. Prima vice denuo aliquid alimenti expetebatur.

Quo

Quo tempore sensuum externorum facultas omnis suspensa fuerat, mente longissimum emotata, quidam tamen sensuum internorum mirum quantum viguere. Anno enim integro prope modum evoluta, cum hæc ex adversariis depromerem, eorundem ad amissim, & vividissime adhucdum recorder, circa quæ ludibunda tunc mens ferebatur.

Sensuum internorum vigor, ex prorsus abolitis.

Cum agnoscere circumstantes inciperem, visu, auditu, ac cæteris sensibus externis quasi repente restitutis, imagines sub delirio conceptas non dimisi, & opus, quod delirans volutabam, perficere integris etiam sensibus externis, & diu, adlaborabam. Ea res effecit, ut, etsi mente gauderem jam non amplius alienata, & mei, meorumque essem probe conscius, nihilominus adhuc desipere multis visus sim, quod dicerem quædum iis rebus consentanea, quæ nuper delirans conceperam.

Multo examine postmodum, varioque ratio- cinio convalescens usus sum, ut evincam, opus- ne antea a me sano agitatam, an vero mentis, vi morbi emotæ, figmentum fuerit, quod adeo lucidam sui ideam, eamque non absonam reli- quisset.

A die quarta Januarii ad finem ferme mensis ptyalismus diu, noctuque copiosus adfuit, irri- tatio faucium assidua ab affluxu humorum saliva- lium perpetuo, inde tussis molesta, thorace bo- no, ac indolente.

Vertigo, & animi deliquia erectum sedere non permiserunt.

Objecta omnia ad perpendiculum erecta, ita inclinata pronaque adparebant, quasi in meum caput ruitura. Quæve cum horizonte *παράκλιως* excurrabant, mihi videbantur elevari, atque ita *visus depravatus in re- convalescente.*

assur-

assurgere, ut, qui per cubiculum ambulabant, per planum acclive ascendere viderentur, mihi quæ ipse visus sum plano pavimento incedens per acclivia gradiri.

Prout longius a morbo provehebar, ita hoc visus vitium corrigi, & corporis firmari vires, meque respicere vultu denuo propitio cepit.

Υγία πρεσβία παρὰ πῶν ()*

Die 1^a Martii 1777. denuo Nosocomii curam resumsi.

Ex eo tempore illæsa hucusque sanitate fruor, multoque meliori, quam illa fuerat morbum huncce prægressa.

Corticis peruviani, & vesicantium hic potior usus fuit; camphora enim & vitrioli spiritus diutius uti ob ingentem ardorem, in abdomine ex utroque remedio natum, non licuit.

Curam quoque confirmatoriam idem cortex absolvit.

Nullus dubito, quin hanc ruinam non infortunate a meo capite propulsassem, si fomitem futuri incendii tempestiva emesi submovissem, eo videlicet tempore, cum acres ructus, & oris amaror intensus, diuturna ventriculi infirmitas, morbi quæ gastrici prægressi me præmonuerant. At orto jam incendio, diffusoque, ferum erat vanumque consilium, extinguere velle scintillam malorum causam.

Id unum supererat, efficaci condimento septicam morbi vim coercere, & admotis vesicantium stimulis torporem fibrarum excutere, donec subacta materies e corpore fugam capesseret.

Inter bis mille ægros morbis acutis detentos

nul.

(*) Sanitas divarum princeps.

nullum in Nosocomio habui hæcce inter symptomata denuo eluctatum; at mortuos non paucos absque tanto pravarum rerum concursu.

Nemo non *malignam* hanc meam febrim appellabit, atque in eo omnes consensuros arbitror, etsi aliis alia sit malignitatis notio, eaque de re multum disceptetur. *Febris
malignæ
varia notio.*

Plures febrium historias collegi, quas, qui legerint, unanimi calculo *malignas* dicent, utut ipsæ hæ febres adeo inter se differant, ut nulla hucusque stabilita malignitatis definitio eas omnes complectatur.

Vidi enim *malignas* febres, quæ pulsibus, & urina, & calore bonis, ac naturalibus, ægrotanti nihilominus non prævisam perniciem intentarunt.

Fuere, quæ febris e contrario evidens, & magna exarsit, illaque fallax bonitas omnino defuit. Hos æque ac illos *maligna* febris de tentos fuisse & morbi cursus, & finis docuit.

Febres quasdam observavi sensim sine sensu obrepentes, ægrotis diutius erectis, & ambulantis. Hæ tandem ingravescebant, & longius protractæ malignitatem indubiam exhibere.

Aliæ vero quasi ex composito utcunque antea sanos viros adoriebantur cum magna, & subita virium jactura.

Nec una, eademque semper in omni maligna febre animi conditio erat. Habuimus incurios, indifferentes; sed & meticulosos, de valetudine recuperanda mire anxios, & spe dejectos: quosdam antea actorum ad amissim conscios, & memoria vel in minutissimis fida; alios vero hebetes, obliuiosos, & mente dubia.

Multas alias *malignæ* febris anomalias vidi, quas,
qui

qui non videre, malignitatis ideam inadæquatam, & mancā efformarunt.

Quiscunque symptomatum variorum lusus fuerat, neminem tamen tot inter ægros unquam apprehendi, quem sanissimum antea, & nihil præsentientem subito maligna febris subverterat.

Non defuere quidam, qui se antea exacte sanos dicebant; sed rem scrupulosius persecutus, futuri morbi molimina, at neglecta, & ab ægro ipso met aut rerum suarum incurio, aut negotiis distracto non animadverta, priusquam impetum facerent repentinum & magnum, instituto curatori examini facile collegi.

De causis febris malignæ. Nullum etiam habuimus maligne ægrotantem, qui causam non haberet illustrem, & luculentam.

Quotquot maligne decubuere, primas vias varia ratione vitiatas, & signa sordium systematis gastrici indubitata & ante morbi eruptionem, & sub ejusdem initia ad unum omnes exhibere: atque hæc erat illa *evidens atque omnibus adplicata* morbi causa.

Causam hanc *evidentem* dixi, etsi ejusdem agendi modus nos fugiat.

Hinc febres malignæ a nobis visæ non absque nota quidem causa fuere, sed absque nota evidētis causæ agendi ratione.

Febres biliosæ putridæ; pituitosæ, quomodo fiant malignæ. Febres biliosas putridasque, per se utique minime malignas, varia tamen ratione in malignis-simas observavi conversas, aut neglectu remedium, aut methodo calefaciente adhibita, aut venæ sectionibus intempestivis, & antiphlogistico apparatu.

Paucissimæ id genus febres occurrebant, quæ primo tantum nycthemero sub biliosarum, aut patri-

putridarum familia continebantur, eoque elapso sua sponte in malignas subito transibant.

Quæ lentæ, nervosæ, biliosæ, putridæ, exanthemate miliari, petechiali, erysipelatoso stipatæ in initio, progressuque fuere, subinde in malignas vidimus dicta ratione commutatas.

Infauſta benignæ febris in malignam commutatio apte, & efficaciter prævertebatur, dummodo ægri, priusquam illa contingeret, sese nobis commiserant.

Duas meteorismi species in febribus biliosis, putridis, aut harum prava sobole, malignis videlicet, apprehendi, letalem unam, ubi emortua intestina, utpote quæ præ cæteris visceribus putredinis vim in hisce febribus experiuntur, multo aëre, quem putrida fæx dimittit, distenduntur, distentaque abdomen tympanitice attollunt, ventre resoluta, & profluente. Atque hoc alvi profluvium finire tragœdiam solebat.

Altera species meteorismi sanationem non raro admittit, ubi multa colluvies intra sublime abdomen collecta moveri incipit, atque exitum tumultuarie molitur, interaneis integris quidem, at imbecillis.

Atque hic alter meteorismus in hac mea febre observabatur. Qua ratione tædiosos ejusmodi alvi fluxus præverterim, aut præſentes com-preſſerim in meis ægris, inferius dicam.

Nulla dari pathognomica malignitatis signa, nullamque ejus definitionem condi posse, nec ullam existere malignam febrem, quæ specifica sit, & sui generis, collectæ febrium malignarum historiæ evincunt. Hinc alia habetur in alio homine maligne febricitante malignitatis ratio, & notio alia, alius etiam in aliis medendi

De duplici meteorismo.

Febris maligna non est specifica & sui generis.

Sed alia est in alio mali-

gnitas,

modus: sua cuivis peculiaris malignitas est, suaque methodus therapeutica. Sed ea de re alibi explicatius differam.



CAPUT III.

MARTIUS.

*Martii
descri-
ptio.*

Dies primi humidi valde, & nubibus tristes: at nives, pluviaeque raræ. Ab octavo mensis die tempestas serena magis, & sicca. Ab undecima denuo nubes confertæ, madore multo graves ad 25. usque mensis diem, ventis validissimis, pluviisque, nive, grandineque fœtis, & propemodum continuis. Ab eo die serenitas amœnissima, *εὐδία*, nebulæ paucæ, matutinæ, sine vento. Ultimo nubes flante Borea acute: gelido succedere.

Die 7. Martii frigus maximum — 0 1. gr.

Die 29. ejusdem calor maximus. + 0. 16. gr.

Medius atmosphæræ calor. + 0. 5½ gr.

Die 24. Martii altissima barometri statio. 28. poll. 4. lin.

Die 12. Martii ejus infima statio. 27. poll. 4. l.

Major hunc mensem salubritas, quam elapsos commendabat. Morbi universim perpauci, nec valde acuti.

*Rheuma
varium,
ejusque
signa.*

Hos inter frequentius obvenerunt ischiades, lumbaginesque magis solito rebelles, & pertinaces. Primas, quæ se obtulerant, missione sanguinis, & lato vesicante ad loca dolentia adpli-

cato-

cato tentabam. At utut sanguis eductus crustam phlogisticam, eamque crassam exhiberet, nullum tamen, aut perquam exiguum, levamen phlebotomia ægris tulit, nullum etiam admotæ cantharides, quas in inflammatorio rheumatismo lumborum, artuum, thoracis, quasi specificas priori anno sæpissime demirabar. Verum serius constabat, me rheuma non inflammatorium pro inflammatorio habuisse, & anni tempore frigidiusculo, & educto phlogistico sanguine, ac morbis hucusque potissimum inflammatoriis deceptum.

Hæc rheumata originis gastricæ fuerant, & *Rheuma originis gastricæ.* sordium ventriculi progenies, absque multis quidem amarescentis saburræ signis, quibusdam tamen. Casu medelam detexi, cum in ischiade id genus rebelli sulphur auratum alterandi scopo exhiberem: Vomuit æger præter meam voluntatem, rejectaque multa bile, etsi ejus vix aliqua, eaque dubia signa præse ferret, & sanguinem antea eductum crusta crassissima tegeret, mox egregie allevabatur, emesique dein denuo repetita sanabatur.

Postea pluribus consimili morbo vexatis & efficacius, & celerius profui, casu fortuito monstrante viam.

Subinde omissio vomitorio purgantibus usus sum repetitis, & variis. Verum longa curatio fuit, & laboriosa, missaque multa ambage vomitoria resumfi.

Perquam paucis dolor levissimus restabat, articulorum expeditiores motus impediens, utut emetico repurgatis, & repetitiis. Has dolorum reliquias vesicans ipsi dolenti loco impositum, quod initio non profuerat, profligavit.

Febris catarrhalis, quæ ultima mensis elapsi *Febris catarrha-*
Pars II. **B** *tem.*

lis mensis Martii. tempora notabat, in mensem Martium proferebatur, & præ cæteris morbis frequens comparabat. Verumtamen remissior febris erat, & in quibusdam perobscura. Mitius multo, & plerumque erecti ægrotabant, sed diutius. Fœminas præ Viris hæc tussis species affecit. Febricula exigua, errabunda plerosque tenuit, quosdam nulla. Lingua omnibus albida, mucosaque fuit, & multa dentibus sordities inhæsit. Tussitatio molesta, nocturna, & in initio sicca: dein pauca, mucosa, tandem plura, & puriformia extussitabant; nonnunquam etiam sanguis nondilutus, nec florens, neque spumans educebatur. Sensum pressionis ad sternum, & scrobiculum omnes habuere, & abdominis ægrotantis signa, anorexiam, oris amaritiam, borborygmos, & ventrem aut exsiccatum, aut pauca, fœtidissimaque, & crebro reddentem.

Et inter quosdam opifices. Inter Viros, sartores, sutores, textores, atque id genus homines hæc tussis frequentius laborabant, eaque præ aliis cruenta.

Ejus cura. Neglecta tussis compagem pulmonum multum labefactabat, & phthisin mentiebatur.

Curam a phlebotomia exorsi sumus, una, duabus, prout ægri conditio poscebat; tum ventrem crebro enemate sollicitavimus, iis præcipue, qui cruenta sputabant: tandem purgantia eccoprotica, mannata per epicrasin dedimus. Purgato abdomine, & sanguinis per id circuitu liberiore effecto, atque alvo moderate fluente vim morbi, humoresque copiosius intra pectus irruentes avocabamus, mitescente cruenta tussi.

Sub morbi finem, aut ubi is neglectus phthisin præseferbat, decoctum lichenis islandici, & radicis polygalæ amaræ auxilio fuit.

Mutatio materiei *Pleuritica* Januarii labes Februario mense incatara

catarrhosam, hæcque mense Martio in pituito-^{morbificæ} sam pulmonum diathesin, cujus portio etiam ad ^{juxta} abdomen regurgitabat, desisse videbatur. ^{anni tem-}

^{pūs.}

Sub mensis finem materies, quæ hucusque catarrhalem febrim genuit, solosque ferme initio pulmones, quos afficeret, tandem & una abdomen selegit, diffundi magis visa est, perque universum corpus dispensari, & ejusdem petere superficiem: hæc subinde miliaribus, & scarlatina effloruit.

Hoc mense perquam rarus emeticorum usus ^{Quæ re-} erat, major multo purgantium, at blandiorum, ^{media} & vicibus repetitis. Neque illud molestissimum ^{fuert} alvi profluvium experiebar hac tempestate, quod ^{boc mense} æstate, autumno, & hyemis initio vel sponte, ^{frequen-} vel a purgante utut lenissimo excitabatur, diffi- ^{tiora.} cillime comprimendum, & diuturnum.

C A P U T I V.

A P R I L I S.

Exordium mensis erat serenum, siccum, ven- ^{Aprilis} tisque asperatum peracutis. A quinto ad ^{descriptæ} undecimum usque nives tenues, & sparsim, item nebulæ, multusque, & frigidus humor, intercurrente subinde superficialia congelatione ab asperioris Boreæ flatu.

Post mitescens paulatim ventis serenitas rediit, calore indies aucto, attamen haud supra modum. Circa 24. aura denuo refrigerescere, & humectari cepit: at ultimis mensis diebus resiccata iterum moderate incaluit.

Die 7. Aprilis calor minimus + 0. 2. gr.

Die 23. Aprilis calor maximus + 0. 16. gr.

Calor medius + 0. $8\frac{4}{7}$ gr.

Die 11. Aprilis altissima Barometri statio 28. poll. 3. 1.

Die 18. Aprilis statio infima 27. poll. 3. 1.

Morborum major hoc mense varietas, major & numerus fuit.

Quenam materies hoc mense fuerit dominata. Materies pituitosa, quæ mense Martio pulmones, & abdomen obsederat, hoc mense sua sede dimota, & mobilior effecta, diversos homines diversimode affecit, prout in unoquoque vel hanc, vel illam partem magis idoneam offenderat, cui sese affigeret peculiariter.

Ab eadem materie variae febres ortæ sunt. Hinc una, eademque pituitosa veris materies febres & duratione, & intensione, & efflorescentiis, & doloribus variarum partium variissimum ab se invicem differentes produxit.

Febris scarlatinosa maxime pueros arripuit, non raro etiam adultos, sexum potissimum sequiorem, puellas imbecillas, & irregularibus usas catameniiis. Gravis subinde angina hanc febrem comitabatur.

Scarlatinose. Angina etiam absque hoc exanthemate frequens fuit, sed non absque febre scarlatinosa æmulante, tonsillis, & uvula mirum tumentibus, abolitaque omni plerumque deglutiendi facultate, & faucibus tenacissimo, copiosoque glutine supra modum refertis.

catarrho sic. *Febris catarrhosa* nihilominus non omnino hoc mense siluit, sed quandam hoc tempore mutationem est passa. Tussis præcipue noctem infestabat. Respiratio impeditior cum sensu oppressionis. Dolor dilacerans, & pungens alterutrum, vel & utrumque latus thoracis per amplum spatium occupabat, diffusus subinde ad ar-

tus

tus inferos, superosque, & noctu intensior. Ardor sternum omne tenebat. Lingua sordida, oris amarities, cardialgia, & mictus ardens fere omnibus fuit, perstrictumque vago, & leviculo horrore corpus quasi ab auræ frigidioris afflatu. Detracta, aut etiam non detracta, prout e re visum fuerat, in initio sanguinis non magna copia, multo solvente potu, & sale medio corpora replevimus, & Ipecacuanha demum iterum, iterumque propinata movimus emesin eventu fortunato.

Opificibus, & artificibus illis, qui inter exiguas inspirationes, & expirationes corpore inclinato sedentariam, motusque expertem vitam agunt, hæc tussis haud raro sanguinem excussit. Eandem & sanguinem spurantibus curationem adhibebamus, solventem videlicet in initio, & demum evacuantem. Vomitus quibusdam hoc mense movimus, plerisque solam alvum. Certe hanc speciem cruenti sputi tuto, celeriterque vomitorium compressit, dummodo corpori ingerebatur ad vomendum apto effecto, & solventibus repleto. Sed & elapsi mensis methodum multis adplicabamus eccoproticam, & per epicrasin purgantem.

Quemadmodum *febris catarrhosa* adultos, *tussis convulsiva* viros præcipue, & robustioris compagis fœminas invasit, sic *tussis convulsiva* ætatem teneram, & irritabiles, multoque phlegmate reduntantes fœmellas. Eandem, si rei caput spectes, medicinam hæc tussis puerorum expetit, quam catarrhus adultorum, eademque esse cum illo ægritudo videbatur, solaque, & accidentali modificatione differre.

Febris rheumatica multorum articulos, pedum, manuum, digitorum, genua, lumbos &c. dolore lacerante, noctu intensius sæviente, vel &

carnes inter articulos fitos multum torfit, efflorescentiis subinde miliformibus stipata, albis, rubris, aut utrisque invicem commixtis. Pone loca dolentia copiosior plerumque eruptio fuit, eaque quibusdam lenire dolores videbatur. Rheumaticam hanc febrim, sive *simplex* ea fuerat, seu *miliaris*, præmissa subinde phlebotomia, multo solvente, salinoque potu, subjuncto ferius, & non raro repetito vomitorio aggrediebamur. Peracta emesi alvum moderate fluere expediebat. Ita multos sanavimus, & quos ista ratione febris quidem, attamen nondum omnis artuum dolor deseruerat, vesicantia quotidie, vel alternis diebus adplicata, epidermide relicta, & remedia alterantia, diaphoreticave a dolorum reliquiis liberarunt.

*Febris
anginosa.*

Febris anginosa subinde simplex fuit, non raro vero, quemadmodum antea dictum, exantheme scarlatino ægros infecit.

*Usus ve-
sicantium
in hac
angina.*

Ablatam deglutiendi facultatem vesicans ampulum externo gutturi ita appositum, ut inter utramque emplatri extremam oram sola nucha interjaceret, paucis horis restituit. Plerumque missionem sanguinis præmissimus.

Discutiente decocto, cui mel rosarum, & sal ammoniacus admista fuerant, fauces eluebantur, prodeunte magna ductilissimæ pituitæ quantitate, ægrove allevato. Dein alvum, subinde & vomitum ciebamus blande, & per epicrasin, & diu.

Quidam anginosorum ad nos venerunt misso jam sæpius, & multo sanguine, cataplasmate, & gargarismate emolliente usi continuo, verum absque levamine, tonsillis indies tumidioribus, & deglutione a biduo prorsus ablata. Hos ad motum vesicans cito, & efficaciter curavit.

Hinc

Hinc emollientium gutturi, faucibusque applicandorum, & liberioris, repetitæve sæpius phlebotomiæ usus vix ullus hic nobis fuerat, sed vesicantium multus.


Aegri hac methodo & citius convaluere, & absque tanta sanguinis impensa.

Scarlatinae febris solventia mitiora, salinaque profuere, lenis dein vomitio, ac frequens, & alvus facilis, modiceque fluens. His omnibus præmissa subinde phlebotomia est, sed parca. Morbo jam multum cicurato, & fracto, diaphoresis oriri salutaris solebat. Hanc admotum alicubi vesicans utiliter promovit, & si quid dolorum aut artus oberraret, aut ubicunque figeretur, hac crisi cutanea discussum fuit.

Cura febris scarlatinae.

Febres hæc eadem omnes felicitate, & eodem anni tempore, eademque etiam methodo confectas, deduximus ab eadem quoque causa.

Circa medium Aprilem lenta nervosa febris, quæ mensis initio exorta est, dispergi latius cepit. En ejusdem imaginem, ut ea nobis hoc anno obvenerat.



Febris lenta nervosa mense Aprili ad medium usque Majum 1777 observata.

Fœminæ, hasque inter, imbecilliores, pauperiores, chloroticæ præ aliis ægrotarunt. Quasdam, ob chirurgicum quemdam morbum in Nosocomium illatas, eadem hæc febris præter expectationem corripuit.

Febris lenta nervosa hoc vere grassantis descriptio.

Primordia febris obscura fuere, & a solenni inchoantium febricularum more non aliena. Fe-

briles motus assidui, nunc plusculum elatiores, nunc vero depressiores nullam temporis legem observarunt. Non raro ægrotum apyretum dixisses, si ex pulsu, & corporis contrectati calore, & urinis, utpote aut ex toto, aut prope modum naturalibus, febrim æstimasses. Horripilatio levis, vaga. Sudatiunculae plerisque fuerunt, quibusdam vero cutis aruit, squallida, imperspirabilis, & scabra. Lingua glabra, glutine veluti scriniariorum obducta, subinde pura, sed siccescens, prærubra, aut modice albicans, resiccata, arida, fissa, adusta: anorexia, gustus aut amaricans, aut nullus: nulla sitis: rubor faciei, genarumque, & *εὐχροία*. At oris, nasique omnis ambitus cum virore flavescens: dolores artuum quasi rheumatici, perque vices, noctu graviores, dilacerantes, trahentes, & subinde formicationis in artubus sensatio: ardor ventriculi, abdominis, thoracis, vel sterni, vel lateris alterutrius, utriusque: ischias: lumbago: sensus confusi: aurium tinnitus, susurri: tardi: stupidi: delirium nocturnum, mite, taciturnum: cophosis: animi indifferentia: capitis plumbeam gravitatem, ejusque levandi impotentiam, & erumpentes quasi igneos calores ex fronte, atque oculis querebantur, etsi non calerent præter morem, si quando manum admoveras. Nonnulli solos artuum dolores incusabant, cætera bene se habere asseriebant. Tussis, vespertina, nocturna, sicca primo, dein sputa extundens crassa, ductilia, albida, virescentia. Abdomen plerisque modice intumuit, doluitque & contrectatum, & inter tussendum: quibusdam tympanitice tendebatur. Atque hæc communiora symptomata fuerunt.

Multis diebus, & septimanis hæc rerum conditio

ditio perstabat, sibi semper similis, ejusdemque tenoris, & absque notabili symptomatum vel accessione, vel decremento.

Paucissimi fuerant, quibus levior nervosa febris die sexto, septimo, octavo, & consequentibus, oborta larga, & continuata diaphoresi, & sub auroram auctiori solvebatur.

Peculiariora quidam symptomata experiebantur, & forte varia. Quibusdam enim alvus continuo fluebat, quin æger inde aut melius haberet, aut multo pejus, nisi nimium flueret, & pluribus septimanis, quæ res tunc vires convulsit. Diarrhœa ejusmodi diuturna, quæ carnes absumserat, & vitæ vim, puellas præ cæteris, & in hisce τὰς χλωρῶτες vexabat, arte plerumque superior, seu dato mature vomitorio eam prævertere volueramus, seu eandem jam præsentem invigorantibus, roborantibus, adstringentibus, opiatibus inhibere, sive stimulum irritantem mucilagine enervare. Vomitorium qualecunque, ventre in hanc diarrhœam jam proclivi, purgantis vires obiit, & quem præoccupare fluxum debuerat, invitavit, præsentemque adauxit. Invigorantia, adstringentia, opiata nil profecerunt, utpote citius e ventre dilapsa, quam suas exere vires potuerant. Periere plures inter assiduos id genus secessus, & paucæ servatæ sunt, vino, infuso-decocto radicis arnicæ, decocto corticis peruviani, vesicantibus, omni alterno vel & tertio die adplicatis, ad loca varia corporis, epidermide relicta. Noveramus cantharidibus cutaneam excretionem augeri, renalem vero, alvinamque imminui.

Verum & hac ratione non nisi laboriose, & sero eluctabantur: pusillas virium reliquias, cutem arescentem, anserinam, & absunta mu-

Diarrhœa molesta huic febri subinde jungebatur,

Ejus diarrhœæ curatio.

sculari carne circa ossa contractam, ac obambulans sceleton e gravissimo morbo reportabant: eodem defunctæ languebant per menses plures, in eundemque ex facili relabebantur, inde non amplius emerfuræ.

Ceterum nemo facile ob eam febrim fatis occubuit, nisi infausto hoc alvi fluxu e medio sublatus.

Fauces, quibusdam intensius rubebant, absque tumore plerumque, dolebantque, cum deglutirent. Labia, & omnem internam oris superficiem pustulæ miliformes occuparunt, quæ paulo post subsederant, in minutula, cinereaque ulcuscula commutatæ. Has, ne ulterius serpant, collutoriis subadstringentibus, austeris, & antisepticis cohibebamus. Infusum foliorum salviæ, cui aluminiis pauxillum commiscebamus, huic fini plerumque satisfecit. Angina gravior vesicanti cessit.

*Eruptio
milliaris
in febre
lenta ner-
vosa.*

Nonnullis, etsi perpaucis eruptio miliaris prodiit, alba plerumque, rarius rubra, his parca, illis conferta incerto tempore, nec iisdem ubique in locis, & subinde cum ægritudinis levamine. Eo vero in casu levare morbus hac eruptione videbatur, ubi ea serius fiebat, & ventriculo, ventreque repurgato, & non contracta, ac inter sudores spontaneos, largos, protractos.

*Vomitio-
num spon-
taneorum
utilitas.*

Subinde vomitus suapte accessit, parcus, pituitosus, frequens, mirifice recreans, refrigerans, quive caput mox allevabat, fallaci εὐχρηστικῇ faciei in pallorem salutarem conversâ, & disparante rubedine oculorum.

Quidam hoc modo quotidie vomitarunt. Hi, si forte vomitio tardarat, rubere, æstuarere, esse implacidi, & sensibus confundi. Vomito

mitio

mitio sponte subsecuta miraculi instar quietem illico reduxit, suspensa febre. Hac crisi quotidie sæpius recurrente, & diebus compluribus, vix ullo cum discrimine, nec diu ægrotarunt: verum paucis hac sorte potiri contigit.

Quicumque febrilis morbus hac tempestate occurrerat, constitutionis vulgatæ vitium, coloremque traxit, atque ad indolem epidemicæ nervosæ febris (ni eam *phlegmaticam*, seu *pituitosam*, vel & *lymphaticam* potius, quam *nervosam* compellare malueris) accessit.

Omnes morbi febriles in indolem epidemicæ demici saquebantur.

Non omnibus, qui dicta ratione ex verna pituita febricitabant, ea febris meraca fuit, atque impermixta. Subinde enim sanguis phlogosin concepit, atque iterato, utiliterque in morbi initio eductus corium album, & tenax monstravit. Hic febris *nervosa* cum *inflammatoria* in fœdus coit.

Varia complicatio febris lentæ nervosæ.

Aliis præcordia simul bile turgebant, hique gemina tunc febre conflictabantur, *nervosa* nempe, & *biliosa*, aut febre quadam hybrida, verò phlegmate, & bile parentibus prognata.

Variam quoque popularis ægritudinis in variis intensiōem, & quosdam gradus vidimus. Subinde enim res intra solam diathesin pituitosam sub-

Et gradus varii.

stitit, ut præter minutum desiderium cibi, & pauculum languorem, ac oris mucum redundantem nil ab ordine consueto aberraret. His ea dispositio nunquam in febrem manifestam prorupit.

Nonnunquam etiam febricula accessit; perfrixerunt, incalueruntque, at erecti, & si sese continuerant, haud diu.

Plures gravior febris ad eum fere modum afflixit, ut supra recensui.

Rheumatismi febriles, non febriles, sive carnes,

nes, sive articulos, seu latera thoracis, pulmonemque vexarant, ex eadem veris pituita nascebantur, & dominantis nervosæ febris satellitium constituebant. Sub exitum mensis artus superi præ inferis afficiebantur aut dolore, aut formicatione, aut anæsthesia.

*Differen- In maribus alia aliquantum febris ratio, quam
tia inter in fœminis fuit, horumque etiam multo minor:
febrim ægrotantium numerus, quam fœmellarum, at:
fœmina- febris elatior, caloribus intensioribus, & pulsu
rum, & duro, vibrante: sanguinis iterato mittendi ne-
eam viro. cessitas major, qui repositus crusta pleuritica ob-
cum. tegebatur. Solventibus blandioribus, melle, ace-
to, & nitro uti diutius in viris oportebat, &
fero tandem emetico. Vesicantia his raro pro-
fuere, in initio nunquam, at subinde post eme-
sin, & morbo jam inclinato. Viris quoque ve-
locius morbus decurrebat.*

Erant illorum febres *pituitosa-inflammatorie*, aut *inflammatorio-pituitosæ* potius quam simplices *pituitosæ*.

Verum tamen mares vidimus, quos corpus imbecillum fœminis exæquavit, harumque morbis subiecit.

*Metbo- Multiplici medendi methodo, inque omnem
dus me- partem versatili opus erat in sananda febre, quæ
dendæ fe- tam diversitas habebat intensiones, modos, com-
bris len- plicationes.*

*Metbo- Hinc æger singulus remedia, eorum commi-
dus me- stionem, & se invicem diversimode excipien-
dendæ fe- tium ordinem, cumque in aliis alium docere
bris len- debuerat. Nulla medicina omnibus, & singu-
tæ nervo- lis hac febre detentis ex æquo convererat, vix-
sæ varia- que ullibi minor reperiundi remedii specificei, aut
erat. methodi saltem stabilioris spes affulgebat.*

*Et diffi- Ea morbi varietas difficillimam artem & hic
cilis, ac*

& multis aliis in casibus reddit, utpote non concludendam intra cancellos definitos, atque indolis illius, ut regulis adstringi certis, & evidentibus nequeat, quas intelligat quivis, intellectasque facie sequatur.

Vel clare descriptos canones in usus non convertet, nisi qui iudicio subacto, & sagaci, ac mira patientia polleat, & artis exercendæ occasione multiplici non destituatur.

Ipsa faciliora artis præcepta, quæve designari exactius possunt, multa a medico exigunt, quæ is e sua penu conferat, quo præceptiones hæ suis casibus adaptentur.

Febrim sinceram, atque *αμύνη* solventibus salinis aggressus sum, iisque mitioribus, & multa antiphlogistica potione. Elapso uno, alterove die, si a diuturniori febre, atque in corpore robustiore imminentis phlogoseos metus fuerat, paucillum sanguinis detraxi.

Parcas ejusmodi phlebotomias periclitandi gratia sæpe institui, ut, quæ sanguinis missi conditio, quodve levamen sit, explorarem.

Fœminæ rarius phlebotomia indiguere.

Exactis aliquot diebus emeticum propinabatur, ut, quod abdomini in federat, evacuaretur, &, quod vasis altius implicabatur, iisdem extricaretur.

Vomitionum magna utilitas fuit, sed multis solventibus præmissis, & corpore ad easdem parca subinde sanguinis missione, & jugi potione emollito.

Nihilominus evidentius allevabantur, quæ ea vomitio sponte, & crebro contigit: evidentius quoque illi, qui mensibus æstivis, & constitutione biliosa hausto emetico vomuerunt.

Peraçto vomitu refractæ tartari emetici doses,

quam ob causam.

Usus phlebotomiarum in hac febre.

Et vomitoriorum, at quo tempore.

item alterantia, ker-

kermes minerale , saliaque media profuere cum radicum graminis , & taraxaci saturato decocto. *Et subinde vesicantium.* Subinde & vesicantia admovebamus , omni alterno , tertiove die. Sed plagas vesicante tentatas relicta epidermide exsiccabamus ; quippe animus solummodo nobis erat , atque hanc cantaridum vim intra humorum alveum immittere.

Si quid doloris fracta jam febre supererat , id etiam vesicans abstulit.

Cum adverterem illos præ reliquis tolerabilem morbum experiri , queis sponte , & quovis die sæpius ventriculus subverteretur , rejecta ductili pituita , ipsemet arte conabar id efficere , quod natura medicatrix fecerat non coacta. Eum in finem aliquot grana radicis ipecacuanhæ medicamentis immiscui , ut exiguas , & non tumultuarias vomitiones concitarem , quæve & viribus parcerent , & ægrum æque solarentur , ac illæ quorundam spontanæ. Verum rarissime hoc anno id assequebar , & subinde nec vomitus , nec alvus movebatur , sed ægri ab alterante remedio incaluere , & cum discrimine , præcipue ubi morbo vigente id experimentum est captum. Hinc opus erat una , aut altera vice legitimam , magnamque vomitorii dosin exhibere , & commovendo inertis ventriculi phlegmati parem.

Quando nam, & quomodo hæc febris subinde magnitudine inflammata induerit. Pauci fuere , queis præter multam pituitam insignis quoque solidorum imbecillitas erat , pituitosæ moli subigendæ prorsus impar. Atque hi aut phlebotomiis vires fregerant , priusquam ad nos accesserant , aut easdem ad morbum attulerant jam antea dejectas. Succorum utut pravorum jacturam non tulerunt , & ejusmodi vacuare vomitorio , vel purgante , lethale fuerat.

Labantem solidorum compagem tunc oportuerat *Et hujus* cortice peruviano firmare. Hos saturatam ejusdem

dem decoctum nonnunquam juvit : in pulverem *tunc ma-*
 vero tritus anxios, nauseabundos, cardialgia af- *lignitatis*
 fectos, & pronos in perniciosum alvi fluxum *cura.*
 reddidit. Hoc etiam in casu a salibus abstinui.

Ceteri, quæis multa quidem pituita infuit, at
 vis fibrarum viguit, cortice peruviano non in-
 digebant, sed exposita superius ratione sanaban-
 tur, nullam morbi malignitatem experti.

Malignitatem accessisse tunc arbitrabamur,
 ubi moles pituitæ motrices solidorum vires vi-
 cit. Hæcque nobis erat in hoc morbo maligni-
 tatis notio.


Nulli dierum periodo adstrictam hanc febrim *Incerta*
 vidi, qua appetente commotio oriretur, & mor- *morbi dis-*
 bi crisis. Nullo non tempore aliquid ex febre *ratio.*
 abscessit, sed passibus suspensis, ac furtim. Nul-
 la non via erat, per quam non aliquid materiei
 morbificæ secederet.

Nullo non morbi tempore vomitorium dedi,
 si ejusmodi opus esse cognoveram.

Miliare exanthema, si quod forte prostarret,
 adeo non retrocessit, ut, absoluta emesi, sudo-
 res manare levantes ceperint, & efflorescere cu-
 tis copiosius, & cum levamine.

In quibusdam tamen post emesin vix ulla exan-
 themata comparebant: atque etiam hi alleva-
 bantur.

Exantlato morbo diutius languebant, in re-
 lapsum proni: convalescentia tarda, & remedio-
 rum præmunientium usus pernecessarius.



CAPUT V.

MAJUS.

*Mensis
Maji de-
scriptio*

Principium mensis ad nonum usque diem calore moderato, & sicco incaluit. Inde nebula, nubes, tonitrua, raræque pluviae per intervalla, & alternatim ad diem usque tertium & decimum. Successit frigus, ventusque creber, & validus. Die 22. incallescere cælum denuo, siccarique vento raro, & miti cepit.

Die 25. calor maximus. + o. $21\frac{1}{2}$. gr.

Die 15. calor minimus. + o. 8. gr.

Calor totius mensis medius. + o. $14\frac{1}{3}$. gr.

Die 22. statio mercurii altissima. 28. poll. $1\frac{1}{2}$. l.

Die 15. ejusdem maxima depressio. 27. poll. $4\frac{1}{4}$. l.

Iidem omnino morbi, sed aucto forte numero usque ad medium huncce mensem conspiciebantur, quos ultimum elapsi mensis dimidium vidit, anginosa nempe febris, catarrhalis, scarlatina, miliaris, rheumatica.

*Hoc men-
se minus
phlogo-
seos plus
pituitæ,
& multa
bilis.
Rarior
usus phle-
botomiæ,
frequen-
tior eme-*

Id solum discriminis advertebatur, quod rarius inflammatio jungeretur, & bilis sæpius: rarior quoque phlebotomia fuerit, & instituta minus profuerit: frequentior emesis arte facta, & magis proficua: corium emissi sanguinis minus obvium, & tenue, at meracior bilis, & copiosior.

Juvabantur emeticis, & solis non raro purgantibus.

Hinc febres plerumque fuere bilioso-pituitosæ:


Hoc

Hoc mense non paucis abdomen per vices do- *ticorum*
luit, dolore colicam referente, alvo frequenti, *& pur-*
torminosa, tenesmoidea: parca tamen excretio- *gantium.*
nes. Non appetierunt nauseabundi, ore amaro.
Febris exordium ab aliquot horarum valido hor-
rore cepit, calore secuto non magno, levibus
horripilationibus interpolato, & febricula postea
vix advertenda. Hi vel emesi, vel emeto - ca-
tharsi, vel & solo subinde purgante curabantur.

Post medium mensem contrahi pituita cepit, *Febres*
& augescere bilis, turgere, & vomitibus efferr *sub fi-*
spontaneis, ac quotidianis. Quidam absque vo- *nem men-*
mitu tormina pertulere, ventre aut valde adstric- *sis pitui-*
to, aut pauca, olidaque, & crebro dimittente. *tofo-bi-*
Omnibus errabunda febricula fuit, & artuum *liosae, &*
vagus dolor. *biliosae*
fuerunt.

Febris *pituitosa* priorum mensium ferme nun-
quam comparebat, & *bilioso-pituitosa* in *bilio-*
sam, inclinato mense, convertebatur.

Convulsiva infantum tussis toto hoc mense
grassabatur.



C A P U T VI.

J U N I U S.

Aura serena cum siccitatibus jam inde a 22. *Junii*
mensis proxime elapsi ad 19. usque præ- *mensis*
sentis mensis continuabatur, atque eminentius *descri-*
calebat. *ptio.*

Vigesima nubibus contristari: mox pluviosum,
frigidumque fieri cœlum ocepit, & editiores
in vicinia montes tenui nive canescere.

25. Teporem, & siccitatem reduxit.

Coronidem mensi imposuere amœnæ, tepidæque pluviae, ruricolis gratæ.

Die 4. & 5. Jun. calor maximus + 0. 22. gr.

Die 26. ejusdem minimus calor + 0. 9. gr.

Calor totius mensis medius fuit + 0. 17½. gr.

Die 4. & 19. mercurii altissima statio 28. poll.

2. 1.

Die 10. ejusdem statio infima 27. poll. 6½. l.

Febres
biliosæ.

Continuæ biliosæ vulgares erant, quarum quædam quavis vespera levi cum frigore, quædam vero alternis solum diebus suas accessiones habuerunt. Multi sponte vomuerunt, & biliosa, atque hi mitius ægrotabant, & citius convalescebant.

Et pleu-
ritides
biliosæ
mensis
Junii.

Aliquot hoc mense *pleuritides*, & *peripneumoniæ biliosæ* spectabantur, & quædam earum cum sanguinis e pulmonibus rejectione.

Pleræque biliosæ febres, atque etiam illæ, quæ thoracem peculiarius invaserant, cum, & sine sanguinis sputatione, remediis solventibus, salinisque, & mota pluries emeto-catharsi, in intermittentes abiverunt.

Paucissimæ fuerant originariæ intermittentes.

Febris
biliosæ in
malignam
conversionem.

Paucæ malignæ, & non nisi in iis observabantur, qui neglecta confirmatoria cura sæpius in *biliosam* dominantem relapsi sunt.

Hujus
de tem-
pore ma-
lignitatis
notio,

Malignitatem tunc constituiebat *biliosa febris* corpus jam antea ex prægressa æstatis febre confraetum de novo invadens; seu febris biliosa cum insigni solidorum imbecillitate, laxitateque ab eodem bilioso vitio inducta.

Et cura.

Hos diuturniora solventia, & emeses repetitæ gravius prosternebant. Subverso in initio ventriculo innox ad corticis peruviani decoctum, aut ad infuso-decoctum radicis arnicæ confugere oportebat. Nec antiseptica hæcce roborantia

sine

sine emesi, nec hæc sine illis sola profuit.

Morbilli inter adultos frequentes fuerunt, at- *Morbil-*
que in omnibus febris morbillosa aliam sibi so- *lorum,*
ciam junxit, æstivam nempe, seu biliosam.

Nullam morbillorum rationem habuimus, sed
omnem biliosæ febris, cui soli, quidquid pra-
vorum symptomatum advertebatur, debebamus,
innocentibus morbillis.

Variolas sola etiam biliosa febris a cursu assue- *Et vario-*
to dimovit, atque hanc solam gnaviter oppugna- *larum*
bamus variolarum seductricem. *cum fe-*
bre biliosa

Colicas quasdam biliosas hoc mense sanavimus. *complica-*
Omnes puerperas æstiva hæc febris arripuit. *tio.*

In Hungaria quoque æstate, & autumnopuer- *Colicæ*
peras quondam, præ reliquis, febribus videram *biliosæ.*
biliosis, remittentibus, intermittentibus, & bi- *Febris*
liosus vomitibus, atque alvinis fluxibus laborare. *puerpe-*
Circa 20. hujus mensis primam hoc anno dy- *rium in-*
senteriam sanabamus pulvere radicis arnicæ, cui *sequens*
vomitorium præmisimus. *per æsta-*
tem fuit

Morborum biliosorum difficilior, tardiorque *biliosa.*
in foeminis curatio fuit, & relapsus facilior: ma- *Dysente-*
teries morbifica in iisdem tenacior, & curatione *ria sub*
firmatoriae diutius protrahendæ major necessitas. *exitum*
mensis.

C A P U T VII.

J U L I U S.

Julii mensis initia ventosa, gelida, multisque *Mensis*
madida pluviis fuerunt. *Julii*

Die quarto subito magnus æstus: inde *conditio.*
calores, vento a septentrionibus validius spiran-
te, temperati,

Die octava nubila frigidaque tempestas, & multum pluviosa rediit: nulla ventorum quies, sole rarissimo, & cito disparente ad decimam sextam usque.

Inde serenitas, & aura calidior, quam circa vigesimam tonitrua, imbres, ventique per intervalla frigidiores denuo infestarunt.

Finis denuo cœlo sereno incaluit.

Frigidus humor toto mense prævaluit.

Die mensis 19 calor maximus + 0. $23\frac{1}{2}$. gr.

Die 16. calor minimus + 0. 10. gr.

Calor medius + 0. $13\frac{1}{3}$ gr.

Die 12. 13. 16. altissima barometri statio 28. poll. 2. 1.

Die 27. ejusdem statio infima 27. poll. $5\frac{1}{2}$. 1.

*Varii, &
mirifici
ejusdem
febris æ-
stivæ lu-
jus.*

Febris biliosa æstatis hoc mense variis symptomatibus ludere, & varias in hominibus variis afficere partes visa est.

Hinc phrenitides, ophthalmiæ, parotides, strumæ, anginæ, peripneumonix, pleuritides, hæmoptoë (quæ hoc mense frequentior, quam aliis fuerat hujus anni temporibus) dolores rheumatici, tumoresque ad carpum, & genua: vomitiones item bilis spontaneæ, colicæ, diarrhœæ, dysenterix, urinæ difficultates, febres continuæ, remittentes, intermittentes, petechiales, miliares, urticatæ, scarlatinæ, & paroxysmi hysterici &c. grassabantur.

Mirifica varietas symptomatum, sed ab unica versipelli bile profecta!

*at cura-
tio ea-
dem.*

Una, eademque fere methodus uni, atque eidem causse opponebatur, quiscunque fuerat symptomatum variantium lusus.

*Sociabilis
genius
dominan-*

Epidemica febris multis aliis ægritudinibus jungebatur, morbillis, variolis, puerperio, venteribus, ulceribus, lvi venereæ &c.

Vidimus quosdam ab alto delapsos, & encephali turbatas functiones: re perquisita æstivam febrem deprehendimus, quæ ita delapsos apprehenderat.

*tis bilioso
febris,
ejusque
varia,
compli-
catio.*

Hi solventibus, & vomitione repetita, biliosa, studio concitata, a sopore, delirio, febri sanabantur.

Hanc rem momenti magni arbitror, cum quemdam deceptum noverim, qui hominis æstate quadam, & tempore bilioso ex alto decidentis, delirantis, soporosi, convulsi caput trepano frustra perforavit. Mortuus æger plumbea intestina, distentissimam bile vesiculam, & hepar bile suffusum exhibuit, at in encephalo ne hilum quidem.

Difficillimum sæpe numero judico, idiopathicas encephali affectiones a sympathicis in ejusmodi casu dijudicare.



C A P U T VIII.

A U G U S T U S.

Aestus cuncta percoquens, siccitas, serenum ad usque medium mensem excelluit. At inde per diem unum largæ pluvix, & toto residuo mense aura frigidior, mane præcipue, ac vesperi, & incaute vestitos facile lædens: diesque jam nubili, jam sereni: noctes nebulosæ, autumnæ æmulæ. Pluvix raræ, sparsim: venti. Ultima mensis imbrosa.

*Status
mensis
Augusti.*

Die 10. Augusti calor atmosphæræ maximus in therm. Reaum. 25. gr.

Die 23. calor minimus $11\frac{1}{2}$. gr.

Calor medius $19\frac{1}{3}$. gr.

Altissima barometri statio die 26. & 27. Aug. fuit 28. poll. 3. lin.

*Febris
biliosa.*

Infima vero die 31. Aug. 27. poll. 7. l.

Febres biliosæ continuæ, & remittentes varia periodo observabantur, numero non plurimæ, sed ob materiæ morbificæ lentorem & potentioribus solventibus, & vomitione frequentiori indigentes, & diutius protractæ. Dysenteria pauciores, quam plerisque aliis æstatibus. Post medium mensem manuum, aut pedum tumores dolentissimi, dolore versus vespèram præcipue, noctuque crescente, absque rubore, attactum difficulter ferentes, & relicto comprimentis digiti vestigio. Vix ulla ex febre æstiva funera.

*Oedemata vesperi, noctu-
ve magis
dolentia.*

*Præterita æstatis
cum æstate
hujus anni
comparata.*

Æstas hujus anni eosdem, si genium eorum, ac methodum medendi spectes, cum illa anni præteriti morbos tulit, numero solummodo, & duratione differentes. Quippe anni prioris æstate, quam multo fervidissimam, & hac, quam agimus, tempestate ob urentissimos æstus longe novimus superiorem, numerosi ex bile ægrotabant, eaque acerrima, mobili valde, & copiosa. Plurimos quoque eo tempore dysenteria excruciauit.

Hac æstate pauciores infirmabantur, sed sa-
nabantur tardius.

C A P U T IX.

FEBRIS PUERPERARUM.

Morbus æstatis epidemicus omnes, quot- *Febris*
 quot per eam tempestatem in nostro *puerpera-*
 Nosocomio pepererant, afflavit, quasdam solum- *rum caus-*
 modo a primo limite salutavit, gravius pro *fam bu-*
 stravit nullam. Eam rem non in miasma *buit ma-*
 quoddam contagiosum refundebam, cum lucu- *nifestam,*
 lentas domi suæ morbi causas habuerit quævis, *biliosum*
 & sensibus subjectas. *videlicet*
æstatis
vitium.

Etiam hic meam consuetudinem sectabar, *non erat*
 ut præter contagium variolosum, morbillosum, *contagio-*
 scabiosum, & venereum, nullum aliud facile *sa.*
 admitterem, cum hi soli morborum quasi per *Contagia,*
 traducem propagentur: Quodsi enim & con *quæ, &*
 tagium febris petechialis, & miliaris, ac consi- *quot?*
 milium detur, cur ii, qui diu, nocturne ægrotis *An fe-*
 in Nosocomio assistunt, cur infirmorum custo- *bres ex-*
 des, qui ægrorum acute ut plurimum ægrotan- *anthema-*
 tium atmosphæram inspirando attrahunt, a *zicæ*
 morbis suorum, quibus inserviunt, ægrorum, *stricte*
 immunes manent, idque etiam per multos annos, *sint con-*
 aut saltem non frequentius, nec gravius affi- *tagiose?*
 ciuntur, quam alii solent alibi degentes? novi
 equidem noxas halitibus putridis fœti aëris,
 novi ingentia commodam amplorum cubilium,
 quæ recens identidem, & ficcus aër lustrat:
 & maximam curam etiam nosmet eam in rem
 convertimus. Sed præter eorum, quos dixi,
 morborum contagia etiam alia dari, ut e. g. fe-
 bris petechialis, aut miliaris, fomitem petechia-

lem, aut miliarem etiam in alios transmittat, observationibus numerosis non respondet.

*Ande
contagio
pestis cer-
to con-
stet?*

Qui ipsum *malignissimæ febris*, diræ nempe pestis contagium negaret, & morbi gravissimi causam statueret popularem, omnibus quidem ex æquo adplicatam, sed haud in omnibus efficacem, quamve ab anni tempore, & cœlo gravi, ac producendis morbis septicis præ multis aliis annis idoneo potius repeteret, quam e. g. a lœnæ sarcina, aut etiam ab epistola a locis quam maxime diffitis, quos morbus premit, ad nos transmissa, paradoxon utique diceret, sed quam luculenta cum veritate! quam utilem luctuosis, quæ Superi longe removeant, temporibus sententiam!

*Digressio
quædam
ad conta-
gium pe-
stilentia-
le.*

Is hujus opinionionis argumenta vel ex ipsis pestilitatis scriptoribus, iisque etiam aliter opinantibus depromeret nulli confutanda, nisi qui mirabilium, & prœcul remotorum amore abductus causas domesticas contemneret, atque ante pedes positas.

Quodsi cuidam in hujus opinionis veritatem inquirere quondam libuerit, autores etiam non medicos utiliter consulat, multaue vel in sola Titi Livii historia reperiet eam ad rem pertinentia. En quorum in mentem modo venit: L. XXV. C. 26. Pestis Syracusana narratur: „Accessit & pestilentia, commune malum, quod facile utrorumque animos averteret a belli consiliis. Nam tempore autumnii, & locis natura gravibus, multo tamen magis extra urbem, quam in urbe, intolerandi vis æstus per utraque castra omnium ferme corpora movit. Et primo temporis, & loci vitio & ægri erant, & moriebantur. — Multo tamen major vis pestis Pœnorum castra, quam Romana (diu circumsedendo Syracusas cæ-

lo, a quisque afflueverant magis) affecerat. Ex hostium exercitu Siculi, ut primum videre *ex gravitate loci vulgari morbos*, in suas quisque propinquas urbes dilapsi sunt. At Carthaginenses, quibus nusquam receptus erat, cum ipsis ductibus Hippocrate, atque Hamilione ad internecionem omnes perierunt. Marcellus, ut tanta vis ingruebat mali, traduxerat in urbem suos: infirmæque corpora tecta, ac umbræ recreaverant. Multi tamen ex Romano exercitu eadem peste absumti sunt."

Mitius mulctabantur in urbe, urbibus propinquis, sub tecto, & umbra, cum causis moribificis non occultis, sed manifestis, non volatilibus, non ex longinquo petitis, sed inquilinis sese subtraherent.

Sed numne pestis ipsa is morbus certo fuerat? Pestem fuisse vel pestilentissimam oportebat, ex qua exercitus Pœnorum *ad internecionem omnis* perierit.

L. V. C. 48. „Ante omnia obsidionis, belli-que mala fames utrinque exercitum urgebat: Gallos pestilentia etiam, quum loco jacente inter tumulos castra habentes, tum ab incendiis torrido, & vaporis pleno, cineremque, non pulverem modo ferente, quum quid venti motum esset. Quorum intolerantissima gens, humori-que, ac frigori assueta, *cum æstu, & angore* vexati, vulgatis velut in pecua morbis, incre-rentur, jam pigritia singulos sepeliendi, promiscue acervatos cumulos hominum urebant."

Miasma pestiferum capitolium vicinum loco sublimi situm haud tetigit, sed solos Gallos humilia occupantes loca, quosve anonæ inopia pressos æstivus insuper calor exussit, morbus confecit.

Eodem Libro C. 13. „Insignis memoratur annus, hyeme gelida, ac nivosa adeo, ut viæ clausæ, Tiberis innavigabilis fuerit. — Tristem hyemem sive ex intemperie cœli, raptim mutatione in contrarium facta, sive alia qua de causa, gravis, pestilensque omnibus animalibus æstas exceperit.”

Quod si pestis contagium ex remotissimis terris ad nos transferri possit, suamque etiam longo tempore vim morbificam conservet, fixioris illud indolis esse oportet, & varioloso miasmati consimile. At qua ratione venenum hoc fixum, & summe contagiosum, si nostras in terras semel illatum fuerat, exulare posthac unquam inde poterit, & integros centum annos nostris a plagis abesse? Contagium certe variolosum, ex quo in Europam delatum est, nunquam diutius a nobis abest, sed varias regionum nostrarum partes obit, quin unquam extra Europæ limites pedem ferat.

*Quæstio
de natu-
ra pestis
proponi-
tur.*

Quid ergo, si pestis contagio careret, si sua sponte, & ex causis manifestis nasceretur? si morbus esset non specificus, aut sui generis, sed malignissimæ febris, superior tantum gradus, ejusque certa tantum modificatio?

Vercor, ne in assignanda pestilentiae causæ illud humani patiamur, quod multis aliis in rebus experimur, dum exoticorum, & monstrorum amans humana ratio

Transvolat in medio posita, & fugientia captat.

*Quæstio-
nes aliæ.*

Quæstiones momenti maximi proponi possent, quæ a viris doctis discutiendæ forent. Videlicet:

1. An febris maligna sui unquam generis, & spe-

specifica est? an non potius febris sive biliosa, sive putridæ altior gradus? Id certe vix amplius dubitationi obnoxium videtur.

2. An febris pestilens a febre maligna per essentiam differt, vel vero sola periculi magnitudine, & majore ægrotantium ex ea numero?

3. An non ipsa pestis febrim pestilentem sola mali intensione superat, ut illa præ hac & plures corripiat, & citius enecet, cum interim idem habeatur utriusque morbi genius?

Sane symptomata pestis a Petro Foresto accuratissimo scriptore, & sagacissimo medendi magistro & oculis usurpata, & fideliter descripta; item causæ morbis biliosis, putridis, malignis, pestilentibus, pestique ipsi ex æquo convenientes, evincere videntur, hosce morbos ejusdem familiæ esse, sed ordinis diversi, ita, ut infimum biliosa febris occupet, supremum pestis.

4. An notæ illæ, quas pesti essentielles, & characteristicas volunt, solummodo *accidentales* sunt? quemadmodum e. g. febris biliosa aliis æstatibus efflorescentias urticatas, aliis vero petechiales, atque itidem aliis parotides, anthraces, &c. adamat, manentibus nihilominus per omnia hæc tempora & eadem causâ morbifica, & eadem medendi ratione?

5. An non vera pestis oriri in aliquo homine singulari potest, eo tempore, quo nullum omnino pestilentielle miasma in reliquis ejusdem terræ incolis observatur? Potestne fieri complurium causarum congenerum certo cuidam individuo adplicatarum confluxus, qui febrim biliosam in putridam, in malignam, in pestilentialem, in ipsamque adeo pestem evehat, quin id temporis
in

in ullo alio homine hic consimilium causarum concursus eveniat?

6. An, si specificum, & peculiare miasma pestilentis febris, ipsiusque pestis nullum datur, tantumne erit in ipsa peste, quo alterum afflet, contagii periculum, ut, quemadmodum vario-
læ solent, in loca etiam alio sub sole posita, vestibus, lana, aliisque rebus, quin & solis epistolis e regione pestilenti missis transferri queat?

7. An sumtuosæ illæ cautelæ, quibus pestem a finibus arcere satagunt, quæve & mutuum inter vicinos commercium suspendunt, & terrorem longe, lateque dispergunt, necessariæ sunt? an non potius summopere noxiæ, tum quod sublatum commercium annonæ caritatem inducat, cum quod & ipse tumultuosus prohibendæ pestis apparatus mortis metum incutiat, qua utraque re domi pestilentia nasci potest.

8. Cum prisca sæcula præ his, quæ modo vivimus, peste frequentius tuncstarentur, an forte cum locis peste contaminatis plus commercii intercessit, quam nunc solet?

At nostro tempore universus prope orbis in unicam quodammodo civitatem coaluit, & factorum nationum remotissimarum crebriori invicem usu ipsa olim frequentissima pestis nihilominus multo nunc rarior comparet.

9. An Petrus Forestus *diversos* solummodo *eiusdem* *malignæ febris* gradus assererat, dum febrem petechialem mediam diceret inter veræ pestilentem febrem, & non pestilentem?

10. An febris pestilens, ipsaque pestis pertinet ad illas febres gastricas, quarum materies in ventriculo, & intestinis locata cito putrescit, sanguinem ilico subit, & lethalem brevi dissolutionem, & necrosin inducit?

11. An

11. An is prudentius ageret, qui peste laboranti homini eam adplicaret medendi methodum, qua nos in simplici maligna febre utebamur?

12. Qui purgato ventriculo, & intestinis, peruvianum corticem ægris daret, aut arnicæ radicem, quam superius contra malignas febres laudamus, an non consentaneam magis & ipsi rationi, & analogiæ, & experientiæ medicinam faceret, quam qui cum Botallo sanguinis humani incredibiliter prodigo, in hunc vitæ laticem repetitis phlebotomiis desæviret, ipso morbo magis perniciosus?

Sed alio longe, quam initio institueram, de puerperarum nostrarum febre dicturus, me delapsus sentio, atque extra semitam vagatum. Veruntamen malim in justī sermonis ordinem peccasse, quam reticuisse, quæ vera, quæve ex usu fore arbitrabar, etsi opinio, quæ sic opinatur, haud perbenignos audientium animos sit offensura, & facile temeritatis cujusdam summo-
pere noxiæ insinulari queat.

Nunc quæ febris species puerperas per æstatem vexarit, dicere ordiar.

Sub ultimum graviditatis tempus quædam er-
ronco modo febriebant, & obscurius, alvo seg-
ni supra modum, ore immundo, muci pleno,
non appetentes. Dolor ad lumbos, & circa
scrobiculum: mictus difficilis, frequens. Unam,
alteramve luculentior febris aggressa est, quæ
remisit primo, dein etiam intermisit.

Pleræque a partu primum, eoque ut plurimum non difficili, aut mox, aut serius, nulla certa dierum lege incaluerunt, friguerunt per vices. Quibus id post partum evenerat, præter superius enarrata incommoda & parcissimus lochio-

*Febris
puerperarum hac
æstate
observata
descri-
ptio.*

Tormina puerperarum. lochiorum fluxus, & dolores abdominis totius, hypogastrii maxime, & uterinæ regionis ade- rant, sævi, ut attractum vel levissimum extime- scerent ægræ, vagique, ita tamen, ut, ubi ute- rus in globum contractus offenditur, ii & vali- diores fuerint, & fixi. Linguam, ventriculi, & intestinorum indicem summe veridicam con- templatus, hirtam vidi villis albidis, flavican- tibus, subin etiam viridissimis. Semel tantum purissimam linguam vidi, impuro licet, & mul- tis sordibus scatente ventriculo. Unam levius febrientem exanthema urticatum, alteri cuidam quasi scarlatinoso commixtum, pinxit.

inflammationem mentiebantur, Inflammationem aut intestinorum, aut uteri, dum de morbi natura disceptaretur, nullam hic esse existimabam, utut multa erant, quæ artis non bene gnaros decepissent. Noveram, æstate bilem dominari, fervidiore meracam, mobilissimamque, frigidiore vero, humidioresque pituitosam, & inertiores: segnitiam alvii in gravidis solennem, ob eamque prava multa in abdomine congesta, sciveram. Hinc puer- peras hasce ex ventriculi, & intestinorum alie- na materie febrire, augurio, ut eventus com- probarat, non infortunato conjectaram. Ete- nim methodus, quæ febribus gastricis opponi solet, etiam his medebatur, atque eas, prius- quam in vitæ discrimen adducerentur, cito in vado posuit.

Id argu- mentis demon- stratur. Non me latuit, quæstionem adhucdum inter multos agitari, cujusnam indolis febris puer- perarum esse soleat, an *inflammatoriae* videlicet, vel *putridæ*, *malignæque*? Verum dudum & Sydenhamiana, & mea quoque observationes vim morbi epidemici noveram, qui omnes re- liquas ægritudines per id tempus, quo is dicta-

turam exercet, suæ ditionis facit, suisque cogit sub vexillis militare.

Ea de re adeo luculentis argumentis persuasus sum, ut propositum qualemcunque fere morbum nunquam examinem, nisi epidemicæ constitutionis genium una contempler, videamque, quousque objecta infirmitas ad epidemicæ naturam inclinet. Hinc non erat difficile, hasce per æstatem puerperarum febres inter illas computare, quæ hanc anni partem quotannis infamem reddunt, *biliosas* nempe.

In mentem quoque venerant, quæ in Hungaria binis æstatibus experiebar. Etenim quotquot fervidiore hoc anni tempore pepereant, eas febribus corripì biliosissimis vidi, choleris item, & dysenteriis. Meticulosam iisdem in initio medicinam feci, cum, etsi sciverim, quid ea febris alio in corpore remedium requireret, tamen puerperæ conditio nunc longe alia ab efficaciori methodo me deterreret, donec tarda ægrarum convalescentia, & mille sub ipsa curatione incommoda eo me permoverent, ut, neglecto ad puerperæ conditionem respectu, medelam opponerem valentem, & morbo parem.

Emeticis ergo, si qua horum necessitas fuerat, aut purgantibus liberaliter usus sum, & absque metu, cum horum auxilio, qui tunc ex populari biliosa febre decubuerunt, cito, atque citra ambages sanarentur.

Didiceram ea occasione, non hærere in simplici lochiorum, aut suppressorum ex toto, aut parcissime fluentium contemplatione: ab aristolochicis cujusunque speciei abstinui penitus. Et cur aliter agerem? nonne potius in morbum principem indagare oportebat, quam

quam eodem neglecto cum ejus quodam non magno symptomate colluctari?

Hæc febris subinde est inflammatoria, & quanda.

Horum omnium memor solennem puerperarum febrim rarissime *inflammatoriam* arbitror, nisi ubi acri urente gelu, & flante borea sanguis dominatur, & orta inde inflammatoria dispositio.

Sed & hocce tempore inflammationibus generandis apto mitius habebant puerperæ, & præ cæteris hominibus forte rarius inflammatorie ægrotabant. Cum enim foeminæ in universum ob laxiorem corporis compagem, & sanguinem minus phlogisticum haud ita facile febribus inflammatoriis, quemadmodum viri solent, corripiantur, puerperæ, quibus aliqua sanguinis jactura sub partu, & post eundem contingit, & in quibus a partu inflammatoriam diathesin, corpore utpote debilitato, evacuatoque, & liberiori humorum per vasa circuitu, omnium minime accuses, præ aliis ejusdem sexus non puerperis quandam ab inflammationibus immunitatem jure possidebunt.

Equidem inficias haud eo, uterum diuturnis, validisque pariendi nixibus, admota rudiori obstetricia manu male habitum inflammaris; at ubi partus absque labore fuerit, puerperas in *febres sanguineas* minus proclives judico.

Hinc febris gastrica, sive ea pituitosa fuerit, sive biliosa, sive putrida, puerperis maxime insidiabitur, quam aut missione sanguinis iterata, aut regimine sudorifero in malignam convertes.

Cadaver puerperæ, quam ea, de qua loquimur, febris enecuerat, nunquam dissecai, sed aliorum sectiones novi, qui viscera abdominis partim inflammata, partim gangrænosa repe-

rerunt, atque inde febris indolem inflammatoriam statuerunt, haud æqua, ni me omnia fallunt, conclusione. Hæc enim interaneorum facies in iis esse, ut plurimum, solet, quos febris maligna sustulit, quorum non paucos & ego dissecui, & mox a morte, vixque refrigeratos, & rigente bruma, præproperam cadaverum putredinem arcente, ut, quem ipse morbus, non diuturnior mora visceribus habitum induxerat, perviderem.

Intestina & plumbea vidi, & dire inflammata, vibicibus, petechiis maculata, omentum obsolete rubrum, fuscum, lividum, fracidissima, & olentissima omnia. Num febris *inflammatoria* eam visceribus ruinam induxerat? atqui noveram morbum fuisse ab inflammatorio alienissimum, fuisse in initio biliosum, missione sanguinis male sana, & neglecto evacuante pharmaco in putridum, malignumque commutatum. Quid, num insanabili hydropse confectum hominem ex febre inflammatoria periisse dices, quod ejus viscera aquarum putridissimarum stagno immersa & inflammatio teneat, & gangræna?

Quapropter, ut superius dicta paucis complectar, æstas sanguini inimica, amica bili, fractumque partium solidarum robur, & quadam a partu bonorum succorum inanitio, desesque ut plurimum vivendi genus, & alvi morositas puerperam longissime remonent ab athletico habitu, & inflammationibus obnoxio, eamque morbis septicis præ aliis subjiciunt. Confirmatum id dixi & aliorum, & mea observatione multis vicibus inter Hungaros habita: novamque denuo præsens annus observationum accessionem dedit, quæ demonstrant, omnes ferme puerperas per æstatem ex putrida ma-

terie febricitare, tubum intestinorum primo, deinde, postquam ex parte sanguinem is fomes subiverit, hunc ipsum etiam coinquinante.

Inter symptomata hujus febris dolorem abdominis, & hypogastrii quam maxime emi-
nisse supra narraui. Ea res pro inflammatio-
ne sive intestinorum, sive uteri nobis neuti-
quam imposuit, neque unquam nos seduxit,
ut sanguinem phlebotomia educeremus, utut
valide febricitantibus.

*Pulsuum
fallacia
in febre
puerpe-
rarum,
atque
etiam in
multis
aliis ca-
sibus.*

Nec pulsuum fallax durities, aut emendica-
tus eorundem a spasmis vigor, vibratiove nos
eo permovet, ut vitium potius inflammatorium
in systemate sanguifero incusaremus, quam bi-
liosum in gastrico, putridumque. Noveramus
aliunde ex innumeris casibus miras pulsuum
fallacias, in plethoricis, atque inflammatis non
raro summe debiliū in speciem, quos largiter
emissus sanguis mox erigit, aut e contrariis
plenitudinem, & nimiam vitæ vim simulanti-
um, etsi bonorum humorum egestas potius,
quam divitiæ subsint.

*Cujus-
dam
puerperæ
casus de-
scriptus.*

Cum hæc scriptitarem, a puerpera redeo in
Nosocomio practico decumbente, quæ furtivi
amoris primitias apud nos ante triduum depo-
suit, partu facili, quive præter binas convo-
lutiones funiculi umbilicalis circa collum me-
morabile nil habuit. Primo nychthemero op-
time valuit; sed eo exacto rigere primum,
dein æstare multum, ventre infimo attractum
omnem refugiente dolore plurimum cepit. Le-
tus arteriarum validi, vibrantes, in corpore
juvenili, laboribus firmato, bonis carnibus, &
succis. Nullum in ore vitium, nullum circa
ventriculum incommodum: vix ulla lochia.

Mor-

Morbi notionem ex iis collegimus, quæ hanc in rem supra dixi.

Alvo clysmatibus elota mixturam salinam dedimus, multo tartari cremore foctam. Venter inde pauca reddidit binis, aut ternis vicibus; mox febris, dolorque fere omnis conticuit. Verum biduo post partum necdum penitus transacto, & alvo denuo suppressa, febris rediit, & dolor abdominis priori multo atrocior. Jactitatio, lamenta, lochia prorsus nulla. Cum materies morbifica infima ventris occuparet, lingua, faucibus, & ventriculo bonis, purgans pharmacum præ emetico elegi ex sale amaro, & manna compositum, per epicrasin propinandum. Inde ante dimidium tertii a partu diei trigesies deiecit miro cum levamine. Etenim nullus ullibi dolor, nec ulla febris: tumor abdominis antea turgidi omnis evanuit. Lochia non parca redierunt.

Cum alvi libertatem data posthac opera conservaturi simus, puerperio inde facili usuram spero, idque eo fidentius prædicere audeo, quod consumillimi in puerperis hoc anno morbi nobis sæpius obvenerint, eadem methodo, purgante videlicet, vel emetico, atque etiam eadem felicitate, antequam in herbam prorumperent, radieitus excissi.

En & aristolochicum, & antiphlogisticum remedium!

Non permitto, ut puerperæ longo tempore *Quenam* lecto se contineant, aut diuturno decubitu, *maxime* stragulorum tepore, tepidisque, ut mos fert, *puerperis* potibus, carnes emolliant, secernenda, excernendaque retardent, & ipsi septicæ febri *nocere visæ sint.* auxiliatrices manus porrigant.

Non me fugit, longe alia in usu esse, eos

inter præcipue, quos vel natales, vel divitiæ, vel arrogantia his præfidiis destituta, supra plebem effert: scio, quantum de fama periclitetur, qui saniora consuluerit, sed præjudiciis civitate donatis adversa.

Nihilominus medicorum erit, unitis viribus hunc errorem dedocere, gravem certe, & popularem, eorum præcipue, quos fortunatio artis usus, indeque parva commendatio sua quemque in patria nobilitavit.

Sic eos neutiquam verebimur, qui etsi meliora videant, probentque secum tacite, nihilominus perniciosis matronarum opinionibus serviliter officiosi artem produnt.

Nec illos postea morabimur, qui antiqui moris tenacissimi, cogitare, moliri, facere nil audent, quod avus non fecerat, nec abavus, atavusque, imitatores, servum pecus.

Oleosorum.

Oleum amygdalarum dulcium puerperis nostris non dedimus, etsi sorbitiones oleosæ vel ipsam inter plebem in usu sint, ut absque iisdem ne pauperrima quidem speret, posse se ex puerperii molestiis salvam eluctari.

Hoc qui faciunt, nonne oleo cito rancido factorem faburram mirum augent? nonne nervos, quos delinire animus erat, acerrime irritant? nonne ventriculi infringunt vires, & sæpe sæpius ægro- tantem, & oleum, & operam una perdunt?

Et absorbentium in puerperis noxa.

Absorbentium usum damnabamus, utut solennem, neque id immerito, ut opinor. Nolebamus enim putredinis vim antacidis exaltare, sed id potius dabamus operam, ut grato, & accesscente remedio, quodve alvum blande sollicitaret, putridam colluviem enervaremus. Nec quidquam inde damni, quod in lactis acorem re- fundi posset, lactenti pusioni evenerat.

Ner-

Nervinorum, anthystericorum rara occasio *Prudens*
 fuit. Non enim mox nervos, irritabilitatem *nervino-*
 nimiam, spirituumque ataxiam, & anomalos mo- *rum usus!*
 tus accusabamus, nervinis, narcoticisque sopien-
 dos; quæ tamen nervei systematis accutatio alias
 frequentissima esse solet, ubi quædam aut dolo-
 rifica sensatio, aut aliud quid a sanitate recedens
 in puerperis advertitur. Nonne eni minervi ami-
 cabile quid sunt, & minime seditiosum, nisi
 autorem turbarum habeant, in quem inquirere
 omni studio necesse est, quemve nos intra syste-
 ma gastricum conclusumprehendimus sæpissi-
 me: eo inde deturbato seditio siluit.

Miliaria puerperæ nostræ non habuerunt. Uni *Exan-*
 exanthema urticatum erupit. Si ea in memoriam *themata*
 revocem, quæ, dum inter Hungaros medicina *plerum-*
 nam feceram, experiebar, nullus dubito, quin *que præ-*
 præverti miliaris eruptio cum emolumento fere *verti pos-*
 semper possit. Etenim numerosa cum hic, tum *sunt.*
 alibi capta observatio me vel invitum, & lon- *Forun-*
 ge alia non ignobili medendi magistro edoctum *dem ori-*
 convicit, febrem miliarem, petechialem, scar- *go*
 latinam, urticatam, erysipelatofam originis ga-
 stricæ semper esse; posse sæpissime præverti ma-
 tura ventriculi, & intestinorum vacuatione; esse
 has omnes febres, ubi præpedire eruptionem
 medicus jam amplius nequit, tum forte primum
 accersitus, cum materies magnam partem jam
 intra humorum circulantium ditionem irruerat,
 putridas. & ægitudine intensiore facta, ma-
 lignas; febres hæc exanthematicas esse aut ga-
 stricæ, aut putridæ, aut malignæ febris varie-
 tates solum, modosque per accidens differentes,
 quemadmodum eadem planta vario sub sole mul-
 tas, sed accidentales solummodo varietates pa-
 titur.

Id mihi videor observasse, miliarium genitricem materiem esse potius pituitosam, petechiarum biliolo-putridam, scarlatinæ acrem, volatiliorem cæteris, quæve corporis superficiem citius petit, & præ aliis sæpe numero magis septicam.

Febrim erysipelatofam a tenuiori, & acri bile proficisci methodus antibiliosa demonstrat, quæ solventibus, emetico, & acescentibus eccoproticis morbum cito sanat.

Phlogisticam sanguinis conditionem erysipelatofæ febris nonnunquam complicatam *acriori* resorptæ bilis stimulo debemus, sanguinem succedenti.

*Quomodo
Febri
puerperarum
medendum
sit.*

Sunt, qui quærant, calidane medendi methodus, an frigida febris puerperarum sanandæ congruat?

Huic quæstioni per ea satisfactum credo, quæ hucusque in medium protuli.

*Antiphlogistico-
rum va-
ria apud
varios no-
tio.*

Juvat tamen pauca quædam subnectere cam ad rem attinentia.

Antiphlogisticum id omnibus appellatur, quod vires possidet febris ignibus contrarias.

Verum hic in diversissimas opiniones excurrunt, si, quæ ea domandi caloris vi polleant, interroges.

Vir celeberrimus Antonius de Haen, cui nuper demortuo me arbitrium meorum Præpositorum suffecit, T. I. Rat. Med. cont. cap. IX. homini malignâ febre detento se curam antiphlogisticam fecisse ait, cum eidem primo die sanguinem mitteret, simulque suris vesicantia, ac plantis pedum admooveret, datis præterea & enemate, & avenæ decocto cum oxymelle, & nitro, cumque altero die & corticis peruviani decoctum

coctum præscriberet, celebrata denuo eodem tempore phlebotomia.

Idem T. II. Rat. Med. cont. cap. III. pro frigefaciente opii vi acriter pugnat, ut adeo etiam opium ex hujusce auctoris opinione antiphlogisticorum catalogo inferatur, unde emetica prorsus expunxit, acerrimus eorundem odor, ut vomitum emetico propinato a multis retro annis nemini moverit.

Hæc fere ex ejus mente antiphlogisticorum classem expleverant, si crebram adhuc ægrotantium extra lectum moram, & stragula levia, lustratumque cubiculi aërem addideris.

Quo jure, quave injuria clarus hic Auctor omnia hæcce remedia in eandem antiphlogisticorum societatem receperit, in præsentiarum non quæro.

Immortalis Sydenhamus præter sanguinis detractiones, aërem refocillatum, & frequentem ægrotorum ex lecto abstinentioniam, potus largos, & diluentes, catharsin quoque miro modo refrigerare aiebat, quo loco febrim *novam* descripsit a prava intestinorum illuvie prognatam.

De emeticorum antiphlogistica virtute quid senserit, multis in locis & verbo docuit, & exemplo. Sic ubi in primo variolarum stadio ægritudo vehementior fuerat, & intensior febris, ubi vomitu enormi, vertigine, dolore artuum quasi rheumatico sævum in modum vexabantur, ubi & ætas florens, & immensa materię variolosæ exitum quærentis moles, & exarsuans, sive is a Venere, sive a Baccho fuerit succensus, sanguis febrim supra modum ferocientem effecerant, præmissa phlebotomia emeticum *eradicativum* ex infusione croci metallorum exhibuit, qua ratione materies foras prorupit,

ægro ita refocillato , *ut jam quasi sanus lectula abesse quiverit.*

Qui a purgante, emetico, & a sanguinis missione abstinuerat, & ægro stragulis coacervatis sepulto, spirituosus, ac calefacientibus sudores elicuerat, *is calido regimine* usus a Sydenhamo dicebatur.

Liceat hic meam de antiphlogisticis mentem explicare.

Nullum dari remedium arbitror, quod antiphlogisticum absque ullo ad certam morbi causam respectu compellari mereatur. Nunquid enim venæ sectio hominem febre inflammatoria æstuantem, quam sanguinis orgasmus, & nimia fibrarum strictura, ac irritatio generaverit, insigniter refrigerabit, quem emeticum validius succendisset? nunquid e contrario eadem sanguinis missio, iterata præcipue, & largior efficiet, ut febris altius exardescat, quam acris forte in ventriculo bilis nutrit? nonne hunc emeticum potius refrigerabit, si, quod febrim aluerat, biliosum pabulum sustulerit?

Sæpe hercle mirabar, uno dato emetico & ferocientem illico sopiri febrim, & infandam cephalalgiam conticescere, ac placidissimum mox a vomitu somnum obrepere, ex quo æger evigilans præter residuam aliquam lassitudinem nil conqueratur.

Cui suppressa materies perspirabilis febrim accendit, nonne sudores potu largo diaphoretico, & lecti stragulis elicti sæpe numero febrim extinguunt?

En quam nullum propemodum remedium sit, quacunque cæteroquin virtute gaudeat, quod non aliquando certo loco, certo tempore, certisque in morbi causis refrigeret! En quam non
suf.

sufficiat, methodum antiphlogisticam commendasse, cujus utpote non eadem est apud omnes notio! En quam alia sit, atque ab le ipsa differens hæc methodus, quemadmodum aliæ, atque aliæ fuerint febrilis ardoris causæ!

Nos feбри puerperarum methodum antiphlogisticam adplicabamus, cum omiſſa phlebotomia gravantem materiem emetico, vel purgante eliceremus.

Sed quæ ratio, cur hæc febris puerperas potius, quam gravidas invadat, cum eidem causæ morbificæ & hæ, & illæ ex æquo pateant, neque is morbus velut effectus necessario puerperium consequatur?

Respondeo: utut puerperas potius ea febris apprehendat, non tamen omnino ab eadem immunes esse, quæ uterum gestant. At quod illæ præ his morbum frequentius experiantur, inde facile reperes, quod puerperium partium solidarum debilitatem, & aliquam sanguinis jacturam faciat, hinc bilis, quam sanguine frænari veteres non inconcinne dixerunt, rescisso hoc fœno efferri incipit, atque repagula effringere.

Morbi materies alio in corpore, aut utero non gravido, fortassis iners, atque innoxia mansisset, aut vitio temporis mutato vim ventriculi subactricem experta denuo esset, & in benignum humorem conversa, aut vero a sui conservatrice natura, tanquam noxius in republica civis, exterminata, quæ nunc circumcisis ex puerperio vitæ viribus efferatur.

Incommoda a lacte ad mammas delato vix ulla unquam vidimus, cum puerperæ proles suas ipsæmet lactarint; una tamen, alterave vice contigit, prole mortua & febrim, & incipientem mammarum inflammationem ob lactis redundan-

Incommoda lactis in puerperis.

tiam observare. Non permisi violenta suctione dolentes mammas tentare, sed applicato molliente fotu turgens mamma lac sponte dimisit cum pleno doloris levamine. Interea blando pharmaco alvum sollicitabam, duplici cum emolumento, cum & febris epidemicæ iretur obviam, & abundantia lactis.

Magno periculo haud vacare eam methodum semper existimavi, quæ lactis aggesti copiam ex mammis denuo intra humorum circulantium alveum receptam, cum iisque per corpus circumductam, attenuatamque vi vitæ, ad corporis superficiem remediis sudoriferis ablegat. Quid enim, si forte strictius quoddam alicubi viscus sit, quod appellentem humorem lacteum meare ulterius haud sinat, eumque angustis canalibus impactum retineat? Quid, si e contrario pars quædam prævie laxior promovendæ moli lacteæ impar sit, ad quam aliena hæc materies decumbat?

Præstare autumo, generando lacti pabulum subducere victu tenui, ac purgante remedio, & quod generatum jam abundantius est, ad collatorium invitare excipiendis crassioribus etiam recrementis par, & potens aliorum omnium collatoriorum vices subire.

CAPUT X.

FEBRIS ÆSTIVÆ

Anni 1777. in variis individuis lusus varii.

Quavis æstate e scaturigine biliosa febres *Febris æstiva 1777.* promanant, *ejusdem* omnes naturæ, sed quæ aut frequentia, aut discrimine, aut celeriori decursu, aut tardiori, aut hoc, vel illo evidentiori symptomate diversis æstatibus diversimode variant.

Accidentalis ista ejusdem morbi varietas non *Cum non dum habetur practica febrium classificatio.* semper a medicis intellecta multam induxit confusionem, cum tot propemodum per essentiam differentes febres conderent, quotquot ejusdem febris in diversis hominibus, atque annis diversis symptomata eminentiora conspicerent.

Hinc novam febrium cohortem terris incubuisse clamitatum sæpius est, cum novus tantum esset *ejusdem* febris lusus. Rem leviculam, & accidentalem, sed quæ non philosophantium oculos feriebat, arripuerunt, missa morbi essentia, nubem pro Junone amplexi.

Hæ febrium putativæ novitates, & divisiones, ac subdivisiones earundem ex non necessariis notis repetitæ mirum quantum pyretologiam turbarunt, aut verius, ne ulla hucusque practica febrium classificatio condi potuerit, impediverunt.

Hac quippe dividendi, & definiendi ratione plures toto cælo diversæ inter se febres *eodem* do-

natae nomine fuerunt, & confusae, propterea quod, utut quam maxime inter se differentes, eodem nihilominus symptomate tanquam eadem veste larvatae incurios deceperint.

Taceo, quod in immensum incretceret februm numerus, jam modo nimium quantum adauctus, si a quovis cujusvis febris luculentiori symptomate novam vellemus febrem creare.

Bona
classifica-
tionis ne-
cessitas.

Ne quis hunc errorem inter innoxia philosophantium deliramenta ponat! Methodum enim medendi eandem saepenumero diversissimis febribus, sed eodem vocabulo insignitis, quasi semper eodem morbo adaptant. Tunc malam docentis divisionem æger immeritus luit.

Plurima praestitit Sydenhamus. Sed labor hominis unius, utut perattenti, & laboriosissimi non suffecerat operi tam vasto, quod & plurimorum diligentiam, & pluribus saeculis fatigaret.

Quae priora tempora de febribus dedere, multa, & rudis moles sunt, & non digestum chaos, si Sydenhamiana cum paucis aliis exceperis,

Materiem condendo operi parem nondum omnem habemus.

Hinc pauca & ego congere volui, quasi quaedam futuri quondam aedificii aut lacunaria, aut lapides, aut quoscunque in usus prudens quondam architectus iis uti velit.

Exponam nempe, quas fabulas dederit eodem in theatro febris eadem, quae vere adulto, & per æstatem in scenam prodiit, & quam diversas egerit personas.

Ipsas ægrotantium historias strictim dabo, ut, si etiam meum de hac febre ratiocinium fallat, non fallat tamen observatio fida non ex memoria vacillante, sed ex pugillaribus descripta, &

mul-

multiplex, & summe vera, & oculis plurimorum Nosocomium adeuntium quotidie usurpata.

Exordium a febre biliosa faciam, more phrenitico caput impetente: fit ergo

ÆGER PRIMUS.

Phrenitis biliosa.

Vere adulto chirurgum tyronem manibus, pedibusque ligatum, & mota mente ad Nosocomium deportant, & sequentia narrant: a longo tempore studia immoderatus tractat, & in multam noctem: palluit magis ab aliquot septimanis, & per novem ferme dies minus appetit. Hæri vesperi concidit impos mentis: noctu sæpius suspiravit, aliena subinde locutus. Neminem agnovit. Sanguis semel missus absque levamine est, aspectu bonus. Ad interrogata non respondet.

*Phrenitis
emesis cura-
rata.*

Homini linguam ex albo virescentem habenti, & non maximopere febrienti purgans per epicrasin ex manna, & sale amaro mox dedi, & mulsi copiam. Nondum mota alvo vomiturire cepit, hinc mutato consilio, & quod reliquum purgantis erat, seposito, emeticum propinavi, quo multa viridia, pituitosaque repetitis vomitionibus refusa sunt, mente mox post vomitum restituta. Capitis superstes gravitas remediis salinis alvum blande ducentibus, & demum amaricantibus, ex integro, & cito sanabatur.

Linguæ, & virescens faciei pallor, & immi-
nu-

nutum ciborum desiderium, ac morbi alii certo gastrici tunc tempestatis prævalentes, phrenitidis hujus sympathicæ & causam morbificam, & ejusdem sedem facile demonstrabant.

ÆGER SECUNDUS

Hemiplegia a bile.

Hemiplegia. Famulus 52. natus annos, olim miles, pauci cibi, sed multi potus, ejusque ex vino viliori, non adusque tamen crapulam, initio æstatis balbutire repente, mox retrahi dextrorsum os, & sinistrum brachium cum crure ejusdem lateris exsolvi cepit. Mens integra. Cruris exsoluti perobscurus motus, nullus brachii. Sanguis binis domi vicibus missus est absque levamine. Hominis ad Nosocomium delati lingua albidissima fuit, & blæsa vox, & artus, uti dixi. Ictus arteriarum fortes, pleni, sublimes. Venam & ego secui ad uncias sex, cujus tamen me postea sectionis pœnituit. Sanguis bonus, sed nullum levamen. Mox ructare aliena quasi vomituriens cepit. Datum emeticum plurima tenacia, & vitellina eduxit, mox subsequente post vomitionem obscurissimo brachii emortui motu, & cruris majori. Purgantia salina, & repetitum post binos dies emeticum artus reddidere magis mobiles. At hic emendatio substitit. Hinc totam dorsi spinam, partesque resolutas remedio perfricui ex spiritu serpilli, & tinctura cantharidum composito ad cutis usque ruborem: adplicatum quotidie emplastrum vesicans est, sed alio die alibi.

Plagæ vesicante tentatæ nolui, ut suppurent, spem in resorpto cantharidum stimulo movente, & incidente ponens. Pillulis præterea usus est ex gummi ammoniaco, myrrha, & aloes auxilio.

His integre, & intra breve tempus corvaluit.

Capitis affectus multo plures, & graviores vidi a ventriculi vitio, & intestinorum, quam ab idiopathica encephali labe natas.

Capitis dolorem sæpenumero ex abdomine provenire non infeliciter hariolabar, etsi omnia me signa deficerent male habentis systematis gastrici, quod is sola acerbitate per vices intensiori
Encephali cum ventriculo sympathia.
 suos a ventriculo natales proderet.

ÆGER TERTIUS.

Febris biliosa neglecta, seu species malignæ febris cum symptomate phrenitico.

Josephus Kebaum 24. annorum, opilio, a sex *Febris*
 septimanis cardialgiam queritur, auctam a pastu, *maligna.*
 & confractum crurum, femorumque robur, ac dolens caput, leviculos insuper horrores, vagos, & os amarum semper. Potissimam partem temporis hujusce extra lectum transigit, sub dio penes ovium gregem, quem paverat, humi fusus, & sole, id quod amaverat, percalefactus.

Lassa trahens membra, & per aliquod itineris spatium curru vectus die 11. Julii ad nos venit.

Pulsus naturali parumper celerior, non durus, & temperatus calor: adusta sole cutis, & rubor faciei translucente flavedine. A pinnis na-
 rium

rium ad utramque usque labiorum commissuram flavissimus tractus. Lingua leviter ex albo flava, & amarus assumptorum sapor. Non appetiit, non sitivit. Oculi diluta rubedine suffusi, & lacrimosi. Sera nocte cum ferocia delirat.

12. Julii ferocia perstat: pulsus validus, plenus: paucus sanguis ad uncias scilicet octo, & aspectu bonus detrahitur absque levamine.

A meridie vi ingestum emeticum est, unde multa oleo veterrimo persimilia ore reddidit. Sera nocte resipuit.

13. Facies flavescens: febris: mens constat.

14. Julii emeticum. Vomuit multam pituitosam bilem: es, & præcordia bona: febris.

15. Julii capite magis dolenti, & validius febrienti missus sanguis est aspectu bonus: febris eadem: tussis.

16. Facie magis flavescente febris mitior. Dato emetico biliosa rejecit. Inde pallor loco flavedinis: cephalalgia, & tinnitus multum minuebantur. Tussis, & sputa mucosa.

Ab eo tempore minus quotidie febricitabat, commode per omnia habebat. At

21. Julii levis amaror oris: respiratio sibilosa, strepens, & abdominis ad attactum dolentis: turgor emeticum postulabant: inde omnia denuo emendata.

Ab aliquot diebus nocturna tussis spura multam pituitosa movit; hinc saturatum lichenis, & polygalæ decoctum primo tussim, & sputa, deum etiam crurum pertinax oedema sustulit.

Tempore inter vomitoria medio remedia salina eccoprotica, & leni vi roborandi prædita exhibebantur. Et ubi alvus immoderatio viribus ruinam minabatur, radix arnicæ ad dr. sem. —

scrup.

scrup. ij. — dr. j. omni bihorio data suppetias tulit.

Emeticum nobis erat rad. ipecac. ad scrup. ij, quos grano uno tart. emet. acuimus.

Homini sui ipsius negligentissimo, & meridiani solis ardoribus exulto, *quod humidissimum, & aquosissimum in bile erat, resiccabatur, & consumebatur; crassissimum vero, & accerrimum relinquebatur, quod in sanguine eadem quoque ratione acciderat.* Hipp. de natura hominis c. 3.

Vomitiones excitatæ mentem restituerunt.

Mens vomitorio restituta. An v. s. in febre biliosa conveniat.

De sanguinis missione in morbis biliosis instituenda sæpius a viris doctis quæsitum est, an, & quousque, & quem in finem mitti hisce in morbis sanguis possit? En! quam ego legem ea in re sim secutus.

Morbo bilioso venæ sectionem nunquam *per se* convenire mecum statueram, cum quod extracto sanguine bilis domitore morbus acrius insurgat, materie intra sanguinis stationem liberius irridente, tum quod, quæ emetico, & purgante feliciter auferuntur, & cito, sanguinis detractio-
ne saltem non indigeant. Observatio numerosa, medendi princeps magistra, me hunc de sanguinis missione canonem edocuit.

Verum si humor biliosus magnam partem per corpus diffundatur, & plethoræ species, vasorumque turgor tum a bonis succis, cum a pravis intra sanguinis alveum receptis, indeque & febris valida, & humorum circumeuntium obniti-
miam eorundem copiam quædam quasi strangulatio imminet, sanguinem mitto, sed avara manu, & ad uncias paucas, ut me nunquam pœnitere largius effusi sanguinis possit, educturum denuo paucum quid, si necdum obtinuero, quæ proposueram.

Expertus assero non una vice, plus nocuisse sanguinem, ubi non oportuerat, missum, quam non missum, ubi oportuerat.

Phthisis pituitosa. Tussim, nocturnam maxime, & sputa crassa, pituitosa, copiosa, & *phthisin pituitosam* a febribus gastricis, quæ aut ægrotantis, aut medici negligentia, aut mala medicatione in malignas abiere, per frequentem, sæpenumero amariorum remediis, lichene, polygala, radice arnicæ, & cortice peruviano, ac diætâ restaurante &c. sanavimus.

ÆGER QUARTUS.

Furor ex alvo biliosa, cum flueret, compressa.

Delirium ferox curatum. Quidam 30. annorum, studiosus corpore stricto, & facie, quam atræ bilis vocant, cum flu-

diis immoderatus indulgeret, 1. Augusti oriss queritur amarorem: sponte vomit amara: modice incaluit: vespere largi secessus, & biliosis.

2. Augusti secessus frequentes. Bibit haustum salinum, unde multo crebrior dejectio.

6. Augusti alvo hucusque mera, multa, frequenter, prodeunt. Quotidie magis incalescit, inhorret per vices. Denuo hausit potionem salinam. Inde apyrexia longa, at alvus fluens adhuc, & aucta debilitas. Morbum hucusque obambulans toleravit, ore amaro, fastidiosus.

8. Augusti dato remedio ex chamomilla, & stomachicis quibusdam, ac spirituosus confectus, quod nimis secessibus prospiceret, mox excruciarî dolore abdominis, ejulare, & paulo post furere cepit, alvo repente suppressa.

9. Au-

9. Augusti vesperi ad nos delatus fuit: venter nil reddidit. Pulsus validi: aliquis calor: lingua flava.

Cum ventriculum aqua mulsa repleveramus, mox ea adhuc nocte emeticum dedimus. Tarde vomuit, & ad auroram, cum ultimo vomeret multa, flavaque, ilico resipuit: nondum deiecit: denuo desipuit post paucas horas, delirio miti. Alvus hucusque clausa, acriori enemate sollicitata copiosissima reddidit, mente mox restituta. Haustus salini: quies placida.

11. Vomitorium: vomitiones biliosae: mens firmior: vesperi de novo clamor per vices, furorque.

Alvum potione salina frequentiore effecimus, postea sermones multi, inconcinni, absque furore. Cantus, risus: lingua biliosa, & auctior, uti hucusque, vesperi calor, pulsu hodie pleniori, & duro. Sanguis detrahebatur ad uncias quinque, non accusandus: noctu, & die insequente mens saepius vacillans.

12. Augusti alvus nulla: pauca vesperi exacerbatio, at noctu ferox delirium.

13. Aug. purgans ex manna. & multo cremore tartari frequentes, & copiosos secessus fecit: remittit furor: per intervalla praesens animus, at intermedio tempore multa locutio, & non ad rem: nulla febris: nox omnium placidissima: somnus multus, tranquillus, resiciens: alvus fluens ex eodem remedio.

Inde mentis major indies & serenitas, & constantia rediit, continuato ejusdem pharmaci purgantis usu.

26. Augusti cum ultimis diebus rheo, & amaricantibus ita ventriculo provideremus, ut alvus parcius efficeretur, non flueret profusa,

nec clauderetur , sanus & animo , & corpore ad suos rediit.

Sanitatem illi firmam perstitisse , serius innouit.

Diarrhoeam biliosam *repente* sisti , sive id arte fiat , seu suapte , encephalo inimicum multoties vidi.

Phreniticos & potentiori vomitorio indigere , & tardius , difficilisque vomere , observationes docent.

ÆGER QUINTUS.

Ophthalmia a vitio ventriculi orta , ad vesperam exacerbata , & curato ventriculo sanata.

Ophthalmia peculiaris species. Philippus Kezler rusticus annorum 22. ab aliquot jam annis oculorum rubedine dolorifica per intervalla tentatur , dextri præcipue , quem etiam modo albugo maculat. Varia adhibuit , quæ vel fors obtulit , vel agyrta suasit , vel anicula.

Ab anno aliqua oculorum emendatio. Sinister vix aliquod opacitatis in cornea vestigium , dexter vero albuginem exhibet , cui cum ante quinque septimanas unguentum illiniret acre , dolor , rubor , & continua lacrimatio oculum utrumque , validius vero sinistrum ,prehendit. Cætera sanus , die 4. Junii Nosocomium accessit.

Hirudines pone oculum acutius dolentem applicatæ , & discutiens cataplasma ne hilum profuere.

Per tres ex ordine dies observavimus , oculos rubere semper quidem , dolere tamen flata quoti-

tidie hora, 4. videlicet vespertina, dolore longam comitante noctem, & ad auroram prolugo.

Nullum ceteroquin ullius vestigium febris: at linguam flavicans materies obsedit, & faciem totam multa flavedo suffudit.

Cum per hosce dies haustus salinos assumpsisset, die 6. Junii epoto emetico multam flavam, & tenacem bilem vomitionibus crebris refudit. Mox ea vespera dolor oculorum nullus, stante rubedine.

8. Junii cum pridie denuo doloris quid, ut ut perpaucum, vesperi rediret, lingua, & facie biliosis, iteratum emeticum copiosam denuo bilem excussit. Nulla ea vespera acerbatio, nec sequentibus diebus. Superstes indolens rubedo vesicante pone oculum adplicato discussa est.

Cum denuo dolorifica quædam sensatio, & lacrimatio reverteretur, nullis collyriis, aut alvi ductionibus profliganda, tertia demum vice emesis concitata multam bilem eduxit. Inde faciei pallor, & oculorum constans sanitas. Ventriculo amaricantibus, & rheo cautum.

ÆGER SEXTUS.

Parotides.

Fœmina 38. annorum initio Junii inhorruit, æstuavit modo erroneo: cibi fastidium. Elapso ^{Paroti-} ^{dum} ^{cura.} quatruiduo parotis sinistra prætumida dimovere maxillas prohibet. Ad nos venienti datum est hordei decoctum cum oxymelle, & sale medio: demum emeticum. Unde bilis plurima flava, & æruginosa ore, & alvo rejecta est: mitior febris, & parotis multo minor.

- Emeticum ternis adhuc vicibus repetitum, biduo, triduove singulis vomitionibus interposito. Copiosa semper αὐτὸ κατὰ ἐκτὸς educta bilis cum luculento levamine, donec post ultimam emetico-catharsin & febris nulla fuerat, & tumor nullus.

Alia eodem tempore ad nos venit æstiva febris detenta cum parotide. Medicinam illi antibiliosam fecimus, & convaluit. At parotis, cum huc veniret, jam pure turgebat; pus mox emissum morbum neutiquam solvit.

Nosmet ipsi coctionem remediis solventibus, turbas vero criticas, crisinque & rutam, & morbo parem propinato pharmaco fecimus, quod emesin una, & secessum movit: quaternis æque emeticis indiguit.

Emesin medicamenta salina, & rhabarbarina exceperant. Probe vacuatas, & sine febre, tonica, & stomacho amica remedia confirmarunt.

Parotidi incrementi, nullo adhuc dum confecto pure, subtrahere nutrimentum semper studui, nullum commodum ab ejusdem suppuratione, incommodi vero perquam multum aliquoties expertus.

Sola cholera, quam arte concitamus, febrim biliosam cito, & tuto, unaque etiam parotidem sanat.

Parotides in febre miliari, biliosa, putrida, maligna nunquam vidi criticas, nunquam in Nosocomio primum nasci mea medendi methodo adhibita, ortas vero priusquam ægri ad nos venirent, pure nondum confecto, felicissime dissecuti,

Parotidem formato pure plenam si quis ad nos adferret, puri utique exitus parari sectione debuit. Sed ea curatio & difficilis fuit, quod par-

tes abscessum ambientes induruerint, atque non nisi tarde emolliantur, & ob tardos coalitus plurimum tædiosa.

Clazomenei recordabar, ad Phrynichidæ puerum decumbentis, cui alvo subsistente *tubercula circa utrasque aures extiterunt cum dolore.* *An parotides morbum solvant.* At circa utrasque aures extiterunt cum dolore. At circa trigesimam primam profluvium alvi ex multis aquosis, cum ejusmodi, quæ in dysenteria prodire solent. — Tubercula circa aures sedata sunt.

ÆGER SEPTIMUS.

Pleuritis biliosa cum sputo cruento.

Sartor 20. annorum a tribus septimanis minus appetit: os amarum. *Pleuritis, & sputum cruentum.*

9. Junii capite dolet, calet, sitit: dolor artuum vagus, & amaror oris.

10. Junii accessit lateris dextri pungens dolor: alvus nulla: somni exigui.

13. Junii omnia exacerbata: rari secessus, & difficiles: laboriose tussitat: cruenta, meraca sputat.

14. Junii omnia graviora: sputa cruenta, copiosa.

15. Junii æstus, sitis, inquires: dolent præcordia, maxime dextrorsum.

16. Junii ad nos deportatus dicta ratione febriebat. Tussis sonora erat, & sputa non amplius meraca, sed mucosa lineis tantum sanguineis distincta. Potus ex aqua mulsa, & aceto copiosius, & ad noctem emeticum. Multa glutinosa, & subbiliosa revomit. Tussis perstat quasi catarrhosa: epigastrio, & latere multo mi-

tius dolet. Nil sanguinei in sputis : sputa mucosa : febris pauca : sapor melior assumptorum.

18. Junii omnia multum remiserunt : vix ulla febris.

20. Junii tussis admodum rara : sputa paucissima, mucosa, & inimpedita spiratio : facilis in omnem partem corporis conversio : redire & cibi desiderium, & vigor corporis cepit.

Mitioribus salibus sepositis, rheo, & amaricantibus corroboratus paucos post dies domum petiit.

Id in anamnesi hic æger habuit, consimili se morbo duos ante annos decubuisse : curatum se inde, sed lente, & non ex integro fuisse : restitasse enim ab eo tempore siccam tussim, & quamdam pectoris oppressionem.

ÆGER OCTAVUS.

Pleuritis biliosa.

Pleuritis æstiva. Juvenis 18. annorum, sartor, 9. Julii alternis vicibus horruit, caluitque. Ad sternum opprimi se per intervalla ajebat : mammam dextram primo more pleuritico doluisse, dolore mox per omne thoracis latus diffuso, aucto inter tussendum, & cum spiritum duceret. Lateri sano facilius incubuit : sapor amarus : anorexia : aquæ inexplabile desiderium : mictus ardens : alvus immorigera. Doluit ventriculus ad attactum : lingua villis flavicantibus hirta.

Hæc morbi conditio ad 14. Julii, quo die nos accessit.

Præmissis solventibus copiosis sera vespera vomitorium : vomuit biliosa : sæpius dejecit. Nocturnalax.

largus sudor: dolor lateris vix ullus: vix ulla febris.

15. Julii nulla febris, amaror modicus.

17. Julii tinctura rhei aquosa, cum paucis sale medio, dein amaricantibus usus, exacte, & brevi convaluit.

Ad canthum externum oculi dextri pone corneam tuberculum albidum exstabat, tribus pilis ex ejusdem apice prominentibus, idque a natiuitate, & citra visus læsionem.

ÆGER NONUS,

Peripneumonia biliosa cum sputo cruento.

Josephus Trexler annorum 28. die ultima Maji, cum ex opere murario præter morem incaluisset, *Hæmoptoe bilio-* frigidam hausit: inde rigor, quem vino, & *sa.* piperis fugare voluit. At inde thorax sinister mox graviter, & acute doluit: æstus. Die proximo decubuit: venæ sectio: non levatur: pectore opprimitur: multum tussitat. Dolor fixus circa infimam thoracis sinistri oram, latius ad totum pectus, & ad ventrem diffunditur. Cruentata, meraca copiosa sputat: oris amaror, & stomachi fastidium.

2. Junii sponte biliosa vomuit: non est allevatus.

3. Junii denuo suapte, & sine levamine amara, & flava vomuit.

4. Junii ad nos delatus est. Febris valida: sputa, dolorque, uti dictum: abdomen attactum refugit. Sanguis missus est ad uncias decem; crusta crassa phlogistica, ex albo flavescens;

scens, & serum viride: sed ne hilum emendatus.

5. Junii emeticum propinatum flava, & oleo veteri non absimilia multa excussit, minor multo pectoris oppressio, lateris, ac abdominis dolor exiguus: sanguinis perparum in sputando, & pauca febris.

6. Junii nulla febris: nullum morbi vestigium.

7. Ex lecto surgit: & brevi post valetudine confirmata discessit.

*Constitu-
tignis u-
nius in
aliam
transitus,
febresque
compl-
etæ.*

Adulto vere æstati contermino febres inflammatoriæ se proripiunt, quibus aliæ succedunt presso pede, biliosæ indolis.

Ea ambarum febrium successio non fit repente, sed sic, ut inflammatoriæ gradum lente retrahant, quæve ex his agmen claudunt, cum primo insequentium biliosarum exercitu misceantur, & hæ illarum terga cædant.

Eo tempore utramque non raro & inflammatoriam febrem, & biliosam eodem in homine commixtas offendimus.

In hoc ægro ea febris utriusque complicatio aderat, nam corium sanguinis phlogisticum, crassum, & tenax conspeximus, inflammationis characterem, & bilem multam vomitu profusam. Prævaluit tamen vitium biliosum.

*Metbo-
dus me-
dendi fe-
bribus
complica-
tis.*

Illi hosti promptius obviam eundum est, qui acrius, & periculosius instat. Raro æquali impetu invadunt.

Eo etiam tempore, quod veri extremo, & primæ æstati interjacet, biliosæ febres sanguinem facile succendunt; ut in hisce biliosis hujus temporis curam sanguinis missione, etiam iterata, inchoare oporteat. Æstate vero provec-ta rarissimus erit phlebotomiæ usus.

Quæ anni pars autumnii extremam oram prin-

principio hyemis nectit, hoc impar bilis cum phlogosi connubium quotannis videt; ea enim tempestate ventriculi hominum magis calidi, & æstivis ardoribus, quibus resolvebantur, per autumnum extinctis, valentiores effecti effera-ram hucusque bilem coërcent, subiguntque, ut multo rariores hoc tempore morbos faciat, atque ejus persæpe generis, quibus aura frigidior plus, minusve inflammationis adspersit.

Hinc ver adultum, & autumnii posterior portio utriusque partis primariæ anni, æstatis nempe, & hyemis, utrinque quasi fibula erit, morbique ex vitio æstivo, & hyemali conflati utrumque hunc temporum contrariorum nexum notabunt, si modo omnia tempestive, atque ex ordine obveniant.

Ea temporum annua ratio neminem fugere medicorum impune potest, cum *ex anni temporibus morbos conjectare* asserente Hippocrate detur.

Sed & humores, quibus anni temporibus efflorescant, nosse oportet, & quosnam in singulis morbos efficiant, & quasnam unoquoque in morbo affectiones pariant. Hipp. de humoribus c. 3.

ÆGER DECIMUS.

Cholera: pleuritis biliosa: sputum cruentum.

Mercenarius viginti, & unum annos natus ante triennium æstate acute ægrotabat, sanus post-hac.

Die 16. Augusti mane bihorio riguit, dein æstuavit; mox pectoris oppressione, crebra tussi,

*Cholera:
cruenta
sputatio
&c.*

&

& punctorio penes mammam sinistram, ac gravi dolore corripitur: decumbere cogitur.

17. Augusti æstus, anorexia: decies sponte vomuit, amara, viridia: septies deiecit.

18. Æstus, vomitus, secessus, ut pridie: noctes insomnes: dolor lateris, & tussis incrementa capiunt: cruenta sputat.

19. Æstuat valide: secessus frequentissimi, septeni spontanei vomitus, semper biliosi: sputa subinde cruenta.

20. Augusti febris: quater vomuit, nonies deiecit: pauca sanguinea sputavit: insomnis, & hucusque omni remedio destitutus.

21. Augusti, quo nos accessit, mane septies vomuit: caluit valdopere, pulsu forti, pleno, duro, accelerato: facies flavescent: lingua resiccata: spiritus difficilis: decubitus supinus, tolerabilior tamen in effectum potius, quam sanum latus: dolor lateris acutus, inspirando, tussiendo, & ad attactum auctus: diarrhoea: tussis plurima: vomituro ad assumpta: sputa glutinosa, & veluti ærugine tincta, sapore amara, intermixtis quibusdam sanguineis: potus largi ex hordei decocto, & oxymelle.

22. Augusti oppressio, tussis, dolorque major, alve, & emesi silentibus. A meridie dato emetico vomuit amara, glutinosa, multa, modicissime flava cum ingenti, & momentaneo levamine. Etenim nullus prorsus lateris dolor: oppressio nulla: pauca sputa, & absque sanguine: nulla febris: lingua humida, pura: non deiecit.

Ufus postmodum remediis lenissimis, salinis, & paucis stibio ad finem mensis usque, & demum amaricantibus contra relapsum probe communitus discessit.

Hæmoptoen *biliosam* dari, eamque mensibus æstivis subinde perfrequentem, emunctæ naribus observatores norunt. Ea res medicorum attentionem adhucdum desiderat, & praxin hæmorrhagiæ pulmonali hucusque opponi solitam omnino respuit: phlebotomia, iterata præcipue, male cedit, & quæcunque remedia alias hæmoptoes species apte levant, sanantque, hanc, de qua nunc sermo fit, exacerbant.

Peculiaris species hæmoptoes frequentius observata.

Hæmoptoe *biliosa* biliosæ febris symptoma plerumque est, quemadmodum exempla recensita monstrant. Sed etiam absque febre, manifesta saltem, copiosa, cruenta, meraca sputant, haud tamen absque signis præcordiorum bile turgentium, utut febre careant.

Æstas, & sordium biliosarum notæ, si quas in aliquo sanguinem sputante observaris, & nulla alias alio tempore hæmoptoes in eo homine consuetudo, sique ea conformatio corporis absit, quam cruenta sputatio primum, dein phthisis tenet, hæmoptoes *biliosæ* suspicionem tibi jure movebunt.

Ejus signa diagnostica.

Emeticum æque certo, & cito hanc hæmoptoen sistit, etsi largissima ea fuerit, ac illud cardialgiam, aut ructus pravos, aut nauseas quasi momento abstergit, ubi ventriculum cruditas læserit.

Et medicula.

Fuerunt non pauci, qui vomitione prima vix absoluta ne guttulam sanguinis amplius rejecerunt. Quibus ea felicitas non obtingit, id saltem solaminis obtinent, ut & perpaucum cruoris, & brevissimo tempore post vomitum sputent, sani posthac, ubi stomachicis, & amaricantibus œconomiae gastricæ subvenerint.

Afferti veritatem nos sola observatio docuit,
da,

fidæ, & castæ, & innumeris vicibus in Nosocomio capta.

Emetica nostra non solam emesin, sed etiam alvum movent, & ex scrupulis duobus, aut drachma rad. ipecac. & grano uno, raro duobus tartari emetici componuntur.

Subinde alvum ducere præ vomitu placuit, verum rarissime hæc purgatio profuit. Etiam hic evictum vidi, purgantia vices emeticorum subire haud posse.

Lætus recordor juvenis, quondam Turcæ, nunc Sacris Christianis initiati, qui mense Julio anni 1776. ex febre biliosa, & largo sanguinis sputo decubuit. Cum homini fluxum sanguinis ex pulmonibus actu patienti emeticum præscriberem, idque in præsentiarum facto opus esse assererem, qui mecum fuerant, me quasi aliena loquentem intuebantur, & quis rerum foret exitus, clam avidissime expectabant, haud clementius forte actum iri cum ægro rati, quam ut purpuream una cum bile animam evomat. Sed en! vomuit æger *αυωγην* multam, & sanguinis ne stria comparuit, jugulata febre.

Vulgatior postmodum observatio admiratione carebat.

ÆGER UNDECIMUS.

Pleuritis biliosa, gravis admodum, seu maligna.

Pleuritis maligna. Musicus 26 annorum ante triennium ex pleuritide in Nosocomio convaleuit, sanus postea.

Initio Junii oris amarorem queritur, fastidiosus, nauseabundus, vomituriens absque vomitu,

ru, aliena, foetidaque ructans, sanus cætera, & obambulans.

Die 15. Jun. æstu prehenditur, & dolore pleuritico per totum sinistrum thoracis latus diffusum, inspirationibus acutiore, & contiguum quoque humerum lancinante. Tussis, cephalalgia: in latus affectum difficiliter cubat. Vesperis omnia deteriora: secessus copiosi, frequentissimi: somni tenues, turbati: urinæ mordaces.

16. Junii horridus erratice, per vices incallescens, quater suapte flava, viridiaque vomit. Latus acutius dolet: decumbit: suo consilio sanguinem mittit: nil levatur. Diarrhœa.

17. & 18. Junii assidui calores: vomitus, secessus, uti pridie: multa sitis.

19. ad nos deportato caput temulentum erat, grave, dolens: sapor amarus, os mucosum: ructus foetentes, putridi: lingua quasi bysso flavescente obvestita, ad radicem siccescens: vomendi desiderium sine vomitu: thorax anterior inde ab jugulo totus, & epigastrium gravi quasi pondere opprimebatur. Paulo mitior lateris, ac antea dolor, mitior & humeri. Tussis: sputa pauca: alvus cita: faciei color luridus, cum virore flavescens: calor: pulsus fortis, plenus, naturali modice citatior: sitis.

Vesperis gravissima præcordiorum oppressio: anxietas: jactatio: sputa pauca, cruentis tincta. Sumto per diem largo solvente potu, vesperi emeticum exhibebatur. Vomuit inde multa, tenacissima, amarissima. Nox melior: alvus compressa: nullus humeri dolor & exiguus lateris; atque ita diei sequentis dimidium commodius, ac hucusque transiegit.

Verum a meridie diei 20. Junii febris increvit

vit pulsu duro, & citatori, quam pridie. Reddit ingens præcordiorum oppressio: laboriosa respiratio dolore lateris non aucto: meteorismus: diarrhœa: mens vacillans: tussis frequentior, & cruenta sputatio. Ea vespere sanguinis phlogistici corio crasso, non contracto, flavicante coniecti cum sero viridi, unciae quinque: detrahebantur. Nox laboriosa: singultus: diarrhœa.

21. Jun. cum alienis humoribus, pituitosis, & biliosis ventriculus, & intestina scaterent, & eorum ingens copia jam ultra vias primas progressa in pulmones impetuose, ac confertim irrueret, id facto opus esse arbitrabar, ut & ventriculum, ac intestina præprimis, ad quæ materies profundius descenderat, cito repurgarem, & pulmones præ humorum turgore propemodum suffocatos quantocius expedirem. Hinc potum exhibui frequentem, & leniter salitum, qui ventrem eluat.

Post sanguinem misi paucum duntaxat, ad uncias sex solum, ut pulsu duro, validoque remissione facto, & vacuato parumper sanguifero systemate irretita pulmonibus materies extriceretur, ac libera meet.

*Canon in
metastasi-
bus ob-
servan-
dus.*

In omni alienæ materiæ ad viscus aliquod periculoso decubitu inter alia spectare præprimis soleo, an hærens alicubi materies moram idcirco faciat, quod vis vitæ nimium dejecta molem ulterius promovere haud potis sit, quo in casu vesicantia, & cardiaca promptam sæpenumero operantur; vel vero, an *valentibus adhuc vitæ viribus* hostilis materies tumultuarie impetum, & pleno agmine faciat. Hoc rerum statu urgere vires cantharidibus, aut stimulis quibuscunque aliis haud conveniret. Hic potius irruenti hostii

ce-

cedendum paulisper est, & amplianda spatia, ne intra angustias conclusus sibi ipsemet exitum præcludat. Hic sanguinem demo, cauta utique manu, & parce, & per vices: & demum potu, fotuque emolliente vias conor expedire.

Id maxime in metastasi ad pulmones, & ad caput facta, plena discriminis utraque, facere consuevi. Delicatissima in praxi medica ea res est, ubi ob periculum summe præceptus in arena consilium capiundum. Verum quemadmodum in multis aliis, ita etiam hocce in casu evidentes canones statui non possunt, quos omnis, & facile intelligat. Prudens omnium, quæ ægrotum spectant, & adcurata æstimatio, quam usus artis assiduus, varius, judiciosus, multaue meditatio comparaverant, agendorum in re præcipiti rationes securius suppeditabunt.

Perstitit eo die & alvi frequentia, & respirationis labor, & anacatharsis cruenta: singultus per vices: at die

22. Jun. non singultit: omnia paulo mitiora.

23. Jun. caput, sapor, decubitus emendata. Eadem tussis cum sputis glutinosis, non cruentis: lingua viscida, villosa. Tussiendo, & inspirando totum epigastrium dolet. Dolor lateris multo minor. Secessus frequentes, virides, tenues, immixtis quibusdam duris, exiguis, scybalosis, quasi caprillis. Continuantur potiones salinæ. Calor, & pulsus ferme ut sano homini: lotium biliosum.

24. Jun. commodè habet. Alvus hesternæ: epigastrium vix dolet.

25. Latus perparum dolet. Fæcum alvinarum viror saturatus: ingens copia earundem, & frequenter prodit, glutinosis multis immixtis, & tremulis, sperma ranarum æmulentibus. Lin-

gua purior, quam præteritis diebus : pauca tussis : sputa glutinosa : vix vestigium febris.

Sali polychresto modo sal ammoniacus, modo stibium diaphoreticum non ablutum jnngebatur. His alvo mota, tussis & sputa conquieverunt. Rediit appetitus, & vigor corporis, ut post initium Julii per omnia sanus ad suos redierit.

Pleuritis biliosa, putrida, maligna, pestilentialis.

Qui pleuritidem biliosam, putridam, malignam, pestilentem adstruunt, non diversas res, ipsa pleuritides describunt, sed varium solummodo ejusdem morbi gradum, & varium discrimen.

Biliosus humor acrimonia peculiari destitutus pleuritidem generabit simplicem *biliosam*; copiosus vero, & acerrimus, & vim vitæ prosterbens, & ultra vias primas multum digressus, *malignam* ac tandem *pestilentem* producet.

Quomodo pleuritis biliosa in malignam convertatur.

Pleuritides vidi omni nota in initio simplices *biliosas*, quas, qui non noverat, repetitis phlebotomiis *malignas* reddidit.

Pleuritidi huic, cujuscunque illa intensio fuerat, eam medendi methodum opposui, quam in simplici vel biliosa febre, vel putrida, vel maligna utilem per observata numerosa noveramus.

Et methodus medendi tunc conveniens.

Propinaram remedia solventia, & salina, quibus emeto-catharticum subjunxi. Denuo salibus mediis mitioribus alvum blande subduxeram.

Hæc methodus in simplici biliosa pleuritide votis respondit.

Corticem peruvianum, camphoram, vesicantia, factis primum ventriculi & intestinorum evacuationibus, & per accidens utilia esse existimabam, atque eo in casu solum, quo corruent vita fulciri cardiacis debet.

Mala malignitatis notio.

Malignitatem pleuritidis haud rite edocti sunt, qui ubi phlebotomo exasperari morbum vident, mox

mox, nescio quam sanguinis putredinem delirantes, ad antiseptica ex classe præcipue stimulantium repetita confugiunt.

Hi *vocabulorum*, quibus ars utitur, notionibus contenti, illas *rerum* vilipendunt.

ÆGER DUODECIMUS.

Febris rheumatica; originis biliosæ.

18. Aniorum Juvencula ante mensem ex erysipelate decubuit, quo apud nos brevi depulso cæterum sana fuit, nisi quod ad hoc usque tempus frequenter capite doluerit. *Febris rheumatica.*

Die 20. Maji non appetiit, capite magis doluit, caluit, frigitque alternis vicibus, & copiose sudavit. Mox & lumbos, & crura dolor quasi ab acri rheumateprehendit. Tumor dolentissimus circa malleolos, & dextrum genu, cute non discolori. Dolentium artuum motus impossibilis: insomnis

21. Maj. æstus assidui: omnia exacerbantur.

22. Omnia, uti heri: ablata vel minima cruciæ absque summo cruciatu movendorum facultas. Sudores largi: nullus somnus.

23. Maj. eadem. Ad Nosocomium deportatur, genis, quin tota facie intensissime, & quasi ex illito saturatori fuce rubentibus, valide ætians, & pulsibus plenis, fortibus, duris, multum acceleratis. Lingua purissima, nullus pravus sapor, nec ullum ventriculi incommolum.

Fit larga venæ sectio. Sanguis venæ sectione eductus vix aliquid rubræ portionis, plurimum vero crustæ lardacæ, crassæ, flavescen-

tis, tenacis, diffusæ, & absque assurgente, quemadmodum alias in pleuriticis solet, per circulum margine fimbriato. Dorsum utriusque manus, & carpi tumere, & acutissime dolere ceperunt, atque hi quoque articuli immobiles fieri. Duo a venæ sectione vesicantia ad furas posita sunt. Augetur febris, dolorque, qui per totum brachium utrinque diffunditur. Plurimus sudor: absque somno

24. Maj. omnia eadem. Emeticum. Vomuit biliosa, amurcosa, mucosa, quam plurima: trequenter deiecit. Per aliquot ab emesi horas dolor fere omnis filuit, qui tamen noctu denuo revertebatur, priore vis benignior, somnumque copiosos inter sudores prohibens.

25. Dolor pristinus, articulorum præcipue: nox infomnis.

26. Maj. propinato emetico plurimam denuo *αυωγην* refudit. A vomitu luculentum levamen per longius tempus experta est: nondum dormivit: minus tamen artubus ea nocte doluit, eosque habuit paulo expeditiores.

27. Tumor, dolor, immobilitas recruderunt. Qui eo die meas absentis vices expleverat, venam secuit, & libram sanguinis eandem uti nuper, crustam phlogisticam exhibentis eduxit. Nullum prorsus a phlebotomia levamen.

28. Exhibitum mane emeticum. Vomitus copiosus, biliosus, indeque minor articulorum tumor: vix ullus dolor, & artus multum mobile per totum diem: aliquis somnus.

29. Redit dolor, etsi minus, quam antefævus. Artus minus ac heri obediunt. A meridie copiosam, & oleosam bilem propinato vomitorio reiecit. Inde plurimum levabatur: dormivit.

30. Omnia magis emendantur.

31. Maj. vix adhuc aliquis articulos subinde dolor pungit. Vix ullus tumor : motus artuum expediti.

1. Junii mane omnia bona. A meridie ardor ventriculi : cætera bona.

2. 3. Junii omnia bona.

4. Rediit nocte præterita ventriculi ardor. Malleolos dolor invasit. Mox dato vomitorio, multisque biliosis, & mucosis eductis bene iterum per omnia se habuit.

Ex eo tempore usa est tinctura rhei aquosa paucio sale medio armata, ut alvus facilis maneat, & educendis, quæ adhuc supersunt, aut de novo nascuntur, biliosis sordibus idonea.

Temporibus inter emetica mediis medicamenta solventia, salinaque præscripsimus, quæ vomitem morbosum præparent, *crisim artificialem* paulo post hausto emetico subiturum.

Post singulum vomitorium ægra *manifestum* levamen, & *statim* sensit : copiosa semper, & flavo-viridia revomit.

Etsi altero plerumque die dolor reverteretur, mitior tamen semper rediit, & longioribus intervallis, donec tandem fugam penitus caperetur.

Post singula vomitoria intensus ille faciei rubor multum remisit, donec in pallorem fatisceret *υποχλωρον*, quem convalescens retinuit.

Artus expedite postea omnes movit, nec illud molestiæ restitavit, quocum multos *febre rheumatica biliosa indolis* diutissime conflictatos novi, qui aut nulla prorsus ratione, aut nonnisi laboriose brachium ad oculos usque attollere queunt, humeris utpote acutissime dolentibus. Sæpenumero, etsi hæc febris deserbuerit, di-

gitorum quædam obliqua distorsio fit, eorumque articuli grandescunt.

At nullum in hac ægra hac methodo percussata vel doloris, vel deformitatis vestigium remansit.

Ad morbum hunc frequenter mihi visum, & obstinatæ pertinaciæ toties incusatum quam maxime morosus accessi. Sed longam alias infirmitatem prompta & efficax medicatio specitius corripuit.

Tumorum quorundam in febre biliosa genesis.

Observationibus certis edocemur, tumores dolorificos articulorum, parotidum, submaxillarium glandularum, locorumque pone apophyses mastoideas, glandularum colli, & thyroideæ, tonsillarum &c. excitari a vitio procul remoto, systematis gastrici videlicet, eoque bilioso. Ea res difficile explicatus habet; sed sufficiat, observationes habere certas, etsi earum nos ratio fugiat.

Quem ejusdem febris symptomata varia ludii faciunt, ut iisdem variam quoque tanquam totidem diversis morbis medicinam applicet, næ is ramusculis amputandis inanem operam infumit, arboris radice non evulsa.

Cuncta me eo perduxerunt, ut morbum hunc inflammatoriæ potius, quam biliosæ originis existimarem. Sed falsam hanc opinionem fuisse, a posteriori, ut ajunt, certo constitit.

Rubor biliosorum.

Faciem prærubram, ac quasi minio pictam in biliosis frequentissime video. Verum etsi intensa rubedine genæ micent, qua tamen ad oris labiorum commissuram, & narium pinnas procurrunt, ruborem pallor excipit ex flavo virescens. Hunc oris habitum, præcipue si & splendor quidam oculorum, quasi lacrimis innatantium, accedat, adeo pro signo genuinæ

in-

inflammationis non habui, ut cum inter potiora diagnostica redundantis intra præcordia bilis reposerim.

Ea res adeo obvia, usuque trita est, ut, qui faciem ea, qua dixi, ratione coloratam inspexerit, insidentem abdomini bilem certus hauriret. Diagnosin securiorem reddit ex porrectæ linguæ tremor, tremulaque inferioris labii inter loquendum micatio, quemadmodum pueri, præceptoris austeri verba timentes, & dubii, qua se ratione purgent, excusationem prolaturi, solent labiis micare. Lingua flavescente veluti bysso obducta diagnosin corroborat.

Verum in hac, de qua loquimur, puella, utut facies veluti ribesiorum succo illita rubuerit, is pallor tamen defuit penes nares, & labiorum concursus. Defuit etiam & linguæ, qualis in sanis solet, purissimæ, & inferioris labii tremor.

Hinc *rheuma inflammatorium* in initio reputavi, idque eo confidentius, quod crustam viderem in emissio sanguine crassam, tenacem, non contractam, & qualis esse rheumaticorum amat. Sed nullum a venæ sectione levamen, quin dolorum augmentum potius, item ipse crustæ phlogisticæ color, non albicans, sed qui ex flavo leviter virebat, alique eo tempore morbi, indubitato biliosi, veram mali indolem docuerunt.

ÆGER DECIMUS TERTIUS.

Febris priori similis.

*Rheuma
biliosum.*

Juvenula 22. annos nata die 22. Maji friguit, caluitque alternis vicibus. Supremum sternum dolore pungente dolet. Non tussit.

Die 23. dedolatio: dolor per musculos coxæ laterales: non appetit, nauseabunda. Os summe amarum: frigoris, calorisque vicissitudines.

24. Maj. decubuit. Intensa sitis. Dolet utrumque genu. Vespero dorsum, lumbi dolore vexantur quasi dilacerante per utriusque femoris utramque faciem, internam videlicet, & externam ad usque malleolos procurrente. Nox: insomnis: febris, uti pridie.

Die 25. hesternæ omnia exacerbata sunt. Accedit tumor pedum, maxime ad malleolos, ad attactum dolentissimus, & sanæ cuti concolor: articulorum pedis immobilitas: inquietudo summa: febris multa: clamor, ejulatus: somnus nullus.

Die 26. carpi manuum intumescere tumore dolentissimo, concolori, quive elapso bihorio evanuit. Cætera, uti pridie.

27. tota die æstuavit. Nulla emendatio.

Die 28. ad nos deportatur. Lingua rescicata: cardialgia attactum refugiens: genarum rubor cum pallore circa labia, & nares flavescente: formicatio per artus superiores: pedum, manuumque tumor concolor, multum dolens, & omnem motum prohibens. Dolores dorsum, artuumque inferiorum rheumatici, noctu gravio-

res. Pulsus fortis, plenus, durus. Cætera, uti antea. Sumit solventia salina.

29. Maj. sumpto emetico semel, & pauca vomuit, ter deiecit. Nil emendatum.

30. lingua humida, biliosa: reliqua non levabantur. Hausto denuo a meridie emetico paucam amurcam vomuit, decies deiecit. Continuantur potiones solventes, salinæ.

31. Maj. artus, præterquam femur dextrum jam non dolent, non tument, aliquantulum mobiliores sunt: continuus sudor. Continuantur remedia salina. Os impurum. Omnia multum mitiora.

1. Junii ob crisis amaritiam, & prementem dolorem ventriculi, & symptomatum priorum reliquias hausit emeticum. Inde bina vomitio, & quinque secessus. Artus multo mobiliores mox a vomitu: lingua albida: sapor bonus: dolor levis, obtusus, artus per vices oberrans: multus sudor. Cætera emendata.

9. Jun. protacto salinorum, & potentius postea solventium usu, additis demum stomachicis, ex integro convaluit.

ÆGER DECIMUS QUARTUS.

Colica pituitoso-biliosa.

Juvenula 24. annorum, laxioris compagis, & Colica. quæ menstruas purgationes admodum copiosas, & per multos dies patitur, die 9. Aprilis, cum catamenia per septem jam dies liberalissime fluxerant, subito, & absque nota causa, & persistente adhuc eodem menstrui sanguinis effluxu, valido totius abdominis dolore corripitur, quod

senfim intumescit contrectari penitus impatiens. Tussitabat ex stomacho, multum & assiduo dolente, sed plurimum sub ipsa tussi. Sputa pauca, glutinosa, & virefcentia: pectus liberum.

Mollitudinem hypochondrii dextri dolor acutus tenuit, inspirando increfscens. Decubitus in sinistrum latus difficilis, ob sensum ponderis circa præcordia quasi sinistrorsum labentis, & inspirationem prohibentis. Febris.

Cum extra Nosocomium decumberet, medicum accersivit, qui enemate frequenti, emolliente fotu ad totum abdomen, venæ sectionibus repetitis, & vesicantibus dolorem colicum compressit, eo tamen persistente, qui hypochondrium dextrum affecerat, & decubitu in lævam difficili. Cardialgia assidua, & flavicans a pastu facies; artus quasi ab rheumate dolebant. Dedolatio: lingua post somnum flavo-virefscens: oris amaror. Ita obambulans ægritudinem tulit.

9. Maj. redeuntibus denuo catameniis & copiosis, & diutius jam fluentibus eadem ratione, uti mense prægresso, ægrotare, sed validius cepit. Remedia eadem, idem eventus, eademque sufflaminati potius, quam curati morbi reliquæ, attamen multo graviore. Accessit & crurum œdema.

9. Jun. prægresso per biduum cruento spitto, horripilationibus, & levi per vices dolore colico, rediere menstrua & plurima, & per multos dies. Catameniis demum cessantibus æstuarare cepit, ventriculus magnopere dolere, & inflari.

Die 17. Jun. hausta largius cerevisia: dolor abdominis: jactitatio, & nox insomnis.

Altero die (18. Jun.) omnia graviora. Vespero ad nos venit. Oris multa pituita, & amarities: lingua, & habitus faciei, uti in biliosis: spirandi difficultas cum tussicula crebra valde, & ardore infimi sterni. Cruciatus in toto abdomine, inflato, tenso, immitis, ut manum contractaturam vel a longe reformidarit. Calores: acutus hypochondrii dextri dolor, decubitusque in latus oppositum perquam molestus. Plurima anxietas præcordiorum, & lamenta. Pulsus fortis, plenus, naturali celerior.

Sanguinem detraxi ad uncias octo, læte rubentem, ubi coiverat; & emollientia ore, atque alvo ingessi, & externo ventri adplicui, quin vel hilum levaretur.

19. priora perstant, quibus vomituritio, & difficilis, parvus, pituitosus, & paucissimæ bilis vomitus suapte jungitur. Venter a quatridduo nil reddidit, utut enemate multiplici aut emolitus, aut irritatus. Haustum salinum revomuit cum vix ullo levamine. Vespero assumpta dimidia drachma radicis ipecac. cum grano uno tartari emerici copiosam pituitam vomuit, alvum octies posuit, multum allevata.

20. Junii omnia multo mitiora.

24. hucusque usa multis salinis, quæ & pituitam inciderent, & incisam foras ducerent, appetere cepit.

25. Jun. aliquis hypochondrii dextri dolor, & abdomen tumidulum: emeticum: vomitus plurimæ pituitæ, & levamen. Sumit salinam cum rheo, & amaricantibus.

30. Jun. dentes fordidi, limo obducti: fauces multo tenaci muco refertæ. Emeticum. Secessus, vomitus pituitosi cum aliquo levamine.

Data

Data postea sunt salina, rhabarbarina, amarescentia: frictiones abdominis.

4. Julii ob pressionem ad cardiacam, & linguam villosam, sordidamque denuo emetico propinato facile, & multo cum levamine pituitam vomuit, & dejecit. Subjuncta stomachica sunt cum sale ammoniaco. At tertio post die abdomen denuo dolere acerbe cepit, os ventriculi morderi, & pectore opprimi, sputaque ichthyocollam æmulantia copiose educere. Mox purgans ex manna, & multo sale medio, & tartari cremore per epicrasin exhibui.

Eodem remedio usa pluribus diebus est. Alvo multum, & crebro quotidie fluente bene valuit: donec

Die 13. Jul. ventre a biduo parcius reddente, oris amarorem, & mucii redundantiam de novo quereretur, cætera pulchre se habens. Hinc assumpto emetico ingentem amarescentis pituitæ copiam, pultem potius diceres, revomuit.

Infuso rhei, salibus mediis, stomachicis amaris, ambulationibus, vino, & abdominis frictione validiori relapsibus cavebatur.

Circa finem ejus mensis ad suos rediit sana, ventriculoque præprimis, & intestinis egregie valentibus; etsi maluissem, ut curam confirmatoriam diutius protraheret, & laxam antea corporis compagem corroboraret validius.

ÆGER DECIMUS QUINTUS.

Colica priori similis.

34. Annorum fœmina, novem prolium mater, sæpius dolores colicos experitur, plerumque mitiores. Gustu caret a longo tempore. Actu illi catamenia fluunt. *Dolores abdominis.*

Die 17. & 18. Junii dolore rheumatico artuum corripitur. Accedit acerbus totius abdominis cruciatus, per vices intolerabilis, scindens, ardens, contorquens. Amaror oris: fastidiosa, vomituriens, vomensque sponte, frequenter, pituitam ductilissimam, virescentem, amarescentem, alvo compressa: difficulter obambulat: non dormit: inquietus multa: lamenta.

20. & 21. Jun. non vomit. Reliqua omnia deteriora sunt. Abdominis tumor, & intercurrent, crebrave horripilatio: calores modici: sudor, anxietas, & nox insomnis.

22. Jun. huc venit. Lingua herbacei coloris: nigricans faciei flavedo: vomendi desiderium, & abdomen vel levissimæ contrectationis impatiens, dolentissimum, dolore per intervalla, & frequenter, mirum quantum exasperato: ejulatus: decubitus supinus, & ob dolores quocunque alio in situ atrociores, non mutandus. Plurima febris, plurima sitis. Lotium parcum, stranguriosum: Secessus nulli. Reliqua perstant.

Eo die potiones salinæ, & aqua mulsa copiosa dabantur. Insomnis.

23. Epoto emetico multa mucosa, viridia, amarara

amara ore refudit : aliquoties dejecit. Inde levamen non modicum : & rudioris etiam attactus in epigastrio major patientia. Mixtura salina : somni pauci.

24 Jun. propinato vomitorio hesternis similia vomuit, dejecitque cum levamine evidentiori. Febris modica : faciliior mictus : somni laudabiles, &, quodcunque in latus vellet, decumbendi facultas. Mixtura salina.

25. Alvo hodie denuo sponte cohibita dolere abdomine, & febrile, uti antea, cepit.

26. Hesternis jungitur oris amaror, & pituita.

Purgans ex manna, arcano duplicato, & cremore tartari unam emesin biliosopituitosam, & ternos secessus movit. At major amarities : vomituritio crebra. Hinc a meridie denuo vomitorium exhibebatur. Inde ea vespera, nocturne plurima pituitosa, æruginosa revomuit : secessus pauci. Insigniter allevata est. Somni exigui, & cum insomniis.

27. Jun. alvo ope mannæ, & salium mediorum, acidorum, frequentissime mora, sapor, abdomen, & lotii aliqua adhuc difficultas, & febris multum emendabantur. Somni laudabiles.

4. Julii. Hucusque manna, & salibus ita usæ est, ut alvus lubricissima fieret, & doloris in abdomine aliquam portionem singula dies auferret. Doluit enim quotidie & multo minus, & multo rarius, & ne vix quidem. Febris a quadriduo ne vestigium : dormit.

Infuso rhabarbarino, elixirio nobis dicto *stomachico temperato*, & exiguis, sed frequenter repetitis rhabarbari dosibus, vino, corporis exercitatione, ventrisque frictionibus egregie, & cito convaluit.

Utut

Utut intolerabilis ferme dolor ægram cruciaret, nunquam tamen narcoticis indigui, cum emeto-catharsis spem nunquam falleret, & dolorem, subducta ejusdem causa, tolleret. Sic incendium restinguebamus, amoto, quo alebatur, nutrimento.

Nec curationem phlebotomia exordiebamur, cum nulli obtingerent, quibus sanguis redundarat, & id medelæ genus nec bilem, nec pituitam exterminet, malorum originem. Sed & ægris nostris vis chymo- & chylopoetica plus æquo elanguerat, ut idcirco phlebotomiæ nulla fuerit utilitas reperta, elaterem nempe fibrarum jam nimis remissum, enervantis magis.

Proderit venæ sectio, quibus aut sanguis turget, ut genuinæ simul inflammationis metus sit, aut quorum adbomini vera jam phlogosis insidet; sed hujus generis non habuimus.

Animum in id quam maxime intendi, ut dignoscerem adcurate, verane hominem *enteritis*, an *spuria*, *biliosa*que teneat, an utrumque vitium juncto Marte. Ha res gravissimi momenti nobis erat, & anfractuosa subinde indaginis. Et si enim & *enteritis*, & *colica biliosa* perpulchre ab autoribus rei medicæ descripta fuerit, atque utraque ab se invicem exacte discriminata, tamen in ipsa artis exercitatione alter morbus pro altero sæpenumero imponit, non novitiis tantum, sed & usu valentibus, & veteranis, at quanto cum ægrôtantis discrimine! Quid enim, si inflammato forte abdomini emeto-catharticum ingeras, ubi universo potius antiphlogistico apparatu opus fuerat? aut quid, si ventrem pravis succis turgidissimum, nescio quibus & oleosis, & mucilaginosus magis oneres, materiemque

Cautela in doloribus colicis.

repetitis venæ sectionibus per universum corpus dispendes, & vitæ pessumdes vim?

Horum probe gnari exquisitiori sollicitudine cavimus, ne loco *antiphlogistica* methodi *antibiliosam* adhibeamus, aut vice versa.

Hinc sedulo inquisivimus, an æger sæpius alias doloribus colicis laborarit alvo præcipue tardiori facta, aut commisso diætetico vitio, assumptis carnibus pinguioribus, durioribus, fumo & sale duratis, lacte, caseo &c. An ante morbum præsentem ex febre quadam intermittente, aut remittente ægrotarit, neglecta, cortice peruviano intempestive suppressa, aut non protracta post morbum biliosum confirmatoria cura?

Sed & anni tempus, & morbi congenere, & signa illuviei in systemate gastrico aliunde jam nota, & alia quædam, quæ usu disci, sed verbis exprimi nequeunt, nobis tutam morbi diagnosis suppeditarunt.

Urinæ difficili, stranguriæ, ischuriæve hunc morbum non raro comitanti, nec oleum, nec ullæ mucilagines, nec diuretica quæcunque medentur, sed emetocatharsis, & fluens alvus. Id cum mea, tum aliorum observationibus edoctus assero.

Vomitibus spontaneos, difficiles, non levantes, creberrimos, jugis aquæ mulsæ, salinæque potus, & subjuncta emeto-catharsis certo, & cum emolumento ititit.

ÆGER DECIMUS SEXTUS.

Febris æstiva dysenterica.

20. Annos nata Juvencula, sana antea, die 9. *Dysenteria.*
 Julii oris amarorem, sitim multam, & dolores
 abdominis incerta periodo recurrentes quereba-
 tur. Vagi horrores: dedolatio magna: alvus
 frequens, parca, cruenta, tenesmoides.

10. 11. 12. Jul lingua retorrída: omnia mul-
 to deteriora.

13. ad Nosocomium venit. Cephalalgia in-
 gens: amaror: lingua aridissima, contracta,
 lignea. Ruina virium gravis. Alvo prodie-
 runt porracea, spumosa, mucosa, parca, sed
 frequentissime, ac ferme continenter. Tenesmi
 assidui, torminosi. Cutis totius corporis siccis-
 sima, imperspirabilis, rugosa, anserina. Pulsus
 accelerati, tenues. Decoctum hordei cum roob-
 ribium, & pulpa prunorum copiose hausit.

14. Jul. hausta mane solutione tartari emetici
 multam amarescentem pituitam revomuit. Se-
 cessus assidui: mitiora tormina: tenesmus le-
 vior: cætera eadem. Peracta emesi omni bi-
 horio drachmam dimidiam pulveris radicis arnicæ
 absumpsit. Decoctum repetitum.

Ut humorum impetus ab alvo avertatur,
 repurgato prius ventriculo, & intestinis, vesi-
 cans omni alterno die adplicuimus, alvum re-
 ficcare, cutim humectare, pituitosa incidere,
 & expedire infarctus minutiorum vasorum na-
 tum. Nullam suppurationem excitavimus, sed
 plagas cantharidibus sollicitatas siccavimus, epi-
 der-

dermide relicta. Rarior inde dejectio, & consistentior; verum.

Die 20. denuo impurissima lingua, sed humida: thoracis totius ardor, & vomituritio. Emeto-catharticum. Modica, flavaque vomuit, deiecitque: levatae thoracis molestiae. Posthac omni bihorio drachma pulveris radicis arnicæ, & vesperi duo scrupuli theriacæ Andromachi exhibebantur. Lingua prærubra, glutinosa.

Inde ad 30. usque Julii primo omni bihorio, dein qualibet quarta hora pulvis propinabatur, ex drachma radicis arnicæ, & granis sex radicis angelicæ compositus, sumto horis vespertinis paregorico.

Hac methodo deliniri morbus quotidie magis, magisque cepit, ut prima Augusti res in integrum denuo fuerint restitutæ.

Tenesmus omnium ultimo valedixit.

Ab eo tempore, vino, amaricantibus, & idoneis alimentis, corporisve exercitatione energatam ventriculi vim exacui.

Discrimen inter dysenterias bujus (1777) & illas Anni præteriti.

Hujus Anni æstatem multæ rariores dysentericæ, quam illam elapsi macularunt. En quid discriminis inter eam anni præteriti, atque hanc horam observarim.

Hac æstate dysenterici multo pauciores fuerunt, sed qui ex ea ægritudine decubuerunt, pessime habuerant, colluctabantur diutius, vix tandem eluctati. Linguas porrigebant assas, ligneas, scabras, diffusas, prærubras, nitide glabras. Saburram revomuerant mole non conspicuam, sed tenacem, ductilem, pituitosam, amarescentem, non multam. Minus prompto hoc anno levabantur ab emeto-catharsi, & al-

vul

vus dysenterica non nisi tarde, & potenter roborantium remediortum vi reprimebatur. Sæpe etiam nimios secessus, morbo in longum protracto, narcoticis suspendimus, ne intestina diuturnitate mali consuetudinem contrahant diarrhœicam, atque ipsa remedia corroborantia citius per inferiora dimittant, quam salutarem eorundem virtutem experiantur.

At vero prioris anni æstate fomes dysentericus & spectabilioris copiae fuit, & multo mobilior, fluidiorque, æruginosus, porraceus, vitellinus, nigricans, quive ita sua sede totus quantus dimoveri, atque exterminari emeto-catharsi poterat, ut nullo remedio seu narcotico, seu roborante quietem conciliare intestinis, aut robur debuerimus.

Cæterum utut exiguam hoc anno dysenteria provinciam sortita sit, tamen illa præ aliis locis ergastula invisit, & captivorum non paucis lethum tulit.

*Dysenteria frequentior, & lethali-
or in-
ter capti-
vos.*

Credo, id ideo contigisse, quod morbus ibi corpora nancisceretur non exercitata, desidia, quæve almæ æstatis muneribus nunquam vescuntur, fructibus inquam horæis; hinc acrem in abdomine materiem colligi pronum est, quæ morbum committat dysentericum.

Nunc pauca commemorabo, quæ me hujus æstatis dysenteria docuit.

Alvum ordiente morbo creberrime motam vidi, at quavis vice ita parcam, ut, si omnia intra nychthemeron ventre reddita excipulo collegeras, ne justam quidem fæcum copiam, quæ unico solum secessu homini alias sano prodire solet, obtinueris. Id etiam multoties adverti, post plurium dierum dysentericas dejectiones tandem excludi dura, adusta, antiqua,

Observationes quædam circa dysenteriam.

caprilla stercora. Hinc necessitas comprobatur, in hujusce generis dysenteriis sub morbi exordium duratas fæces molliendi, movendi loco, atque eliminandi remediis mannatis, tamarindis, salibus mitioribus, & tandem emetocatharfi. Adparet etiam, quanto in errore versentur, qui adeo nullas evacuationes instituunt, ut illico potius ad opium recurrant, qua praxi, quæ alia perniciosior esse possit, haud video. Hos sola secessuum frequentia omnem sæpe patientiam superans terrefacit, falsaque opinio tenet, eos nempe, qui *frequentissime* dejiciunt, dejicere etiam *quam plurima*.

*Usus opii
in dysen-
teria,*

De morbi exordio loquor, & vacuationibus per artem nondum factis, ubi opio locum nullatenus esse, fidenter assero, etsi morbo jam declinante, & dysenteria in diarrhœam conversâ utile esse paregoricum queat, quin etiam necessarium, si modo roborantia remedia, atque invigorantia primas habeant.

*Et ad-
stringen-
tium,*

De adstringentibus ita edoctus sum, ea morbo inchoanti haud convenire, sed rejecta prius, quæ præcordiis inhæserat, vetusta, atque acritæce, & languidissimis intestinis assumpta mox profundentibus, diuque, & cum virium jacturâ gravi, medicari potenter roborando posse.

*item
emollien-
tium.*

Tormina in recenti ægritudine, dysuriam, ischuriamque qui mucilaginosi delinire solum studuerit, nil agit. Spasmi dolorifici demitigari haud solent prius, quam emetico-catharticum irritantem stimulum excusserit.

ÆGER DECIMUS SEPTIMUS.

Febris continua remittens pituitoso biliosa,
cum exacerbatione quotidiana paroxys-
mum hystericum imitante.

28. Annorum cœlebs Fœmina menstruis usa *Febris*
regularibus, fluorem album a sexennio patitur, *quotidia-*
assiduum ferme, benignum initio, at tractu tem- *na remit-*
poris acrem, virentemque ex flavo, cætero *tens sub*
quin sana. *larva pa-*
roxysmi

Die 19. & 20. Julii catamenia copiosa fluxe- *hysterici.*
runt.

21. Jul. prandens animo linqitur, voce de-
stituitur: sistuntur menstrua. Horripilationes
dein vagæ vagis caloribus remixtæ, tractiones
artuum omnium dolorificæ, & sterni dolor ac-
cesserunt. Somnus ea nocte.

22. Jul. mane bene. Sale amaro septies pur-
gabatur. Meridie frigere pedes præter modum
ceperunt, frigore sensum superiora petente, &
per corpus diffusio. Deliquium. Mox dolor
lancinans artus primo inferiores, dein dorsum,
scapulas, pectus, & brachia pervasit. Dy-
spnœa: tenesmus ad matulam: urina multa,
crystallina: sudor largus, frigidus. Vesperis,
& noctu bene: dormivit.

23. mane, nescio cujus suasu, vena in pede
secta est. Sub meridiem paroxysmus hesterno
simillimus: nox bona.

24. hausto sale amara multa, biliosaque pur-
gabatur. Paroxysmus serius, & circa septimam
primum vespertinam advenit, eorundem, ut

antea, symptomatum satellitio cinctus. Post mediam noctem quies, & somnus.

25. Jul. mane dedolata surgit, iterum decumbit. Hora secunda pomeridiana exacerbatio consueta in multam usque noctem protracta.

26. Mane ab hora septima ad decimam usque paroxysmus idem cum strangulatorio faucium dolore. A meridie secta vena est, & iterum quadrihorio post, non scio, quo suadente. Sanguinem fuisse corio inflammatorio contextum ægra asserbat. Tota die frigit plurimum, & decubuit, ad noctem recaluit.

27. Jul. exacerbatio mane, uti pridie: noctu somnus. Hucusque cortice peruviano usam fuisse ægram ex ejusdem narratione collegi.

28. Ad Nosocomium venit. Hora decima matutina levis admodum paroxysmus. Caput extra tempus exacerbationis grave. Sapor oris foetidus, amarescens: fauces muco refertæ. Lingua immunda, biliosa. Dedolatio. Pulsus fortis, plenus, vibrans, & naturali ferme celeritate. Aqua mulsa, salita. Vespera sera emeticum. Vomuit pituitosa multa, cum paucis biliosis. Nox bona.

29. Jul. mane bene se habuit. A meridie levicula accessio, non diuturna. Aqua mulsa, salita, adjecto sale ammoniaco.

30. Os valde glutinosum, lingua, & muco, & bile conspurcata. Emeticum. Vomuit glutinosa. Paroxysmus nullus.

31. Jul. bene. Nulla accessio. Potus mulsus, salitus cum sale ammoniaco, & infuso-decoctum radicis arnicæ.

1. Augusti circa meridiem paroxysmi per ho-

horæ quadrantem levissima accessio: reliqua bona. Medicamenta hesternæ continuat.

2. Aug. omnia bona. Eadem remedia.

3. Circa meridiem loco paroxysmi frigus leve & transitorium, sine calore, sine sudore.

Ex hoc tempore nil amplius alieni a sanitate deprehendimus, & confirmato ope amarican-tium ventriculo, & intestinis, sana per omnia.

12. Aug. ad suos rediit.

In curando hoc morbo, qui peculiari ratio-
ne attinere ad nervos affectos videbatur, eos
ego medendi canones secutus sum, quos ex in-
numeris, iisque quam maxime abs se invicem
diversis nervorum, ut appellant, morbis, aut
lectione acceptis, aut ipsa praxi, proprios in
usus confeci.

*Regulæ
in sanan-
dis ner-
vos mor-
bis.*

Ubicunque adverteram, morbum convulsivi
quid habere, vim quidem irritabilem, quæ fi-
bris muscularibus inhæret, quodam in præsen-
tiarum excessu peccare existimabam, eamque
vividiorem, ac par est, esse, & stimulo obedi-
re non suo, aut si etiam suo, attamen ab eo-
dem nimium irritabiles fibras justo potentius
sollicitari, & in motus agi aut violentiores, aut
alienos.

Qui curationis initium a roborandis, aut so-
piendis, aut stupefaciendis, aut relaxandis, ut
varii varie loqui amant, nervis faciunt, & ad
amatum sibi nervinum remedium recurrunt, næ
ii quam longissime aberrant a morborum nervo-
rum practica cognitione!

Hinc omnem operam ea in re consumendam
arbitrabar, ut, *quis stimulus* fibras irritet, mo-
tuumque anomalias causet, & quo positus loco
is sit, quave ratione aufferendus, investigarem.

Exterminato enim seditionis auctore, quid-

quid antea turbarum nervos commoverat, totum suapte jam conquiescit, aut facili modo, atque ipso tempore demitigatur.

Non unius generis stimulum vidi systematis nervei turbatorem: varius is esse solet, variaque in sede locatus.

Cum omnis ferme nervosorum morborum curatio in auferendo hoc stimulo tam vario consistat, ratio patet, cur *eadem* nervorum affectio in diversis hominibus non *eandem* sæpenumero sanationem admittat, sed in aliis aliam, & subinde oppositam, ut, quæ alteri prosint evidenter, alterum lædant indubitato. Nempe effectus *apparenter eosdem* non *eadem* ubique causa gignit.

Pauca in hanc sententiam exempla recentebo.

Tribus abhinc annis puellam biennem sanavi per vices graviter convulsam, atque extra convulsionum tempora liventem facie, tussiculosam, & cum sono strepente respirantem. Cum minutulas, & pinguedine obvolutas venulas, qui vocabatur, chirurgus phlebotomo assequi haud posset, hirudinibus applicatis sanguinem eduximus. Convelli, vivere mox desit, & paucos intra dies etiam tussitare, & sonore respirare.

En hic stimulum nervos irritantem sanguinis nimiam redundantiam intra thoracem præcipue, & humorum circumeuntium quemdam quasi ob eorundem turgescientiam strangulatum!

Ad aliam postea sexennem puellam vocabar, insultibus epilepticis a biduo correptam aliquoties, & latere more pleuritico dolentem. Missus semel, & iterato e brachio sanguis corio phlogistico rectus, atque alia remedia inflammatoriæ pleuritidi dicata mox convulsionem, dein & ipsum morbum sustulerunt.

En iterum, quis stimulus fuerit nervis adpli-

catus, thoracis videlicet phlogosis! en remedium nervinum in simplici antiphlogistica methodo repertum!

Fœminam novi hystericotaten, desidiosam, opipare viventem, & bonis succis submersam. Quæcunque nervis opitulari dicuntur, incassum, & cum ægritudinis incremento adhibuit. Inverso consilio venam secuit, & aliquid lautitiarum subtrahere sibi ausa est, & iners pondus corporis commovere. Tolerabilius inde habuit multo, atque melius habitura, si vitæ rationem inire licuisset, necessitatibus naturæ adcuratius respondentem.

Aliam biliosissimam fœminam, & ferme ictericia a pueris facie, vertiginosam, morsu oris ventriculi, ructibus rancidis, globo hystérico, leipothymiis multum vexatam, urinas mingentem crystallinas sæpenumero, spasticasque, leviter artubus non raro convulsam, remedia salina, acescentia, alvum blande ducentia mirum juverunt. Cacochylia rancida, & systematis biliferi infarctus, & multorum aliorum symptomatum, & motuum præcipue irregularium causa fuit. Nervina hic fuerant, quæ solverunt, inciderunt, immutarunt, & alvum alias morosam expeditaverunt.

Nuperrime juvenem e Nosocomio dimisi ab epilepsia, quæ ab aliquot jam annis, & hoc ultimo frequentius, validiusque prehendebatur, liberatum. Multa incassum tentata, cum stimuli & naturam, & sedem ignoraremus, donec eundem in systemate gastrico repertum, vomitoriis repetitis ejeceramus. Inde nervorum quies, & nulla a longo jam tempore fœdissimè male reversio. Ventriculum aptis remediis, rhabarbarinis, amaricantibus &c. diuturno tem-

pore præmunire annitebamur, ne is novam materiem pituitosam, & quasi pultaceam, cujus ingentem quantitatem vomendo rejecit, nervos certa quidem, attamen inexplicabili ratione, in motus epilepticos concitantem, in posterum generet.

Spasnum ventriculi gravem in viro robusto, plenoque, & quotidie per multos annos a pastu maxime recurrentem, quem spirituosam, amaricaniam, nervinam, chalybeata multo ferociorem effecerunt, strictiori diætâ, & abstinencia a vino, ac calefacientibus quibusvis, & sanguinis missione largiori instar incantamenti consopivi. Nec id incommodi posthac rediit, etsi homo vino denuo uteretur parciori quidem, & aquæ commixto.

Pistoris historiam habeo alia occasione curatius enarrandam, qui superata maligna febre in hydropem incidit intercutem. Variam ipsi medicinam, & diuturnam, sed inefficacem feci, nec tamen id pejus ruere, nec frangi vires magis videbantur. Appetiit, obambulavit, & ægritudinem, rebellem licet, facile tulit.

Scrotum, & penis mirum tuebant tumore vago, sæpe evanido, & mox recurrente. Cum alvum fluidissimam redderem, ex improvviso validissimo tremore totus, & per aliquot horas, concutitur, dein convellitur epileptice, tandem stertorose, mentis impos, tardissime respirans, & sublimi pulsu per intervalla dire convulsus cubat, nec acerrimos stimulos sentiens. Maxillæ tetanus.

Raso capiti cucupham ex emplastro vesicante confectam, nuchæ simul & artubus alia vesicantia adplicui. Cum loca vesicantibus erosa plurimo sero madere inceperant, convulsiones

de-

desiere, & mens rediit, tandem & perfecta sanitas.

Hic nervos stimulari ab acri sero ad encephalon ex improvise recurrente existimabam, quo vesicantibus evocato motus epileptici componebantur. Vim ergo nervinam hocce in casu cantharides exerebant.

Symptomata morborum *nervosa* dicta non tam ex facili nobis imposuerunt, ut statim ad eam remedium classis confugerimus, quam per eminentiam *nervinam* appellant. Vix ullum remedium est, quod non aliquando nobis *nervinum* fuerit.

Ablatis, aut retusis nervorum stimulis morbus ut plurimum suapte fileat, nisi is forte irritabilitatis excessus fuerit, eaque inducta nervis consuetudo, ut remotis licet omnibus stimulantibus causis nervosa affectio nihilominus recurrat. Tunc vero nimium irritabiles nervos cortex peruvianus emendat, & ipsum tempus desuefacit.

Ubi febrium intermittentium, correctio licet, aut sublata causa, exacerbatio *ob consuetudinem*, & characterem impressum nihilominus redit, cortex peruvianus specificè prodest, idque legitimum exhibendi hujus remedii tempus est, nisi forte non expectata materię febrilis correctione, aut eliminatione ob periculosum quoddam symptoma maturius suffocari febris debeat.

In ea agra, cujus historiam retuli, quæ causa omni alterno potissimum die nerveum systema conturbavit, adhibita medendi methodus docet.

ÆGER DECIMUS OCTAVUS.

Febris æstiva cum exanthemate miliari.

Febris
miliaris. Puella 11. annorum, antea semper sana; 1. Julii mane evigilans dolorem anginosum, & impeditam deglutitionem queritur. Horrores, calores, alternatim, frequenter. Cephalalgia, & os amarum: non appetit: decumbit.

Die 2. & 3. æstus assidui: graviora omnia.

Die 4. lingua prærubra, præcalida: fauces prærubræ, dolentes absque tumore: spiratio crebra: dedolatio: calor multus: sitis nulla. Facies pone nares, & labiorum concursus flavescens, genis intensius rubentibus: oculi humidiores. Eruptio miliformis in brachiis frequens, alba. Venter a biduo clausus. Febris: amaror oris. Data eo die sunt multa solventia salina: vesperi vomituritio: emeticum. Vomuit amara, foetentia, pituitosa: quater deiecit. Cephalalgia minor: urina sanorum: dormivit.

Die 5. os non amplius amarum: lingua glutinosa, minus calida: facies pallidior: nullus faucium dolor, & deglutitio bona. Urinæ parvissimæ, frequentes, sanis similes. Eruptio miliaris perstat: calet, sitit. Alvus ter mota est. Stillicidium narium.

Die 6. mane exhibito vomitorio amarescentem pituitam vomuit: deiecit: allevata est. Nulla cephalalgia: febris paucæ: vesiculæ miliares paucæ: squammulæ multæ.

Die 7. nulla febris. Miliaria in furfures abierunt.

Ab ultimo vomitu salinis remediis, dein & stibio

stibio diaphoretico non abluto, & demum amaricantibus usa convaluit.

Die 16. Julii sana domum repetiit.

Plures hoc anno sanavimus verno maxime, & æstivo tempore, qui miliaribus conspersi ad nos venerunt, quorum historias, utpote superius recensitæ simillimas, non referam. Quæ ea de febre me attenta observatio docuit, paucis complectar.

Febrim miliarem a materie generari pituitosa *Miliari-* potissimum, cum intra vias primas collecta, tum *um gent-* ultra easdem transmigrante, multa demonstra *rix ma-* runt, sed lingua quam maxime aut glutinosa, *teries.* aut glabra, & vomitiones pituitosæ, allevantes, sive spontaneæ eæ fuerunt, sive arte excitatæ.

Hinc *febris pituitosa* salutare merebatur, ea-que *gastrica*, si mali scaturiginem spectaveramus.

Plerique, quos *febris pituitosa* vel cum eru- *Febris* ptione miliari, vel absque eadem tenebat, dolo- *miliaris* res artuum quasi rheumaticos querebantur, ve- *quædam* sperari maxime, noctuve graviores, sub auroram *proprie-* delinitos multum, & interdiu nullos, vel per- *tates, &* quam leves. *medendi* *ratio.*

Mensibus vernis plures mihi fœminæ obtigerunt hoc genere *rheumatismi pituitosi*, vel *febris pituitosæ cum rheumate noctu graviore* affectæ, quæ ob morbi lenitatem, diuturnitatem, & constantem nocturnam exacerbationem ex febricula potius venerea ægrotare credi poterant. At constitit tum ex aliis, cum & præcipue ex medendi ratione fortunata, eam esse *febris pituitosæ* indolem, ut interdiu mirius afficiat, & noctes doloribus infestet constantiori lege idem.

temporis exacerbatis, quam rheuma syphiliticum soleat.

Rheuma hoc pituitosum brachia, & maxime femoris carnes excruciat. Fuere, quibus & lumbi, & alterutrum faciei latus doluerunt.

Febris pituitosa siue miliaribus stipata, siue iis caruerit, peculiari ratione emeticis indiguit, seu potius emeto-catharticis, iisque sæpius repetitis; agebat enim id genus remedii non solummodo evacuando, sed & potenter resolvendo. Temporibus inter emeto-catharthes mediis; solventia profuerunt ex taraxaci radice, & consimilibus, salia media, & antimonii præparata.

In febre miliari, scarlatina, petechiali, biliosa, putrida, maligna emeticum exhibui, iteravi, non solum, ubi oris amaror, & signa notiora pravæ sordium in ventriculo, & intestinis id exigebant, sed etiam ubi lingua glabra, multum glutinosa, vel vero sicca, & quasi tosta fuerat; aut veluti arborum cortice obdusta, aut linguam bovillam fumatam, salitamque referens, aut pilis quasi aridis, erectisque hirta. Nil tam cito linguam emendabat, humectabatque, quam emeticum.

Æstus ingens, & cephalalgia ad tempora, ad frontem, in ipso veluti orbitarum ocularium fundo intolerabilis; delirium imminens, vel etiam præsens, si quando ejusmodi symptomata febrem comitaretur, emeto-catharsi aut emendata fuerant, aut valdopere, & cito delinita.

Mentem multo frequentius a vitio gastrico turbatam vidi, quam a sanguine, aut alibi existente causa.

De vesicantibus ita me multa observatio docuit, ea convenire in eo morbi miliaris stadio, ubi

ubi primæ viæ fuerint sufficienter repurgatæ, & ubi nulla amplius ad easdem morbificæ materiei revulsio ope emeto-catharseon fieri potest, utpote longius dilapstæ.

Rebus sic stantibus vesicans, ubicunque fuerat commodius visum, adplicui, & plagam eodem remoto denuo resiccavi. Ita vel singulis, vel alternis diebus aliud vesicatorium admovi. Hac methodo lentor omnis, & vasculorum infarctus solvebatur, diaphoresi, quæ commorante intra præcordia impura illuvie morbum efferasset, nunc summe proficua, & tristes ægritudinis reliquias præcavente.

Salutarem vesicantium opem tunc maxime experiebar, ubi febris deferbuerat, at indomabilis adhuc circa articulos dolor restitarat, noctu gravior.

Febres quæcunque originis gastricæ sanguinis missionem *per se* non exigebant. At quando, & quantum, & cur detrahere subinde sanguinem in hac febrium specie necessum sit, alibi dicam.

Cortice peruviano in febre *pituitosa* rarissime usus sum, utut sint, fuerintque, qui eundem hic primas tenere arbitrentur, idque experiundo, ut affirmant, multoties docti. Credo me quoque peruviani remedii laudes fuisse hic cantaturum, si ægrorum vires intempestivis phlebotomiis antea convulsissem. Eo enim in casu debiscens, & jamjam ruiturum ædificium subinde cortex sustentat, unicum propemodum fulcrum, at impar sæpe.

Ubi morbus intermittere cepit, quod post purgationes arte factas subinde feliciter evenit, aut ubi in laticem vitalem, priusquam ad nos veniretur, jam lautius erat peccatum, corticem
pe-

peruvianum ambobus utique brachiis complectebamur.

Subinde nares sanguinem stillabant, uti etiam huic ægræ contigit. Non inde necessariam phlebotomiam existimabam. Non facile a symptomate quodam non essentiali me seduci patior, ut idcirco agenda omittam, aut aliud agam quid, quod morbi principis notioni adæquatæ non respondeat.

Aphthæ Febres miliares anginosa affectione stipari cum nullo, aut exiguo faucium tumore, & fauces aphthis conspergere, sæpius solebant. Aphthæ hæ primo pustulas referebant miliares iis similimas, quæ externam corporis superficiem obsidebant. At ubi hæ in furfures abierunt & squamulas, illæ ulcerari ceperunt, ut totidem discretæ, & albicantia ulcuscula exhiberent, quæ rarius in majus ulcus confluerunt.

pustulosa, & ulcerosæ. Hinc duplicem formam aphtharum vidimus, *pustulosam* primo, dein *ulcerosam*. At neminem habuimus, quem aphthæ gravius mulctarint.

Fauces dolentes initio hordei decocto, cui salis ammoniaci quid, & mel rosatum miscebatur, elui curabamus, qua re multum pituitæ fuit cum emolumento prolicitum. Ubi pustulæ in ulcuscula subsederant, salviæ infuso, cum roob dianucum, & spiritu salis acido malum cohibuimus, sanavimus.

Erant, qui eadem prorsus ratione febricitabant, qua ii, quæ corpus pustulis miliaribus effloruit, angina æque, & aphthis affecti, at absque exanthemate per reliquum corpus miliarari.

Aphtharum generis, & affinitas. Materiem aphthosam, & miliarem eandem esse judicabam; & quod faucium miliaria facile ul-

ulcerentur, id loco eorundem natali deberi, calido, humidoque.

Nemo fuit, cui miliaria primum in Nosocomio eruperint, fomite, arbitror, miliari evacuantibus subducto.

Puerperæ nostræ, utut præ aliis febre populari ferirentur, quam miliare exanthema sæpe numero comitari aliunde novimus, ab hisce efflorescentiis omnes immunes persisterunt, cum morbi initiis a nobis fuerit sollicitè cautum, & febris suis in incunabulis, vacuato puerperarum abdomine; repente, ac quasi rescissa ceruice, enectæ.

Cum Hamiltonio observavi, imbecillam corporis constitutionem, & evacuationibus maxime sanguineis fractam huic morbo præ aliis patere. Fœminas, easque debiliores, viduas pauperimas, & supra florem ætatis, nec jam fœcundas febri miliari correptas multo plures vidi, quam mares, hosque inter nonnisi pueritia vix egressos, laxos, & orphanos, & victu farctos duro, ac farinaceo.

Post jejuniū vernum ab Ecclesia Romana præceptum uberiores febrium miliarium proventum experiebar, sive ea veris ipsius ratio sit, ut huic morbo præprimis faveat, sive victus eo tempore crudioris ex caseo maxime, & farinaceis, inter pauperes potissimum, seu utriusque.

Contagio, quo alter alterum afflet, febrim nostram miliarem caruisse, caruisse eodem etiam illam, quam alii viderunt, & descripserunt, etsi contagiorum assertores, fidenter ajo. Cur enim miliarem febrim contagiosam appellem? num quod eodem tempore eo morbo plures corripiantur? at & pleuritis eadem sæpe tempestate

multo plures proruit, non *contagiosa*, etsi popularis. Nec medici, chirurgi, ægrorum custodes, nec ipsi proxime accumbentes apud nos miliare contagium hausere.

Miror certe, clarissimos viros, qui in magno miliaris morbi gradu *alvum egerere biliosa, fetidissima, alvum in secunda morbi periodo cum emolumento fluere, vias primas materiem in ea febre continere pravam, eaque educta morbum ipsum sanari* observando didicerint, nihilominus hisce vitiis manifestis non contentos notionem morbi in ignoto quodam, & contagioso miasmate quærere.

Mirari quoque illos lubit, qui *sanguinariam* medendi methodum ei morbo opponunt, quem, etsi ex ventriculo, & intestinis ortum haud dicant, tamen ita describunt, ut ignorare ejusdem indolem, genesinque rerum peritior non possit.

Botalliana hæc methodus haud multo minus discriminis habet, ac illa altera medendi ratio, quæ febrile incendium affuso oleo, & lignis alit.

Dum vitant stulti vitia, in contraria currunt.

Utinam utraque hæc medicatio & *sanguinaria*, & *calefaciens* aptiores in usus reservaretur!

Equidem methodi quædam therapeuticæ stantque, caduntque, prout fama celebrati cujusdam viri, sub cujus vexillo militant, aut viget, aut cadit. Verum plerumque id infortunii accidit, ut delusa Medicorum cohors haud prius resipiscat a methodo illa curandi epidemica, nisi postquam hæc

Πολλὰς ἰφθίμους ψυχὰς αἰδὶ προΐαψεν (*)

(*) Multas præstantes animas Acherontis ad oras
Præcipites dedit ante diem. *Homer. Iliad. v. 3.*

ÆGER DECIMUS NONUS.

Febris æstiva cum exanthemate scarlatino,
& miliari.

Juvenis 16. Annorum, sartor, sub finem æ- *Febris*
statis horruit, æstuavit, & ingesta vomuit *scarlati-*
Dolere paulo post fauces. Laboriosa deglu- *nosa una*
titio. *cum mi-*
liaribus.

Die 2. omnia, uti pridie. Colluvies mucosa faucium ingens.

Die 3. pejus habuit. Æstus magni. Vomuit mucosa, amarescentia, multa: noctu efflorescentiæ scarlatinæ, & pustulæ paucæ, miliares, rubræ.

Cum die 4. nos accederet, haustus salini, & aqua multa exhibita. Vesperi emetocatharticum: vomuit pituitam amaram.

Die 5. potus salini, mulsi: vesperi emetocatharsis. Vomitiones pituitosæ, amaræ: secessus. Exigua febris: pallescens rubedo: furfures. Fauces ulcusculis obsessas eluimus infuso salviæ, cui roob dianucum, & spiritus salis acidus jungebatur.

Die 6. vix febricula. Potus salini continuantur, & gargarisma.

Nulla postea febris observabatur. Amari- cantia aut salinis maritata, aut sola, paucos intra dies vires firmarunt.

ÆGER VIGESIMUS.

Febris æstiva cum erysipelate,

Febris erysipelatoza. Sub exordium autumnus faber ferrarius ad No-
 focomium venit, a sex, ut aiebat, diebus plus
 æquo calens, & leviculo subinde horrore per-
 strictus, lassus, nauseabundus, & agit. Genae
 sinistra, & hypopium tumuit, doluitque ex ery-
 sipelate. Cervix præ dolore immobilis: os a-
 marum: lingua mucosa, flava, villosa.

Solventibus salinis, & oxymelle multo, de-
 mum emeto-catharsi usus pituitam copiosam,
 amaram vomitione refudit, dejecitque, mox
 allevatus. Alvo liquidiore, crebrioreque persi-
 stente brevi convaluit.

Ipsi loco dolenti nil remediorum admovi-
 mus.

Ex hac, aliisque, quas referre supervacane-
 um puto, erysipelatis historiis & origo ejus
 morbi, & medendi eidem modus patet.

ÆGER VIGESIMUS PRIMUS.

Febris æstiva cum anthrace,

Anthrax. Eodem tempore, quo prior, alius nostram o-
 pem implorat 24. Annorum rusticus.

Ante 14. dies repente brachium dextrum in-
 tumuit, doluitque quasi ex rheumatismo. In-
 signior & tumor, dolorque cum magna duritie
 haud

haud procul a loco subaxillari. Tumoris ejus medium pustula occupavit, lenticularis, rubra, quæ mox nigrescere, ulcerari, atque ampliari cepit, vicino ambitu indurato, dolentissimoque. Febriebat, sed leviter, & obambulans. Facies, habitus, lingua biliosorum; quemadmodum etiam gustus, potissimum cum e lecto surgebat.

Febris, cum Nosocomium ingrederetur, jam deferbuit, atque se ipsam, utpote inde ab initio suapte natura lenior confecit. Hinc sale medio, & oxymelle relapsui potius, quam morbo prospectum. Carbunculus tardius sanabatur.

Mensibus Julio, & Augusto aliquot ad Nosocomium venere, quibus alicubi carbo enascebatur, febricitabant, quasi ex æstiva febre, sed mediocriter.

Cum erecto esse corpore poterant, & laboribus fungi domesticis, ac levioribus per ægritudinem liceret, in Nosocomio non manserunt, sed quotidie ad nos reversis deligatio facta est, remediaque quæ e re esse videbantur, suam quivis domum reportarunt. Quosdam ab omni immunes febre dixisses, non ab omni tamen dispositione febriculosa.

Carbunculos aliis anni temporibus non observavimus, quive per æstatem occurrebant, ejusdem esse originis, sed genii mitioris videbantur, ac illi fuerant, quos Cranone, Thessaliæ urbe, eadem anni parte visos Hippocrates memorat, *pluvia per magnos æstus affatim, & continenter cadente, ventis maxime ab austro spirantibus.* (*)

(*) Initio 2. epid.

ÆGER VIGESIMUS SECUNDUS.

Febris æstiva cum tussi convulsiva.

*Tussis
convulsiva.*

Puella 5. Annorum, nondum variolas, nec morbillos passa: at ante annum ex vermibus curata, pane multo sequioris notæ, aliisque farinaceis, quibus maxime delectabatur, ferme unice vescebatur.

Sub finem Maji tussi corripiebatur, ut plurimum sicca, indies validiori. Tussitabat livente facie, & artubus convulsa, & propemodum suffocata inter repetitas, diuque protractas expirationes; insequente tarda, difficili, sonora clamorosa inspiratione: Sub finem paroxysmi nunquam vomuit, nec aliis temporibus. Febricula: anorexia: nauseabunda.

Exacta altera septimana tussis humectari cepit, sputave prodire pituitosa, tenacia, non pauca. Haustu emetico multa biliosa, æruginosa, pituitosa ore, atque alvo reddidit. Plurimum levaminis: tussis pauca, non convulsiva: nulla febris.

Post biduum neglectis & apta diæta, & ulteriori remediorum usu, recrudescere omnia tussitare incertis vicibus, interdium, noctu, frequenter, & convulsive: sputare cruenta, pituitosa, puris æmula, multa, & mediocriter febrere.

Die 10. Julii nostræ curæ commissa est. Tussim mox adfuturam prænunciabat molestus oris ventriculi sensus, tussim ipsam antecedere solitus, & comitari. Macies: alvus rara, dura: que: noctu, & inter dormiendum largus sudor

in

in collo, fronte, & ad claviculas, respiratio fervens. quasi bulliente aqua: nullus ullibi in thorace dolor.

Për biduum ventrem sollicitavimus salinis remediis, manna. & enematibus. Mox respiratio strepere desit, & tussis rarior, mitiorque fieri, cæteris non emendatis.

Cum sudoribus, & macie consumeretur, remediis tonicis opus esse arbitrabamur, sed stomacho amicis, quæve alvum, immorigeram alias, expedirent, utpote regiam quasi viam illuviei abdominis excipiendæ, exturbandæque.

Hinc corticis peruviani decoctum, salibus mediis, & manna stimulatam *parce* quidem, ne copia ipsa perefficacis alias remedii ventriculū offendat, sed *frequenter* bibendum didimus.

Die 17. Julii tussis rara admodum, non convulsiva. Respirat absque strepitu: non sudat: pauca sputat, & raris subinde lineolis cruentis tincta. Appetit.

27. Jul. cum tussis consopiretur, ita, ut rarissime, & minime laboriose, nec more convulsivo tussitaret, noctes essent tranquillæ; sputa proferret rara, & solum mucosa; cumque victum largiorem, quam a dejecto ferri ventriculo posse existimabam, intempestivius flagitaret, mater puellæ insciis nobis multa farinacea, & butyracea alimenta attulit: inde omnia re-cruduerunt.

Cognito eo errore diætetico, cum mater convenire filiolum prohiberetur, eam illa nolentibus nobis domum reduxit, austeræ nostræ methodi pertæsam.

Nihilominus vel ex hisce adparet, qui rei eventus fuisset, si curam licuisset, quemadmodum constitueramus, perficere.

Tussis convulsivæ quædam proprietates, ejusque cura. Nulla certa redeuntis tussis periodus observabatur. Nec in paucis aliis, quos extra Nosocomium vidi, aut quos aliis annis curavi, definitum quemdam accessionis circuitum experiebar. Hinc non omnis tussis convulsiva *omni alterno die* validius urget.

Vitium systematis gastrici bilioso-pituitosum ejus tussis initio causam fuisse, multa evincunt, verminosa præcipue dispositio, ac victus crudior, & tussis adfuturæ præsensio quædam ad cardiam, & epigastrium totum, vomitiones præterea biliosæ, pituitosæ, levantes.

Huic vitio mederi studebamus remediis incidentibus, alvum leniter moventibus, eaque simul virtute præditis, quæ laxam solidorum compagem firmant, & novæ pituitæ genesis, restaurato fibrarum tono, præcavent.

In curanda tussi convulsiva unice ferme spectandam semper judicabam *labem temporis epidemicam*, quæ *varias* hominum ætates *varie* afficit.

Mense Majo, & Junio morbi *pituitosi* emi-
nuerunt, bile non raro in societatem adscita. Sordes hæc variorum in variis symptomatum effectrices solvere oportebat, solutasque repetitis plerumque vicibus vacuare vomitu, alvoque mota. Id fecisse in plerisque suffecerat, in adultis præcipue, iisque robustioribus. Fœminæ quædam opportunam pituitæ diathesin sive a nativitate nactæ, sive ab adventitia ægritudine, solventibus remediis, & iteratis etiam evacuationibus non levabantur; necessum enim fuerat & debilem roborare machinam, & ea confirmata generandæ novæ pituitæ ansam præripere. Id in pueris, quos tussis convulsiva vexabat, factò perquam opus erat. Hinc pro-
fue-

fuerat lenissimis evacuationibus ea remedia maritare, quæ vi roborante commendantur.

Pucros diversis annis tussi vere convulsiva correptos, recurrentisque eodem in homine ejusdem tussis exempla plura novi.

Tussim convulsivam, quæ sui generis, & *specificus* morbus esset, nunquam vidi; semper enim epidemicæ febris characteres exhibuit luculentos, ut ab eadem etiam causa generari, & ejusdem popularis ægritudinis diversa solum *modificatio* videretur. Ratio vero, cur eadem ventriculi illuvies modo encephalon turbet, modo pulmones tussi concutiat convulsiva, nunc miliare exanthema, nunc scarlatinum, aut urticatum, aut erysipelas gignat, & subeat varios modos, nostram hucusque indaginem fugit.

Tusses convulsivæ cum Viennæ, tum in Hungaria a me observatæ, fuere omnes *stomachicæ*: at non omnis *stomachica* tussis fuit ideo convulsiva; hinc illa latius patet, & plures sub se quasi species complectitur, quarum unam dicimus *convulsivam*.

In sananda tussi convulsiva, ubi ea ex ventriculo oriebatur, quam originem illi communissimam esse puto, bina potissimum tempora distinguebam, primum, quo ventriculus fere solus ægrotabat, & materies prava abdominis necdum in reliquum corpus, aut nonnisi per parum dimanavit: atque alterum, quo pulmo non solum per sympathiam afficitur, sed ipse jam suam a ventriculo labem attraxit, eamque variam.

Morbi non ultra ventriculum, aut non multum progressi facilis medicatio erat, & non diuturna, emeticis, eccoproticis, & stomachicis demum, atque victu eupepto perficiunda.

At vero ubi vitium ad reliqua etiam viscera dilapsum videram, in ea simul inquirere oportebat, quæ alibi essent, & quam ratione vitata. Sic ubi repereram imbecillum corpusculum, & emaciatum, & sudoribus, quos lecti tepor copiosissimos sæpe prolicuerat, contabescens, & ingentem, viresque absumentem sputorum mucosorum, & puriformium copiam, roborantibus usus sum, corticis peruviani decocto, lichene islandico, & polygala amara, aut consimilibus, ubi ventriculum antea repurgaram, & alvi libertati identidem prospicerem.

Verum aliam inire rationem solebam, ubi pulmones & validissime, & vicibus innumeris sanguinem allicuerant copiosiore, unde turgor, & plethora eorundem, ac inflammatio. Eo in casu phlebotomia requirebatur, non ut ventriculo, ortæque ex eo tussi, sed ut tussis effectui, maxime pernicioso, peripneumonice nempe affectioni, quæ supervenerat, primum mederemur.

Cum ea, quæ de tussi convulsiva mihi per observationes, vel etiam lectitando innotuere, mente expenderem attentiori, quosdam quasi

Aphorismi de
tussi convulsiva.

aphorismos ea de re condi posse, atque eosdem quam maxime practicos existimabam: scilicet

1. Tussis convulsiva, præcipue popularis, morbi alterius ei tunc anni temporis imperantis quædam solum *modificatio* est, & lusus quidam, cum eoque morbo principe & increfcit, & consistit, & inclinatur.

2. Hinc *eandem* cum epidemica ægritudine curationem petit: *eadem* & causæ morbificæ indoles, & sedes *eadem*.

3. Cum febres *vernas* pituita cum totius corporis, tum maxime ventriculi, & intestinorum

gene-

generet, *æstivas* bilis, & *autumnales* idem humor biliosus, sed spissior factus; easdem & tussis convulsivæ ut plurimum productrices materias observamus.

4. Hinc, uti febribus vernis plus minusve phlogoseos commiscetur, ut idcirco phlebotomia sæpenumero requiratur, sic tussis convulsiva, quam ver præcipue gignit flante borea exasperatum, in inflammationem pulmonum abit, educto sanguine curandam.

5. Tussi convulsivæ æstatis emeticum, atque illi per autumnum dominanti præmissio emetico cortex peruvianus proderit, officiet sanguis misfus. Quæ medicatio ad earum etiam tempestatum populares febres pertinebit.

6. Tussis convulsiva, utut causa ejusdem materialis sublata dudum sit, redire per vices nihilominus *ob consuetudinem* potest, quam fibræ nimium irritabiles contraxerunt. Desuefacient vero nerveum systema ab irregulari hoc motu opiata, moschus, castoreum, hyoscyami extractum, cicuta, nicotiana, camphora, gummi ferulacea &c. item cortex peruvianus.

7. Pleræque tusses convulsivæ sunt *stomachicæ* ob materiem morbificam in ventriculo hærentem.

8. Nihilominus nulla tussis est, cujuscunque illa originis sit, quæ in corpore *plurimum irritabili*, quale infantum, puerorum, & mollicularum foemellarum esse solet, non possit esse aliquando *convulsiva*. En cur tam variæ, sibi que nonnunquam oppositæ methodi therapeutice huic morbo auspicato admoveantur.

9. Male ergo hæc tussis inter eos morbos recensetur, qui antiquis ignorati posteriora hæc demum sæcula foedarunt.

10. Contagio eandem propagari, hominemque eo morbo semel defunctum perstare posthac ab eodem immunem, observationibus repugnat.

11. Specificum remedium *hujus tussis* tam varia sede, & causis adeo multiplicibus natæ, nulum datur, nec dari potest.

Anno 1775. mensibus Martio, Aprili, & initio Maji tussis convulsiva ætatem puerilem per omnem agrum Viennensem corripuit, nec omnem abstinuit vim ab ætate provectiori. Etenim & mobilissimas quasdam juvenculas vidi, quin & viros convulsive tussitantes. Pertinacissima ea tussis in adamata sibi puellari ætate fuit, ad duos, tresve extensa menses.

Erant, qui unam tantum, alteramve tussis ejus accessionem experirentur, hique ex adultioribus ferme.

Eam quoque observationem in meis pugillari-bus reperio, morbos pectoris quoscunque, illo vere observatos participes aliqua ratione illius tussis convulsivæ aut ab initio fuisse, aut esse serius factos. Præterea id etiam a me adnotatum lego, paroxysmum illius eo tempore tussis convulsivæ risu fuisse facillime invitatum, de novoque concitatum. Id ideo fieri arbitrabar, quod in risu æque, ac in tussi convulsiva diaphragma repetitis vicibus succutitur eo modo, ut continuæ fieri expirationes debeant, quas nulla inspiratio interpellet. Instantem etiam paroxysmum retardatum non raro, elisum, præventumque vidi facta longissima, quantum licuit, inspiratione, & spiritu, quam fieri diutissime potuit, retento.

Quas mutationes hæc febris per autumnum subiverit, postea dicam, ubi menses autumnales, Septembrem, Octobrem, Novembrem de-

descripsero. Hinc quæ ibi habentur, huc traducantur, ut integra sit æstivæ febris, & admirandæ variationis ejusdem historia.

Æstivam appellavi hanc febrim, quod per æstatem frequentissime fuerit spectata, etsi hinc ver jam occuparet, illinc usque ad finem autumnii imperium suum prorogaret.



C A P U T X I.

REFLEXIONES IN HISTORIAS SUPRA RECENSITAS.

En febrim æstivam anni 1777. mille formas ludentem, & mirifice protheiformem! En & apoplexias, & phrenitides, & ophthalmias, parotides, anginas, syderatas linguas, artusque, & pulmonum affectus varios, ac graves, & rheumata, colicæ, convulsiones, & paroxysmos hystericos, & efflorescentias tanquam ejusdem fontis in diversa dilapsos rivos nunquam siccandos, nisi ipsa scaturigine resiccata.

Chamæleon hic versipellis, bilem ajo æstivam, multifariam imponere iis solet, qui annum illum febrium circuitum, & epidemiarum indolem semper eandem in se, sed millenis lusibus ludentem non ad ipsos ægrotantium lectulos, non penitissime fuerint edocti.

Qui morbos æstatis hujus cum iis contulerit,
sub

quos aliorum annorum æstates, atque alio adeo sub sole peperere, maximam inveniet morborum æstivorum omnibus annis similitudinem, genus eundem omnino, eandem materiem morificam, atque eandem, si rei caput spectes, therapeuticam methodum.

Quod si quid reperias diversitatis, illius id generis erit, ut varium solummodo morborum numerum, discrimen varium, durationem eorundem, typum, efflorescentias, crises, complicationes, eorum aut præmaturum, aut tardiorum instante æstate ingressum, aut fugam sub autumnum, hyememque citiorem, aut magis dilatam diversis æstatibus variare diversimode videas, aut hoc anno hanc partem corporis præ alia impeti. Quemadmodum enim *eadem* æstate diversissimam faciem *idem* morbus obvertit, et si *eadem* ratione percurandus, ita variationes ejusmodi non essentielles *ejusdem* morbi multo frequentiores occurrunt æstatibus *diversis*.

Non paucæ equidem epidemiarum æstivarum descriptiones præstant, quas qui scripsere, quasi novas quasdam, aut nunquam omnino, aut rarissime visas & arbitrabantur, & posteros sic persuadebant. Id inde contigit, quod adventitium quoddam, non essenziale, sed *hoc* anno eminentius fortasse, atque universalius spectatum symptoma arripuerint, indeque, tanquam a notâ characteristica digressi, epidemiæ notionem formarint, non utique genuinam, cum ex accidentibus solum non necessariis, & mutabilibus repetiretur, atque etiam deceptricem, quia morbi notionem malam mala consequi methodus debebat. Verum qui ad artem recte consequendam Coi oraculi suasu (*) *omnium primorum*

annorum

(*) L. de aëre, loc. & aq. c. 3.

anni tempora animadvertit, quid horum quodque possit efficere, quive omne fere tempus penes ægros numerosos, & morborum indole peruestiganda, & experiundo consumit, nullius vel magistri, vel opinionis prædilectione abreptus, in id unice intentus, ut profit, ut periculum omnium faciat, & quæ didicerit meliora, retineat, vulgetque, is, inquam, hanc mirificam morborum quavis æstate recurrentium simplicitatem nunquam prætervidebit, utut versicolore, & variegatam; epidemiarum descriptiones, etli quam maxime mancas cum emolumento leget, & tanquam ex ruderibus, quod olim steterat, ædificii formam delineabit.

Hanc popularium per æstatem morborum similitudinem vel ipsa Hippocratica pestilentis epidemiæ descriptio probat, remotissimo licet sub cœlo facta, & quam plurimis abhinc annis. „ Etenim & ignes sacri quam plurimi numerantur, & faucium dolores, & oris fervida ulcera, lippitudines humidæ, longæ, diuturnæ, cum doloribus; febres ardentes, soporosæ, anxix, horridæ, per vices exacerbatae, phreniticæ, cum alvo turbata, secessibus crudis, tenuibus, multis; tubercula foris, intus, circa inguina; carbunculi per æstatem multi &c.

„ Circa alvum multis multa, & nociva acciderunt, tenesmi, lienterix, dysenterix, secessus biliosi, pingues, tenues, aquosi, tormina, & volvuli maligni. Multa præterea alia febrium genera grassata sunt, tertianæ, nocturnæ, continuæ, longæ, erroneæ, anxix, inconstantes, ubi alvi plurimis turbabantur. ” (*)

Sed

(*) C. III. de morbis popularibus. sect. III.

Sed & ægrorum historiæ, quas descriptæ epidemiæ subnexas legimus, eandem ad amussim imaginem sistunt, quam nostris quotidie oculis per æstatem febris æstiva obtulit biliosa, pituitosa, putrida, malignaque seu suapte ingenio, seu ob remediorum neglectum, sive ob sinistrum eorundem usum.

Quadam
ad hæ-
moptoën
pertinen-
tia.

Hæmoptoën & hoc, & præterito anno per æstatem, & autumnii initia perfrequentem experiebamur, cum difficili subinde spiritu, ardore thoracis, & pungente lateris dolore, & febre.

Quidam excepta sputatione cruenta nil molestiarum querebantur. Fuere, qui sæpius jam, atque etiam aliis æstatibus sanguinem tussitando rejecere, & a multo jam tempore copiosa, glutinosa, & puris quamdam speciem præferentia, noctu, & horis antelucanis extulsi-
runt. Hos omnes aut febris tenuit luculenter biliosa, aut biliosa saltem *dispositio*, & occulta febricula. Sapor certe, & lingua alieni quiddam habuere, & minutum erat aliquantulum desiderium cibi. E somno evigilantibus matutino amariusculum quid præter morem molestum fuit, aut pituitæ copia, ac male sapidæ salivæ, fauces replens.

Hos omnes in conspectu multorum Nosocomium adeuntium & tuto, & intra non multum tempus cum constantia persanavimus.

Non destitit, eos, qui ægrotos visentem sequebantur, *in hanc hæmoptoes speciem* reddere perattentos: eam a bile æstiva effici, quemadmodum multi alii æque mirabiles effectus, observationibus ostendi certis, & multiplicibus. His, qui sic ægrotabant, aqua simplici cum multo oxymelle, & sale mediocris exacto nych-

the

thenero emeto-catharsi ventriculum subvertimus, multamque plerumque bilem, & ἀμωγνῶν αἷω, καὶ κατὰ copiosam eliminavimus, & quanto cum emolumento, quamve intra breve tempus consecuto! Vomentes ne guttam sanguinis rejecerunt, quasi ipsa emesis hiantia pulmonum vasa quovis auxilio citius, atque efficacius stringeret; & vomitu jam peractō aut nihil omnino sanguinis, aut ejus nonnisi paucum quid per intervalla, & ad exiguum tempus comparuit.

Repurgato abdomine salina remedia continuabamus, quo impetum humorum ad abdomen inclinarem, liberum modo, & liberiori sanguinis periodo, rejecta illuvie aliena, idoneum effectum.

Sed & hominem a relapsu præmunire oportebat, ac novam novi fomitis biliosi genēsīn præcavere, & corroborare laxos pulmones, ne denuo sanguinis plus, quam apte cohibere possint, suscipiant, susceptumque male dimittant. Hic sanguinis receptus ad imbecillum viscus tunc potissimum eveniet, cum meare is libere per abdomen nequit, multis utpote, alienisque sordibus gravatum. Ea ratio fuit, cur vim ventriculi acuerimus, & restituerimus robur universo corpori remediis amaricantibus, aliisque hunc in finem laudatis. Sed sub usu istorum alvus liberior esse debebat, & ter, quaterve quotidie respondere, ut sic humores deorsum, & ad alvum vergerent huc continuo invitati, & eorum vis a pulmonibus averteretur.

Hac methodo etiam illos sanavimus, quibus redire hæmoptoë omni æstate solebat, & quibus repetita, & profusa sanguinis missio, priusquam nobis committerentur, hanc e pulmonibus

bus hæmorrhagiam adeo non stitit, ut eam etiam adauxerit.

Qui *hujus* hæmoptoes notionem habet, & vires opii noverit sanguinem rarefacere, & esse impuro ventriculo inimicas, æque noverit, opio locum hic nullum fuisse, eoque morbum fuisse graviolem effectum.

Adstringentium remediorum vanitatem, qui non sperabatur, eventus docuit.

Rubor faciei intensus, & oculi quasi sanguine suffusi neutiquam nobis aut plethoræ, aut phlogoseos signum fuerunt, nec ulla ideo phlebotomiæ necessitas fuit. Biliosi sæpenumero supra modum rubuerunt, at everfo ventriculo, & bile refusa cum levamine palluere. Nec qui e naribus sanguinem stillabant, aut quibus ex utero prodiit, idcirco pro plethoricis, aut inflammationis habebantur, si cætera reclamarint. Ipsæ febrilis impetus sanguinem vel e naribus, vel ex utero movebat. Si quando horum quid in morbo comparuit, nec inde quid mali præfagebamus, nec sperabamus quid boni; neque unquam ullam inde agendorum rationem depromebamur. Suffecerat spectasse ipsum morbum, ejusque principem causam, atque huic medelam opposuisse directam, & parem.

Curavimus morbos subinde compositos ex inflammatorio videlicet, & bilioso. Id morborum connubium diversorum verno maxime tempore eveniebat, hyemali phlogosi nondum penitus dissoluta, & longius hinc inde procurrente in tempora biliosa.

Sed & alia ratione biliosæ feбри subinde vera inflammatio sub exitum veris jungebatur, ubi bilis diathesin offenderat inflammationibus aptam, & sanguinem succendebat. Eam febrium com-

positionem plerumque quotannis etiam autumnus profert, præmaturo præprimis frigore horrescens, aut proximus hyemi, ubi bilem æstivam brumalis inflammatio propulsat, cum eaque subinde concurrit.

Quodnam hic in medendo consilium arripuerimus, quave fortuna, vel infortunio, historiæ morborum docent.

Ubi febris, quæ ex biliosa, & inflammatoria coaluit, phlebotomiam exigebat, sanguinis corium vidimus non albidum, quemadmodum in impermixta alias inflammatione solet, sed flavescens, virescens, flavo, viridique sero innatare, crassum valde, & tenax.

In emeto-catharsi pluries repetenda eam legem sequebamur, ut omni alterno, tertiove die secessum, & emesin moliremur, donec febris aut emanferit penitus, aut maximam partem deferbuerit, dummodo vires id genus remediorum admitterent, quibus vigentibus emeticum reiteravimus non ob nota solum onerati ventriculi symptomata, & febrim aut eodem decurrentem tenore, aut denuo insurgentem, sed etiam ob linguam siccam, adustam, nigrescentem, retorridam, ligneam, aut ob cephalalgiam magnam, & capitis calorem gravem, eumque sensum, ac si, ut ægrotantium phrasi utar, *caput dissiliret*. Mirum certe, & subitaneum febrilis æstus solamen ab emeto-catharsi sæpissime vidimus. Hinc factum, ut nunquam in mentem venerit, oxyrhodina, & nescio quæ epithemata capiti adplicare, quæ ægrum, & assidentes dulci potius futuri levaminis spe lætant, quam re-
evant.

Ubi phlebotomiæ male institutæ vim vitæ confregerant, periculosum fuerat alvum, aut

vomitum periclitari. Novi enim & mortem illatam, eamque repentinam, ubi æger misso antea sanguine enervatus potionem emeticam hauserat, utut non drastica, utut multa, pravaque ducentem, quamve vegetior alius eodem in morbo fuisset expertus summopere salutarem.

Id assero, *non propinandum emeticum esse, usquedum os non amplius amarescat, & lingua mundetur, nec ventriculus doleat.* Hæc enim symptomata sub initium morbi pravæ illuviei debebantur, quæ eliminatis licet sorbibus nihilominus perstant, non jam a malis contentis generata, sed a languidissimo ventriculo, & ab introrsum verso humorum salivalium ac biliosorum nisu, eorundemque secretionem, & excretionem ob pharmaci stimulum adaucta. Eo in casu firmare systema gastricum annisus sum, & hiantia vasa adducere remediis amaricantibus, & cortice imprimis peruviano.

Omnium ultimo linguae mundities, & naturalis mollities rediit, nec ægro a relapsu sufficienter prospectum existimabam, donec lingua per omnia se haberet, uti in sanis solet.

Si morbus *princeps* emetico indiguit, haud facile quidquam coinciderat, quod emesin *contraindicaret*. Variolarum nullum stadium, nec morbillorum, nec catamenia, nec graviditas, nec lochia, nec aliud quid *curam antibiliosam* ubi ejus necessitas fuerat, vomitoriis instituentibus prohibuerunt. Mirabar multoties, hæc *coincidentia*, variolas, morbillos, purgationes muliebres &c. ob æstivam hanc febrem multum a suo tramite deflexisse, evasisse anomala gravia, periculosa, & sola methodo illa, qua febrim popularem *directe*, atque efficaciter aggrederetur, fuisse denuo intra orbitam reducta.

Con

Contraindicantium numerum in dies exerior esse multo minorem, ac olim arbitrabar.

Indicationes curativas non desumimus ex februm aut vario typo, aut lusu vario symptomatum; sive enim continuam quis diceret, sive remittentem aut statis horis, aut erroneo modo, seu intermitteret quacunque ratione, seu efflorescentiis quibuscunque stipatam, & quidcunque græci nominis schola vetus tribuisset, omnibus *eandem* fecimus medicinam, ubi *eandem* febris causam advertebamus, aut *propemodum eandem*. Hinc causæ morbificæ, non autem variis ejusdem causæ effectibus, aut lusbis, & modificationibus adventitiis medendi methodus adaptabatur.

Innumeræ sunt pulsuum deceptiones, quas de industria vitabamus, cum nihil magni, ac decretorii aut omitteremus, aut moliremur, suadente vel dissuadente solo pulsu, securioribus semper signis confisi.

Pulsus pleni, fortes, duri, vibrantes, & plurimum exagitati in febre biliosa plethoram, & phlogosin læpenumero mentiebantur, sed subverso ventriculo, remotoque bilis stimulo mox mollescebant, naturalibus vix dissimiles.

Aliam pulsuum fallaciam vidimus, si quando iisdem a rhythmo naturali non abludentibus ægrum nihilominus plena discriminis febris tenuit.

Curtam habuimus materiæ medicæ suppellectilem, non ob penuriam, sed quod ita nobis placuerat ipsismet. Comtas remediorum formulas illi sibi servant, quæis dura necessitas incumbit matronarum palatum deliniendi, aut ea propinandi, quæ suo se pretio commendant.

Primo nychthemero aquam puram copiose hauriendam dedimus, cui aliquid oxymellis com-

miscuimus, ex æquali portione aceti simplicis, & mellis sola miltione parati.

Hunc potum omnibus decoctis præferebamus, quod & parabilis esset, & ægris gratissimus large potaretur. Interea temporis potiunculam salinam propinabamus in plures divisam doses ex aquæ simplicis dimidia libra, & drachmis duabus *arcani*, quod vocant, *duplicati* compositam. Plus salis medii intra viginti quatuor horas ingerere volebamus, ne alvus, antequam emeticum exhibeatur, nimium fluat, & propinatum postea emeticum convertatur in purgans, id quod plerumque fiebat, ubi vomitorium alvum offenderat jam antea diarrhœicam. Plus profuerat cholera artificialis, quam sola dejectio vomitu carens.

Peracta emesi sola aqua, melle, & aceto utebantur, & octo fere horis nil alterius remedii sumaserunt. Turbas tempus ipsum, & blande obrepens somnus multo felicius, tutiusque composuit, quam qualecunque narcoticum, a quo plerumque abstinebamus. Elapso hoc tempore, quid ultra facere oporteat, expendebamus; vel enim eandem, quam initio, potiunculam salinam, vel vero, si quando glutinosa potius, quam biliosa vomuerant, mixturam præscripsimus ex libra dimidia aquæ simplicis, & drachmis duabus salis ammoniaci, adjecto paucio melle confectam. At ubi fusior alvus, & virium dejectio ægrum affligerent, pulveris radice arnicæ drachmam dimidiam, aut integram omniquarta, vel & omni altera hora vel solam, vel una cum aliis *coindicatis* dedimus.

Qui sanguine male emissio, aut morbi diuturnitate confecti compage jamjam dissolvenda ad nos venire, ocyus corticis peruviani decocto usi sunt,

sunt, emesi aut neglecta, aut eadem modestius, & ope solius radicis ipecacuanhæ concitata.

Reconvalescentium vires decoctum herbarum, & radicum amaricantium, & victus idoneus restaurabat.

Multa adhuc supersunt, quæ, prout memoriæ occurrant, narrabo, per æstatem potissimum observata.

Sic pulsus exiles, & ferme sub digito evanescentes, celeresque in febre æstiva sæpius deprehendi. Tunc vero inquirendum fuerat, quænam ex duabus causis, quarum singulæ exilissimos pulsus faciunt, obtineat; subinde enim vera aderat virium jactura ob multas, largasque sanguinis missiones, & symptomaticum, ac grave profluvium alvi; at tunc, utut ægri multa subinde fæce putrida abundarent, tamen, pravorum licet succorum evacuationem non tulerunt.

Pulsuum debilitas vera, & fit ita.

Puella phlebotomiis, priusquam ad nos deportaretur, ad incitas jam redacta, post lenem emesin, rejectaque multa licet, & amurcosa bile mox lapideum artuum frigus exhibuit, pulsibus arteriarum omnino abolitis, & morte, quam forte post aliquot primum dies, non propinato emetico obiisset, paucis ab emesi horis infecuta.

Debilitatis vera causa, & medicatio.

In hac vera debilitate directam medendi methodum ope emeto-catharsecos jam non amplius poteram adhibere, sed viribus vitæ consulendum decocto corticis, radicis arnicæ infuso, vi quoque fuit, ut vires vitæ erigantur, erectæque aut ipsæ morbificam materiem coquant, eliminant viis, & modis variis, lente equidem, & cum discrimine, & per ambages.

Subinde ægri ex hac ingenti imbecillitate re-

focilliati leniorem emesin *serius* utilissimam experti sunt, quæ stante illa exigua vitæ vi, & citius instituta enecuiisset.

An in
vera de-
bilitate
vesican-
tia pro-
sint.

Vesicantibus in vera maligne decumbentium debilitate a longo jam tempore non sum usus. Stimulos habent brevi denuo evanidos, sudorem sæpe noxium cientes, quæve & alvum, atque urinam cohibent, necrosin interaneorum imminentem accersunt, & majorem plerumque ruinam virium, & torporem relinquunt. Gaudeo, me a miserrimo hoc maligne febrientium auxilio, ex quo mihi melior medendi ratio innotuit, auspicato plerumque abstinuisse.

Perraro contigit, ut in vera debilitate ventriculus, & intestina omnia cardiacum quodcunque nausearent, nihilque medicamentosi valerent ad vias secundas ablegare, atque a remediis quibuscunque potius opprimerentur. Vesicante tunc usus sum, & excitantem cantharidum vim per inhalantia cutis vasa, non salutato ventriculo, immisi.

Eodem quoque tempore, & eodem fere consilio epispastica suris admovi.

Pulsuum
fictitia
debilitas.

Alteram exilissimorum pulsuum causam non raro in iis vidi, qui nullas adhucdum evacuationes passi sunt, aut saltem parciores, quam ut inde tanta debilitas deduci quiverit. His vero materies circa præcordia summopere turgebat. Cardiacum fuerat emeto-catharticum, quod pulsibus vigorem illico restituit. Fictitiam hanc debilitatem stimulantia non emendarunt, sed mirum quantum auxerunt.

Quæ sit
epocha,
qua fe-
bres ga-

Febres biliosas in putridas, in malignas multiplici ratione converti alibi asserui, neglectu potissimum, aut regimine calido, aut phlebotomiis præter rationem institutis. Quamdiu fe-
bres

bres ejusmodi biliosæ solventibus, atque emesi
 uni, aut pluribus cessarunt, ex necdum ma-
 lignitatis accusabantur. Ubi vero quacunque
 ratione aut putrida abdominis illuvies sanguinem
 ita coinquinarat, ut solventibus, & emeto-
 catharsi non potuerit amplius subduci; atque in-
 tra breve tempus eliminari; malignitatem adesse
 arbitrabamur.

*stricæ in
 malignas
 obcunt.*

Methodum medendi tunc *indirectam* adhibeba-
 mus, eamque in eo reponebamus, 1. ut vis vitæ
 non nimis torpeat, sed ita intendatur, ut hu-
 moribus permixtam alienam materiem attenuet,
 subigat, aut aptam efficiat, quo per varia cor-
 poris cola, ad quæ adpulerit, trajiciatur, at-
 que ita exterminetur. 2. ut ne nimium vivida vis
 vitæ sit, & contra inimicam materiem poten-
 tius insurgat cum discrimine ægrotantis.

*Et qua-
 nam tunc
 methodus
 conveni-
 at.*

Tunc vires ægri adcurate, ac juxta oportuit
 æstimare. Torpidam vitæ vim vinosa, amara,
 & stomacho amica crexerunt, & fibras imbe-
 cillas decoctum corticis peruviani, infuso-de-
 coctum radicis arnicæ firmavit. Quibusdam,
 quæis neutram in partem vis vitalis peccavit, de-
 coctum radicum graminis, & taraxaci cum oxy-
 sacharo propinavimus, quantum absque incom-
 modo haurire potuerunt, & quin ventriculus
 læderetur.

*item cui
 rei ea me-
 thodus u-
 nice imi-
 tatur?*

Spem omnem in justo hoc virium moderami-
 ne conservato, atque in eo reponebamus, ut
 omnia cola reddantur aperta, & adpellenti mor-
 bosæ materiæ excipiendæ, excernendæque ido-
 nea. Alvum habere facilem, & urinas expedi-
 tas magnopere profuit.

Hinc in exacta virium vitæ pensitatione rei
 cardinem verti existimavimus.

Nullam interim excretionem violenter urgo-

banus, nullamque ita profusam esse sinebamus, ut inde viribus metuendum fuerit, aut aliæ nimium languescerent, & supprimerentur.

Atque ita pugnatum in eo morbo fuit, ubi inimica materies jam eos fines transierat, intra quos constituta directam solventium, atque catharticos potestatem fuisset experta.

Nunc, cum illa jam eo irruerat, ubi solventium, vacuantiumque viribus jam non amplius subjecta fuit, res soli ferme medicatrici naturæ committebatur. Languidos ejusdem conatus incitavimus, ferocientes moderabamur, aberrantes reduximus.

Hinc nullum habuimus remedium, quo in omni, ac singula maligna febre, & semper uteremur.

Idcirco recens non raro aqua, eaque frigidiuscula cum saccharo, & paucio vitrioli spiritu, ut *limonadam* referret, aut graminis, & taraxaci, cicchoreique decoctum, vel etiam utrumque hoc genus remediorum, & lenta, minimeque tumultuosa festinatio multis salutem attulit, quos tumultuosa agendi ratio, & camphora, & serpentaria virginiana, aliaque stimulantia, & alexipharmaca pessum dedissent.

Sed & horum, & consimilium usus esse in magna virium jactura potest.

Quodsi tamen excitantibus, & cardiacis opus fuerat, illa mihi magis placuerunt, quæ stomachus plerumque libenter admittit, quæve & sanum alias, sed languidorem valent recreare, amara, corticis peruviani decoctum, aut ejusdem extractum, vinum &c.

Aër frigidior, recens, haustus frigidae, sorbillationes vinosæ sæpissime pluris sunt, quam immites, & ventriculo inimici remediorum quo-

rundam stimuli, qui postquam remoti fuerint, vitæ viribus nullum augmentum permanens addiderunt,

Maxima vis est aëris frigidiusculi, recentis- *Aëris conclusi, putridi- que ven- triculi vim in- fringit.*
que in prohibendis biliosis morbis. Qui com- *Et febri- gastrici- cam in- vitat.*
pluribus diebus aërem calentem, & non perfla-
tum hauriunt, ventriculo gravantur, minus
appetunt, ac ore amaro sunt, & febrile inci-
piunt. His ita ægrotantibus præmisso solven-
te, & antibilioso potu multam bis amurcam,
& magno cum levamine excussimus. Ejus rei
exempla complura in iis vidimus, qui tempore
æstivo ex morbo quodam chirurgico decubuere
in angustioribus cubiculis, atque una cum aliis.
Supervenientes id genus febres gastricæ morbos
ipsos chirurgicos, vulnera, ulcera &c. effecere
repente, & multo peiores. Imminentem non
raro in parte læsa gangrænam cura antibiliosa
repressimus, & ne sanati denuo relapsum pate-
rentur, acre lustrato, & stomachicis remediis
ventriculo cavimus.

Hanc febrem, quæ vulneratis, ulceratis, aut *aut No*
alio chirurgico morbo affectis, atque in No- *socomia-*
comio diutius conclusis insidiabatur, *lem, quam*
nosocomia- *a vitio*
lem appellabamus, etsi reapse a febre gastrica, *gastrico*
biliosa, putrida ne hilum differret, seu notas *semper*
utrique communes, seu methodum medendi *natam ob-*
spectes. *servaba-*
mus.

Nil prorsus periculi hæc febris *nosocomialis*
habuit, cum eam ultra initium progredi non
sineremus.

Febrium gastricarum certæ fuerant in salu-
tem prædictiones, malignarum vero perquam
incertæ. Quis enim certo prædixerit, mate-
teriem intra viscera receptam canales ubique
pervios offensuram, nullac oberraturam, nulli-
bi

bi plus æquo coacervandam, petituramque re-
cta esse vias illas, quibus tuto egeritur!

Dies critici an fuerint in febre æstiva observati. Quæ de crisi-
bus, certisque illarum diebus
tradi solent, observari in ægris nostris aut non
poterant, aut ita observabantur, ut multi abs-
que insigni, visibilique materiæ exeretione, &
lente senescerent, aut illa absque dierum dele-
ctu eveniret. Multi initium morbi ignorabant,
ii præcipue, quibus is insidiosè obrepebat; qui-
ve leviora valetudinis incommoda vilipendunt.
Plerique de primo morbi die dubitabant; in
paucis de morbi exordio exacte constitit.

Idcirco in exhibendis remediis nullum om-
nino diem aut præsentem, aut imminentem
morabamur. Etsi enim dierum criticorum do-
ctrinam obtinere sumamus, ea tamen ignorato
morbi adcurato initio inutilis plerumque fue-
rat, atque infida.

Manifestum exemplum malignæ febris non contagiosæ. Puerperam ad nos deportarunt febre gastrica
laborantem, sed neglecta, & pravo regimine:
in malignissimam conversa. Hæc paucos post
dies mortem in Nosocomio obiit. Infanti ma-
ter jam malignissime febriens domi suæ ubera
porrexit. Puellum morbi contagium nullum
hausisse, incolumem mansisse, & vegetum,
maritus asseruit.

Mictus difficilis in febre æstiva. Febre biliosa correpti, præcipue æstate a-
dulta, stranguriose minxerunt: paucis lotium
omne supprimebatur. Solventia salina, & eme-
to-cathartica renes, & vesicam illico expedive-
runt. Ab emollientibus, mucilaginosi, & o-
leosus penitus abstinebamur, quæ crudam ab-
dominis illuviem sua mole, & prava qualitate
auxissent.

*Æstiva mole-
stissima
diarrhæa.* Plerosque febricitantes æstate, & per autum-

num molestissimus ventris fluxus vexavit, vires summopere exhauriens, & subinde difficillime sistendus. Ægri a levi purgante plurimum lædebantur. Idem omnino nostris ægrotis acciderat, quod Hippocrates accidisse suis L. III. sect. VII. de morb. vulgar. testatur: „Purgationes (καθάρσεις) plurimos offendebant: eorum vero, qui ita habebant, plerique quidem subito moriebantur, multi etiam diutius perdurabant. Atque ut semel absolvam, tum qui diuturnis, tum qui acutis tentabantur morbis, ex ventris vitio omnes fere periire; omnes namque venter pariter sustulit. ”

Scarlatinæ febres, quarum copiam ver primum, & serus autumnus dedit, vigente æstate fuerunt perquam raræ. At omnes, quotquot habuimus, fuisse originis gastricæ, & non raro vitium inflammatorium fuerat commixtum. In ea enim tempora hæc febris incidebat, ubi binæ differentes anni constitutiones, hyemalis nempe emoriens, & inchoans æstiva, & vice versa, sese excipiunt.

Hoc anno vomitum movere solebam duobus scrupulis radicis ipecacuanhæ, cui granum tartari emetici adjeci. Si cui adulta æstate, qua fluxus alvini increbuerunt, venter ad nos venienti profuse fluxit, propinatum emeticum raro vomitum commovit, sed purgantis instar diarrhœam multo reddidit auctiorem, atque enervantem. Hinc alvum fluidissimam exhibita theriaca Andromachi prius cohibui, & clapsis ab assumpto narcotico una, aut duabus horis emeticum propinavi.

Peraçto vomitu diarrhœa subinde compressa est; perseverantem diutius infuso-decoctum radicis

*Febris
scarlati-
næ origo.*

*Quonam
vomitorio
usè possi-
simum si-
mus?*

de modo.

dicis arnicæ, aut ipsa in pulverem contrita radix certo, at pedetentim stitit.

Et tempore exhibendi emetici. In febribus intermittentibus, uti & remittentibus vomitorium finita primum exacerbatione dedi, quo tempore superficies omnes externæ, atque internæ sudoribus maduerunt.

Somnus, sudor levans post emesin, absque opio. Post emesin opiata non dedi, nisi si forte peculiari symptoma intempestivius urgeret opio compescendum. Peracto vomitu plerique inter levantes sudores placide obdormiverunt.

Aphtharum origo, & cura. Aphthas in adultis impura ventriculi illuvies produxit, easque nullibi offendi absque stomachi cruditate. Emeto-catharsis, & dein gargarismata subadstringentia, ne oris ulculcula certe non critica, in laxo, & putredinem facillime concipiente faucium corpore latius serpent, requirebantur.

Nunquam pulsum exploro recenter evigilantium, ut inde febris aut decrementum metiar, aut intensionem; omnes enim mox e somno expergefactos calere multum, febrire valentius, & habere se pejus observo, at ubi diutius jam vigilaverint, justam morbi mensuram exhibere.

Pauca quædam de futurorum in acutis prædictione. Exponam nunc, ad quæ animum præprimis adverterim, ut, quem morbus eventum sit sortiturus, mente quodam modo præcipiam.

Novi equidem in acutis infidas prædictiones esse, traditaque in eam rem præcepta multa vacillare, & claudicare. Nihilominus frequens ægrorum acute ægrotantium contemplatio intellectum ita disponit, ut varium morbi discrimen, & salutis, aut mortis majorem, minoremque probabilitatem, atque ejus probabilitatis quosdam veluti gradus concipiat, dijudicetque, an æger pone illam quasi lineam adhuc-

hucdum adhærescat, ubi æqualia vitæ, & mortis momenta sunt, spesque, & metus æquilibrantur; vel vero an ab eodem recesserit jam, & quamnam ad partem, & quantum.

En pauca quædam huc attinentia, quorum memoria nunc subit.

Siquando inflammatoria febris sananda obvenit, quam potu multo, atque antiphlogistico, & terna largiori phlebotomia instituta exardescere nihilominus, atque efferri observabam, æger in magno discrimine versabatur. Non id dico, non pluribus persæpe phlebotomiis in curanda phlogosi opus esse; at illud fidenter assero, inflammationem post tertiam sanguinis, eamque liberaliorem missionem infringi multum debere, aut saltem non ultra intendi, ut spes salutis recuperandæ possit perdendæ vitæ metum superare.

Pleuritides, & peripneumoniæ veræ cacochymis, aqua intercute, oedemate crurum, aut diuturno eorundem ulcere vexatis plerumque fuerunt lethales.

Quorum abdomen sentinam putridam continebat, alendæ putridissimæ feбри parem, simulque gravem phlogosin aut intestina, aut pulmo conceperant, perierunt.

Ruri inflammationes thoracis gravissimas initio visas per hyemem, & ver observatas medicatione nihilominus nec operosa, nec diuturna sæpius sanavi, quas in plebe urbana difficillimas vidi, & multo frequentius mortíferas.

Sed etiam ab anni tempore, morbisque per eam tempestatem regnantibus de eventu præsentis morbi augurium cepi.

Plurimum quoque intererat in dijudicando vario salutis discrimine, quo quis vitæ genere ante

tea usus fuerit , peruestigare : sic fabri lignarii præ cæteris gravius hac æstate, atque etiam diutius ægrotabant , & difficillime eluctabantur.

Qui in longo itinere , & laboriose confecto , in febrim æstivam inciderunt , atque ex via ægroti ad Nosocomium venerunt , rarius evaserunt.

Febres , quæ initio leves , & periculi immunes esse videbantur , longas , judicatu difficiles , & non raro lethales vidi , ubi aut diuturna antea tristitia , aut multæ vigiliæ , aut diætâ tenuis , crudaque præcesserunt.

Ancillas ægrotanti familiæ inservientes , aut quas amasii fuga , aut delusus quacunque ratione amor in longum mœrorem conjecit , lassas initio , nauseabundas , ore amaro , & superficialia solum febricula , biliosam referente , tentatas , plerumque laboriosa tandem , & plena discriminis ægritudo prostravit.

Orphanorum puerorum , puellarumque febres periculosæ fuerunt.

Febris biliosa recenter orta , in homine antea sano , & simplex , etsi valdopere exarserit , plerumque periculo carebat , & intra non multos dies sanabatur , si medicatio opponebatur apta , & tempestiva.

Eadem vero phlebotomiis multis efferata aut ægrum necabat , aut eum dubiæ , vacillantique sanitati trans mittebat.

Febris biliosa æstivo tempore latius dominabatur , at funera vix ulla dedit , nisi malam medendi rationem habuerat adjutricem.

Hyems , & ver hanc multo rariorem quidem , sed eventus ancipitis , experiebantur.

Cum singula , quæ ægro extra Nosocomium acciderunt , aut quo quis victu usus fuerit , &

vitæ

vitæ genere, quæve morbum proxime fuerant prægressa, non raro nescirem, utut omnia sedulo perquirens, in id intentus fui, an in febre biliosa, præmissis remediis solventibus, & emetico-catharsi subjuncta, æger insigniter allèvetur, & præprimis, an rubicundus genarum color cum oris, labiorumque viròre flavo in homogœneum magis totius faciei, albidiorẽque pallorem convertatur.

Inde felicẽ exitum augurabar, etsi elapso nychthemero recrudescerent cuncta; hæc enim repetito pharmaco fugabantur.

Ubi vero ea biliosorum rubedo ne hilum mutata perstitit, non amplius febrim gastricam appellabam, sed malignam, gravem, & sortis dubiæ.

Febrim biliosam subinde insultu epileptico inchoatam in fœminis observabam, sed eo sponte soluto, & methodo antibiliosa adhibita cito sanabantur, & quin reverteretur convulsio.

Convulsiones serius accedentes periculosissimas vidi, maxime viris, etsi leves viderentur, obscuræ, & topicæ.

Nihilominus in omni convulsione, maxime febrili, futurorum scientiam omnem incertam novi; novi enim e gravissimis convulsionibus evasisse alios, alios e multo levioribus periisse. Vaga, & errabunda nervorum affectio, quæ artus omnes hucusque forte graviter concussit illaesa vita, eosdem deferere nunc ob ingenium versatile potest, atque aut cor, aut musculos thoracis occupare, & eliso spiritu enecare.

Hinc vel in ipsis infantum convulsionibus, iisque vel levissimis in stimulum nervos irritantem omni opera oportet indagare, eumque auferre, sed nil prædicere, neque mirari, si,
Pars II. K quem

quem paulo ante quasi recte valentem , jamque extra teli jactum constitutum deserueras , paulo post inopinato convulsus audias , atque e vivis ereptum.



C A P U T XII.

DE FEBRIS ÆSTIVÆ COMPLICATIONE CUM ALIIS MORBIS, ET PARASITICA EJUSDEM INDOLE.

*Febris
æstivæ
varia
complica-
tio cum
aliis mor-
bis.*

Epidemicum morbum ægritudinum ferme quarumcunque , quæ per id tempus sporadice occurrant , utut toto coelo ab se invicem , & a communi illa temporis labe differentes , commilitonem agere , atque eas efficere multum anormales , abnormes , & non raro mortiferas , quæ solæ , & absque epidemici consortio fuissent perbenignæ , argumentis demonstrare innumeris possum , cumlata quotidie observatione collectis.

*Ejus
complica-
tionis no-
xia est
admodum
necessa-
ria.*

Cum epidemica constitutio quoscunque alios , atque omnium horarum morbos suum quasi subjugum cogat , suaque illis jura dictet , contingit , ut quem morbum intercurrentem hoc tempore hac methodo sanaveris , alio sanes longe alia.

Et si enim ægritudo obveniens quavis anni tempestate , atque omnibus annis , & ubicunque locorum omnino eadem sit , atque eandem etiam ,

si sola esset, medendi rationem deposceret, tamen cum sæpenumero periculi plus ab epidemico temporis vitio, quod aliud, atque aliud esse solet, quam ab ipsa hac sporadica effectione nascatur, alia erit, atque alia eidem affectui ratione medicandum.

Qui regnantem temporis constitutionem non assidue respexerit, neque inde suos sibi canones efformarit, næ is alto se mari committit, ventorum ludibrium, & fluctuum præda.

Ea labis epidemicæ scientia alios insuper usus habet, eosque communi opinione multo majores. Prima enim nascentium morborum exordia, nondum forte specificis notis insignita, atque adhuc ambigua, ex anni nota constitutione fortunato augurio præcipimus, & imminentis periculi vim occupamus.

Multi per eos menses, quæ bilis præerat, aut vulnerati, aut contusi, aut ulcerati, aut artubus confractis nostræ curæ concredebantur. Cum omnia, quæ utilia esse noveramus, secundum artis præcepta, & sollicitè fierent, & sanatio pulchre procederet, en repente febriculam, identidem grandescentem, typo vario, & si ad omnia animum adverteris, æstivæ febri, cujus indolem luxuriantem supra recensui, omnino simillimam. Interea, quæ pure bono, & carne læta hucusque florere vulnera, ichore tenui, cinereo, flavo, viridique madescere, carnibus pallidis, livescentibus, nigris. Artus ipsos tumor ardens cum pallidiusculo rubore prehenderat late diffusus, & vesiculis, quales ignis admotus facit, stipatus. Verum nemo inde gravius mulctabatur, cum medicinam mox ipsi principi febri promptam opponeremus, & efficacem. Soluta, rejectaque biliformi fæce, omni secun-

*Febris æstivacom-
plicatio
cum vul-
neribus,
ulceri-
bus.*

da hora pulveris radice arnicæ drachmam dimidiam, vel integram, cui subinde paucillum camphoræ jungebatur, propinabamus. Oportatos semper effectus videbamus, eosque non raro mirabamur perquam celeres.

Artum vero tumentem, & veluti ambustum, atque erysipelatosum phlogosi tentatum aqua abluimus communi, cui camphoratum vini spiritum, & acetum lithargyrii instillavimus.

*cum lapsu
ab alto,
læsioni-
bus capi-
tis &c.*

Quos lapsus ab alto, aut vis externa læserat, hi & eo laboraverant affectu, qui illatæ injuriæ debebatur, & paucos post dies vel inflammatione corripiebantur, si ea forte tempestate inflammationum imperium viguit: vel vero ex febre biliosa ægrotabant temporibus huic morbo obnoxiiis. Ea commixtio morborum me diutius latuit, consiliique subinde inopem fecit, cum, quæ uno tempore multum profuerunt, alio incassum adplicari, atque etiam nocere viderem, in morbo, ut rei inscius tunc arbitrabar, ad amussim eodem.

Connubii hujusce æstivæ febris cum morbo quodam externo, qui nihil commune habere cum febre populari videbatur, historiæ multæ nobis suppetunt, quas referre & longus, & inutilis labor foret. Instar omnium unius puellæ morbus esto, quem ad ultimum hujus libelli caput rejeci, plura ibidem de capitis læsionibus narraturus.

*Febris æ-
stivæ con-
nubium
cum va-
riolis, &
morbillis.*

Febris æstiva cum morbillis etiam, atque variolis in societatem coibat. Id genus connubii in varioloso vidimus, atque in omnibus omnino morbillofis, quotquot in Nosocomio per totam ætatem ea infirmitate defungebantur.

Observatio hœna, aliæque, quas animo per-
atten-

attento, a præjudicatis opinionibus libero, atque ut prolem amatam afflictis parentibus servem, mire sollicito, in Hungaria collegi finceras, & numero non paucos, in eam me sententiam adduxere, ut *variolas, & morbillos eundem semper morbum, eumque benignissimæ indolis, si non omni semper, at saltem potiori tempore, reputarim, quive soli, atque extra consortium prævum cito decurrunt, & periculo carent, sed quos a miti ingenio suo populare temporis vitium detorquet, efferatos reddit, & exleges.*

Ex hac opinione eam mihi legem in sanando utroque hoc morbo stabilivi, ut *febrim epidemicam, cujus presentiam, & commixtionem cum ipse anomalus variolarum, morbillorumve decursus, tum propriæ epidemiæ ipsius notæ me edocuerant, methodo efficaci, & directâ curem, ea spe fretus, fore, ut, qui a suo ingenio abducti fuissent variolæ, & morbilli, malo utpote consortio usi, denuo suapte ad frugem redeant. Nempe & leviculum vulnus, & non magni momenti ulcus videram mores pravorum inducere, atque ob febris popularis societatem benignæ indolis prorsus oblivisci, neque alia ratione res posse in integrum restitui, nisi eo consortio diremto, & epidemico vitio sublato. Quidni eandem quoque vim variolosus ulcusculus epidemia intentet? quidni intentatam arceamus eodem modo, & illatam propulsemus?*

Quæ animo conceperam, effeci, & nulla, aut vix ulla variolarum ipsarum, aut morbillorum ratione habita totus quantus in eo eram, ut in febrim popularem inquirerem, si complicationem ejusdem ex signis superius recensitis conjectarum, eique mederer non per ambages, sed e directo. Hinc phlebotomiarum, purga-

tionum, vomitoriorum, vesicantium, antiphlogisticorum, antisepticorum opiatorum &c., is mihi usus in variolis, & morbillis fuit, quem ipse epidemici morbi genius eo in homine sibi poposcisset, si nullæ aut variolæ, aut morbilli fuissent complicati. En, quo infortunio, quave fortuna meum ipse propositum sim executus.

*Historia
variolosi.*

Murarius 17. annos natus, vegeta hucusque valetudine usus, & corpore robusto, die 19. Maji vesperi capite doluit, non appetiit, sitiivit. Lingua modice scabra: epigastrium totum tendi sibi, & præter morem repleti videbatur. Dedolatio: dormivit.

20. Maji modice incaluit. Cephalalgia major, præcordiorum, ac ad umbilicum pungens dolor cum ardore: lumborum, dorsique ardor, & tensio: debilitas major: urinarum copia: anorexia, & sitis aucta: linguæ asperitas: noctu quies.

21. Maji capitis dolor major, lumborum minor: totius abdominis dolor intensior, pungens, ardens: cætera, uti pridie. Obambulavit, & ad consuetos labores fessum corpus coegit. Somnus.

22. Maji. præcordiorum immanis ardor, manentibus cæteris. Sudatiunculæ, nox bona.

23. Maj. hesternæ graviora. Sudores: abdomen inflatum, distentum, dolens. Vesperi paucae pustulæ variolosæ proruperunt.

24. Maj. pustulæ vix plures: symptomatum exacerbatio, cephalalgia tamen remissione: ventris profluvium.

25. Maj. alvo denuo adstricta cephalalgia gravius vexabat. Ingens sitis, & præcordiorum, totiusque abdominis, lumborumque molestiæ ingravescabant.

26. Maj. lingua arefcens, fapor amarus: nox infomnis.

27. Maj. mane nobis committitur. Variolæ paucæ, minutiffimæ in facie, pectore, manibus. Petechiæ multæ, per dorfum præcipue, variolis interperfæ. Sumto eo die potu multo, aquofo, acidiusculo, mellito, falino, vefperi multam, ductilemque pituitam fponde vomuit. Ea nocte abdomine minus doluit: non fitivit. Variolæ veluti recluso carcere confertim prouunt. Nox multo tranquillior, fed infomnis.

28. Maj. omnia mitiora. Urina jumentofa cum hypoftafi imperfæta, furfuracea: oris amaror: impedita deglutitio, & ardor faucium, quas albicantes pultulæ occupant. Epigaftrii minor dolor: pultulæ plurimæ in facie, pectore, brachiis: petechiæ in dorfo multæ, rofeæ, lenticulari ambitu.

Cum ea tempeftatè commixtum genus februm vigeret, ubi & fanguis phlogofin conceperat, & ventriculus fordibus redundarat, venam primo fecuimus, dein movimus emeto-catharfin: multam pituitam, & bilem eduximus eo cum eventu, ut abdomen mox a vomitu non doleret, extincta fiti, calore nullo, & pulfibus ordinatis. Noctu fomnus multus, tranquillus, non interruptus, reficiens. Sanguinem phlebotomia eductum crufta tegebat gelatinofa, diffufa, livida.

29. Maji nulla febris. Tonsillæ tumidiffimæ, & palatum numerosis, albicantibus, miliformibus pultulis exasperatum. Variolæ in facie confertiffimæ, confluentes, complanatæ, intropreffæ: in brachiis fatigiatae, elatiores; ampliores, rariores, difcretæ: in manibus con-

fluentes, & planæ: in dorso quædam confluentes, discretæ plures, sed & hæ aut complanatæ, aut intropressæ, quarum aliquæ apice erant cinereo, liventeque, at ambitu omnes læte roseo. Per medium dorsum petechiæ multæ: puncticulares, & rubedine diluta floruerunt. Appetit. Urinæ naturales: variolarum plerarumque bonus color; sed nullus ob faucium ardorem de nocte somnus.

30. Maj. labia, buccæ, lingua, fauces pustulis numerosis, albidisque refertæ Nullus ullibi, præterquam in faucibus, dolor, nulla prorsus salivatio, nullus faciei tumor, nulla febris. Oculi lacrimosi: alvus ordinata: pauciores petechiæ.

31. Maj. pustularum incipiens flavedo: modicissima febris: petechiæ perquam paucæ, & profunde flavæ. Facies non tumet. Vix vestigium salivationis. Potissimam diei partem extra lectum, & obambulando transegit.

1. Junii facies, & hypopia magis tuebant. Febricula. Pustulæ flavescunt, & forfice aperiantur.

2. Jun. incipiens salivatio. Noctu ob restituentem ptyalismum strangulatio; at alvo crebrius mota, & salivatione redeunte mox allevatus est. Manuum tumor, faciei tumore inferiora petente.

3. Jun. copiosus ptyalismus. Venter salibus, & manna sollicitatus, & fluens: vix febricula: urinæ multæ. Potus largus, emolliens, diureticus, acidiusculus ob admixtum acidum vitriolicum.

6. Jun. venter hucusque profluens: salivatio parca: noctes tranquillæ: exiguus ad carpos tumor: pustulæ exsiccatae.

13. Jun. bene per omnia habuit. Pruritus molestissimus lenivimus, cum resiccatas pustularum crustas lacte tepido emolliremus

Hoc tempore plures furunculi enascebantur, unde dolor, & pervigilium, largave suppuratione ægrum ipsis variolis multo immitius habuerunt.

Cortex peruvianus profusam puris copiam exhibuit. Inde & vires rediere, duro, quo utebatur, opificio prius pares.

Morbus variolosus diversa percurrere stadia solet, sed quorum non eadem est apud omnes autores ratio, nec idem numerus, nec eosdem cuivis stadio dies assignant.

Qua nos divisione febrium diversarum, & stadiorum usi fuerimus, exponam.

Tres nobis epochas integer morbus habuit, & curricula tria.

Primo enim illud temporis momentum notabamus, quo receptum miasma febre prodi peculiari cepit, specifica, & sui generis, cujus etsi naturam ignoraremus, sociabile tamen ingenium noveramus. Ea enim, utut sola non raro, & absque periculo intra triduum metam occupet, nihilominus epidemicam febrem in societatem persæpe adsciscit, cum eaque per ævia, atque invia fertur, atque hominem ut plurimum in præceps proruit.

Primo hoc stadio omnem operam in eo collocabamus, ut commixtæ huic febre potenter resisteremus, & cito. Qua re malignitatem, quam abnorme initium morbi portenderat, auspicato abstergi, aut, si nulla complicati epidemici ratio habebatur, laboriosos rerum exitus divinavi certus augur.

Alterum memorabile tempus erat, quo mate-

Variolarum stadia, & methodus medendi singulis statibus conveniens, antiquiorum ratio.

ries cocta inviolabili lege ad cutem projiciebatur, projectaque febrem solverat.

Quodsi æger febrile pergeret aut eodem tenore, aut & remissius, non jam cum febre variolosa mihi rem esse arbitrabar, quam metastasi cutanea judicatam ex integro noveram, sed cum alia quacunque, eaque, ut plurimum, populari.

Hinc eidem medicinam fecimus vel *antiphlogisticam*, si forte rigente bruma, aut primo vere inflammatio grassabatur: vel *antibiliosam*, temporibus biliosis.

Nec ullo modo ipsas variolas respexi, & sanguinem misi, aut eo non misso alvum, vomitumque movi, & ante eruptionem, & sub ipsa, & post eandem, prout commixta febris exigebat.

A prima pustularum eruptione alterum stadium metiebamur, quo jam non variolosum morbum, sed multos minutulos tumores considerabamus *inflammatoriae indolis*, & in suppurationem abituros. Is tumorum in abscessus transitus cum absque febre haud contingat, eam tamen non peculiarem, aut specificam existimabamus, sed quæ omnem inflammatum tumorem prosequitur, evolvit, & ad maturitatem perducit.

Hæc altera variolantium febris, ubicunque sola fuerit, plerumque æque innoxie decurrit, ac in alio homine solet, cui locus alicubi externus inflammatur, inflammatusque in benignam suppurationem tendit. Hinc artis suppetiis ea febris raro indiguit.

Quodsi nihilominus in homine plethorico, phlogistico, & inflammatoria anni constitutione ea nimium efferebatur, febrilem impetum missor-

sanguine, atque omnibus antiphlogisticis præsi-
diis moderabamur.

Evenerat etiam, ut in ægro cacochymo, & imbecillo ea febris langueret, & malos corporis succos non valeret in pus bonæ indolis commutare, & efficere abscessus bonos. Eo in casu & eo victu, & iis remediis utebamur, quæ vim vitæ exacuunt, & corpus firmant, peruviano cortice potissimum, & *pauperum Kinkina*, seu pulvere radice arnicæ. At sive langueret, quod rarius contigit, seu exorbitaret, facilis plerumque medicatio fuit, dummodo ea febris secunda sola fuerat, & nulli alteri epidemicæ febri sociata. Potissimum a populari biliosa, pituitosa, putrida, maligna febre metuimus, si ea aut primæ variolantium febri jungebatur, atque in alterum, & tertium stadium variolosi morbi provehebatur, aut serius accedebat, secundamque febrem conturbabat.

Univerſim is nobis in secundo variolarum curriculo medendi canon fuit: *febrim maturatoriam hujus stadii ea ratione curare, qua eandem febrem cujuscunque alterius inflammati, & proxime suppurandi tumoris socium curamus, sed maxime vim epidemicæ quam sollicitissime prohibere.*

Hoc alterum morbi stadium initio diei quarti, & fine decimi concluditur, quem temporis tractum autores alii in duo stadia dispescunt, nosque ideo non dividimus, quod una, eademque hoc toto tempore febris obtineat.

Tertium, atque ultimum stadium ab initio diei undecimi orditur, quo absoluta maturatio est, & pus excoctum. Eo tempore febrem maturatoriam tertia excipit, quam pus ex pustulis resorptum, & sanguinem oberrans conciat,

citat, *innominata*, nisi eam volueris *purulentam* compellare.

Inter secundam, & tertiam febrim nulla remissio cadit, atque ambæ extremis suis finibus implicantur, cum pustulæ non eodem omnes tempore maturescant, & aliæ pure jam turgent ant excocto, aliis adhucdum immaturis.

Purulentam hanc febrim in hoc tertio stadio non differre arbitrabamur ab alia, quam quisunque purulentus fomes intra humores circumcunctes susceptus accendit, si pars quædam corporis pus habet.

Id egimus isto morbi curriculo ultimo, ut omnes illæ viæ expediantur, quibus pus effertur extra corpus solet, maxime venter, & renes. Ad utrumque enim hoc colon vis vitæ conservatrix alienam materiem tuto ablegat. Sed & omnes, quantum licuit, abscessulos forfice percucidimus. At si labascere vires, si pus formam nimium, ac tabescere inde æger inceperat: corroborantibus usi sumus, & antisepticis, iisque omnino remediis, quæ quocunque alio in casu tabificas febres a pure natas coercent.

Sub finem secundi stadii, & per decursum tertii purgantibus salinis, & mannatis alvum sollicitavi, movique urinas potu multo, emolliente, acidiusculo, leviter frigefcente. Hirudines, malvam, & altheam, & multam liquiritiæ radicem decoximus, & frigefacto decocto vitrioli spiritum miscuimus.

Tempestiva hac purgatione id etiam successit, ut facies tumeret minus, & salivatio parcius esset.

Utrumque hoc symptoma, faciei tumore videlicet, & ptyalismum soli partium superiorum

um irritationi deberi existimabam, quæ illuc plus humorum alliceret. At noveram, quantum periculi a tumidissima facie creari oculis soleat, noveram & incommoda ptyalismī. In meo varioloso meam ipse legem hac vice non sum ad amissum executus, quod æquo serius purgarem, & justo mitius. Hinc & facies tumuit, utut non plurimum, & largior salivatio vexavit.

Faciei tumor, & salivæ profluvium nil critici habere mihi visa fuerunt, aut crisin difficilem, & incommoda perquam multa. Hinc urinis, & alvo mota revellere humores a facie studui, & ptyalismo vicariam evacuationem substitui.

Lætus recordor, me scæminæ cuidam in hoc certio stadio, cum facie immanem in molem grandescente deliraret, emeto-catharsi mentem amico restituisse.

Doleo, me nil statuere, aut pauca solummodo in cura variolarum posse, quæ & *ubique*, & *semper* obtineant.

Sufficiat adcuratas & stadiorum, & febrium variarum, & variæ earundem commissionis notiones dedisse, unde, si occasio tulerit, capi consilium possit, quidve in singulo morbi stadio, variisque ejusdem circumstantiis facto opus sit, pervideri.

Non laudo illorum opinionem, qui variolis ab ordinario cursu recedentibus, & anomalis factis phlebotomias, vesicantia, corticem peruvianum, & opium per omnia morbi curricula aduent, quadrata videlicet rotundis mista; quæ, cum omnibus hisce & eodem tempore, & eodem in homine usi fuerint, egregiam se fecisse *antiphlogisticam* curam arbitrantur, quin
aut

aut diversa stadia, aut febres illarum varias, & variam anni constitutionem respexerint.

Observasse mihi videor, variolas præ aliis febribus adamare potissimum biliosas, putridas, malignas, quasve ob earundem ex abdomine genesin *gastricas* appellamus.

Num miasma variolosum succos gastricos imprimis afficiat, & contamineat, numne idem intra venas susceptum ita hominem immutet, ut epidemia ipsum præ cæteris feriat, & efficacius, ignoro.

Ea etiam supervenientium malarum febrium ratio esse potest, quod aura variolosa sanissimum hominem non raro afflet, eumque fortassis bene pransum, & ventriculo repleto, quem ni ipsa natura suapte salutare conamine subvertat, & vacuet, multa aliena moles, longa mora corrumpenda, gravabit. Atque inde temporis tractu malorum Ilias.

Variolas in *confluentes* dividunt, & *discretas*: in *regulares*, & *anomalas*. Quid si & hanc adderemus variolarum divisionem, quæ *sinceras*, *impermixtasque* statuit, & *complicatas*, hasque de novo pro diversa commistæ febris indole subdividit?

Quoniam Cum maximus in curandis variolis nodus sit, easdem a febre populari prohibere, biliosa præcipue, putrida, malignaque, aut eam, si jam adsit, omnibus artis præsidiiis propulsare, id anni tempus huic morbo securius exantlando idoneum imprimis erit, quod paucissimos morbos proferet. Cum enim maximum malum a cælo gravi, morbosoque variolis accedat, eo salubrius has esse benigniores oportebit.

Hinc æstas, plurimorum utpote præ aliis anni partibus morborum mater, omnium pessimam

variolarum progeniem dabit, vitio temporis multiplici, bilioso, putrido, maligno contaminatam. Hanc proxime autumnus excipiet. At hyems, & ver, si ea tempora fuerint, qualia oportet, præ cæteris variolas sinceras ferent, & sui moris, & indolis bonæ tenaces.

Ex dictis constat, qua anni parte inferere variolas præstet.

Ea ætas hoc morbo feliciter defungetur, quæ a febre populari minus suffert, & extra tempus est magnarum in corpore mutationum. Ob id lactentibus variolæ plerumque mites, & ordinatæ sunt, dentientibus funestæ; & incipiens pubertas sæpe difficilem hunc morbum experitur.

Quo modo præparare hominem oporteat, institutionem subiturum, autores diversimode opinantur. At antecellere omnes alios is modus videtur, qui quod in homine vitiosum est, prius sanat, eumque extra epidemiæ aut præsentis, aut jamjam imminentis assultum tanquam extra mortiferi teli jactum quam longissime removet. Maximum interim eventus prosperi momentum affert, miasmate hominem offendi minime febriculosum, ventriculo, & intestinis valentibus, & puris.

Hinc crebrior blandi emetici usus erit, priusquam insitio peragatur, aut sub eadem, quam solius purgantis: & huic utrique præsidio præphlebotomia sæpius locus erit, nisi aut sicca hyems, aut ver consimile, dominante phlogosi, & in adulto, & inflammabili homine sanguinis missionem poscat.

De emeticorum, aut emeto-catharseos usu id dico, ea auxilia a nullo variolarum stadio, nec ab ipsa aut imminente, aut præsentem, aut paulo

paulo ante peracta pustularum eruptione *contraindicari*, si modo adsit ejus generis commixta febris, quæ hujusmodi remedium petat. Quidquid enim alienæ feбри auxilii opposueris, id in ipsarum variolarum emolumentum magis cedere, quam aliam quamcunque rem, certus esto.

Unde
morbillo-
rum mali-
gnitas,
& ano-
malia sit.

Quemadmodum variolis, ita etiam morbillis insidiabatur æstiva febris, morbumque effecit complicatum, quem qui sincerum, atque impermixtum existimasset, morbillos appellasset anomalos, atque etiam malignos. Verum quod alienum a benigno morbillorum ingenio erat, id totum debebatur admistæ feбри, cui omnibus idcirco adminiculis artis obnitebamur.

Morbillosos complures curavimus ab exitu veris in adultam usque ætatem, quos omnes ad unum binis eodem tempore morbis affectos vidimus, uno videlicet morbilloso, atque altero distincto, ac populari.

Quidam multis ante diebus, quam prænuncia morbillorum symptomata observarentur, ructare aliena cepere, vomiturire, pectore, & summo ventre angere, leviculo, frequentique horrore perstringi, urique caloribus nocturnis, ac sudatiunculas, & temulentiam, atque aurium tinnitum pati. His alvus aut clausa perstitit, aut pauca, pingua, olidissimaque reddidit.

Aliis hæc eadem incommoda eodem simul tempore accessisse videbantur, quo morbillosum miasma sua sese peculiari, ac specifica febre prodidit.

Non paucos initio sola ægrotare morbillosa febre vidimus, at serius etiam populari.

Pauca quædam hoc modo ægrotantium exempla dabo.

ÆGER PRIMUS.

Morbilli cum febre bilioso - pituitosa.

Juvenula 19. Annorum, semper antea sana, die. 21. Julii e lecto surgens febre prehendebatur cum pectoris oppensione, respiratione difficili, dolore thoracis totius pungente. Hypochondriorum is sensus fuit quasi a fune injecto constrictorum, atque ardor. Lumbos, atque artus dolor oberrabat dilacerans. Lenta, mucosave materies faucibus, & linguæ inhæsit, ægrotanti permolesta. Ardor urinæ.

A meridie medicus accersitus sanguinem misit, remittente mox artuum rheumatismo, lassitudine vero magis aucta, & corporis, veluti verberibus cæsi, dedolatione.

Ea vespera denuo sanguis detractus nil levaminis tulit. Somni tenues, exigui, cum insomniis.

22. & 23. Jul. symptomata eadem. A meridie hujus diei morbillosa eruptio prodire cepit. Cætera eadem.

25. Nil emendatum. Tussis magna: oculorum ardor: coryza: rauco: somni nulli: insomnia.

26. Prioribus dolor jungitur ardens, lacerans, a sterni supremo ad pubem usque decurrens.

Hac die Nosocomium accedit. Potus dati ex sale medio mitiori, aqua, melle, & aceto. Nox magis tranquilla.

27. Jul. Oris mucum insignem, thoracis, atque totius abdominis ardorem quæstæ est. Emeticum. Vomuit copiosam, amaram pituitam,

& crebrius deiecit. A vomitu mox omnia meliora: nullus ardor.

28. Pectoris oppressio minor, mitiorque: ophthalmia: vox minus rauca. Abdomen, artus, lumbi non dolent. Oris perpaucum glutin, & febriculæ ne quidem vestigium. Infuso-decoctum radice arnicæ cum sale ammoniaco, & syrupo fumaricæ.

29. 30. Jul. aliquis artuum noctu dolor: infuso-decoctum radice arnicæ cum sale ammoniaco, & syrupo fumaricæ.

6. Augusti. sana est.

En febrim bilioso-pituitosam morbillis complicatam, quam neglecta ægritudine morbillorum sua methodo curavimus.

Bina phlebotomia adeo nil profuit, ut dominantem eo tempore febrim in morbillorum societatem potius invitarit.

Nil specifici hoc in casu ab arnicæ radice expectabamus. Remedio opus fuerat, quod humorum lentori frigido prospiceret, & fibrarum, ventriculi præprimis, & intestinorum laxitati.

ÆGER SECUNDUS.

Morbilli cum febre bilioso-pituitosa prægressa, comitante, subsequente, cum miliaribus, & exanthemate scarlatinam referente.

Juencula 20. Annorum per annum cephalalgiam sæpius recurrentem, cordis palpitationes, catarr-

catamenia anticipantia, & album per vices fluorem, cumque non rodentem, querebatur.

A tribus septimanis cephalalgia frequentior, pondus in toto epigastrio, & anorexia cum siti vexabat. A pastu sudatio adfuit, & vomitum: mane amarities oris: alvus præter morem difficilis. Subinde leviculus horror, interpellante calore mox iterum fugitivo. Levis glandularum utrinque pone jugulares venas intumescencia. Tribus ultimis diebus frequens sternutatio, & ardor oculorum accessit.

Die 22. Julii circa vesperam morbilli prodire. Cætera eadem.

24. Jul. ad nos venit, fastidiosa, capite gravi, vertiginoso: ore amaro, lingua albida, humida, villosa: oculis scintillantibus, dolentibus. Sputatio spumans, frequens, matutina, tussiculosa, & febriens pulsu pleno, forti, celeri, atque æstu magno, ventre compresso. Morbilli prostant.

25. Os magis amarum, lingua sordidior. Calor: febris. Dato emetico vomuit multa, biliosa, dejecitque. Multa emendabantur, maxime caput.

26. Minor amaror: pectus minus oppressum: febricula. Exanthemata disparere incipiunt. Nox melior.

27. Jul. mane pectoris oppressio rediit. Os magis mucosum: calor major. Emeto-catharticum multa, mucosa, ductilia eduxit cum insigni levamine pectoris, & caloris.

28. 29. 30. noctes tranquillæ: febris nulla: os mucosum. His ultimis diebus tincturam rheiquosam pauxillo salis cujusdam medii armatam exhibui. At morosissima fœmina hoc remedii genus præ cæteris nauseavit, &, cum eodem

se uti simularet, ægrorum custodes astute luserit, ut idcirco multo minus, ac jubebatur, oblato remediis acceperit, & rarius multo. Muliebri quoque more multa incongrua, & effluviis expetivit.

31. Jul. mane valide febricitabat. Lingua ex albo flava, & os mucosissimum fuit. Dolebant præcordia, & thorax. Ad meridiem plurimam, tremulam, ductilemque pituitam sponte vomuit. Mox in facie, pectore, & utroque brachio, femore, crure, quasi scarlatinosa eruptio prodit.

1. Augusti maculæ plures, confluentes: fauces prærubræ, punctulis rubris, miliformibus obsitæ. Os mucosissimum, & valida febris.

2. Aug. in antibrachio, & circa carpum sinistrum multa miliaria proruperunt. Aphthæ præcordiorum ingens oppressio. Emeto-catharticum propinatum ingentem pituitosarum, biliosarumque sordium molem ore, atque alveo excussit. Præcordia allevata sunt, & febris plurimum cicurata.

3. Aug. sputatio continua: vomitus spontanei per intervalla, pituitosi, allevantes: ardor præcordiorum: febris: exanthemata: alvus frequens: somnus vix ullus.

4. Ptyalismus, & cætera, uti pridie. Alvus fluens.

5. Efflorescentiæ paucissimæ: omnia remissiora. Frequenter deiecit.

6. Aug. vix aliqua febris. Secessus multum cætera bona.

7. Et consequentibus diebus bene per omnia.

29. Sana, & viribus spe citius recuperata confirmata discessit.

Usa est hæc ægra jam inde ab initio mensis

Au

Augusti corticis peruviani decocto cum oxymelle simplici, sale ammoniaco, & arcano duplicato.

Morbillos & præcessit, & comitata est febris bilioso-pituitosa, quam solam inter medendum respeximus.

Prostantibus efflorescentiis morbillosis alvum, atque emesin sollicitavimus valenti pharmaco, impune, cum emolumento, & quin exanthema fuerit introversum.

Febris scarlatino-miliaris, quæ morbillos excepit, eandem æque parentem habuit, ac altera morbillorum prodromus, & comes, pituitam videlicet in ventriculo maxime, atque intestinis fluctuantem. Vomitus spontanei, arte concitati, levantes, multa prava educentes, & venter profluens saluti fuere. Ea erat materiæ peccantis moles, isque habitus, ut, qui ea neglecta morbi causam in miasmate quævisisset ignoto, & contagioso, ridiculus fuisset.

Non memini, ulli ægrorum nostrorum in Nosocomio primum miliaria prorupisse; at eas efflorescentias ad nos allatas frequentissime vidi. Atque etiam hæcce puella eam, quam reliqui, a miliaribus immunitatem procul dubio sortita esset, si primo confecto morbo curam ex mente nostra *confirmatoriam* fecisset, eamque & ægritudini prægressæ parem, & diuturnam.

Miliarem febrem nunquam observavi absque luculentis signis systematis gastrici prava fæce redundantis. Nec petechias, nec erysipelas, nec exanthema urricatum, aut scarlatinam unquam vidi puro ventriculo, & intestinis.

Vim specificam contra febrem milliarem in cortice peruviano non quæsi. Animus mihi

erat, imbecillam firmare fibram, & novæ pituitæ genesin prohibere. Corticis peruviani decoctum egregie roborare, stringere partes laxas, & miti aromate suo sanguinem non exagitare autumabam. Interea sale ammoniaco lentorem solvere annisus sum, solutamque saburram per vices ejicere vomitu, atque alvo commotis.

Multos curavi miliaribus affectos, tuto, atque intra breve tempus. Plerique peruvianæ cortice non indiguere, at omnes ad unum usque emeto - catharsi.

ÆGER TERTIUS.

Morbilli cum febre bilioso - pituitosa
miliari:

Viginti unius anni juvencula pauca quædam variolarum, quas olim perculit, vestigia referens die 10. Junii hujus anni nostram operam expetiit.

Catamenia omnia altera, vel & tertia septimana ab aliquot jam annis redeunt, & largæ fonte.

Annus est, ex quo fluorem album perfertur ferme assiduum, & erodentem. Is initio, quem primum visus est, mox cum acredine venit & mictu dolente: albida semper materies fluit: nunquam virescens, nunquam flava, aut ex utraque commixta. Cæterum sana.

Die 5. Junii vesperi febris corripitur. Non inquieta.

6. Jun. febris, cephalalgia, coryza, ardor oculorum.

oculorum, anorexia, & oris amarities ægram tenuit. Pectore oppresso erat, & præcordiis quasi fascia injecta constrictis, ac tussiculosa. Venter nil reddidit. Noctu vigiliæ, multusque sudor.

7. & 8. Jun. omnia intensiora. Multus oris amaror. Hucusque obambulans ægrotabat.

9. Pejus habuit: decubuit. Venæ sectio. Noctu copiosos inter sudores exanthemata prodire morbillosa miliaribus rubris commixta.

10. Jun. in Nosocomium recepta pulsus fortes, celeres, & plenos exhibuit. Faciem, & artus superiores levis tumor tenuit. Calor urens. Paucus ex naribus sanguis stillabat, Os amarum, lingua biliosa, & assumptorum alienus sapor. Pectus oppressum, & tussicula frequens. Præcordia non sine multa molestia contrectabantur. Alvus morosa.

Cum eo die potu multo, & refrigerante uteretur, vespere sponte vomuit amara, flavo-viridia, pituitosa, perquam multa. Sera vespere emeticum propinabatur, quod salubri naturæ conatui suppetias ferret. Vomuit inde denuo æque multa, ac ante, atque indolis ejusdem. Dejecit sæpius. Nox inquieta.

11. Jun. sub auroram semel sponte vomit. Febris multo mitior: lingua hirsuta, mucosa, ex albo flavescentes: pectus non emendabatur. Tussis inanis, crebra: cardialgia inter tussientium, & ad attractum. Vespere sponte bilem multam multæ commistam pituitæ revomuit. Miliaria disparuere. Cutis asserina: morbilli, pallent, & fugam meditantur. Fauces prærubræ sunt, dolent, absque tumore. Sitis, febris: alvus undecies mota.

12. Morbilli nullibi jam; nisi in brachiis,
L. 4 iique

iique pallidissimi. Brachii dextri lata quædam plaga quasi succo ribesiorum illita, & intense rubens. Tussis rarior, mitior, minusque dolens: vix ulla cardialgia. Lingua flavescent: sapor bonus: urinæ sanorum: sitis nulla: febris pauca: alvus multoties mota.

13. Febris nulla. Ventriculus, & pectus emendata.

14. 15. 16. Apyretos. Reconvallescere visa est. Tussicula rara.

17. Jun. sæpius tussitavit, per vices incaluit, sitivit: lingua impurior.

18. Ad hesternæ symptomata vomendi conatus accessit. Lingua sordidior: os muco redundans. Potus multi, salitque eo die propinabantur, ut apte evacuari soluta postmodum illuvies possit.

19. Jun. Exhibito emetico multa biliosa revomuit. Febris post emesin vix ulla; at vesperti frigus, calor, sudor.

20. Jun. Absque febre est. Hucusque solis solventibus, salinis, & emeto-catharsi utebatur.

21. Febre caret. Hoc die corticem peruvianum adjecto sale medio exhibebamus, ut quod alieni restitaret, id ope remedii roborantis subigeretur.

23. Jun. Os amarum denuo: rustus amarit: febricula. Dato emetico multam pituitam evomuit. Levamen. Mixturam postea ex sale ammoniaco, aqua simplici, & saccharo confectam per intervalla hausit.

24. Mane sponte multa pituitosa vomuit cum multo levamine. Febris nulla.

25. Corticis peruviani decocto, adjecto oxymelle, & pauco sale medio, & residuam dissol-

vere materiem intendebamus, & corpus laxum corroborare, ac gastricæ imprimis œconomiae prospicere, ne nova ulterius generari pituita queat.

Protracto horum usu & præsens morbus, & prava corporis prædispositio tollebatur.

Fœminas morbillosas hoc anno plures habuimus, atque eas præ cæteris laxas, & pituitosas; viros vero perpaucos. At neminem, mas, fœminave fuerit, morbillis correptum vidimus, quem febris ejusdem tempestatis biliosa, pituitosa, aut ex utraque conflata insalutatum præteriiisset. Eam febrem fere solam persequemur, & non perfunctorie. Hinc nullo non tempore morbillorum emeticum exhibebatur, si id posceret morbus complicatus; nec eorundem idcirco introversio, aut ulla anqmania observabatur.

Morbillosos hyeme sicca, & veris initio sanavi in Hungaria non paucos. At cum eo tempore inflammatio dominatum exerceret, pleuritis, & peripneumonia præ cæteris, facilis erat morbillorum cum inflammatione conjunctio, & frequens. Inde sanguis cum emolumento, & iterato, & quovis morbi tempore detrahebatur, magnaue remediorum emollientium utilitas fuit.

Hæc febrium variarum cum morbillis conjunctio non observata hunc morbum abnormem subinde fecit, pertinacem, malignum.

Febrium pituitosarum felicissima crisis vomitu, atque alvo peragitur, dummodo materies mobilis effecta fuerit, & viribus emeto-catharticos opportuna. Difficillimam e contrario crisin judico per poros cutaneos, & periculi plenam.

Immanem non raro pituitæ copiam, & vicibus repetitis, sponte, coacte, vomunt, ut eam

tantam materiem in abdomine antea latitasse non suspiceris, sed revomitam ab universo corpore, atque exoneratam intra ventriculum, atque intestina facilius credas, salinis, eccoproticis, emeticis, emeto-catharticis identidem sollicitata.

In eo genere febrium, quas pituita gignit, maximopere interest remediis solventibus, & emeto-catharsi repetitæ non diutius inhærere, quam par est. Quemadmodum enim hæcce auxilia, solventia nempe, & emeto-cathartica, multam, quæ in stomacho, & intestinis conседit, pituitam educunt, ita fibrarum quoque vim resolvunt. Sed hac resoluta alienam de novo materiem colligi oportebit. Inde est, quod inveterata jam febre, præmissisque solventibus, & vomitoriis corroborare ventriculum necesse sit remedio subadstringente, austeriusculo, aromatis non urentis, quodve ventrem non cohibet. Interponi subinde, si nova illuvies nascatur, emetica blandiora debent, moxque iterum roborantia subjungi.

Quæ de usu roborantium remediorum promota jam febre dixi, momenti maximi esse puto, & attentione perquam digna. Quippe si æger ca sitius, & emeto-catharsi non facta, & non præmissis solventibus assumat, in malignissimam incidet malignitatem, & vitam perdet. At sola solventia, & solæ emeto-catharses, uti in morbo non difficili, neque multum ultra systema gastricum progressu sufficiunt, ita, ubi febris imbecilliori corpori, atque altius insederit, multaque hominem pituita inundat, ægrum initio allevatum tractu temporis dissolvendo pessum-
dant.

ÆGER QUARTUS.

Morbilli cum febre vernali bilioso-pituitosa.

Operarius 45. annorum robustus, & semper a puero sanus, die 17. Maji venam tundi curavit, annuæ consuetudinis ergo, at illæsa valetudine.

18. Maj. non appetiit: fastidiosus, atque ore amaro: nauseavit, & ingesta evomit cum paucis mucosis, & amaris: inhorrescens, incallescens alternis vicibus, & membra dedolatus. Tussitavit crebro, & sicce, & cum dolore ad infimum sternum.

29. Febris: vomitio frequens assumptorum, mucosorum, biliosorum. Cætera, uti pridie, sed intensiora. Obambulavit.

20. Maj. decubuit. Exacerbata omnia.

21. Ægre surrexit, & obambulavit. Eadem.

22. Mane morbillis se pictum videt. Symptomata priora. Hucusque quotidie vomuit.

23. Non vomuit. Cætera eadem. Vomiturit.

24. Maj. ad nos venit. Nil emendatum. Pulsus fortis, plenus, naturali non celerior: urinæ biliosæ: calor.

25. Maculæ morbillofæ pallescunt. Lingua ex alvo flava: tussis aquosa, mucosa: modica febris. Urinæ cum hypostasi furfuracea ex albedo rufescente. Emeticum; inde paucam pituitam evomit cum bile non multa: aliquoties deiecit. Vix febris post emesin, & raro tussit. Vix ullus ad cardiam dolor.

26. Alvus frequens: maculæ nullæ: tussis prior: dolor exiguus. Non calet.

27. & 28. Bene se habet : appetit. Rarissima tussicula. Reconvalescit.

Die 3. Junii sanus ad suos rediit.

Vomitus spontanei, mucosi, biliosi, itemque ii, quos pharmaco movimus propinato, ingenium commixtæ febris docebant ; sed etiam valetudo citra negotium, & brevi restituta medendi methodum commendabat.

Phlebotomiæ ante morbum factæ eventus hic felix non debebatur. Quid enim sanguis emissus in bilem possit, & stomachi pituitam ! pugio plumbeus in leonem ! qui clava herculeæ excipi debet, emeto - catharsi.

Missio sanguinis adeo non profuit, ut etiam nocuisset, ni corpus habuisset & valens cæteroquin, & huic jacturæ sufficiens.

Nescio, qui phlebotomiarum consuetudo, quas prophylacticas appellant, adeo, hisce præcipue in terris, invalescere potuerit, ut seu scæmella chlorotica sit, imbecilla, atque orba bonis succis, seu senecio frigidus, se vivere sanos posse non opinentur, nisi sanguine bis, terve per annum dapsiliter profuso.

Ea in re etiam οἱ τῶν ἰγτρῶν παῖδες multum peccant, & endemicum morem, ac epidemicum fidi servant. Quid enim obvium magis, quam vel levissimo febriculæ motu percepto. quem quies, & esuritio, & idoneus potus facillime composuisset, educere sanguinem, sæpissime non reum ? quem *quidem incisa vena mitti* (ut ait Celsus) *novum non est ; sed nullum pene morbum esse, in quo non mittatur, novum est : novum etiam, nullam esse propemodum tempestatem, biliosissimam licet, qua non mittatur.*

ÆGER QUINTUS.

Morbilli in consortio miliarium , & petechiarum.

Non hujus anni historiam narro , sed præterlapſi. Ea mihi præ aliis hujus anni multis placet.

Adolescens decimum quintum ætatis annum agens , qui tyro futuri operam navabat , die 1. Julii 1776. capite dolere cepit.

2. Jul. eadem cephalalgia. Suo achuc opificio fungitur.

A meridie ejus diei frequens horripilatio cum intermixto calore. Pectore oppresso est, laboriose respirans , siticulosus , tussitans , crebro sternutans , oculis lacrimosis , & scintillantibus. Coryza : noctu multa inquires , & jactitatio.

3. Jul. ad nos venit. Gravius laborat : decumbit : sponte bilem vomit. Præter dierum præcedentium symptomata intensum genarum ruborum vidimus , & linguam aspectu bonam quidem , sed ex sensu ægroti velut pilis obsesam. Sitis non multa , & sapor , si quid assumerat , non pravus. Tussis crebra , sputa aquosa , mucosa , multa , cum paucis coctis. In latus sinistrum difficulter decubuit , difficillimere spiravit , & erecto plerumque corpore , ac sedens. Calor multus : pulsus celer , fortis , durus : petechiæ lenticulares , fuscæ : miliaria in thorace maxime , & dorso multa , alba , rubra.

Eo die porum copiosum exhibui cum aceto , melle , & sale medio mitioris Constitueram ea adhuc vespere emeticum propinare , sed non nisi

pauco

paucō detractō sanguine, quo faciliō vomitiō esset, & minus discriminis ab ejusdem turbis. Sex solum uncias sanguinis emisi, missurus plus, si commode tulisset. Sed en, ne hilum emendari pectus, quin opprimi magis cepit; & vena vix deligata, deliravit. Intra verba plerumque desipuit, atque ita, ut cum auffugere per vices vellet, facile reduceretur, & minis auscultaret.

Post phlebotomiam vomiturire, quin & vomere, sed laboriose, & pauca cepit, ac biliosa. Mox ipecacuanham grano uno tartari emetici armatam exhibui, unde multa, & biliosissima evomuit, restituta post emesin plena mente, & serena. Noctu plus quietis. Prorupere morbilli.

4. Jul. vomuit bis, terve, sponte, aquosa, mucosa. Febris pauca, & pectus multum allevatum. Aliquoties deiecit.

5. Modicissima febris. Alvus crebrior.

6. Morbilli magna ex parte evanidi, quidam pallidissimi: miliaria rara: raræ petechiæ. Alvus movetur. Omnia leviora.

9. Jul. nullum exanthema: nulla febris. Bene se habet: convalescit.

Ufus continuo est solventibus, salinis, eccoproticis. Ultimis diebus stibium diaphoreticum non ablutum dedi, ut, quæ forte materies in vasculis minutis hæserat, lenta, & tenax attenuetur, & expediatur. Tandem stomachicis ventriculo cautum.

Delirio phlebotomiam mox insequente, valdopere gaudebam, quod sanguinis haud plus sexlibra detraxeram; at pœnitebat, vel tantillum detraxisse. In consimili postea, nec infrequenti casu non facile ullas in corpore turbas ab emetico

tico timui, nec, ut illis prospiciam, antea venam secui; febrium enim gastricarum ingenium melius identidem edocebar, earumque in viscera nobiliora etiam disita potestatem. Didiceram earundem insultus graves non timere, & multifarium emeticorum usum, multiplicemque exhibendi scopum quotidiana observatione pervidi.

Multa supersunt commissionum hujusce generis exempla. At ea lubens prætereo, cum, quod ista sufficere vidcantur asserto demonstrando, tum, ut ne legentibus abutar, & tempore, si ultra, quam par sit, in narrandis historiis diffundar. Constare abunde opinor, morbillos semper, & ubique *eosdem*, perraro solos esse, plerumque adsciscere sibi comilitonem popularem morbum, eumque alium, atque alium, prout alia fuerit tempestas anni.

Ex his quoque autores medicos conciliabimus, diversissima sentientes, cum de medendo variolis, & morbillis quærunt. Quippe & hos, & illos recte observasse, atque vera statuuisse comperies, utut dissenserint, si eos non de ipsis aut variolis, aut morbillis, sed de varia iisdem commixta febre differentes accipias.

Hinc utrosque a vero quam longissime abduci patet, qui morbum omnem hujusmodi, morbillos ajo, atque variolas, aut semper emeticis tentandum statuunt, aut ea præsidia, magna licet, ac unica persæpe, ex medicina variolosa, morbillosaque penitus proscribunt, & nihil crepant præter antiphlogisticam medendi methodum, quam fere unice in phlebotomiis & largis, & repetitis ponunt; quasi vero aut sola phlebotomia febrilem æstum restinguat, & intendat nunquam, aut præter hanc calores temperet res
nulla

nulla. Enim vero vix video, quæ alia possit esse magis noxia, & turpior empiria.

Potus
frigida
æstuante
corpore
hausus
febrim
invitat
epidemi-
cam.

Diversum ab eadem causa effectum haud raro vidimus temporibus diversis, a potu videlicet: perfrigido, si quis eo se proluerat sudore multo dimanans, atque ex itinere, vel exercitatione: quacunque excalesfactus. Iis enim, qui hyemiss rigentē gelu æstuanti corpori frigidam ingesserant, pleuritico more pectus inflammabatur; atque qui per æstatem id fecerant, epigastrio gravari, horrere, calefcere, fastidire, & amaris ructibus vexari ceperunt. Illis sanguis mitti & iterato, & largiter debuit, his emeticum dari; cum illos *inflammatoria* febris corripuerat, hos vero *biliosa*, ab eadem utique genitrice causa, sed non eadem tempestate.

Terroris
noxæ, &
in produ-
cenda bi-
liosa fe-
bre pote-
stas.

Terrorem novimus nervoso imprimis systemati inimicum. Morbum sacrum inducit persæpe, aut alia ratione nervos irritat. Sed præter hæc, qui terrentur, ea potissimum tempestate, cui bilis imperat, in febres incidere biliosas mox solent, ut morbi initium ab eo tempore exacte computemus, quo id animi pathema fuerat incussum. Miram certe terroris vim vidi in conturbanda bilis officina, morbisque biliosis, putridis, malignis producendis.

Uti etiam mor-
ris.

Sed & mœror diuturnus, & ærumna, & somni nescia sollicitudo stomachum, & intestina resolvit, & gastricos humores vitiat, tuncque maxime, si & anni tempus conspiret. Inde longa infirmitas nonnunquam, at quæ ægrum obambulare sinit, anorexia, exigui calores, & levicula horripilatio, sapor amarus assumptorum, & marcor nascitur, eaque rerum facies, ut *chronicam febriculam biliosam* non inepte compelles.

Qui-

Quibusdam tandem ea diathesis in febrim triumphat luculentam, biliosam, malignam, pituitosam, artis plerumque præceptis non auscultantem. Fœminas sic ægrotare præ cæteris observavi, easque ex infima plebe, quas inexorabile fatum & conjugæ orbarat, cum eoque & vitæ præfidiis, alendæ numerosæ proli non jam pares.

Magis noxiam iram mihi videor observasse per æstatem, quam hyeme soleat. Non enim infrequens est audire homines, qui, cum evidenti biliosa febre teneantur, morbi dies supputent & *trægressâ gravi ira*. Id ni fallor, æstate audi- vi; vix unquam, aut nunquam hyeme.

Nonnulli, quos venus impura male mulctavit, curam antiveneream apud nos, ex artis legibus, & auspiciato exorsi sunt. Eorum aliqui nil alieni ab ordine ejus morbi consueto experti sunt, aut si quid erat non ex usu, id ejusmodi fuerat, ut huc non faciat, quodve aptius alibi licetur.

At fuere, qui medicatione vix inchoata febrim tenuiter primo, atque erroneo modo ceperunt, dein etiam intensius. Ejus rei causam in ventriculo, aut intestinis, utpote antea purgante repurgatis, & in hominibus cæteroquin sanis, nullam quæсивimus, nullam in hydrargy- ro, multa cum cautela, & parca manu pro- pinato. Interea etiam illa symptomata accesserunt, quæ febrim æstivam solebant comitari; nox constitit, quæ nos pura arbitrabamur, ventriculum, & intestina, ac pharmaco de- cersa, fæce multa biliosa turgere.

His illico febrim adventitiam consueta co- muni tempore ratione curavimus, eaque profl-

gata, ac viribus diu confirmatis, curam de novo antisyphiliticam resumimus.

*Febris
æstivæ
complica-
tio cum
colica sa-
turnina,
ejusque
colicæ
plentior
descrip-
tio.*

Aliam quoque æstivæ febris complicationem multoties vidi, nempe ubi illa cum colica saturnina conjungebatur. Quæ circa hocce utriusque morbi connubium observarim, dicere non possum, nisi prius ingenium admirandæ hujus affectionis a plumbo natæ, cum ea sola est, & simplex, & nulli alteri morbo sociata, explicuero.

Id vero, ut modo faciâ, multa prohibent. Etenim & ingens observationum huc attinentium mihi silva crevit, quæve novis indies incrementis ditatur, ut peculiarem ea res pertractionem sibi poscat; &, si etiam huc trahere ejus materiæ partem vellem, vereor, ne, si nudos de eo morbo aphorismos promam, nec testes afferam quam plurimas historias, rem exequar dubitationibus obnoxiam, & liti. At verò enarratio eorum omnium casuum, quos numerosos observavi, descriptosque reposui, longior, quam par est, episodio a febrium hujus anni contemplatione nos sevocaret.

Ea hujus colicæ apud nos frequentia, isque hominum eo morbo laborantium ad hoc Nosocomium concursus est, ut facere quamcunque sponsonem ausim, non facile plures alibi hoc morbo correptos ægros inventum iri. Hominum in hac urbe non exiguus numerus est, qui aut figulino opere occupantur, aut pigmentario, & plumbi præparatis, cerussa, minio, lithargyro utuntur.

Hic morbus toties a nobis visus, methodisque variis tentatus, sanatus toties hanc opinionem nobis indidit, ea de re nos posse confidentius differere, mererique præ multis fidem.

In:

Interea, donec peculiari dissertatione, & plenius prosequi hunc morbum queam, observationum solum summam dabo, atque earum solummodo quæ propius ad rem facere videbuntur, caveboque, ne aut aphoristica offendam brevitate, aut longa narratione, & ejus morbi historiis recensendis nos nostri propoliti faciam oblivisci.

Primo morbum simplicem, atque impermixtum describam ad eum exacte modum, quo hunc ipsi nos oculis usurpavimus quotidie. Ad dam deinde curationem: tum quæ variatio subinde ab adventitia febre, eaque potissimum populari, accedat, quave ea ratione medendi methodum mutet, exponam.

Qui hac colica laborarunt, ad unum omnes plumbata tractarunt. Alium nullum vidi hoc genere morbi unquam vexatum.

Non dubito hanc colicam esse *specificam*, & *sui generis*; etsi enim peculiare notas, nullique alteri morbo communes non habeat, si eas singulas, & seorsim spectemus, earundem tamen *collectio*, ac *complexus*, si morbus non jam intra initia versetur, sed adoleverit, colicam saturninam ab omni alia evidenter discriminabit. Etsi hic eam quæstionem ex instituto non agitem, an cum aliis confundi speciebus colicæ possit, an a solo plumbo, vel alia quoque ratione oriatur?

Colicæ saturninæ symptomata multa, & varia collegi, quorum catalogum hic dabo:

Ægrotaturis venter adstringi incipit, qui antea liber fuit, & facilis, cum ponderis in epigastrio sensu, & horborygmis. Dolor dein abdomen, ejusque diversas plagas invadit, varius, ardens, lancinans, &, ut phrasi ægrotantium

utar, ac si evulsa intestina contorquerentur, te-
rebrans, gravisque omni modo.

Artus quoque dolere incipiunt, quasi ab acu-
tissimo rheumate, brachia, femora, crura. Qui-
busdam lumbago est, aliis ischias ad usque mal-
leolos decurrens. Aliis articuli digitorum, ma-
nuum, pedumque præ carnibus dolent, atque
aliis hæ præ illis.

Sunt, quibus in exiguo spatio gravis ardor
est, quasi a viva flamma. Loca dolentia ma-
num ferunt etiam rudius contrectantem, nec in-
de augeri dolor solet: quorundam tamen præ-
cordia attactum averfantur.

Subinde res intra solam artuum dedolationem,
aut sensum reptantium formicarum, aut quan-
dam virium muscularium impotentiam subsistit.
Ardor accedit thoracis, & difficilis per vices
spiritus.

Quidam morbi accessum præsentunt ex mœ-
rore animi insolito, & præter rationem. Sub-
ipsa initia infirmitatis temulenti fiunt, vertigi-
nosi, stupidi, insomnes. Oculorum per vices,
& repente obtusa acies, & vigente jam morbo
amaurosis temporaria, subito cessans, subito-
que iterum recurrens. Visus varia ratione de-
pravatus. Aspectus quasi maniacorum, atque
alieni quid habens, attonitus, furiosus, minas
cogitans, meditabundus, mœrens. Animus qui-
busdam anxius, aliis turbulentus, impetuosus,
nescius eodem diutius loco esse, aliud, atque
aliud appetens, & impatienter. Linguae, &
faucium is habitus, qui biliosam alias notare fe-
brim solet. Sensus rei per œsophagum reptan-
tis, strangulatio, & hystericus globus. Sin-
gultus, vomituriatio, ructus amari, acidi, aci-
doi

do-austeri, putridi, dulces. Vomitus crebri, biliosi, ingestorum, fæculenti, laboriosissimi, difficillimi, & subinde cum boatu potius, quam hominis clamore.

Abdomen sæpius molle, subinde durum, inæquale: raro introtractum umbilicum vidi, etiam in gravissima alias infirmitate. Dolorifica cutis in abdomine corrugatio: mammæ vel unius, vel utriusque tumor, & induratio variabilis, & temporaria. Stupor unius subinde lateris: vocis abolitio, aut vox vix perceptibilis: pavores, tericulamenta, noctu præcipue: subita cum terrore evigilatio, & repentina ex lecto exsilitio, & fuga.

Alvus plerisque nulla est, & pluribus diebus, nec ullo clysterum genere provocanda. Subinde fæx pauca, dura, caprilla prodit. Anus introtracta, intestino recto quasi fune constricto, & clysterem aut non admittens omnino, aut admissum absque effectu explodens. Tenesmi dolentissimi, mucosi, cruenti.

Quidam nihilominus dejecere, & crebrius solito, & copiosa, & inde aliquid levaminis habere videbantur præ iis, quæ venter ex toto, & diutius compressus mansit. Hæmorrhoides.

Urina crystallina, copiosissima, creberrima, parcissima: stillicidium, stranguria, dysuria, ischuria: ardor ad pubem, micturitie continua, inanis: mingenti lotium repente subsistit retracto pene, perexiguo facto, ac ferme evanescente, pone radicem quasi injecta fasciâ constricto. Corrugatio, & subita scroti relaxatio. Testiculorum amborum, unius, rotatio dolorifica, tractio, retractio ventrem versus: compressio quasi manu facta.

Convulsionum omne ferme genus in hoc mor-

bo adparet, sed illud maxime, quod gravissimum est, & universum incurfat corpus, epilepsia nempe, quæ nullo non tempore, & non opitantes projicit, decedit, repetit.

Quosdam apoplexia ferit prius convulsos; ea plerumque solvi solet: atque inter multos duos periire ea non soluta, recenter ad nos venientes, & nondum ullo remedio usi.

Mira pulsuum durities est, qualem non in alio morbo ullo unquam observavi. Arteriæ filum ferreum, valideque tensum referunt, quod æquali motu, & tardo, vibranteque tangentem digitum ferit. Unicum vidi, qui hos arteriarum valentes ictus non habuit, sed e contrario molles, remittentes, intermittentes, atque omni inæqualitatum genere inæquales.

Reperita etiam phlebotomia, quam aut ægri fecerant domi adhuc suæ, aut nosmet in Noto-comio, duras arterias ne hilum emollivit. Educus sanguis nil vitii monstravit, nisi morbo jam longius progresso, ubi corium crassum, ut in pleuritide assolet, exhibuit, atque id ideo fortasse, quod ictibus arteriarum is sanguis diutius fuerat subiectus.

Hæc pulsuum durities præ aliis quibuscunque symptomatibus diutissime persistit, & eorum ultimum plerumque agmen claudat.

Characterem hujus morbi deletum, ægroves ab ejus recrudescentia satis prospectum non arbitrabar, nisi & pulsus observarem remissiores, & quales esse in sanis oportet.

Nonilominus quidam sanitatem recuperaverant constantem, etsi ea pulsuum peculiaris durities, & vibratio indelebilis perstaret.

Quidam sanata hac colica in malignissimum morbum incidit, ope peruviani corticis, & cam-

camphoræ percuratum. Ea arteriarum vibratio, rigorve toto febris decursu semper observabatur.

In morbo simplici & solo nullus præter ordinem consuetum calor fuit.

Tubercula multis, iisque imprimis, qui hac ægritudine sæpius, & gravius tentabantur, in dorso manuum oriuntur pone tendines digitorum, quibus etiam arctius plerumque cohærent. Hæc fabam, aut dimidiatam avellanam æquant: dolent recenter nata, & inter principia digito prementi cum dolore cedunt, sed suo mox elatere restituuntur citra vestigium pressionis. Tractu temporis indurescunt, nec loco moventur, nec dolent, & tendinem, cui assident, prohibent moveri.

In uno multa tubercula una serie collocata ad pubem, & utrinque pone annulos abdominis, & supra eosdem, & hinc inde in cute abdominis vidi, evanescencia ferme repente, & renascentia.

Subinde jam in morbi principio hæc manuum tubercula nascuntur, quin propterea eorum ortus a ventre tormentum avertat, aut revocet, ac solvat. Quibusdam signari manus eo genere tuberculi dolentis cepit, priusquam ullum exflaret aliud imminuentis mali signum, torminibus serius secutis.

Fuere, queis manuum dorsum dolentissimo tumore intumuit ferme totum, uti ab rheumate inflammatorio contingit.

Id autem in omnibus, quotquot hic decubueram, constanter experiebar, omnia hucusque enarrata symptomata, dolores potissimum rheumaticos appetente vespera, & noctu fuisse in-

signiores, gravioresque, & denuo sub auroram delinitos.

Hanc legem exactius vidi, & evidentius observari in colica saturnina, quam venereum rheuma soleat, quod aliquando irregulariter exacerbatur, atque ita, ut acerbius subinde per diem instet, de nocte mitius, aut continuo affligat. Hæc enim dolorum, de quorum syphilitica origine dubium non superfuerat, anomalia diligenter a nobis aliquoties adnotabatur.

De paralyfi saturnina hæc observavi: plerisque non nisi diutius protracto morbo aboletur artuum vel superiorum, vel inferiorum, vel omnium omnino facultas motrix, persistente tactus sensu.

Resoluta membra dolor plerumque cruciat ardens, dilacerans, aut pungens: arteriarum in iisdem vibrantes, tardi, & validissimi ictus sunt, etsi diuturna artum resolutio teneat, & carnes tenuentur, ac evanescant.

Plumbeum pondus articulos gravat, humeros, sed cubitos magis, & carpos præ utrisque, qui curati omnium ultimo, & tarde vigorem recipiunt, humeris primum emendatis, dein cubitis.

Artuum superiorum frequentior paralyfis est, & in his manuum, ubi aut eæ totæ, aut unus, alterve solum digitus resolvitur. Id mali in utroque subinde artu est, est etiam in alterutro. Rarius crurum impotentiam vidi, eamque nunquam solam, ac brachiis sanis. Ubi omnium artuum vis semel periit, ea citius rediit infernis.

Varia mali intensio est, cum subinde ex trunco brachia pendeant ferme emortua, mar-

cidas

cidaque, nonnunquam vero moveri queant, si æger intensis omnibus nervis connitatur.

Contingit, ut res intra metum sæpe solum subsistat, atque artus non exsolvantur, utut ad motum ineptiores, graves, dedolati, confracti.

Nec eodem in omnibus tempore accessit hæc exolutio. Aliis siderari digitus, aut manus, aut brachium propemodum repente, atque intra paucas horas cepit, quin ullum præsentiretur ullibi incommodum, aut ventris tormentum aliis nonnisi jam exantlato per dies aliquot intestinorum cruciatu, vel etiam serius artus emori, quin mitius idcirco a doloribus abdominis haberentur, quos nunquam in tanto ægrorum numero aut tuberculis judicari, aut artuum exsolutione vidi.

Id addo, vix uni inter quindecim partem aliquam corporis siderari: & inter ægros quinquaginta vix duos esse, quæis omnis omnino brachiorum, crurumque vis, ac motus pereat in longum tempus; at si cui ea perierint, nec redierint intra triduum, cum multo egere tempore, & cura valente, non interrupta, donec pristina vis revertatur, qua etiam restituta prior tamen musculorum torositas non redibit.

Inter omnes, quotquot ex ea colica sanavi, nemo fuit, qui, si artus integros ad nos attulerat, eorum usum in Nosocomio amiserat. Quos membris exsolutos vidimus, ita male multati jam advenerunt.

Stabilitum dierum numerum hæc colica non habet, cum & intra paucos subinde dies concludatur, subinde proferatur in diutinum tempus, septimanas multas, & menses. Sunt, qui per integros annos huic malo conflictantur sua tunc potius diuturnitate molesto, quam vehementia.

His alvus irregularis est, nunc cita, nunc vero adstricta. Est illis & morsus intestinorum, atque oris ventriculi, & vagum rheuma, & spiritus per vices repente difficilis, repente denuo facilis effectus: mens anxiosa, tedium, & fuga hominum. Suo interim artificio vacant.

Vidi quosdam, perpauca tamen, per octodecim, aut plures adhuc annos operam pigmentariis locasse, eamque unice ferme in conficiendis pigmentis, ac iis ut plurimum saturninis, consumsisse, terendo videlicet cerussam, minium, & consimilia super marmor levigatum, quos vis veneni ad id usque temporis intactos reliquit, & sero tandem prostravit.

Novi, qui intra non multos annos vigesies octies ex hoc morbo decubuit, etsi cerussa in pollinem conterenda, & parandis pigmentis, labore utpote præ cæteris nocivo, semper abstinisset, & solum pingendo occuparetur. At is multoties calentis malagmatis plumbati vapores ore hâusit.

Figuli, qui lithargyrium in tenuissimum pulverem comminuunt in aëra evolantem, eodem morbo tentantur; sed hujus generis paucos habui, & pauciores, quam pro numero eorum, qui lithargyron tractant: an quod lithargyros figulis minus noceat, quam cerussa pictoribus, an alia per accidens subsit ratio, non scio.

Nonnullis peculiari modo, & gravius, & citius, frequentiusve plumbum nocet.

Quam corporis diathesin hoc venenum vel auferretur, vel amet, exquirere nondum potui. Id solum mihi videor observasse, mercenarios duris antea laboribus exercitatos, duros ipsos & animo, & corpore, ubi operam suam ad terenda pigmenta converterint, minus ab iisdem pa-

ti; minus etiam illos, quæ venter quotidie, & sæpius, ac facile reddit; & minus omnes ac mitius, æstate, quam hyeme.

Fortasse uberior bilis, & minus vividus ventriculi sensus, quæ duas res in omni homine, atque omnibus æstatibus plus, minusve est observare, apparitionis hujus rationes habet. Quippe æstiva bilis venenum cicurabit, enervabit, & ventriculum defendet, qui & ipse languidior a plumbi stimulo minus afficietur.

In omnibus, quos in opere saturnino versari noveram, duo deprehendi, faciei nempe, & oculorum habitum non describendum, atque alienum ab eo, quem homines sanæ mentis habent, & in quibusdam vere maniacum, etsi morbum aut nunquam passi adhucdum sint, aut ex eodem fuerint perfunati.

Altera res est iis ipsis hominibus, hisque præcipue, solennis, arteriarum tensionum plenitudo, durities, vibratio, vel sanissimis cæteroquin.

Epilepsia, apoplexia, affectionesque aliæ multæ huc pertinentes vario morbi tempore ægros incurfare, & eventu vario observantur. Quosdam obambulantes, & aut nullis adhucdum, aut perexiguis torminibus admonitos vis morbi subito proruit, humique stravit epileptice convulsos. Alios non nisi provecta jam ægritudine, alios vero jam reconvalescere visos foedissimum id malum incessit. Hos gravius, & diutius afflixit, illos solummodo perstrinxit, & levius. Paucissimis ea accessio non solvebatur: hos tandem apoplexia enecuit, multis antea, & repetitis insultibus epilepticis interpolata.

Duos habui, mitissime, ut apparebat, ex ea colica ægrotantes, qui recenter ad nos venientes,

tes, vixque de morbo interrogati, & priusquam ingerere quidquam poteramus, convulsi, apoplectica mox morte periere, non averruncanda.

Quidam inter sævissima tormenta ventris diu noctuque per lectum volutati, nil tamen convulsivæ, aut apoplecticæ affectionis unquam perpeffi sunt, ubi alios vix dolentes funesta accessio convulsit, convulsosque jugulavit.

Sed & lentam ex eo morbo mortem vidi, eamque hydropicam. Systema uropoieticum plumbi vires præprimis experitur, convulsus, constrictus, & lotii justam secernere copiam, atque excernere præpeditum. Unde retenta urinæ materies, aggesta, in caveas compulsæ non suas, hydropem facit, quem opio squillæ juncto in ægro quodam multum levavi, non curavi.

Duo alii mihi alia ratione periere, ex febre videlicet maligna, quæ huic colicæ, priusquam ad nos deportarentur, supervenerat. Morbum offenderam jam ultra eos limites profiliisse, quam ut eum revocare ars inde valeat, quibusque superatis is exlex fertur. Belle distinxeram utrumque morbum, atque utriusque morbi peculiarium symptomata; at cum febris malignæ medebar, efferari saturnina affectio cepit, & vice versa.

Opii præstantem usum, eumque in hac colica sæpissime unicum, uti postea referam, junctæ febris malignitas averfabatur.

Referato cadaverum cranio vasa omnia encephali solito multo ampliora, & sanguine turgidioraprehendi, quam in aliis soleat alio ex morbo demortuis.

Nunc, quam medendi rationem, quoque eventum amplexus sim, & quam ego epidemicæ febris cum hac colica societatem observarim, exponam.

In omni colica saturnina duo potissimum re- *Cura coli-*
 spexi, morbum ipsum videlicet, atque ejusdem *ca saturn-*
 peculiaris quædam effecta. Quippe quos vo-
 mitus vexabat, facilius, celeriusque sanari ob-
 servavi, facilius etiam eosdem, quæ venter
 fluxit: difficillime vero, qui nec alvo, nec ore
 quidquam reddidere, etsi hi levius fortasse mul-
 to doluerant, & illi gravius.

Qui vomuerant ob morbi vim, biliosissima,
 & plurima semper vomuere, qualia non facile
 quisquam in biliosissima febre, & biliosissima
 tempestate, emetico licet propinato. Sed &
 iis, qui absque vomitu ex colica saturnina de-
 cubuere, lingua, & sapor assumptorum supra
 modum biliosa fuere.

Colluvies hæcce biliosa jam ante morbum
 adesse poterat, utut innoxia forsân, & mole
 minor. At accedente irritamento saturnino vel-
 licari ventriculum, intestina, & socia eorun-
 dem viscera, & violenter emulgeri opinabar,
 succorumque gastricorum proventum ultra,
 quam sanis conferat, augeri. Id etiam accidere
 autumabam ex eodem venenato stimulo, etiamsi
 nulla aliena materies intra ventriculum jam præ-
 existerit.

Biliformi igitur saburra simul laborare, unde-
 cunque, nata, & ratione quacunque, omnes
 illos, quos ex plumbo ægrotare conspexeram,
 sufficienter constabat.

Hinc duo mihi agenda rebar, videlicet, ut
 stimulum enervem secretiones gastricas nimium
 quantum sollicitantem, utque, quod erat hucus-
 que jam collectum, & ob copiam nimiam vi-
 tiosum, evacuem.

Quodsi alterutrum tantum perficerem, parum
 me facere arbitrabar. Quid enim emesis concitata,
 aut

aut potentissimis pharmacis sollicitata alvus proderit, cum, rejectis licet humoribus copiosis, alienisque, persistet antiqua ex plumbo irritatio, & nova accedat ab ipso remedio evacuante?

Hæc methodus nonnisi in levioribus colicis subinde mihi satisfecit, ubi stimulus saturninus potius sponte quiverat, repurgatis ventriculo, & intestinis. At sæpiissime nil effeci: symptomata augebantur ab emeticis, & purgantium quorumcunque vires alvus pertinax elusit. Invitus ab ea methodo, quam alibi tam efficacem in ea colica legeram, & nonnisi multoties delusus, discessi. Invitus opium arripui, utut ab Haenio deprædicatum, tum quod credideram pertinacissimam alvum magis iri cohibendum, cum etiam, quod biliosis, quales omnes saturnini fuere, id genus remedii nullatenus conducere posse existimabam.

Ejulatu cujusdam ægri commotus, cui a septem jam diebus alvus nulla ratione provocari poterat, quive inter immania tormina per vices vomuit, opium dedi: unde mox sponte solvitur venter cepit, & multa aliena reddere; doloresque, & vomitus filere.

Opio posthac liberalius usus sum, quod autem ex oleo bibendum dedi, aut ex infuso florum chamomillæ. Inde felicissimas curationes, celeresque feci, & confirmatas, easque numerosas.

Nihilominus in quibusdam ea symptomata consequuebantur, quæ non a veneno jam proficisci, sed a saburra primarum viarum existimabam, quam mirifice increvisse a multo ingesto oleo, & emollientibus decoctis, ac vetusta intestinorum fæce conspexi. Quidam enim ex colica jam reconvalescere visi, nauseare de novo, incallescere, inhorreere vago more, aut cardialgiam denuo, ven-

trisque molestias queri, febrile ex fomite putrido, vel etiam maligne, iisque varie encephalum affici, & perniciose, etsi nil hucusque in victu fuisset, aut in medendi ratione mutatum.

Ex eo tempore utramque methodum, quas singulas seorsim hucusque secutus sum, conjunxi, *evacuantem* videlicet, & *narcoticam*.

Ubi nullam morbus ipse evacuationem fecerat, nec ullum urgentius symptoma celerem opem poposcerat, curam a solvente, salino, mannato remedio exorsus sum, alvumque movi, aut etiam emesin, anni præcipue constitutione biliosa. Largam dein opii dosin ex chamomilla hauriendam proponavi, oleo neglecto. Sic aut omni altero die eccoproticum dedi, atque anodynum, aut utrumque quotidie, eo modo, ut eodem die nunc opium sumeretur, nunc blandum evacuans.

Hæc ratio fortunatissime cessit, iisque incommodis omnino caruit, quibus singulæ methodi, si eæ solæ adhibebantur, subiacebant.

Quos violenta, & frequens vomitio exercuit, evacuantibus non sum aggressus, sed opio: neque ii hoc genere remediorum habebant opus, quæ alvus facilis erat, vel etiam fluebat, quod in paucissimis observavi.

Doses opii largas hic morbus exegit, & frequenter repetitas, & diu. Plerumque intra viginti quatuor horas sequentem mixturam absument, per plures plerumque dies continuatam: ℞. Aq. flor. chamom. unc. vj. Extract. flor. chamom. drachm. j. cum dimid. Syrup. flor. chamom. unc. j. sem. Opii puri, & camph. aa gr. x. sumat omni quarta hora sextam totius partem, donec omnia intra viginti quatuor horas fuerint absunta.

Qui-

Quidam in violentissimo vomitu saturnino una nocte grana tredecim opii, & camphoræ cum emolumento sumsit.

Camphoram serius addidi non omnino necessariam; quippe & solum opium perbelle hunc morbum sanat, & sola camphora nunquam, etsi eandem mitigare aliquoties sit visa.

Opium neutiquam morbum *palliat*, sed cum perseverantia *sanat*. Id multis alio tempore, locove alio narrandis ægrorum historiis comprobabo. At dignas tanto malo oportet doses dare, & diuturnas.

Mirabar multoties, alvum, nulla antea ratione referendam, præmisso largo opio, aut sponte respondisse, aut enemati auscultasse, licet antea frequenter, & inutiliter injecto; aut tandem miti purgante fuisse provocatam.

Reconvalescentibus quotidie sex, octove opii grana partitis dosibus propinavi, remedio cuiusdam amaricanti, & stomachico remixta. Hi alvum plerumque facilem, & leviter fusam habuere sua sponte.

In his ægris opium videbatur incommodis illis caruisse, quæ ejus usum alias, atque aliis in morbis comitantur, temulentiam ajo, & carebarriam, insomnia, pavores, sudatiunculas pruriginosas, aliaque multa: sensuum hebetudinem sustulit, languorem artubus excussit, & mentem alacrem, promptamque reddidit, ac caput leve.

Opium non seposui, etsi æger ab omni molestia plane vacaret. Requirebam præter hanc a doloribus immunitatem etiam pulsum antea vibrantium mollitiem, & experientia edocebar, nondum omnem veneni hujus characterem deletum esse, nisi pulsus emollirentur.

Arteriarum duritiem phlebotomia non emendavit, etsi larga, & repetita.

In gravissima colica saturnina vomitibus crebris stipata, & imminente delirio, quin jam præsentente, terna, & profusa venæsectio nil profuit: opium ilico mentem restituit.

Quidam leviozem ex plumbico colicam experiebatur, sine vomitu, & alvo clausa. Cura, non præmissa evacuatione, ab opio cepta est. Mox æger soporosus fieri, leviterque subinde convelli, & modice desipere per intervalla. Datum emeto-catharticum temulentiam excussit, hominemque sibi reddidit.

En opium ibi profuisse, quod hic nocuerat; fors quod ibi sola vis plumbi mentem infatuavit, cui rei opium apprime dicatum est; hic vero caput affecerint humores gastrici, nimii, intra abdomen conclusi, atque huc a leviori licet stimulo saturnino proliciti. Sic opium nocuisse debuerat, & emeto-catharsis prodesse.

Evacuantibus omnes indiguere, quoscunque tormina sicca excruciarunt, alvo videlicet conclusa, & absque vomitibus spontaneis.

Id genus remediorum saturninos abdominis cruciatus adeo non cicuravit, ut eosdem plerumque intenderit. Hinc in hisce nullum ipsius colicæ auxilium quæсивimus, contenti, eorum pe systema gastricum ab obfutura illuvie liberasse, & remediis antisaturninis fecisse locum.

Ideirco cavimus, ne citra multam necessitatem evacuantiaresummeremus, aut eorundem usum protraheremus diutius.

Id etiam nobis auspicato evenerat, si post finitam actionem pharmaci non multum temporis abi siveramus, quin iusta mox opii dosi consociaremus, & novas hasce ab ipso remedio in-

ductas turbas, & illas veteres a plumbo, priusquam colligi denuo humores gastrici copiosius, quam par est, possint.

Purgans, aut emeticum citra saburram, & convalescenti datum, faciles relapsus facit. A solo enemate eccoprotico recrudescere morbum multoties vidi.

Cum alvum facilem habere convalescentibus contulerit, remedium dedimus, quos ex opio, camphora, sale polychresto, & stomachicis coaluit.

Colicam saturninam subinde difficulter dignovissemus ab ea, quam biliosam dicunt, quamve evacuantia sola fere sanant, & narcotica intendunt, ni ejusmodi nobis ægri obtigissent, quos in opere saturnino versari constabat.

Ex hucusque dictis patet, utramque hanc colicam conjungi posse, posse & saturninam biliosa excipi: atque id reapse non raro fieri, observationibus evictum novi.

Præter hanc colicæ biliosæ cum saturnina conjunctionem alia quoque complicatio observatur, si quando æstiva febris eos una invasit, quos morbus saturninus affligerat. Hi periculose decubuerunt. Medebamur æstivæ feбри *directe*, & torminibus saturninis non nisi *per ambages*, opio in initiis non propinato, dein vero caute, & furtim. Narcoticis enim ingravescere febrem, & minari malignitatem vidimus. Ab oleo æque abstinui, biliosæ febrientibus non proficuo.

Constitutione anni phlogistica, hyemali, verana, ægritudo saturnina vitio bilioso plerumque caruit, aliamque in societatem adscivit sæpenu-mero perniciosam, inflammationem nempe intestinorum. Ea res emeto-catharses omnino averfabatur, medendique rationem invertibat;

phle-

phlebotomiæ enim, quæ in hujus morbi cum febre æstiva connubio non profuerunt, hoc in casu necessariæ erant, largæ, & repetitæ cum potu multo, tepido, emolliente, oleoto, hisque interponi opium debuit.

Difficillimum erat dijudicare, anne inflammatio una adfit, aut solus excruciet saturnus. Certe dirissimos dolores vidi, ægrosque per lectulum præ eorundem sævitie volutatos, etsi nulla in abdomine inflammatio adfuerit, quemadmodum *a posteriori*, a methodo videlicet medendi argutabar, solis utpote narcoticis, spirituosis, & carminantibus usus. Veruntamen lethalis in alio casu hæc colica fuit, gravisque in abdomine dissecti cadaveris inflammatio reperta, etsi æger obtusius, aut vix doleret, & ægritudinem facile, & erectus ferret.

Infida salutis prædictio, dubiaque fuit; nonnunquam enim non valdopere ægrotare visos epilepsia corripuit, atque etiam enecuit in apoplexiam, conversa. Quosdam etiam convalescere incipientes foedum id malum repente sustulit.


Quas in sanando hoc morbo leges secutus sim, exponam.

Temporibus biliosis curam adhibui compositam, *antibiliosam*, & *narcoticam*, catharsin, emesin, emeto-catharsin, & opium, multum, jugem, & antibiliosum potum.

Tempestate vero inflammatoria cura *antiphlogistica* fuit, potio multa, emolliens, mucilaginosæ, oleosæ, cataplasmata, balnea, subjuncto ferius narcotico.

Subinde & *antibiliosa*, & *antiphlogistica*, & *narcotica* eodem in ægro usuvenere, prout varia mali complicatio occurrebat.

Hæc de colica saturnina , atque in universum
de varia febris æstivæ cum diversissimis morbis
commissione connotavi.



C A P U T XIII.

S E P T E M B E R.

Primis duodecim mensis hujus diebus venti
affidui , impetuosæ : pluviarum copia , &
frigus. Inde vero a vento quies , peramœna se-
renitas , & calor non meridie solum , sed & ves-
peri , & mane. Ultimum triduum frigus acu-
tum , & boreas exasperavit , sereno cœlo.

Hoc , & antecedente mense lues quædam tussi,
coryza , & extrema macie multos canes enecuit.

Fructus horæi pauci , immaturi , insipidi.

Die 22. Sept. calor atmosphæræ maximus in
therm. Reaum. fuit $17\frac{1}{2}$. gr.

Diebus 14. 29. 30. Sept. calor minimus 8. gr.

Calor medius $12\frac{5}{6}$. gr.

Die 17. Sept. altissima barometri statio 28. digi-
t. $5\frac{1}{2}$. l.

Die 3. Sept. infimus ejusdem locus 27. digi-
t. 7. l.

Idem ferme hoc mensē morbi , si genium
spectes , ac illo præterito ; sed numerus eorum ,
& ratio inter se invicem multo dispar. Etenim
pauciores fuere *continuæ* febres , & quæ remi-
serant per intervalla , id evidentius isto , quam
mensē priori fecerunt , ut ferme apyrexiam po-
tius , quam remissionem diceres. *Continuarum*
retula paulisper acies , & minor furor fuit , sed
du-

duratio longior. *Remittentium* magna in inter- *Febrim*
mittentes proclivitas, quam unius in alteram con- *continua-*
versionem haustus salini, & emesis felici augu- *rum, &*
rio effecerunt. *remitten-*
tium in

Major adhuc materiae morbificae lentor hoc *intermit-*
mense, quam praegresso fuit, sed minor copia. *tentes*
Continuarum, & remittentium febrium minor nu- *conversio.*
merus, sed *intermittentium* major, cum earum,
quae a principio perfecte intermiserant, tum ex
remittentibus in intermittentes abeuntium.

Paucissimae dysenteriae Icteri quidam sponte
orti: oculi febrientium hoc mense saepe ictERICI.

Corrice peruviano frequentius opus fuit ad *Febrisus*
difficiliores intermittentes comprimendas, cujus *gum no-*
vim floribus salis ammoniaci martialibus feliciter *strum.*
acui, ubi is solus impar fuit.

Tertianae praeter reliquis crebrae, earumque va- *Tertiana-*
riae formae, ut modo omni tertio die calor ure- *rum ana-*
ret sine frigore praegresso, aut sudore subse- *maliae.*
quente, modo acerbior tantum cephalalgia ve-
xaret.

Icteros haustus salini, emesis, amara, extra- *Icteri ra-*
ctum anagallidis flore luteo potenti virtute sol- *media.*
vente donatum, & flores salis ammoniaci mar-
tiales pulchre sanant.

Paucissimas hoc anni tempore pleuritides bi-
liosofas vidimus, easque non jam sinceras, aut
impermixtas, sed quibus aura frigidior jam in-
flammatorii quid adpersit, ut praemitti emeto-
catharsi phlebotomia debuerit, vel subjugi,
& repetitum, prout vel phlogosis, vel bilis c-
minebat.

Cum quamdam febrium potissimum continua- *Febris*
rum variationem fuisse, atque aestivam febri- *aestiva*
mutato aliquantum sub schemate prodiisse su- *quamdam*
h. c. mense
mutatio-
nem subi-

pra dixerim, juvabit eam rem hic resumere, & explicare.

Popularis æstatis febris sub finem prioris mensis, & primo Septembris dimidio in plures, quam antea, septimanas protrahi, lente incrementum, lente provehi, & sub falsa benignitatis specie ægrum diu affligere, sero tandem eidem valedicere solebat, cum iudicium subiérat laboriosum, & tardum.

*Pulsibus
& urinis
non malis
febris
gravis.*

Symptomata hoc tempore eadem fuere, quæ per æstatem febrim biliosam comitabantur, nisi quod pulsus, & urinæ, calorque ægrotantis plerumque parum quid habere a sanitate diversum viderentur, etsi is nihilo mitius se habebat, & ingentem cephalalgiam, temulentiamque querebatur; at frequenter quasi attonitus, atque obtusius sentiens, supinus, cruribus divaricatis, ad pedes defluens, decumbebat.

*& cum
ingenti
cephalal-
gia.*

Utut vix febrile plerumque ægrum diceret, fuit nihilominus subinde acer calor vel uno tantum in brachio, vel in utroque: at quasi diffringi sibi caput præ dolore, & ardore semper asserebat. Oris amarorem perpetuo, & inappetentiam accusabat.

*ac tædio-
sa diar-
rhœa.*

Quotquot ex febre populari hocce tempore decubuerunt, omnibus diarrhœa supervenit, primo levans, sed quæ postea, cum persisteret, absque ulteriori levamine vires fregit.

Multi, qui morbi initia, & primos progressus spreverunt, quacunque medendi ratione in auxilium vocata, colliquantes secessus, & largam sub nocturna præcipue tussitatione sputorum pituitosorum copiam patiebantur, & pertinax crurum œdema

*Hæc fe-
bris in*

Phthisin hanc pituitosam lichene islandico, & poly-

polygala, frictionibus aromaticis, & victu re-
 staurante plerumque sanavimus, ubi alvinæ lu-
 bricitati pulvis radicis arnicæ pulchre opitula-
 batur.

Febrem hanc non jam *biliosam* appellabamus, sed *bilioso-pituitosam* ob amarescentem pituitam, quam questu identidem sunt, & potione emetica revomuerunt.

Medebamur eidem eadem ferme ratione, qua
simplici biliosæ feбри, nisi quod diuturniora adhi-
 beremus solventia, & ob præcognitam morbi
 diuturnitatem viribus mature prospiceremus, da-
 tis gratis cardiacis, & antiseptica arnicæ radice,
 aut decoctis herbarum, & radicum aperientium,
 amarescentium &c.

Quodsi primæ emeto-catharces morbum in in-
 cunabulis non præfocarant, & quæ serius insti-
 tuebantur evacuationes, nil amplius in materiem
 poterant, fors intra vasorum systema jam dilap-
 sam, viribus conservandis imprimis studebamus,
 ut materiem, quæ vim remediorum *directam* jam
 eluserat, fugam ex ventriculo intra sanguinis
 territorium capeffendo, naturæ vis sic conser-
 vata attenuet, eliminet, assimilet, sive coquat.

Inepte, & cum ægri discrimine morbum ejus-
 modi longius proVectum neglectumque valen-
 tioribus vexares, si ejus te forte tarditatis len-
 tæque sanationis tædium caperet. Hic illud va-
 luit: Sat cito si sat bene.

Ægrorum horum linguæ rarius biliosæ, aut
 limo quasi flavescente conspurcatæ comparue-
 runt: frequentiores fuerunt prærubræ, glabræ,
 resiccatae, splendentes, & quasi vernice obductæ.



C A P U T XIV.

O C T O B E R.

Siccitas frigidiuscula, cœlique serena facies,, noctibus pruinosæ ad octavum usque mensis diem; eo die insignes pluvix. Inde frigus humidum, nebularum defluvium, pluviarum inanes minæ. Die 19. rediit siccitas, & frigus, cum glacie nocturna, & matutina, foetente, crassaque nebula ad 25. usque pluviis madentem. Inde mane, & vespere copiosæ, densæ, deploentes nebulae, multusque inador, sole submeridiem claro, & frigore mitesciente.

Ultimo triduo cœlum molle, austrinum, tepidissimum, capiti grave, atque universalem languorem inducens, sole per eos dies languidissimo, nebulisque tenuissimis suffuso.

Dominabatur hoc mense multus humor,isque in medio mense frigidior.

Die 3. 4. 5. 31. calor atmosphærae maximus fuit 16. gr.

Die 24. Calor ejusdem minimus 3. gr.

Calor medius $9\frac{2}{3}$. gr.

Die 21. Oct. altissima barometri statio 28. dig. $2\frac{2}{3}$. l.

Die 3. 30. 31. statio infima 27. dig. $7\frac{1}{2}$. l.

*Dominantis feb-
bris mu-
tatio.*

Anno ulterius provecto, atque ad suum quasi senium producto frigidum, siccum, inimice, mutari rerum facies cepit, atque æstivi morbi ab hyeme succedente dissolvi. Etsi enim hujusce temporis febres easdem, ac per æstatem perio-

periodos, exacerbationes easdem, certas, incertas, observarint, rarissime nihilominus sinceram bilem atque *αμυν*, matrem salutarunt.

Multæ continuæ remittentes febres, siue peculiarē quandam impererent corporis partem, seu decurrerent absque topica invasione, a materie nascebantur lenta, ductilique, non semper amarescente, aut, si etiam bilis saporem referret, excolori, & molis non magnæ. Hæc species fæminas præ viris invaserat, easque pallidiores, inordinate menstruantes, & affectas fluore albo.

Idea malignitatis in hac febre.

Numerus hoc modo ægrotantium non magnus fuit, sed morbus longus, difficilis, laboriosus. Pleræque ad nos venire, missō jam sanguine; quare ægritudo altiores radices egit, pertinacior effecta, & periculosior. Sed emeto-catharsis minus efficax in hisce fuit; phlebotomia nempe fractis & morbi longitudine, priusquam nobis committerentur. Vomuerunt tamen cum aliquo levamine, ubi emeticum propinabamus, utut haud prompto, nec eminenti.

Binis, raro ternis vicibus per omne morbi tempus vomitorium dedimus.

Materiem vomendo rejectam ante descripsi, pituitosam, & paucam, & rarius, & modicissime biliformem. Hanc morbi genitricem materiem parcius intra ventriculum, & intestina collectam, at magna ex parte per omne corpus dispensatam existimabam, febrimque ex eo genere esse, *ubi medicum non oportet tumultuari, multaque, & magna moliri.*

Omniis tentatis id experiebar, satius esse, *Canem in vacuato, si vires ferant, ventriculo, vim vitæ servanda sustentare, & urgenti, si quod accederet, sympto- lac peculiari bu- mati occurrere, & opperiri, donec febris se ipsam juce se-*

Uris malignitate observatus. conficiat, & materiem morbificam sensim aut affimilet, aut subactam variis viis; & tempore vario eliminet, blande, pedetentim.

In usu remedium mihi fuit ex aquæ aut communis, aut stillatitiæ, e. gr. menthæ, semilibra: pulveris radice arnicæ drachmis duabus — tribus: sacchari Thomæi uncia semis, & spiritu vitrioli drachma una. Nonnunquam primis præcipue morbi temporibus drachmam aut ammoniaci salis, aut arcani duplicati admiscui. Sed morbo proVectiore, & increfcente debilitate, aut ventre profluente a salibus abstinui.

Potui dedimus aquam simplicem cum oxy-saccharo

Hac usus methodo rarius, aut nunquam nimium elatam febrim vidi, ut ideo phlebotomia opus non fuerit, quam omnes ferme aut una, aut etiam altera vice instituebant ante adventum in Nosocomium, eamque non necessariam, vel etiam noxiam.

Remedia validiora, & stimulantiora ingerere nolui, ne tenacem morbi materiem minutis vasculis altius impingam, nulla amplius posthac ope extricandam, neque deprimere vitæ vim, ne non sufficiat coquendo.

Molestissimæ diarrhoeæ in hac febre cura. Plurimum negotii, & tædii non parum lubricissima nonnunquam alvus fecit, quam promptam habuisse, & facilem multum profuerat, at fusam, nocuerat plurimum. Id ubi evenerat, omni altera hora drachmam dimidiam, vel & integram pulveris radice arnicæ exhibuimus, quare effecimus, ut parcius dejecterent, & consistentia.

Quam hic memoravi febrim, ab ea mensis præteriti bilioso-pituitosa non differebat, nisi quod isto tempore & solas ferme foeminas corripes-

riperet, easque imbecilliores, & humoribus lentis; cum e contrario elapso Septembri etiam viros afficeret præter fœminas, & paulo acutior, ac frequentior illa esset præ hac hujus mensis, atque admixtæ bilis haberet plus.

Remissiones hujus febris incertæ fuerunt, invasio lenta, lentus incessus, & morbi totius duratio longa: nullus eminentior dies criticus, nec ulla luculenta crisis, sed morbi fatiscencia *αἰσθησις*. Nullibi dolor insignior, at magna dejectio virium. Mens omnibus constitit. Pulsus habuere paulo citatiores, & calorem modicissime auctum: cutem arentem, linguas glabras, prærubras, siccas absque crusta: urinas naturalibus magis flavas, & nebulosas. Color faciei identidem mutabilis, ita, ut, genis quasi minio fucatis, teneret ora pallor, & narium ambitum; aut ut altera ruberet gena, pallente altera cum virore; vel ut insignior rubedo totam mox faciem perfunderet, eamque totam mox virens pallor. Querelæ paucæ, & quies. Somni leviculi.

Molesta tussis provento morbo ægrotantium
pulmones concussit, extuditque pauca, mucosa
spuma. Superveniens vomitus, aut liberior al-
vus hanc ægritudinem thoracis allevabat. Raro
contigit, ut eo in morbo id incommodi præver-
teremus, & tunc solummodo, ubi ægri nondum
nimis progressa infirmitate, & iis vitæ viribus
ad nos venerunt, quæ repetita emetica ferre po-
terant.

Hanc febrem plerumque sinceram, & unius
pituittæ prolem; *pituittosam* appellabamus.

Quædam tamen hoc mense febres non unius *Febres*
 originis erant, sed parentum diversorum, & *hybrida.*
 hybrida. Fuerunt enim & bilioso-pituitosæ,
 &

& bilioso-inflammatoriæ, aut triplici vitio prognatæ, bile videlicet ab æstate residua, pituita, & sanguine succenso.

Prudens æstimator & temporum, & temperamentorum, & ætatum, aliorumque, quæ usu disci, describi nequeunt; non operose definiebat, bilisne, an pituita, aut sanguis excalesfactus magis peccet, quove cum ægrotantis discrimine.

Hinc non una medendi ratione utebamur. Hæc varia morbificarum causarum intensio, prædominium, conjunctio, methodum medendi variam effecit. Hinc solvendum plerumque multo diutius fuit, quam elapsis mensibus: mitti sanguis frequentius debebat, subungi emeticum serius, aut omitti penitus. Non raro nec emessi, nec phlebotomia indigebamus: solis solventibus, ubi nulla materies turgebat, & sale medio, mitiori, pauco, aqua, aceto, melle multos sanavimus, quibus ea ratione omnia *εργασάμεθα* fecimus, viasque omnes expeditas, dum interea febris deferveret.

Metastases hoc mense plures, rheumatismata suppurationes, ichores, erysipelata, bubones, carbunculi. Sub exitum prioris mensis, & initio Octobris ad ejus usque medium hæc febris autumnalis id habuit peculiare, atque a febre æstivali diversum, quod amarit metastases non criticas, difficilesque, & ipsa febre graviores. Multis enim uno ante, alterove die placide febricitantibus repente carnes brachii induruerunt cum tumore non discolori, sed dolentissimo, & ablata movendi illius artus facultate. Quibusdam musculi femoris pone inguen ligni instar rigeabant, dolabantque; tumebant & glandulæ istius loci. Aliis glandula sub axillis sita tumescebat: atque aliis manum, brachiumque erysipelaceus rubor perfudit, quem mox phlyctenæ, & plaga gangrænosa insequiebantur, & rodens ichor, qui lon-

longos sub carnibus cuniculos agebat, & telam cellulofam longe, lateque depalcebatur.

Tumores hosce inguinum, & subaxillarium glandularum morbum ipsum non solverant; nec ipsimet discuti potuerunt, sed omnes tarde maturuere, tarde suppurarunt, & coaluere tardissime.

Suppuratos carpos antisepticiis sanavimus & admotis gangrenosæ plagæ, & ingestis. Hunc in finem omni altera hora drachmam pulveris radicis arnicæ exhibebamus, camphoræ junctam, vel & sine eadem. Fateor, me profusissimas suppurationes, & ichorosas cum tabifica febre immutasse, coercuisse, ex toto persanasse hujusce solius radicis ope.

Mense ultra dimidium progresso, vergenteque *Pleuritis* ad finem, compositæ hæc febres in alterutrum *inflamma-* thoracis latus irruerant. *Pleuritis* ea erat inflam- *torio - bi-* matorio - biliosa, dolore late diffuso, atque a *liosa.* summa clavicula decurrente ad ossis ilei cristam usque. Plerumque cruenta sputabant, æstuant, pulsibus plenis, elatis, quive digitum exploratorem instar vibrantis chordæ ferirent, ore mucoso, & amaro, ac cardialgia. Sanguinem cum emolumento miserunt, aut absque saltem detrimento, priusquam ad nos deportarentur. Multo potu refrigerante, leviterque salito, & diutius ingesto, tandem emeto - catharsin fecimus, mox allevantem.

Subinde præmitti emetico phlebotomia debuit, aut subjungi, aut utrumque hoc genus præsidiorum alternis vicibus adplicari. Sanguinis emissi corium plerumque densum fuit, flavescens, virescens; aut flavo, viridique latici innatabat.

Mor-

Morbo jam inclinato ventrem modice profuere multum profuit.

Profligata jam ægritudine dolor non raro pertinax, sed levis, atque inter tussendum solummodo latus vellicabat, quem adplicatum vesicans dispulit, cum interim opium tussim ipsam a morbo residuam, noctuque molestiorem comprimeret.

Colicæ biliosæ subinflammatoriae.

Colicæ biliosæ etiam hoc mense comparuerunt, paucæ numero, sed graves, sanatu difficiles, & subinflammatoriae, quas sanguis iterum iterumque missus, & anodynum mitigavit primo, deinde pharmacum evacuans percuravit.

Febris rheumatica.

Multi febriebant ex rheumate artus omnes oberrante, & noctu sæviori. Plerisque articuli, aut extimæ femorum carnes, aut lumbi mirum doluerunt. His lenia salina, quæ & alvum mollirent, & urinas cierent, mirum profuere. At ubi feбри confidente dolor remansit, vesicante sæpius, variisque in locis adplicato, conticuit.

Puerperæ quaratione hoc mense valuerint.

Puerperæ hac tempestate immunes ab ea febre manserunt, quæ omnes omnino laceffivit, quotquot æstivo tempore apud nos pepererunt, at nullam gravius afflixit.


Quartana.

Quartana sub initium autumnii caput extulere; sed quos hujus ægritudinis tædium cepit, primum altero Octobris dimidio, & sub finem ejus ad nos venerunt.

Quotquot habui hac febre per autumnum vexatos, ab aliquot jam mensibus febriculosos fuisse, adcurato examine comperi, ad id usque tempus, quo ea diathesis febriculosa in febri quartanam maturuerat; neminemque, quantum novi, sanissimum ante, is morbus est velut ex insidiis adortus, & repente.

Sali-

Salibus multis, sale præprimis ammoniaco, ^{etrumque} & concitata subinde vomitione referare obstru- ^{curatio.}cta connitebamur, amaricantibus dein remediis, queis flores salis ammoniaci martiales miscuimus, inertem ventriculum excitulare: tum demum morbus fugam capeffivit, vel suapte, vel cortice peruviano profligatus.



CAPUT XV.

NOVEMBER.

Primum mensis quadriduum multum intepuit sole continuo, claroque. Dein nebulæ crassæ, madidissimæ, phœbum ut plurimum eripientes, tepore persistente.

Die 3. Aurora borealis.

Die 8. Frigus humidum, & nubes. Inde ad 17. usque varia cœli facies fuit, cum pluvix tenuissimæ, sol, nebulæ, nubes, alternis se vicibus exciperent, vento non raro rudius interpellante, at frigore non magno.

Die 17. Acutius frigus. Postea multa intemperies, & tempestas frigida, pluviosa, ventis procellosis, & grandine horrida ad 25. usque, & sole carens. Ea dies primitias hyemis prima tulit, tenuissimas nives nempe, sed quæ vix natæ defloruere.

Inde glacies, serenitas, & siccum frigus. Hoc mense frigus minus, quam pro anni tempore intendebatur.

Die 1. Nov. calor maximus \pm 0. 13. gr.

Die

Die 28. calor minimus — o. 1 $\frac{1}{2}$. gr.

Medius calor + o. 4 $\frac{3}{4}$. gr.

Die 5. barom. altiss. statio 28. poll. 3. lin.

Die 9. 10. infima ejus statio 27 poll. 5. lin.

Major
hoc mense
salubri-
tas.

Hic mensis præ cunctis aliis anni temporibus paucissimos morbos tulit, æstiva utpote febri nunc ferme ubique emortua.

Hos ipsos pauciores morbos, multum etiam benigniores vidimus, periculo vix ullo, atque acie penitus retusa. Febres priorum mensium aut penitus diffugisse visæ sunt, aut in fibriculosas solummodo diatheses conversæ, catharros, cardialgias, cephalalgias, & paucorum dierum non grave rheuma, quasve facile, & obambulantes tulerunt.

Hæc de numero febrium per hocce tempus, eorumque miti indole innotuere.

Materiem morbificam eandem deprehendimus, quam mense præcedente, pituitam videlicet, sed bili rarissime commixtam, & mole paucam, quæve peripneumonias nothas, pleuritides, tussis stomachicas, tormina, doloresque articulorum fecit, prout diversis corporibus diversimode applicabatur. Hæ febres pituitosæ varia etiam ratione intendebantur, aut remittebant, eandemque medendi rationem sibi vindicabant, ac illæ mensium præteritorum; solventibus enim præmissis cathartico-emeticum una, aut pluribus etiam vicibus assumptum easdem aut sustulit omnino, aut valde imminuit, vel vero in intermittentes convertit.

Peri-
pneumo-
nia no-
tha.

Peripneumonix nothæ, sive pituitosæ, itemque pleuritides ejusdem indolis in hunc mensem inciderunt, etsi numero non plurimæ, cum omnium universim febrium hac tempestate vis paucæ fuerit.

Febris ex classe remittentium fuit, sed non intensa valdopere, obscuris accessionibus, & vagis. Laboriosissime respirabant, vesperi maxime, & noctu, ac sedentes, ac si viis spiritalibus angustatis intra thoracem quid ebulliret, sibiloso cum strepitu. Cephalalgia, vomiturtio, & vomendi molimina laboriosa, mania, aut cum modicæ pituitæ rejectione: vomitus ingestorum, crebriorque a pastu, & vespere. Thoracis totius ardor, aut pungens dolor, aut gravior multo cardialgia, graviorque in epigastrio toto inter tussendum dolor. Sputa in initio perpauca, plura dein, ductilia, tremula, subinde herbaceo hinc inde colore tincta. Inappetentia: vix ulla sitis. Tussis multa, sonora, sono quasi ex cavo procedente. Urinæ saturate flavæ, & pleni pulsus, naturalibus non multum citatiores.

Sartorum quorundam hic morbus fuit, & foeminarum, hasque inter pauperiorum præcipue, aut corporis obésioris.

Venæ sectione non indignimus, qua tamen ^{earumque} illa Sydenhamo peripneumonia notha compellitur ^{cura.} illa carere non poterat, cum plus forte phlogoseos jam conceperat, quam morbus hic noster in nostris terris, & hocce mense minus frigidus, quam is aliis annis soleat.

Hinc satius erat, alvum movisse, aut quod expeditius visum fuerat, movisse emesin una cum alvo, idque pluribus plerumque vicibus. Ast præmittere, & interponere, & subjungere salina remedia oportebat. Vomere pituitam meracam, subinde mediocriter biliosam, paucam plerumque, sed cum levamine non paucis.

Ægram habuimus, cujus historiam infra recensere, quæ quam plurimam pituitam vomuit

in eodem morbo, quantam non facile quisque in ventriculo, & proximo intestino fluctuantem crederet, sed potius ex omnibus corporis vasis emulctam, rejectamque ad ventrem, & inde per os, atque alvum, tanquam gemina via regia crudissimarum sordium, eliminatam.

Vis ulli in universum sanguinem misimus, atque ubi ejus rei necessitas fuit, cum parce & una solum vice detraximus.

*Colica
hujus
mensis.*

Colicarum eadem curatio fuit, ab eadem utpote pituita profectarum, etsi hic aliter corpus afficiente. Ægri plerumque difficillime respirabant, tussitabant, his non multum absimiles, quos peripneumonia notha tenuit, nisi quod nihil memoratu dignum extussarent, & abdomine graviter dolerent. Obscure febriebant. Interrogati nunquid pectore oppressi essent, aut dolente, quod libere spiritum trahere prohiberet, tussimque redderet permolestam, negabant, asseriebantque, dolere sibi abdomen solum, & epigastrium tantum pondere gravatum videri, ut levare thoracem ad aërem captandum, & tussire absque magno ventris cruciatu non possint.

Orthopnoeas a solo abdominis vitio plures vidi.

Quam elapsis mensibus non raro videram febriculentium diarrhoeam, tunc præcipue, ubi morbus sui juris erat, & neglectus, aut inepte curatus, longam & artem, & ægri vires exhaustientem, hoc mense non offendi. Ventres omnibus universim fuere sicciore.

Paucissimas id genus metastases, non criticas, ichorosas ad artus, & ad glandulas habuimus, quales adulta æstate, & sub initium autumnii sæpius comparuerunt.

Icteros quosdam prægressa miti febricula biliosa notæ exortos extractum martis pomatum cum sale ammoniaco, aut ejus flores cum decocto absinthii, & caidui benedicti prom-
 te solvebant: at præmisimus & salinos hau-
 stus, & vomitorium.

Tussis plerasque hujus temporis febres aut comitabatur, aut excipiebat. Ea vespere maxime, noctuque importunior erat, siccave in initio, dein lentam, ductilemque ranarum spermati non absimilem materiem excussit, & paucam. Thorax plerumque non doluit, nisi morbus ipse princeps aut notha pleuritis fuerat, aut peripneumonia notha, aut ea tussis pectus diutius exagitaret. At doluit & sub ipsa tussitatione, & paulo ante eandem, cardia, epigastrium, vel & media ventris regio, vel mollitudo hypochondrii utriusque, quasi funibus constricti, aut acute compuncti.

Quibusdam hæc sola tussis aderat, de eaque sola conquerebantur.

Causam intra abdomen residere, siue tussis ea alterius morbi symptoma fuerat, seu ipsa morbum primarium effecerat, ex communibus coinquinati systematis gastrici notis constitit, atque ex ipso tussientium sono peculiari, veluti profunda e specu edito.

Cum rusticum ea tussi affectum de pectore interrogarem, num quid ibidem doleret, negavit, addiditque, se non ex pectore, sed e ventriculo tussitare, atque etiam eum solum male habere.

His, qui sic ægrotarunt, ventriculum curavimus, solvendo ibidem aliena, dein aqua & cathartico eliminando.

Plerisque ea medicatio sola profuit, & cito.

Quibusdam vero tussis perstitit, utut moderatior: at stomachicis, & corroborantibus remediis intra breve tempus comprimebatur.

*Frequens
hæc tussis
est, &
in phthi-
sin abiit.*

Id observavi, stomachicas hæcæ, aut abdominales tusses quovis anno frequentissimas esse, & male sæpenumero pro pectoralibus haberi, & emollientibus, tepidis, oleosis, quæ in tussi ab inflammatoria pulmonum diathesi summe alias proficua esse solent, intendi, ventriculum lædi magis, & ipsos denuo pulmones continuis succussibus conquassatos infirmari, & trahere jam proprium vitium, variumque, crudorum videlicet succorum congestionem, vasorum imbecillium dehiscenciam, & anacatharsin pituitosam, puriformem, cruentam, purulentam, tabificam.

*Extispiciatibi-
dorum.*

Cadavera secui ex ejusmodi tabe demortuorum, qui simplici tussi stomachica in initio afficiebantur, sed non cognita, neglecta, phlebotomiis &c. in ruinam pulmonum, & totius demum corporis conversa. Pulmones deprehendi duris ex parte nodis obseffos, partim veroceros, emarcidos, absumptos.

Recentem tussim, & non ultra multas septimanas progressam absque negotio sustuli, & brevi; at ubi illa per aliquot jam menses inveteraverat, ad duas res animum adverti, in duasque morbi epochas investigavi: 1. an ea tussis, cujus causam stomachus continuit, solum adhucdum sympathica sit, pulmonibus aut integris aut ita parce læsis, ut correcto ventriculo, etiam hi suapte consanescant? 2. An forte jam ea labes pulmones teneat, diu utpote, valenterque concussos, ut ii, ablata licet sympathica tussis causa, & emendato ventriculo, nihilominus proprio in sinu foveant multiplicem idio-

pathi-

pathicæ tussis causam, tubera, vasorum varices, saccos ichore, pure plenos, ulcera?

Has phthises hacce origine prognatas plures vidi, quam alia quacunque ex causa, easque satoribus, sutoribusque, hisque ultimis potissimum insidiantes, & rarissime capaces sanationis, raroque solaminis longioris.

Autumnus tabidis infestus novimus, sed his præcipue, qui exposita ratione contabescunt.

Lichenis usum, & polygalæ amaræ hic magni fecimus, ubi altera morbi epocha aut nondum aderat, aut nondum diu, repurgato tamen prius ventriculo, si quis malus adhuc fomes in eo occultabatur.

Præter peripneumoniam, & pleuritidem notam, colicas, ac tussis hucusque descriptas, alius etiam morbus obvenit frequentior, ac passim arbitrantur, & habens quædam peculiaria, ophthalmia nempe ex ventriculo oriunda aut pituitoso, aut bilioso. Hæc multis sæpe septimanis, & mensibus ægros vexat. Oculus multum rubet, illacrimatur, & quasi ab injectis pulvisculis, aut arenulis dolet, lucis impatiens per diem, & dolore ad vesperam, noctuque intensiore, continuoque, at interdiu aut nullo, aut miti, & interrupto. Rubor assiduus: dolet etiam alterutrum tempus ægrotanti oculo vicinum, & latior subinde capitis ex eo latere plaga. Cornea transparens opacatur, albidæque subinde vesiculæ in eadem excitantur.

Alia symptomata ægri plerumque suapte non queruntur, at curatori facta per investigationem constabit, ventriculum, cibi que desiderium per id tempus languere, amarescere os, aut mucro redundare præter solitum, gravari epigastrium,

Quinque
huic
phthi-
magis
obnoxii
sunt.

Peculiaris, & frequens
ophthal-
mia,
quam
auctor
gastri-
cam ap-
pellat.

obscurissimos motus febriles per vices recurrere, horripilationes nempe, sudatiunculis, & calore levi, ac subitaneo interstinctos, idque vesperi, & noctu magis. Inquies per noctem, & foetens sudor: insomnia.

*Et quæ
subinde
pro vene-
rea im-
ponit.*

Diuturna ejusmodi ophthalmia mihi semel pro syphilitica, imposuit, cum præter nocturnas exacerbationes multa quoque alia concurrerent ab hac suspicione non aliena. Ægram quamdam id genus ophthalmia laborantem, meque una multo affeci tædio, multa, & tædiosa usus curatione, donec innotuerat, rem a ventriculo profisci.

Pauca tantum exempla e multis seligam, quæ morbos hoc mense præcipuos exhibebunt.

ÆGER PRIMUS.

*Febris
hujus
mensis.*

Vidua 38. Annos nata, quæ marito ante dimidium annum orbabatur, & tres superstites pusillas proles, easque sæpius ægrotantes, ærumnose alebat, cum die 1. Novembris mœrori, & fletui ob mariti defuncti memoriam nimium indulgeret, inhorruit, atque incalevit complures horas.

Altero die salis amari unciam unam cum dimidia sumsit: probe purgata, non allevata est: febriens, lecto affixa.

7. Nov ad nos defertur, debilissima, obscure, & tenuiter febricitans, surdastra adeo, ut, nisi auribus valide inclamaris, nil audierit. Stupor, confusio sensuum, memoria vacillans. Anteaactorum historiam ex quodam ejus vicino homine collegimus. Lingua glabra, siccescens.

Mixta

Mixturam solventem ex sale medio, aquam item cum melle, & aceto potui dedimus.

8. Nov. lingua fissa, prærubra, sicca.

9. Emeto-catharticum. Vomuit inde pituitam amaram, paucam: dejecit. Rediit auditus mox ab emesi: mens præsentior, & lingua humectata.

10. Mixtura salina cum pulveris radice arnicæ pauca dosi, potuque multo, aquoso, saccharato, & modico vitrioli spiritu acidulato.

11. Eadem remedia. Auditus denuo difficilior: lingua sicca: morositas.

12. Nov. emeticum: vomitus pituitosi: secessus. Rediit auditus denuo, & mentis alacritas, & linguæ mador naturalis.

13. Perstat audiendi facultas, & mentis vigor. Obscura febris, & si illam ex pulsu, & corporis calore metiaris, ad speciem mitis. Tinnitus: caput grave: tussis nocturna. Post ultimum emeticum eandem, ac antea, mixturam dedimus.

14. Nov. nulla febris.

16. Amaricantibus ventriculo prospici ceptum est. Caput allevatur: tussis sopitur.

19. Nov. vix ulla tussis. Surgit: obambulat. Post initium Decembris sana suos repetiit.

Mœroris vim in corpus humanum, ejusque in producenda prava febris potestatem & hic, & alias frequenter advertebamus. *Mœroris effectus.*

Purgante pharmaco ægra non juvabatur, sed inde pejor habuit. Febrim purgante, etsi non valido, exasperatam, at emeto-catharsi ferme subito enectam multoties observabamus. *Vomitum uti-
orum uti-
litas.*

Nulla materiæ turgentis signa, si ea unice ad vomitiones, cardialgiam, ructus nauseosos, & depravatam gustum, ac oris sordes re-

ferre velis, comparebant. Nihilominus vomitorium præsentem opem tulit linguam humectavit, auditum, ac mentem restituit, & ante actorum memoriam, ut ipsa mox ab emesi morbi historiam exacte narrarit.

Profecto qui efficaciam emeticorum in morbis quam plurimis, siue longi ii sint, siue acuti, probe norit, stupendos sæpe effectus mirabitur, quos a quam plurimis ignorari multum doleo.

ÆGER SECUNDUS.

Historia pleuro-pneumoniae hujus mensis. Vidua 50. Annorum, lotrix, a sex fere mensibus sæpius repente ortos calores queritur, sana cæterum.

10. Novembris horret, caletque per vices.

Caput temulentum: nox inquieta, insomnis: sitis: anorexia.

11. Nov. horror, calorque alternantes, validi, crebri. Decubuit. Reliqua, uti pridie,

12. Omnia pejora.

13. Amaror oris: intensa febris: dolor punctorius ad latus thoracis dextrum, & ad infimum sternum, quasi thoracem transfigens, porrectus ad locum medium inter scapulas: leviculæ artuum omnium subinde convulsiones, dolorque per intervalla artus inferiores perstringens. Dodelatio: gravis cephalalgia: illacrimatio: cibi fastidium, & sitis. Epigastrium dolentissimum si contrectetur. Tussis multa: sputa ductilia, parca, mucosa, herbido subinde colore tincta, crocea, eruenta: lingua ex albo flavescens. Nil hucusque remediorum adhibebatur.

14. Nov. nobis commissa est. Omnia, uti pridie,

pridie. Potui aquam, mel, & acetum cum paucis sale medio dedimus.

15. Eadem omnia. A meridie emeto-catharticum. Vomuit bilioso-pituitosa; deiecit. Dormivit tranquille.

16. Pulsus, & calor naturalis: pectus bonum omnino. Cephalalgia non emendata. Vesperi frigus, calor, tussis, & sputa lenta, mucosa-que rediere; rediit noctu & dolor pectoris.

17. Nov. emeticum. Vomuit pituitosa, omnia leviora, solo lateris dolore non allevato. Vesperi lateri dolenti vesicans applicatum est.

18. Pauca febris; dolor lateris nullus; nulla tussis.

19. Nulla febris: tussis nocturna: sputa albidula, ductilia. R. Aq. samb. unc. v. Oxy-mellis squillit. unc. ij. Tart. emer. gr. ij. M. pro 24. horis: omni quarta hora sextam partem hujus mixtura sumat.

20. 21. Nov. alvus crebra: tussis rara.

22. Nulla tussis. Decoctum lichenis islandici.

23. Surgit ex lecto. Decocto lichenis, & dein stomachicis, amaricantibus usa perfecte convaluit, & primis Decembris diebus domum petiit.

ÆGER TERTIUS.

Dic 12. Novembris juvenis 24. Annos natus, Ophtalmi suam in conficiendis ex lana pileis operam ^{in ga-} magistro locabat, nos adiit. Morbi anamnesis ^{strica} hæc erat;

Ante tres septimanas alvus citari cepit inter via ventris per vices tormina, cæterum non

Q 7

calen-

calenti, appetenti. Hanc nucis moschatæ pulvis suppressit.

Triduo inde vix elapso dolere caput, gravari multum, & obortis demum achoribus perfundi, calores crescere, & appetitus imminui. Achores insperfo pulvere quodam siccavit, cæteris non emendatis.

Ante octiduum, cum operi suo pileario ponere aquam ebullientem vacaret, repente dexter oculus insolito dolore valide compungebatur, sensim ex illo latere caput acius infestante, interdum benigniori, noctu exasperato, & somnum omnem arcente. Incaluit magis, præsertim ad sinciput. Amaror oris: horror nullus: sitis multa. Pars alba oculi quasi sanguine suffuso rubet cum ardore. Pulsus naturalis: lingua impura, siccescens. Ventriculo, aut abdomine non dolebat. Facies ex rubro flava: lucis impatientia: lacrimarum pluvix: corneæ transparentis incipiens obscuritas.

Aqua simplici cum melle, aceto, & sale polychresto utebatur. Oculo nil remedii unquam admovebatur.

Die 14. Nov. cathartico-emetico. Pituitam multam cum pauca bile vomendo refudit, dejecitque cum levamine evidenti, celeri, magno. Ardor nullus: rubedo multo minor: lucis tolerantia, nulli calores: tota nocte dormivit.

Die 15. Nov. poscam, & mulsam cum sale polychresto sumsit. Nullus rubor: nebula tenuissima corneæ adhuc obtensa: cætera bona.

Ex illo tempore invigorare ventriculum cepimus. Bene habuit. Oculus paucos post diebus sanissimus.

ÆGER QUARTUS.

Puella 23. annorum elapso abhinc anno rubore, *Optical-*
 doloreque oculi dextri, & corneæ opacitate la- *mia chro-*
 borabat per annum integrum durante, catame- *nica, &*
 niis irregularibus usâ, sana cæterum. Cum ap- *erigintis*
 petente vespera dolor intenderetur rubore non *gastrica.*
 magno, & corneam opacitas fere totam tene-
 ret, varia diu & ab aliis, & a me quoque præ-
 scripta fuere; tandem omnibus incassum adhibi-
 tis mercurialia ob latentis venereæ labis suspi-
 cionem in auxilium vocata. Nil provectum est,
 ægrave singulari potius naturæ benignitate,
 morbum una, nostramque erroneam medicinam
 vincentis, convaleuit, quam artis ope.

Die 26. Nov. denuo ob simile alterius oculi
 affectionem Nosocomium adiit, dura potius ne-
 cessitate coacta, & ex heræ, cui servierat, man-
 dato, quam ob fiduciam recuperandæ apud nos
 sanitatis, utpote longæ, & ipso morbo peioris
 curationis, quam nuper subierat, nondum oblita.

Ante quatuor septimanas vesperi subito dolore
 capitis se correptam fuisse narrabat, primum
 obtuso supra orbitam oculi sinistri, dein acuto
 totum caput pervadente. Mox & rubor, atque
 ardor eundem oculum cepit cum acris, fervi-
 didique feri profluvio copioso: paucos post dies
 obscurari cornea, in ejusque medio bullula na-
 sci, quæ sponte disrupta foveolam reliquit.

Ex eo tempore dolor & oculi, & temporis
 vicini sub vesperam quotidie revertebatur, tota
 nocte inerefcens, & acutus supra modum, do-
 nec diluculo remitteret paulatim, & in obtusum
 satisfceret doloris sensum ad nonam matutinam.

Inde

Inde capite gravi quidem , sed indolente fuit ad statam usque horam vespertinam.

Et si interdiu dolore omni vacaret oculus , & capitis vicina regio , tamen nunquam illius rubor , nec unquam acrium lacrimarum vis defuit.

Cum tribus ferme septimanis hæc ægritudo statis horis recurreret quotidie , ægra obambulante , cæterum nil incommodi conquesta , & appetente , en cibi fastidium accedit , & assumptorum amarus sapor , & sitis.

Ophthalmiæ exacerbationem nocturnam nullus horror præcessit , nullus sequebatur sudor , at comitari solebat calor major naturali.

Atque ita quatuor septimanas exegit domi suæ , variis usa remediis , collyriorum omni specie , & terna phlebotomia , & assiduis purgantibus , ita ut per integrum mensem diu noctuque , & quotidie crebro dejecerit.

Ea corneæ opacitas fuit , cum nos adierat , ut res objectas non dignoritur , etsi ambitus amplioris , & sole multo illustres.

Per biduum poscam , & mulsam hausit copiosam , & arcani duplicati eam quantitatem , ut alvus quidem emolliretur , at citra ejusdem fluxum.

Die tertio valens pharmacum potavit , duos videlicet scrupulos radicis ipecacuanhæ grano uno tartari emetici armatos. Pituitosa , & biliosa revomuit cum eximio levamine. Rubor vix ullus ab emeto-catharsi , nec posthac ulla doloris reversio. Noctes tranquillæ , & cum somno.

Triduo vix elapso , rubere oculus ex toto desinit , incepitque perlucere.

Vires , quas pervigilium , & phlebotomia , alvusque assiduo fluens jam extra Nosocomium con-

confregit, intra non multum tempus sequenti remedio restituebantur: \mathfrak{R} . Flor. salis ammoniac. martial. Pulveris cort. peruv. Elect. diatess. aa scrup. j. Fiat bolus, & fiant tales N. VI. Sumat omni quarta hora bolum.

Major indies corneæ pelluciditas rediit, ut die decima Decembris res minutiones dignosceret.

Nullum collyrium aculo agrotanti hucusque admovimus.

En alvum assidue, copioseque fluentem uni vomitui adeo non parem, ut purgantibus augeri morbi materies, intendique visa fuerit, quam unica emeto catharsis exterminavit.

Cum hæc juvencula post medium Decembrem uberiores victum intempestivius expectaret, & alvus aliquot diebus segnis evaderet, redire aliquis pone tempus vicinum dolor, visusque minui cepit. Mox ægræ ventrem solvimus, diæta tenui aliquamdiu injuncta. Tandem ad roborantium usum revertebamur, ea lege, ut alvus quotidie bis, terque responderit. Tum demum oculum sæpius aqua frigida, cui sacchari saturni pauxillum admistum fuerat, irrigari curavimus, eo eventu, ut sub ultimos Decembris dies nil doloris experiretur, atque oculo denuo uteretur non discolori, utut paulominus expedite, &, si eundem attentius inspexeras, modicissime nubiloso.

Complures id genus ophthalmias vidi, temporibus biliosis imprimis, atque ex ventriculo oriundas. Ineunte hoc mense fœminam e Nosocomio dimissi, cujus historiam, omissis aliis, exneis adversariis huc transferam:

ÆGER QUINTUS.

Ophthalmia similis priori.

Hæc fœmina trigesimum ætatis annum attingerat, quinque prolium mater, quarum natu minimam unius anni hucusque suo lacte enutrit. Circa medium Octobrem Nosocomium adiit, aitque, se a quatuor septimanis cum gravi ophthalmia conflictari. Quadam vespera oculum utrumque repente dolere quasi compunctum, atque rubere occepisse: ea nocte ob vim doloris non dormivisse; die altero a dolore quidem vacasse, at perstitisse ruborem inter assiduos acrimiarum lacrimarum imbres. Vespera denuo appetente reversos immites oculorum cruciatus esse cum pervigilio. Eam mali accessionem, remissionemve quotidianam fuisse: non appetuisse, fastidiosam, sitientem: dedolatam: ore mucoso, insipido: animo per noctem sæpius deficiente, hypochondrio sinistro duro, tenso, dolente: ventre segni: obambulasse febriculosam.

Ultimis duabus septimanis exacerbata ophthalmiam horripilatio præcessit, quæ antea non observabatur: noctu incaluit, & sub auroram sudavit.

Bis sanguinem toto hoc tempore eduxit, e brachio una vice, atque altera ex pede, & purgans assumpsit proprio Marte, at levamine exiguo, minimeque diuturno. Tandem pectus opprimi cepit, ejusque sinistrum latus amplius dolore corripitur ad scapulam vicinam, indeque per omne brachium excurrente. Cephalalgia.

Sic affecta ad Nosocomium venit.

Curam exorssi sumus a potu multo, mellito, posca, & arcano duplicato. Dein emeto-cathar-

tharsin instituimus. Vomitus, secessusque pituitosi, biliosi, copiosi, mox allevantes, & perseveranter. Venter mediocriter, atque aliquot diebus fluxit.

Tandem nauseantis ventriculi pigritiam ereximus remedio amaricante, stomachico.

Oculis affectis nihil admovebamus.

Sanguinis missionem bis institutam facilius tulit, quam multi soleant in morbis ejusmodi ab ea causa prognatis. Id forte corporis robori debebatur in foemina rusticana, & anni tempori aliquantulum jam refrigerato.

Certe autumnus, eoque potissimum jam pro-
vecto, adulto, atque in hyemem proxime desituro unam, quin & alteram phlebotomiam febres biliosae non raro exigunt, antequam tuto, & utiliter ventriculus subvertatur, quæve sanguinis missionem non possunt, eandem tamen absque periculo plerumque ferunt.

Consultius agi observaveram, sicubi sanguinem detrudere in febre biliosa placuerit, eundem & parce demere, &, si ægro conduxerit, potius repetitum. Contingit enim, ut, licet ingens initio mittendi sanguinis necessitas visa fuerit, ejus te largius extracti postmodum poeniteat.

Deleteria opinio est, posse jacturam humoris hujus abundantius semel profusi auxiliis aliis resarciri.

*Falsa, & pernicio-
quædam
opinio.*

ÆGER SEXTUS.

Doliarius 20. Annorum ante annum scabiem Pleuritidis contagio traxit, unguento quodam articulis dis-
uncto postmodum discussam, qua disparente
labo-

laboriose spirare cepit, tussitatione frequenti, pectoris oppressione, & dolore utriusque lateris punctorio per intervalla vexari. Sputabat pauca, alba, mucosa.

Sub finem prioris mensis (28. Octobris) valide tussitanti respiratio difficilior fiebat, a dolore totius sinistri lateris multum impedita. Caluit cum siti multa, & anorexia, at gustu non pravo, & alvo naturali, ac epigastrio non dolente. Sudores.

Die 29. Octobris, qui dies Mercurii erat,, omnia pejora. Erecto corpore ægrotabat.

Die Jovis, & Veneris decubuit tota die: sudavit.

Die Sabbathi parumper allevatus est, surgit,, domo exit. Vesperì dolor acutissimus latus dextrum invadit cum spiritu laborioso, tussi multa,, siti, æstu cephalalgia.

Die Dominica e lecto surgere non potest. Nil emendatum.

Die Lunæ ad nos venienti difficillima respiratio quasi asthmatica: lingua albida: multa febris, omniaque quemadmodum die Sabbathi ad vesperam. Decubitus facilis in omnem partem.

Die Martis emeto-catharticum. Vomuit amara, pituitosa: ter deiecit. Oppressio pectoris multo minor, dolor lateris nullus, paucula febris, & rara, facilisque tussis. Somnus.

Duobus subsequenter diebus, iisdem, quibus ante emesin, remediis utebamur, salinis, solventibus. Febris vix ulla, remanente levicula adhucdum pectoris oppressione.

Die Veneris denuo emeticum. Paucam pituitam vomuit, ter deiecit. Nulla oppressio omnia emendata, si linguam excipias, quam serius plerumque, & nonnisi excusso languenti

ventriculi torpore, vique cœtrice restituta, ad habitum naturalem redire in reconvalescentibus advertēbamus.

Intra paucos dies sub usu stomachicorum exacte convaluit.

Linguam aut faucium, nariumque, aut pulmonum, ac asperæ arteriæ, aut gastrici systematis affectus fideliter notare constat. Nihilominus subinde linguam offendi ne minimum vitio-
*Diagnos-
sis ex
linguæ
conditio-
ne.*

am, etsi multus alienus humor ventriculum onerarat, quo vomitibus refuso ea primum albescente cepit, aut flavo viridique muco turpari, ac fieri villosa.

Ex lingua sola nondum naturaliter se habente, ubi reliqua bona fuere, iterandæ vacuationis necessitatem nullam collegimus. Suus enim linguæ color naturalis redit, ubi suus ventriculo rigor redierit.

ÆGER SEPTIMUS.

Puella septemdecim annorum ter tantum huiusque catamenia experiebatur, & ante dimidium annum ultima. Ab eo fere tempore frequenter tussitabat, noctu præcipue, sputave re-
*Tussis
chronica,
& gastrica.*

cecit copiosa, & flava. Pectore oppressa erat, auseabat, vomebat per vices paucam pituitam, spirabat cum labore. Subinde levia tormina verebatur. Tandem die 22. Novembris epistrium totum opprimi videbatur. Cardialgia, tussis crebrior, & difficilior spiritus. Interim il ita graviter tulit, quam, uti ajebat, catarhum hunc tamdiu persistentem, & blanda notis silentia importunissime turbantem.

Die 25. ad nos venit. Remediis primo sol-

Pars II.

P

ven-

ventibus, salinis, dein emeto-catharsi pectus, & abdomen emendabantur..

Refractas postmodum tartari emetici doses exhibebamus, quæ vomitum non moverant. Tandem auxiliis roborantibus integre, & non intra multum tempus convaluit.

ÆGER OCTAVUS.

Peripneumoniae notæ història.

Vidua 56. Annos nata, amplo, & obeso corpore, initio mensis Maji hujus anni fastidire cepit, cum a longo jam tempore integra valetudine frueretur. Vomiturit: tandem a pastu ingesta vomuit cum pauca in morbi exordio pituita, dein copiosiori, tenaci, inque longa filamenta ductili. Sitis: oris amarities: spiritus, sub motu corporis anhelosus, noctu vero sibilosus, & strepens, instar asthmaticorum, ut ideo noctes insomnes, erecto corpore, ac sedens translegerit. Ventris multa segnities, duras utpote, adustasque, & cum doloribus fæces, ac raro reddentis.

Alvo enematribus sollicitata, exoneratave major animo hilaritas rediit, majorque facta est respirandi facultas.

Auxilium a medico quodam efflagitabat, quæne hilum proficiente rem sospitatrici naturæ commisit.

Apperente æstate, & cœlo calidiore commodius valuit. Vomitus rarior, rejectorumque minor moles. Tandem omnino non vomuit at respiratione non expedita.

Ingruente autumnò pristina mala recruderent quibuscum septem circiter septimanis misere conflictata die 3. Novembris nos adiit. Adeo

rat

rat cephalalgia, amaror oris, ciborum fastidium, vomendi desiderium, vomitusque per vices meracius, pituitosus, horis subinde matutinis, sed plerumque elapso quodam tempore a pastu. Respiratio fervens, asthmatica, & tussis non raro propemodum suffocans. Nullus thoracis dolor: sputa vix ulla: abdomen tumidulum, modice dolens. si contrectabatur: multa fitis: calor moderatus: lingua impura: alvus difficilis: pulsus fortes, pleni, durique.

Præmissis solventibus salinis ꝑ. Nov. propinato emetico, scrupulis nempe duobus radicis ipecacuanhæ cum grano uno tartari emetici, tantam pendulæ pituitæ copiam ventriculus re-
fudit, quantam intra ejusdem solius, aut viscerum vicinorum cavum contineri potuisse nemo facile fuisset suspicatus. Ter deiecit. Omnia multo meliora: liberius respiravit, dormivit.

6. Nov. spiratio denuo ingravescit: vomiturit denuo, & paucam pituitam suapte vomit: cætera bona. Solventia salina.

7. Emeticum. Eadem rejectorum quantitas fuit: secessus frequentes, copiosi, multum levantes.

8. & 9. Alvo liquidiore conservata commode se habuit.

14. Nov. vomiturit denuo, libere respirans, non calens, & pulsu naturali. Vesperi irritatum ventriculum compositurus pauxillum opii propinavi. At die sequenti ægram offendi valde sopore, & quantum antehac nunquam, febricitantem, temulentam, arescente, contractaque lingua, & laboriose spirantem. Decocto radicis graminis, & taraxaci cum oxymelle, & sale medio aliquot diebus, tandem usa lenioribus amaricantibus allevabatur ita, ut

14. De nulla molestia conqueretur. Die sequenti cibum indulgimus minus tenuem.

17. Nov. denuo difficilius respiravit. Semell paucam pituitam sponte, & cum levamine thoracis vomuit. Eo die solvens denuo decoctum repetebatur.

Elapso biduo solam ipecacuanhæ radicem vomiturienti dedimus. Mitiora dein roborantia, a potentioribus enim lædebatur, & victus apta ratio, & ventris libertas valetudinem confirmarunt, eamque, cum diutius periclitandæ perseverantis sanitatis gratia in Nosocomio retineretur, extra relapsus metum reposuere.

*Canon in
repetendo
emetico
observan-
dus.*

Et si pluribus vomitoriis hæc ægra indiguerit, eorumque repetitio multis aliis in casibus nobis summe necessaria visa sæpius fuerit, sollicitè tamen cavimus, ne, quotiescunque aut lingua fordesceret aut os illuyies mucosa inundaret, aut ventriculus doleret, etsi pluribus æger vomitoriis, aut emeto catharticis hucusque usus sit, iisdem evacuationibus continuandis insistere-mus. Si enim aliena in morbi initio, ejusque progressu repetitis vicibus evacuaveris, ab intro- verso humorum motu, & succis gastricis largius confluentibus, & ventriculi debilitate, oris habitum, anorexiam, & stomachi fastidia facile repetes, & invigorantibus auxiliis emendabis. Id certe fortunate nobis compluries cessit.

Subinde curam confirmatoriam datum lenius emeticum utiliter interruptit, præcipue si æger in diætæ leges peccarat, aut ea morbi indoles fuerat, ut identidem aliquid morbificæ materiæ ab universo corpore secesserit, & partitis vicibus intra ventriculum, & intellina fuerit rejectum.

Crises hæc partiales morbis ad finem decurre-

rent.

ventribus, atque etiam in reconvalescentibus sæpe advertēbamus, videlicet aut sudores levantes, aut diarrhœam in reconvalescente sponte obor- tam, proficuamve, aut vomitum spontaneum cum multo emolumento.

Si vero ventriculus, vel venter convalescenti repente dolebat, quin causam in diætæ errori- bus offenderemus, si quando gastrico morbo æger antea laborarat, aut tali, qui aut suapte, aut artis ope evacuationibus gastricis solveba- tur, portionem materiæ morbificæ restitan- tem ultima hac crisi fuisse intra primas vias de- positam facile suspicabāmur, quam si natura suapte eliminare neglexit, nosmet-ipsi aut ore, aut alvo, aut utraque hac via regia extermin- avimus.

Hanc agendi rationem, medendique canones non ex nuda speculatione decerpfi, sed eosdem in multiplici quotidiano, & certo sum edo- ctus.

At difficillimum judico, earum rerum descri- ptionem adcuratam tradere, quæ non nisi per innumeras observationes diverso tempore, & di- versis in ægris industriose collectas, interque se comparatas innotuere, quasve & usus fere so- lus alios docebit.

Confirmatoriam curam nunquam impune aut negligi, aut æquo celerius abrumpi, sæpissime observabamus, in iis præcipue morbis, quos *Cura con- firmato- ria ne- cessitas.* era plerumque fibrarum debilitas, inertiaque ut efficit, aut comitatur, gastricos ajo, bilio- sos, pituitosos, putridos, malignos.

Phthises quamplurimæ, pertinaces articulo *Frequen- tissima hoc mense phthisis &c.* am dolores, morbi rebelles cutanei, chloroses, albi foeminarum fluores, & oedemata frigi- da, & diuturni alvini fluxus, totave frigidorum mor-
P 3

morborum cohors vix ullo artis auxilio pervin-
cenda nobis hoc mense frequentius occurrabant,
non raro quidem in inadæquatam æstivæ febris
curationem, plerumque tamen in omissam *con-*
firmatoriam curam refundenda.

Reconvalescentes foeminas haud facile manu
mittendas censeo, priusquam a morbo catame-
nia fluxerint, qualia antea sanis solebant.

ÆGER NONUS.

Metastasis vecu-
liaris. Juvenis, sartor, 18. Annos natus, valetudine
semper integra usus, initio Octobris horruit,
caluitque per vices, sudore largo insequente.
Non appetiit, dolorem tensivum ad nucham
queritans. Caput antrorsum ita flectebatur, ut
mento supremum sternum contingeret, neque
ulla esset id alio commovendi facultas. Decu-
buit primo quatrduo, assidue, sed tolerabiliter
febriens.

Elapsis octo diebus, cum deferbuisse febris
cula videretur, rediretque ciborum desiderium,
tumor ad nucham dolens, latus, non discolor
increvit, capite, uti ante, antrorsum flexo
immotoque; dolor quoque, isque non gravis
totum brachium lævum quasi rheumaticus oc-
cupavit. Præter dolentium partium aromaticarum
frictiones nil adhibuit, & hæc absque emen-
datione.


Die 11. Novembris Nosocomium adiit,
mento, ut dixi, ad sternum depressio, capite
gavi, temulento. Tumor pugni magnitudine
supra colli vertebrae extabat. Pectus, & ab-
domen liberum, lingua impurior: nulla febris
sinistri brachii dolor. Sumit solventia salina.

12. Nov. emeto-catharsis. Vomuit pauca bilioso-pituitosa: aliquoties deiecit. Noctu sudor: somnus.

13. Caput levius, minus depressum: nullum in brachio rheuma. Solventia salina.

14. Emeto catharsis. Vomuit pituitosa minus amara: deiecit. Caput liberum, ejusque erigendi potestas multo major.

Alvus fluens, & frictio tumoris reliquias brevi dispulere, erecta denuo, & mobili ceruice.



C A P U T X V I.

D E C E M B E R.

In is ordientis mensis diebus maior, & colles nivibus conspersi tenuibus, ac nuda planities: nubilosa cœli facies, & auræ mollities multa, austrina. Die 3. aurora borealis. Inde serenum, siccum, congelatio.

6. Nives exiguæ in locis editioribus; in vallibus pluvix nivibus commistæ

7. Congeluit denuo. Siccitas: frigus.

Die 13. quæ aquas glacie leviter adstrinxerat, dissolvi iterum, diffuereque in plano nives ceperunt, manente molli, atque austrina pluvia.

At mox iterum leviuscule frigus intendebatur, aquilone per vices incurrente, donec die

17. aura denuo mollesceret sub aëstri flau, pluvixque nives vicinis collibus decuterent.

18. Nivium altissimarum ubique copia, atque

a vento quies. Ex eo tempore nives perstiterē, cœlo miti.

Hæc rerum facies usque ad 28. mensis perseveravit. Consequentibus diebus pluviae, nivesque sparsim, atque interruptim cecidere, frigore vix ullo, & nulla glacie.

Tempus fere omne austrinum, humidumque.

Die 1. Decembris frigus minimum $+ 0. 6\frac{1}{2}$. gr.

Die 25. frigus maximum $- 0. 5$. gr.

Calor medius totius mensis $+ 0. \frac{1}{2}$. gr.

Die 11. & 12. Dec. altissima mercurii statio 28. poll. 6. l.

Die 5. maxima ejusdem depressio 27. poll. 3. l.

Paucissimos hic mensis morbos progeniit, atque plures accepit ab elapsa æstate, atque autumno transmissos, lentos & perniciosos.

Non pauci hoc mense ad Nosocomium venerunt ab exantlata æstiva febre gravissime mulctati, quemadmodum milites vulnerati solent acie excedere, seque recipere, quo reficiantur.

Tabidorum funera frequentia.

Hanc anni partem, utut a salubritate eximia commendatam, nihilominus tabescentibus, atque his fere solis infestam vidimus. Pleraque in Nosocomio funera tabes dedit.

Tabes ex febre æstiva.

Tabidorum historias, quanta maxima diligentia poteram, conquisi, ut, quæ tabis ea species esset, & unde nata, intelligerem, intellectave cum iis compararem, quorum me compotem extispicia facerent.

*ejusdem generati-
onis ratio,
modus-
que.*

Tabis originem febris biliosa dedit, mensibus biliosis hominem aggressa, quæ morbificæ materię portionem pulmonibus infigebat, inde post hæc non extricandam. Ea metastasis tussis assiduas fecit, multum exagitantes, laxo visceri valdopere nocivas, & quæ sanguinem subinde

ex

extundebant. Non interruptus intra thoracem continuo sollicitatum pravorum succorum affluxus, infarctus, compagis solutio, ulceratio pulmonem, & universum demum corpus pessumdederunt.

Quibusdam febris biliosa nil vitiosæ materiæ ad pulmones rejecit, sed eos solum per consensum affecit, ventriculo causam morbificam continente.

Hæc *tussis stomachica*, febris biliosæ comes, neglecta, curata methodo non sua, phlebotomiis, emollientibus, otiosis, assiduo pulmones succussu labefactavit, eandemque sero tandem ruinam intulit, quam ante dixi a biliosa metastasi evenisse.

Intermittentium febrium, quarum nulla, aut inepta curatio fuit, ea in tabem conversio non rarissime occurrebat.

Neque *valida* febre opus erat, ut inde tabes nasceretur; suffecerat huic pravo partui vel lenior febricula biliosa, vel sola id genus prædispositio.

Certe *catarrhos hosce biliosos*, seu febriles fuerant, seu absquo febre, frequentissime abire in phthisin vidimus immedicabilem.

Consumptorum cadavera dissecta multiplicem pulmonum labem exhibuere, nodos, & tubercula variæ magnitudinis, ac dura, quæve vitæ aquis injectum infra earundem superficiem detruferant. Tota quoque pulmonum substantia albidis, & miliformibus granis distinguebatur, aut duris ex toto, aut puriformem materiam, si dissecueras, fundentibus. Quibusdam pulmones gravissimi fuere, atque amplo volumine, ut intra thoracis caveas difficillime viderentur potuisse contineri; atque hi suffocati periere.

Nonnullorum pulmonibus cava inerant aut puriformi materie repleta, aut vacua, collapsive, & cum asperæ arteriæ ramificationibus quasi resectis communicantia.

Moriebantur absumentis carnibus, & exhausti assiduis secessibus, vel & nocturna, copiosaque sudatione, etsi fuerint, qui minui identidem, consumique conspecti sint, quin aliquid memorabile vel alvus subduceret, vel sudor.

Plerisque glandul. mesentericæ intumuerunt tumore flaccido, Emarcida quoque, & collipata abdominis viscera offendeabantur, hepar imprimis, & lien.

*Quod-
nam in
medendo
huic
phibiti
consilium
simus se-
cuti, &
quo even-
tu.
Cura la-
ctea huic
tabis spe-
ciei non
congrue-
bat.*

Ægritudinis initia sæpenumero fortunatè repressi saturato radicum graminis & taraxaci, & demum islandici lichenis decocto. Dubito, an morbum curaverim invalescentem, & confirmatum: inveteratum sanavi nunquam, utut non unum in medendo consilium executus.

Dietam lacteam sic tabescentibus nunquam injunxi; injunctam ab aliis vidi, sed eventu non bono; rebusque ilico in pejus ruentibus abstinendum denuo a lacte fuerat.

Mense medio aliquot pleuritides inflammatoriæ offerebantur, quarum una alterave ex sævissimis fuit.

*Pleuriti-
des bilio-
se inflam-
matorie.*

Necessum fuerat repetitim sanguinem educere, & dein emesi, aut emeto-catharsi ventrem repurgare. Subinde utroque auxilio, emesi, & phlebotomia alternis vicibus utebamur.

Missione sanguinis reperita rarius peccabatur, etsi, quousque illa iterari debuerit, difficile limum fuerit determinatu. Sola antiphlogistica methodus morbum aut in malignum commutavit, aut in diuturnum: nonnunquam eundem miuificavit solummodo, febrimque in se-

bri-

periculofam potius *diathefin* convertit, quæve arrepta vel levi occasione magno impetu denuo prorupit, & cum discrimine majori.

Sed etiam emeticum nocuit æquo citius propinatum, & sanguine prius non detracto. Indagare oportuerat, an inflammatio prævaleat bilioso vitio, an vero hoc illam superet, & quæ utriusque intensio fit, atque undenam celerior perniciēs instet.

Verum hæc perquisitio causarum non una vi, nec uno cum eventu agentium miram animi contentionem deposcit, & subinde vel attentissimum fatigat: discriminis plena est, & errori obnoxia, quam nullo magistro discimus, sed ulu solo, diuturno, ac patienti.

Ubi hyems succedens æstivos solvere morbos incipit, aut hyemales in æstivos transmigrant, atque in ipso diversarum constitutionum concursu facilis deceptio est, & artis exercitatio supra modum difficilis. Fit enim nonnunquam, ut pro simplici biliosa febre habeas, seductus analogia, & numero majori per id tempus morbo consimili ægrotantium, etsi gravis ægrotum inflammatio teneat: aut inflammatoriam putes biliosam esse.

Neque luculentos semper utrique huic febris diagnosticos characteres esse quis asserat, atque indubitatos; observationum enim me copia docuit, dari periculosas inflammationes, quæve primam medentis attentionem, & omnem antiphlogisticam curam exigunt, etsi multa adsint biliosorum symptomata: dari & febres biliosas, putridasque absque solennibus suis signis, atque inflammationem mentientes: utrumque etiam vitium subinde conjungi.

Ea deceptio vix unquam vigente constitutione & quibus
qua-

*Difficul-
tas sanan-
di morbos
ejusmodi
complica-
tus e. gr.
bilioso in-
flammati-
onis.
Unde ea
difficul-
tas nascitur.*

*annitem
poribus.* quadam, sed *emoriēte* potius, aut *ordiente*, atque in ipsa unius in alteram migratione frequentius locum habet.

Hinc temporibus inter binas constitutiones mediis peculiarius attendendum, agendum majori cautela, subinde cunctandum, neque ad heroica facile, & decisiva remedia confugiendum, nisi res aperta ejusmodi auxilia petat. Antiphlogistica methodo diutius indulgendum, & ab eadem ordiēda curatio erit. Venæ sectio non larga, sed parca, exploratoria, & si ferat æger, si allevetur, repetenda. Solventium blandiorum usus copiosior, & diuturnus; parcior, tardiorque emeticorum, atque hæc inter, mitiorum.

*Cautela
præprimis
necessaria.*

Cavendum est sæpenumero a se ipso, ne fortunatæ videlicet, celeriterque hucusque peractæ curationes, & quædam in dijudicando promittendo felici artis exercitio comparata in eo ancipiti constitutionum transitu nos decipiat, ne quid æquo properantius, aut tumultuosius moliamur.

Ægrum amisi ex febre biliōso-inflammatoria decumbentem, quem, si plures præmisissimæ sanguinis missiones (ternas institui) & serius propinassimæ emeticum, fors conservassimæ. Verum prosperi eventus antibiliōsæ methodi me aut minus attentum fecerant ad inflammationem commixtam, aut, utut attentum, nihilominus deceperunt. Adeo oculatum oportet esse & contra te ipsum, & contra faustas curationes!

*Quo anni
tempore
praxis
medica
facilior
sit.*

Qui praxin medicam alicubi orditur, hos constitutionum fines contiguos, transitusve prudens vitabit, suæque famæ magis consulēt, si tempus anni seligat, quod morbos profert sinceros, effectosque, atque indaginis hoc ipso minus tortuosæ.

Febris erysipelatoſa hoc menſe nonnunquam *Febris* comparuit exanthemate totam plerumque faciem *erysipela-* impetente. Cura antibilioſa, ſolventia ſalina *toſa.* nempe, atque emeto cathariſis febrim una cum effloſcentiis ilico, tutove proſtigarunt, & abſque auxiliis externis.

Scarlatinam eodem omnino modo ſanavimus, & *ſcarla-* nec illam ejusdem malignitatem experti ſumus, *tiſa bu-* quam alii viderunt eadem tempeſtate, ſed alia *juſ men-* medendi ratione uſi. Idcirco & *eryſipelas*, & *ſcarlatina* etiam hoc menſe viſa eſt eſſe congener ægri- tudo, & originis bilioſæ.

Juvenculam, quæ a quinquennio frequenti eryſipelate faciei corripiebatur, methodo recenſita ſanavimus, & gaſtrico, biliferoque ſyſtemate ope corticis peruviani confirmato, ab ejusdem infirmitatis recurſu immunem præſtitimus. Plerasque puerperas hujus menſis ea febris, *Puerpe-* quam æſtate, & autumnò ferme omnes pertu- *ria bona.* lere, non attigit: unam alteramve ſolummodo vellicavit.

Ultimis diebus Decembris major identidem *Pblogoſis* phlebotomiarum neceſſitas fuit, adeo, ut qui *frequens* cunque ferme ægrorum adventarent, difficilem *ſub ſi-* & peripneumoniam reſpirationem incuſarent. *nem men-* *ſis.* Levis aderat pulmonum inflammatio, etſi primaria ægri- tudo neſtquam ſemper inflammatoria fuerat. Adſperſam huic viſceri phlogoſin ab aëre exiſtimabam frigidiore, cujus vim præ omni alio viſcere pulmo primus experiebatur. Difficiles idcirco periodos circumeuntes humores habebant, & quod decubuerat pravorum ſuccorum, intra thoracem vi frigoris adſtriſtum ægre continebarur, & reſpirationem lædebat.

Frigidiſſimum hydropicum, totoque corpore tumentem dolore prehendi pleuritico vidi, &

valide febrere. Sanguis e ductus corium pleuriticum exhibuit, magnumque & oppressionis, & respirationis, ac tussis levamen tulit.

Hoc mense operarius ad Nosocomium venit, qui per octiduum domi suæ erroneo modo febricitabat cum assidua cephalalgia, & quotidiano sanguinis ex naribus stillicidio, quin etiam hæmorrhagia. Dolor artuum vagus, femoris dextræ continuus, & imminutum cibi desiderium. Ægrotabat erectus. Levissimus oris amaror.

In Nosocomium susceptus femur dextrum exhibuit tumens valdopere, & dolentissimum dolore primis diebus assiduo, dein remittente, & sub vesperam noctuque exacerbato, contactus omnis impatiens, & cum ejulatu, donec appetente aurora mitesceret. Levissima rubedo erat, & exanthema quasi urticatum, ac dolor diffusus, oberrans eum artum, & noctu prope modum intollerabilis. Interdium mitius febricitavit, noctu intensius. Stillicidium, & subinde hæmorrhagia.

Salibus mediis, posca, & melle usus est, & dein emeto-catharsi. Mox ab emesi dolor ante assiduus *remittere* cepit, & hæmorrhagia sub ipsa emetici actione recrudescens, eadem terminata suapte conquievit, nec rediit posthac. Post alterum emeto-catharticum dolor *remittens* in *intermittentem* conversus, continuato salinorum, & demum amaricantium remediorum usu una cum febre evanuit.

Superstes illius artus oedema frigidum atque indolens frictio dissipavit, & curatio roborans protracta.

Vomitiones ejusdem fuerunt biliosæ, pituitosæ, ilico levantes.

Febres biliosas neglectas, aut non sua metho- *Ægritudines febri-
do curatas abiisse hinc inde in phthisin dixi. Ne
que hæc sola ægritudo fuerat, quæ tebrim bi-
liosam excepit. Eodem quippe ex fonte mana-
bant pertinacissimi dolores articularum, par-
tiumque inter articulos mediarum, & subinde
quasi ipsi substantiæ ossæ infixi, noctu gravio-
res, cum illius artus, quem affecerant peculia-
rius, quodam stupore, & robore musculari mul-
tum imminuto. Ægritudo hæc & meam, &
ægrorum patientiam, & omnem non raro me-
delam vicit.*

Rem tandem tempori committendam rebar,
& auxilium potentius expectabam ab æstivo
calore morbificam materiem fundente, atque ad
corporis superficiem evocante, præcipue si ther-
mæ caloris vim adjuvarent.

Quosdam tamen vesicantibus, aconito, flam-
mula Jovis, & antimonii præparatis, aliisque in
hunc usum notis sanavi.

En cadaverum sectiones quasdam, & morbo-
rum historias, quæ in hunc mensem inciderunt,
& quasdam etiam, quæ serius, mense videlicet
Januario, colligebantur, cum eadem & tempe-
statis ratio & morborum utroque hoc mense ob-
servaretur.

ÆGER PRIMUS.

Medicinæ studiosus 23. annorum pectore au- *Historia
phthiseos
post hæ-
mopteem.*
gusto, collo longo, tenui, & gracili corpore,
ic scapulis alarum in morem exstantibus, matre
natus hæmoptoica, a longo jam tempore post
motum corporis validiorem laboriose spirat, nec
ab omni tamen spirandi molestia immunis est
etiam

etiam extra tempora majorum commotionum.

Brumali tempore melius, quam æstivo valet.

Ante annum ira percitus florentis sanguinis paucillum screando rejecit.

Ab initio Junii hujus anni (1777) magna pectoris oppressio accedit: tussit, sputave mane *puriformia*, & lineis sanguineis distincta, interdium vero ex albo flava educit. Decubitus omnem in partem facilis. Altius inspiranti, aut tussitanti punctorius dolor, isque validus, ad sterni mucronem perferentur. Noctu frequenter, & leviter insudat. Ventre sæpius sponte resolutus est, & cum levamine. Sitis mane e somno evigilanti multa, & levis eodem tempore oris amaror, quem intensiorem hac æstate experitur. Horrores vagi: multis ab annis biliosissima lingua, villisque flavis, quasi bysso flavicante contexta. Interdium assumptorum & sapor bonus, & eorundem desiderium: artuum languor.

Mense Augusto sanguinis uncias decem phlebotomia educi curavit cum levamine exiguo, & paucos post dies denuo disparente.

30. Septembris obambulans sanguinis floridi dimidiam fere libram quatuor horarum spatio non operose extussitavit. Incommoda pectoris magis aucta. Parcā denuo venæ sectionem instituit absque levamine.

Quarta pomeridiana ejus diei ad nos deferatur. Pulsus vibrantes habuit, & arterias tensas. Ventrem eluere frequenti enemate conabamur, eumque ingestis per os remediis mannatis, & eccoproticis blande ducebamus. Meliuscule habere videbatur, educebatque tussitando parum sanguinis, & multo rarius; at die 2. Octobris appetente vespera nova pulmonum hæmorrhagia rediit, thoracis ardor, & aucta febris.

Ilico

Ilico ipecacuanhæ duos scrupulos cum uno tartari emetici grano exhibuimus. Unde multa, amarissima, bilioso-pituitosa vomendo rejecit. Inter vomendum ne guttula sanguinis prodiit; & vomitu peracto vix ulla febris. Pectoris jam nullus ardor: bona spiratio: perpauca tussis: & ea nocte vix sanguinis lincola comparuit. Somnus.

Die sequenti, scilicet 3. Octobris, circa horam nonam matutinam ultima vice perparum sanguinis non læti, grumosi que tussiendo reddidit. Omnia multum emendata. Remedia ecceproptica, mannata, salina resumebantur.

4. Oct. eadem remedia. Tussitatione non frequenti pauca glutinosa, & paucissima puris formam mentientia prodiderunt. Nullum omnino cæteroquin thoracis incommodum. Vespere grano dimidio opii a nocturna tussi paulo crebriori, & somnum interpellante pulmoni cavimus.

5. Mane denuo cruoris nigrescentis perparum sputo glutinoso commixtum semel extussitabat. Reliquo diei tempore nil sanguinei conspectum est. Noctu somnus, & a tussi quies absque paragonico, & nulla febris. Lingua non emendatur, sed biliosissima manet. Exhibebantur hac die lenia tonica, amaricantia, alvo conservata faciliore.

6. Nil sanguinei: sputa mucosa, non amplius puriformia. Bene habet.

7. Bene habet. A meridie semel aliquid cruenti sputis mucosis infuit. Remedia eadem: noctes bonæ.

Ex eo tempore nil amplius cruenti tussitando rejecit. Tussis nulla: pectus bonum: nil febriculosi. Utebatur lichene, polygala, amari-

cantibus aliis, & roborantibus, ita tamen, ut alvum efficeremus facilem, & expeditam.

Circa finem Octobris, etsi multum rogatus, ut curam confirmatoriam protraheret, deleretque characterem alte impressum, recusavit, seque vitam modo degere, qualem antehac a longo tempore non vixerat, nempe sanissimam, asserbat.

Exeunte Decembri ad Nosocomium redit, aitque se a quatuordecim diebus levi per vices: horrore perstringi, incallescere more vago, tussire maxime noctu, & rejicere puriformia. Hisce ultimis diebus pauca, & cruenta sputasse: venam secuisse absque levamine: non appetere. Decubuit, in quodcunque placuerat latus, absque incommodo: nullus ullibi in thorace dolor, nulla toto tempore inter respirandum ex ægri sensu molestia, nisi si gradum concitaret, ubi sufficientem attrahere se spiritum posse negabat. Noctu sæpius sudabat: valide tussitabat. Diarrhœa nulla adfuit, nisi raro, & levior. Opium vesperi propinatum noctes quietas reddidit, & sudores non auxit, eosque pleurumque opio non assumpto largiores habuit. Vox semper aliquantum rauca fuit.

Ultimo Januarii die 1778. sedens difficillime respiravit, quasi fune gutturi injecto suffocandus.

Sequenti die commode se spirare, facile decumbere, & belle se habere asseruit. Noctem media sensibus vegetis, & iater loquendum moritur.

In cadavere pulmones reperti sunt tuberculosi tuberculis nucis avellanæ, fabæ, pisi, lentis magnitudinem habentibus, aut duris, albidisque, aut puris aliquantum fundentibus, si
dis-

dissecueras. Pulmo dexter durior, graviorque erat, & pluribus scatebat tuberculis: arcte etiam cum pleura cohæsit: suprema ejus pulmonis portio sacculos duos ovum columbinum capientes, vacuum alterum, alterum ichore plenum exhibuit. Pulmo sinister sanguine atro turgens, & socii pulmonis multum vitiosioris vices videbatur solus ferme peregisse.

Utriusque pulmonis pondus, resecto corde, erat librarum civicarum viennensium quatuor cum quatuor unciiis. Resectæ portiones infra aquæ superficiem natabant.

Pericardium feri flavi libram facile continuit.

In abdomine glandulæ mesenterii plures in conspectum prodiverunt majores, flaccidæ, molles. Majus solito, & multo mollius pancreas. Jejunum intestinum inflammatum, cætera intestina plumbea fuerunt.

Utebatur decocto graminis, taraxaci, cichorei, item lichene islandico, & decocta corticis peruviani.

Pulmones imbecillos a natura sortitus erat, & incitatis humoribus resistere non valentes, nec tractam undecunque materiem alienam promovere, atque expedire.

Dispositio biliosa systematis gastrici, & febris inde nata, sæpius hæmorrhagias narium, pulmonum, uteri, concitare observantur, repurgato ventriculo & intestinis ilico compressas.

Idem evenerat etiam huic ægro. Purgantia enim leniora profuerunt: constantius levamen vomitio tulit, & sanguinis fluxum mox stitit.

Hæc phthisis ulceroso-tuberculosa materiæ præ, & pituitosæ ad debilissimos pulmones decumbenti debebatur. Imminentem ejusmodi

tabem avertere ea remedia non raro valent, quæ humores blande inclinant versus alvum, ut omnis recrementitia materies male hucusque ad laxos pulmones deponi solita ad aptius colatorium invitetur, ad alvum videlicet, quam diu, & moderate sollicitare oportet. Verum & altera curationis pars est exequenda, corroborandum corpus universum præprimis ventriculi vis acuenda, & laxi pulmones stringendi.

ÆGER SECUNDUS.

Die 17. Januarii 1778. musicus 62. annos natus, corpore macro, longo, & colore bilioso ad nos defertur, aitque se a viginti jam annis sanissimum vixisse, & die 11. hujus mensis, ante septem videlicet dies, se nuptiis interfuisse, easque arte sua animasse rectissime valentem.

Die 12. Januarii a meridie vomuit assumpta, biliosa: perfrivit: incaluit: decubuit. Tussitatio continua: respiratio laboriosa: dolor punctorius lateris sinistri, & sterni, pertingens ad latus usque dextrum. Decubitus supinus, & in quodcumque tentarat latus, impossibilis: assidui horrores.

Die 13. & 14. Januarii omnia eodem in statu persisterunt.

Die 15. diarrhœa sponte eborta. Continuo inhorruit. Oris multa, & assidua amarities.

Die 16. nil emendabatur. Noctes implacidae cum pervigilio.

Die 17. Jan. ad nos deportatus hanc morbi historiam dedit, confirmatam ab iis, qui hominem nobis commiserunt. Non levi aurigine perfusum vidimus, strepere, sibilose & cum labo-

labore respirantem, mente per vices emotum, & aliena mussitantem: tussitantem non valide, sed assiduo, & pauca cruenta sputando rejectantem. Lingua biliosissima: abdomen modice tympaniticum, attamen indolens: pulsus plenus, fortis, & qualis in sanissimis esse solet: corpus nullibi præter modum consuetum caluit: fitis nulla, nec ullus hoc die jam lateris dolor. Vesperæ frequentes leipothymia: mentis emotio ultimis vitæ horis plerumque taciturna. Detrahitur sanguis crustam crassam *pleuriticam* exhibuit colore tinctam saturate auriginoso, & serum ex flavo virescens. Post mediam noctem convulsus moritur.

Cranio resecto pia mater inflammationem exhibuit, majorem in latere dextro, minorem in sinistro. Hanc inter & cerebrum, præcipue in ejusdem anfractibus, rubellum serum effusum reperiatur. Ventriculi laterales solito plus feri continebant. Plexus choroidei ruberrimi; varicibus, quasi nodulis cærulescentibus distincti.

Pulmo dexter totus inflammatus erat, excepta ejusdem infima parte septum transversum respiciente. Eum pulmonem antiqua, & vasis sanguiferis multis, nudoque oculo conspiciendis interstincta pseudo-membrana, qualis ex coeunte sero phlogistico formari solet, obvestivit, pleuræ validius connexa. Omnis pinguedo per totum corpus colore vere icterico suffusa. Pulmo sinister per omnia sanus, si pauca hinc inde tubercula dura excipias. Pleura sanissima.

Intestina tenuia inflammata, maxime jejunum: duodenum livescens. Vasa ventriculi & mesenterii pone tubum intestinalem ampla fuere, & atro sanguine turgida. Duos calculos nucis a-

vellanæ magnitudine vesicula fellea continuit.
Reliqua secundum naturam fuerunt.

Morbum fuisse bilioso-inflammatorium, sed inflammatione plurimum prævalente, & brevi lethali, absque negotio pervidetur. Stimulus biliosus, putridus, acer, sanguinem succendit.

En dolorem punctorium lateris præcipue sinistri, cum inflammatione pulmonis dextri, & pleura ubique sanissima: enteritis absque dolore, & cum diarrhoea: inflammatio meningis absque phrenitide, si delirium paucarum ante mortem horarum excipias.

Pleuritis in peripneumoniam infausta mutatione convertebatur, ubi æger encephalo affecto dolorem lateris non jam sensit, ejusdem licet causa persistente.

Pseudo-membranas ex sero phlogistico formatas, & ruberrimis, innumerisque vasis pictas sæpius offendi, & adstantibus demonstravi. Ea res mihi semel pro *incrassata* pleura imposuit.

ÆGER TERTIUS.

Fœmina facie atrabilaria 40. Annorum, aliquot olim prolium mater, initio Decembris horruit, caluitque per vices, nauseabunda, ore amaro, & subinde vomens biliosa. Sumtis solventibus & emetico bene habuit intra breve tempus.

Quatriduo reconvalescere visa, subito lateris dextri dolore acuto corripitur, tussiculoso, valdopere febriens, & pulsu duro, vibrante. Jactitatio: spiratio fervens: mens inconstans. Crura jam ante morbum a longo jam tempore, & sub eodem oedematosa fuerunt oedemate dolentissimo, si contrectaras, & remanente prementis

tis digiti vestigio: lingua aridissima, lignea, contracta,

Remedia omnia, & omnem potum pertinacissime respuebat. Sanguis emissus crustam pleuriticam habuit crassissimam, & flavescentem summopere. Nullum a venæ sectionibus levamen. Paucos intra dies moritur.

In cavo thoracis dextro libra feri colore stramineo continebatur; in sinistro vero uncia decem ejusdem feri. Pulmo uterque dire inflammatus erat, at dexter præ sinistro. Particulæ cujuscunque pulmonis, & ubicunque resectæ fundum aquæ petiere. Supremæ pulmonum portiones erant præ inferis diaphragma spectantibus magis inflammatæ: pleura ubique sana.

Vesicula fellea bile tenaci & obscuri coloris turgebat. Hepatis superficies hinc inde inæqualis apparuit, & veluti percocta: omentum subinflammatum: feri straminei in cavo abdominis libræ duæ.

Uteri postica, & externa facies pone fundum corpusculum habuit majoris castaneæ magnitudine, ex carneo pedunculo non crasso suspensum, lardaceum, & duris, osseis, cartilagineis particulis per totam substantiam interstinctum.

Uterus ipse non in medio pelvis, sed proxime ad latus ejusdem sinistrum locatus ligamenta illius lateris brevissima, alterius vero perquam longa habuit.

Complures habuimus oedemate crurum diu affectos, tussiculosos, laboriose spirantes, corpore laxo, pastaceo, quos immedicabilis pulmonum inflammatio sustulit. Eorundem thorax plurimum serosi laticis continuit.

Hydrothoracem hunc inflammatorium in paucis sanasse mihi vitus sum phlebotomiis repetitis, *Hydro-
borax in-
flamma-
torius.*

nitro, terra foliata tartari, potuve ex malvæ, & altheæ decocto, adjecta multa liquiritiæ radice, Sanguis corium pleuriticum habuit.

*Quando-
nam eti-
am hydro-
pici mit-
ti sanguis
debeat.*

Hydropicis sanguinem subinde parce detrahere oportuit, si quando pulmonum inflammatio accessit, quam aut anni constitutio generandæ phlogosi idonea, aut medicatio nimium excalesciens vel in frigidissimo corpore concitavit.

Ubi moles aquarum in hydrothorace suffocationem jamjam intentabat, phlebotomia parca respirationem expedit, atque ad breve tempus mortem distulit.

ÆGER QUARTUS.

*Enteri-
tis.*

Die 19. Januarii vir 38. Annorum, cœlebs, & scribæ officio functus ad Nosocomium venit valdopere febricitans, titubante gressu, atque animo vacillante, tremens. Crebra interrogatione sollicitatus ægerrime respondit, atque incomplete:

Die 5. Jan. non appetiisse.

Die sequenti æstualle, & perfrixisse per vi-ces, capite gravi, confuso: mente subinde non constituisse.

Die morbi 3. ad hæc accessisse contorquentem dolorem epigastrii, & oris illuviem multam.

Die 4. inopia pressum e lecto surrexisse, & languidissimos artus laboriose foras protulisse. At mox fuisse correptum dolore abdominis lancinante, diroque, & vomuisse reducem ingesta, atque amara, multaque.

Die 5. purgante, nescio cujus consilio, assumpto, coque ut videbatur, valentiore, vige-

fies

sies alvum posuit. Tormina ingravescebant.

Ab eo tempore febris, tormina, & mentis inconstantia perstabant ad 12. usque morbi diem, quo phlebotomiam institui, & sanguinem, ut aiebat, phlogisticum eduxit. Missio sanguinis die sequenti repetebatur. Levamen nullum.

Die morbi 15. (19. Januarii) in Nosocomium receptus vix ullum abdominis jam a triduo dolorem esse assererat, at epigastrium sibi comprimi videri, oppressionis sensu ad medium usque thoracem ascendente. Attactum abdominis facile tulit. Laboriosa respiratio: lingua albidula, mucosa. Vix elapsis aliquot horis jactitare se cepit, vociferari, delirare. Oris aphthæ: singultus: pulsus pleni, ampli, fortes. Calor: vomitiones spontaneæ, inanes. Venæ sectio. Sanguis crustam habuit cærulescentem, diffusam, tremulam, gelatinosam, tenuiter coherentem. Cataplasma abdomini applicatum, & propinatæ emollientes potiones: enemata emollientia. Emendatio nulla: mens nulla prorsus. Urinæ naturales, jumentosæ, mucosæ, albescentes.

Die 20. Jan. nil emendabatur. Venæ sectio repetita est: crusta plumbea, virescens, diffusa, tenuis, gelatinosa: mens nulla. Vomitus inanis, crebra. Vesperis data radix ipecacuanhæ perparum pituitæ, bilisque eduxit. Pulsuum debilitas: mens nulla.

Die 21. mane summa perfrixerunt: mens præsens: præsentis agnovit: apte locutus est. Indolentia: pulsus accelerati, humillimi, evanescentes. Sub vesperam moritur.

Reclusus cadaveris thorax omnia sanissima ostendit.

In abdomine omentum valde erat inflammatum:

tum : intestinum ileum , & jejunum dira quoque inflammatio tenuit. Hepatis totam substantiam multa flavedo suffudit.

Inflammatio abdominis a fomite putrido diu relicto , & mora ipsa , ac medicina purgante commoto , exacerbato , non evacuato exorta , hominem sustulit.

Profuisset in morbi initio jugis & solvens potus , & , sanguine prius misso , emeticum.

Inflammatio putrida præverti fauste (non raro) potest , sed præsens jam , atque intra viscera recepta ut plurimum necat.

ÆGER QUINTUS.

Sutor 42. annorum a longo jam tempore sanus , die Martis , scilicet 20. Januarii , præcedente frigore incaluit : dolor dilacerans lateris sinistri ex epigastrio ad mammam usque ascendens , ad attactum auctus. Decubitus in latus affectum impossibilis erat , & respiratio difficilis. Cardialgia , oris amaror , inappetentia , sitis. Decubuit.

Die Mercurii , Jovis , & Veneris omnia indies pejora. Dolor diffundebatur trans sternum , simulque dextrum occupabat latus. Decubitus supinus , & oppressio multa. Phlebotomia sanguinem pleuriticum , atque aliquid levaminis dedidit. Ab assumpto purgante alvus quinquies movebatur.

Febris assidua quotidie stato tempore suam habuit accessionem ab horrore cœptam.

Die Sabbathi (24. Jan.) ad Nosocomium venit mente nonnihil confusa. Lingua scabra , siccissima , prærubra : respiratio difficillima , laboriosa , cum dolore in utroque latere obtuse dilacerant.

erante: oppressio pectoris summa ab infimo ster-
no ad ejusdem medium usque: cardialgia ad at-
tactum aucta, & abdomen tumidulum, infla-
tum: calor naturalis: pulsus celeres, debiles,
emittentes, intermittentes, tremuli: Extrema
refrigererunt.

Circa 10. noctis vehementer incaluit. Pulsus
leni, duri: phlebotomia: sanguis pleuriticus.

Die Dominica mentis absentia: pulsus fre-
quentes: calor. A meridie mors.

Thorace aperto pulmo dexter ex toto inflam-
matus: dissectus colorem ex cinereo, & rubro
mixtum exhibuit. Major inflammatio supremam
partem pulmonis portionem tenuit.

Is pulmo pleuræ ubique ferme necessebatur ne-
bulis partim antiquis, firmisque, partim novis,
pseudo-membranaceis a sero coagulato natis.
Pleuræ ipsa ibidem sana.

Pulmo sinister hinc inde antiquis vinculis mem-
branaceis ad pleuram religatus erat, & absque
inflammatione, at sanguine atro infarctus. Hunc
inter & pleuram, item inter eundem & dia-
phragma copiosa erat, crassaque membrana ficti-
tia, recenter facta.

Ultimam costam veram, & tres consequentes
interius succingens pleura plurimum erat inflam-
mata.

In pericardio *puriformis* materies, itemque la-
minæ alicujus pseudo-membranæ erant. Aorta,
quæ ex corde emergit, fuit inflammata; inflam-
matio tamen solam aortæ extimam tunicam pe-
netraverat, quæ postmodum eandem deserit, &
pericardii laminam anteriorem, quæ etiam ipsa
inflammata observabatur, constituit. Auricu-
la, & dexter sinus distentissimus atro sanguine:
cor-

cordis ventriculi pleni polypis ex sero phlogistico coagulatis.

Diaphragma, præcipue in parte tendinea, ad modum inflammatum.

In abdomine omentum perbreve, & reflexum supra colon transversum, ac leviter inflammatum. Coli per latus dextrum ascendens initium inflammationis duorum pollicum longitudine. Intestinum jejunum inflammatum. Vasa sanguifera mesenterii, præcipue qua versus intestinum tendunt, ubique amplissima, & atro sanguine repleta. In mesenterio hinc inde amplæ maculæ quasi ex inflammatione. Quædam glandulæ atrum sanguinis grumum potius referebant. Finis coli, antequam in rectum abiverat, hinc in locis contra se ipsum anfractuose reflectebatur.

Totum corpus, & pinguedo omnis colore crasse ferme ictericio: item membranæ spuria ex sero coagulabili factæ plurimum flavescebant.

Ren sinister solito major aliquantum: dexter vero ren cum rene suo succenturiato, & vasa sanguiferis, ac uretere penitus defuit.

En denuo renem originarie deficientem; natus & nuper ejusdem defectum eodem in latere deprehendi, sed rene altero magnitudinem ordinariam ibi non excedente.

Pleuram in loco doloris punctorii inflammata hic prima vice vidi, sed inflammatione non durissima, pulmonemque ibi loci non inflammatum: fors quod ea pulmonum inflammatio transsudante phlogistico sero prava crisi fuerit ante mortem soluta.

ÆGER SEXTUS.

Artor 27. annorum elapsa æstate tertianam per-
tulit quinque septimanis durantem, neglectam,
quæve se ipsam tandem confecit. Sanum ex eo
tempore se vixisse asserbat.

Die 12. Decembris 1777. a meridie præter
morem inhorruit, mox iterum incallescens. Do-
let epigastrium, dolore ad mammam usque dex-
tram assurgente, & punctorio.

13. Decemb. sanguinem misit, nil allevatus.

14. Vesperī meliuscule habuit.

15. Omnia recruduerunt: purgante assumpto
parumper remissiora denuo.

16. Decemb. nos accedit. Perfrixit, inca-
uitque vicibus variis: non sitivit. Hypochon-
drii dextri mollis regio ad umbilicum usque do-
lore acuto pungitur. Carebaria, & ingentis ad
frontem, oculosque caloris sensatio ægroto per-
molesta, nobis vero manu eum ealorem explo-
rantibus non percipienda. Os amarum, linguæ
multa sordities, & faucium gluten. Non ap-
petit: aliena ructat: laboriosa, & accelerata
respiratio: tussitatio ficca, subinde ductilium
sputorum parum quid eduxit. Pulsus frequen-
tes, subduri: oris ventriculi dolor, si contrecta-
tur. Implacidus. Ventris libertas: vesperi ma-
ior anxietas. Fit venæ sectio: crusta phlogisti-
ca, virescens, & auriginosa, diffusa, crassa,
viscax. Somni mali.

17. Decemb. priora perseverarunt. Os ama-
rum, lingua sordida, villosa, ad radicem fla-
vescens, siccescens. Non siticulosus, at æstua-
ndus calore manum admotam urente. Respi-
ratio

ratio decurtata, brevis, frequens. Dolor epigastrii, laterisque dextri minor: decubitus supinus, in alterutrum laus impossibilis. Urinae saturate flavæ, ferme nigrescentes, chartam immisssam, uti in ictero, tingentes. Pulsus fortis, plenus, subdurus: facies biliosorum.

Inflammationem insidere visceribus rebar a bilioso, putrido, acrive stimulo succensam, quamve hucusque antiphlogistico apparatu demitigare non potui. Statueram præmissio emetico, ejectoque acri fomite denuo proseguere eandem antiphlogisticam curandi rationem, quæ curæ exordium fecit; at nec emesis, nec alvus ab ingesto pharmaco movebatur.

Eo die nil mutabatur. Noctu vero permolestie habuit. Potus copiosi, antiphlogistici, & enemata multa, ut vis medicamenti, quod spem fefellerat, & *alterando* morbum auxit, enervetur, atque minori cum detrimento in purgans convertatur. Nil profectum: alvus ægre soluta est.

18. Dec. æstus, & epigastrii dolorifica tensio intenduntur. Noctem pervigil, exterritus, implacidus transegit.

Mane diei sequentis sensuum multa per vices confusio: amaror oris continuus: lingua siccescens: dolor etiam mollem partem hypochondrii sinistri occupat ad mammam usque sinistram excurrens: urinæ saturate crocæ: pulsus admodum mollis, & celer. Tentata denuo emesis est, sed semel, & pauca viridia vomuit: non deiecit. Injecto enema quaternos secessus habuit mucosos, virides, dysentericos, non levantes.

A meridie molestissime habuit: dolor acutior mollem hypochondrii sinistri regionem infesta-

stinguebatur. Hanc vetustioremem membrana a-
festabat. Instituta phlebotomia sanguinem cru-
sta viridi, flava, crassa, non contracta vestitum
dedit. Cataplasmata emollientia, & his nil pro-
ficientibus vesicans dolenti loco admotum est:
emendatio nulla.

20. Decemb. laboriose, sibilose, sedens re-
spirat. Mens integerrima: facies hippocratica:
pulsus celerrimi, tremuli, omni modo inæqua-
les: urinarum color profunde auriginosus: al-
vus octies sponte posita. Vesperi moritur.

Corporis externus color ictericius erat: abdo-
men prominens, & tumidum. Thoracis anterior
pars ferme intropressa, eaque, quæ cordis mu-
croni respondet, convexa alias, hic plana fuit.

Cutis, & omnis pinguedo, & perichondria
cartilaginum costalium flavicabant.

Reclinato sterno apparebat pseudomembrana
pleuram anteriorem & lateralem utriusque cavi
thoracici obvestiens, flavicans, mollis, facile &
deglubenda, & lacerabilis, quæve videbatur esse
recens nata. Infra pulmonem utrumque, qua
septum transversum respicit, reperta membrana
priori omnino simillima, & pulmonum basin
cum diaphragmate leviter connectens.

Membrana alia sed tenacissima, sex hinc inde
lineas crassa, & e pluribus veluti laminis con-
flata, ægerrime, & non nisi magna adhibita vi
dilaceranda anteriorem pericardii faciem, & vi-
cinam diaphragmatis portionem obtegebat, cum
iusque firmiter cohærebat, ita tamen, ut absque
alterutrius læsione potuerit deglubi. Hæc mem-
brana ex albo flavicabat, & plurimis manifestissi-
mis, nudoque oculo conspiciendis sanguiferis
vasis in ramulos excurrentibus, & per omnem
ejusdem membranæ substantiam dimissis inter-
stin-

lia tegebat, recens nata, facile laceranda, absque vasculis, & flava.

Thoracis cavum sinistrum continebat libram feri flavescentis, chartam & lintea colore croceo tingentis, penduli modice ductilisque, ut vinum pendulum assolet, & omni nota aquæ similimi, cui aliquid meracæ, crassæque bilis cypticæ miscetur. Dextra thoracis cavitas ejusdem feri unam facile cum dimidia libram habuit. Pericardio distento, & leviter inflammato ejusdem serosæ, tingentis, ductilisque materiæ inerant uncix decem, cum spissiore simul sedimento ex flavo albescente, vix cohærente, ad internam pericardii faciem deposito.

Anterior cordis ventriculus modice erat inflammatus.

Pulmonis dextri suprema portio inflammata, aquæ, cui injiciebatur, fundum petiit. Reliqua pars ejusdem, & integer sinister pulmo vitio caruit.

Recluso abdomine, omentum superficialia levique inflammatione tentatum conspiciebatur. Hepar omnino sanum, ejusque lobus dexter solito altius descendebat: vesicula fellea bilem multam, crassam valde, & nigricantis ferme flavedinis continuit. Ventriculus solito multo capacior, & flatu turgens. Intestina tenuia, & colon transversum multus aer distendebat. Intestinum Jejunum, & contigua mesenterii portio subinflammari inceperant. Flexus coli lienalis, & descendens ejus portio ad initium recti intestini angustum canalem, contractumque valde, aut potius contortum funiculum referebat.

Thoracis inflammatio gravis a stimulo obilioso, putrido, acrive concitata mihi frequenter obvenit, quæ solam utut summe antiphlogisticam metho-

methodum, largissimasque sanguinis detractio-
nes elusit, ægrumque enecuit.

Ejusmodi postmodum, si qui obtigerant, ex
duplici vitio ægrotantibus inflammatorio nem-
pe, & bilioso, duplicem, compositamque me-
dicinam feci, *antiphlogisticam* nempe, & *antibi-
liosam*, atque hac ratione omnibus ferme ex
eo tempore salutarem. In hoc ægro emeticum
non egit stimulum putridum evacuando, sed
eundem concitando, exasperandoque. Id raris-
sime contigit, contigit tamen; at, si quando
evenerat, rem inde in pejus ruentem denuo
restituere potui alterantis remedii vim eliden-
do, convertendoque ejusdem impetum ad al-
vum. Verum & hæcce praxis me hic desti-
tuit.

Consimilem morbum subnectam ex inflam-
matorio videlicet, & bilioso conflatum, sed
talem, ubi emesis ex voto successit, & inflam-
mantem stimulum biliosum excussit. Neque
ea inflammatio tanta adhuc fuerat, ut subdu-
cto acri & inflammante sorde, non potuerit
antiphlogistico apparatu vinci.

Dignam hancce historiam arbitror, & gra-
vem materie, quæ reliquarum, quas hucusque
recensui, agmen claudat.

ÆGER SEPTIMUS.

Fœmina 20. Annos nata, & maritata, mense
Junio elapsæ ætatis ex febre tertiana in nostro
Nosocomio decubuit. Bene inde habuit, regu-
laribus postea catameniis usu.

Post medium Decembrem cris ventriculi mor-
su ferme assiduo ad 14. usque Januarii subse-

Pars II.

R

quen-

quentis diem vexari cepit, cæteroquin sana.

Eo die (14. Jan.) inter cœnandum animo linquitur, convelliturque epileptico modo. Exacta horæ octava parte mens rediit: horrida per vices atque æstuabunda mediam fere noctem exegit. Tum sanguinis læte rubentis, spumantisque tantum rejecerat, quantum excipere vola manus potuit. Cephalalgia: cardialgia: æstus horroribus commisti: dolor thoracis dextri pectorius, assiduus, inspiratione auctus: insomnis.

15. Jan. vomiruritis absque vomitu, & amaror oris. Febris, dolorque increpiscunt: non convulsa est, nec cruenta sputavit. Alvus aliquoties tenuia, biliosaque dimisit.

16. Jan. ad nos defertur æstuans, toto latere thoracis dextro dolorem acutum quæstus. Facies auriginosa, virescens: oculorum flavus viror: epigastrium omnem attactum refugiens, & dolentissimum: sitis inextinguibilis: leipothymix assiduæ: pulsus celerrimi, sub digito evanescentes, & subinde nulli: lingua albescens: tussis sicca. A meridie facies, oculive rubent: pulsus celeres, elati, non duri: multa jactitatio, & summa inquietudo. Paucam æruginem sponte, & cum levamine vomit. Sumit potus copiosos, mellitos, acidos cum paucis arcana duplicato. Somni pauci, pravique.

17. Oppressio pectoris, dolorque pungens: augetur. Respiratio laboriosa: decubitus in latus affectum impossibilis: oris amaror: vomituritis: valida febris. Sanguinis uncix quinque educebantur, crustam flavam, crassam, tenacem, diffusamque exhibentis. Potiones eadem continuantur.

A meridie sumto emetico vomuit amara, æruginosa, pituitosa, dejecitque frequenter. A vomiti-

vomitum vix ulla febris: vix ullus præter naturam calor: respiratio bona: oppressio nulla: decubitus in utrumque latus facilis: repentinum, ingens, & mirum levamen. Oris amaror perstat.

Flora 10. vespertina etsi bene habenti, cum pulsum offenderam plenum, vibrantemque, qualem non antehac, in prophylaxin potius inflammationis novæ, quam sanguine non detracto facile redituram prævideram, phlebotomiam ad uncias octo institui. Crusta eadem. Noctu, etsi nil amplius incommodi quæsta, parum dormivit.

18. Jan. aliquis dolor capitis, & epigastrii: oris amaror: vix vestigium febris: cætera bona. Urinæ hucusque aut crocæ, aut prærubræ.

19. Urinæ quædam hypostasim furfuraceam habuerunt. Reliqua, uti pridie.

20. Cephalalgia, & cardialgia augmentur: dolor lateris dextri punctorius recrudescent, & sævus: febris, decubitus, sitis quemadmodum in morbi principio. Tussis: sputa nulla: lingua sicca: oris intensior amaror: emeticum. Octies vomuit amara, ductilia, & decies deiecit. Petus bonum: dolor lateris nullus: exigua febris: mirum in modum, & repente allevata.

21. Jan. omnia emendata. Dormivit.

22. Sedimentum latericium urinæ inerat, tussis pauca hucusque perstat: cætera bona, Appetit: obambulat.

23. Decocto lichenis islandici uti cepit. Ex eo tempore tussis omnino siluit, redire vires, & exactis non multis diebus confirmata discessit.


Multæ nobis historiæ suppetunt pleuritidum complicatarum, seu inflammatorio-biliofarum, hæmoptoës biliosæ, convulsionumque recensita

medendi ratione tuto & cito sanatarum, quas, utpote quotidianas, & oculis multorum Nosocomium SS. Trinitatis adeuntium usurpatas non referam.

Supereſt, ut de frequenti in meis ægris emeticorum uſu pauca lectores moneam, eos præcipue, qui forte iniquius de eodem arbitrabuntur, aut ita ab aliis edocti aliter opinantibus, aut experiundi occasione deſtituti.

Vomitoriorum uſum me obſervatio docuit: cum mea, tum aliorum, eaque multiplex & caſta: vel mea ipſius infortunia me docuere velle invitum maxime, vel olim longe alia ſentientem, periclitantem methodos diverſas, atque anxie perquirentem, qua ego ratione ipſe mihi ſatisfaciam, minimeque ſollicitum, cujuſnam ſyſtema aut corruat, aut confirmetur.

Mirabar multoties Sydenhami nomen in ſcholis medicorum ubique quidem perſonare, & habere innumeros laudatores, at, qui ſequantur eximii viri doctrinam, eamque potiffimum, quæ præſtantiam emeticorum demonſtrat, perpaucoſ: mirabar, qui eorundem uſus a cordatiſſimo viro toties & tantopere deprædicatus, a pluribus nihilominus tanquam alieniſſimus a rationali medicina proclametur: mirabar sæpenu-mero, ſanguinariam Botallii methodum denuo revixiſſe, adeo denuo invaluiſſe, ut quidquid febrilium motuum, & quocunque anni tempore, & a quacunque demum cauſa inſurgat, eandem ſemper & ubique curandi methodum cuicunque febrili morbo allinent, nulla temporum, conſtitutionumque ratione habita, ſeu Syrius igne æſtivo corpora torreat, atque auſtrino, graviſſe cœlo, ſeu urat acre hyemis gelu, flante Borea.



CAPUT XVII.

V A R I A.

Genitalium gonorrhœa affectorum in
cadavere dissectio.

Die 25, Febr. 1777. genitalia secui ex cadavere hominis deprompta, quem gonorrhœa laborasse, stillicidium materiæ flavo-virescentis ex urethra, levis circa orificium ejusdem, ac verius frenulum protensa inflammatio, & rubræ maculæ glandis, item leviter tumentes inguinum glandulæ manifesto indicabant. Quis ipsi morbus vitæ finem attulerit, prorsus ignoro; cum cadaver ex alio Nosocomio ad instituendas a tyronibus chirurgis operationes ad nos fuerit delatum.

Claviculæ, itemque corpora vertebrarum lumbos formantium tophis hinc inde obsidebantur: carnes musculorum fracidissimæ, subque manu, si contrectarentur rudius, diffuentes.

Sectam urethram deprehendimus leviter inflammata, phlogosi ab orificio ad semialterum digitum procurrente. Paulo ante bulbum exigua denuo canalis inflammatio. Canaliculorum Morgagnianorum nec unicum observavi, sed eorum loco multas exiguas lineolas albas quasi tendineas chordulas vidi. Sinistrum orificium ejaculatorii vasculi solito plus hiabat. Nulla ullibi excrescentia, nullæ constrictiones, atque

ulcera nulla. Sanæ reliquæ urethræ partes, uti & testes, & vesiculæ seminales.

Hominem hunc frequentibus laborasse gonorrhœis habitus corporis supra descriptus videtur evincere.

Mirum tamen est, nullas in urethra graviores noxas post repetitas gonorrhœas, vel etiam ab hac una certe non mediocri, ortas fuisse.

Sententia Morgagniana, quæ sedem mitioris gonorrhœæ in inflammatione potissimum canaliculorum per urethram copiose locatorem statuit, novo videtur argumento corroborari. Aderat equidem inflammatio totius membranæ urethram componentis, at vero illam in ipsis extremis canaliculorum orificiis validiorum fuisse, eorundem in chordulas tendineas coalitus demonstrare videtur.

Sed unde tanta flavo-virescentis materici, quæ post mortem ex urethra profluxit, copia? an ex canaliculis acri venereo irritatis, copiosiore, ac depravatum mucum fundentibus? at hos deletos diximus. Sed quid, si quidam, quin etiam plures superfuerint, licet angustiores, coarctatique ex inflammatione, sed oculum nostrum vitro non armatum subterfugientes? id certe, ut opinemur, necesse est, cum nullum vel minimi ulcusculi vestigium ullibi apparuerit.

Febris petechialis, & sectio

Petechiæ viscerum internorum.

Juvenula 20. annorum a binis mensibus lassitudinem queritur, morosa, tarda, & tristis. Cata-

Catamenia habuit ordinata, & hoc ultimo bimestri solito copiosiora.

Die 3. Aprilis ira gravi excanduit: mox febrire, capite validissime dolere, in parte præcipue ejusdem sinistra, & eodem die narium hæmorrhagiam pati. Mediocriter febricitabat, sed assiduo, ore mucoso, amarescente subinde, ad 16. mensis ejusdem.

Interea temporis varia domi suæ adhibuit, salia media, nitrosa, lapides cancerorum, castoreata &c. Semel sanguinem secta vena educi curavit, & semel ad tempora hirudines poni.

Eo die vesperi (scilicet 16. Aprilis) in Nosophocomium suscepta est. Pulsus sat pleni, fortes, naturalibus vix celeriores: calor naturali vix major. At hemicrania lateris lævi ingens, inappetentia, sitis vix ulla. Urinæ aut naturales, aut naturalibus paulo magis flavæ. Datis solventibus ex radice graminis, taraxaci, & cichorei, & paucis arcana duplicato, dabatur postea emeticum. Melius habuit per aliquot dies, cum decocto graminis, taraxaci, & cichorei absque sale medio denuo uteretur post emesin. Verum his diebus e gingivis lateris sinistri prodierunt tres, quatuorve circiter uncie sanguinis stillando. Os, fauces, & oris maxime fornix multis prærubris maculis pingebatur. Hæmorrhagia gingivarum lævarum, & maculæ hæc exiguæ, prærubræ aqua salviæ aluminosa cohibebantur.

Die 22. 23. 24. & 25., ubi corticis decocto utebatur, febris insurgebat: jactitatio: inquietudo: calor, pulsu non debili. Somni paucissimi. Petechiæ sat latæ in thorace, mammis, brachio utroque & facie, numero perpaucae, colore violaceo, rubro cæruleo.

Toto morbi tempore corpus omne, facies omnis, & labia cadaverosa albedine tincta, ita, ut nil prorsus ruboris ullibi appareret. Omnia exsanguia. Dentes nigrescentes: gingivæ, & fauces pallidissimæ. Habitabat in cubiculo depresso, solem nunquam admittente, & humidissimo. Mens noctu vacillans.

Die 26. mane convellitur per vices, soporosa est: tarda & sublimis respiratio. Vesperis moritur.

Secutum cadaver a me est. Pleura, pericardii interna & externa facies, utraque superficies diaphragmatis, pinguedo pone cor, multis maculis petechialibus pictæ observabantur, rubris, nigris, cæruleis, lentem, cicerem, fabam latitudine æquantibus, & totidem *sugillationes* referentibus, sanguinem fluidum, si dissecabantur, fundentibus. Sanguis vasorum majorum nigrescens, & aquosæ fluiditatis. Cor ipsum petechiis maculatum.

Raræ in peritonæo & intestinis petechiæ.

Intestini recti extima membrana nigerrima, putridissima, atramentum referens. Omentum quasi nigerrimo carbonum pulvere conspersum. Uterus quasdam hinc inde quasi verrucas albidas in sua extima habuit superficie. Ovula vero in ovariis sanguine atro suffusa, tumidiora multo, quam soleant.

Capite dissecto meninges utræque, præcipue in latere capitis sinistro multis, latis, rubris, cæruleis, atris maculis notatæ, multæ in cerebri, præcipue ejusdem lateris, anfractibus *quasi sanguinis extravati* coagula, lentem, fabam referentia, quædam multo majora. Atque is erat in illo latere meningum, & cerebri habitus, ac si ingens illarum partium *sugillatio* ex vi gravi externa fuisset illata. Ventriculus la-

teralis

teralis sinister aqua flavescente dissentissimus. Utriusque ventriculi parietes & superficies maculis petechialibus obsitæ.

Cerebellum maculis, & punctis *innumeris*, rubris, atris, magnisque, & *in sua superficie & in substantia sua* distinctum, quæ res & ab inflammatione vasorum, & a punctis paucis rubris, quæ alias in sano cerebello dissecto comparent, facile distinguebatur.

Petechiæ in superficie corporis externa totam cutem ad usque pinguedinem penetrabant, illæsa, aut vix læsa pinguedine.

Enteritis & sectio.

Adolescens 13. annorum, tyro futor, ante dimidium annum colica cum frequenti vomitu, & diarrhœa laboravit, quam applicatis fomentis ficcis, & calidis denuo sopivit.

Ante 14. dies denuo colicam cum diarrhœa, cum ea nocte alteri accubisset, & amissis per noctem stragulis nudus jaceret, ac perfrigeraretur, mane contraxit. Dolor continuus: accedit dein vomitus, qui in dies frequentior factus ita est, ut ultimis diebus decies septies, pluriesque vomeret, non aucto tamen dejectionum numero, cum intra nychthemeron quinque plerumque inter tormina venter redderet.

Per hos dies æger non decubuit, sed longo satis itinere, quod intra horæ spatium vix confecerat, ad constitutos pauperum medicos vix non quotidie venit medicamenta rogatum.

Die 12. ad Nosocomium pedes ultimo venit, flexis genibus etiam atque etiam, ut susci-peretur, rogans. Alacer, & viribus non imminutis videbatur, & vegeto vocis usu, & me-

moria vel in minutissimis fida firmaque. Aiebat, ventrem infimum pubem inter & umbilicum graviter dolere, totumque abdomen tendi, & attactum nec minimum ferre: urinam per ultimam noctem hucusque haud posse mittere: vomere se frequentissime.

Facies erat collapsa, tempora intropressa, & refugientes intra cavum oculi. Pulsus celerissimi, & exilissimi micabant. Membra sudore frigido manabant. Alvus hac die, nocteque prægressa, æque ac vesica quievit.

Vespera ejus diei, quo ad nos venit, fere inter loquendum, cum paulo ante historiam morbi, eo, quem dixi, & animi corporisque habitu interrogantibus ad amussim narrasset, moritur.

Cadaver altero mane sectum pulmones exhibuit multis in locis longioribus, validisque nexibus ad pleuram religatos, sanos cætera, sed spumante copiosa materie ex albo flavescente inundatos.

Recluso abdomine odor gravissimus, qualis gangrænosorum esse solet, stercoraceo mistus: nates ferit: profluit aquæ leviter cruentæ, cui liquidiora innatabant, insignis copia. Intestina omnia ampla, dilatataque.

Jejunum, ileum, & totum colon, omentum ex integro, totumque ferme mesenterium partim inflammatissima fuere, partim vero, ileum præcipue, gangrænosa.

In ileo spithamæ longitudine ab ejus in cæcum insertionem foramen, quod avellana nux facile transfiret, *non erosum*, sed, ut omnes, qui aderant, unanimes opinabantur, recenter ruptum ibi loci reperiebatur, ubi insignior intestini gangræna fuit.

Glandulæ mesenterii tumebant valde, molles.

lesque, si tangerentur, & solito multo laxioris compagis erant.

Vesica exigua, contractaque fuit, & vacua, nihilque vitii præter maculam leviter rubentem non magnam exhibuit. Vermis unus, alterve tantum, iique mortui deprehensi sunt.

Tantamne pestem insidere visceribus crederet, qui hominem spectaret tantum itineris quotidianie facientem, usumque musculorum viribus integris ad ultimum usque momentum vitæ, & expeditis?

Nonne in tanta intestinorum strage mira est ea mentis præsentia, & illæsa facultas?

Enteritis.

Sartor 20. Annos natus post medium Decembrem anni 1777. respirare laboriose cepit, pectore opprimi, & pauca mucosa tussiendo educere. Non decubuit. Subinde cohibere gradum debuit, præcipue citatiorem, ut liberius possit aspirare. Sanum se antea semper fuisse asserbat. Posthac autem spirasse paulo facilius, nunquam tamen expedite ex toto, quemadmodum ante consueverat.

Die 30. Matii 1778. ex vicino suburbio Josephino Nosocomium pedes adit, iisque, quæ modo retuli, sequentia addit:

Ante 17. dies dolore per biduum gravi correptum se fuisse, hypogastrium impetente, paululum postea mitescente, continuo tamen ardente, pungente. Obambulasse.

Ante octiduum dolorem hypogastrii intendi cepisse, & ad ventriculum usque diffundi. Vomuisse frequenter, per vices, sponte, maxime a pastu, pauca, acida, austera, amara, pituitosa.

sa. Gustatum assiduo fuisse depravatum, & analogum rejectæ materiæ, etiam extra tempora vomitionum. Respirationem hisce octo diebus fuisse sæpius laboriosissimam, brevissimamque, quasi hominis jamjam suffocandi. Caput modice, & per intervalla doluisse. Horripilationis assiduæ habuisse sensum, & abdomen vel mollioris etiam contrectationis impatiens, modiceque tympaniticum; urinas vero, quales in sanitate, & nullos præter naturam calores.

Mane die 30. Martii satis alacrem, peditemque venisse ante dixi. Levis cephalalgia: lingua alba, siccescens: appetitus prorsus deletus, & amaroris in ore sensus. Assumta ructat, angitur, vomit acria, acido-austera, amara, foetidissima, mucosa, viridia. Tussis: abdomen tumidulum omnem attactum averfatur, & acutissime dolet modice commoto, aut in alterutrum latus se convertenti, aut erigenti semet, non autem quiescenti. Alvus, & urina, & calor corporis, quemadmodum ipsi adhuc sanos fuerunt.

Hoc octiduo modo obambulavit, foras etiam non raro egressus, modo decubuit. Heri a meridie ita decubuit, ut non amplius surrexerit, nisi hodie mane nos petiturus.

Pulsus ad nos veniens naturalibus vix debiliores habuit, vix etiam citiores.

A meridie ejus diei (30. Martii) alvus, hucusque sponte mota, substitit nullo clysterum genere sollicitanda. Vespera appetente arteriarum ictus evanuerunt. Respiratio difficillima, abrupta, decurtata. Anteaactorum memoria vel in minutissimis illæsa, atque exactissima. Animi vigor. Supinus decumbere nulla amplius ratione

tionem poterat, sed erectus sedebat, vel in alterutrum latus reponebatur.

Summa sensuum omnium integritate ad extremum usque vitæ momentum usus, & anodyniam, atque a vividissimo abdominis cruciatu immunitatem nullam expertus sera vespere occubuit.

Sectum cadaver pulmonem sinistrum totum, quemadmodum etiam pericardium exhibuit veluti incrustatum, obvestitumque membrana tenaci, laridacea, tres, quatuorve, & quinque hinc inde lineas crassa, lamellosa, vasis sanguiferis, manifestissimis, & qua cum pulmone, a quo poterat deglubi, & qua cum pleura cohæserat, atque per omnem sui substantiam perrepta.

Hic pulmo intra crassum & membranaceum saccum ita conclusus pulmone dextro fuerat multo minor, ab omni alio nihilominus vitio liber, & sanus. Lævum hoc thoracis cavum pauxillum aquæ turbidæ continebat.

Pulmo dexter, suprema præcipue ejusdem portio tuberculis, nodisque scatebat, fabæ, avellanæ, juglandis nucis magnitudinem habentibus, & perquam duris.

Omentum in pelvim usque descendens, crassum & inflammatissimum ex toto nigrescebat. Intestina, præcipue tenuia rubebant, livebant, nigricabant.

Cavitas abdominalis libram unam cum dimidia ichorosæ cujusdam aquæ conclusit.

Ejusmodi intra thoracem membranas sæpe in aliis offendi, variæ & crassitie & tenacitatis, quasve deglubere non difficulter a visceribus vicinis, iisque illæsis poteram. Non paucæ, ex præcipue, quæ tenaciores erat, & esse
ve-

vetustiores videbantur, luculenta vasa rubra nudis etiam, atque inermibus oculis exhibuerunt.

Transversim dissectæ varia quasi strata, aut laminas varias sibi invicem impositas, ab se invicem paulo difficilius separabiles, diversæque consistentiæ monstrabant.

In iis maxime id genus membranas deprehendi, quos ex thoracis inflammatione sæpius ægrotasse constabat.

An a sero phlogistico transsudante, & inflammationem non optima crisi solvente nascebantur? an ex numero laminarum ejusmodi membranam constituentium exantlatas olim pectoris inflammationes supputabimus? at unde hæc nova vasorum progenies?

Paralysis saturnina.

Raro occasio fuit paralyseos saturninæ remediis tentandæ, cum, in tanto licet ex colica saturnina decumbentium numero, nemo artubus caperetur, qui eosdem integros & expeditos habuit, cum nos accederet.

In quinque solum ægris, quos inter duo vigente adhuc colica mihi committebantur, brachiis domi jam sideratis, atque e trunco pendulis (tres reliqui ab aliis singuli medicis suæ quivis domi a torminibus liberati ad Nosocomium mittebantur) vires ignis electrici experiebar.

Atque hi ultimi brachiis nervinorum remedium usu jam aliquantum invigoratis & incipientibus moveri, & succrescente denuo eorundem carne ad electricam machinam stata quotidie hora accedere jussi sunt, ut curationis ibidem compendium & complementum faciant.

Facti-

Factitii fulminis ictus vix uno octiduo exceperant, nervinis domi suæ non sepositis, cum brachia denuo tenuari, eorumque elaterem elanguescere conspiceremus, abolita iterum illa exigua motrice vi, quam ad machinam attulerunt. Recruduit etiam artuum dilacerans, & gravis dolor.

Ab incepto, utut inviti, desistere cogebamur, & insilere solis nervinis, camphoræ, gummi ferulaceis, atque castoreo, & spirituosius aromaticisque artuum frictionibus.

Hæc remedia, & ipsum tempus, insignis ægritudinum chronicarum persæpe medicus, atque a laboribus saturninis vacatio multum emolumenti attulerunt, non vero curationem perfectam. Membrorum officio denuo, sed morosius, uti licuit.

Unum alterumve novi ab electrica flamma magis læsum, nec multum adjutum a nervinis: ut sulphuratæ Baadensium thermæ evidentius profuerunt citiusque, & artus exsolutos effecerunt labori pares.

Novi equidem multorum de vi electrica observationes hisce meis contrarias: neque meas deinceps protuli, ut eas illorum subvertam.

Sed quid viderim ipse, utut in quinque solum ægris, non potui reticere. Resument forsasse alii, resumam & ego eadem experimenta, ut posthac constet, an etiam hanc speciem exolutionis electricitas sanet.

An forte paralyse saturninæ ab aliis observatæ nervinorum aliorum vi potius, atque ita sanabantur, ut in auxilium simul vocata electricitas solummodo *minus nocuerit*, utpote superata ab eorundem nervinorum potestate?

In duobus brachiorum paralyfi unaque & colica

lica laborantibus, postquam ventris tormenta confopivi, virtutis electricæ periculum ita feci, ut ab omni alio remedio ægros tunc prohiberem. Sed manifestius lædebantur, quam tres illi ab aliis medicis ad me missi, qui una & electricitate usi sunt, & aliis nervinis.

Litem observatio dirimet, sed pluries repetita, & casta. Soli nempe electricitati committere morbum oportebit, atque aliis remediis non suffultæ.

Aliam equidem paralyfin, alia nempe ab origine prognatam vis electrica plurimum emendavit. Virum consistente ætate brumali frigore rigentem, cum cubiculum ingrederetur percussus, & accenso ibidem foco affideret, mox sensuum confusio cepit, brevi iterum evanida, atque artuum sinistrorum, brachii, crurisque, & musculorum in lævo faciei latere exsolutio perfecta, & permanens. Variis, atque etiam decantatissimis remediis frustra diutius applicatis, atque humero ob emortuam musculorum ligaminumque vim jam semiluxato hominem electricitati subjeci quotidianæ, remissæ primo, dein identidem intensiori.

Trium fere mensium spatio, qui antea pedem non moverat, solus jam gradiri firmato talo & perparum claudicante, atque humeri vinculis attractis articulatio reponi. Nulla omnino interrim movendi brachii facultas, etsi minus jam emaciati.

Tandem longæ curationis tædio, utut perefficitis, discessit.

Sed redeo ad paralyfin saturninam, atque ad ipsam quoque colicam, quam hæc artuum exsolutio non raro comitatur, aut sequitur, aut etiam antecedit. Mirabar nempe multoties effe

esse quosdam, qui de plumbo, tanquam peculiaris & specificæ cujusdam colicæ, & paralyseos causa, movere dubium possint, atque huius veneni quamdam quasi apologiam scribere.

Equidem multi plumbata impune tractant, & multis annis. Verum cum in opere saturnino non assidue versentur nec sufficientem idcirco quantitatem ore hauriant, alvo utantur expedita, & diætâ involvente, atque etiam minus irritabiles fortasse nervos sortiti sint, fieri potest, ut diu a *morbi furis* immunes mancant, tñ non ab omni *morboſa diatheſi*.

Multa quoque incommoda in alias causas reſolvi ſolent, utut ſaturno in acceptis referenda. Ventris flatus moleſti, & frequentes, ventriculi premens dolor, lotii per vices temporaria & levis difficultas, aſthma fugax, ſed crebrum, ſimilis illa hypochondriacarum, & hyſtericarum affectionum varietas & variegata multitudo, fugax hominum, meticuloſa mentis diatheſis, vertigo, & ineffabilis quædam aſpectus oculorum, &c. certe in hoc hominum genere plerumque plumbo debentur.

Tinctores exteri, qui in ſua quivis patria armis impune exercuerunt, Viennæ haud longo tempore a morbo inſalutati perſiſtunt. Accenomeni hanc cauſam reperi, quod Viennæ præ alio Europæ loco pigmentorum umbeorum uſus & frequentiffimus ſit, & maxime profuſus. Id exteri, quotquot ſanaveram, animos fatebantur.

Colicæ huius, & paralyſeos frequentia, quoque malo ſuos ſaturnus multat, vel ipſum vulgus nota eſt.

Atque hinc multorum oculis magis, quam opinioni paucorum credendum puto.

Pars II.

S

Vis

Vis antiseptica radicis arnicæ.

Quantis viribus radix arnicæ in putridissimis dysenteriis comprimendis polleat, solertissimum primum Collinii nostri experimenta demonstrant, cui genuinum præstantissimi hujus remedii usum grati debemus, tum aliorum etiam, meaque.

Nullum certe medicamentum novi, quod *specifici antidysenterici* compellatione majori sibi jure possit vendicare.

Habebunt in posterum medici, qui exercituum sanitati præsent, quo hanc castrorum pestem efficacius, quam quacunque alia hucusque reperta methodo, profligent.

In pernicioso alvino fluxu, qui febres malignas non raro comitatur, & excussa licet febri burra ob atoniam intestinorum permanet, atque universim in omni omnino diarrhœa a vicerum abdominalium imbecillitate nata radice arnicæ cuicunque alteri remedio anteire alibi demonstravi.

Sed etiam iis hæc radix, eaque sola, salutem attulit, qui amplo quodam vulnere externo consumebantur, ingentem forte puris viri ichorisve profundente.

Quosdam largo profluvio puris, colliquantibus febri, sudore nocturno, & alvi fluxu Jam a incitas redactos, hac sola radice sanavi, qui antea magnas corticis Peruviani doses incassum devoraverunt.

Eam remedii hujus confidentiam habeo experiundo comparatam, ut rebus propemodum conclamatis, in hac *consumtionis specie* non desperem.

Urgent

Urgente malo omni altera hora drachmam pulveratæ radicis exhibui, ut intra 24. horas uncia una cum dimidia fuerit absumpta.

Perraro vomitum commovit, atque solum initio, & cui, utpote suapte cessaturo, non medebamur.

Quantum emolumenti medicina castrensis capiet, si eximiæ vires medicamento tantopere antiseptici magis fuerint vulgatæ!

Capitis læsiones.

Juvenula 24. Annos nata ad Nosocomium deportabatur. Qui ægram nobis commiserunt, narrarunt, eam ante tres septimanas ex prima domus contignatione per gradus scalæ fallente pressu devolutam cecidisse. Ad sinum frontalem sinistrum levi & cutaneo vulnere, quod intra quatrimum coaluerat, fuisse perstrictam. Unde a lapsu vomituriisse frequenter, excaluisse, eviterque inhorruisse variis vicibus, & quotidie: noctu mentem obscure plerumque ægroasse: cephalalgiam interdiu adfuisse in toto occipite, & capitis latere sinistro. Sanguinem mel e pede extractum esse.

Die 14. Octobris 1777. ad Nosocomium venit. Febriculæ vix vestigium, si pulsus, corporis calorem consulueramus, quam maxime naturales. Lingua prærubra, præcalida, glutinosa: delirium mite, & per vices.

Eo die aquam cum melle & aceto multam usit, adjecto pauco sale medio. Delirium mite, & constans.

Alterius diei vespera emetico propinato paucis viridia revomit. Desipientia minor & per intervalla solum, &

Die 16. Octobr. mens firmior. Solventia, salinaque continuantur.

Die 17. denuo paulo valentius emeticum hausit ex scrupulis duobus radicis ipecacuanhæ, & granis totidem tartari emetici confectum. Vomuit multo plura, amara, pultacea. Mens inde omnino firma.

Decocto dein radicis graminis, taraxaci, & cichorei usa est. Verum cum in diarrhœam permolestam incideret, & vires absumentem, radicem arnicæ propinabamus, quam tunc ubique utilissimam observabamus, si cui alvus fluxerat ob intestinalis tubi atoniam, quod genus alvini fluxus ægrorum nostrorum plerosque per æstatem, atque autumnii initia vexavit.

Morbo jam declinante tussis nocturna accessit cum epigastrii dolore, maxime inter tussientium, & anacatharsi nulla, aut pauca mucosâ.

Prout ventriculus & intestina vigorem receperunt, ita tussis componebatur.

Die 11. Novembris non tussivit, e lecto surrexit. Reconvalescit.

Complura exempla habeo febrium biliosarum malignantis naturæ lapsum ab alto consecutarum. Functiones animæ multum inde turbatas ea ipsa medicatio restituit, quæ febrem ipsam biliosam aggressa est, & illuviem præcordiorum emeto-catharsi exantlavit.

Scio, in non dissimili casu caput trepan fuisse perforatum, cum æger a lapsu tenuite primo, elapsis vero aliquot diebus graviter febriret, & cum mentis emotione. Ubi vulnus comparebat, terebra applicabatur: nil aliter repertum est. Æger paucos post dies delirio obiit.


Cranio resecrato nihil prorsus vitiosi occurrebat.

bat, at magna viscerum abdominalium ruina, hepatis suffusio biliosa, intestinorum livor, atque necrosis: qualia nempe in febre biliosa solent, neglectu, & inauspicata curatione in malignam conversa.

Alios ex alto delapsos, & mentis impotes quiete sola, enemate frequente, & iterata phlebotomia sanavi.

Quosdam vero, quorum vulnera sedulo explorata momenti non magni videbantur, quive mitius in speciem ægrotabant, calvaria, ubi nulla suspicio esse poterat, diffissa, diffractaque, & effusus in basin cranii, & in antractus cerebrinos sanguis sustulit.

Adeo subinde difficilis, atque ambigua diagnosi est, an in lapsu ab alto encephalon idiopathice, & quonam vitio laboret, an vero commotum systema gastricum, biliferumque mentem ob quemdam utriusque consensum turbet!



Libello ad finem decurrente non possum si-
lentio præterire, quantopere industria viri
egregii Josephi Cauffman, Philadelphienſis A-
mericani, in adminiſtrandis Noſocomii rebus
ſim uſus.

Postquam enim doctrinam, atque ingenium
ſingulare eminenti quadam ratione omnibus ab-
unde comprobaffet, ampliffimo medicorum Vien-
nenſium ordini adſcriptus eſt, mihiſque additus,
ut in Noſocomio ſecundarii medici vices obeat.

Ea ſparta ita præclare deſungebatur, ut nu-
per ad faciendam in exercitu cæſareo medici-
nam cum ſumma commendatione evocaretur.

Atque ita laborem horum exegi, cujus dul-
cem hercle mercedem retuli, ſi vel pauciſſimis
is bene vertat, ut hoc ævi, quodcunque eſt,
felicius degant.

Conabor & poſthac, ſi vita & ſanitas ſuppe-
tat, ut genuinas temporum, morborumve ima-
gines porro ſiſtam, meaſque conſeram ad mor-
borum popularium cognitionem, & febrium
veriorem doctrinam.

Ita enim omnino agendum arbitror,

Immortalia ſi volumus ſubjungere rebus

Fundamenta, quibus nitatur ſumma ſalutis:

Ne tibi res redeant ad nilum funditus omnes.

LUCRET.

MAXIMILIANI STOLL

S. C. R. A. M. CONS. NOSOCOMII
S. S. TRINIT. PHYSICI ORDINARIÏ

ET

PROF. PRAX. MEDICÆ P. O.

P A R S T E R T I A

R A T I O N I S
M E D E N D I

IN NOSOCOMIO PRACTICO
VINDOBONENSI.



V E R S A L L I S,

APUD B. ANDRÉ DE LAUSSIN,

BIBLIOPOLAM,

M D C C L X X X V I.

Regone — — — tales morbos pariunt, quale:
fuerit tempus, cui sunt similes.

Ex anni temporibus morbos conjectare datur.

HIPPOCRAT. *de Humoribus.*


ILLUSTRISSIMO

L. B.

A. DE STÖRCK,
DOMINO IN JETELSEE,

AUGUSTISSIMIS, IMPERATORI ET IM-
PERATRICI A CONSILIIS, ARCHIATRO-
RUM COMITI, STUDII MEDICI ATQUE
INCLYTÆ FACULTATIS MEDICÆ VIN-
DOBONENSIS PRÆSIDI, AC DIRECTORI
PERPETUO, PER UNIVERSAS AUSTRIÆ
PROVINCIAS PROTO-MEDICO, NOSOCO-
MII CIVICI PAZMANIANI PHYSICO, SO-
CIETATIS EDINBURG., BOTAN. FLO-
RENT. ACAD. SCIENT. SIEN., ACAD.
PRINCIP. HASS. INSTIT. BONON., ET
ACAD. NAT. CURIOS., DEGLI DI ROVE-
REDO MEMBRO ETC. ETC.

ILLUSTRISIME VIR!

 *iris de Medicina bene meritis tan-*
V *to major, atque illustrior honor*
debetur, quanto id bonum, quod
Ipsorum industria multo securius, & opta-

utilius redditur, reliqua omnia bonorum humanorum genera antecedit.

Atque hæc ipsa, præter alias complures, potior mihi ratio fuit, cur etiam hunc tertium tomulum TUO illustri Nomine voluerim condecorare.

Profecto omnis Medicina, atque ea præprimis, quæ apud Nostrates viget, tantopere TIBI tenetur, ut artis progressus quosvis, atque incrementa TIBI libenter & merito referat in acceptis.

Ut enim nosocomii mei utriusque ea conditio sit, quæ possit & artem observationibus ditare, & discere Cupientibus cum laborum, & temporis, & pecuniarum insigni

compendio ad *Asclepiadeæ* scientiæ adyta
brevissimam viam monstrare; TUA est
industria effectum, TUOQUE consilio stabili-
tum


Quam ob rem, atque ob plurima alia
præclare a TE salubriterque constituta,
Coætaneorum TUORUM gratitudinem me-
ris, quam certe a Posteris (æquioribus
plerumque, & minus invidiosis rerum æsti-
matoribus) obtinebis. Sunt etiam privata
quædam officia, quæ me dulci quadam
obligatione obstringunt, ut hos meos labo-
res, & artis promovendæ molimina (utut
exigua fortasse frugis, sed optimæ volun-

tatis plenissima) TIBI præ quovis alio
velim consecrata.


TIBI enim, & TIBI quidem SOLI
id debeo, & debere me multum gaudeo,
quod desiderio meo, artis medicæ uberius
exercendæ, atque etiam (ingenii mei te-
nuitate prohibear) ampliandæ, satisfacere
nunc plenius queam.

Faciam, ut TUI in me animi, VIRI
ILLUSTRISIME, conceditæque mihi
provinciæ TE nunquam possit pœnitere.

PRÆ



PRÆFATIO.


 um viderem laborem meum E-
 ruditis non displicuisse, hunc
 quoque tertium tomulum, qui
 res in utroque meo nosocomio
 gestas, (eo nempe, quod a SS. Trinita-
 te nomen habet, atque altero praxi clini-
 cæ destinato), & binorum annorum con-
 stitutionem complectitur, publici juris fa-
 cere statuebam.

Non habeo, quæ meos Lectores mo-
 neam, præterquam, ne in hac quoque
 tertia observationum mearum sylloge, in-
 audita prorsus, & nunquam, & nullibi,
 * 5 &

& a nemine visa expectent; cum hunc mihi scopum non proposuerim, neque existimaverim proponendum.

Multa quippe in medicina reperiuntur, quæ, priusquam in canonem abire & stabilem sanandi legem possint, iterum iterumque & sæpissime visa & observata sint, oportet. Atque ita ex datis cognitisque, inter sese comparatis, novæ demum exsurgent atque antea nondum cognitæ veritates.

Aliæ quoque rationes supersunt, cur operam navasse prorsus perditam, & nemini proficuum non putem.

Nempe, quemadmodum a morum Magistris non expetimus, ut nova vivendi præcepta, novaque της καλοκαγαθίας officia promant, sed eos suo munere præclare functos arbitramur, si vel tritissimas præceptiones persuadibili quodam modo explanent, & antiqua novis rationum momentis suffulciant, ut, quæ cognita quidem sunt atque intellecta, verum nondum,

dum, quantum optarent, exercitata, plus frugis ferant; ita satisfactum a me meo ipsius proposito puto, neque plane in inutili labore versatum, si vetustis quibusdam, & dudum fortasse cognitis, quamdam addidero novitatis gratiam, novisque observationibus illustrâro.

Id velim solummodo, Lectores intelligant, me solum quædam *fragmenta* dedisse, non integros tractatus, earum rerum, de quibus differere institueram; ut ne forte plus exigatur, quam, quantum animus fuerat proferre.

In Ephemeridibus binorum annorum 1778. & 1779. promiscue multa occurrunt, solum leviter perstricta, prout fors dedit, & ordo temporum; sed quorsum ea pertineant, & quem in finem sint dicta, is noverit, qui *tritas* medendi methodos, & hypotheses medicas, subinde nimis præpropere in thesin receptas, & ad veritatum practicarum dignitatem elevatas (non plane in artis incrementum, aut Ægrorum solatium) æque norit.

Quæ

Quæ de dysenteria referebam, ex fideis, innumeris, meisque observationibus hausta atque abstracta sunt, & quosdam hinc inde illius scientiæ, quæ circa hunc morbum frequenter popularem, & plurimis funestum versatur, fortassis hiatus explebunt, atque efficient, ut una saltem lineola propius absumus ab eo, quod hucusque fuerat inter *desiderata* repositum.

Verum non ego, sed æqui, peritique Lectores de hoc laborum meorum specimine cognoscant.



CONSPPECTUS

MATERIARUM.

SECTIO I.

Pag.

Ephemerides Anni 1778.	- - - - -	4
------------------------	-----------	---

SECTIO II.

Ephemeridea Anni 1779.	- - - - -	59
------------------------	-----------	----

SECTIO III.

De causa & sede phrenitidis, ad Celeb. Virum <i>Guilielmum GRANT</i> , Medicum Londinensem.	- - - - -	119
---	-----------	-----

SECTIO

CONSPECTUS MATERIARUM.

SECTIO IV.

	Pag.
De natura & indole dysenteriae, commentatio.	167

SECTIO V.

De morbis quibusdam systematis hepatici; praefertim de ictero.	241
--	-----

i t e m

De quibusdam affectibus nervosis.	297
---	-----

&

Sparsa quaedam varii argumenti.	297
---	-----

*

Index in partem Primam, Secundam, Tertiam	316
---	-----



S E C T I O I.


E P H E M E R I D E S

A N N I 1778


J O I T O E

E T O L E T E

A M I I T E



M. S T O L L RATIO MEDENDI.



JANUARIUS 1778.

anni 1778. exordium egelidum ma-
dor ingens deturpavit, nivibus
paucis, & in aquas identidem fati-
scentibus.

*Constitu-
tio Ja-
nuarii
1778.
mollis,
austring.*

Die quarta nivosa, nubilave
tempestas ingruit, non valdopere
frigida, eaque triduo obtinuit, niveo vellere ter-
ram omnem obvelante.

Inde floccorum, nebularum, minutarumque
pluviarum defluvia ad duodecimum usque vices
vertebant, glacie plerumque nullibi comparente:
hac die flatus austrini, tepentesque, & pluviis
subinde madidi residuas hucusque nives liqua-
runt; unde ex tepore assiduo, madore, pluviis
subinde, & crebris solibus mensem potius ver-
nalem, quam hyemalem æstimaveris.

Diem vigesimam sextam, & consequentem

pruina, & boreæ penetrabile frigus aduffit, quod extremo mensis tempore denuo mitescebat.

Jam inde a medio mense primum campos nivibus denudatos, demum & colles, & vicinorum montium calva capita vidimus.

Die 7ma, 8va, & 31ma Januarii altissima barometri statio fuit - 28 poll. 3 lin. mensur. Vienn.

Die 15ta Januarii ejusdem maxima depressio - - - - - 27 poll. 3 lin.

Die 27ma frigus maximum - - - 6 gr.
id est 6 gr. infra 0 in thermom. Reaumur.

Die 24ta frigus minimum - - + 7 gr.
sive 7 gr. supra 0.

Calor medius - - - - - + 1 $\frac{3}{4}$ gr.

Anni
proximè
elapsi fe-
bris bi-
liosæ in-
flamma-
toria in
dunc us-
que men-
sem por-
recta.

Ultimis anni decedentis mensibus biliosa febris, quæ per æstatem, & partem quamdam autumni viguit, visa est expirare. Nihilominus non ita emortuam sub hujusce anni initio vidi, ut non aliquando vires colligeret quasi novas, atque aut sola nonnunquam, aut in consortio phlogoseos non opinantibus insiliret. Nulla certe per hæcce tempora febris occurrabat, quam quis simplicem, sinceramque inflammatoriam, diceret, & putrida, biliosaque labe carentem.

Vereor, ne isthæc austrina hyemis mollities delendæ æstivæ bili, penitusque profligandæ non sufficiat, quæ, si vim frigoris superaverit, denuo in aciem violentior prodibit, & per æstatem prædas aget, neque receptui canet, nisi ab hyeme boreali coacta.

Pleuriti-
des plu-
res, &
Pari-

Morbi Januarii mensis fuerunt pleuritides, & peripneumonix commistæ, seu bilioso-inflammatoria, & ægrotantium paulo major copia, quam sub
anni

anni elapsi exitu; verum paucissimi mortem oppetierunt. *pneumonia,*

Quædam etiam febres scarlatinæ obvenerunt, *item* veræ ut plurimum inflammationis expertes, in *quædam* sexu præcipue sequiori, quæve solventibus solis, *scarlatina,* & vomitorio serius propinato auscultarunt, neque eam sub hac methodo malignitatem experti *nobis non* sumus, quam alii eodem tempore, alia medendi *maligna,* ratione usi. Hanc quoque exanthematum speciem genesin habere gastricam inde sum argutus, quod qui sic ægrotabant, biliosa, pituitosa, putridave magno cum emolumento, & levamine evidenti, mox insequente, *αυω & κατω* purgarentur; sed & aphthas hoc modo absterfi, & a gangræna fauces prohibui, & hydropem pedissequum averti.

Quos solæ aphthæ vexarant, aut tonsillarum tumor, & angina, methodus solvens, & emetocatharsi aqualiculum infarctum distentumque vacuans, momento juvat. In infimo ventre resistere morbi causam autumabam, eamque vires suas in dissitas etiam corporis regiones porrigere. Subinde demere quid sanguinis oportebat, & materiem solvente & jugi potu semper idoneam efficere, ut evacuanti pharmaco quiverit obolire. *atque aphthæ compa-ruerunt,*

Multas hoc mense quartanas anno elapso natas *Quartana prioris anni hoc mense curata.* sanavimus, salibus primo mediis propinatis, & subjuncto emetico. Hac ratione febrilis paroxysmus insigniter cicurabatur, &, si hypochondriorum dolor, laboriosa spiratio, & tussis nocturna ægros urgebat, mirum emesis levamentum tulit, eamque omni alii solvendi, alteranti, expectoranti remedio prætulimus. Tum demum saturatis solummodo radicum graminis, taraxaci, & cichorei decoctis febris residuæ cum constantia

medebamur; vel vero, ubi febris altius visceribus infederat, corticem peruvianum dedimus; vel solum, vel floribus armatum martialibus ammoniaci salis.



FEBRUARIUS.

Primum mensis dimidium dies serenos, siccos, frigidos, solesque ferme quotidianos, si diem mensis tertiam crassis nebulis involutam exceperis, ventos vero aquilonares crebros, subinde furentes habuit, & noctes pruinosas.

Appetente die 15ta hispidis cœlum nubibus corrugari, & aquilo, frigusque intendi. Hucusque nullæ nives.

Die 16ta nives peraltæ cadebant, per octiduum vix interruptæ, ventis per id tempus a septentrione impetuose ruentibus, & gelidissimis. Has die 22da coorti austrini, tepidique status repente fuderunt.

Ultimi mensis dies denuo puriores, siccioresque fuerunt.

Die 3tia, & 4ta Februarii altissima mercurii statio - - - - - 28 poll. 5½ lin.

Die 16ta, & 17ma ejusdem maxima depressio - - - - - 27 poll. 1 lin.

Die 14ta frigus maximum — 6 gr.

Die 23tia calor maximus + 6 gr.

Calor medius - - - + 1½ gr.

Die 25ta notabilis aurora borealis.

Non major hoc mense morborum seges succrevit, quam Januario decurrente, nec multum dispar illorum indoles observabatur.

Februm plerarumque hac tempestate id fuerat ingenium peculiare, ut thoracem more pleuritico, peripneumonicove impeterent; etsi benignius quam vera pleuritis, aut peripneumonia plerumque soleat, ægros adorirentur, neque in vitæ conjicerent discrimen, nisi insanam medicationem nactæ.

Morbi thoracis frequentes, pleuritides, peripneumonia nothæ,

Febrim inflammatoriam *genuinam*, nullique alteri vitio commixtam nullam vidi, plures vero pleuritides *nothas*, seu *pituitosas*, easque aut *solas*, & *meracas*, aut superinducta phlogosi *compositas*.

Pulsus habuere plerique, quales sani solebant, neque multum præter morem incaluerunt.

Harum descriptio,

Lotium aut naturale omnino erat, aut parum tantum ab urinis sanorum recedens, & coloratius. Tenuitas, & flammeus rubor, quo utroque caractere urinæ inflammatorum notantur, procul aberant.

Febrilis tenor is fuit, ut ægri majorem plerumque meridie, aut devexo jam die, validioremque accessionem experirentur, quam illi assolent, quos vera *inflammatoria* febris tenet, minorem vero, quam quæ febrim comitatur *biliosa*: easque accessiones aut nulla, aut modicissima horripilatio ordiebatur.

Nec prima morbi invasio violenta fuit, nec veluti ex insidiis incautos arripuit. Quædam corporis, & capitis præcipue, gravitas, & obtusior degustandi facultas, dentiumve sordities, atque is sensus, quasi inspidam farinæ pastam ore continerent, & minor paulo membrorum agilitas multos ante dies præcessit. Proxime morbus abfuerat, ubi venter infimus adstringi, siccarive cœpit, atque aliquot diebus officio non fungi. Neminem habuimus, cui non & paulo ante in-

firmi-
tatem, & sub ejusdem initia alvus fuisse
multis sæpe diebus compressa. Atque in omni-
bus omnino ægris tanta infimi ventris hoc mense
siccitas fuit, quanta non alia ulla tempestate.
Obliterata sic alvo epigastrium tendi, dolere, &
elanguescere alimenti desiderium cum oris amaro
sensu cœpit. Tandem tussitare interdū, noctu
frequentius, & febri evidentiori tentari. Primo-
rum dierum tussis absque thoracis dolore fuit, at-
que absque sputorum rejectione, sed non sine
molesto totius epigastrii sensu, eoque inter tus-
siendum multum aucto. Tum demum gluten
paucum extussitarunt, quidam etiam meracum
sanguinem, *paucum* quidem initio mensis, at,
qui post ejusdem initium sic ægrotabant, *profu-*
sum plerique sanguinis e pectore flumen profude-
runt. Certe hoc tempore hæmorrhagiæ pulmo-
num ubique increbuere, non apud illos solum,
queis ea ægritudo ex consuetudine redit, sed &
eos, queis firmior thoracis compages obtigit, ei-
que morbo cæterum minus idonea.

Hæmor-
rhagiæ
pulmo-
nales.

Ante, & sub ipsa hæmoptoe pectus *compungi-*
alicubi, aut opprimi cepit: verum selibra, aut
libra sanguinis læti, spumantisque sic rejecta pe-
ctus allevari videbatur, & ægri mitius habebant.
Non ea fuit tussis violentia, quæ sanguinis reti-
nacula vi perrumperet, ut, qui sæpissime non la-
boriose tussitantibus largus profluxit.

præpri-
us in
Sutori-
bus.

Licet non intra unam hominum classem hic
morbus se contineret, quosdam tamen opifices
peculiariter, atque præ reliquis sibi destinavit.
Textores ajo, Sartores, atque Sutores.

Atque hos ipsos inter miserrima valetudine
ufos, & infirmissimo pulmone *Sutores* obser-
vavi.

His ex flavo nigrescens, & piceus ora colo-

tingit, anhelosis, tussiculosis, &, si forte ætate adhuc tenera futorio operi admovebantur, thorace angusto, ac sterno, non uti in bene formatis, modicissime protuberante, sed concavo multum, atque intropresso. Corpora, ut ille Catulli Furius, *sicciora cornu* habent, &

Vix toto decies cacant in anno

Atque id durius est faba, & lapillis.

Tenuissimus in iis abdominis nimium quantum adstricti est ambitus, at magna musculorum rectorum torositas, & vis eorundem in viscera subjecta æquo multo major.

Inde faciles explicatus repetimus, cur in Sutoribus maxime bonorum, malorumque succorum inæqualis per medium, atque infimum ventrem, dispensatio fiat, & eorundem utrorumque justo major copia intra thoracem se recipiat, illuc ex abdomine propulsa.

Prout alii propius ad hanc futoriam diathesin accesserant, ita etiam ejusdem morbos experti sunt.

Quodnam in medendo consilium, viamve invenim, tum demum exponam, ubi plures hæmo-
 ptoës species aliis a me temporibus, aliaque
 vifas occasione succincte commemoravero. Sic
 iis, quæ de medendi ratione dicam, plus lucis
 me affusurum confido.

Primam hæmo-
 ptoës speciem *inflammatoriam* appello, quam rigidissima quondam hyeme frequentem habuimus, cum eadem tempestate sæva pleuritis robustissimos quosque subverteret.

Hæmo-
 ptoën hanc *inflammatoriam* eundem cum pleuritide morbum existimabam, cum & eandem tempestatem, & symptomata eadem, & eosdem quoque homines feligeret uterque morbus.

*Diversa hæmo-
 ptoës species &
 hoc &
 aliis annis, ab
 Auctore observata.*

Pleuritidi sæpenumero parca, crocea, cruenta-
que sputatio jungebatur, & quamdiu ægri pauxil-
lum tantummodo sanguinis sputando rejecerant,
tamdiu morbum *pleuritidem* salutabant; si vero
meracior sanguis, & copia notabili, tussiendo pro-
diit, mutato nomine *hæmoptoë* dicebatur, utut
eadem, si rei essentiam spectes, utrobique fuerit
ægritudo.

*Momen-
tosa ad-
monitio
in sanan-
da hæ-
moptoë
inflam-
matoria.*

Eadem quoque & pleuritidi & hæmoptoë ra-
tione medebar, missione sanguinis repetita, &
emulsis nitrosis, & enemate crebro, ac emol-
liente, universoque antiphlogistico apparatu.

Opium, hyoscyami extractum, & adstrin-
gentia remedia, ac potus aquæ gelidæ, quæ sin-
gula multis celebrata encomiis in quavis non
faro hæmoptoë propinantur, nulla morbi, cau-
sarumque peruestigatione, aut perfunctorie tan-
tum facta, in præsentiarum abesse procul jussi,
meliores in usus reposta.

Pleuritidem nosco *latentem*, & *chronicam*, in
hominibus angusto thorace, longo, tenuique
collo, corpore gracili, gratiofo, junceoque,
scapulis alarum in modum exstantibus, facie ni-
tidissime candida, genisque roseis, vivida prom-
ptissimi ingenii vi, fibra delicata, ac perquam
irritabili mulctatis potius, quam donatis.

Hi sæpenumero *inflammatoriam hanc hæmo-
ptoën* patiuntur, quam cortice peruviano in ju-
vene quodam exacerbata, atque in phthisin
velocissime conversam novi; in alio vero phle-
botomiis parcis, sed frequentissime repetitis, &
vivendi ratione summopere antiphlogistica non
equidem percuratam, nihilominus tolerabilem
effectam, prohibitamque per plures annos ab jam-
jam imminente pulmonali phthisi; donec sospi-
tatore suo, qui ægro hucusque solerter, provi-
de-

deque cavit, dimisso, alius accerferetur, rerum minus peritus, qui cum corroborandos esse pulmones affereret, ægrum irreparabili tabe non multo post consumtum vidit.

Altera hæmoptoës species *plethorica* nominabatur, ubi aut abundantior sanguis, quam qui apte contineri intra sanguiferum systema, circumferrique commode queat, vim in pulmones fecit, forte a natura imbecilliores, effractisque vasis suam hic redundantiam profudit; aut, etsi reapse non nimius, variis tamen stimulis exagitat, rarefactus, orgasticus, motu validiore corporis quocunque aut mentis, eundem, atque eadem ratione exitum e pulmonibus est molitus.

Hæc altera species tanto minus discriminis quam prior afferebat, quanto minus periculosa sola sanguinis cæteroquin boni redundantia erat præ ejusdem ac necessarij visceris inflammatoria constitutione.

Medendi rationem ipsa morbi, causarumque notio docebat.

Aliam speciem hæmoptoës *periodicam* statuebamus, ubi aut menstruus sanguis pulmones petiit, hique uteri vices inauspicato subierunt; aut, qui per apertas olim hæmorrhoides exonerabatur, iisdem oclusis nunc intra thoracem iruebat, eique violentiam inferebat.

Hæmoptoën ab erodente materia, venerea, scabiosa, achorosa, herpetica, scorbuticave oriundam, & communia omnium hæmorrhagiarum adjumenta sanabant, & auxilia specialia cuiusvis specificæ acrimoniæ dicata.

Hæmoptoë maligne febrientium non aliam medelam admisit, si remedia in omni sanguinis nimio

maio fluxu usitata excipias, quam qualem humorum putrida tenuitas, & solidorum iners laxitas, atque imminens dissolutio poscebat; summe videlicet antisepticam, adstringentem, ex peruviano cortice, fero lactis aluminoso, stringentibus succis, & usu gelidissimæ aquæ, ac spiritibus acidis mineralibus &c.

Hæmoptoën *vulnerariam* violentæ non raro tussi, pulmones quasi convulneranti debebamus, a diversissimis subinde causis, variaque sede locatis oriundæ. Mirum quantum variare curandi rationem necesse erat, prout alia atque alia fuerat ipsius tussis causa, causæque sedes. Hæmoptoën *vulnerariam* a gravi casu, aut vi externa pectori illata frequenter missione sanguinis, & antiphlogistica methodo sanavi, totusque in id incubui, ut inflammationem vulneribus supervenientem quam benignissimam efficerem, minimamque, & periculosam suppurationem aut averuncem, aut cohibeam.

Stulta opinio est, atque in ægrorum perniciem nata, quæ stimulantium balsamorum interno usu consolidare disrupta vasa intendit, nempe affuso oleo incendium restinguere.

Hæmoptoë, *peripneumoniæ nothæ*, seu *pituitosæ*, comes, a minus perviis pulmonibus, atque multa redundantibus pituita, sanguine interea violenter a dextro corde protruso, vasque pulmonica effringente, repetebatur: Hæmorrhagiam hanc quam nulla alia medicina comprimere valeat, quam quæ, præmissa non larga phlebotomia, a pituita redundante thoracem expedit, quanta maxima celeritate & efficacia potest, facile patuit. Id vero multoties vomitorio prompto effeci, ubi antea sanguinem miseram, & ven-

ventrem enemate sollicitaveram. Quodsi nulum in mora periculum fuerat, potum antea multum, salitumque propinavi. Inter vomendum nec lineola sanguinis comparebat, & vomitione peracta non nisi perparum, donec non multo post nihil penitus cruenti conspiceretur. Curam absolvi decoctis solventibus e radice graminis, taraxaci, & cichorei paratis, & alvina libertate diutius conservata.

Pleuritidem biliosam cruenta subinde sputatio, quin etiam liberalis hæmorrhagia comitabatur, atque in universum febres ab illuvie biliosa æconomiae gastricæ exortas non levibus hæmorrhagiis jungi narium, pulmonum, uterive aliquoties observavi.

Hæmoptoën id genus *biliosam*, gastricamque, & quamcunque hæmorrhagiam hac origine prognatam, certius nihil, nihilque efficacius vomitorio stitit. Quæ vero abdominalia viscera, ventriculum maxime, & intestina, demum & universum corpus invigorabant, relapsus, faciles cæteroquin, & periculosos, avertebant.

Curarum feliciter hac methodo peractarum numerosa exempla suppetunt, quæ qui in medium producere tanquam totidem testes vellet, legentibus abuteretur.

Leviores hæmorrhagias *biliosas* consopitas equidem alia ratione subinde vidi, iterata videlicet, profusaque sanguinis missione. Verum diuturna infirmitas, & imbecilla corporis constitutio conquebatur, & crebri in eandem hæmorrhagiam relapsus, si forte vel ob levissimam causam circuitio sanguinis plusculum incitaretur.

Nihilominus communior observatio docuit, biliosas ejusmodi hæmorrhagias phlebotomiis suis, & antiphlogistica methodo adeo, ut pluri-

num,

mun, non sisti; ut profusiores evadant, brevique virium vitalium ruinam ingentem inferant, & exsanguē, marmoreumque frigus, *mortis comites*, & *funeris atri*.

Hanc hæmorrhagiæ *biliosæ* curationem ope phlebotomiarum, & antiphlogisticorum potuum obtentam *insidam* appellabamus, cum & vires convelleret, & visceri præcipue hæmorrhagiam passio atoniam induceret frequentiori relapsui opportunam; ac stimulum excitantem, biliosam nempe illuviem, ad breve tempus enervaret tantummodo, non crueret, qui validius posthac acturus erat in corpus imbecillum, acie recuperata.

Complures novi crebris febriculis biliosis, iisque levissimis tentatos, qui assumpto antiphlogistico potu & instituta largiori sanguinis missione biliosum circa ventriculum hærentem partim enervarant, partim per omne ferme vasorum systema distraxerant. Materie non multa, vel potu multo submersa, vel in partes distracta multas, atque hoc ipso magis inermi effecta convalescere; sed impurioribus posthac succis utebantur, & corpore minus firmo: hinc magna in eandem febriculam proclivitas nata est, quæ si denuo insurgere tentarat, eadem ratione dilata, retrusaque est potius, quam evulsa, gravius crebriusque reditura.

Sanguinis e pulmonibus eruptionem multæ quoque causæ efficiebant in abdomine sitæ, quæ circumeuntem humorum libertatem ibidem imminuebant, eorundemque competentem quantitatem pressis aut quacunque ratione angustioribus effectis vasis ab abdomine prohibebant, prohibitumque ad infirmiores pulmones ablegabant. Earum inter causas reponebamus *spasmos* undecunque pro

productos, *tumoresque* omnis omnino generis, dummodo molis spectatæ fuerant, præcipue si celeriter increvissent.

Hinc variam in hac abdominali hæmoptoë medendi rationem inire solent, atque etiam ipsi iniveramus.

Hæmoptoën largam enemate, & propinata salis amari solutione, ventrem diu ante obstructum celeriter referante illico compressi, atque aliis subverso per emesin ventriculo hunc sanguinis fluxum stiti.

Enervantes narium hæmorrhagias in homine febris biliosa detento, unaque & ipsam ægritudinem principem repetita emeto-catharsis sustulit.

Cum narium, & pulmonum perniciosæ hæmorrhagiæ ægrorum cuidam mortem illaturæ viderentur citius, quam ipse deploratus hydrops; reductis paracentesi aquis fatalem horam aliquoties differebam, profluvio vitalis laticis sic subsistente, atque nonnisi collectis aquis recurrente.

Hæmoptoë illorum, quorum pulmo tuberculis obsessus existimabatur, aliquoties mihi visa difficilem semper medicationem, aut nullam admisit. Etenim duo erant, quorum habendam rationem arbitrabar: moles videlicet sanguinis per pulmones tranantis fuerat minuenda, ne ea vasorum pulmonalium capacitatem superet, & deinde ipsos meatus sanguinis in pulmonibus tuberculosis angustiores, pressosque oportuerat expedire.

Massam humorum movendorum minueram instituta phlebotomia, sed alterum scopum vix attingebam.

Plerique, quorum cadavera dissecta tuberculosos pulmones exhibuerunt, fuerunt olim aut tussis *stomachicas*, diuturnas, neglectas, aut methodo non sua curatas, aut peripneumoniam notam,

tham, seu pituitosam, eamque ipsam perversa medicatione in tuberculosum pulmonum morbum conversam perpeffi.

Quos vero ob tuberculosum pulmonem credideram in hæmoptoën incidisse, sanaveramque, his dempto modico sanguine, solventia remedia ex radice graminis, taraxaci, & cichorei propinavi mediocri sale, aut refracta dosi tartari emetici armata, cavique, ne morosior alvus evadat, & emeticum blandum, præcipue ubi aut tussis reverti, aut pectoris oppressio cœpit, per vices exhibui.

Testor, me *solis* solventibus nil profecisse, tussi, nocturna præcipue, noctes ruditer turbante, & laboriosa, cum vel levissime corpus commoverem, spiratione. At blandior per vices emetis thoracem mirum quantum expedit.

Solventibus lenia tandem tonica commiscui, cum non suffecerat infarctum solviffe solum, sed & futuram ejusdem genesin præoccupare necessum fuerat.

Hæmorrhagias pulmonum a vitio cordis, aortæve aneurysmate, aut alio quocunque, non describam, cum animus mihi non sit integram hæmoptoës variæ imaginem sistere.

Quædam pauca solummodo de hæmoptoë Hydropicorum prioribus subjungam.

De hæmoptoë hydropicorum, & pauca quædam de hydropi-

Viri quidam laboriosi, atque exercitati, Aurigæ, Fabri lignarii &c. hydrope intercute detenti, quin aliqua manifesta, & hydropis communior causa potuerit incusari, meæ se curæ concrediderunt.

Pinguescere initio videbantur facile, collo, & thorace præprimis. Tandem diffundi per totum corpus tumor cœpit, prodique morbosa conditio. Pulsus arteriarum erant vegeti, tardi, robustique,

que, & cætera sanorum instar habebant. Difficillima, tarda que curatio fuit, & mitissimis solum remediis, quæ & alvum, & urinas moverunt, perfecta. Salia mitiora, nitrum, & terra foliata tartari in decocto althææ, malvæ, & liquiritiæ fere sola profuerunt, fero tandem oxymel scilliticum prioribus poterat admisceri.

Uni, alterive, sanguinis parum extrahere debui, dolore fixo thoracis, calore, & urina flamma id exigente.

Hos inter auriga fuit, cui præter universalem corporis tumescentiam aquosam modo scrotum, modo sterni pars, aut collum peculiarius tumuit tumore repente orto, globoso, farciminoso, aquoso-emphysematoso, mox iterum obortis sudoribus diffuso. Huic per vices pectus repente opprimebatur, ut aliquoties ferme mortem oppeteret suffocantem; accessit & larga sanguinis e pulmone reiectio, eo tempore nulla corporis pars peculiari illo tumore, vago, aquoso, aëreo tumore visa est, ut inde conjecerim, materiem tumoris illius corpus oberrantis ad pulmones nunc esse projectam. Sic constituto vesicans ad thoracem admovi, & homini stragulis contexto diaphoreticos potus ingessi. Obortus sudor hæmorrhagiam pulmonum stitit.

Vesicantia largam movere diaphoresin fere semper observo, quin etiam profusos sudores, si cætera accedant ad proliciendos sudores requisita.

En hæmoptoën vesicante compressam!

Hæmorrhagias profusas narium, epilepticos sultus, & mortem apoplecticam in non magnorum hydrope observare aliquoties licuit, ubi vel graves sæminarum hydroper tuto curabantur.

Exponere nunc juvat, quænam ex recensitis

Pars III. B hu-

hucusque hæmoptoës speciebus hæc nostra fuerit hoc mense visa, & qualem ægris opem, & quo eventu tulerimus.

Atque ut huic quæstioni satisfaciam, illius oportet recordari, nos antea & inflammatoriam hæmoptoën, & aliam peripneumoniam *nothæ* seu *pituitosæ* comitem, ac tertiam commemorasse hæmoptoës speciem ab illuvie ventriculi biliosa, & infimo ventre sicciori, atque diutius obstructo natam.

Hæ causæ, quarum singulæ producendæ alias hæmoptoës pares sunt, suas si quando vires conjungunt, id evidentius faciant, & majori cum ægrotantis discrimine.

Atque hunc causarum multiplicium hæmoptoën efficientium concursus hoc mense vidimus, ita tamen, ut sæpe levis tantum esset, & veluti superficiali inflammatio pulmonum; gravior vero, & princeps altera ægritudo, peripneumonia videlicet *notha*. Adde & hoc, plerosque simul biliosas in ventriculo fordes, & alvum diutissime clausam, habuisse.

Hæc syndrome causarum claram hæmoptoës hujus nostræ notionem effingit, & quid agendum nobis fuerit, demonstrat.

Illico nempe enemate crebrius injecto ventrem solvimus, quo præsidio, ut ad speciem non magno, & capitis temulentia, caloresque, & thoracis symptomata multum remiserunt. Aquam dein cum melle & aceto propinavimus, & miorum salium mediorum solutionem. Die altero paucas sanguinis uncias detraxi, sicque hæmorrhagia pulmonum plerumque intra limites paræ cruentæque sputationis reducebatur. Verum seu sanguinis fluxus persisteret, seu dicta ratio imminueretur, dummodo aut levissima, aut nula

la phlogosis esset, emeticum propinavi. Vomitus, alvusque mota ægros plurimum recreavit, sanguinem cohibuit, & spiritum præcipue liberiores effecit. Quibusdam emesin post multos primum dies movi, iis nempe, quorum pulmones aut major, aut pertinacior phlogosis tenuit. At his sanguinem crebro, & largiter detraxi, ventremque infimum eccoproticis, & enematis vacuavi. Atque hac methodo, phlebotomiis, eccoproticis, & enemate crebro ad id usque tempus sum usus, quo lotium antea flammæum, & absque hypostasi, flavescere magis cœpit, rubere minus, & emissum brevi turbari, atque sedimentum lateritium, furfuraceum, ex albo rubellum demittere: hocque fractæ phlogosæ signum arbitrabar, etsi & æstus persisteret, & incommoda thoracis; his enim propinato emetico tuto celeriterque medebat.

Celebrata emesi largo radicis graminis, taraxaci, & cichorei decocto utebantur, cui vel salis medii quid, vel refracta tartari emetici dosi commiscebatur.

Hoc modo & tussis nocturna in dies cicurari, putaque albumen recentis ovi referencia minui cœperunt; ægro subinde pituitam vomente, & solito crebrius dejiciente.

Amaricantia, stomachicave, curationi coronidem imposuerunt.

Quibusdam omisso emetico, suffecerat ventrem per epicrasin manna, tamarindis, & sale medio solvise.

Sanguis emissus plerumque crustam habuit viscentem, auriginosam, diffusam, crassam, tenacem.

Sola crustæ phlogisticæ apparitio me non commovit, ut iterato, & sæpius, largiusque sanguinem

nem mitterem; nisi & alia veræ inflammationis, ejusque prædominantis signa copiosiores, iteratasque, phlebotomias exigent.

Morbi ergo thoracis hoc mense fuerunt pleuritides inflammatorio-pituitosæ; inflammatorio-biliosæ; aut prævalente phlogosi, pituitoso-inflammatoriæ; atque eadem omnino eadem ratione commixtæ, & a prædictis pleuritidibus essentialiter non differentes hæmoptoæ.

Recordabar hoc tempore pleuritidum ab egregio CLEGHORNIO observatarum, quas aliquis non inepte *putrido-inflammatorias* compellaret, ubi vera in pulmonibus inflammatio est, at simul putridus, & inflammantis acrimoniæ fomes intra abdomen hæret, quem primo obtundere, diluereque oportet, dein vero aut vomitu, aut alvo mota exterminare.

Cæterum toto Februario vomitiones dato emetico crebriores, dejectiones vero parciore, observabantur, quam elapsa æstate; qua vigente, atque adulta, & per omnem autumnum, alvus lubricissima fuit; & suapte, & multo magis, vel levissimo pharmaco propinato.

Vomuerunt hoc tempore paucam plerumque pituitam, at levamine molem materiæ plurimum superante.

Bilis hoc mense nonnulla, *phlogosæos* multum, & *plurimum pituitæ* ubique offendebatur: atque hæc ultima toto hoc mense præfecturam exercuit.

Et si nullos habuerim morbos mere inflammatorios, sed recensita ratione compositos, nihilominus non defuerunt febres ex pituita aut sola, aut bili remixta prognatæ, putridæque, attamen putredine non valida, nec ferociente.

M A R T I U S.

Martii primos dies tepor, & aura serena, puraque commendavit.

Nullæ ullibi nives comparuerunt, nisi ubi easdem venti nuperrimi in acervos congesserant ferius liquandos.

Die quarta tepidissimus & capita gravans vulturnus cœlum nubibus obduxit, pluvias comminatus. Soles dein, nebulae, nubes, & pluviae tenuissimæ quasi in orbem redierunt, tepore humido assidue persistente, donec die nona majori frigus accederet.

Die 12ma aquilones algidissimi coorti auram iccarunt. Sol, gelu, nivium hinc inde flocci, & tenuissima grando, ventique ab septentrione per vices.

Die 19na aquilonem lucusque dominantem repente enormis auster excepit, coactisque a meridie nubibus cœlum in pluvias dissolvit.

Ex eo tempore multa auræ inconstantia, turbida, austrina, terramque exiguis sparsim pluviis irrorantis.

Penultima tota pluviosa fuit, atque ultima nimiosa, austro corpora, atque animos exsolvente.

Die 12. 13. mercurius altissimus 28 poll. 4 l.

Die 4. & 5. ejus infima statio 27 poll. 2 l.

Die 13. frigus maximum — 4 gr.

Die 30. calor maximus + 12 gr.

Calor medius — + $2\frac{2}{3}$ gr.

Plures hoc mense ægrotarunt, sed morbo mitiori atque in longius, quam mensibus elapsis, tempus excurrente, & fœminæ præ viris: at parvus libitinæ census.

Rheumata multa, Mense Februario ad finem decurrente & Martio lumbagines, ischiadesque multæ sunt visæ, longiore purgantium lenissimorum usu sublata: Quos hæc ægritudo quasi e consuetudine quotannis una alterave vice revisit, eos etiam tarde deseruit, atque ita, ut ægros identidem recurrente leviculo dolore, aut pondere artus cujusdam insolito, aut ejusdem stupore sui commonefaceret. Quidam hos inter fuerunt, quorum aut crus, aut brachium multum emaruit.

male curata atrophiam artuum induxerunt, Atque hanc artus alicujus atrophiam illi imprimis experti sunt, qui rheumatismos *originis gastricæ* non subversione ventriculi forde multa contaminati, confirmataque ejusdem coctrice potentia sanare annitebantur; sed phlebotomiis, & scarificatione, & multa tepida, sudorifera; enervante potione morbificam materiam per minutissima vasa deduxerunt, alte tandem irradiatam, non extricandam.

Hic mensis magnam *pituittæ* copiam generavit, sed phlogoseos minus.

Januarii enim, & Februarii *phlogisticum* vitium, quod ipsum per ea tempora raro, aut nunquam solum aut meracum, aut etiam intensum fuit, hoc mense evidentius remisit, atque in *puitosum* totius corporis, abdominis autem imprimis, & pulmonum convertebatur.

eorum natura, Rheumatum, seu lumbos, seu femora, sive alia loca occupant, ea indoles fuit, ut vespere, nocturne ægros vexarent, atque interdiu plerumque silerent. Hæcque aut sola fuerunt, aut catar-

febre, diu plerumque persistunt, & morbum efficiunt ipsæmet peculiarem, peculiari quoque ratione curandum. Ubi e contrario quidquid sub ipsa æstiva febre topicarum affectionum subnaſcitur, eodem prorsus modo sanatur, quo ipsa princeps febris; quacum aut viget, aut profligatur.

Peripneumonia *notha*, seu *pituitosa*, hac etiam tempestate eminebat, eaque aut sola, aut pulmonum veræ quoque inflammationi, utut exiguæ plerumque, & cito dissolutæ, sociata. Paucos gravior, & periculosa inflammatio pulmonum prostravit, eosque præ cæteris Exercitatos, & Juvenes.

Plerisque dolor alterutrum thoracis latus infestabat pungens, dilacerans, diffusus, ab humero ad usque ilei ossa decurrens.

Quibusdam etiam artus afflicti lateris veluti a destillante acri sero compungebantur. In illam quoque, quæ dolebat, corporis partem cubare nequiverunt.

Peri-
pneumo-
niæ no-
thæ, no-
thæ quo-
que pleu-
ritidis
hujus
mensis
descri-
ptio.

Peripneumonix huic, seu pleuritidi nothæ, rarior hoc mense pulmonum hæmorrhagia jungebatur, etsi parca cruoris spuitio vix ulli abfuerit.

Omnibus sputa prodire albumen ovi referentia, initio pauca, dein copiosa.

Quorundam pendula, ductiliaque sputa color herbaceus tingebat.

Anxietas magna: cardialgia, præcipue post potulenta: febris non magna, vespertina, & obscuras habens accessiones.

Sputatio multa morbum non solvit, hinc eandem nunquam urgebamus. Satiùs erat, morbificam materiem solventibus salinis ita præparare, ut, ubi sanguine una, subinde & altera vice,

de-

detracto phlogosi cavimus, dato vomitorio potuerit educi. Mox inde & tussitatio molesta componi, & sputorum rejectio plurimum & magno cum levamine imminui.

Peripneumoniis nothais levioribus eccoproticorum continuatus usus profuit, gravioribus multum impar.

Peracta vomitione, quam subinde iterare post aliquot dies oportebat, taraxaci decoctum, & aut paucum salem medium, aut refractas portiones tartari emetici propinavi; donec, præter corporis lassitudinem, cuncta ex legibus sanitatis procederent. Decocto radice cichorei, lichenisque islandici confirmatos dimisi.

Alii quoque morbi fuerunt hac tempestate peripneumoniæ nothæ comites; asthmata nempe, & catarrhi, & abortus crebri, & hæmorrhagiæ uterinæ, quæ vel abortientibus acciderint, vel tempore menstruæ purgationis.

Morbos hosce, utut dissimili facie in publicum prodeuntes, eadem de stirpe fatos eodem quoque pabulo enutrir, eadem ubique therapeutica methodus, & eodem cum eventu adhibita, demonstravit.

Qua ratione eadem morbifica materies in His catarrhum, in illis vero abortum fecerit, aut profusum catameniorum profluvium, ignoro. Id assero, me ad speciem diversissimos morbos febriles, sed eadem prognatos tempestate, & absque alia omnium horarum accedente evidenti causa, eadem methodo tuto sanasse, hancque ab anni constitutione desumptam medendi rationem præ omni alia vidisse meliorem, compensatamque magis.

Certe se ipsum, & artem, & Ægros ludit, qui febrilium morborum curationes aggreditur,

non manu identidem quasi ductus hac fida itineris duce; temporis nempe peruestigata conditione.

Hac temporum scientia destitutum mille formæ ejusdem causæ πανδημια, milleve lusus ludificabunt.

Nemo nec exercitui ægrotanti, nec numerosæ in nosocomiis urbanæ plebi consulet, qui hac magistra caruerit, constitutionum notitia.

Versatilem certe, nullive innixam fundamento in genus medicinam appellabo, inutilemque & nugatoriam, dummodo nihil momentosum, aut heroicum moliatur: quæ vero, æque infirmo insistent talo, sed magnis & valentibus remediis abutitur, inter infamia veneficia reponam, vel ipsa deterrima epidemia magis devastatricem.

Qui naturam epidemiarum peruestigavit, nullaque varietate accidentali distractus causam arripit, oppugnatque pandemon; quot quæso Mortalium erit Sospitator, & Genius tutelariss.

Peripneumoniæ nothæ, & catarrho, & asthmæ, & fluxibus sanguinis eadem, quemadmodum antea exposui, ratione medebar; solventibus nempe, atque emeto-catharsi. Nil certe discriminis intercessit, si phlebotomiam unam, quin & plures excipias, initio peripneumoniæ nothæ subinde necessarias, atque emesi præmittendas. Catarrhi solis subinde solventibus salinis, plerumque etiam his, & vomitorio serius propinato auscultarunt. Asthmatici eadem, ac Catarrhosi medicina sunt usi, sed emesi frequentiori.

De catarrhis
quædam
scitu necessaria.

De catarrhis, quos antea dixi fuisse hoc mense frequentes, multa ubique querela audita est, eos esse solito rebelliores, atque non raro in febrem converti malignantis naturæ, quamque idcirco

catarrhalem malignam appellarunt. Malignitatem nos nullam experiebamur; quam nempe descripta superius medendi ratio auspicato præoccupavit.

Multa ab iis peccari video in cura catarrhorum, qui, externa solummodo morbi facie, semper ferme eadem, contenti, etsi toto cælo differens ægritudo sub eadem catarrhi larva delitescat, rei viscera non rimantur.

Hinc tussim, vesperi maxime, nocturne pulmones ita quatientem, ut, præter hanc, nullum aliud memorabile symptoma hominis artem ignorantis attentionem in se convertat, catarrhum dicunt, præprimis si assidua faucium irritatio adsit, & acris materiæ in easdem depluentis sensus.

Quas viderim sanaverimque diversis temporibus catarrhi species, & quibus notis singulas discriminauerim, paucis exponam.

Neque inutilem prorsus laborem arbitror, si varias hujus morbi species exactius notavero, crebras omnes, & eandem prima fronte originem nuntiantes; quæ & ob id ipsum solent confundi, subjicique eidem omnes medicationi, unde ægritudinum chronicarum ilias in artis opprobrium accrescit.

Catarrhum benignum, ortamque *febrim catarrhalem benignam* coryza, gravedine, raucedine, & ophthalmia serosa stipatam, ea plerumque tempestate frequentem habuimus, qua aër multum incaluit, corporave in sudores dissolvit, aë ab Arcto acutius spirantis flamine identidem compressos. Illi etiam, qui ab itinere, aut exercitatione quacunque validiori, sudoresque proiciente incalescunt, atque auram frigidiorum improvidi ad corpus denudatum admittunt, vel

intra pulmones spirando recipiunt, hoc simplici catarrho plectuntur.

Perspirabile suppressum; quod illico pulmones petiit, revocabam, atque ad alvum, renes, & vesicam tanquam aptiora cola, determinabam. Tandem quassatis pulmonibus quietem pauxillum opii reduxit, atque cutaneam functionem restituit.

Manna, nitrum, althæa, opium hic requirebantur, & fere sola sufficiebant.

Catar-
rhus in-
flamma-
torius.

Aliam catarrhi speciem *inflammatoriam* appellavi, eamque pleuritidis, aut peripneumoniæ rudimentum, & quoddam alterutrius initium arbitrabar.

Catarrhi hi *inflammatorii* epidemiam verarum thoracis inflammationum præcedunt, & antequam hæ ingruant, quibusdam quasi velitationibus imminenti populari stragi præludunt. Sed etiam tum, cum epidemiæ vis jam elanguescit, catarrhus adhuc aliquamdiu viget, atque omnium ultimo receptui canit. In ipsa *ακμῇ* constitutionis pleuriticæ quidam aut sanissimi degunt, aut non nisi catarrho vellicantur; Ii videlicet, quos minus idoneos offendit popularis labes.

His æque ac ipsis Pleuriticis methodus antiphlogistica opitulatur.

Febris catarrhalis malignæ nomen crebro auditur, sed non ubique eandem omnino ægritudinem deprehendo, quam ita compellant.

Catar-
rhus pe-
ripneu-
monia
notæ co-
mes.
Peripneumoniæ nothæ superius descriptæ præcurfor plerumque aut comes, aut pedisequus catarrhus est, quem *malignitatis* criminantur, quod benigni catarrhi curationem, mannam, nitrum, emollientia, & anodyna vespertina omnino respuat, & phlebotomiis, iteratis præcipue, in febrim abeat malignam. At oportuerat catarrhum

rum hunc ab ipsa peripneumonia notha non distinxisse, cujus is inferior solum gradus est, eandemque utrique medicinam opposuisse.

Februm biliosarum æstatis, atque autumnus ea *Catarrhi gastrici, biliosi, putridi, maligni.* subinde consuetudo est, ut, aut neglectæ, aut calido regimine, aut phlebotomiis multis exasperatæ, & sorde biliosa non exantlata, vim in pulmones faciant; has tunc *catarrhales malignas* dicunt, & exanthemata morbum solutura præstolantur.

Febris biliosa subinde thoracem illico invadit, & pleuritidem, aut peripneumoniam in quibusdam præ se fert; in aliis vero mitior febris, minoraque thoracis incommoda sunt, ut Ægri se solo catarrho vexari credant.

Qui curam hujusmodi catarrhorum suspicit, turpissime labitur, ni eorundem originem *gastricam* perspectam habeat, nesciatve, eos esse quædam conamina, aut veluti præludia peripneumoniæ, pleuritidisve biliosæ; aut febris biliosæ mitigatæ modificationem solum quandam, ac lulum.

Biliosis id genus catarrhis eadem omnino medicatio fit, quam variis aliis in locis fusius descripsi; *antibiliosa* videlicet, cujus præcipuam partem vomitio constituit arte concitata.

Qui ex febre maligna eluctari, & convalescere *Catarrhi ex febre maligna Convalescentium,* incipiunt, non raro in tussim veluti catarrhalem incidunt, maxime noctes interpellantem; etsi forte ab eadem, & inchoante, & vigente morbo, immunes fuerant.

Hos ex febre maligna Convalescentium catarrhos fere semper observabamus, ubi Ægri morbum multum progressu, neglecto, atque abdomine a sordibus non vindicato nobis committentur.

In aliis vero, tempestivius ad nos delatis, præsertim ab eo tempore, ex quo artis generosa præsidia in averruncanda malignitate, non ex quadam male feriata hypothese, aut cæca systematis imaginarii prædilectione, sed usu multiplici, constanti, atque oculatissimo in dies magis magisque mihi innotuerunt, & admirabilem emeticorum facultatem, tum in hisce febribus, cum inquam pluribus aliis infirmitatibus uberius didici; vix unquam contigit, hanc tussim observare.

Si ea fuerant, quæ morbus ipse primarius postulabat, scite, & diligenter administrata, atque Æger consanescere inciperet, nocturnam tussim, & auditum plerumque gravem, tempus ipsum & remedia corroborantia, ac stomachica emendarunt.

Neque a potione tepida, emolliente, pectorali ullum hic unquam emolumentum opperiebar, at multum detrimenti.

Ubi tussis ita perstitit, ut aut intenderetur quavis nocte, aut eadem assiduo vi rediret, rem jam non soli tempori, aut methodo roboranti, aut nutrienti committendam existimabam.

Tunc vero novas sordes in imbecillo ventriculo convalescentis fluitare rebar, sub ultima morbi tempora denuo collectas, & mole majores, quam quæ subigi, atque concoqui possent. Has aut emetico, aut purgante submovi, &, ne nova denuo earundem colluvies fiat, vires coctrices acui.

Catarrhus post morbillos æstate 1777.
Variae species

Catarrhus æstate præcedentis anni morbillos excepit, vix devincendus, quamdiu ejusdem e ventriculo genesis me fugerat.

Alias catarrhi gastrici species, in Pueris præcipue frequentissimas, Voracibus, Pituitosis, Ver-

Verminosis, male Digerentibus, & Crudis, non referam, utpote in vulgus notas. *catarrhi gastrici.*

Æstate anni 1777. atque ea, quæ eum annum proxime præcedebat, tussis catarrhosa canes enecuit. His & coryza nares tenuit, quæ multum virescentis muci profuderunt; oculorum lemæ, & squalor, apositia; tussis laboriosa, spontaneæ vomitiones, & putrilago vomitibus refusa, extrema macies, & tandem veluti quorundam artuum semiparalysis, ac mors. *Catarrhus, & coryza canum.*

Catulum hoc morbo correptum sanavi ingesta tartari emetici solutione, multaque illuvie olidissima rejecta. Verum elapsis aliquot septimanis, cum voracissimum animal carnibus, quas indulgentior Hera eidem objecerat largiores, denuo ventrem refererat, in eandem infirmitatem relapsum, & postquam muliebri consilio oleum amygdalinum, & *axungiam* caninam præ vomitorio ingerere placuerat, convulsus periit.

Grassante epidemico seu adutorum, seu infantum catarrho in naturam, atque indolem febris acutæ, ea tunc tempestate prædominantis, quanta maxima sedulitate potui, inquisivi. *Unde catarrhorum diagnosis fuerit repetita.* Catarrhi enim, cujuscunque illi originis fiat, plerumque nullos specificæ suæ indolis certos characteres, sed ambiguos, atque omnibus, & diversissimis catarrhis communes habent, atque ægritudines sunt appellandæ *inchoatæ* solum, & nondum ita effectæ, ut semper ac tuto ab se invicem dignoscantur. At vero imperitans acuta febris, sub qua catarrhalis constitutio militat, luculentioribus plerumque, & minime dubiis notis instructa, morbificas causas, causarumque sedes, & aptam medendi rationem docet; atque ita suam ipsius indolem prodendo, de natura congeneris catarrhi ambigere non sinit.

Id etiam investigare solebam, quamnam in febrem acutam popularis catarrhus abeat, aut suapte nonnunquam, aut sinistra medicatione irritatus. Catarrhos enim *inflammatorios* in veras usque pulmonum inflammationes intendi vidi, biliosos vero in peripneumonias, pleuritidesque spurias, biliosas.

Perspecta catarrhi, de cujus natura, & medendi modo, mecum ipse disceptabam, in morbum quemdam acutum, mihi antea aliunde cognitum, promptitudine, atque sic agnita utriusque cognatione; & ipsum catarrhum, & ejus sanandi rationem assequabar.

Mirabitur fortasse Aliquis, quod disquisitioni ægritudinis tam levis, tam ubique & ab omni ævo notissimæ scrupulosius inmoror, de eaque & minutim; atque anxie differam. At vereor; ne hic ipse frequentior conspectus morbi nobis imponat, ut ejusdem etiam naturam perspexisse falso existimemus, cujus externam solum faciem novimus. Sed & gravem eundem nonnunquam, & graviolem malorum causam catarrhum esse, Quis est, qui ignoret? & Quis diversissimas catarrhi species impune confundet?



A P R I L I S.

Impetuoſi venti, & auſtrinæ, ac tepidiſſimæ pluviæ, extremi Martii reliquiæ, in primam adhuc hujus menſis diem deſævierunt.

Inde aura ante exagitata componi, inertiffima fieri, & incaleſcere multo ſole, ac præfocante.

Diem menſis quintam nox intempeſta excepit,
quæ

quæ fulgure, crebris tonitribus, ac sonante demum imbre inhorruit. Dies postera denuo pura, tranquilla; malacia eadem, atque æstus idem.

Die nono turbari cælum, solesque nubibus obscurari per vices, calores retundi parumper, pluere demum duodecimo cœpit.

Post frigus, venti, & tristis universim mador. Dies, qui pluvias non funderet, aut minaretur, ad decimum septimum usque nullus fuit. Verum

Hoc die veris amœnitas reversa reliquum mensis beavit, non nisi paucis pluviis, die vigesimo octavo cum fulgure cadentibus, interrupta.

Calor austrinus major, & pro anni apud nos ratione tempestivior, ut idcirco omnia multo maturius, ac aliis annis, germinarunt.

Die 8va mercurius altissimus 28 poll. 2 l.

Die 28. — — infimus - 27 poll. $3\frac{1}{2}$ l.

Die 5. calor maximus - + $16\frac{1}{2}$ gr.

Die 16. — minimus - + $2\frac{1}{2}$ gr.

Calor mensis totius medius + $12\frac{2}{3}$ gr.

Inter feminas hæmorrhagiæ uterinæ crebriores *Hæmorrhagiæ uterine* fuerunt, frequentes quoque abortus. *epidemicæ*

Catameniorum enim fluxus non intra paucos, *epidemicæ* ut antea solebat, dies continebatur; sed eosdem *abortus* excessit, in plures usque septimanas. Gravidis

vero eo ipso tempore, quo menstrua redire, antequam uterum gestarent, consueverunt, inter notus febriles, & pariendi conatus sanguis propupit, cum fœtus tenelli jactura.

Profecerunt quies, & sanguinis detractio, & quæ biliosa ructarunt, misso prius sanguine, utriusque vomuerant, assumpta ipecacuanhæ radice.

Itaque id nobis præsidio fuit, adversus interactivos uterinos fluxus, quod alias eos ipsos solet excitare; aliis nempe & temporibus, & fluxus causis.

Suffocatio ex inflammatione thoracis.

Pleuritides complures hic quoque mensis nunciavit, bilioso-inflammatorias. Virorum quidam hoc lateris morbo affecti, domi suæ neglecto, ut primum nosocomium attigerunt, perierunt *suffocati*. Pulmonem alterutrum inflammatissimum habuere, carneum, & sub cultro stridentem, ponderosissimum & tantæ molis, ut fortius pulmo, utut sanus, suo fungi officio nequiverit, ab alterutrius videlicet pondere & magnitudine compressus.

Funera verno tempore crabriora.

Mortes etiam hoc & præterito mense plures, quam per hyemem, observabantur.

Bina exempla referam thoracis inflammati, & mortis inde secutæ.

Exemplum Suffocatum ex pleuritide, & peripneumonia.

Vir 55 annorum, strictiori fibra, & fusco corporis colore, atque ad id usque ætatis, ut aiebat, semper sanus, ex Italia, decem ante hunc morbum diebus, huc venit.

Die 21. Aprilis post validos labores, & liberius ingestas suillas carnes, fumo & sale duratas, dolore lateris dextri corripitur, a crista ossis ilei, ad mammam usque porrecto. Anorexia plena erat, & os amarum, & caput vertiginosum.

Die 23. dolor lateris, ante acutus & pungens in obtusum mutatur, orta mox pectoris oppressione ingenti, & anhelosa difficili respiratione; ac tussi sputa mucosa, modicissime flava, excutiente; æstuat, siticulosus: noctu *dyssopoi*, & largiter insudat.

Ter quaterve quotidie pauca, fœtida, tenui alvo dimittit.

Die 28. Aprilis ad nos devehitur, citissime laboriose, stertorose respirans, & sputa extussitans copiosa, ex flavo virentia, tenacia, & fœtidissima. Cardia dolet contrectata; extremi perfrixerunt. Pulsus naturali vix celerior

not

non dejectus; at dejectæ vires musculorum.

Solo potu theato se usum fuisse ajebat.

In nosocomium susceptus examine morbi vix absoluto, præsentissima mente repente perit.

Pulmo dexter inflammatus, carneam duritiem dissectus exhibuit, & colorem ex flavo æruginosum.

Exigua pulmonis portio septum transversum respiciens inflammatione carebat.

Pleura valde inflammata, uti etiam diaphragma, atque hoc quidem magis.

Pulmo sinister sanus fuit, sed in angustum ab altero vicino spatium compulsus.

Venæ cordis distentissimæ.

Ventriculus amplissimus; pylorus quoque perquam amplus & hians; amplissimum duodenum.

Jejunum & ileum subinflammatum, & lumbricis quam plurimis refertum.

Alter Operarius erat 42 annorum, sanus a multo tempore. Die 19. Aprilis sub vesperam capite doluit, noctu caluit, insudavit. Postridie inter vagas horripilationes incaluit. Dolor pungens invasit utrumque latus, a molli utrinque hypochondrio, ad mammas usque, cum tussi sicca. Die 3ta & 4ta morbi nihil emendatur. Accedunt leithymia, & anacatharsis glutinosa. Die 5ta ad nosocomium pedes venit. Secta hac die vena, antiphlogisticis assumtis dolor laterum vix ullus erat, & pulsus ferme Sanorum, quemadmodum etiam calor, qui sub vesperam & noctu plusculum intendebatur.

Die morbi 8va pulsus ceteroquin naturalis intermisit frequenter. Levem pectoris oppressionem querebatur, quam jam inde ab aliquot diebus abfuisse dicebat, utut identidem male respi-

raffet. Dolorum pungentium exiguae reliquiae, & tussis non molesta. Nox implacidissima, metus suffocationis, tussis, & sputa glutinosa, sanguinolenta: fervor, & sibilus in respirando, cum pulsus varia inæqualitate. Die 29. Aprilis sub vesperam moritur.

Urinæ semper erant croceæ, & modice fluentes secessus. Febris videbatur esse exigua; pulsus, & calor propemodum naturales. Verum respiratio erat decurtata, abrupta, ac celerata, & facies collapsa. Sermo frequenter intercisus, ob spiritus creberrime captandi necessitatem, primas morbi dies rectus, atque obambulans, & inter consuetos labores exegit.

Seçtus thorax ostendit pulmonem dextrum e normis magnitudinis, inflammatum totum quantum, durumque. Dissectus exhibuit substantiam ex albedo virentem.

Pulmo sinister bonus, sed uterque vetustis atque arctis vinculis ad pleuram religabatur. Pleura omnino sanissima. In pericardio aquæ flavescens unciae quatuor.

Intestinum jejunum & ileum valde inflammatum. Vesiculam felleam multa & tenax bilis maximopere distendebat.

Pulsus & calorem, propemodum naturales, in peripneumonia lethali non raro observabamus, & mortis certæ signum in Peripneumonicis, *strepitum in thorace inter decumbendum, & velle erectum sedere.*

Exitus Quosnam eventus inflammati thoracis crebriores observarim, hoc loco in Illius gratiam referre juvat, qui historiam morborum thoracis quondam pleniorē, rem hercle difficilem, consiliet: signare voluerit.

Benigne resolutas pleuritides quamplurimas, per:

perpaueas *anacatharsi iudicatas*, paucissimas vero *suppuratas* videre contigit. Verum de his solutarum pleuritidum, & peripneumoniarum modis, cognitis abunde & pertractatis, nil dicam.

Primum mortes narrabo, & earum diversas in inflammato thorace rationes. Dein vero affectus chronicos Eorum, qui ex pleuritide aut peripneumonia (non enim est dispar ratio utriusque morbi) mortem vitarunt.

Non Pauci in morbi vigore *suffocati* periere *Imo Suffocatis a pulmonis inflammatione & immeabilis effecti mole:* eum prorsus in modum, quo bini illi *Ægri*, quorum historias paulo ante referebam. Pulmo inflammatus, & impar sanguini transmittendo, atque socium pulmonem sua mole elidens, necem inferit. His brevissima spiratio est, thorace ferre immoto, fervens, stridens, cum vano plerumque conatu se erigendi, sedendique, dum identidem in dorsum relabuntur; pulsibus & calore plerumque vix mutatis a sana conditione: mens aliquoties præsens, plerumque subdelirans.

Nonnunquam e lecto surgere moliantur, & erecti minorem aut nullum in respirando stertorem dunt, quem & in faucibus, & per gutturis descendens potius, quam intra thoracem observamus. Periculum non repente, sed *pedetentim*; necrescit.

Quidam ob aliam rationem in inflammatione thoracis suffocantur. His inflammatio repente solvitur, lymphæ coagulabili subito atque conferuntur in cavum pectoris aut in pericardium ex vi cere inflammato transsudante. *vel vero ex subito lymphæ coagulabilis in cavum thoracis confluxu.*

Haec prava metastasis phlogisticæ lymphæ repente nonnunquam in his est facta, quibus morbus non negligebatur, quive aliquam salutis spem am conceperunt. Eam autem actu fieri auguramur, si cui thoracem inflammato, neque pes-

sime habenti, & diligenter curato, ex improvise spiritus difficillime, celerrimeque, atque nonnisi erecto, aut inter sedendum, antrorsum inclinato corpore, trahi cœpit, cum pulsuum tenuissimorum celeritate, & frigore extremorum, & facie Hippocratica; pereunt haud multo post a spurio hoc empyemate suffocati.

Servari forte tales possent, thoracis paracentesi mox instituta, & lymphæ, priusquam in coagulum abiret,educta.

Ido. Hydrothorax Inflammatorum: & ejus effectus. Alios hydrothorax, aut collectum in pericardio serum, enecuit, utut inflammatio thoracis fuerit sanata. Frequens enim observatio docuit, pulmone inflammato, intra cavum thoracis aut pericardium serum colligi; cujus exiguæ portiones a sanato fortasse pulmone, aliarumque ambientium partium resorbentibus vasis excipiantur, in communem denuo humorum massam reducendæ. At vero major ejusdem feri collectio hydrothoracem efficiet, aut subito suffocantem, aut diuturnum.

Inferius occurret exemplum, hydrothoracis cum peripneumonia conjuncti, ubi aquæ stranguantes perforato thorace emittebantur.

3tio. Pulmonum cinctula, cohesiones, & quæ inde consequuntur. Ægri tudines quoque diuturnæ inflammationem pectoris sequuntur; variæ, & incurabiles pleræque.

Non raro pulmo religatur ad pleuram. Id genus cohesiones, laxiores, & strictiores, quam plurimas in cadaverum sectione deprehendi, quibus Ægri læsam, dum viverent, respirationem incuassent.

Quidam tamen hos nexus pulmonum cum partibus vicinis ægrius tulisse videbantur, fortasse recentes, & quibus nondum essent assueti.

Frequentius pulmo reperitur, quasi sacco co-

riaceo, crasso, atque e variis quasi membranis; sibi invicem superstratis confecto, circumdatus, atque in angustum subinde spatium conclusus. Saccus hic hinc pleuræ, illinc ipsi pulmone nece- batur, ut ab utroque difficulter solveretur. Pol- licis crassitiem subinde habuit, atque etiam hac majorem. Substantia tenax, coriacea, subinde ferme cartilaginea, fuit, & aliquoties pro pleura incrassata imposuit.

Vasa sanguifera ex vicino vel pulmone, vel pleura in ipsam sacci substantiam porrigi vide- bantur. Natum hoc corium arbitrabamur ex lymphæ coagulabili, exposita ante ratione trans- sudante, sed cujus minor quantitas fuerat, quam quæ Ægrum potuisset suffocare.

Membranæ sibi invicem impositæ non unius erant tenacitatis, sed intimæ firmiores, extimæ minus firmæ, & quæ ex nupero morbo nasce- bantur, adhuc gelatinosæ: poteras ex numero stratorum ferme de numero pleuritidum prægres- sarum concludere.

Membranaceus hic saccus pulmonis explicatio- ni non potuit non insigniter obstare, præcipue si liberalius inspiraretur. Hinc angustiae & coar- ctationis in alterutro thorace sensus, cum aliquo, sed obtusiori lateris totius dolore; si quando mo- tus humorum incitaretur, exercitatione corporis majori, vel febre. Hinc omnis febrilis morbus in homine sic prædisposito ab illius lateris dolore orditur. Hinc illa quoque in pleuritidem ejus- dem lateris proclivitas major identidem, major- que, ob pulmonem ibi loci minus pervium, & explicabilem minus.

His antiphlogisticam vivendi rationem consu- lebamus, etiam Sanis, ut ita morbi insidias vitent, tam frequenter & inopinato incurfantis: præsen-

tis verò initia venæsectione repressimus.

Hydrothoracem inflammationum thoracicarum commilitonem supra commemoravi, enecantem subinde, plerumque tamen sanata inflammatione pedetentim evanescentem. Is nihilominus diutissime visus est perstare, & consuetis aquarum intra thoracem collectarum signis prodi.

4to. Pul-
mones
granulo-
si post in-
flammati-
onem,
& inde
natum
asthma.

Quam plurimos pulmones dissecabam, *granulosos*. Granula minuta, miliformia, alba, lardi, aut mollioris cartilaginis, firmitatem habentia, subinde cavata, & modicissimum laticem aquosum continentia, per omnem pulmonum substantiam largiter disseminata, & propemodum contigua reperiiebantur. Pulmo ponderosior erat, difficulter secandus, & stridens sub cultro. Inter omnia pulmonum vitia hoc omnium frequentissimum offende-
batur; pleuritidis, peripneumoniæque olim male judicatæ indicium.

Granulorum genesin hanc animo concepi; lympham nempe coagulabilem non, uti antea dicebam subinde fieri, in cavum thoracis confertim exsudasse, sed e vasis quidem egressam, divisam vero per omnem pulmonum substantiam fuisse, ut innumeræ fuerint, minutulæque coagulabilis liquoris collectiones; quæ dein singulæ in corpusculum solidum, grano milii non absimile, eadem ratione coierint, qua coagulari illa copiosior lymphæ solet, in cavo thoracis collecta.

Tussiculosi, asthmatici, pronissimique in novas inflammationes erant, neque ullum, nisi ab antiphlogistica methodo, levamen experiebantur, qui pulmones ita affectos habuerunt.



M A J U S.

Initium Maji incaluit calore peramœno, & paucis subinde pluviolis, deinde & ventis, temperato.

Diei decimæ octavæ præfocantem æstum nocturnus imber exstinxit. Denuo siccum, serenum, calore non intenso.

Diem vigesimam tertiam perplutam madidissima nox & frigus multum excepit; inde cælum inconstans vento & pluviis frigidiusculis inhorruit, donec ultimus mensis dies amœnissimo verno sole recrearetur, aura mane duntaxat & vesperti frigescente.

Die 20. altissima mercurii statio 28 poll. 2 l.

Die 1. infima - - - 27 poll. 4 $\frac{1}{4}$ l.

Die 18. calor maximus - + 21^a gr.

Diebus 2. 8. 23. 24. 29. 30. minimus - - - + 9 gr.


Calor mensis totius medius + 15 $\frac{1}{2}$ gr.

Etiam hoc mense abortus contigerunt, & catamenia profusiora; multo tamen rarius, quam septimanis prægressis.

Plurimæ fluxiones sub mensis prioris exitum, & Crebra
hujus initium, ad fauces, lumbos, acetabula, defluxio.
emoræque, non difficiles, cum levi subinde inflammatione, plerumque autem originis gastricæ, fuerunt.

Scarlatinæ aliquot inflammatorio-gastricæ, & Aliquet
haucæ pleuritides inflammatoriobiliose, verum scarlatina, pleu-
arrihi multi; Multis difficiles sanatu, non vero ritis ra-
obis. ra, &

Intermittentes plurimæ. Toto hoc mense plurimæ febres tertianæ occurrebant; quarum initia referri debebant ad medium mensis prægressi.



J U N I U S.

Dies primi æstuosi, & pigerrimum cœlum, atque nonnisi a tepidissimo austri flatu per intervalla tenuiter perstrictum. Carebaria. Antonia.

Die 5ta a meridie pluvia conferta, austrina, calidissima, pulverum ab aridissima terra evolutum nubem, quæ urbi atque agro ambienti incubuit, decussit.

Denuo siccitas, ananemia, & assidui soles addicimam septimam usque; si diem undecimam & duodecimam exceperis, utramque delitescentes per vices Phæbo frigidiusculam. Decima tonitrua.

Reliquum mensem rebus in contraria versis quotidianæ propemodum pluvia, & auræ asperioris inclementia multum offendit.

Ultimum biduum serenum: venti: tonitrua.

Die 9. barometron altissimum

28 poll. 1; 1.

Die 16. & 30. maxime depressum

27 poll. 8; 1.

Die 8va calor maximus + 22 gr.

Die 17 & 21. minimus + 9 gr.

Calor medius - - - + 17 1/2 gr.

Scarlatinæ plures, nobis non malignæ.

Paucæ quædam biliosæ, aut simplices, aut cum exanthemate erysipelatoso, petechiali, vel vero cum artuum rheumatismo.

Intermittentes hoc mense plures, & paulo per-
tinaciores erant, quæ tamen americano febrium *Intermittentium*
domitore non egebant. *numerus,*

Sub finem mensis febres tertianæ hucusque sim-
plices, cabierunt in duplicatas; solis tamen sol-
ventibus, atque emesi confectas; absque Hercu-
lis americani clava. *pertinacia,*
accessiones

Morbi in universum non multi fuerunt, & aliis,
aliarum æstatum morbis non dissimiles.

Intra solas *plerumque diatheses morbosas* consiste-
bant.

Synochi putres rarissimæ, sporadicæ, & de-
cursus tardioris. Unica solum cholera comparuit,
atque unica dysenteria.

J U L I U S.

Terra pluviis biduo irrigata, urgeri dein calore
æstivo, cœpit.

Die prima Sol occultari; dein modice plueri;
atque aura refrigerari.

Inde & ventorum quies, & æstus insurgens in
diēs augescebat; incumbente passim inertī langu-
ore, quem auræ meridianæ lenissimum flamen vix
recreabat.

Die 18va largus imber malaciam discussit, ca-
oribus aliquantum repressis.

Ultimum biduum, cum pridie cœlum tonitruans
pluvias dedisset, moderatius urebat.

Die

Die 6. & 13. maximus mercurii ascensus 28 poll. 1 l.

Die 20. maxima depressio 27 poll. 8 $\frac{1}{2}$ l.

Die 25. 26. 28. calor maximus + 27 gr.

Die 12. minimus + 13 $\frac{1}{2}$ gr.

Calor medius - - - + 21 $\frac{1}{10}$ gr.

Febres Quædam febres *urticæ remittentes* comparebant, quæ paucas post dies *intermiserunt*.

Intermittentes; Plures etiam hoc mense intermittentes habuimus *tertianas*. Harum aliquæ accessionis loco vomitum habuerunt, tertia quovis die revertentem; aliæ vero sub gravissimo occipitis dolore omni triduo redeunte deliteſcebant.

Intermittentes cum vomitu, item cum cephalalgia pericardica. Curabantur pleræque solis solventibus, & deinde emesi. Paucae, hac methodo cicuratae, tandem cortice peruviano indiguerunt.

Non multæ scarlatinae, nostris Aëgris non periculosa.

Morbilli irregulares. Morbilli passim, frequenter anomali, ob febrim aëstatis complicatam; non lethiferi, sed aptæ curationis patientes.

Dysenteriae præ- Dysenteriae hinc inde; & hucusque leves.

Iudicia. Perraræ cholerae, sanatu facillinae, cum se ipsae ferme sanarint. Cholerae plerorumque mor-

Cholerae quædam, aliorum a- borum aëstatis graviorum antidoton salutabamus, & emeto catharticum medicatricis naturæ.

statis morbo- Post mensis initium aliquot simplices biliosae *se-*

rum medicati- *miacutæ* viscebantur.

ces. Colicas saturninas plures hoc tempore curabamus, commixtas cum populari aëstatis vitio.

Colica saturni- Hinc rarius opio indigebamus, frequentius emesi aut purgatione, frequentissime vero utroque hoc præsidio opus fuit, evacuatione præmissa, & nar-

na frequens hoc mense. cotico subjuncto.

Numerus universim hoc mense Ægrotantium non valde magnus.



AUGUSTUS.

Primum mensis diem, pluvium, frigidumque, plures sunt secuti nubibus obscurati, & aspero vento, & frigidiore inamœni ad sextum usque.

Inde sole puro torreretur tellus, indies magis siticulosa, & vix subinde pluviolis meridianis levissime conspersa. Ananemia: malacia: carebaria a calidissimo & effœminante Austro, subinde, tenuiterque flante. Siccus ubique squallor.

A decima sexta contrahi cœlum, & ventis primo temperari, dein etiam asperari, persistente siccitate.

A vigesima prima meridies plurimum iterum incaluit; horis matutinis & vespertinis acute frigidis.

Tellus fissa ubique rimas egit, exarescens ob longam penuriam aquarum, donec ultimum quadrimum, nubibus & vento matutino frigidiore contristatum, pluviae clauderent & madens nebula.

Hoc mense magnæ, & subitæ factæ sunt mutationes æstus enormis, siccissimique, in frigus primo siccum, deinde pluviosum.

Die 18. 19. altissima statio 28 poll. $3\frac{1}{2}$ l.

Die 31. infima - - - 27 poll. 8 l.

Die 14. 15. calor maximus + 26 gr.

Die 29. — — — minimus + 10 gr.

Calor medius - - - + $19\frac{1}{2}$ gr.

Ordiente hoc mense cholerae & dysenteriae paulo plures, quam elapsis septimanis, sunt visae, universim tamen non multae; crebriores vero utriusque morbi *conatus*.

Dysenteria vulgatur.

At post initium Augusti dysenteria increbrescere coepit, & mense vergente non pauci ex hoc morbo perniciosè habuerunt; per eandem tempestatem *tormina sicca* grassata sunt, cum eodem plane vitae discrimine; ac ipsa difficultas intestinorum.

Dysenteriae hujus anni naturam inferius describam dabo.

Febris hujus mensis descriptio.

Febres per hoc tempus plures, & inflammatorio-putridas curabamus. Pleraque longiores fuerunt, & Aegros alvi fluxu vexabant. Continuitas earum major, minorque & obscurior remissio. Vomuerunt, qui ea febre tenebantur, dato emetico, mole pauciora, pituitosiora, laboriosius, & cum minori emolumento. Stupidiores jacebant, pulsu, & corporis calore non multum a sanis recedente, & multo minus, quam in febribus mensium præteritorum, si utramque hanc qualitatem admodum manu examinaveras; ut ut calere se valde, & uri ipsimet Aegri testarentur.

Virium deperditio magna, & linguae arentes, contractae, fuliginosae, lignae, tremulae, & quas porrigere nequiverunt: dentes, gingivae, labia fumoso muco, atque in fila ductili oblinita; dolor, aut tensio, aut pondus, abdominis totius.

Urinae aquosae, mucosae, & cum hypostasi multa, atque mucosa. Arida, atque imperperspirabilis cutis erat.

Mares multo plures hoc morbo detinebantur, & præ Foeminis eluctabantur laboriosius.

Circa ultimos mensis-dies quaedam corporis partes peculiariter affligebantur, pulmo potissimum,

ut pleuroperipneumonice inceperint ægrotare ;
 deinde glandulæ submaxillares, thyroidea, paro-
 tis, artus demum superni, & eorum extrema.
 Vividissimus in hisce plagis non raro dolor fuit &
 cum tumore, *emolliente* remedio primum delini-
 tus, deinde vero *discutiente* profligatus.


Sab finem mensis etiam Fœminæ pari cum Vi-
 ris numero, & periculo non minori, & eadem
 prorsus ratione ægrotabant.

Circa medium mensem multæ intermittentes ex-
 ortæ sunt, tertianæ præprimis, simplices, & du-
 plicate; accessionibus omnes plurimum productis,
 encephalo inimicæ, apoplecticæ, epilepticæ,
 phreniticæ.

*Inter-
mittenti-
um bu-
jus rem-
pestatis
naturæ*

Solventium, antiphlogisticorum & ipsius phle-
 botomiæ in *his intermittentibus* necessitas erat, si
 quando, quod sæpe evenerat, in *remittentes*, aut
 etiam in *continuas* inciperent converti, aut Ægrös
 tenerent robustiores. Sed tandem cortex peru-
 vianus subjungi plerumque debuit, & multo fre-
 quentius hac tempestate, quam præcedentium
 quorundam annorum æstatibus.

Minus erat hoc anno ab emesi, utut indicata,
 evamen observatum.



S E P T E M B E R.

Cælum nubibus, pluviis, ventis frigidis, &
 nebulis depluentibus triste, vix tandem
 gratia mensis se reficere, & depurari cœpit, per-
 tantibus porro ventis, frigore, & nebula tenui-
 re.

Post

Post 20. octiduo aura purior, & soles valentiores.

Finis initio par.

Dominabatur frigus boreale, ut Plerique hoc anno, qui per æstatem ruri degebant, maturius urbem hybernaque petierint.

Die 20. 21. ascensus mercuri: maximus - - - - 28 poll. $4\frac{1}{2}$ lin.

Die 8. 27. minimus - - 27 poll. $6\frac{1}{2}$ lin.

Die 27. calor maximus - + $27\frac{1}{2}$ gr.

Die 30. — minimus - + 8 gr.

Calor medius - - - + $14\frac{3}{10}$ lin.

Aurora borealis diebus 15. & 21.

Morbi iidem omnino hoc mense conspiciebantur, qui circa medium Augustum, ejusque finem; nisi quod plus habuerint phlogoseos Septembri mense, quam elapsis septimanis.

Hoc anno plures & graviores *dysenteria* obvenire; sed anno elapso numerosiores erant *diarrhae*; ut vix ulla tunc febris fuerit absque fluxu alvino.

Æstatis anni prioris comparatio cum anni bujusce æstate. Hoc anno encephalon & sæpius, & cum discrimine majori in Febrientibus ægrotabat; unde febres *soporosæ*, *furiosæ*, *apoplecticæ*, & *catalepticae*. Præterito autem pulmo frequentius morbi impetum excepit; unde tusses Febricitantium peripneumonicae passim, & frequens phthisis, sunt visæ.

Hoc anno major, non in continuis solum, & remittentibus, sed etiam in intermittentibus phlebotomiæ tolerantia, quin & necessitas fuit, minor vero emeseos; quæ serius institui debuit, & instituta morbum cicuravit quidem, non profligavit.

Continuæ hoc & præcedente mense non multæ, plu.

plures vero *remittentes*, *quotidianæ*, *tertianæ*: exacerbatio plerumque ab hōrrore non incēpit, nec desit inter sudores. Solus persæpe calor accessiōnem formabat.

Remittentes hæc raritus hac æstate in intermittentes convertebantur, & si etiā in has conversæ fuerant, tamen difficulter curabantur.

Aliarum quoque intermittentium febrium curatio plus nobis negotii fecit, quam aliis annis, & rarius absque specifico antifebrili expugnabantur.

Verumtamen, etsi cortice peruviano indigerent *intermittentes* pleræque; nihilominus vel huic remedio tardius & morosius auscultabant, atque ita, ut febrim *soporosam* unam eamque quotidianam, itemque aliam *catalepticam* tertianam sanare, utut largissimis dosibus corticis peruviani nequiverim; & Ægri, Fœmina una in octavum mensem gravida, alter vērō Hortulanus, in paroxysmo perierint.

Quorundam febris *intermittens* propinato cortice peruviano denū in *remittentem*, & tandem in *continuatam* abiit, solventibus, emesi, & infusio — decocto radicis arnicæ sanandam.

Remittentium, & intermittentium accessiones alieno & periodico symptōmate occultabantur, erantque varia ratione *larvatae*, *regulares*, *irregulares*, *rheumaticæ*, *dysentericæ*, *ophthalmicæ*, *cholericæ*, *soporosæ*, *apoplecticæ*, *phreniticæ*, &c.

Caput hoc anno & partes eidem vicinas peculiariter impetitas, supra dicebam. Hinc parotides variæ visæ sunt, *inflammatoriæ*, *erysipolatosæ*, *oedematosæ*, seu *aquosæ*, (quæ nempe adpressi digiti vestigium retinuerunt) *difficilius resolvendæ*, sæpius *suppuratæ*; profluente multo, tenui, & virescente ichore, qui lintea atro colo-

re, velut atramentum infecit, diutius ibidem relictus. Frequentior quoque fuit hoc anno tumor genarum, glandularum submaxillarium, erysipelas palpebrarum, ophthalmia, hemicrania, dolor faucium, nuchæ, gutturis &c.


Hac tempestate capiti adeo inimica, mensibus nempe Augusto & Septembri, Duo solummodo operationem cataractæ subierunt, & quibus hæc operatio mense Junio atque Julio auspicato fuerat instituta, eorum quidam visu illæso posthac gaudebant; cum alii, etsi belle sanati, mense Augusto & Septembri in longas & difficiles defluxiones inciderent; Quidam etiam genæ tumore, hemicrania, ophthalmia, & febre corriperebantur, & visum, quo jam diutius integro utebantur, denuo amitterent; iride flavescente, pupilla contracta, cornea nubilosa, & nata cataracta secundaria: ac si febris superveniens præprimis in oculo figeretur, ex operatione nupera adhucdum debiliore.

Anthraces hac æstate multo rariores erant, quam anno elapso.

Corium sanguinis phlebotomia educti cæruleum, gelatinosum; sub mensis finem vero contractum, tenax, & fimbriatum fuit, cum symptomatibus morborum pleuriticis.

Vergente mense dysentericiæ solum hinc inde comparuerunt.

Hæc æstas morte multiplici, variolosa præcipue, ita infamis fuit, ut inito calculo decimum quodque funus a variolis esset. Æstate vero priori Pauci, iique solum ex morbis longis, atque ex iis, qui omnium horarum sunt, perierunt.



O C T O B E R.

Primo Octobris die sereno, frigidiorē vesperi-
nubes congregari, & pluerē inter tonitrua:
inde ex continuis nubium, pluviarum, ventorum
turbis.

Ita sol demum emerſit, qui ſubſequentium
dierum horas meridianas recreavit, diſcuſſa pin-
gui nebula matutina.

Dies nona a calētis Auſtri ſtatu multum inte-
ruit. Parcæ & tepidæ pluviæ per biduum.

A 12. frigus incubuit ſiccum, acutum, borea-
le, donec 21ma tepidus & gravis Auſter cum
Aquilone vices verteret, & aura maderet, & plu-
viæ ſubinde itillarent.

27. & 28. transparens nebula cum pruina, &
ultimos menſis dies multus frigidus humor no-
tabat.

Prævaluit hoc menſe mador, utut non mul-
tum, iſque ut plurimum modicè frigidus, atque
ita, ut humor, ſiccitas, frigus, calor, diverſi-
mode ſeſe exceperint, ac contemperarint: mu-
tationibus non repentinis, neque magnis.

Omniū tamen ratione ſubducta prævalere viſus
eſt mador frigiduſculus.

Die 30. 31. mercurius altiffimus

28 poll. 1 lin.

Die 25. ejus infima ſtatio 27 poll. 3 lin.

Die 8. calor maximus - + 14 gr.

Die 17. 18. 28 minimus + 1½ gr.

Calor medius - - + 9¾ gr.

D 2

Cir-

*Quarta-
na mul-
tae quæ-
dam
quintana* Circa initium & medium mensis febres quar-
tanæ multæ, una alterave quintana, atque ter-
tianæ nobis oblatae sunt, post exordium Sep-
tembris natae.

Item putrido-inflammatoriæ inter Fœminas
viguere, non plurimæ tamen, nec perquam pe-
riculosæ; *rarius* præterea & *mitius*, caput pete-
bant, quam mense elapso.

Colicæ quædam ex inflammante saburra, &
tormina sicca, postquam alvini fluxus vergente
Octobri cessarent, plures obvenerunt.

Sub exitum mensis vix ulli morbi acuti, nec
graves, fuerunt.

Binis his autumnii mensibus frigus principa-
tum tenuit; primo siccum, deinde paulo humi-
dius. Mutationes *subitaneas* habuimus nullas,
paucos Ægros, perpauca acutas, mortes raras.

Quidquid ferme morborum occurrebat, id po-
tissimum quartana fuit, simplex, duplicata, tri-
plicata.



N O V E M B E R.

Per sex continuas dies siccum & mediocre
frigus fuit.

7ma confertissimæ pluviae. Inde leve frigus,
pluviolæ raræ, sol & serenitas alternabant usque
ad medium Novembrem.

Ab eo tempore nebulæ spissæ, pingues, &
depluentes omnem ferme conspectum cœli eri-
puerunt.

25ta solem denuo reduxit, cum eoque amœ-
nitatem eodæ, & auræ teporem persistentem.

Ultima nebulæ in pluvias colligebantur.

Die 2. altissimus mercurius 28 poll. 4 l.

Die 12. infimus - - - 27 poll. 5 l.

Die 26. calor maximus - + 11 gr.

Die 22. 23. frigus maximum — 1 gr.

Calor medius - - - + 6 gr.

Circa initium mensis aliquot pleuritides curabamus. *Pleuri-
tides*

Sputa cruenta; dolor initio exiguum lateris plagam, deinde vero diffusus latissimam occupavit. *mensis*

Sputa tenacia, pendula, multa, lineis cruentis distincta, subinde herbacea, porracea, crusta in educto sanguine crassa, tenax, virescens, flava, diffusa, non fimbriata. Os omnibus amarum. Omnibus vomitio adfuit spontanea, biliosa, asumptorum: alvi resiccatae: lingua fordida, albidula: os quasi spuma soluti agitatique saponis plenum. Febres intensæ, & insigniore quotidie accessione notatæ; calor digitos tangentium urens, urinæ mox initio morbi hypostasim surfuraceam, lateritiam, habuere. *Novem-
bris.*

Erant pleuritides veræ, inflammatoriæ; verum aliqua labe biliosa contaminatæ. Phlebotomiæ & usus emollientium morbum levarunt, fregerunt. Attamen sero tandem, morbo nempe provecto, & inflammatione fracta, bilioso autem vitio insurgente vomitio arte concitata mirifice juit.

Perpaucæ harum pleuritidum, hoc modo curatarum, in intermittentes desierunt.

Quibusdam decimo quarto morbi hujusce pleuritici die primum ad nos allatis, & nullo ad id usque remedio usis, sputa prodibant plurima, pingua, purulenta: febris vix ulla jam, & evanescens: amaror oris; & subinde spontanea biliosa emesis: noctu molesta tussis, & sudationculæ nocturnæ. Phthiseos minæ.

His parca v. s. profuit, & potus primo emolliens, nitrosus, subacidus, & tandem emeticum lenius; nisi si forte vomuissent sponte.

Demum aut lichenis islandici aut polygalæ, vel vero corticis peruviani, decoctum propinabam. Convaluere non multo post, si Vetulam exceperis strigosam, excarnem, lotricem, quæ sputorum purulentorum maximam vim, noctu potissimum, unaque vitam, extusitabat.

Chloroticarum quarundam febris continua. Quædam Fœminæ hoc mense, æque χλωρο-
τεγαι, ex febre continua decubuere surdastræ, stupidæ, immobiles, taciturnæ, & veluti jam-jam dormituræ; pulsibus & urinis, aut non omnino, aut modicissime, mutatis; genis rubentibus, aut utrisque, aut alterutra, altera virescente, utroque hoc colore instabili; ambitu narium virescente; linguis humidis, sæpe prærubris, raro siccis, nunquam ligneis. Hæ febres nullas habebant accessiones, erantque continuæ. Odorem aceti acerrimi omnes spirabant, cum ad nos venirent, nares vel procul Adstantium ferientem.

Non poteram advertere quam ratione, & qua crisi, solverentur.

Sub finem morbi tussis accessit, sicca, nocturna, respiratione illæsa, & indolente.

Convaluere omnes intra 14. & 20. dies.

Hæc febris stimulos non tulit, nisi subinde, & serius, & blandos. Nonnunquam avara manu initio pauxillum sanguinis detraxi; præcipue ubi eum difficilius per pulmones tranare adverti. Plerisque una saltem vice radicem ipecacuanhæ dedi. Urgentioribus obviam itum est, & febris ita attemperata, ut se ipsa tandem confecerit. Florum arnicæ decoctum plerisque multum opis tulit.

Tres Fœminæ febriculam querebantur vagam, ^{Exanthemata} aut vespertinam, oris amarorem, deperditam ^{scabiem} orexin. Orto repente exanthemate scabioso, ^{referen-} vari visæ sunt. Vomuerunt biliosa propinatoria. emetico. Febris omnis abstersa est, & efflorescentiæ exaruerunt.

Medio mense paucae anginæ, & rheumata brachiorum.

Sub ultimos Novembris dies pulmones maxime tentabantur tussi multa, gluten excutiente. Hinc febres putridæ, continuæ; utut perpaucae fuerint hac tempestate; febres quoque remittentes, & intermittentes, ocyus, serius, tussim sibi sociam junxere, diu durantem, etiam in Convalescentibus, cum metu phthiſeos, sed vano.

Queis pulmo laxior erat, Fœminis, Lotricibus, olim Hæmoptoicis, hæc tussis præcipue inimica fuit, subinde pernicioſa.

Sub hæc ultima mensis tempora catarrhi, peripneumonix nothæ, asthmata, phthiſes pituitosæ fuere frequentiores.

His noctes erant invisæ, & tussitando peractæ.

Rheumatismi complures, vespertini, nocturni, instar rheumatis syphilitici, longi, sanatu difficiles. Anginæ ejusdem indolis cum rheumatismo.

Venæſectione præmiſſa, leniora purgantia, & non raro emeticum, præſidio fuere.

Quosdam, irritis & hiſce, & aliis quam plurimis remediis, conservæ herbarum antiscorbuticarum sanarunt.


Uni alterique Febrienti brachium rheumate tentatum pus fecit, copiosum, tenue, virescens. Convaluerunt.

Quidam id genus anacatharsin sunt passi, longam

gam nempe, & tenuem, & virescentem. Phthi-
seos inchoantis species erat, cui lichen islandi-
cus medebatur.

Morbi tamen universim non plurimi, & non
lethales.

Mortes quædam hominum, jam antea & diu
phthysicorum.



D E C E M B E R.

Primo quatrIduo frigus nebulosum.

5ta nives toto die cecidere, quæ vix biduum
superarunt, colliquefactæ tepido madore. Inde
vero frigus moderatum siccumque perstitit ad 18
usque, quam pluviae & nebulae obscurarunt.

Ab eo tempore frigus mediocræ, siccum, se-
renum, ventosum per totum reliquum mensem.
24ta nives, ne quidem ephemeræ, ceciderunt,
atque iterum ultimo mensis die.

Die 25. mercur. altiss. - 28 poll. 7 lin.

Die 30. ejus maxima depressio 27 poll. 3 lin.

Die 10. calor maximus - + 11 gr.

Die 4. & 25. frigus maximum - $\frac{1}{2}$ gr.

Calor medius. - - - + 5 gr.

Iidem morbi, qui sub exitum Novembris pas-
sim sunt visi, hunc etiam mensem notarunt; nu-
mero pauci, & raro perniciosi; vix ullæ febres
continuae hæque phlogisticoteræ; sed rheumata
plura, quædam supra modum rebellia, nec nisi
mora; & ordine temporum mutato potius, quam
arte, sanata; erysipelata quoque plura.

*Rheuma
frequens
& perti-
nax.*

Chlo-

Chloroticæ complures, pituitam acidam item- *Chloro-*
que assumpta vomebant. Pejus hoc mense habue- *ses.*
runt id genus Aegræ.

Febricula, cardialgia, palpitation cordis, &
difficilis, si movebantur, spiratio erat.

Dabatur remedium solvens, salinum; deinde
ippecacuanha, tandem conservæ trifolii fibrini, &
cochleariæ, cum pauxillo rhei, radice gentia-
næ, floribus salis ammoniaci martialibus hos fœ-
dos Virginum colores emendarunt.

Quartanarii complures, qui morbum adulta *Quarta-*
æstate, aut initio autumnii contraxerunt, primum *næ.*
hoc mense nos accesserunt. Corticem peruvia-
num aut non ferebant omnino, aut nonnisi fero,
& remediis multis solventibus præmissis, & eme-
ti celebrata. Tandem dari quibusdam cortex
potuit, ita tamen, ut silente paroxysmo desisti-
debuerit, ob tumorem præcordiorum, tussis &c.
& solventium, aperientium usus resumitur. Quibus-
dam quartana in continuam est versa, cortice
propinato.

Præstabat, exhibito electuario ex conserva na-
turt. aquat. trifol. fibrin. sale ammon. aut flori-
bus sal. ammon. martialibus & extracto absyn-
thii parato, febrim lente conficere. Consultius
fuisset, flores arnicæ exhibere, sed quibus con-
tra quartanas hoc anno nondum utebar.

Phthises plurimæ, utique non consummatæ, ex *Initia*
catarrho æstivo, & autumnali neglecto. *phthi-*

Quidam ex longo id genus catarrho Hæmop- *ses.*
iici sunt facti. His primo phlebotomia una,
quin & altera profuit, & diuturnus solventium,
emollientium usus: Plerique his solis convalue-
runt: Nonnullis solummodo, fero tandem, sub-
ata nempe pulmonum phlogosi, & succis autum-

ni spissioribus attenuatis, dilutisque, lene subinde emeticum, tussim una, & hæmoptoën sedavit. Lichene islandico, & polygala, contra relapsum præmuniebantur.



S E C T I O I I .

E P H E M E R I D E S

A N N I 1779.

SECTION II.

THE MEDICAL

ARTS



JANUARIUS 1779.

Quæ die hunc annum ordiente nives delapsæ sunt, perstitere, exiguis hinc inde proventibus auctæ. Urens gelu, & siccum perpetuo fuit, cœlo plerumque sereno. Extrema vero mensis tempora aliquantum erant nebulosa, & nubilosa

Die 23. merc. altissim. - 28 poll. 7 lin.

Die 1. infirmæ ejusdem statio 27 poll. 2 lin.

Die 9. & 24. frig. maximum — 10 gr.

Die 1. & 21. calor maximus + 3 gr.

Calor medius - - - - - 2 gr.

Quidam hoc mense ad nos venerunt cum irradicatis quartanis; cum sæpius usus essem conservis nasturtii aquatici, & trifolii fibrini aa. $\mathfrak{z}\text{ij}$. cum pulv. rad. gent. & flor. sal. amm. mart. aa. dr. ij., & non Pauci curarentur, quidam vero non emendarentur, nec a cortice, nec a conservis his; hinc dedi sequentes pilulas: \mathfrak{y} . Sapon. venet. unc. β . Gum. amm, dr. iij. massæ pil. Ruff. dr. β . Elix. propriet. q. s. ut fiant pil. gr. iij., ter per diem pil. quatuor sumat. Statui, præcipue in Fœminis, HAENIANA metho-
do uti, quam Is scilicet adhibuit in omnibus fere Fœminarum morbis, iis nempe, qui languidiori humorum, eorumque spissiorum, motui debeban-
tur

tur (& quot illarum morbi huic causæ non debentur?) fausto hæc omine dedit, in perquirendis morborum chronicorum causis mire sagax, & in iis sanandis multo felicior, quam in acutis.

Respirationis vis quanta sit ad vitam, vel mortem, & quam securas iusta illius æstimatio prædictiones suppeditet, hoc mense aliquoties vidi. Respiratio abbreviata, & simul accelerata, ita, ut inspirationes & expirationes pusillæ sint, seque cito insequantur, pessima est, licet omnia alia bona esse videantur: quamdiu tam in putridis, malignisque, quam etiam in inflammatoriis thoracis morbis talem respirationem non videro, non despero; at, ea præsentē, neminem vidi convalescere.

Ea ita brevi, citataque existente, utut bonus, & vix celerior naturali pulsus sit, nil est sperandum.

Si in peripneumonia, aut pleuritide inflammatoria, immo in cujuscunque visceris inflammatione repente respiratio curta, & celeris evadat, (quod tempore pulsus multum solet emendari, minus celer, & debite mollis fieri,) mors ostia pulsatur.

In cadaveribus horum reperitur inflammatio ex magna parte soluta; sero nempe *copiose*, & *subito* in cavum quoddam, aut thoracis, aut pericardii, aut abdominis, transsudante. Subita talis mutatio in pleuritide est illa funesta pleuritidis in peripneumoniam metamorphosis: inde mors suffocans.

Vidi Puellam rusticam in febre maligna pulsu *evanescente* per duos fere dies jacentem, at placide respirantem: vesicantibus, & *magnis* dosibus camphoræ, sanabatur.

Juvenis Scriniarius Nro. 12. decumbens, per tres dies frigus marmoreum omnium artuum habuit;

buit; faciem collapsam, vere Hippocraticam; nihil pulsantis arteriæ, nisi *subinde & tenuissime* micantis, & mox evanescentis, & languidissimos motus cordis: surrexit subinde ad alvum ponendam, subinde tamen non: *placide & Saporum instar* respirabat; lingua aridissima exigua rotundum ligni frustillum referebat, adeo erat contracta, & rigens; auditus gravissimus: tamen, utut tarde, vinolis, vesicantibus, camphora, angelica, *sensim* vis, & sanitas rediit. Neminem vidi morti tam propinquum, qui iterum convalesceret.

Circa medium Januarium complures venerunt *Pleuritici*; pleuritis non sævissima, *rheumatico-inflammatoria*. Dolor *latam* thoracis plagam occupabat; sæpe jungebatur doloribus artuum, illorum præcipue, seu inferiorum, seu superiorum, qui lateri dolenti respondebant: sputa rarissime cruentata. Morbus solutu non difficilis: emolumentum; venæsectio.

Observavi debilissimos subinde pulsus in *hac* *Fallax pleuritide*, qui *detracto sanguine* fortiores evadebant; prout scilicet dolor mitigabatur. Metuebant in paucis quibusdam Fœminis, laxioribus, & fere chloroticis, frequentius, ac copiosius menstruantibus, cum dolore *tali* pleuritico corriperebantur, & pulsus exhiberent mollissimos, debilissimos, secare venam; hinc primo timide, & parcissime sanguinem detraxi, visurus, quomodo ferant; mox, audacior factus, plus detraxi, pulsu inde validiore effecto, & secuto mox levamine.

Judicabantur hæ pleuritides omnibus viis; sudoribus, urinis, alvoque; rarius sputis: sudoribus vero omnium creberrime, sed spontaneis, & rarius abortis.

*Pleuri-
tis inter
Fœminas
crebrior.*

Id etiam mihi præter morem aliis annis consuetum acciderè videbatur, quod *Fœminæ* præ Viris hac specie pleuritidis laborarint. Complures certe habui, easque debiliores, delicatiores; evacuationibus sanguineis, profusis nempe menstruis, & ante tempus legitimum recurrentibus, exhaustas; quas hæc pleuritis præprimis corripuit. Venæsectionibus, emollientibus &c. curabantur: sanguinem habuerunt pleuriticum.

Nempe virile robur, aut Viraginum conditionem inflammanti aëris hyberni stimulo hucusque resistere videbatur; cui delicatior, & irritabilior magis, Fœminarum fibra male obsecundabat.

Linguam habuere mucosam, quædam etiam arenam, & saporem assumptorum pravam; sed arida humectabatur potu emolliente, qui etiam enervando, si quid simul putridi subfuerat, diluendoque, gustum restituit.

Plerique hac tempestate Inflammati, in principio morbi, subinde etiam in ejusdem progressu, biliosa, pituitosaque cum levamine vomuerunt, sed sponte.

Pleuritici rarissime anacatharsin cruentam patiebantur; sed quatiebantur tussi sicca creberrima; quæ tandem aliquid muci excutiebatur.

Decubere in latus sanum paulo facilius, nequaquam autem in latus affectum.

Pulsus in carpo lateris affecti multo minor debiliior, & contractior semper observabatur, & dolor non diu, nec pertinaciter uni plagæ infixus, si quid remedii adhiberetur; sed superiora petens, aut ad artus extremos, unde sæpe initio venerat, sese recipiens.

Crustam emissi sanguinis plerumque modice luridam, & discolorem vidimus, flavam, virentem cineream, liventem, aut variegatam. Plerumque

que etiam non contrahebatur, sed mansit diffusa, at tenacissima.

Levabantur dolores laterum admoto fotu; aut tiam vesicante, phlebotomia præmissa.

Quibusdam dolorem ex fotu emolliente ita vocari ad externum thoracem vidi, ut Æger attractum non ferret.

Aliis, quibus dolor aut fotu, aut vesicante, discutiebatur apte & cito, febris tamen ipsa manet per plures dies; donec alvo, urinis, sudoribus notis sensim ægritudo fatisceret.

Hæ tamen excretiones urgeri neutiquam debent, sed sua sponte incipientes adjuvari.

Quibusdam vero, quibus generosior cura antiphlogistica facta est, præcipue sanguine liberatus e ducto; morbus in putridorum castra transiit.

Quidquid erat morborum febrilium, hanc fere pleuritidis curationem poscebat; nitrosis, emollientibus largiter haustis, & sanguinis moderatis missionibus, peragendam; & si etiam longius, & pertinacius, malum videbatur, non licebat impetuosius agere, nec esse præcipitem. Continuo ubi inclamare Medicus debebat: *σπενδε βραδεως.*

Hæc observatio in cura Phthysicorum momenti est; cum oporteat paullo aliter Phthysicis mederi hyeme, sicca, præcipue, & borea, quam æstate atque autumnno.

Quibusdam enim, quibus per æstatem atque autumnnum cortex peruvianus, lichen, & polygalæ radix multum levaminis tulit, morbus repente recrudescere cum febre cœpit, & dolore pleuritico. Plerique mortui sunt, atque a morte pulmonum abscessus, majores, minores, apertos, conclusos, reperimus; sed abscessibus interjacentem substantiam, carni duræ simillimam, direque inflammata. Aliis, qui in principio phthysicos

Phthysicos hoc mense curatio.

Ei frequenter inflammatio jungatur.

adhuc versabantur, & quibus initio prodesse li-
chen, polygala, cortex peruvianus, deinde ve-
ro nocere visa sunt; superveniens inflammatio
mature depulsa est, fuerantque præsentī periculo
erepti, ut longæ iterum ægritudini committeren-
tur. His sanguinem, sed moderate, detraxi, &
& emolliente potu, ex althæa parato, tussim
asperam, & dolores laterum delinivi. Subinde
huic potui aliquid gummi arabici admiscebatur;
unde multum visi sunt allevari.

Coriaceus, ubique sanguis erat, etsi corio tam
in his, quam in omnibus aliis hæc tempestate in-
flammatis, discolori, plumbeoque, flavo, virentē;
crasso tamen subinde & contracto, ac fimo-
briato, cruoreque pariter tenaci.

*Odontal-
giæ pe-
riodica,
item alia
rheuma-
ta perio-
dica cor-
tice sana-
ta.*

Hoc mense odontalgiaæ frequentes fuerunt;
quæ primo continuæ erant; dein remiserunt;
ita, ut interdū vix & mitissime, atque per vices
affligerent; noctu vero crudelissime Ægros excru-
ciarent, donec sub auroram denuo mitescerent;
nil profuit, nisi, præmisso solvente salinoque re-
medio, cortex peruvianus; qui minori dosi & ci-
tius hæc odontalgias compressit, quam alias solet
intermittentes comprimere.

Artuum etiam dolores nocturnos vidi hoc men-
se, nonnisi cortice peruviano sanandos, quem sa-
libus, stibio diaphoretico non abluto, præmissi-
(hæc subinde sola curando huic morbo suffecerant
ferius exhibuimus, dosi non magna, nec diu
absque tamen relapsu.

*Dolores
venerei
nonnun-
quam in-
terdiu
gravio-
res sunt,
noctu mi-*

Puella dolorem colicum habuit levi febricula
horrore, maxime vero calore, & tandem su-
dore stipatum, qui quotidie ab hora 3tia po-
meridiana ad sextam duravit, ad omnia rebel-
lis; febrim larvatam existimans, corticem frustra
largiter diuque dedi: tandem, cum tumorem li-

oii dextri pudendorum noctu dolentissimum Ægratiores, *et si ple-*
monstraret, mercurium sublimatum dedi: non *rumque*
multo post convaluit. *contra-*

Vidi etiam alios dolores venereos *constanter* *rium ob-*
tiarnos; & noctu penitus silentes. *tineat.*

Didici, quantopere etiam in chronicis morbis,
iis quoque, qui omnium temporum appellantur,
atque etiam sunt,) oporteat ad anni constitutio-
nem respicere, atque inde velut ab oraculo doce-
ri, quidnam agere in te dubia expediat.

Pleuritides numero plures sub ultima mensis
tempora offerebantur, atque etiam magis inflam-
matoriæ; nullam tamen lethalem vidi, sed om-
nes emolliente ac tepido, assiduoque potu ac ni-
troso, cataplasmate item ad latus dolens adplica-
to, & sanguinis missione una, binis, tribus, fe-
liciter atque benigne resolutas.

Dysenteriam unam sanavi emolliente solum po-
tu, mucilaginoso, ac tepido fotu abdominis, &
phlebotomia.

Febres putridæ hac tempestate fuerunt perpau- *Febres*
cæ, etsi complures inflammatoriæ, cæ præci- *inflam-*
pue, quæ nullam aut levem solum, topicam *matoriæ*
inflammationem sibi sociatam habuerunt, *hujus*
menfis.
putre-
linem mentirentur. Quippe & sapor aderat, &
linguæ conditio, dentium sordes, nausea, vom-
ituriones, vomitus, & alvini fluxus spontanei,
& urinæ, prout hæc in febribus putridis solent
apparere. Nihilominus inflammatio suberat uni-
versalis; & phlogisticus lentor, venæsectione;
emolliente, nitrosoque potu solvendus.

Qui *has* febres *hac* methodo feliciter sanave- *Sapius*
at, *putridas febres* antiphlogistica solum metho- *putridas*
do sanasse arbitrabatur, cumque bonam fecisse *mentie-*
medicinam existimabam, sed male fuisse ratioci- *bantur.*
atum; morbumque alieno nomine salutasse.

Sanaverat enim *inflammatorias* febres non *putridas*; attamen quodam putredinis fuco contaminatas, quem potulenta antiphlogistica & alvus pronior absque negotio deterferant.


Id ita esse, aliunde etiam docebar; quippe hæc febris non Robustissimos invasit; neque pancratice Valentes, in quos phlogosis alias facilius cadit, sed debiliores, & Fœminas præ Viris.

Largiores, quam oportuerat, venæsectiones, & curam antiphlogisticam morbo ipso majorem impune non tulerunt. Fiebat enim hac ratione inflammatoriæ febris in veram putridam conversio.

Quare? Hanc febrim *salutarem* judicabam, atque naturæ instrumentum, quo illa prædominantem æstatis, atque autumnii humorem, mutata nunc temporum conditione æque immutat, atque invertit. Sed exorbitantes motus medicatricis licet febris ad justam oportuit mediocritatem reducere.

Et quo adventu? Fuere, qui has febres *fictitie* putridas, *reipsa* inflammatorias, antiseptica, & stimulante methodo aggressi sunt, vomitoriis, cortice peruviano, vesicantibus, camphora, moscho &c. earumque malignitatem multo majorem, quam qualem æstate viderant, incusabant. Eorum Ægri moriebantur. Erratum in diagnosi est in perniciem Ægrorum: tantum interest in morborum cognitione externa specie non decipi, sed ipsa ægrum viscera rimari, & nosse.





F E B R U A R I U S.

Primis diebus aura molliori cœpit, & nebulis pinguioribus humectari, atque acris hyemis dissolvi, ut nivibus deliquium instaret, quæ die mensis quinto cadente austrina pluvia penitus contabuerunt.

A die octavo vernus tepor, & amœnitas multa, ad finem usque obtinuit; ita, ut post medium mensem vividiora hinc inde germinationis molimina comparerent.

Diebus 17. 18. 27. 28. mercur. altiss.

28 poll. 6 l.

Die 7. infimus locus - - - 27 poll. 11 l.

Die 1. & 2. frig. maximum - - - 3½ gr.

Diebus 25. & 28. calor maximus

+ 10 gr.

Diebus 9. 12. 13. aurora borealis.

Calor mediûs - - - + 5½ gr.

Hoc mense rheumata multa observabantur, *Defluxiones*
ta, ut quotidie magnus Ægrorum numerus no-
ocomium accederet. *populares.*

Defluxionum magna varietas, & differentia
fuit, ex febre potissimum, & ex parte corporis
egrotante repetenda.

Febris nempe plerumque non magna fuit, *varia.*
nterdiu præprimis, sed vesperi horripilatione
prægressa intensior noctuque; donec tandem
post dies non multos, nec certo numero defini-
os, evanesceret sensim.

Plerique sordes oris conquesti sunt, mucosas
maxime, insipidasque, quidam etiam amaras.

Quidam febrilia symptoma nulla exhibuerunt.

Dolor dilacerans fuit, vesperi auctus & noctu, interdiu silens, aut remissus. Quibusdam genua, & carpi, tumuere, tumore dolentissimo, instabili tamen; & intra nycthemeron profugo, ubi alius alibi aut tumor exoriebatur, aut dolor.

Dolores nocturni articulorum, aut partium inter articulos sitarum, subinde diutissime persistabant, et si febris decursum dudum absolverat.

Mira morbi variatio fuit, si partem spectemus ab rheumate occupatam.

Hinc cephalalgiae vespertinae, occipitis, sin- cipitis, unius lateris, ophthalmiae defluxiones ad dentes, fauces &c.

Fuit, quæ nobis committebatur, florentis æta- tis Foemina, glandulis submaxillaribus tumidis, tumente etiam parotide utraque. Loca dolen- tia contrectari citra gravem dolorem non potue- runt. Rheuma inter scapulas; febricula. Die morbi 3tio cum difficultate deglutit, & obsta- culum queritur paulo supra sternum, cum labo- re respirat, ob dolorem ad caput asperæ arteriæ præprimis, per omnem quoque ejus- dem canalis longitudinem ad usque supremum pectus, eumque pungentem, & intensiorem in- ter inspirandum; guttur contrectatum gravius doluit.

Nocte, diem morbi quartam excipiente, diffi- cillima respiratio fit ob punctorium dolorem gutturis totius cum suffocationis discrimine.

Die morbi quinta ad nos venit laboriosissime & cum dolore dicta ratione respirans; tumentibus glandulis submaxillaribus, & parotidibus. Glo- citabat identidem voce, & modo tali, quemad- modum gallus indicus solet ad iram concitatus. Fauces inspectæ nihil alieni exhibuerunt; om- nium artuum ad extremos usque digitos rheu- ma

matici; pulsus naturalis, at assidua hucusque horripilatio.

Ægra hæc venæsectione una, fotu emolliente faucium, gutturis, parotidum, potu emolliente nitroso, & tepido, demum stibio diaphoretico non abluto, brevi convaluit.

Quosdam assidui dolores abdominis cruciabant, postquam artus dolore cessaverant, vel etiam artus una & intestina doluerunt. Colicos nosce cruciatus ab rheumate interanea obsidente credidimus.

Quibus venter hoc modo doluit, simul alvus fluxit, hi mucum pendulum, velut ranarum sperma esse solet, vel etiam qualis in calculosorum urinis observatur, in fila ductilis; crebro, & torminose, & cum tenesmo dejecerunt, identidem cacaturientes. Mucum hunc subinde sanguis ingebat. Morbus dysenteriam referebat, sanavi amen ut rheuma intestinorum phlogisticum, venæsectionibus sanguinem lardaceum exhibentibus, cataplasmate, fotuque abdominis emolliente, & potu tepido, mucilaginoso, mucilagine potissimum gummi arabici.

Dolore omni profligato, subinde collecta & ductior saburra excuti ore potuit tuto, quin & leebuit. Diarrhæam, si qua restitaret ob inductam intestinorum lubricitatem, emendaverunt infusio decoctum radicis arnicæ, amara, interpositis subinde paregoricis, & vinum austerum.

Quidam difficulter, & cum ardore mingeant; malum hoc subito nonnunquam, prægressio partis cujusdam alterius dolore veluti destillatorio, nunc vero dissipato, accessit, *rheuma vesicæ* appellabamus. Potus tepidi emollientes, & cataplasma consimile dolenti pubi & perinæo admotum profuit.



M A R T I U S.

Ab eadem cœli clementia, quæ Februarii partem potiore commendabat, etiam hinc mensis initia sumfit; hanc tamen exacto triduo denuo depulsam lugebamus ab incurfante Boreæ frigidiorē, atque immiti.

A medio mense ad diem usque 25tam friguss boreale mutari occepit *grata vice veris*, & *Favonius*, & germinantis naturæ conatus præcociores, suspensique parumper ob auram asperiores, denovo edi, donec extremos Martii dies asperaret novum gelu.

Die 5. merc. altissim. - - - 23 poll. 6. l.

Die 15. 18. 19. infim. ejus statio - - - - - 27 poll. 9 l.

Die 6. frigus maximum - - - - - 2½ gr.

Die 26. 28. calor maximus + 13 gr.

Calor medius - - - - - + 8½ gr.

Peculiaris species febris putridæ.

Initio hujus mensis inter Viros maxime, attamen numero non magno, febrium putridarum species observabatur, quæ more peripneumonico invasit; sanguis crustam gelatinosam, diffusam, cineream habuit. Sanguis parce, licet repetitum, at initio missus profuit, tollendo topicam pulmonum inflammationem; dein vero decoctum graminis &c. cum oxymelle, vel oxyfaccharo copiose pota mirum juvarunt. *Rarius*, & morbo tantummodo præcœtore, emesis subinde utilis erat. Non erant autem febres saburrales primario putridæ, sed tantum secundario putridæ, & subinde.

Aliena illa, & incognita conditio, quæ vocabulo

bulo *putredinis* exprimitur, primitus in viis secundis, quacunque demum ratione nata esse videbatur, non autem ex viis primis in secundas primum traducta.

Febris *uno* tractu pergebat absque violentis symptomatibus, sine exacerbatione, nisi paucula, & nocturna. Somnolentia assidua, lingua mucosa, os raro prævum. Cortex peruvianus, arnica, aromatica, & omnis generis stimulantia debebant exulare. Antiphlogistica profuerunt; incerta morbi duratio. Nulla manifesta crisis.

Cum die mensis quarta frigus boreale, siccumque & ventosum ingrueret, multi pleuritici facti sunt, dolore validissimo. Venæsectiones complures, crusta ingens, crassa, diffusa non contracta, & quemadmodum in rheumatismo inflammatorio solet observari. Tepidi potus. Cataplasmata emollientia ad latus dolens. Erant veræ, & graves inflammationes, nihilominus quibusdam, sero licet, & fracta phlogosi, emeticum profuit; morbo nempe inflammatorio transitum moliente in febrim saburralem.

Quos hæmorrhoids subinde vexavit, hi etiam hac tempestate eiusdem molimina conquerebantur, & subinde graviter decubuerunt, tenesmos inter, & colicos dolores, & febrim inflammatoriæ: profuit methodus antiphlogistica; venæsectio scilicet, potus apti, & hirudo, demum eccoprotica.

Hoc mense compluribus Gravidis abortus intababat mense quarto, aut septimo, dolores Partientium, febris. Venæsectio, emulsa nitrosa, quies: uni etiam post hæc remedia, quæ dolores pariendi mitigabant, non profligabant, vomitus sponte primo secutus, & pituitam elicis,

Metus abortientium di populares.

ens, dein etiam arte concitatus, ita profuit, ut omnis abesset, post vomitum, lumborum, & abdominis dolor, pariendique molimina. Alteri, subinde antea fluentes hæmorrhoides passæ, & abortum metuenti, hirudo dolores, & nifus pariendi sustulit.

*Frequen-
tius fe-
bris pu-
trida post
medium
Martium
visa præ-
ter varia
alia acci-
dentia,*

Post medium mensem febris quædam putrida frequens fuit. Caput omnibus valide ægrotabat, confusum, stupidum. Sensuum tarditas, somnolentia peculiaris, & taciturna tandem, noctu præsertim, deliria.

Saburralia signa multa adfuere; verum phar-
maco propinato, sive id vomitum, sive alvum
cieret, nullum, aut perexiguum, levamen, id-
que ipsum non durabile. Post paucos dies lin-
gua exaruit, intensiore, assidua, & comatosa
in somnum proclivitate. Os fuliginosum non
paucis. Inter dormiendum oculis non raro, &
præter consuetudinem connivebant. Quod si
uterque oculus inæqualiter conniveret, Ægros
magis periclitari judicabam. Et, neque hoc,
nec aliis annis, ullum novi sanatum, cui in acu-
ta febre, licet quædam comparerent non mala,
quin etiam salutaria, alter oculus alter major
fieret.

*sæpe pe-
techias
habuit
morbil-
lesas.*

Incertis morbi diebus nonnunquam exanthe-
mata proruperunt non levantia, sed neque læ-
dentia, petechialia, morbillos exacte referentia
magnitudine, formæque, læte rosea, nisi quod
subinde cinerei coloris, subinde modice subflave-
scentis essent. *Petechiæ morbillosæ* appellaban-
tur. *Lenticulares* fuere rariores.

Pulsus pleni, fortes, duri, naturalibus modice
tantum celeriores. Durities, & vibratio pul-
sum aliquoties post venæ sectiones repetitas au-
geri visa.

Nares subinde sanguine manabant, sine evidenti levamine.

Sanguis phlebotomo eductus *roseam* plerumque crustam habuit absque sero, & cum insula tenacissima. Quibusdam tamen crusta plumbea fuit, cinerea, obscure & absolute flava, diffusa, tenax, non fimbriata.

Urinæ naturalibus magis flavæ, auræ; nunquam autem flammeæ, aut exquisitè inflammatoriæ.

Febris hæc initio quotidie, & paullulum remisit, & modice exacerbata est præcedente levi horripilatione; tandem nulla aut remissio, aut exacerbatio notabatur: continua tunc fuit.

Varia morbi duratio fuit ad duas, tresve septimanas: crises variæ, nullæ tamen evidentiores, aut magnæ, aut cum tumultu, pleræque fatiscere sensim videbantur *angustius*.

Omnibus plus, minusque, thorax peripneumonicæ, aut etiam pleuritice, laborabat.

Sanabantur plerique, & plurimi.

Profuerunt antiphlogistica sola; venæsectiones nempe iteratæ, & decocta radicis graminis, taraxaci cum nitro, & oxymelle.

Profuit quoque omnibus alvus pronior, & crebro enemate sollicitata.

Res maximæ momenti fuit, Ægros lecto eximere, & sedili imponere, ut erecti a somno prohiberentur. Nemo nisi expertus novit, quanto *Magni momenti observatio in curanda hac febre.* coacta a somno abstinencia eandem restinguat, & mentem a delirio præservet.

Emeses non profuerunt, nec purgationes, nisi subinde, *absterfa phlogosi*, morbo multum provento, & jam non tali, qualis hucusque fuerat, sed *converso* in febrim putridam *saburralem*.

Vesicantia, camphora, serpentaria, contrajerva, vinum, &c. quibus Ægri ante adventum ad nosocomium utebantur, male cesserunt.

Incisa cadavera latentes alicubi inflammationes exhibuerunt, in thorace potissimum, nonnunquam etiam in abdomine.

*Febris
putrida
sanguinea.*

Hanc febrim exanthematicam dicebamus *putridam sanguineam*; ut eam distingueremus a *putrida saburrali*, qualem sordes putridæ e systemate gastrico in sanguinem attractæ solent generare: in nostra vero *putrida sanguinea* vitium in systemate sanguifero *primario* natum videbatur.

Hæc putrida sanguinea erat simul etiam *indolis inflammatoriæ*.

*Petechiæ
non factitiæ.*

En petechias *non factitias*, sed *sponte* natas. En febris quoque petechialis *speciem*, & *quamdam* febrim putridam, quæ methodum *calefacientem* æque averfatur, ac methodum *emetico-catharticam*, sive antibiliosam, quæve unice amat methodum *refrigerantem*, atque *antiphlogisticam*.

*Non est
una eademque
methodus
medendi
in omnibus
& singulis
febribus
putridis.*

Sed Qui omnes, aut plerasque saltem, febres putridas, quarum, sub eodem licet vocabulo comprehensarum, differentiæ multæ sunt, & *essentiales*, antiphlogistica, ac refrigerante, methodo sanandas contenderet, aliasque sanandi methodos in aliis putridarum speciebus proscriptas vellet; næ is multis parasangis aberraret a vero, atque ab omnium sæculorum observatione.

Hæc febris *putrido-inflammatoria* hyemes minus boreales, & magis austrinas amare visa est, itemque vernos menses; expiratura jamjam constitutione phlogistica hyemis borealis.

Subinde etiam sero autumno inflammatorio: brumæ morbos orditur.



A P R I L I S.

Exordium asperum, & gelidum: verum a die quarta increscere cuncta potentius cœperunt ad diem usque 17^{mam}, ubi ventus frigidior, nos veris calores quatrIduo repressit, cœlo nihilominus constanter sereno, & siccitate producta.

Die 2^{ma} calor æstivus potius, quam vernus successit, quem die postera tonitrua exceperunt inter æstus intensos.

Die 23^{cia} pluviae ceciderunt post diuturnam aquarum penuriam desideratissimæ, & cœlo dulcum, sed irritò, devocatæ.

Extrema tempora moderatius caluerunt, saluares subinde pluviolas experta.

Die 2. merc. altissim. - 28 poll. 6 lin.

Die 9. infima statio - - 27 poll. 8 lin.

Die 15. 16. calor maximus - + 19 $\frac{1}{2}$ gr.

Die 17. 18. calor minimus - + 4 gr.

Calor medius - - - - + 14 $\frac{3}{16}$ gr.

A primis hujus mensis diebus plurimi pleuro-peripneumonici facti sunt, maxime Viri: dolor *implam* plagam occupabat, febris validissima. sanguis totus phlogisticus ita, ut parum adfuerit ubræ partis. Venæsectiones largæ requirebantur, & emollientia cataplasmata ad thoracem.

Quosdam etiam hepatitis aut sola, aut cum leuoperipneumonia, affecit. Quibusdam inflammatio omnem hypochondriorum ambitum occupavit, eumque vel solum, vel una etiam thoracem. Icterus quibusdam in hac hepatide accessit; gravissimus tunc morbus erat.

Præ-

Præter hos inflammatorios morbos; febres *putridæ sanguineæ* adhuc observabantur complures.

Plerique Peripneumonici aut Pleuritici aliquid habuere saburræ, & biliosi, diarrhæa hinc utilis fuit; moderata tamen. Emesis tuta non fuit, nisi *sero*, febre mitigata, aut penitus cessante; dolore interim aut manente, aut iterum suborto.

Mortes ubique multæ.

Fæces plerisque profunde virides.

Circa medium Aprilem quidam petechiis toti quanti obstiti ad nos venerunt, his autem peculiaris saburra erat, scilicet *æruginea*, non *tenax*, sed *diluta*, & *perliquida*; copia non magna, odorem spirabat acido-austero-dulcem, ad instar aceti, cui aliquid lithargyrii admistum fuit. Talis erat potissimum anhelitus, talis odor sudoris, vaporisque perspirabilis, talis etiam quam maxime odor erat saburræ vomitu rejectæ.

Vomitória tunc quidem requirebantur non raro, attamen tantum levaminis ac alias in biliosis; non attulerunt, ob adjunctam topicam alicubi; præcipue thoracis inflammationem. Venæsectio una, aut etiam plures, fieri debebant, maxime Viris. His etiam *sola antiphlogistica*, post & ante emesin data, saluti fuerunt; aliis vero; Fœminis maxime, serius ob debilitatem, aut fluxum alvi molestum, dedi infuso-decoctum radicis arnicæ.

Sub exitum Aprilis complures febres habui quotidianas, seu potius tertianas duplicatas post continuam. Hæ intermittentes solventibus continuatis non curabantur, sed cortice, & amaris.





M A J U S.

Initia habuit præcalida, & præfocantia.
 Die 5ta tonitrua, vesperi ventus validis-
 simus asperum frigus induxit ac repentinum.
 Noctu vento cessante pluviae cadebant.

6ta, 7ma serenitas & calor, 8va pluviae par-
 cae, sed gratæ, quas ingens iterum æstus exce-
 pit ad usque 20mam mensis diem, qua aura mo-
 dice refrigerari cœpit, atque impatientius ferri
 post tantos præcipue calores, & tantam calo-
 rum & frigorum vicissitudinem siccitate iterum
 continuata.

Die 23. merc. altiss. - 28 poll. 4 lin.

Die 3. 4. 13. infima statio 27 poll. 7½ lin.

Die 11. calor maximus + 23 gr.

Die 5. minimus - - + 6 gr.

Calor medius - - - + 16½ gr.

Initio Maji plures tertianæ, quæ sub exitum
 Aprilis oriebantur, occurrebant. Tertianæ hæc
 initio simplices fuerunt, dein duplicabantur. Cu-
 rabantur decocto graminis, taraxaci, cichorei
 cum sale medio, dein emesi. Profligato hac
 ratione paroxysmo Plerisque dabatur electuarium
 antifebrile Dispensatorii Viennensis, ut relapsui
 caveretur.

Post initium Maji, complures, præter dictas *Anginæ*
 tertianas, obvenerunt. anginæ tumidissimis consil- *vernæ.*
 is, & meatum sese contingendo intercludentibus.
 Erant inflammatorio-biliosæ, venæsectio, ubi
 phlogisticus sanguis educebatur, debebat institui,
 at perparum inde levaminis, plurimum vero ab
 emetico serius paullo exhibito. Deglutitio enim


antea abolita statim a vomitu restituebatur, deinde dabantur eccoprotica, item gargarismata cum sale ammoniaco. Vesicans, ut alias in angina rheumatica, non profuit, nec cataplasma ad totum collum applicatum, nec fots faucium emollientes.

Præter has tertianas & anginas, observabantur etiam pleuritides, & peripneumoniæ: ejusdem prorsus erant indolis, ac anginæ. Primo enim aderat inflammatio, quæ venæsectiones, sed non crebras, expetiit, & potus multos, deinceps vero ferius emesin, & eccoprotica. Quod enim apud quosdam Ægros faucibus contigit, id evenerat apud alios pulmonibus. Morbus *idem*, eadem ratione curandus, sede solum dispari. Febris erat ex remittentium tribu.

Circa medium Majum complures obvenerunt simplices biliosæ.

In tertianis, post solventia & emesin, profuerunt flores salis ammoniaci martiales in vehiculo amaricante.

Post medium febres biliosæ meraciores, bilis magis flava, copiosior. Ipsius vero lusus complures. Raro jam crusta visitur, nihilominus, in Viris præcipue, phlebotomiam unam aut alteram emesi præmissimus. Quædam erant putridæ potius.



J U N I U S.

Totus ferme hic mensis frigidior fuit, & inclementior, quam aliis plerumque annis soleat; venti crebri, & raræ ac parvæ pluviae. Dies ultimi sereni, & calidi

Die 21. 22. 29. 30. merc. altiss. 28 poll. —

Die 12. infima statio - - 27 poll. 6 lin.

Die 12. calor maximus - + 23 gr.

Die 21. - - - - - + 7½ gr.

Calor medius - - - - - + 16½ gr.

Post initium hujus mensis plures febres rheumaticæ occurrebant, adfuit una & bilis, & phlogosis. Nemine opinaute & subito, materies rheumatica artus deseruit, & pectus occupavit dispnoea, orthopnoea, tussi validissima, oppresione, sputis subinde cruentis. Puella quædam ferme marmoreum frigus repente sensit, post rheuma ex artubus ad pulmones recurrens. Orthopnoea; sudores frigidi in guttas collecti, pulsus ad carpos nulli. Cor inordinatissime, & celerissime, micabat. Vesicantibus, camphora, epispasticis, frictionibus, fotu artuum, vires revocatae. Reliquis, facta depositione ad pectus, & pulsu forti existente, venæsectio, dein vesicans cum potu tepido, auxilio fuit.

Crustæ in sanguine iterum frequentissimæ. Erysipelata phlegmonodea. Etiam Convalescentes experti sunt vim temporis frigidioris; nam passi sunt catarrhos inflammatorios.

Post medium mensem, ubi frigidiusculum tempus fuit, Complures rheumatica febre prehdebantur; fuerat hæc febris inflammatorio-biliofa; tumores genium, ad dorsum manuum, vagi, dolentissimi. Venæsectio, leniora purgantia, profuerunt.

Cum mensis frigidior, & siccus ut plurimum esset, bilis, quæ ultimis diebus Maji æstivos morbos videbatur ordiri, subsidere denuo, reprimique, aut inflammationi conjungi cœpit.

J U L I U S.

Principium mensis confertissimis imbris com-
plutum. Inde ad decimam sextam usque
assiduæ mutationes, repentinæ, & eodem sæpe
die iterato evenientes caloris frigorisque, sicci-
tatis, & pluviarum, cœli fereni, & nubili.

Dies 16ta & 17ma serenæ & calidæ. Dein-
de vero calores magni cum pluviis alternabant;
ita, ut ingens, & exlex fuerit auræ nunc æstuan-
tis, nunc imbrofæ, nunc vero ventosæ, frigi-
dæque vicissitudo.

Die 15. merc. altiss. - 28 poll. 3 lin.

Die 5. & 7. infimus. - 27 poll. 7 lin.

Die 21. & 31. calor max. + 23 gr.

Die 13. 14. 15. minimus + 11 gr.

Calor medius. - - - + 17½ gr.

*Dysente-
ria fre-
quentes,
inflam-
matoria,
subin-
flamma-
toria,
aliique
varii
morbi co-
gnati.*

Post initium frequentes ubique *dysenteria*,
fuit autem earum natura bilioso-inflammatoria,
qualis nempe plerarumque febrium hac tempesta-
te grassantium.

Juvenibus, Robustisque ob doloris *assiduita-
tem*, & doloris ad attactum augmentum, venæ-
sectio, & foris & intus emollientia tepida; dein-
fero tamen, nec ubique, nec semper, emeti-
co-catharticum, vel solum purgans, vel ecco-
proticum.

Non paucas dysenterias sola venæsectio, fo-
tus abdominis emolliens, & potulenta tepida
sustulerunt.

Verumtamen de dysenteria & hujus, & alio-
rum quorundam annorum, inferius ero paullo
uberius disserturus.

Febres rheumaticæ indolis bilioso-inflammatoriæ.

Plurimæ febres erysipelatosæ, erysipelate faciem præprimis, gingivas, faucesque totas petente, ubi ichorosa e gingivis materies fundebatur.

Febres biliosæ simplices complures.

Febres bilioso-putridæ cum petechiis *lenticularibus*.

Eædem hæ febres, sed cum petechiis *morbillos* referentibus, quod genus petechiarum verno, & æstivo tempore hujus anni perquam crebro risebatur.

Rariores intermittentes tertianæ.

Colicæ quædam inflammatorio-biliosæ.

Defluxiones crebræ, variæque; ita, ut fere quivis morborum, quos hoc mense observatosuisse narrabam, aliquid habuerit rheumatis, seu destillationis biliosæ, inflammatoriæ, septicæ, mixtæ.


Erant hi morbi fere omnes *cognati*, & ejusdem familiæ; *ejusdem materiæ*, sed *forma* diversi.

Materies erat *biliosa*, *bilioso-putrida*, sed fere semper cum aliqua *phlogosi*.

Materiam anni tempus generabat, *formam* vero vitæ genus & prædispositio &c.

Methodus medendi initio semper fere debèbat antiphlogistica esse, aut ob præsentem inflammationem, aut ob eandem saltem adfuturam, si fuisset venæsectione & antiphlogisticis catuum. Deinde vero insurgente fors vitio bilioso mesis juvabat: saburras minutiores ipse antiphlogisticus potus, emesi omissa, enervavit.





A U G U S T U S.

Hoc etiam mense tempestas mirifice variabat, pluviis inopinato & crebro cadentibus humidior, præprimis circa medium mensem. Inde vero constantior erat cum siccitate majori. Verum paucos post dies denuo humoris, frigoris, caloris & siccitatis mira & illegitima vicissitudo successit.

Vesperī acutum frigus ad finem usque.

Die 28. merc. altiss. - 28 poll. $2\frac{3}{4}$ lin.

Die 11. infimus - - 27 poll. 8 lin.

Die 7. calor maximus + 23 gr.

Die 27. minimus - - + 11 gr.

Calor medius. - - - + 18 gr.

Dysenteria & rheumatis multiplex domini.

Dysenteria plurimæ, sæpe difficiles, non raro lethales, in omni sexu, ætate: Senibus atque Infantibus maxime lethales.

Febres *rheumatica putrida*, *erysipelatosa putrida*, *petechiales putrida*, petechiis morbillosis, lenticularibus, medio maxime mense, passim & populariter vagatæ sunt.

Post medium mensem, copiosissimis, & perniciosis non raro dysenteriis adhuc durantibus, pleuritides ortæ sunt plurimæ, tam *rheumatica* quam *rheumatico-biliofa*; ejusdem genii, ac ipsa *dysenteria*, a quibus *forma sola* differebant.

Toto reliquo mense innumerabilis seges rheumatum ferocium, rebellium, per omne fere corpus divagantium, nunc hanc, nunc illam partem excruciantium, articulos, pulmonem, thoracicos musculos, intestina. Inde dysenteria adhuc creberrimæ, difficiles non paucæ &c.

Tus

Tusses ferinæ, difficiles, subinde sputa puriformia excutientes, & pulmonem ulcerantes, sub-inflammatoriæ, inflammatoriæ, peripneumonici-
cæ, pleuriticæ, rheumata dolentissima musculorum thoracis tumentium, ubi adplicata emollientia cataplasmata nil effecerunt, aut perparum. Subinde ejusmodi tumor rheumaticus pus coquebat, & in abscessum abiit.

Caute vestitum incedere, cavereque oportuit, ne sudantis corpus frigidiora aura, eaque hoc anni tempore magis inimica septicaque feriretur.

Ultimis mensis diebus dysentericiæ æque grassabantur, & habebant sæpius non exiguam abdominis inflammationem; emissus sanguis fuit instar sanguinis Pleuriticorum. *Plures* subinde venæsectiones, & cum magno levamine, feci: dedi copiosos potus tepidos.

Eodem, quo dysenteria regnabat, tempore, non paucæ colicæ observabantur, item *urinarum difficultates*, alvo interim ordinata. Eadem, qua Dysenterici, methodo, etiam his feliciter medebamur.

Quidam raro, quinquies sexiesque solum intra viginti quatuor horas, dejecerunt, attamen dysenterica, cruenta multa, mucosaque, & terminose,

Mira, & protheiformis morborum variatio fuit, si loca corporis ægrotantia spectaveramus: *eadem* licet morbifica materie præsentē, & *eadem* quoque proficua medendi ratione,


Antiphlogisticus apparatus, non ille quidem generosior, & qui sanguinem *copiosum*, & crebro exantlat, sed qui parcius, quive tepidorum potulentorum diluvio, & locorum dolentium assiduo fotu medetur, primas tenebat. Phlogosi vero, quæ omnes fere hujus æstatis morbos,

tāquam fūco illitas vidi, penitus absterfa, aut Ægrotus convaluit, fatifcente nempe, atque fubmerfa biliofa illuvie, ubi hæc exiguae molis erat; aut vero, Ægro nondum fanefcente, morbum reddidimus *simpliciore*, ut, qui antea inflammationem una habuerit, nunc, ea depulfa, fuerit *mere faburralis*, gaſtrica dein evacuatione fanandus.

Non erant hoc anno promptæ illæ morborum fanationes, quas annis *bilioſioribus*, & phlogofi carentibus videre atque admirari contingit.

Necellum fuerat non ignorare hanc curationum tarditatem *huic* anno eſſe imprimis propriam, ne quis forte Ægrotum *valentioribus* remediis ſubjiciat, quem ſub *leniori* curatione debebat tempori commendare.

Morbi violentiam fregiſſe, eumque ex *acuto* in *longum* apta medicatione, & mora fanandum commutaſſe, non raro luci fuit. Id maxime in dyſenteriarum quarundam graviorum curatione verum eſſe deprehendi.



S E P T E M B E R.

Primis quinque diebus calores permagnos, dein vero repente exortum frigus atque ventofum experiebamur, & magnam ubique ſiccitatem.

Die 12ma redire calor cœpit, amœnus, neque ſudores extorquens, donec die 16ta largiſſimus imber decideret, quem ventus excepit compluribus diebus impetuoſus.

Inde & calor, & frigus alternis vicibus ita redie-

die:

lierunt, ut binos dies calidiores exciperent alii
duo acute frigidi.

Die 17. & 18. mercurius altissimus

28 poll. 2 l.

Die 5. & 20. ejus infima statio

27 poll. 8½ l.

Die 4. calor maximus. - - - + 21 gr.

Die 21. — minimus - - - + 8 gr.

Calor medius. - - - - - + 15½ gr.

Dysenteriae durant adhuc, sed inflammatoriae,
& subinflammatoriae. Parum, aut nihil, & ra-
ro, & serius, levaminis aliquid ab emesi. Pro-
uerunt cataplasmata, potus tepidi, emollientes,
emulsa, venæsectiones. Versus finem mensis
dysenteriae multo rariores.

Rheumata quam plurima, & varia.

Puellæ crus utrumque per vices erysipelatosum
fuit. Erysipelata sponte evanuerunt. Post aliquot
dies repente hydrops articali in genu dextro, is-
que magnus, & manifeste fluctuans est; dedi ec-
toprotica salina. Genu adplicui vinum aromati-
cum cum sale ammoniaco, brevi post convaluit.
Dein vero in lentam nervosam febrim incidit;
decocto florum arnicæ sanabatur, miliaribus ju-
dicata.

Circa medium Septembrem vidi dolores abdo-
minis *prorsus tales*, quales observabantur in Dy-
sentericis alvo aut ordinata, aut etiam difficiliori.
Appellabam hos dolores *dysenteriam siccam*, seu
siccam intestinorum difficultatem. Cura per emol-
lencia tepida, venæsectiones, cataplasmata, se-
rius emeticum &c.

Circa medium Septembrem febres biliosæ,
tem & putridæ, sæpe aliquid peripneumonici
habuerunt; quod venæsectione una alterave de-

bebat tolli; neque erant meracæ biliosæ, nec mere putridæ, sed *simul* inflammatoriæ.

Major identidem venæsectionum necessitas in quovis morbo; rarus usus emeticorum; leviores pleuritides; peripneumoniæ inflammatoriæ, subinflammatoriæ, putridæ, mixtæ, rheumaticæ.

Post medium Septembrem morbi rheumatici, iique inflammatoriæ non raro indolis, longè lateque grassabantur, sed ii omnium ferme morborum soli, quo tempore jam multo rariores dysenterici fuerunt.

Hæc rheumata sedem in thorace, & collo, capiteque fixerunt, itemque in artibus superioribus, inferioribusque, raro autem in abdomine. Inde cum constitutionem dysentericam vigentem rheumata simul sint comitata, eaque jam emoriente ea ipsa rheumata populariter quoscunque invade-
 rent, opinio meâ confirmabatur, esse affinitatem quandam καὶ συγγενεὶς τοῦ rheumatismum inter & dysenteriam.

Cognatio
dysente-
ricam in-
ter &
rheuma-
tismum.

Nam illi morbi, qui pari frequentia eadem tempestate grassantur, & suam in humano corpora potestatem veluti conregentes unitis viribus exercent; ejusdem familiæ surculos se esse, & idem ingenium testantur.

Circa ultimos mensis dies morbi suam stationem fere penitus deseruerunt, atque ad pectus & caput migrarunt.

Mensis hic temperiem vernam æmulabatur; camque borealem; morbi quoque, quales per veræ esse solent, ubique observabantur.

Constitutio fuit phlogisticotera, quam æstate hac prægressa, itemque quam aliis tribus autumnis proxime elapsis.

Numerus Ægrorum valde magnus fuit; ut quotidie multo plures advenerint, quam suscipi poterint.

Noi

Non multa tamen funera numerabamus.

Morborum solutio difficilis, partitim facta, & tarda fuit. Reconvalescentiæ diuturnæ: relapsus faciles.

Typus febrium is fuit, ut vesperi maxime cum horrore exacerbarentur, continuæ remittentes.

Paucissimæ per æstatem & initio autumnī febres *intermittentes*.

Materies morbi hoc mense fuit composita, scilicet phlogistica, mucosa, biliosa, acris, modo hoc, modo illo vitio prædominante.

Febres ultimis mensis diebus, utut initio phlogosin habuerint non levem, tamen in progressu erant sæpe putridæ, & quidem habuimus febres *rheumatico-putridas* sub finem Septembris complures, præcipue inter Fœminas; in progressu multis petechiæ *lenticulares*, & *morbillose* eruperunt.

Morbillose erant *flavæ, brunæ, late rosæ*; lenticulares autem *obscuræ rubræ, castanei coloris, lividæ, rosæ*.

Quædam mortua est ex petechiis lividis, obscure rubris, licet ingens quantitas acidorum mineralium fuerit data.

Reliquæ convaluerunt methodo *initio* antiphlogistica & *parca venæsectione*, sanguine phlogistico educto (crustæ flavæ, & serum virescens); dein vero methodo solvente, ope scilicet decocti graminis, taraxaci, cichorei, cum syrupo ribesiorum, dato serius, non tamen omnibus, (fracta phlogosi,) emetico. Ubi autem somnolentia, stupor, & pulsus fere *naturalis* adfuit, aut naturali languidior, his decoctis addidi decoctum Rororum arnicæ.

His dein non dedi acida mineralia.

Electo crebro eximebantur: febres diuturnæ, nulla manifesta crisi solutæ, sed lente, & sine sensu fatiscentes.

Nec cortice, nec aliis alias in putrida febre laudatis utebar, nec vesicantibus, nec camphora.

Miratus sum adeo pulchre convalescere, si modo justa fiat virium æstimatio, & hæc nimium erectæ aliquantulum deprimantur, dejectæ autem *blande*, non *tumultuarie*, nec stimulis potentioribus, erigantur: excretiones non permittantur *supprimi*, nec *profundi*. Viribus salutariter erectis, & moderate se habentibus, quatenus ad subigendum morbum requiruntur, & sufficiunt, dare aptum vehiculum ex gramine, taraxaco, richoreo, syrupo ribesiorum &c. oportebat. Potior ergo fuit moderata methodus antiphlogistica, etiam petechiis *lividis* existentibus: has vidi una cum inflammatione.

Viri pauciores ægrotabant, & levius absque petechiis. Venæsectione una, dein potibus antiphlogisticis brevi tempore sanati. Fœminæ multo plures & diutissime decubuerunt, & putride cum petechiis variis. Tarde convaluerunt.

Defluxionum hac tempestate creberrimarum quædam exempla proferam notabiliora.

Defluxio ad oculos facta *ophthalmiam* ferocem fecit, ultimis hujus mensis diebus frequentem.

Nonnunquam intra corneæ lamellas rheumatica materies confluebat, eandem crassam, albidam, & luci inperviam fecit.

Puellæ cuidam serosa materies humorem aqueum ita auxit, ut cornea multum protuberaret, staphylomatis instar, oculo utroque assidue plorante vim magnam acrium lacrymarum, & naribus coryza obsessis.

Oculo-
rum vi-
tia a de-
fluxione.

De-

Dedi, quæ rheumati mederi existimabam, & corneam protuberantem curavi aliquoties pertungi, ut subsideat. Liquore licet saturnino, ne ostiæ affurgeret, & roborante fotu adplicato, nihil effectum.

Novi cataractas ortas a rheumate lentem oculi efficiente, item *puriformem* in anteriore oculi cornea materiem collectam ex defluxione.

Puella quædam dolores capitis fere totius dilacerantes habuit, & modicissimam febriculam perpetuam. Oculo dextro obscure vidit, sinister oculus aliquantum distortus ac luscus erat, & vis duplicatus. Data mixtura salina est, & alvus aliquantum mota; dein vesicans nuchæ admotum, & exhibitum stibium diaphoreticum non ablutum ex aqua, & robor sambuci: paulo post convaleuit.

Visum duplicatum ex eadem causa, & eodem modo sublatum in alia. Fœmina observabatur.

Quidam ischiade rheumatica ad latus dextrum prehendebatur: paucos post dies repente testis dexter duorum pugnorum magnitudine intumescit; ita, ut dolorem tensivum Æger quæreret, & ipse tumor quasi ab aqua intra tunicas testiculi collecta omnibus, qui eundem exploraverant, videretur. Discutientiâ adplicata: data quæ alvum, urinas, dein etiam diaphoresin moverent: his ischias, testiculi vero tumor emissis acu aquis, sanabatur.

Cuidam alteri Puellæ una nocte genu intumuit, et die altero manifesta fluctuatio perciperetur. Venæsectione, & lenioribus purgantibus, fotu tem vinoso, in quo aliquid salis ammoniaci dissolvebatur, brevi sanabatur. Febricula quoque rheumatica simul adfuit.


Qui-

Apople-
xia
rheuma-
tica.

Quidam, ex febre rheumatica per quatuordecim dies decumbens, repente delirabat, tandem sopore apoplectico correptus paucos post dies periit. Multum aquosi laticis inter utramque meningem, & in ventriculis lateralibus inventum fuit, item humor aquoso-cruentus infratentorium.

Fœminæ gravis coryza oborta est, postquam ex æstu perfrigeraretur. Coryza paucas post horas evanuit, nata mox ingenti, & asthmatica respiratione. Hydrothoracis signa. Profuerunt præmissa venæsectione, quæ mollissime & alvum, & urinas ciebant. Item gummiferulacea. Tarde sanata est.

Sed ejusmodi defluxiones ad viscera nobiliora paucorum fuerunt; illæ vero multo frequentissimæ, quæ artus, lumbosque afficerent.



O C T O B E R.

Minor hoc mense caloris & frigoris vicissitudo fuit; neque tantæ mutationes; nec tanta, quæcumque esset conditio aëris, ejusdem intensio; nec mutationum ortus repentini aut fines abrupti præcipitesque. Ita & siccum & humidum, & calidum, & frigidum, moderata fuerunt, atque ita contemperata, ut nullius principatum incusaremus. Cælum frigidiusculum plurimum erat secundum anni rationem. Ventus hoc mense conquieverunt.

Die 24. mercurius altissimus 28 poll. 4 l

Die 29. 30. infima statio - 27 poll. 9 l

Die 2. calor maximus - + 16 gr.

Di

Die 17. — — minimus - + 2 gr.

Calor medius - - - - + $11\frac{1}{3}$ gr.

Dysenteriae valde raræ inflammatoriae, subinflammatoriae.

Dysenterias hujus mensis, uti etiam illas, quæ circa Septembris finem occurrebant, tenesmus terminavit multo frequentius, & pertinacior, quam in priorum mensium dysenteria solebat fieri.

Febrium putridarum quædam species adhuc frequenter Fœminasprehendit, quæ initio inflammatorii quid habuit, deinde vero putrida fuit, ta tamen, ut stimulantia efficaciora non tulerit. Optime habuerunt protracto morbo a decocto lorum arnicæ, radicis graminis, taraxaci, cichorei &c. Linguae plerisque arebant, pulsus non erat analogus reliquis symptomatibus, præcipue lassitudini, sensuum stupori.

Sitis non erat magna, aut etiam nulla; indifferentia animorum mira, de nulla re sollicitorum, ac si somnum inter & vigilias hærent; & iis analogi, qui ab assumpto opio jamjam sunt dormituri.

Quædam Ægræ corporis calorem habebant naturalem, pulsum quoque naturalem & celeritatem, & robore; utut alvus insciis fluere. Pectus quibusdam vel initio, vel saltem provecto morbo, tentari cœpit tussi, oppressione. Solvebantur hæ febres post quatuordecim fere dies, serius etiam. Jacebant immoti, & incondite: deliria non erant furiosa, sed placida, & vel in somno, vel inter vigilandum inconcinna mussitantium. Urinæ sanorum, subinde crocæ, ictericæ quibusdam.

Petechias vidi sæpius & hoc, & aliis mensibus effloruisse, quin Æger inde commodius habebat.

Miliaria beret. At vero miliares pustulæ inter largos sudores propullulantes Ægrum a febre liberarunt penitus, ut hæc crisis, licet nullo definito tempore in Ægris appareret, fuerit absoluta, & plena.

vero sponte nata, non coacta, critica fuerunt cum largis sudoribus. Cuidam, cui ea febris soluta est modo insensibili, nullaque manifesta facta excretionem, siluit, parotis aquosa, dolens tamen, ex utroque latere orta est ingens, & ingens colli tumor; anæsthesia. Deglutiit tamen, & iussu linguam porrigere, porrexit. Purgans salinum, & manatum dedi, & nuchæ adposui vesicans. Aliquantum tumores detumuerunt, dein magis: dedi arnicæ florum decoctum, tulit sine cardialgia, denuo in crescentibus parotidibus vesicans inter scapulas positum: periit.

Deflu- Effrene, & exlex serum etiam hoc mense, miones præsertim circa ejusdem exordium, ferebatur indomi- ubique; repente nonnunquam in ventriculum, mitæ bu- pleuram &c. desævians, ut Ægri ejularent. jus men- Tepidi potus, fots, vesicantia, stibium dia- sis. phoreticum non ablutum, tarde cicurarunt, etiam domarunt, hanc, mole paucam, ut videbatur, sed indole vaga & feroci pessimam, materiem. Circa medium Octobrem sævæ quædam gastritides, compluresque pleuritides invadebant cum febre modica, sed intolerabili cum dolore, ne minimum attactum ferentes. Secta vena sanguinem summopere inflammatorium dedit & dolor fotu mitescebat, tardissime & morosissime cessabat. Atque ita scenam rheumatica materies ex abdomine transstulit in thoracem, & magis inflammans fiebat.

Hoc mense nullæ saburræ, nisi raro, neque biliosæ, sed pituitosæ, & exigua mole visæ sunt.

Hinc rarus quoque emeticorum usus, sed crebrior venæsectionum moderatarum in initio, emollientium tepidorum, diapnoicorum &c.

In cadavere Fœminæ, quam ortis parotidibus antea dixi periisse, serum cruentum copiosum inter meninges inventum est, itemque in omnibus ventriculis, & initio thecæ ossæ elongatum encephalon continentis. Ruptura quoque fuit observata, dimotis cautissime lobis cerebri, penetrans in ventriculum dextrum, longitudine trium digitorum transversorum; forte ibi irruente in ventriculum hunc fero, eumque ita per vim disrumpente. Compressum & complanatum corpus striatum istius lateris reperiatur.

Id genus serosæ, seroso-cruentæ collectiones repente fiebant ad encephalon, aut ad thoracem, in febribus putridis, eaque putridarum specie, quam *lentam nervosam* Quidam appellant, *putrida* Alii *lymphaticam*, *catarrhalem malignam* Alii, *Ægros* Alii vero *rheumaticam malignam*. *perem-*

Hinc facta ad cerebrum metastasi primo delirium, stupor deinde cum crebro quasi grunitu, pulsu vibrato, duro, pleno; tandem oculis convulsis apoplectici perierunt.

Quibus parotides sub hac febre tumescebant, & vita periclitari mihi idcirco videbantur, quod hæc materies ad vicinum quoque encephalum eodem impetu feratur, & perimat.

Respiratio peripneumonica repente orta, febre hac jam longius provecta, metastasin aquosam aut cruentam feri in cavum thoracis factam significabat.

Præoccupari plerumque possunt funestæ hæ Et quæ migrationes, si toto tempore morbi alvum paulo modo perniciosem feceris; non solo enemate, quo in-
 si-
 nens (sub)

*Causa
mortalis a
parotide.*

*Quo
mortalis
genere
febris
putrida
Ægros
perem-*

Inde po-
tuerit
præce-
pari.

finum intestinum sæpe solum eluitur, sed ipsis remediis per os assumendis, quæ facilem transitum ipsa sibi parare debent, & humorum quidquid est, ad anum, tanquam ad communem cloacam, invitare. Non id volo, ut humores concitatus, & quasi pharmaco propinato, compellas (quanquam etiam id subinde factum opus est, in putridis nempe ab infirmi abdominis saburra natis) sed ut constans quidam, perlevis tamen, humorum ad alvum nifus, & inclinatio fiat.

aut præ-
sens tolli.

Factam metastasin subinde solvit extractus e vena sanguis; seu lanceola id fiat, seu hirudinibus ad tempora positis, sive scarificatione nuchæ; dein vero movere alvum conducit, & vesicantibus depositum serum evocare.

Descriptæ hujus mensis febres *lentæ nervosæ* dici queunt, & prout æstivæ febres plerumque a *biliformi materie* gignuntur, ita hæc autumnales a *pituïta*, seu *mucō abundante* fiunt.

Commu-
nior con-
stitutio-
num fe-
brilium
annua pe-
riodus.

Plerumque mucosæ hæc febres constitutioni *æstivæ*, & *hyemali*, si modo suum hæc tempora tenorem servant, intermediæ jacent; ut uno extremo *biliosæ* æstatis morbos contingant, altero hyemis *inflammatorios*.

Certe, ubicunque singula anni tempora ab habitu consueto non recedunt, *brumalis* phlogosis in *vernâ* pituitam extabescit; multorum morborum parentem: donec tandem & hæc temporum potestate subigatur; aut tandem sub urentis caniculæ æstus acrescat, & ad præcordia confluat; non iners jam pituita, sed morsicans, tumultuosus, effrenis novus humor, a bile nomen sortitus.

Appetente autumnali refrigerio bilis mitescit, & immutatur, orta tunc denuo pituita distractaque per universum fere vasorum systema. Inde mul-

multiplex imago febrium *pituitosarum*, atque ea
bre, quam hoc mense frequenter spectabamus.

Una cum dysenteria, quæ caput iterum efferre
hic inde visa est, catarrhi complures, & quæ-
dam anginae occurrebant.

Post medium mensem febris superius descripta
sectus frequentius & validius, & peripneumoni-
e, invadebat.

Tusses validæ; sputa pauca, tandem multa
uctilia, pellucida; ovi albumini similia. Venæ-
ectionum initio febris necessitas crebrior. His fe-
ribus tepida, emollientiaque, & omnis stimuli
xpertia, manifesto profuerunt.

Differentiæ inter *pituitosam* & *biliosam* hæc ^{Materia}
comparebant: in febribus pituitosis abundans hu- ^{febris pi-}
ior erat insipida pituita, qua os & fauces re- ^{tuitosa}
undabant, quæve anacatharsi prodibat; neque
d gastricas saburtales pertinebant, nisi *subinde*,
tque solum *ex parte*. Pituita enim per univer- ^{ejusdem}
um corpus diffusa videbatur; cum bilis & mole ^{sedes}
major esset, & intra primas vias primario se con-
ineret.

Largior diarrhœa minus profuit. *Pituitosis*,
nam *in febre biliosa* prodesse visa sit. Tamen ^{ac crise-}
magis juvabantur, si bis, terve, intra nych-
themeron dejecerent. Quibus alvus per omnem
ere decursum morbi difficilis fuit, hi de capite,
el thorace nimium oppresso, atque inde de vita
periclitabantur.

Vomitiones arte initio excitatæ non alleva-
ant, serius autem provocatæ exiguam, & neu-
quam decretoriam, opem ferebant; cum febres
iliosas e contrario vomitus maturi sæpe subito
omprimant.

Sudores non coacti, & morbo provento exorti,
oni fuerint. Cutis siccitas diuturna, & ægritu-

dine jam multum promota, malum. Sputa urgeri, absque metu inflammatoriæ staseos, non potuerunt nisi potu tepido, & emolliente.

*Diversa
miliarium
origo, ma-
teries,
pericu-
lum.*

Miliaribus albis, spontaneis, inter largos non factitios sudores abortis, hæc febris solvebatur non raro, & absque alterius periculi suspicione; in biliosis vero febribus miliaris eruptio plerumque factitia est, periculosaque, neglecta initio emetocatharsi, aut regimine calido violenter expressa.

*Differe-
rentiæ
quædam
febris pi-
tuitosæ
& biliosæ.*

Symptomata febrium *pituitosarum* mitiora in specie, decursus tardior, & minus tumultuosus; quarundam functionum minor a sanitate recessus; pulsibus nempe, calore & urina parum mutatis. Cum febris *biliosa* ferociat magis, tumultuetur, & omnes fere functiones evidentius turbet.

Functionum præprimis animalium, sub apparente lenitate, læsio major & periculosior; sensuum scilicet tarditas, stupor, sopor; delirium mite, taciturnum, & intermissum; obauditiō, anæsthesia, & narcosis: in febre vero biliosa encephali affectiones sunt vividiores; cephalalgia dira; inquietas; delirium, sæpe furiosum.

Pituitosæ continuæ sunt, *biliosæ* remittentes plerumque.

Lusus quoque mirifici, & innumeræ varietates accidentales observantur, æque in *pituitosis* ac *biliosis*: prout nempe hæc vel illa corporis pars peculiariter afficitur, ita varia erit læsarum functionum imago, materiæ licet eadem existente,

*Febris
pituitosæ
varietates,*

Hinc varia quoque nomina hæc febris sortitur, e. g. febris rheumaticæ, arthriticæ, lente nervosæ, phrenitidis, anginæ, catarrhi simplicis, peripneumonix nothæ, catarrhi suffocativi, asth-

asthmatis, tussis convulsivæ, ischiadis, lumbaginis &c.

Febris pituitosa aut simplex est, sinceraque, & ^{com-} aut cum alia quadam febre e. g. *biliosa* aut *inflammatoria* complicata; prout *Æger* aut bili aut phlogosi magis subjacet; aut constitutio *biliosa*, vel vero *inflammatoria*, propius abest.

Febres *pituitosas* diversi subsellii est observare; ac ^{intentiones.} cum quædam malignitatis damnentur, & abjecto *pituitosarum* nomine *lentæ nervosæ* audiant, aliæ vero benigniores sint.

Subinde febris nondum adest *efficta*, atque *formata*, adest tamen dispositio febriculosa; & futuræ febris *pituitosæ* rudimentum. Eadem quoque *biliosarum* discrimina notabam.

Cum febrilis materies in febre *pituitosa* per totum corpus distracta sit, utut ejus non exigua portio primas vias obfideat; patebit; potestatem remediorum in eandem materiem esse *indirectam*, at illam solummodo portionem, quæ in ventriculo & intestinis continetur; directe & efficaciter educi posse; quidquid vero materiei in interioribus cavis hæret, illud ab humoribus cæteris extricari, subigi, exterminari vario modo, & morose debere.

Sunt autem hæ naturæ solius operationes, cujus vires medicatrices magnitudini morbi, & subigendæ moli temperare oportet, incitando, deprimendo; divertendo, removendisque iis omnibus impedimentis; quæ salubribus his naturæ conaminibus obstareprehenduntur.

At vero in *biliosis* febribus major, certiorque, atque directa remediorum vis est in febrilem materiem, cum eam evacuare possis emetocatharsi.

Methodus *indirecta* non raro fallit, cum solum ^{& dispar prognos.} *obli-*

oblique feriat causas febriles. Hinc febrium pituitosarum curatio laboriosior, tardiorque, prognosis incertior. Crisium errores periculosi, & crises ipsæ solenniōres in hac febre, quam in biliōsa.

In febre pituitosa, præcipue provectiore, absente phlogosi, remedium aperiens, resolvens, alterans, subemeticum mirifice confert.

Id vero genus medicamentum flores arnicæ suppeditarunt, ut posthæc explicatius narabo.

*Major
indies
defluxio-
num &
copia, &
pertina-
cia &
varietas.*

Circa finem mensis anginae plurimæ inflammatorio - rheumaticæ, asthmata, peripneumoniæ cum respiratione asthmatica, & orthopnœa nocturna: catarrhi pertinaces, qui sæpe inflammationem conceperunt: tussēs convulsivæ Infantum: rheumata artuum magis rebellia, diuturnioraque, quam prioribus septimanis, & subinde cum convulsionibus aut universi corporis, aut maxillæ, non diu durantibus, item cum plirenitide; prout nempe vaga defluxio aut has aut illas partes laceret.

Puellæ cuidam longo, rebeli, nocturnoque rheumatismo, eoque vago laboranti tumor in inguine dextro dolens pedetentim nascitur, itemque sensim disparet. Mercurium dedi, luem veneream suspicatus: non profuit: sero intellexi, rheuma esse hujus constitutionis, quod subinde alicubi tumorem excitat. Decepit me & locus tumoris, & dolorum pertinacium nocturna intensio.

Juvenula 20 annorum die Octobris decima; morbi autem die nona, ad nosocomium deportabatur; exhibuit symptomata febris *composita ex lenta nervosa, biliōsa, & inflammatoria*, signa levioris pleuropneumoniarum in latere sinistro

non defuerunt. Data sunt emollientia tepida. Sanguis iterata venæsectione eductus corium pleuriticum ostendebat. Vomuit etiam amurcam sedata phlogosi. Pulchre habuit, convalescere visa est. Die 20ma Octobris pulsus citatior fiebat, validissime, & ferme assiduo tussire cœpit. Sputa copiosa & ductilia prodierunt, tandem manente tussi anacatharsis supprimitur, pulsum subinde vibratio, stupor, grunitus. Alvus toto tempore morosa, clystere sollicitanda, & imperpirabilis, aspera, siccave cutis. Respirationem agebat liberam esse, & talis etiam nobis visa est, excepta modica spirandi celeritate. Tandem stupor major, & sine mente. Grunitus assidui, & assiduus, sed inanis, tussiendo labor; urinæ nunquam flammæ, plerumque naturales, subinde jumentosæ, & parcæ. Die 24ta Octobris periit.

Ex alvi siccitate, & cutis simul ariditate toto ere morbi tempore observata, urinæ interim non copiosis, malum ominabar; etsi initio belle habere, & convalescere videretur. Rapi humores ad caput & thoracem aliunde noveram, ubi alvus & cutis & urinæ exposita ratione se habent.

Ex ore & naribus cadaveris serum flavescens, & odoris gravissimi manabat. Resecta calvaria encephali vasa plurimum turgere, ventriculos vacuos, at infra cerebelli tentorium tres uncias feri, cum modico virore flavescents, continuit.

Plures Puellæ eodem morbo detentæ eadem methodo sanabantur, tepidis nempe, & mollientibus, & venæsectione frequentiori, attamen quavis vice pariori. His sputa copiosa, tenacia, mucosa prodierunt, omisso omni stimulo expe-

etorante; cujus impatientissimos hos pectoris morbos vidimus.

Medio mense aliquot iterum dysenteriae comparebant, materie nempe rheumatica, quæ nunc frequentius partes supernas, thoracem præcipue, infestabat, desertas abdominis sedes revivente.

Puella 16 annorum elapso vere chlorotica, martialium & amarorum usu convaluit. Mense Septembri vaga febricula prehendebatur; nil fumsit remedii, morbum tenui diætæ commit- tens.

Die 13tia Octobris me vocat, aitque, a septem diebus alvum esse torminosam, frequentem, cruentam, ita, ut intra nycthemeron decies & quater dejiciat. Febriculofam esse, sitire, appetere tamen: tormina erant leviora, & solum imminente dejectione & sub eadem. Abdomini cataplasma ex floribus chamomillæ & sambuci cum lacte curavi applicari: dedi sequens: \mathfrak{z} . aq. chamom. \mathfrak{z} v. olei amygdal. dule. \mathfrak{z} j. syrupi de alth. & diacod. aa. \mathfrak{z} iß. Misce. Alvus intra viginti horas penitus mutata est; dejecit raro, absque torminibus, & flava, pultacea: sanescit.

Post medium mensem cum meridiana tempora multum incalescerent, horis matutinis & vespertinis urente gelidoque vento perflatis, dysenteriae quasi postliminio rediturae videbantur. Emesis non profuit, neque catharsis, qualiscunque illa fuerit. Ab opio, etsi jam provectæ, ita abhorrebant, ut, quibus id datum fuerat, mox quasi asthmate corripenterentur, & proximo mane, ubi pridie vespeream opium devoraverant, ultro faterentur, se noctu propemodum fuisse suffocatos. Sola antiphlogistica medendi ratio, venæsectiones nempe, emulsa tepida, & fomenta abdominis, profuerunt.



N O V E M B E R.

Aër ferenus, siccus, & modicissime frigidus initio fuit. A die vero sexta pluviae assidue cadebant, quas medio mense nives secutæ sunt, elapso biduo liquatæ. Inde cælum frigidum, nivolum, nubilolum ad usque mensis finem mansit.

Die 1. baromett. altiss. . . 28 poll. 3 l.

Die 21. 29. infim. . . 27 poll. 2 l.

Die 29. calor maximus . . . + 12 gr.

Die 24. 26. frigus maximum . . . - 1 $\frac{1}{2}$ gr.

Calor medius . . . + 5 $\frac{1}{10}$ gr.

Pauca funera hic mensis vidit, eaque ipsa ex morbis solum longis, & consumtivis.

*Februm
rheuma-
ticarum
hujus
mensis
indoles;*

Postquam die 6ta cælum in pluvias diuturnas dissolveretur, Multi ad nosocomium venerunt genu alterutro, utroque etiam, & carpis, tumentibus, & acute dolentibus; ita, ut immobiles, ut fors dederat, cubare debuerint, tanta dolorum sævities fuit, ubi commoverentur: quieti mitius habuerunt. Noctes difficiles erant, & febris inter sudores profusos sine horrore. Tumentia loca, ubi dolor aliquantum remittere cœpit, impressi digiti vestigium retinuerunt.

Februm harum rheumaticarum materies genitrix non una fuit. Phlogisticum quid semper aderat, unde emollientium, tepidorumque, & venæsectionis necessitas. At vero postquam hic mensis madere assiduis fere pluviis cœpit, manifestiora illuviei biliosæ, quam mensibus præteritis siccioribus, signa in conspectum prodire, &

major iterum usus emeticorum fieri cœpit, qui mensibus præteritis fuerat perparcus.

In mentem venerat, humidam tempestatem, eamque frigidiorē functioni cutaneæ inimicam esse, & quæ per extimas superficies deberent excerni, humore frigido corpora nostra nunc ambiente cohiberi, repelli quibusdam ad artus. Aliis vero per interaneorum superficies ad præcordia confluere & gastricum systema inundare; nomine, colore, sapore a bile mutuato.

*ut etiam
asthma-
tibus.*

Ægro, qui nobis committebatur, asthmatico, cum febreret, sitiretque, & pulsum haberet prædurum, detractus sanguis est aliquoties, cum & levamen inde perciperet, & crusta pleuritica formaretur. Pleraque quoque symptomata habuit, quæ hydrothoracem notare visa sunt. Initio remedia antiphlogistica data sunt; deinde vero, quæ urinas modice sollicitarent. Tumere & crura & femora cœperunt, tandem etiam abdomen medioeriter intumuit. Ex asthma perit. Pulmones sanissimi reperti sunt.

Complures dein alii, quæ pectus æque oppressum, & anhelosa & sibilosa respiratio fuit, meliore usi fortuna sunt, mutata medendi ratione: his enim præmissa phlebotomia est, & deindatatum emeticum, quod illico respirationem asthmaticam emendavit.

*Frequens
icterus,*

Îcteri cum virote flavi non pauci circa medium Novembrem comparebant. Profuerunt gummi ammoniacum aceto scillitico solutum, & alia media.

*& tussis
convul-
siva.*

Tusses convulsivæ in urbe grassabantur, de quarum curatione nihil habeo, quod referam, nisi, eos Infantes citius convaluisse, & ægrotasse levius, qui inter tussendum vomuerunt.

Referente quodam Amico meo, sal ammonia-

cus

cus nonnullis profuit tussi convulsiva vexatis, aliis gummi ammoniacum, aliis sapo venetus.

Quidam convaluerunt, postquam hydromel purgans Infantum Dispensat. Vien. omni secundo die fuerat propinatum.

Cuidam omnibus incassum adhibitis profuisse ajebat decoctum florum arnicæ, herbarumque simul & radicum emollientium, adjecto sale medio: mortes ab opio inductas, & in cadaveribus bronchia glutine obsessa vidisse.

Hoc mense Puellæ cuidam dextrum latus dolore pleuritico compungebatur; dolor erat diffusus per totum latus: pleuritidem appellabamus *Paracenthesis thoracis suppurati insidiosa*. *rheumatico-inflammatoriam*. Tertia morbi die (21ma Octobris 1779.) in nosocomium suscepta est, exactis compluribus diebus dolor mitigari, tandem penitus desinere, cœpit, & Ægra anacatharsi sputorum coctorum visa est convalescere. Post Novembris initium difficiliter iterum respirabat, absque dolore quidem, sed non sine ponderis sensu. Pulsus modicissime febrilis interliu, vesperi, noctuque durus, & diurno concitior erat. Sudores noctu profusi, in jugulo, ad claviculas, & thoracem præprimis. Tussis respertina, nocturna, humida initio, at morbo progressu inanis & sicca: spiratio sedenti, & in interiora vergenti facilior, difficilis in dorsum, & impossibilis, ob suffocationis metum, in laus sinistrum cubanti. In sedente humerus dexter elatior apparebat; fors, quod, cavo thoracis dextro nunc graviore, centrum gravitatis magis sinistrorsum recideret. Lateris pars posterior, dorsi regionem dextram constituens, videbatur esse magis convexa, atque protuberans. Thorax dexter in inspirando vix attollebatur, cum totum ferme respirationis negotium pera-

geretur pulmone sinistro; ubi dexter thorax levissime solum, & nonnisi ob nexum cum thorace sinistro, modicissime elevaretur. Hæc inæqualis utriusque thoracis elevatio & visu poterat observari, & imposita utraque ad utrumque thoracem manu.

Circa octavam Novembris tumor in brachio sinistro durus & dolens repente ortus est, qui admoto cataplasmate emolliente aliquantum mollius, dein percussus, pus dedit laudabile, sed paucum. Die Novembris 12ma mamma dextra noctu repente intumuit cum rubore, livore, doloreque magno, postquam genarum per vices rubor, tumor vero aquosus sub oculo dextro, & ad dextrum carpum, livor labiorum & unguium jam per aliquot dies fuerat conspectus.

Thorax quoque dexter, methodo *Auenbruggeriana* (*) pulsatus, illo sonitu caruit, quem alias sana thoracis cava, præscripta methodo pulsata, edunt. An & major thoracis pure repleti calor fuerit, celeriorque illiti cujusdam humoris in latere affecto exsiccatio, quam sano, non inquisivi.

Die 15ta Novembris cubanti thoracem dextrum inter quartam, & quintam costam veram, nu-

(*) Vide *Leopoldi AUENBRUGGER Medicinae Doctoris &c. inventum novum ex percussione thoracis humani ut signo abstrusos interni pectoris morbos detegendi. Viennæ apud TRATTNER 1763.* Non facile Medicus reperietur, qui toties pus e perforato thorace emisit, ac idem Cl. *inventi novi* Auctor; ut vel inde non exigua huic invento, ejusque Auctori, commendatio accedat.

numero a superioribus ducto, loco sternum propius quam spinam dorsi spectante, perforari curavi: (is enim locus dolorum quondam focus, & centrum fuit:) magna vi prorupit pus tenue subcruentum, & fœdum. Facta deligatio est, manente interim ingenti puris quantitate, viasque sibi per fascias moliente. Ægra levare visa est, attamen ejusdem diei sera vespere, cum mane lateris sectio fuerat instituta, vivere desit.

In cadavere pulmo sinister sanissimus fuit, dexter vero in exiguum spatium compressus, & membrana crassa, fibrosa, antiqua obductus, cætera sanus observabatur. Pleura quoque consimili prorsus membrana ex pluribus veluti sibi invicem impositis membranis, firmissimeque coheræntibus confecta, investiebatur. Abscessus inter pulmonem & pleuram formatus fuisse videbatur; ita tamen, ut nesciam, an potius ad pleuram, vel vero ad pulmonem pertinuerit.

Inter musculos intercostales lateris sinistri paucillum puris hæsit, ea ratione, ut illuc delatum esse, non ibi factum, facile intelligeres.

Jecoris substantia mollissima erat, dilute flava, & perquam friabilis.

Referente Cl. AUFENBRUGGER, qui solus omnium Plurimos emissio e thorace pure sanavit, pleuritides *rheumatico-inflammatorye* promptius in empyema transeunt, punctura thoracis curandum.

Afferebat, plerosque intra sex septimanas a perforato thorace fuisse sanatos.

Paucos tamen paullo post emissum pus mortem oppetiisse, quam peripneumonicam fuisse existimabat, atque a sanguine natam, validius in pulmonem antea compressum, nunc vero liberum, irruente.

Hinc

Hinc non unica vice pus omne educit, sed latere perfollo, & emissa exigua puris quantitate contentus Ægrum deligari jubet. Pus dein parce, atque inter fascias profluens, pulmonem compressum *pedetentim* solum, & *tarde* finit explicari, & incurfanti sanguini moram facit.

Pulmonem in cadavere nostro reperiebamus nondum ex integro explicatum, sanguine tamen non gravem.

Quid si mortes, paracentesin institutam educto omni pure celeriter insequentes, repeteremus a cordis functione repente turbata, confusaque? Cor enim ingenti puris mole dislocatum & pressum hanc repentinam a puris pondere immunitatem impune non feret. Hanc in nostra Ægra mortis causam rationi magis congruam, & probabilem magis puto.

Ob eandem rationem HIPPOCRATES quoque paucissimam aquam emittere jubet; si in hydrothorace sectio instituatur. *L. 2. de morbis.*

Mortem quoque ex puris conditione præsa-gire poteramus, oraculo Coo edocti: evadere eos, quicunque suppurati uruntur, aut secantur, si pus purum fluxerit, & album; si vero subcruentum, fœculentum, ac fœtidum, perire. *Aphor. 44. Sect. 7.*

Post medium mensem quamplurimi nos accedebant diros articulorum cruciatus questi, sæpe vagos, horis vespertinis atque nocturnis graviiores, ex sexu præcipue sequiori. Quidam febricitabant validius, ut iterato sanguis fuerit detrahendus, omni nota pleuriticus. Plerique febre carebant, etsi morbum febricula inchoasset. Usi sumus remediis ex antimonio paratis, vesicante, decocto stipitum dulcamare, bardanæ, taraxaci, lapathi, liquiritiæ, infuso flammulæ Jovis, &

& extracto aconiti. Paucos quosdam cito re-
stituit decoctum eccoproticum multo tartari cre-
nore factum, eos præcipue, quibus os paulu-
m amaresceret. Reliqui omnes tarde sanaban-
ur; quibuscunque remediis tentati. Quorun-
dam morosissimos dolores artuum, & febre desti-
tutos, decoctum florum arnicæ profligavit.

Non possum hoc loco præterire, quæ hoc anno de arnicæ floribus experiundo atque ob-
servando didicerim.

*Quæ de
floribus
Arnica
fuerint
observa-
ta.*

Atque hæc, quæ modo dicturus sum, idcirco
solum dicentur, quod, quæ meis Ægris tan-
to meo cum solatio profuerunt; ab alia sæpe
medendi ratione desertis & conclamatis; aliis
quoque existimem profutura: non amore novi-
tatis: sine spe, sine metu, sine ira & studio,
quorum omnium causas procul habeo.

Non puto sufficere, si asseruero, flores arni-
cæ in febre putrida eminenti quodam modo
profuisse; cum febris putridæ notio vaga sit,
atque indeterminata, & cui nullum adaptare sta-
bilitum, atque immutabilem medicandi modum
possis; cum eundem ex oblato primum particu-
lari casu formare, atque consilium plerumque ex
terrena capere sit necesse.

In febribus putridis decoctum florum arnicæ
propinabam, imo: ubi nulla ullibi alicujus vi-
ceris inflammatio subsuit, aut ea jam fuerat
repulsa; 2do: pulsu aut naturali, aut ad eun-
dem proxime accedente, Ægro nihilominus de-
bilissimo, & animali functione projecta; 3tio:
ubi lingua aruit, aut muco multo & sordescen-
te obduceretur; 4to: Ægro præprimis stupido,
ardo, graviter audiente, somnolento, mullitan-
te, subdelirante; 5to: in febre putrida pituitosa,
tanta nervosa, aut eidem analoga, putrida ver-
na-

*Sub qui-
bus con-
ditioni-
bus in
febre pu-
trida flo-
res arni-
cæ pro-
fuerint.*

nali & autumnali; qua videlicet utraque tempestate major humorum lentor esse solet, & februm putridarum decursus minus celer, & minus tumultuarius, quam iis in putridis observatur; quæ vigente æstate occurrant; atque ex biliosis antea in putridas abierunt; etsi & his non inauspicato flores arnicæ aut soli, aut cum eorundem radice medeantur; 6to: facta prius primarum viarum purgatione *αὐτὸ* aut *κατὰ*, si quando (quod equidem plerumque contigit) materies aut sursum aut deorsum turgere visa est; item, exanthemate petechiali miliari, aut alio quocunque, existente, vel etiam non existente.

Quæ autem observabam in Ægro ab hoc remedio mutari, hæc ferme fuerunt:

imo: Multis ventriculus plus, minusque dolebat, aut flatu & borborygmo vexabantur. Qui sopore, aut sensuum tarditate, & stupore tentabantur, largissimas doses ferebant, & prout alacriores fieri, & habere melius cœperunt, ita conqueri de ventriculo, & incitare oblatum remedium solebant. Verum tunc jam extra teli iactum consisterunt. Cardialgiæ etiam graviores mitigabantur, aut ex toto cessabant, ubi *refractor* dosis, sed tanto *frequentius*, propinabatur, ut intra nycthemeron præscripta decocti saturati moles fuerit absumta.

Frequenter carminantia remedia addidimus.

Sæviore etiam cardialgia ab hoc remedio excitata, qualem ab alio quocunque medicamento inductam plurimum fuisset averfati, tanquam ex inflammatione natam: Ægris nostris præter molestum doloris sensum nihil mali fecit.

Vim *specificam* in ventriculum exercere hi flores mihi semper videbantur, & forte hac ipsa vi febris putridæ, quæ plerumque suos naturales

ales ex systemate gastrico ducit; tam potenter nederi.

2do: Quidam ab assumpto decocto per vices vomuerunt, vomitibus medicis non tumultuosis, post longiora intervalla recurrentibus; initio saltem, donec ventriculus fuerit ferendus.

Plerique decocti gravem saporem horrent, nauseabundi perpetuo, etsi non vomant.

Vomitiones has non compescebam; aut innoxias vidi, aut etiam salutes.

3tio: Paucissimis alvus movebatur, quæ tamen omnibus facilis erat, & naturali paululum promptior.

4to: Vis florum alterans, potenter resolvens, & subemetica omnibus ferme experimentis demonstrabatur.

5to: Plerique sine manifesta crisi & pedetentim convalescerunt.

Morbi in meliorem statum conversi initium ducebant ab eo ipso die, quo Æger Interroganti citius & promptius respondebat.

6to: Urinam in multis croceam & ferme ictericam cum morbi levamine observavi.

7mo: Quidam levi ictero perfundebantur, quem oculorum album potius, quam reliqua corporis superficies exhibebat.

Nunc qua dosi & forma hoc remedium propriarum, paucis dicam.

Plerumque unciam dimidiam, non raro unciam unam, rarius unam cum dimidia, atque unicam tantum vice uncias duas, florum arnicæ in sufficienti quantitate aquæ coquendas curavi, ut decoctum librarum duarum pararetur, adjecto syrupo quodam conveniente. Inde omni secunda hora Æger vasculum hujus decocti hausit.

Qui

Qui hanc dosim ægrius ferebant; singulis horis priorem dosim dimidiatam hauriebant.

Raro corticem peruvianum una cum hisce floribus coqui jussi, atque eo solum in casu, ubi aut morbi longitudine; aut sanguine fortasse nimio educto, solidorum compages dehiscere; laxarique inciperet, vel vero ubi febris, quæ hucusque uno tenore perseveraret; in remittentium tribum transiret; statosque auctus pateretur, & decrementa.

Perraro quoque arnicæ radicem adjeci, & tunc solum; ubi Ægrum alvi fluxus exerceret non levans, sed exhauriens, atque enervans. Tum vero unciam unam, vel etiam unam cum dimidia; radicis arnicæ decoctioni florum ferme ad finem perductæ addi & momento temporis una coqui curabam, clauso vase, & dein aliquamdiu in quiete reposito; donec refrigeraretur.

Radix arnicæ coctionem non nisi levissimam admittit; quam tamen ejusdem flores sat productam requirunt; ut idcirco a decocto radicis, aut ejus extracto speres nihil, quo tamen utroque modo flores prosunt.

Parum forte videbor fecisse; si remedium quoddam profuisse demonstrarem; cum medicaminum potius copia, quam inopia laboremus; nisi hoc ipsum ostendam & efficacius fuisse, & indicationibus curativis præ alia quacunque re adcuratius respondisse.


Periclitabar profecto omnes fere methodos decantatas, & methodorum modos omnes, ut stabilitam tandem, determinatamque, febris putridæ medendi rationem invenirem; cum, qui eo morbo decumbant, potiorum Ægrorum meorum partem constituent, tum, quod hac ipsa in re &

opinionum, & methodorum diversitatem conspicerem non componendam.

Eandem, quam multi alii clari Viri, sub hac vel illa medicatione sortem persæpe non experiebar, videbarque mihi multa detexisse, quæ precario tanquam vera assumpta, falsa licet, opiniones quoque falsas, & methodos iisdem analogas pepererunt.

Verum hæc mea de febrium putridarum natura, & modo medendi cogitata publici juris tum demum faciam, ubi ulteriori observatione maturuerint; ne fructu nondum excocto atque immaturo lektorum orexin offendam.

Interea fateor, me floribus arnicæ multo fuisse auspiciatius usum, ac alio remedio quocunque. Sed oportebat & tempora nosse, & morbi conditionem medicamento huic opportunam, hucusque a me abunde, ni fallor, explicatam; sine qua opportunitatum cognitione quæcunque medicatio mala est, non remediorum vitio, sed inscientia Medentis.



D E C E M B E R.

Totus hic mensis austrinus, mollis & tepidus fuit, atque aut pluviis, aut nebulis maduit, καὶ πολὺς πλῆθός; gelu rarissimo, leviori, & noctu modicissime & subinde solummodo, viarum humorem stringente.

Die 7ma mensis nives cecidere tantum ephemeræ, die verò 10ma atque 11ma denuo nives delapsæ sunt perquam confertim, sed æque instabiles.

Die 15ta ventus impetuofus nubes dispulit; utraque die fequenti malacia novas iterum nives confpiciebamus; uberrimasque, fed mox iterum auſtrino tepore colliqueſcentes.

Die 30. barometr. altiffi. - 28 poll. $5\frac{1}{2}$ lin.

Die 22. infim. - - - 27 poll.

Die 31. frigus maximum - 4 gr.

Die 3. calor maximus - + 13 gr.

Calor medius - - - + 4 gr.

Defla- Arthritidum, & rheumatismorum uberrima
xionum mellis etiam hoc menſe fuit; ut id genus mor-
vis tanta, bos aut frequentiores, & επιδημιατερες, aut ſæ-
qua ma- vioreſ, aut pertinacioris indolis nec viderim ip-
for vix ſe, nec fando acceperim.

unquam Quibusdam ita vexatis febris erat phleboto-
eſt obſer- mias expoſcens, & tepidorum, ac emollientium
vata: par uſum. His ſero tandem veſicans profuit, &
pertina- univerſim, utut tarde levarentur quacun-
cia & que me-
dolorum thodo medendi, citius tamen ſanabantur, ac Il-
ſavitie. li, quibus dolores fuere ſine febre.

Mira variatio ſymptomatum erat, cum Quibusdam pectus repente infeſtaretur aut dolore pleuritico, aut aſthmatica ſpiratione. Paralyſin brachii, maxillæ tetanum, emproſthotonum, choleras non præviſas, tormina, miſtus difficiles, lumbagines, iſchiades, vertiginēs, & innumera alia incommoda a rheumate furibundo, & vago, nunc hanc, nunc illam, partem impetente productas perferebant.

Evacuantia quæcunque, alterantia ex antimonii præparatis, doſes refractæ ipecacuanhæ, bardanæ, ſtipites dulcamaræ, aconitum, & flammula Jovis, quorum ſingula alias mirum quantum profuerunt, in hoc rebelli morbo Pauciſſimos ſolabantur, nec ullum ab ipſo mercurio levamen fuit.

Vesicantia iteratis vicibus eidem plagæ imposita nequidquam profuerunt.

Hac tempestate occasio offerebatur, experiundi, quantum ferre quis possit extracti ex aconito parati. A minuta dosi incepimus, atque eandem ita auximus quotidie, ut Æger intra nychthemeron absumeret partitis vicibus, & absque incommodo, scrupulos septem.

Quartanas quasdam primo solventibus multis, decocto graminis, taraxaci, & salibus mediis agrediebamur, & cum intenderentur, & hydrops instaret, cortice peruviano. Febris compressa est, sed exactis duabus septimanis denuo revertebatur, nisi majores corticis doses quotidie & diutius devorassent.

Quidam sub usu corticis continuato in febres continuas, inflammatorio-putridas, inciderunt.

Placuit ergo quartanis serius oblatis, iisque duplicatis & triplicatis aliam aptare medicandi rationem, in iisque florum arnicæ vires periclitari. En observationum mearum summam!

Pulverem florum arnicæ ope syrupi corticum purantiorum in formam electuarii crassioris redigi curavi, jussique, ut Æger quotidie quater caperet quantum nucem moschatam æquaret. Qui hac dosi utebantur, cardialgiam flatulentam, tolerabilem tamen, experiebantur. At qui majores portiones absumserant, ventriculo gravissime dolebant paulo post, inter ejulatus, & sudores uberrimos, frigidos, pingues, tenaces, cum pulsu magno & pleno, tardissimoque. Alvum experti sunt difficiliorem, & solo ferme enemate proliciendam.

Cardialgia hæc & enemate mitigabatur, & carminantibus variis, opio præsertim, secure & cito.

Quartanæ triplicatæ hac methodo in duplicatâ

tas, hæque in simplices, conversæ sunt intra non multos dies; ex integro tandem cum reliquo quartanarum febrium satellitio profligatæ sunt, absque periculo recursus.

Qui largiores florum doses absumebant, ventriculo gravius dolebant, sed multo citius sanabantur ex febre: quasi ea ipsa permolesta ventriculi affectio, quam flores arnicæ excitant, febriles elideret paroxysmos; ut idcirco gravissimæ febri, & pertinaciori non mederetur, nisi valida, & morbo commensurata remedii actio fieret in nervos præcordiorum.

Non perinde nobis erat ipsos arnicæ flores, vel vero eorundem decoctum, exhibere. In febribus putridis decoctum præplacuit, in intermittentibus vero flos ipse. Decoctum florum vomitum crebrius concitabat, sed rarius ventriculi dolorem, eumque leviozem. Præterea proniores habebant, liberioresque secessus sub usu decocti, quos non nisi laboriosos & raros querebantur, qui floribus ipsis fuissent usi.

Hæc ipsa florum arnicæ vis in nervos gastricos quosdam explicatus dabit, sublatae quondam eo remedio tussis convulsivæ, quæ quibuscunque antea medicamentis restitisset. Operæ pretium forte non pœnitendum is reportaret, qui accuratius in vires hujus floris potentes sane inquireret, & vim hanc *cardialgicam*, floribus peculiariter insitam atque specificam, certis nosset affectibus morbosus tanquam medicinam opponere.

Quid? si in morbis quibusdam gravissimis nervorum, epilepsiæ, maxillæ tetano, aliisque, ubi non raro nimis curtam medicinæ suppellectilem querulamur, remedii hujus *cardialgici* vis exploraretur?

Plures scorbuto incipiente affecti hoc mense *Scorbutus levior passim.*
ad nos venerunt gingivis consumptis in inferiori
præcipue maxilla, & cinereis dentibus, atque a
gingiva desertis, anima fœtente, doloribus vagis,
vesperi & noctu acutioribus. Puella unica præ
cæteris gravius multabatur. Longis antea in-
termittentibus vexabatur: tumidulo & pastaceo
habitu erat, atque a tribus mensibus lividis, la-
tisque maculis per crura & femora hinc inde
sparsis, itemque petechiis scorbuticis, rotundis
nempe, obsolete rubris, diametrum grandioris
ciceris, & creberrimis per brachia & omnem
corporis truncum disseminatis variegata. Mictus
cruentus, pallidissimæ & evanescentes gingivæ,
& animæ fœtor peculiaris. Sero lactis cremore
tartari parato, & herbarum antiscorbuticarum
conservis sub hujus mensis finem sanescebat.

Scorbutica hæc labe videbatur aliquantum
epidemica esse, ob assiduum humorem atmos-
phæræ.


Phthisin *inchoantem* in Textore sanabamus *Phthisis incipiens solis anti-phlogistica sanata.*
phlebotomia repetita, sed singulis vicibus par-
tiori; vegetabili victu, & potu tepido, atque
emolliente.

Hanc phthiseos speciem ab aliis quibuscunque
distinguebamur: erat enim potius *chronica atque* *Quam nos ide-*
occulta aut pleuritis, aut peripneumonia in suppu- *am ha-*
rationem jamjam transitura; aut forte in exigua *buerimus*
atque sanabili plaga jam modice suppurata. *de bujus*
phthiseos

Thoracicas id genus inflammationes sub *inci-*
ipientis phthiseos nomine antiphlogistica hac me-
thodo & sanavimus ipsimet, & sanatas ab Aliis
accepimus.

Paucas febres inflammatorio-putridas hoc
mense habuimus curandas, longas, taciturnas,
non tumultuantes, pulsibus vix mutatis, cute


universa & linguis aridis, tussiculofas, & sub-
 peripneumonicas, atque *αγγειμυς* Venæfectio-
 nes repetitæ, non profusæ, emollientia, tepida,
 humectantia, & situs corporis erectus, tandem
 decoctum florum arnicæ, profuerunt.



SECTIO III.

D E

CAUSSA ET SEDE PHRENITIDIS.



A D

VIRUM CLARISSIMUM
GULIELMUM GRANT
MEDICUM LONDINENSEM.

Ea, ut potero, explicabo, nec tamen, ut Pythius Apollo, certa ut sint, & fixa, quæ dixerò: sed, ut homunculus unus e multis, probabilia conjectura secutus: ultra enim, quo progredior, quam ut veri videam similia, non habeo.

TULLIUS

SECTION III

OF

CAUSAL RESEMBLANCE

PHENOMENA

AND

OF

CAUSAL RESEMBLANCE

GULIELMUS HERBERT

PHILOSOPHUS

ET


ALII

PHILOSOPHI

ET

ALII


PHILOSOPHI



D. E.

CAUSSA ET SEDE

PHRENITIDIS.



Complures ad nos ferebantur, qui inter furores insaniebant. Plerosque non magna febris tenebat, si ejusdem mensuram ad saltum arteriarum dimetiaris, Quosdam perobscura, Paucos elatior: febriebant tamen omnes, etsi varia intensione. Quibusdam oris, & linguae conditio, uti in Sanis, observabatur. Paucis a naturali harum partium habitu non magnus recessus; lingua modicissime, aut albida, aut flavescens. Omnibus, quousque mens sana fuit, morbi initia ab horrore sunt coepta, summam solum tunc perstringente, vago, atque per vices; obtusa cephalalgia, intermisto denuo calore inquieto, & artuum lassitudine, ac minuto ciborum desiderio. Vespere, noctuque paullo difficilius aegrotabant, obambulantes tamen & suis quisque laboribus functi.

Tandem mente laborare, sed diversa ratione acceperunt. Hi enim repente in furias agebantur;

tur; Illi prius convulsi epileptica convulsione, aut grave animi deliquium passi, soluta nervorum distensione, aut lipopsychia insaniebant. Pauci desipere pedetentim, atque per intervalla, plerique inopinato & graviter & cum furore cœperunt.

Id animadverti, non eadem intensione eos interdum noctuque ferocire, sed esse quasdam ferociæ remissiones, nulli plerumque horarum periodo alligatas; subinde tamen statò tempore recurrentes, atque ita, ut meridie mansuetius, vesperti gravius, noctu gravissime, furerent cum ejulatu, taurino musculorum robore, collisis dentibus, convulsi vel solis maxillis, vel etiam corpore universo. Sudoribus Plerique diffuebant. Omnium fere tendinum assidui saltus, aut tremulæ micationes. Quidquid ore hauriendum offerres, aversio pertinax: sicca alvus: lotium paucum, & raro missum, & si quid excipi poterat, croceum, atque icterodes.

Pulsus habuere plus minusque acceleratum, atque eundem in tribus Viris deprehendi, instar percussæ chordæ vibrantem.

*Phreni-
ticorum
quorun-
dam bi-
storie.*

Quorundam Phreniticorum historias narrabo, eo animo, ut quæ morbi natura, ac sedes fuerit, & quæ soleat plerumque esse, non ego ipse statuam, sed dispar exitus morbi; disparem æque medendi rationem consecutus.

De phrenitide vero hic solum carptim agam.

Tertius annus est, ex quo Juvenulam mihi concrediderunt parce semper, tardius, atque solito aquosiora menstruantem, aliquot jam diebus leviter febrientem, morosam, multa præter morem ineptientem, minus appetentem, ac lassam. Fuit, qui febrem intermittentem prædiceret. Ea ægritudinis præludia fuerunt: obambulabat, sed ægre.

Tan.

Tandem apertius & desipere, & febrile, mihi-
que committi.

Rei summam memoria teneo, unde ista de-
romo, cum, quæ in singulos acta dies essent,
negotiis aliis tunc longe plurimis districtus in-
vigillares non retulerim; sed sinister eventus
norbi, ut quem curare nequiveram, fidelem sui
memoriam reliquit.

Febrientem accepi, & placide delirantem.
Pertusa semel atque iterum vena, datisque, quæ
lvum per epicrasin, & diutius sollicitarent, mi-
e delirium in ferociam commutabatur. Febris
n initio non magna, nunc nulla videbatur, &
i quid febrim argueret, id facile vigiliis assi-
luis, jactitationibus, clamoribus, & irritato per
tæc humorum circuitui tribuebam.

Cum Ægram itaque apyreton judicarem, de-
irium assiduum, ferox, atque per multas septi-
manas; multa, quæ maniae mederi sunt observa-
a, adhibui, & fere pleraque, si emeto-cathar-
in excipias. Purgantibus usam noveram diu,
& absque emolumento, quin sub ipso eorundem
usu desipientiam placidam abiisse in furias. Hinc
lb emetico sperabam nihil, metuebam plurimum,
n ea Ægra, quæ pharmaco etiam multo mitio-
re quam longissime esset a sana mente dimota.

Ita novem septimanæ labebantur inter assi-
duas furias. Donec Ægra in alium locum trans-
ferebatur, ad Maniacorum videlicet ergastula.
Ibi curatam novi, etsi, qua methodo, ignorem.

Ex iis, quæ mihi referebantur, gratiola una,
atque altera vice propinata sanatam conjicio.
Sed ad alios non absimiles casus properemus.

Æstate anni 1776. aliam ad me Juvenculam
Reportarunt; delirantem æque, sed absque furo-
re, mihi que narrarunt, ab aliquot jam diebus
le-

leviora frigora, caloresque intermistos, dedolationem, anorexiam, & oris amarorem esse questam; omni alterna vespera luculentius febricitasse, erectam ut plurimum, atque Heræ morosiori, sæpiusque adversa valetudine tentatæ, etiam noctu servientem. Sub ipsis accessionibus mens vacillabat, atque etiam aberrabat. Febrim biliosam esse Medicus, qui vocabatur, aiebat, deditque scrupulum pulveris ipecacuanhæ. Vomuit perpaucam pituitam, at nil emendatur: ad me deferitur, multa & inconcinna loquitur, attamen non ferocit. Febris assidua vario tempore exacerbata, & sub hisce exacerbationibus desipientia major.

Sanguinem compluribus vicibus detraxi, modo bonum, modo crassa phlogistica crusta cooptum, atque ex venis variis, pedum, brachiorum, & juguli. Sanguisugæ ad tempora, vesicantia nuchæ, posca capiti adplicata. Verum sub horum usu desipientia in ferociam abiit assiduam: febris magna, tendinum saltus, atque per vices accedens trismus.

Hac methodo cum proficerem nihil, reducere humorum impetum ab encephalo volui opere purgantium leniorum. Sed nec ita profeci quidquam. Ægra æque ferocit, attamen minus febrit, sed virium jacturam mollities pulsum testabatur. Mutato consilio ad nervina, & camphoræ doses largiores ventum, cum ejus remedii vim in non absimili morbo clarorum Scriptorum observationes quædam nobis facerent testam.

Post diuturnum horum usum deliniri ferociam primum, dein etiam lucidis intervallis distingui: tandem apta, concinnaque loqui, sed immodica garrulitate, cui si diutius indulgere permit-

ebatur, ferri denuo mens exlex cœpit, & ad neptias divagari; Ægra nihilominus obambulantem, cæterisque actionibus ad modestiæ normam compositis; atque ita diutius fatuitatem inter, & mentis sanitatem ambigebatur. Denum cortice peruviano, & foliis aurantiorum est usa.

Exactis tribus mensibus, crurumque oedemate, quod sub ultima morbi tempora accesserat, depulso, sanata domum repetiit, sed ita, ut posim dubitare, secunda valetudo medicinæ, an corporis beneficio, contigerit.

Tres adhuc historias narrabo, etsi complures suppetant mox enarrandis conformes, sed quas ob id ipsum non proponam. Collectæ observationes, & numero plures, & eventu diverso in e non diversa huius mentis ægritudini exactius intelligendæ forte quid lucis affudent.

Ita posthac confidentius persequemur hocce

parietibus textum cæcis iter.

Faber ille ferrarius, qui Nro. 11. decubuit, pulchram nobis in hanc rem observationem delit. Fuerat is annorum 44. lacertosus, corpore breviori, sed denso, atque compacto. Nocomium adiit die 13tia Junii 1778. aitque, se jam a sex diebus lassum esse, minus appetere, levique per vices, maxime vero sub vespere, horrore perstringi; ob hæc ipsa incommoda nudius tertius Medici cujusdam suasu brachii venam secuisse. Nihil emendatum esse; quin potius, tremorem mox ab educto sanguine accessisse totius corporis, (tremebat totus cum hæc narraret, quemadmodum sub accessione febrili soleat); hucusque nondum præter morem decus

cubuisse, atque operi fabrili, morosius tamen, vacasse.

Pulsus habuerat a sanitate vix abludentes, vibratos aliquantum, modicissime acceleratos. Nulla gustus aliena conditio, & lingua levissime ad radicem albescens, mens firma, & sermo promptus: alacritas: in sudores fuisse per hosce valetudinis adversæ dies proclivem agebat, & urinas paullum magis, ac ordinario, tinctas.

Agebam Adstantibus, febrim esse perquam exiguam, & febris biliosæ solum rudimenta: rem probabilius posse totam componi remedio leviter salito, blandissime alvum sollicitante, potu aquoso, mellito, posca.

Eum diem in seram usque noctem, quemadmodum narravi, transiegit.

Altera die, (14ta Junii,) cum Ægrorum cubilia peterem, procul clamores audio late sonantes; mox hominem furiis agitatum ipsummet video, qui vinculis cohiberi, ob insolens robur, vix poterat. Agebant Custodes, nocte fere media repente furere cœpisse, horasque noctis reliquas vociferatione assidua turbasse; vincula sat firma aliquoties perrupisse, multa undique injecta manu vix potuisse coerceri; non vidisse se Ululatum a multis retro annis, qui tantis viribus polleret, neque tantopere efferatum. Sudores profusi, assidui, toto corpore depluentes; pulsus vibrati; urinarum conditio me latet, cum Æger lectum comminxerit.

Illico tria grana tartari emetici exhibeo, non vomit, non dejicit, nec ulla ratione a minuta hac dosi affici videbatur.

Exacto horæ unius spatio potionem emeticam octo granis tartari emetici factam ita propinari jussi, ut dimidiam portionem modo ab-

umat, alteram exacta dimidia primum hora, in prima dosis proposito responderet. Fœmina Egrorum Custos potiunculam propinat, quam Eger, vinum esse exclamans, ita avide ingur-
itabat, ut, æstimatione facta, septem grana tartari emetici hauserit uno fere haustu. Custos, tut dividere portionem iussa, hac prompta bi-
endi voluntate uti voluit, atque ita plus, quam mandaveram, ingessit, verum

— — *ut sæpe jam in multis locis*
plus Insciens quis fecit, quam Prudens, boni,

etiam nunc auspicato hic error contigit, ter nim biliosa vomuit, ter dejecit. Manabant pererrimi sudores. Mox remittere furor, placide dein, & mussitando delirare. Vespera appetente indormire per vices, & tandem comuribus horis somno non interrupto, tranquillo ne ultra mediam noctem soporari. Versus auram diei istæ Junii evigilat, reducta mente, prorsus sana.

Ex eo tempore decocto tamarindorum, radicis graminis, taraxaci, cichorei, & tartari creore usus, ac paucos post dies sanus ad Suos diit; valetudine, ut posthac innotuit, conanter bona (*).

Au-

(*) Gaudeo, me hujus curationis testem, egregium Carol. Gulielm. Nosse posse compellare, quem ob præclaras integerrimi animi dotes, ob eruditionem multiplicem, in artis spes & incrementa natum, Viennæ tunc amabamus, nunc vero Augustæ Vindelicorum commemorantem invitissimi desideramus.

Autumno anni 1778. Famulus Illustrissimæ Comitissæ de B.*** in nosocomium susceptus est mente lapsus, & furens. Quatuor, an quinque diebus antea, cum multum hinc inde cursitando incaluisse, & cerevisia immoderatus ingesta sitim restingueret, mox capite doluit, & frigit per vices, & præter morem. Doluit quoque thorace dextro ad costas spurias, dolore pungente, non valde intenso, & sine tussi: non decubuit.

Instituta phlebotomia, atque extracto coriaceo sanguine, non juvabatur. Linguae & gustus ea ratio, quam in recte valentibus videmus. Vespere ejus diei, quo sanguinem eduxerunt, mente dejectus delirat, torvo aspectu, celerrime rotatis oculis, & quasi prominentibus cum ejulatu, & æstro percitus. Perfluebant ex omni corpore sudorum rivi, pulsu arteriarum vix citatiore, veruntamen vibrato. Fit altera venæsectio eadem vespera, quæ sanguinem aspectu bonum dedit, sed Ægrum non levavit. Noctem inter furias exegit cum interdum cicuratus delirasset.

Altero delirii die circa meridiem nobis committitur; iis horis, meridianis nempe, cum domo effereretur, in via resipiscere aliquantum incœpit; ut adveniens & apte loqueretur, & quod initium morbi fuerit ad id usque tempus, quo mentem amiserat, ad amissum referret. Nondum integra hora ab adventu in nosocomium præteriverat, cum denuo fureret, pulsu forti, pleno, vibrato, sed vix præter ordinem accelerato; inter assiduos subsultus tendinum, & sudores largos.

Sanguinis ex nocte perparum detraxi, visurus, & quomodo phlebotomiam ferat, & quæ condi-

litio sit ejusdem emissi. Eum crusta phlogistica carentem vidi, & superficie lætissime rosea.

Mulsam & poscam adjecto sale medio mitiori frequenter, & affatim propinavi, atque injecto lystere alvum sollicitavi.

Cum eo tempore, quo pridie mitius delirarat, videlicet meridie furor adeo non remitteret, ut potius novis auctibus cresceret, grana quinque tartari emetici ex quatuor unciiis aquæ haurienda dedit. Ter inde stomachum exoneravit, nausea gravem, ventrem sexies. Bilis vomitu rejecta est flava, & amurciosa, sed mole non maxima; bilis etiam alvo secessit longe copiosissima, morbi fax, & origo. Mox cicurari aliquantum, & tractabilior esse; dormire tandem, somno ea vespera inque multam usque noctem producto, inter exiguos, rarioresque tendinum, & digitorum lusus. Post mediam noctem evigilat, sui plenissime conscius, & compos.

Ab eo tempore mens, quam rectissime, valuit: sudores imminuti tandem nulli fuerunt.

Ufus est decocto radicum graminis, taraxaci, amarindorum, & tandem, elapso non multo tempore, domum abiit; etiam nunc, dum hæc e pugillaribus excerpo, plane sanus.

Id addo, hominem ante aliquot annos gravi errore perculsum fuisse, tuncque etiam convulsam; sed & antea, & posthac sanum vixisse.

Famulus Baronis P * * 37 annorum die 17ma Decembris 1778. mane lassus, & capite dolens inhorruit; pituitam suapte vomuit, intercurrente per vices fugitivo calore. A meridie commodius valere videbatur, obambulabat, gustum equidem non depravatum, at anorexiam, questus.

Meraciorem cerevisiam & ejus largiores haus-
Par: III. stus

stus amasse, ad crapulam usque, Domestici testabantur.

Hæc incommoda quotidie recurrebant, donec die 21ma Decembris Medicum accederet, qui herili, totiusque familiæ, valetudini curandæ præerat, is pulveres ex sale medio, & rheo confectos præscripsit, per vices adsumendos.

Die 23tia Decembris a meridie idem Medicus ad Ægrum accitur, totis artubus trementem, siticulosum, & capite valdopere dolentem; cum pulsu duro, atque accelerato. Alvum, a sale medio & rheo, aliquoties fuisse motam comperit: oris amaror nullus; nullæ nausæ. Mox sanguis eductus est, crustam postmodum phlogisticam exhibens: remedium refrigerans, nitrosumque propinatum. Cum morbus ad vesperam intenderetur manifesto, alteram jam multa nocte phlebotomiam instituunt, sanguine corium phlogisticum denuo formante. Copiosus limonadæ potus dabatur: nox absque somno, & inter deliria, exacta.

Die 24ta Decembris mane convellitur. Vesicantia ad furas applicantur, & mixtura ex spiritus salis ammoniaci, aceto saturati, drachma una, syrupo papaveris albi, & aqua stillatitia conveniente propinatur. Delirat assiduo, & cum furore; nisi forte Heræ aut admonentis, aut increpantis, conspectu resipisceret aliquantum, & componeretur: nox insomnis, & cum furore.

Die 25ta Decembris meridie ad nosocomium deducitur. De morbo interrogatus apte, atque omnia exacte usque ad id temporis, quo mente labi cœpit, narravit, & tremuisse se totis artubus per omne hoc morbi tempus, tremens addidit. Nunc vero frequenter sibi poplites quasi

uccidi, veluti jamjam lapsuro. Conditio linguæ & faucium quemadmodum in sanitate; sed pulsus fortes, & pleni, vibratique cum aliqua celebritate, & uberrimi sudores aderant.

Etsi cuncta concinne atque ex ordine, quemadmodum gesta fuerant, referret; nihilominus spectu, sermonisque insolita promptitudine, & sana mente alieni quid attonitique, atque etiam eorum suarum incurii, prodebat.

Brevi morbi historia vix absoluta, cum in cura volueram adcuratius indagare, delirare furiose cœpit, furore vesperi, noctuque intensiore. Ad nos venienti vesicantia detrahi curavi.

26ta Dec. Ægrum assidue, sed mitius, furem inveni, eumque, quod antea recusavit, renue bibentem. Alvum noctu bis posuit. Collecta studiose atque asservata urina sedimentum lateritium, aut potius cinnabarinum, deposuit. Pulsus & sudores, uti pridie.

Horis antemeridianis grana quinque tartari metici in quatuor unciiis aquæ soluta dedi, atque uno haustu potanda. Vomuit inde sexies titutam non copiosam, cum pauca bile: quarum secessibus multæ biliosæ fæces excernebantur. A vomitu mitius delirare & taciturne, ac quædam subinde quasi mentis reversuræ signa erant. Qui antea lectum conspurcaverat, jam nunc excipulum petiit, atque maculam lotium missurus. Urinæ quædam jumentosæ erant, quædam vero propemodum naturales, aut a naturalibus intensiore solum flavedine differentes. Lingua per vices arescebat. Sudores, & pulsus unusque nil mutabantur. Potus multus ex aqua simplici, aceto & melle. Noctem placide deorsum & infomnis egit.

27ma Decembris mane vomitur, vomitque

cam pituitam; quietior est, atque ita compositus, ut manibus subinde libertas potuerit a vinculis dari; subinde etiam apte respondet, delirio licet identidem recursante. Urinæ & pulsus iidem: lidem etiam potus medicati, adjecto nitro & tartari cremore. Hac vespera cum denuo inquietior, quin etiam ferox, redderetur; pulsu plenissimo, vibratoque, undecim uncias sanguinis detraxi, qui crustam plumbeam, tenuem, modice contractam, & serum multum atque cæruleo-viridescens monstrabat. Ea nocte ad singulos potuum refrigerantium haustus pituitam non paucam leviterque virescentem vomebat. Nox insomnis, inter sermones ineptos, sed absque furore.

Die 28va Decemb. mane dormit, remotis vinculis, mente constat, lassitudinem magnam, sitim, & gustum vitiatum questus: perraro hæsitare videtur, quasi denuo mente lapsurus. Circa meridiem ejus diei emeticum denuo propinabatur ex scrupulis duobus ipecacuanhæ, & grano uno tartari emetici paratum. Inde decies multa biliosa revomuit, dejecit: mens inde perfecte sana; febris vix ulla; levis tremor artuum; sudores exigui.

29na Decembris nulla febris, mentis sanitas perfecta. Nullus ullibi dolor, lingua humectata, leviter albescens, urinæ croceæ. Decoctum ex radice graminis, taraxaci, & fructibus tamarindorum cum succo citri & saccharo.

30ma Dec. nox bona, apyrexia plena. Remedia eadem. Per vices e lecto surgit.

Locus ille, quo de sede phrenitidis disceptatur, atque eidem medendi ratione, magnus est hercle, & a non paucis vexatus. Quibusdam enim

enim phrenitides viscebantur encephalo inflammato; cum Aliis ejusdem visceris inflammatio non infrequenter occurreret, etsi Æger, quamdiu in vivis erat, non deliraret. Non raro nihil omnino quod accusares, aut nihil saltem, quod non alibi sæpius, quin prægressa phrenitis esset, conspectum fuerit, intra calvariam reperiiebatur, ut ait a phrenitide mors fuerat.

Non unam eandemque ubique ac semper esse phrenitidem arbitror, nempe non unam semper eandemque phrenitidis causam, nec causæ se-

*Diverse
dantur
febres
phreniti-
cæ, seu
phreniti-
des,
quod ex-
emplo il-
lustra-
tur.*

Febres phreniticas æque inter se differre existimo, ac febres *ophthalmicas, anginosas, pleuriticas, peripneumonicas*, aliasque; quæ quantum & genesi, & medendi ratione discrepent, alibi est abunde dictum. Amabo enim, si *ophthalmiam* videas, ruborem oculi nempe, doloremque cum motu febrili, num eadem ubique ægritudo erit? nonne hæc febris *ophthalmica* (si fas sit hac compellatione uti) diversas habere origines, causasque potest, & diversam exigere ob id ipsum medendi methodum? Febris *ophthalmica inflammatoria* esse solet, in Aliis *serosa, rheumatica, gastrica, seu saburralis*, atque in Aliis denuo alia.

Ea ipsa ratio etiam in phrenitide obtinet, morbo videlicet sæpius differente.

Quodsi forte curanda quædam febris occurrat, quæ more phrenitico mentem turbat, male solum plerumque delirium spectamus, quasi is morbus princeps esset, & non potius febris cujusdam quoddam accidens non necessarium.

Has, quas ego videram, Phreniticorum febres, fuisse aut *biliosas*, aut *inflammatorio-biliosas*, existimo eventu posse probari; atque hanc ipsam speciem phrenitidis esse idcirco multo fre-

quentiorem, quod & ipsa princeps febris, gastrica nempe, præ cæteris febribus sit multo crebrior, annis omnibus, atque etiam per omnes terrarum tractus.

*Quanam
ratione
faburra
ventri-
culi en-
cephalon
afficiat.*

Dum hujus phrenitidis sedem (de hac enim sola loquor) cujus hic exempla retuli, in abdominis faburra statuo, non id dico, rationem me nosse, qua ventris illuvies valeat encephalum turbare; fortasse enim nihil omnino morbosæ materiæ ad cerebrum ablegatur, sed ægrotante ventriculo ob inexplicabilem quemdam consensum encephalum æque ægrotat: fortassis etiam id fit, quod in ophthalmia biliosa ac saburrali accidere sæpe videmus; quod æque evenire in erysipelate solet, morbo nempe ex ventris illuvie nato. In his enim morbis, quorum uterque natales ex abdominali faburra, ad oculos dimittitur, aut ad locum erysipelate tentatum: videmus enim rubentes oculos, & acrium lachrymarum imbres, atque erysipelas ipso aspectu docet, materiem alienam esse ægrotanti loco infixam.

Hujus ergo phrenitidis sedes concipere fortassis binas possumus, in præcordiis unam, infatuante humore, biliformi, putrido, aut qualicunque fæctis; atque alteram in ipso encephalo, quod ejusdem dementantis materiæ particulam, ut Veterum phrasi utar, attraxit.

Videre igitur in cerebris Demortuorum & vasa infarcta, & rubores præter morem, & alienos latices frequenter licebit, etsi morbus in infimo ventre suum habuerit promptuarium, suamque penum; ignis sacri, atque ophthalmiæ saburralis exemplo.

Emesis suo tempore, iisque, quæ antea acta esse oportet, præmissis, instituta, & ventris saburram eliciet, novæque metastasis generandæ,
aut

ut prioris alendæ ansam rescindet, & ipsam for-
e materiem e ventre aliorsum jam dimissam, at-
que alicubi pertinacius adhærentem, submove-
it, concussu salutari corporis totius, aut largo
idorum proventu; hi enim ab emesi ubertim
manant.

Verum quoscunque hæc res explicatus poscat, *Unde di-*
semper veluti canon, atque regula obtinebit, *visio*
qua impune deflectere non licebit: *phreniti-*
dis sit
um esse in febrium indolem, easque, misso non repeten-
da.
ecessario symptomate, directe esse oppugnandas.

Atque id non solum in febribus phreniticis fac-
opus esse existimo, sed etiam in omni alia qua-
unque febre, quam eminens quædam affectio
opica comitatur, angina, pleuritide &c.

Symptomatis cujusdam apparens magnitudo
lerumque Medicum inauspicato abducit a con-
templanda febris natura, & eum in se totum con-
erit, insolentia rei, veluti monstro, percul-
um.

Ita phrenitidem *apparenter* eandem, *re* diver-
am, eidem plerumque methodo subjecimus, er-
bundæ potissimam, atque incongruæ; qualem
empe illam esse oportet, quam nulla morbi de-
terminata notio regit.

Ipse non eandem in quinque Phreniticis me- *Epicrises*
endi viam institi, etsi debueram; in morbo *phreniti-*
empe, prout is mihi offerebatur, his quinque *dum an-*
tea nar-
icibus eodem. *ratarum.*

In prima Ægra leniorum purgantium usui, eo-
que protracto confisus sum, ea nempe ex opinio-
e, id æque confici atque etiam tutius purgante
osse, frequentius propinato, quod vomitorio.

Purgantibus, utut antiphlogisticis, morbos e-
videnter saburrales efferari vidi, atque intendi
non raro; quos emesis, si ex simillimis, & quam

plurimis casibus iudicium formare liceat, repente sustulisset.

Attamen id etiam observavi, febres quasdam alias, æque ex ventris infimi saburra natas, miti pharmaco alvum pluribus diebus movente fuisse sublatas.

Inde est, cur non existimem, esse indifferens, an emetico, an vero purgante in febre saburrali utamur, nec alterum posse alterius vices supplere.

Dispicere igitur oportebit, an materies *sursum*, an vero *deorsum*, turgeat.

In cura hujus Ægræ debueram misso delirio in morbum principem, febrim nempe saburralem inquirere, eique a fronte occurrere. Non enim commentitia lex est, neque a Veterum placitis deflectens: morbi jugulum premendum esse, non circumeundum: sed cautos esse, atque oculatos oportere, ne forte jugulum putemus, quæ solum aut manus, aut pes foret.

Phrenitis ejusdem Ægræ, postquam febris deferbuit, in maniam convertebatur, delirium nempe apyretum.

*Phreni-
tidis in
maniam
conver-
so.*

Quidam, qui Maniacis olim non paucis medebatur, ejusmodi mihi narravit, unde collegi, plerosque Maniacos initio *Phreniticos* fuisse, utut ob febrim obscuriorem (si febrium notas ex pulsu fere solo capiamus) jam inde a morbi principio *Maniaci* dicerentur, & febris expertes.

Id etiam assererat, se multos, & fere omnes recentes Maniacos sanasse, cum multo solvente potu præmisso, & phlebotomia una aut pluribus, infatuantem fomitem ex eorum ventriculis evulsisset. Atque ea in re Patrum nostrorum consuetudinem sequebatur: fuit enim antiqui moris, Delirantium animos helleboro detergere.

Altera Juvenula febre laborabat manifesto bilingua; sive ad Medici, qui prior Ægrotæ curam gessit, assertum attendas, hominis exercitati; seu id spectes, quod febris certis, dimensisque momentis accresceret, atque iterum modice subderet.

Emesin ab eodem Medico concitatam non suffecisse, mirari desinet, Qui noverit, illam parvissimam fuisse, & ab exigua vomitorii dosi factam, & in corpore ad vomendum non præparatam, tanta igitur ægritudine minorem.

In nosocomio vero periculosam medicationem subiit. Copioso equidem atque apto potu materies vitiosa, & morbum committens diluebatur; at, quod via & brevissima, & tutissima, eam totam eveheret, nil fuit.

Missio non paucò sanguine, & exantlato systemate venoso arteriosoque, alienus isque dilutus humor intra vitæ hospitia receptus universum corpus oberrabat; donec tandem ad varia cola errabundus ferretur, atque aut artis stimulis, aut medicatricis naturæ vi a tergo pulsus diversos sibi exitus ac fugam quæreret, morosam quidem ac tardam, neque sine omni prorsus desertæ stationis damno.

En crisin difficilem, sæpe inadæquatam, & mille periculis implicitam!

Qua phrenitidis specie tres reliqui Phrenitici laborarint, prompta medendi ratio, & eventus docet.

Id solum difficile videtur, ut accurate determines, an vera, atque inflammatoria phrenitis sit, an vero sympathica, aut etiam aliunde proveniat.

Et si enim in scholis Medicorum phrenitidum

distinctiones accurate tradantur, earundem tamen diagnosis penes lectos Ægrorum non raro anceps reperitur.

*Ambi-
gua sunt
inflam-
mati en-
cephali
signa.*

Quippe multa, quæ inflammationem præsentem indicare dicuntur, eamque encephali præprimis, decipere visa sunt non raro.

Ut a pulsu initium faciam, is sæpe durus & vibrans inventus est, etsi nulla præsens inflammatio fuerit; atque alia vice debilis & mollis, ubi phlogosis encephalo profunde insidet.

Ætatem viridem, & calefacientium usum, sicuti in eodem homine febriente, & phrenitico concurrant, inflammatoriam phrenitidem indicare nemo facile dubitabit. Verumtamen Ægri nostri omnes ætate floruerunt, atque unus eorum cerere meraca, & vino abuti solebat, etsi nullus eorundem inflammatione encephali laborarit.

Cephalalgias validas phrenitidem veram antecedere asserunt; quod quidem ut sæpe fieri non nego, ita semper accidere inficior, contrarium doctus. Cephalalgia gastrica, febrium biliosarum, putridarum, malignarumque comes plerumque præ cæteris sæva est, atque ex hac ipsa dolorum intensione non raro ejusdem indolem & causam dignovimus, nullatenus inflammatoriam.

Immoderatas vigilias, quas inter veræ phrenitidis causas BOERHAAVIUS recenset, bis vidi spuriam fecisse.

Faciei rubor & turgor, atque oculorum pars alba velut sanguine suffusa plethoram & inflammationem non raro notant; at vero eadem symptomata in quam plurimis febribus, biliosis, putridis, malignis a me fuisse frequentissime conspecta, fidenter ajo.

Adde etiam illud, deesse nonnunquam notas

omnes, quæ, corruptam atque acrem bilem circa præcordia hære, communiter docent.

Non hæc idcirco prolata velim, ut hæc accidentia in determinanda phrenitidis indole negligantur, sed ne in formanda diagnosi difficillima iisdem *solis* fidamus.

Tempus anni, morbi congeneres, eorum accurata cognitio, quæ delirium præcesserunt, morbi remissio per vices, juvantium & nocentium notitia, scientia earum rerum morborumque, qui *passim*, & *cæteris frequentius* eveniunt, & facultas quædam vel occultissima dignoscendi, usu comparanda, verbis non describenda, Medentem melius instruunt, quam Scholarum præcepta.

Divisionem phrenitidis accuratam, & quæ omnes delirii febrilis species complectatur, statui nullam posse existimo; quemadmodum nullam quoque febrium partitionem habemus completam, neque habere possumus.

In tanta enim febrilium causarum infinitate, quarum singulis respondebit *sua* humorum, solidorumque crasis vitiata, & *sua* febris, necessum omnino erit, febres esse non solum innumeras, sed etiam summopere ab se invicem differentes.

Jam vero vix ullam febris speciem dari puto, quæ non aliquando encephalon quacunque ratione afficiat; aut dolore, eoque vario, aut functionum ejusdem læsione varia; atque vix ullam febris speciem, quæ non aliquando sub certis quibusdam conditionibus encephalon ita afficiat, ut *Æger phreniticus* dicatur.

Erit ergo phrenitis symptoma quoddam commune quam plurimarum febrium; inter sese summopere licet differentium; quemadmodum id de calore, frigore, cephalalgia, siti, sudore, aliisque

An, & quomodo condici possit practica phrenitidis divisio?

que communibus febrium non necessariis accidentibus dicimus.

Quemadmodum ergo in febrium partitione non omnes omnino febres complectimur, neque ob dictam rationem complecti possumus, sed solum *quasdam, easque cardinales, ac primarias* statuimus, reliquas vero in partitione non expressas ad eam febrium cardinalem reducimus; quacum aliquam quoad causas, decursum, & maxime quoad methodum medendi analogiam habent, reducere solemus; ita etiam agendum reor in phrenitidis partitione.

Non id ago, ut phrenitidis partitionem hinc dem; sed, ut, quid difficilem eam reddat, quidve in ea stabilienda sit observandum, ostendam.

*Inade-
quata
plero-
rumque
Aucto-
rum di-
visiones
& defi-
nitiones
phreniti-
dis.*

Hinc, qui vel in solo encephalo inflammato phrenitidis causam quæsiere, morbum latissime patentem nimis arctis limitibus circumscripsere; æque ac Illi, qui eandem, encephalo sano, subter præcordia locarunt. Sed neque Ii phrenitidis omnem ambitum complexi sunt, quibus placuit, utramque hanc phrenitidis speciem ita admittere, ut aliam nullam agnoscerent; cum pluribus, quam binis solum his locis, supremo atque infimo ventre, discludi infatuans causa possit, eaque ipsa summopere differentis indolis esse, & diversissimo modo mentem lædere.

Idcirco differre etiam phrenitides debent, prout & *locus phreniticæ causæ, & ejus indoles, & infatuandi modus* differt.

Cum hæ phrenitidum differentię negligenter, idemque semper & ubique morbus statuere-
tur, ubi mens Febrientis erat diutius emota; id accidit, ut Auctores diversimode de morbi sede, causis, & accidentibus, ac medendi ratione
opi-

opinarentur, & quam maxime pugnancia proferrent; suis singuli observationibus confisi, & extispiciis subinde docti.

Plerosque res non *commentitias*, sed *factas* in medium protulisse, lubens concedam, verum in eo lapsos esse existimo, quod, quæ viderint in *Paucis*, ad *Plurimos*, quin ad *Omnes*, transtulerint, qui cum febre delirarent.

In *definienda* phrenitide æque disceptabatur; utut, ignorata & morbi causa, & sede, in promptu fuerat, morbi notionem ex characteribus, qui constanter atque in quovis Phrenitico, sensibus occurrant, haurire.

Verum Plerique ex quadam amica hypothesi, aut ex rarioribus observatis, definire morbum maluerunt.

Febrim acutam cum delirio phrenitidem nominabis.

Nil refert, quæcunque acutæ febris species sit, quæ phrenitidem committat: neque semper *malignam*, etsi id Quibusdam placere videam, requiri, Phreniticorum historiæ docuerunt.

Sed neque semper *inflammatoriam* febrim dicere, nec *inflammatum encephalon*, in iis Omnibus, quos phrenitis tenet.

Vix enim febrim acutam novi, quam non aliquando cum delirio viderim.

Quidam thorace solum inflammato, Alii ventriculo & intestinis, phrenitice delirarunt, encephalo omnis phlogoseos experte.

Encephalon inflammatum cum delirio observavi; inflammatum quoque, mente sana.

Asserta mea extispiciis possum confirmare.

Delirium nec *assiduum* volo, nec *furiosum*, nec tale, quod morbum *inchoet*, ut phrenitis dici queat; quanquam, si hæc ita sint, phrenitidem adesse, nemo dubitet.

Non

Non enim ex eo, quod *plus*, *minusve* est, morbum adesse, aut abesse dices; sed eum solummodo *plus*, *minusque* *urgere*, *intendi*, atque *remittere*.

Acutæ febres propius aut longius absunt ab eo statu, quo præsentē *phrenitis* dicitur, eruntque febres quædam *plus*, *minusque* *phreniticæ*, *phreniticæ*, *leviter phreniticæ*, seu *paraphreniticæ*, vel vero *phreniticæ per eminentiam*.

Neque refert, an inter clamores deliret, ac lacertorum suorum vires periclitetur; an vero inter verba solum ineptiat, tranquillus, aut musitando.

Sed neque, si serius, ac morbo jam progresso, delirium accedat, propterea non erit *phrenitis*.

Verum hæ distinctiones, utut ad præfagiendum morbi exitum conferre quid & ejus docere periculum queant; nil tamen conferunt, quo possis oblatam ægritudinem a reliquis ejusdem speciebus dignosce.

Phrenitidis amplitudo. Phrenitis igitur latissime patet, & æque late, ac ipsa notio acutæ febris.

Et prout ipsa acuta febris varia est, & varium ejusdem acutæ stadium, & varia in vario ejusdem acutæ stadio medicina; ita etiam varia erit, & phrenitidis species, & modus sanandi; quem idcirco ex curatione febrium repetere oportebit.

CÆLIUS AURELIANUS phrenitidem appellat *alienationem mentis cum acuta febre*, *pulsu parvo*, & *crebro*, *carphologia*, & *crocidismo*.

Verum aliam pulsuum conditionem in Phreniticis subinde obtinere, *carphologiam* vero, seu *festucarum collectionem*, & *crocidismum*, seu *simbriarum ex operimentis decerptionem*, phre-

niti-

titidis definitionem ingredi non posse, utpote non necessarias nec individuas Phreniticorum actiones, per se patet.

Nihilominus phrenitidis symptomata hic Auctor serme pleraque, Veterumque de ejus morbi sede opiniones, stylo licet minime latino, & in scriptores, quorum sententias refert, persæpe injurio, ita complectitur, ut Lectorum patientiam remuneretur.

Sed alias referre Phreniticorum historias maximam, quam confutandis Aliorum opinionibus immorari.

Delirium, & acutam febrim in Multis observavi, qui ex alto delapsi caput alliserant: sanguis secta vena eductus crustam pleuriticam contraxit.

Dissecta post mortem capita encephalon multis in locis valdopere sugillatum monstrarunt.

Quasdam vero aliorum phrenitides, pariter a vi externa capiti illata profectas, missionibus sanguinis, & antiphlogistica methodo sanavi, eandem nempe ratione, qua validiori contusioni aliorum partium, quarum periculosa inflammatio folet, medemur.

Die nona Aprilis 1779. Famulus quidam triginta septem annos natus nocta per octodecim graduum scalam delapsus est, & caput pavimento lapideo impegit. Per aliquot temporis minuta sensuum officio caruit. At iis paullo post restitutis integro biduo se domi continuit, levem carebariam, & vulnus questus, quod dextro capitis lateri inflictum multus sanguinis fudit, & pollicem longitudine exæquans ibi loci viscebatur, qui medio ossi parietali respondet.

Die a lapsu tertia tremere artubus vehementius.

tius cœpit (tremebat enim jam a multis annis, quod olim Tinctor pigmenta saturnina plurimum tractaret), & inter assiduos calores delirare: delatus in nosocomium cum furore insaniit. Specillo exploratum vulnus ad os ipsum non pertingebat.

Incisa vena est semel iterumque: eductus sanguis in crassam, tenacem, & obsolete flavam crustam coivit. Clysteri alvus mota, & emulsum, in quo aliquid salis amari, & mannæ dissolvebatur, propinatum. Pulsus validi, duri, accelerati, & calor febrilis.

Die quarta cum insaniâ ferox, & febris incrementa caperent, vulnus altius incisum est ad ossis usque superficiem levissime fissam. Trepano perforare cranium placuit, ubi extimam ejusdem solum laminam fissam videramus; fissura ultra diploen non penetrante. Nihil humoris e suis vasis effusi comparuit. Noctu delirium furiosum, & febris.

Die 5ta denuo trepanon applicatum, ut amplior redderetur ossis perforati plaga. Nil alieni repertum. Delirium assiduum & furiosum cum febre.

Die 6ta mane menti restitutus ad interrogata apte respondet, & mitissime febrit.

Die 7ma & 8va mens integra, & febris vix ulla; alvum his diebus facilem habuit crebro enemate sollicitatam.

Die 9na de novo incallescere, febrile & delirare cœpit. Sanguis missus corium pleuriticum exhibuit: non levatur.

Die sequenti moritur.

Ablata olla cranii inter duram, & piam meningem per omnem late ambitum insignis copia feri aquosi inventa est. Cætera illæsa, nec ulla

ulli.

ullibi encephali sugillatio; quam tamen in Aliis, qui alliso capite periēre, toties deprehendi.

Spes forte salutis fuisset, si dura matre initio cruciatim percissa, aquæ colligi aut non potuissent, aut jam collectis fuisset exitus paratus.

Si pathognomicus phrenitidis character sit, ut Æger acute febriens ferme assiduo deliret, quæcunque demum febrilis insanix ratio subsit, non miraberis, opinor, me etiam hæc deliria, febrimque ex valido in caput impactu ortam in phreniudum tribum transcripsisse.

Senex septuagenario major vegeto adhuc corpore, & senectute cruda, per duodecim scalæ gradus fallente vestigio cadit. A casu illico deliratur. Vulnus in occipite paullo infra suturam ambdoidem, ac sinistrorsum pollicis unius longitudinem æquans, ibique os denudatum adparuit. Per aurem sinistram, & nares, aliquid sanguinis stillabat. Eum diem domi suæ absque auxilio, & inter deliria exegit.

Die altera ad nosocomium deportatur delirans, & inter inconditos & motus, & clamores; pulsi pleno, forti, duro, vibratoque, at justam inanis celeritatem vix excedente. Incaluit præter morem. *Αλυσμος*, & exsilitio frequens effecto.

Examinatum vulnus: nulla initio læsio cranii in conspectum prodiit. Sanguis detrahitur aliquoties, alvus injecto enemate, & antiphlogistico purgante proritabatur, verum perpauca, & morosissime fecesserunt.

Ea die, & sequenti nil emendatum est, pejus abiit, febris augebatur.

Vulnus producere sectione placuit; fissura cranii detecta moritur.

Fissura cranii paullo infra supremum ossis occipitis marginem incipiens per latus sinistrum decurrebat ad foramen usque occipitale, quod & ipsum erat diffusum.

Inter calvariam, & duram matrem juxta dictum fissuræ pauxillum effusi, grumosi que, sanguinis exiguam tæniam referentis, plusculum vero sanguinis non coagulati in ipso foramine occipitali offendebatur.

Cerebellum totum amplioribus vasis, & atro sanguine turgidis perreptabatur, omnesque ejus anfractus, si eosdem explicueras, sanguinem habuere effusum, atrum, grumosum; ipsam inter cerebelli substantiam, & piam meningem ita retentum, ut nullibi copiosius colligeretur, sed diffusus per omnes cerebelli mæandros gravissimam potius sugillationem referret, & piæ matris, & superficiei cerebrinæ.

Hemisphærium cerebri sinistrum totum nigrescentibus, amplisque sugillationibus & vasis atro cruore tumidissimis commaculatum.

Lobus ejusdem hemisphærii anterior hanc, quam dixi, sugillationem, multo graviolem habuit partibus cæteris quibuscunque.

Anfractus omnes ejusdem hemisphærii, ubi eosdem ab se invicem dimoveras, effusus cruor coagulatus inter piam meningem & cerebri substantiam hærens opplevit.

Hemisphærium dextrum, qua parte medio bregmati respondet, plagam orbicularem, pollicis diametro sugillatam, & atram, ibique loci intra anfractuosos cerebri ductus atrum quoque sanguinem exhibebat.

Pbren- Famulus quidam quadraginta circiter annos
tis, for- natus Medicum accedit, lassitudinem, & mino-
taffis rem

rem ab aliquot jam diebus appetitum questus. ^{sympa-}
 Suasum est, ut sale amaro ventrem purget: me- ^{tbica,}
 lius habuit. Elapso octiduo redit, atque minui ^{post ex-}
 de novo desiderium cibi, & subinde parum bi- ^{sum.}
 lis suapte vomere, corpore quasi a laboribus de-
 fatigato. Exhibebatur mixtura solvens, salina:
 vomuit frequentius. Cum alvum positurus latrini-
 nam peteret, indeque in cubiculum rediret, in
 limine concidit: alliso in acutum ferramentum
 capite, regioni temporali sinistrae vulnus inflictum
 est digiti longitudine, quod ultra integumenta
 quasi cultro dissecta non penetrabat. Subtus &
 circumcirca sana omnia & videbantur, & a
 nocte reperta sunt. Impos mentis per aliquot
 nomenta humi jacuit, crebrius modicam æru-
 ginem vomitu rejectans, & sanguine multo ex
 vulnere manans. Accersitus prior Medicus pro-
 pinato quodam haustu vomitum cohibuit. Mens
 plene rediit haud multo post, vulnus explora-
 tum, ac deligatum est, & sanguis e brachio
 luctus. Æger commode valere visus est.

Vespere cum recte se habere, & die proximo
 consueta munia obiturum se diceret, repente to-
 us convellitur. Phlebotomia larga fit, & cly-
 ter injicitur. A convulsione delirium, furor-
 que, & exiliendi conatus validi, assidui. Ante
 mediam noctem denuo sanguis extrahitur, idem
 furor, & jactitatio eadem.

Die altero, (cum duodecim fere dies exacti
 essent, ex quo prima vice Medicum accesserat
 nappetentiam questus) circa meridiem ad ho-
 comium deportatur, in quo transacto inter fu-
 ores, febrimque magnam nychthemero, primo
 convulsus, dein toto corpore obrigescens mori-
 ur.

Cum cranium ferra in orbem circumducta dis-

secaretur, parum serosi humoris effluxit, quod intra meninges conclusum, & iis ferra læsis promanare, arbitrabamur.

Cranio remoto nihil vitii repertum est, si majora meningum vasa atro sanguine paullulum turgidiora, minora vero quasi ab injecto pigmento rubentia excipias. In ventriculis lateralibus perparum serosi laticis deprehensum.

Nullum omnino vitium intra thoracem fuit.

Hepar, resecato abdomine plurimum flavebat, & superficie modice inæquali fuit, ac minus, quam in Sanis solet, lævigata, atque, si contrectabatur, durius, & veluti coctum apparerebat: bilis amaricosa vesiculam replevit. Ventriculus amplius, & intestinorum tractus omnis profunda, ac lurida flavedine saturate tingebantur; multa quoque bile ejusdem coloris, & tenaci, horum viscerum cavum obliniente.

Reliqua juxta naturæ consuetum ordinem fuerunt.

Antiquum in Potatore (nam hominem mero a multis annis profuse indulsisse, Qui eum noverant, asserabant) officinæ biliferæ vitium fuit, quod in hepate videramus.

Prima ventriculi incommoda a biliosa & tenaci materie profecta videbantur, quibus sal amarus aliquantum medebatur.

Phrenitidem consensualem existimabam potius, quam idiopathicam. Biliosa enim colluvies, jam antea præsens, casu ipso adaucta atque ferocior facta in caput irrupit, vi illata debilitatum, & morbo opportunius effectum.

Hos consensuales quidem encephali affectus, cephalalgias, deliria &c. plerumque serius, atque aliquot primum a lapsu diebus cum febre subortos vidi; cum, quæ propria fuerant ipsius ca-

itis mala, mox ab illata injuria præprimis urgerent.

Verum subinde contrarium obtinere & ipse expertus sum, & ab Aliis legi consignatum.

Neque isthæc humoris biliosi vis Divi Serapionis perspicaciam fugit, qui *L. de vuln. capitis*: Si vulnere capitis vel serra secto, vel etiam *Bilis* non secto, osse tamen nudato, tumor rubicundus, *post capitis læsionis impetum* & erysipelatodes in facie, & in ambobus oculis, ut saltem alterutro, superveniat, & si contrectatio ab Hippocrate observatur, tumore doleat, eumque febris, & rigor prehenat; cæterum ulcus ipsum, quantum ad carnem, atque ad os pertinet, atque excepto illo faciei tumore partes ambientes se belle habeant; denique, si nullus in reliqua victus ratione error fuerit commissus, eum medicamento, quod per infectoria bilem ducat, opus habere, testatum facit. Sic enim purgato & febris sedatur, & tumor evanescit, & secunda valetudo restituitur.

Quam hic afflicto encephalo efferri bilem, etiamque & faciem, atque oculos igne sacro imetere, Coo teste, & experientia suffragante, indicimus, eandem eadem illa in læsa capita potestate, aut phrenitides in Aliis generare diras osse, aut veterinos in Aliis, aut apoplexias, aut quodcunque genus convulsionum, atque omnibus hisce malis eodem e fonte manantibus idem quoque remedium mederi, pharmacum nempe, quod bilem ducat, nemo opinor, inficias ibit, qui, quam versatili ingenio hic humor polleat, & diversissimorum in speciem morborum esse choicæ solus soleat, non ignoraverit.

Seposito paulisper, quem de phrenitide institueramus, sermone, postmodum denuo resumendo, *Dignis* *ad capitis læsiones.*

do, pauca quædam læsionum capitis exempla narrabo, quæ, utut ad præsens institutum non pertinentia, superioribus nihilominus, cumque aliis Aliorum observationibus comparata, aliquid forte in re adhucdum obscura lucis dabunt.

C A S U S I.

Vir 38 annorum compage robusta, & optime valens, 25ta Januarii ex ingenti altitudine, ex secunda nempe altissimi ædificii contignatione, decidit, atque in machinam levandis oneribus destinatam caput ita impegit, ut transversus machinæ truncus, isque sat firmus, confractus dissiliret.

Vulnus ad supremum bregmatis dextri marginem haud procul a futura sagittali, cum eaque ad duorum fere pollicum longitudinem decurrens, os nudum exhibuit, attamen illæsum.

Sensuum omnium officio compluribus horis destitutus jacuit: mox sanguinem e brachio eduxerunt.

Die altera ad nosocomium deportabatur, febrifusus, ita tamen, ut apte responderet, si inclamaveras. Tensivus dorsii, lumborumque dolor, uti etiam dextri genu quod moveri non poterat, nec absque dolore contrectari: nihil tamen externæ læsionis adparuit. De capite exiguæ querelæ. Calor febrilis aderat, & pulsuum robur insigne, durities, & plenitudo, celeritate vix aucta. Sanguinem copiosum e brachio misimus, corio postmodum pleuritico coopertum. Potus copiosi, antiphlogistici, nitrosi propinati.

Man-

Manfit illa in soporem proclivitas in quintum diem usque, dolor lumborum vero, & dorsi primo intendebantur, deinde sensim mitiores facti ad nucham & scapulas migrarunt.

Antiphlogisticorum & potuum, & eccoprocicorum, & enematum usu circa octavam a lapsum diem dolores & febris evanescere cœperunt.

Genu fomento discutiente emendabatur. Deudato ossi initio aquam nostram vulnerariam, cui dein aliquid spiritus mastichini affudimus, ulneri vero ipsi Arcæi balsamum applicabamus. Non est animadversa exfoliatio. Vulnus brevialuit. Sanus post mensis Martii initia discessit.

C A S U S II.

Stator 53 annos natus; Bacchi strenuus cultor, ante annum e lapsu caput vulneraverat: curatus est; verum ab eo tempore interictis longioribus intervallis sine febre, & placide delirat.

Die 7ma Februarii 1778. hausto vesperi potu eraciori per duodecim scalæ gradus devolvere, alliso capite; ex ore & naribus largo sanguine manabat. Domum delatus de capitis, & potissimum hypochondrii dextri dolore querelas movebat: mente constabat.

8va Februarii hypochondrium dextrum plus aluit. Oppressio thoracis accessit. Sitis, jactitio: noctu dormivit, sed inter manuum, quasi oculos captantium, assiduos lusus: mentis constantia,

ona Februarii symptomatum incrementa, tussis, sternutatio, & inter sternutandum hypochondrii dolor intensior, nuncque etiam thoracis.

10ma Februarii mane in nosocomium susceptus dolorem epigastrii totius, hypochondrii præcipue dextri, pectoris oppressionem, tussim, difficilemque tenacis materiæ anacatharsin querebatur. Caput non multum dolere contestabatur: sensuum functiones hucusque illæsæ: febris magna.

Sanguinem hac die binis vicibus detraximus. Vesperi insultus epileptici per intervalla accesserunt, ubi oculi sinistri frequentissima motitatio fuit, & convulsivi labiorum motus musculorumque faciei, præcipue in ejusdem latere sinistro. Continua ferme masticatio, etiam extra tempora convulsionum: extra hos epilepticos insultus mente constabat exacte, dolorem epigastrii solummodo, & hypochondrii dextri, atque etiam infimi thoracis accusans. Alvum ecoproticis, & crebro enemate, sollicitavimus. Noctu frequentissimæ convulsiones.

Die 11ma Febr. denuo venæsectio. Sanguis corio pleuritico, crasso, virescenti livido semper contegebatur. Mentis præsentia creberrimis epilepsiæ insultibus interpolata. Noctu moritur.

Suprema occipitis pars, qua in apicem excurrebat bregmatis concursui contiguum, multum atque inæqualiter protuberabat, quod Omnibus originarium videbatur, atque a prima conformatione profectum. Paullo infra hoc tuber osseum vulnus sex fere lineas longum, atque transversim inflictum extimum solum capitis integumentum penetravit, illæso musculo subjacente.

Caput, antequam disseicaretur, exploratum, &

& in homine vivente, & in demortuo, si vultus hoc leve exceperis, nihil alienum vitiosumque objecit.

Recluso cranio en, quantam maximam concipere vales, rerum omnium ruinam! Os bregmatis sinistrum ita diffractum, ut late hiaret, fracturaque commissuram ossis occipitis contigui transiliret atque decurreret per sinistrum occipitis, latus, jam non una, sed in quatuor ibidem alias fissuras divisa, quarum una tenuis foramen magnum findebat, ceteris aliorum excurrentibus & cum hiatu.

Fissura unum cum dimidio pollicem longa e bregmate dextro in vicinum os temporum descendebat.

Cruor multus in grumos coactus effususque in tota basi cranii, maxime in utroque ejusdem basis laterali cavo inter utramque meningem colligebatur.

Supra & infra tentorium magna ejusdem cruoris vis fuit, magnaue item cerebellum circumdedit, inter utramque meningem hærentis.

In occipitis fere centro dura meninx ab osse secessit, magnamque hanc inter & ipsum os cruoris copiam invenimus.

Sanguis quoque coagulatus corpori calloso infidebat.

Omnem intestinorum tractum saturatissima flavedine bilis tingebat.

Quas in Aliis encephali sugillationes videramus, in hoc Ægro omnino nullas; collectiones vero insignes cruoris grumosi observabamus.



C A S U S III.

Operarius 48 annos natus, præterita æstate absoluto diurnorum laborum penso cauponam intrabat, modico deinde Baccho incalescens domum repetiit, per quinque scalæ gradus devolutus caput impexit, sensibus destitutus jacuit. Latus dextrum paralyticum erat; ita tamen, ut subinde & crus levissime commoverit, & brachium. Fit bina phlebotomia.

Alterâ die ad nosocomium deportabatur; stertorose, cum sibilo, & labore respirans, & febriens magno, pleno, duroque, & accelerato pulsu, & calore intenso. Ad angulum posteriorem inferioremque bregmatis dextri per vulneris hiatum os ipsum ad lineas fere sex denudatum spectabatur, & fissum in crucis formam. Terebra cranium resecratum est, ubi dura meninge percissa multum cruoris effluxit. Nil emendabatur. Venæsectionibus, enematibus, eccoproticis nil effectum est. Febris increvit. Die post lapsum tertia ad Plures abiit.

In medio occipitis levior integumentorum contusio fuit. Totius piæ mætris continuata sugillatio, maxima omnium erat ad latus sinistrum, versus encephali anteriora.

Intra anfractus cerebri, & graves fuere sugillationes, & hinc inde cruoris collectiones. In basi calvariæ sinistra multus effusus cruor inter utramque meningem colligebatur.

Ad alia phrenitidum exempla redire juvat,
&

& abruptum antea sermonis filum resume- *Reditus ad insti-*

Quidam ætatis consistentis Vir, qui duros Cy- *tutum*
elopum labores ferventissimis æstivis horis exer- *sermo-*
cuit, cumque ipsius tempestatis, tum ignium *nem de*
vulcaniorum æstu incaleuit, febrile, dolere capi- *phreniti-*
e, tremereque totis artubus cœpit, lassus, ver- *de.*
iginosus, & elato magnoque pulsu, atque ac- *Phreni-*
celerato, cum interim vino se largiter prolue- *tis ab æ-*
rēt. *statis &*
ignium
calore,
& abusu
vinj.

Vix in nosocomium receptus, quasi æstro per-
citus fuit. Bina phlebotomia, & oxycrato,
recto, atque umbra ferocientem sanguinem com-
ponebamus. Paucas intra dies resipuit, atque
convaleuit.

Murarius 44 annos natus procero corpore at- *Phreni-*
que robusto, die 6 Aprilis 1779. ad nosoco- *tis, an*
nium venit, aitque, se a quatuor jam septima- *idiopa-*
nis catarrho laborare, a novem vero diebus pe- *thica?*
tus habere; dolorem enim punctorium thoracis
sinistri paullo infra mammam accessisse; corpo-
re erecto, & obambulantem ægrotasse.

Morbum flocci facere videbatur, atque ita
narrabat, ac si levissima ægritudine teneretur.
Vox prompta, narratio audacula: Pulsus pleni,
fortes, non valde accelerati: tussis pauca, at-
que inter tussendum dolor lateris, qualem antea
dixi.

In lecto reponitur; fit venæsectio; potus mul-
ti emollientes, tepidi, nitrosi.

Mox vero peracta morbi narratione delirare
furiose, tremere, & vociferari incœpit.

Consequentibus diebus complures venæsectio-
nes factæ sunt. Corium pleuriticum sanguis ha-
buit: furor assiduus: abdomen tumidulum, &
si paullo rudius contrectaretur, doloris signa,
utut furens, dedit. *Dic*

Die 8^{va} Aprilis jam devexa spiratio stertorosa, sopor, atque in male soporato oculorum coniventia: pulsus duri, vibratique, atque appresso digito difficillime elidendi, naturalibus tamen vix celeriores.

Mâne die 9^{na} April. moritur.

Cadaver, per errorem maturius humatum, noctu effodi curavi, ut in viscerum, atque in capitis præcipue, conditionem inquirerem.

Vasa meningis piæ solito ampliora, & sanguine pleniora comparebant: erat ita constitutum hoc cerebri involucrium, ut, an aliqua ejus inflammatio adsit, vel vera; an sola sit quædam vasorum a sanguine congesto *dilatatio non inflammatoria*, qualem etiam in Delirantibus, & nullo capitis morbo Defunctis non raro vidi, fuerit dubitatum.

Inter utramque, utriusque cerebri, meningem serum fuerat coloris straminei repertum, atque idem ejusdemque coloris utrumque ventriculum lateralem ita replevit, ut ambo hæc cava instar abscessus pure turgentis extumescerent, & fluctuarent.

Pulmonis sinistri dimidium inflammatum. Tenua intestina fere omnia perquam inflammata fuerunt; amplissimus ventriculus. Vacua cystis fellea; reliqua bona.

*Pbren-
tis a cere-
belli ab-
scessu,
& pure
intra me-
ninges
diffusa.*

Die 29. Aprilis Juvenis 26 annorum, robustus, ad nosocomium venit, aitque, se a biduo cephalalgia ingenti, ad occiput maxime, atque aurium tinnitu, & recurrente per vices cervicis validissimo dolore affligi, non appetere, sitire, incallescere.

Adstantium Quidam referebant, hominem hoc bello inter levis armaturæ milites stipendia me-
ruisse

ruisse, eumque his diebus, fervidissimis nempe, & quales vigente solum æstate aliis annis experiebamur, iter ex Hungaria, jam tum valde pere languidum, Viennam fecisse: ante duos vero dies linquente animo, in foro publico concidisse.

Ab uno & dimidio anno frequentissime & ferme assiduo caput dolere, multo mitius tamen, quam hoc biduo, asserebat.

Ante quatuor annos gonorrhæa laborabat.

Multa alia distinctius interroganti confuse respondit. Pulsus validi, accelerati, duri, atque ita vibrati, quales plerumque in colica saturnina deprehendo; sitis, calor, & lingua aliquantum immunda, atque albescens. Dolor occipitis atque cervicis subinde, potissimum vesperi ita intendebatur, ut ejularet, moxque iterum remittebat.

Exacto biduo delirium accessit, assiduum quidem, at mite, atque cum carphologia. Potu multo, refrigerante, nitroso usus est, & phlebotomia, quin vel hilum emendaretur.

Durante morbo septies sanguinem detraximus, qui vix emissus pleuriticum corium contraxit. Pulsuum vibratio, eorumque frequentia major a singula sanguinis missione, & delirium idem observabatur.

Semel emeticum datum est, & vesicans applicatum ad nucham, absque emolumento.

Balneo tepido, quo illum arteriarum spasmus solveremus, per quatuor dies, una alterave hora impositus, resipiscere cœpit, emollito pulsu. Atterum & durities pulsuum & delirium rediit eoque passu, balneo jam non juvante. Lotium plerumque croceo colore tinctum adparebat.

Pridie ante mortem oculorum conniventia per

vices, & quasi incipiens opisthotonos; pulsus item durissimi & vibratissimi fuerant. Septima phlebotomia instituebatur. Perit, vena vix deligata, die prima Maji.

Inter piam meningem & arachnoideam, juxta ductum majoram cerebri vasorum, pus excurrerat, nullibi tamen intra ipsos anfractus profundius immittebatur.

In cerebello utrinque, qua dura auditorii nervi portio oritur, ulcusculum fuit ipsius cerebelli, erosa meninge pia.

Pus item sat copiosum, & pone acusticos nervos, & circa opticorum nervorum conjunctionem, & in foramine occipitali inter utramque meningem diffusum.

Tentorium hinc inde, dextro in latere præprimis, profunde rubrum, & veluti sugillatum.

Ventriculi laterales cerebri sero turgebant. In thoracis sinistro cavo nigricantis & liquidissimi sanguinis uncia quatuor repertæ sunt, atque in dextro illius cavo uncia ejusdem sanguinis sex.

Intestina omnia bile saturate crocea ex toto suffundebantur. Sana reliqua.

Quæ ulceris in cerebello origo? Adcurata præteritorum cognitio, quam Ægri confusa & truncata narratio suppeditare non potuit, aliquid lucis his tenebris affudisset. Videbatur antiquum ulcus esse, ob antiquos capitis dolores.

Durissimos pulsus, & instar fili ferrei vehementer tensi vibratos persæpe in morbis acutis observavi, metastasi ad caput facta, eaque semper perniciofa: tunc vero seroso latice laterales ventriculos cerebri turgidissimos in extispiciis offendi; quique ita habuerunt, ex febre plerumque composita perierunt, nempe putrido-inflammatoria.

Hinc

Hinc est, ut serum in cava encephali expressum conjiciam, ubi in febribus putrido, inflammatoriis, jam multum proVectis, *delirium* aut accedit, aut intenditur, cum oculorum coniventia, pulsu præduro, celeri, atque vibrato; præcipue ubi hæc omnia, aut eorum complura, simul, ac ferme repente, contingunt. At facta ex hisce signis probabili conjectura, id genus metastasin ad encephalum accidisse, quæ videlicet in ventriculos irruentis, quæ medicatio?

Unde ea liquidissimi & nigri cruoris effusio? Eandem in alio homine nuper observavi, cujus & anatomen & historiam morbi subjungam. Sed quam rationem afferemus sanguinis extra sua vasa in cavo thoracis collecti? nec enim ca-efacientem medendi methodum, quæ sanguinem intempestivis stimulis in loca aliena urgeret, criminaberis, hic utpote non usurpatam; nec sanguinis putridam dissolutionem accusabis, co-ctio pleuritico, quotiescunque emittebatur, collecti. An a spasmo arteriarum id fuit, quem earundem vibrata durities prodebât, sanguinem ex vasis suis exprimente?

Ob labis in cerebello detectæ similitudinem, *Cerebelli abscessus prioris major, sed abs-* utut dispar accidentium ratio fuerit, & dispar *que phre-* mortis genus, alteram addo cadaveris sectio-nitide. nem.

Juvencula 22 annos nata, semper antehac sana fuit, nisi quod ante 12 annos scabie fœdaretur, quam solo sibi litu depulit, & absque remediis internis. A sex fere annis dolore occipitis vexabatur, ita, ut subinde totus conquieverit, subinde fuerit reversus, at nunquam Aegræ patientiam superarit. Ab eo fere tempore virens

scens ichor per intervalla ex aure sinistra parce stillabat, cum lateris illius obauditione.

Catamēnia juxta legem consuetam semper recurrebant, nisi quod his ultimis binis mensibus statum reversionis tempus præoccuparint.

Post festa Bacchi anni 1779. vertigine tentabatur assidua ferme, ut exire domo nequiverit integris 14 diebus. Per id tempus nunc modicam bilem, nunc vero assumpta suapte vomebat, & amaroris sensu vitiata gustandi facultatem querebatur. Tandem mitescere sensim vertigines, & oris amaror corrigi cœperunt, restante tamen, quæ his binis septimanis continua fuerat, levi ad occiput cephalæa.

Die 19na Aprilis dolor occipitis, hucusque tollerabilis, ingravescebat, ad singulos corporis, non magnos, motus vehementer auctus. Rediit & amaroris in ore sensatio, & repletionis in epigastrio. Vesperis levi horrore se quotidie perstringi ajebat, insequente calore.

Die 21ma Aprilis ad nosocomium venit. A meridie ejus diei dolor in sinistro occipitis latere dirissimus invadit; ejulatus, & assidua per lectum volutatio, noctu præcipue. Pus virescens ex aure fluit, os amarescit.

Die 22da Aprilis interdiu dolor occipitis magnus, vesperi major, & noctu. Pauxillum bilis vomuit.

Die 23tia 24ta & 25ta Aprilis nihil mutatum est; nulla toto hoc tempore, quo apud nos fuit, febris observabatur; utut se domi suæ febriculam vespertinam quotidie expertam fuisse, testaretur. Pulsus tardiusculi potius, non elati, & calor naturalis fuerunt.

Nocte diem 25tam Aprilis insequente dolor occipitis ferme totus evanuit; aut potius muta-

in sede ad nucham migravit, multo hic loci immolacabilior.

Mane alterius diei (26ta Aprilis) lingua viridissimo mucosæ fœda, & fauces virescenti ac endulo pure oppletæ. Gargarismata & injectiones nil profuerunt. Periiit a meridie, aucta in lucem viridissimæ, aut pituitæ, aut puris, illucie, ortaque difficili, strepente, brevissimaque ac eleri spiratione.

Aperto cranio lobus sinister cerebelli abscessum virenti ac ductili pure plenum continuit, cui facile nucem juglandem caperet. Ductus vidam, calami amplitudine, ex eo sacco proindebatur ad os usque petrosum, quod ipsum rosum ita fuit, ut pus in aurem internam penetrare, inde sibi exitum parare potuerit. Sana eliqua fuerunt.

Negavit se unquam impuro fluore laborasse, aut non infrequenter ejusdem contrahendi discrimini se exposuerit; illicito nempe, ut aperte sit fassa, nec ullius solum viri, commercio usa.

Dubitabamus, an venereum id esset, vel veno scabiei, non scienter olim sanatæ, effectus.

Tiro Sartor 16 annorum, die 28va Octobris 1779. in nosocomium deducebatur. Tertio ætatis anno a curru velocius actio prosternebatur in lapidem eminentem & acutum. Inde oculi distorquebantur, & aures multo sanguine manabant. Venæsectione, & cataplasmate discutiente capiti applicato emendabatur; mansit tamen & oculi sinistri ad radicem nasi detorsio, & recurrens per vices cephalalgia, & obauditio constans. Sexto ætatis anno cephalalgia gravissima prehendebatur, ad initia usque convulsionum, sed phlebotomia & puris fluxus ex aure dextra

solatio fuit. Pus etiam post hæc parcum & sanguinolentum, atque per vices, ex eadem aure fluebat, cum auditus gravitate ad hanc usque ætatem.

Variolis interea perbenignis defungebatur.

Die 23tia Octobris 1779. mane ab irruente carpento in pavementum lapideum projiciebatur, postquam a quatuor jam septimanis cephalæa intensior fuisset, & copiosior fluxus puris ex aure. Mox febris orta est cum validissimo dolore capitis, in summo præprimis vertice, atque ad frontem: delirium item & furor. Biduo apud nos propemodum transacto moritur.

Ventriculi cerebri laterales, dexter præcipue, turgabant pure viridi & foetidissimo; e quarto ventriculo, eroso & aperto, pus prodibat uberimum, quod & totum cerebellum circumfluxit, & specum vertebrarum colli replevit. Hemisphærium cerebri dextrum alicubi firmitus adhæsit ossi petroso; quo nexu soluto canalis patuit, carie erossus & apertus in acusticum tubum, atque e cerebro modice ulcerato pus evehens per aurem, fœdum & putidissimum.

En, quam subjuncturam me dixi, & anathemæ, & morbi historiam alterius Ægri, ob phrenitidem quoque huc pertinentis!

Febris putrido-inflam-matoria phrenitica, & extispici-um. Famulus quidam 28 annorum, cum fratri, ex febre putrida mortuo, & valde amato parentaret, tristari initio cœpit; per quatuordecim a morte dies morosus semper & taciturnus. Post hæc & ipse febri tentabatur, cum pectoris oppressione non magna. Erat lingua ex albo flavâ, signaque alia saburræ bilioso-putridæ.

Ægrotabat erectus. Domi solventia sumsit & dein emeticum, præmissa sanguinis missione levamen nullum.

Dic

Die morbi quinta ad nosocomium venit. Febris continua: lingua flavo mucō obducta, & levis oppressio thoracis dextri.

Mentis integritas, ejusque & virium muscularum vigor: pulsus duriusculi & pleni.

Elapso biduo petechiæ conspiciebantur ubique disseminatæ; quæ colore dilute roseo corpus inter marmoris variegati distinguebant.

Paucos post dies delirium non interruptum accessit, cum assidua arteriarum celeriter vibratarum spasmodica duritie, eaque post singulas phlebotomias, quæ sexies universim institutæ sanguinem pleuriticum, sed luridissime flavum sedere, majori.

Sudores sub ultimos morbi dies confertim manant; oculis connivebat, floccos colligebat.

Circa decimum septimum morbi diem periit.

Cum phlebotomiis, potuque refrigerante, niroso, aliisque, quæ utilia fore existimabam, nihil proficeretur; bina vesicantia suris admota sunt, unde pejus habere videbatur. Urinæ nunc intensius crocæ, nunc naturales fuerunt.

Recluso cranio magna feri copia inter binas meninges, & inter cerebrinos sulcos reperiiebatur.

Singuli laterales ventriculi unciam ejusdem feri concluderunt.

Tota pleura, præcipue in dextro cavo thoracis, uti etiam magna septi transversæ portio, quæ œsophago perforatur, inflammata conspiciebantur.

In singulo thoracis antro serum cruentum, ut potius ipse, sed liquidissimus, sanguis, ultra brachiam dimidiam continebatur.

Pulmonis dextri exigua pars fuit inflammata, & intestina tenuia hinc inde leviter inflammata cepta.

*Phreni-
tis post
gravissi-
mam cru-
ris contu-
sionem
& fra-
cturam.*

Operarius 42 annorum die 9. Junii 1779. crure dextro minutissime confrecto nobis committēbatur. Ampla ubique vulnera & carniū comminutio. Ea, & sequente die commode habuit.

11. Junii circa meridiem per vices delirat, e lecto exsilit; pulsu pleno, & modice celeriori, non duro; incaluit, sudavit.

Vesperis & noctu assiduū delirium & ferox.

Die 12. Junii delirium perstabat, & accessit pedis livor & frigus.

Hinc die sequente amputatio facta est: sub qua, uti & meridiē, mens subinde redire visa est. A meridiē vero denuo cum furore delirabat, cum febre, & inter sudores continuos.

Periit nocte media, diē 14tam Junii, quem inter assidua, & ferocia, deliria exegit, excipiente.

Inter utramque cerebri meningem, item infratentorium cerebelli, atque in utroque laterali ventriculo serum limpidum continebatur, unciarum universim quinque. Reliqua in encephalo bona fuerunt.

Jecori substantia omnis *æruiginosissima* fuit, ubicunque dissecueras. Vesicula fellea penitus vacua, & omnes bilis viæ in duodenum apertæ.

Vulneris conditio bona. An spasmus a terrore, cum ab illabente trunco vulneraretur, inductus, bilem e vesicula expressit in hepar?

An hepar vulnerato capite afficitur, compattiturque? an etiam in aliis, aliarum partium vulneribus? atque ibi quidem frequentius, hic veriorarius? an eo in casu hepaticum systema a solo terrore afficitur, vim illatam excipiente?

Quæ mala inde oriuntur? & quo eventu? & quis influxus est biliferi systematis; dicta ratione affecti in ipsum morbum chirurgicum?

Un-

Unde hæc feri collectio, & inde exorta phrenitis?

Puella ob negatam ab Hera mercedem irascitur. Mox phrenitica fit, frequenter convellitur; *Phrenitis ab ira.* Perit die quarta. Cadaver sedulo perquisitum nil rorsus alieni ostendit.

D. L * * ex febre miliari phrenitica decubuit. Delirabat assiduo & frequenter convellitur *Febris miliaris phrenitica.* Cum Poetarum lectioni se ere totum sanus daret, & ipse quoque non illepidus poeta, cumque Adstantium quidam Klop-tokium nominaret, illico resipuit; tamdiu integerrima mente usus, quamdiu volueras de immortalis sublimis Poetæ carmine fermocinari. Hermone hoc dimisso, mens aberrabat toto cæ-o, toties iterum revocanda, quoties divinum armen quis recitaret. Convaluit.

Cum quotidie ferme phrenitidis, præprimis symptomaticæ, exempla se offerant, complura volueram de ejusdem curatione disserere. Verum sentio, me in amplissimo argumento versari; cuius si singula capita vellem vel strictim persequi, idem agerem, ac si caloris febrilis, aut cephalalgia, aut cujusvis alterius symptomatis fusam vellem pertractationem dare. Nonne enim de febribus esset & singulis, & omnibus, earumque diversis curriculis, agendum; argumento nempe vastissimo, meisque viribus majori?

Infinita enim fere sunt, quæ vel ingerendo, vel *GORTER* multiplicando, vel morsu, communicata corpori, mentem perturbant: hæc non omnibus in hominibus eandem insaniam inferunt: & varia hæc varias *ni effatum de phrenitide.* quoque mentis omotiones inducunt. JOANN. DE GORTER in medicina dogmatica.

Hinc viam relegam, ut, qui hucusque solum littus rasi, mature portum occupem. Tu vero, VIR PRÆSTANTISSIME, qui vento veheris secundiore, & nave firma, viarum errorumque probe gnarus, alto te mari committes tuto, & quod es bonis avibus jam aliquoties emensus, denuo, si volueris, ingens auspicato iterabis æquor (*).

(*) Egregium opus *de natura febrium, & methodo iisdem medendi* GUILIELMI GRANT, idiomate germanico nuper donatum, cum maxima meritiſſimaque Auctoris commendatione ubique innotuit.



SECTION IV.

DE

NATURA ET INDOLE

DYSENTERIÆ


COMMENTATIO.

SECTION IV.

CHAPTER IV.

SYSTEMATIC

REMARKS



C A P U T I.

Cur Auctor ad describendam dysenteriam animum appulerit?

Complures in describunda dysenteriae indole & curatione fuisse egregie versatos, ut aut nihil omnino, aut sane perparum, desiderari, videatur, quod vel ad cognoscendam hujus morbi naturam, vel ad sanam medendi rationem, pertineret; probe novi.

Nihilominus, cum ab aliquot jam annis dysenteriae naturam studiosus contemplerer, variorumque annorum constitutiones, atque etiam ejusdem anni dysenterias compararem, magnasque non solum diversis æstatibus, sed eadem quoque tempestate, dysenteriarum differentias viderem; non illas accidentales, quæ methodum medendi non mutant, sed quæ alium quasi morbum faciunt, alia sanandum ratione; dubitatio subiit, num omnis in pervestiganda dysenteria labor præoccupatus jam sit, nihilque reliquum factum temporibus futuris.

Et Hercle, non eam esse huic morbo simplicitatem, atque impermixtam naturam, ut Quibusdam videri possit, has morbi differentias aut

non, aut perfunctorie contemplantibus, &, quod inde consequitur, non esse tam planas in medendo præceptiones, ut irritus idcirco meus labor futurus sit de hoc morbo scripturi; mecum stangebam.

Hinc vellem dysentericæ notionem dare clariorem, morbumque, simplicem visum, sed re ipsa plerumque compositum atque ex pluribus aliis ægritudinibus conflatum, in sua quodammodo elementa dissolvere; ut inde ideæ nascantur *illustræ*, & *directrices*, quæ Dysentericorum medicinam tuto regant, plane versatilem, & desultoriam; qualem nempe implexi morbi ingenium petit.

Quamplurimis fortasse actum agere videbor, & nihil novi, atque antea nondum visi, proferre: id vero, quemadmodum Multis concedo lubens, ut qui & plura, & perspicacius viderunt, (novi enim ingenii mei tenuitatem); ita vereor, ne quidam Alii *vocabuli* potius, frequentissime nempe prolati, atque vulgi ore triti, quam *rei ipsius* hoc vocabulo signatæ ideam habeant; uti nempe non Paucis accidere video, qui audito e. g. *febris putridæ* nomine, *rem* se tenere, non vero *solum vocabulum* arbitrantur, diversissimis (utut iisdem symptomatibus quasi vestiantur), febribus imponi solitum; neque inquirendum ultra esse existimant, quæ ea degeneratio sit, quam hoc vocabulo, multa & varia, & opposita sæpe complectente, *putredinem*, aut *febrim putridam* appellant.


Est etiam non infimum meritum, Aliorum præclara observata firmare suis, & illorum præceptis subscribere.

Non hic omnem dysentericæ ambitum complectar, nec Aliorum referam aut observata,

aut

aut medendi præcepta; sed, quid ipsemet viderim, & quam ipse sortem in sanandis dysentericis sim expertus, quam denique morbi notionem ex meis solius observationibus abstraxerim, narrabo, Aliorumque judicio submittam; ut mecum suis conferant, rectificentque.

De ea specie dysentericæ loquar, quæ quamvis ætatem plus minusve contaminat, etsi in alia quoque tempora subinde incidat; quæve vel in ipsum vulgus nota est, quamcunque demum ejusdem definitionem statueris.



C A P U T II.

Dysentericæ complicatio, & varia divisio.

Morbum hunc rarissime simplicem, plurimque diversimode dixi complicatum.

Simplicem morbum tunc appellabam, ubi ^{Ima species dysentericæ,} *Ægri secessus creberrimos, aquosos, admixto non raro sanguine, morbo præcipue aliquamdiu durante, seu dysenteria,* *profusosque, initio subinde mucosos, semper torminosos habuerunt; cum febricula tenui; gustu simplex.* *aut non omnino, aut leviter vitiato, & cum doloris extra tempora dejectionum absentia. Sæpe coryza, aut angina, aut alia ad thoracem, vel ad artus facta defluxio, ut inde catarrhus esset, aut dilacerans artuum dolor, hunc alvi fluxum præcessit, aut una adfuit.*

Quibus neglecta hæc ægritudo fuit, aut remediis ineptis tentata, his tormina augebantur, at-

atque etiam extra tempora secessuum perstabant, qui frequentiores fiebant, mucosiores, magisque cruenti, & tenesmodeis supra modum.

Nunquam accidisse hunc morbum vidi, nisi si corpori sudore mananti incaute admissum frigus fuerat.

Diversis anni partibus diverse quoque corporis partes plerumque agrotant. Hæc perfrigeratio aliis anni temporibus alias corporis partes impetebat; *supremas* hyeme, *vere medias*, sed *infimum* ventrem adulta ætate, atque autumnii initio.

Ventriculum nempe & intestina hac anni tempestate debilissima habemus, & excipiendæ recurrenti materiæ perspirabili præ alia quacunque parte opportuniora.

Cur æstas plerumque dysenterias producat. Hinc materies, quæ alio anni tempore aut odontalgias fecerat, aut coryzas, anginas, catarrhos &c. morbos videlicet serofos; nunc ad intestinorum membranas projecta *ventris coryzam*, aut *intestinorum catarrhum*, aut *eorundem rheumatismum* fecit; morbum nempe, ab aliarum anni partium serofis morbis non nisi *sede* differentem.

Etiam illud accedit, quod non quovis anni tempore eadem destillantis materiæ indoles sit, sed nunc *benignior*, atque insons fere, nunc vero *acrior*, & *septica*; qualis nempe æstivo tempore esse plerumque solet.

Dysenteria primæ speciei, & quid in hac simplici dysenteria profuerit. Anno 1778. mense Augusto hæc dysenteria species, quæ mihi *prima* & *simplex* erat, aliquoties observabatur, eamque ipse ea tempestate perfrigeratus experiebar.

Profuerunt juges, & tepidæ potiones, cum lecti tepore: subinde eundem potum leni aromate feceram medicatum. Sub vesperam pulverem ex nuce moschata, & opii pauxillo propinavi. Motis per noctem sudoribus alvus com-

pres.

pressa est, cum euphora & absque alterius mor-
bi metu.

His male cessit quæcunque alia mēdendi ra-
tio; seu quæ eccoproticis, sive quæ emeticis,
aut quæ radicē arnicæ dysenterias sanat; aucto
rejectionum torminosarum, cruentarum; ramen-
tosarum numero &c.

Dicto modo intra nychthemeron cum perseve-
rantia sanabantur; si modò nondum invaluerat
morbus, aut perversam medicinam fuerat ex-
ortus.

Absque negotio nunc intellexi, quænam illæ
dysenteriae fuerint, quas solius aquæ tepidæ po-
tūm cum tenuissimo victu, aut tenue infusum
heræ, aut dilutissima carniū juscula affatim e-
pota, sanasse, Observatores testantur.

Ejusdem quoque indolis, *serosæ* nempe, aut
rheumaticæ, *simplicis*, *impermixtæ*, illas fuisse
dysenterias puto, quas infuso florum sambuci,
bibio diaphoretico non abluto; opio, aut reme-
diis vi leviter carminante donatis, aut balneo te-
pido aquæ dulcis, aut fota crurum, vel abdomi-
nis &c. aut alia quacunque ratione, huc revo-
canda, tuto, feliciterque curatas narrant.

Quibusdam auxilio fuisse in dysenteria vesicans
egimus, abdomini admotum, & salutis mox in-
tercutæ rationem ex hucusque relatis colligimus.
Rheuma enim intestinorum vesicante ad cutem
evocabatur, sudore (quemadmodum post appli-
catas alicubi cantharides semper est observare)
libertim moto, atque alvo resiccata.

Qui dysenterias alterantibus sanant, ex opii,
& radicis ipecacuanhæ refracta dosi confectis &
perspirationem sollicitantibus, *has* certe *solas* sa-
nant, nempe *rheumaticas*, habentque eventus
fortunati rationem.

*Et quid
nocuerit
aucto
rejectionum
torminosarum
cruentarum
ramen-
tosarum
numero &c.*

*Hinc
Quorun-
dam met-
hodi dy-
senteriae
medendi
explicari
possunt.*

*Cur Qui-
dam me-
thodum
Sydenba-
mi Dys-
entericis
medendi
iniquè
crimi-
nantur.* SYDENHAMUM (quem Virum, & quan-
tum!) in eo reprehensum legi, quod usui sui lau-
dandi tum in aliis morbis non paucis, cum vero
vel maxime in dysenteria sananda, plus justo in-
dulserit. Verum æquissimum fuerat, id quoque
addere, nec eadem Eundem ratione omni dysente-
riæ, nec omni fuisse constitutione medicatum.

Nonne enim variam Dysentericis medicinam
fecit, prout varius fuerat dysenteriae genius, ab
ipso non prætervisus? nonne cathartica non raro
suasit? nonne solis phlebotomiis profuisse se Fœ-
minæ ait, longa dysenteria vexatæ?

Sed etiam omnibus hisce auxiliis locum dedit,
ubi dysenteriae fuerat compositio ea, quæ com-
posita quoque methodo indigeret.

Certe, si quando solius laudani ope, omissis
catharticis, rem totam confici posse asseruit, id
ita experiundo edoctum fuisse credendum est,
fuisseque eas ipsas dysenterias, quæ solo laudano
conquiescebant, illius prorsus originis, de qua
hucusque differebam.

Fortasse mihi litem quis movebit de morbi no-
mine, ut quem dysenteriam salutarim, quæ ejus
sola quædam *simulatio* fuerit, quocunque alio de-
mum vocabulo, e. g. *rheumatis intestinalis, co-
licæ, diarrhææ torminosæ, a perfrigeratione* &c.
aptius insignienda. Verum multa pro hac mea
compellatione pugnant; atque hanc veram dysen-
teriam esse, aut esse potius unam ex amplo dys-
enteriarum genere quasi speciem, eamque *simpli-
cem*, meracam, & cæteris speciebus multo be-
nigniores, multis evincere argumentis possem.

Nam, ut pauca asseram, imo eosdem exhi-
buit characteres, quos eo ipso in morbo depre-
hendimus, quem Omnes unanimi suffragio dys-
enteriam appellarunt; dejectiones videlicet fre-
quentes.

quentes, cum ventris torminibus, & colluvie mucosa, utique etiam aquosa initio, & paullo post cruentata.

2do: Intra eosdem quoque temporum fines coarcebat, intra quos contineri dysenteria solet; eosdem cum dysenteria progressus fecit; eosdem est sortita cum illa exitus, si morbum aut nihili feceras, aut eidem sinistre medebaris.

3tio: Ab Auctoribus quoque non paucis & vium hunc morbum, & pro dysenteria habitum, & eadem nobiscum ratione sanatum, accipimus.

4to: Intestinorum hoc rheuma, quod simplicem dysenteriam appellabam, in omnibus Dysentericis, quoscunque vidi (& videram non paucos) adfuisse, utut multiplici alia complicatione ta variegatum, ut diversissimæ medendi methodi requirerentur, affirmo.

Nonnunquam hoc rheuma intestinorum altius igitur, ita, ut sudoribus motis dimoveri, dissiparique non possit, sed persistet immotum; tunc autem & hæc simplex dysenteriae species repetitis vicibus blando, anodyno, tepidoque potu, & laudano subinde interposito tentari debet. Quodsi vero hæc dysenteria serosa negligatur, male curetur, in veram abibit, eamque pertinacem *febrim intestinorum rheumaticam*, longam, difficilem: quemadmodum febres rheumaticas artuum, carpis & genibus tumentibus, & valde dolentibus, fieri videmus.

Altera dysenteriae species est, eadem cum prior tempestate occurrans, sed priori magis composita, & e binis, ut ita dicam, elementis coniecta. En ejus genesin, indolemque, & qua parte priorem contingat, & qua ab eadem recepat.

*Altera
species
dysenterie.*

*Ejus ge-
nesis.*

Ventriculum & intestina ætate adulta, & ineunte autumno plus solito languere, & forde biliformi gravari non raro, ac crebrius, quam aliis anni temporibus, id vero vel in vulgus constat.

11. Saburra hæc temporum opportuna vicissitudine, & appetente brumali frigore ab invigorato systemate gastrico sensim subigitur, immutatur, eliminatur, viis & modis variis. At sunt, Quibus abundantior bilis insidet, & ventriculus est imbecillior, iisque, non expectata hac temporum felici mutatione, ea materies, quam abundare dixi, morbum facit *biliosum*, e. g. febrim *biliosam*, *choleram* &c., verumtamen nondum dysenteriam.

Fac jam, homini cruditate biliosa laboranti, quæ forte hucusque iners delituit, & si nulla occasio ejus commovendæ fuisset data, etiam posthac iners delituisset, donec annua vice fuisset mutata; fac, inquam, huic homini corpus perfrigerari,prehendique illa dysenteria, quam supra descripsi, *destillatoria*. Ægrotabit jam hic tuus homo & *rheumate illo intestinorum* a perfrigeratione orto, (quod vel solum dysenteriae primam speciem facit), & *cruditate biliosa*, quam ipsum rheuma mole auxit, atque acriorem reddidit, quamve gastricum systema, ob defluxionem nunc irritatum & exquisitius sentiens, gravissime feret.

En jam alterius hujus dysenteriae genesin compositæ imo ex *dysenteria superiori*, *simpli-*
cique, & 2do ex *biliosa materie commota*; binam nempe, quæ dixeram, elementis.

& cura: Cum hac dysenteria superius allata remedia nequaquam congruebant, nisi bilem commotam eduxeras, atque ex morbo *composito* feceras *simp-*

plicem. Hæc illa dysenteriae species erat, quæ, propinato antea pharmaco, medicinam sopientem & diaphoreticam amabat.

Non idem Omnibus modus est ventrem purgandi, Multis enim vomitio placet, non Paucis alvus purgante mota blando, salino, mannato, tamarindis, rheo &c.

Utraque ratione in sananda dysenteria utebar, (de hac secunda specie loquor, *rheumatico-bilioſa*); quamvis & efficacius, & pluries morbum vomitorio, aut emetocatharsi commiserim.

Everſo ventriculo turbæ plerumque ſuapte, & quin narcoticum daretur; componi, & Aegri in placidos ſomnos labi, atque inter dormiendum in ſudores, cœperunt.

Sic pharmaco bilis abſterſa eſt, & ſadoribus rheuma inteſtinorum.

Dysenterias æſtate anni 1776. omnes huic methodo ſubjeci, easque celeriter confeci; pleasque etiam in Hungaria annis 1773. & 74. eadem ratione, & eodem eventu ſanavi.

Plerumque autem hunc canonem ſtatuebam; ut ſaburrâ; ventrem infimum & inteſtina crasſa occupantem; blande per ſeceſſus evocarem; ut vero materiẽ *ſurſum turgentem*, atque exitus nolientem per os, excuterem vomitu.

Has quoque dysenterias fuiſſe exiſtimo; quas SYDENHAMUS non ſolo laudano; ut quasdam alias, ſanavit; ſed catharſi; eaque repetita, & opio primum a purgatione propinato, atque in plenam uſque ſanitatẽ protracto.

Dysenteriam *rheumatico-bilioſam* mitioremque, *Uſus hæc* & a ſaburra non copioſiſſima productam; preſſo *racorum* rvarum ſucco ſanavi; qui ab Aegro remedi^{fructuum}orum *etuum* horum impatientẽ largiter hauſtus ventrem turbavit, ſolutamque bilem purgantis inſtar eduxit;

dysenteria in diarrhœam conversa, salutarem, & facilem curatu.

Cuidam & pruna recentia concessi, ablata cuticula indigestibili, quin & alios horæos fructus, qui succo præ cæteris abundabant; aut, ut assumant, ipse jussi, aut non invitus concessi, fibrosis tamen, & duris eorum partibus rejectis.

Hi horæorum succi saburralem materiem solvebant, quo opportunior emesi, aut catharsi efficeretur; vel vero ipsimet purgantis remedii simul vices subierunt.

& abusus in dysenteris.

Convalescentes tamen ab usu fructuum horum arcebam, saltem largiori; tunc enim firmare potius & acuere languidas ventriculi vires oportebat.

Hanc alteram dysenteriae speciem ab ea, quam *rheumaticam* appellabam, certæ quædam notæ distinguebant, eæque potissimum sequentes: Qui proximis diebus dysenteriam fuerant experturi, ventriculi pondus per aliquot ante morbum tempus querebantur, aut matutinum amarorem oris, aut sudores præter morem nocturnos, nidorosos, & somnos turbatos. Quibusdam alvus antea sine torminibus fluxit, eaque subsistente suapte, aut intempestive cohibita, hæc intestinorum difficultas accessit.

Quibusdam abdomen subinde levi, & fugitivo per vices dolore, aut flatu crebro perstringebatur, alvo adhucdum ordinata; donec elapsis aliquot diebus dysenteria adoriretur. In aliis alia præcessere futuri morbi indicia.

Morbum præsentem ea omnia comitabantur, quæ biliformem saburram indicant circa præcordia collectam; atque aliunde jam abunde nota.

Dysenteria rheumatico-biliofa febre *evidenti* quidem carebat, non omni tamen *motu febriculofo*,

oso. Atque universim, utut non ignorem, dysenterias febris expertes describi, earum tamen nullam me vidisse recordor, febre penitus destitutam. Sed febrim forte, quæ *exigua* fuerat, nullam prorsus putaverunt.

Sola intensione differebat ab hucusque descripta dysenteria is morbus, qui mihi *febris biliosa dysenterica* fuit. Erat enim & copiosior bilis collectio, ejusque acrioris, atque ita agentis, ut febrim faceret biliosam, accedente intestinorum rheumate tali, quale requiri ad nostræ dysenteriae genesis superius dicebam. *Febris hæcce biliosa* tibi novum cognomen adscivit, fuitque *biliosa dysenterica* dicta.

Aliunde constat, quibus notis biliosæ febres prodantur, iis nempe, quæ materiem biliformem intra præcordia fluitantem indicant; cujus tamen portio quædam suam jam stationem deseruit, intra humorum circumeuntium canales recepta. Manifesti quoque sunt certa plerumque horarum aut dierum periodo recurrentes febris actus, decrementa.

Febri hac biliosa dysenterica Detenti non omni diei tempore, nec omnibus diebus æquali ratione dejecerunt; sed suam hæc dejectiones torinosæ periodum observarunt, ut nunc frequentiores essent, aucta nempe ipsa febre, nunc vero eadem remissiore ipsæ quoque remitterent.

Hæc tertio loco memorata dysenteria vitæ *rariùs* periculum poterat intentare, quod ab utraque *periculosa fuit,* priori, nisi insana medicatio ex benignissimo torbo periculosum fecerat, longissime abfuit.

Quæ torminum ratio fuerit in hac febre dysenterica, exponam.

Abdomen nempe sub ipsa dejectione, & momento ante eandem non raro vehementer doluit;

mitius tamen, aut non omnino eo tempore, quo *Æger* mox a secessu surrexit. Verum; utut perſæpe graviora tormina eundem vexarent, venter tamen, etiamſi rudi manu contrectatus, validius non dolebat, nec mitius eadem remota.

Inde Inflammationis abſentiam conjectabar, & tempus emetico opportunum.

*nifi com-
plicata
inflam-
matione.*

At tumidulum aliquantum abdomen cum aliqua tensione, & cum dolorum ſub ipſa manu contrectante augmento inteſtinorum phlogosin prodidit. Sed hæc de re inferius erit dicendi locus.

*Quara-
tione me-
dendi uſi
ſimus in
febre bi-
lioſa dy-
ſenteria.*

Methodus medendi hiſ febribus bilioſis dyſentericis (de iis loquor, quæ nulla inflammatio juncta erat) tota in eo ferme verſabatur, ut febris bilioſa ipſa, tanquam morbus eminentior, ſanaretur, cujus ſanandæ modum *Tom. II. Rationis medendi meæ* abundanter oſtendi.

Conſiſtebat enim intra remediorum ſaponaceorum, ſolventium, aceſcentium uſum; cui ſubjungi, aut interponi emeto-cathariſis debebat.

Opium tardius propinandum hic erat, & parce, & febre bilioſa ferme ex integro jam conſopita. Male enim bilioſæ febris, & opio convenire *Is* novit, qui vim utriusque perſpectam habet, atque alterum cum altera contulerit.

Raro ſolis purgantibus febris bilioſa dyſenterica curabatur, niſi mitior fuerit, & ipſa purgantia fuerint blandiora, antibilioſa, eccoproctica, tamarindi, caſſia &c.

Rheum enim quacunque ratione datum, aut myrobolani, aliaque huc revocanda, ſpem feſclerunt, niſi febre jam inclinata, & emeto-cathariſi præmiſſa.

Plerumque aliis adjumentis hæc ſpecies dyſentericæ non egebat.

Varios modo exitus referam, quibus *febrim*^{quosve} *biliosam dysentericam* contigit terminari.

In Quibusdam, iisque compluribus, morbus ^{exitus} *biliosus* ^{habuerit} *dysentericus*, intra idem ferme tem- ^{eadem} *pus*, quo alias biliosæ febres solent concludi, at- ^{hæc fe-} *que* ^{bris.} *que* eadem etiam ratione.

Vidi, Cui febris dysenterica methodo superius exposita in intermittentem fuerat conversa; alvo extra tempora accessionum febrilium compressa, ubi iisdem vero denuo dysenterica. Dixisses *febrim intermittentem dysentericam*: hanc dein corticis peruviani decoctum sanavit.

Quidam initio ex febre biliosa dysenterica ærotabat; hæc in tertianam abiit, absque symptomate dysenterico.

Nonnunquam hæc febris biliosa dysenterica apud methodo profligabatur; verum alvus, utut intoleranter, attamen immoderatus, & longo tempore fluebat; dysenteria nempe in diarrhœam abeunte; bonam quidem, nisi diuturnior fuisset, & ob amissum intestinorum robur difficulter superimeretur, & convalescere prohiberet.

His radix arnicæ aut pulverata, aut infusa præ ^{Ufus ra-} quovis alio roborante remedio constanter pro- ^{dicis ar-} ^{nicæ.} *uit.*

Non raro *febris biliosa dysenterica* in morbum putridum transibat, ut nomine mutato *febris putrida dysenterica* appellaretur.

Diversa ratione hæc morbi mutatio contingebat; cui explicandæ nunc diutius immorabor, cum hic fecundæ notiones delitescant, quibus in medicina antidysenterica absque piaculo nemo caret.

Febris *biliosa dysenterica* in *putridam* convertatur

imo *neglectu*: Qui enim auxilia sprevere, vel

iisdem ineptis usi sunt, his non jam remittere febris visa, iterumque statim tempore intendi, sed uno impetu atque accelerato ferri. In continuam itaque mutabatur, gravem, iisque symptomatibus stipatam, quorum complexus *febrim putridam* insignit. His diuturnior solventium, emollientium, tepidorumque usus, non raro etiam venæsectio, profuit, & sero tandem emeto-catharsis; postquam nempe, quam diuturnior & elatior febris intestinis jam affricuerat, inflammatio fuerat absterfa.

2do *inepta methodo*: Alii enim febrim biliosam dysentericam venæsectionibus compluribus aggressi sunt; verum, sanguine ultra Ægri tolerantiam extracto, exasperari biliformis materies cœpit, atque intra corporis penetralia attracta quaquaversum dispensari, & humores circumeuntes malo suo connubio coinquinare.

Hi longissime ab inflammatoria conditione abfuerunt; sed ardoribus perusti acerrimis, parvo debiliq; ac celeri pulsu, & febre assidua, eaque nunc *putrida*, ægrotabant.

Quando-
nam ha-
bentur
directa
radicis
arnicæ
indicatio
in dysen-
teria.

Hoc rerum statu radix arnicæ præ quovis alio remedio saluti fuerat ad dr. ß omni, aut secunda, aut tertia, hora propinata.

Emeto-catharsin Hi non ferebant; utut enim illuvie venter scateret, nihilominus vel impurorum succorum evacuatio residuas vitæ vires attrivit. Serius autem, atque arnicæ radice Refocillati subinde salubriter emetico purgabantur, resumpta denuo eadem radice.

3tio: Febres biliosas dysentericas imprudenter iterata emetica, aut etiam purgantia ultra modum protracta contumaces effecerunt, & ob exhaustas vitæ vires periculosas.

Tunc vero desertas propemodum res radix arnicæ restituit.

Quem:

Quemadmodum *simplici febris biliosæ* remedia calefacientia, constringentia, & narcotica valdopere adversabantur, easque in *inflammatorio-putridas* invertabant; ita febres biliosas dysentericas eadem medicatio longe pessimas fecit. Tunc vero phlogosin prava methodo accersitam potu, fotu, phlebotomiis omnium primo sedare oportuit, ac tandem exposita ante ratione persanare.

Nonnunquam febris adest *originario-putrida*; non multum ab illa differens, quam *secundario-putridam*, ex prægressa nempe *biliosa*, fieri supra narrabam.

De *synocho putri* differere nunc oporteret, priusquam de ejus cum dysenteria connubio verba facerem; nisi animus mihi dudum fuisset, alia occasione de febrium diversissimarum indole, quas sub *eodem putridæ febris vocabulo* tanquam *natura easdem*, & Hercle, quanto cum errore, & quam multis pernicioso! complectuntur, & de diversa iis medendi ratione, præcipere.

Ubi putri synocho rheuma intestinorum sub iis *Syn-* conditionibus adjungebatur, quæ ad generandam *chus pu-* dysenteriam requiruntur, *febrim putridam dysen-* *tritis dy-* *sentericam* appellabamus. *sentericæ seu dy-*

Toti in eo tunc versabamur, ut, an omnis in- *sentericæ* *putrida.* flammatio absit, constaret; hanc enim præsen- *tem* fotu abdominis, & emolliente, ac mucilaginoso potu, quin etiam phlebotomiis delinivimus. Tum demum aut emesi, atque hac crebrius, usum, aut blanda catharsi; prout materies aut rursum turgeret, aut ad alvum inclinaretur.

Tandem radix arnicæ complementum curationis fecit.

Dysenterias ejusmodi putridas, sed absque notabili saburra, atque omnis inflammationis expertes,

tes, mox initio propinata radix arnicæ sanavit sola.

Tunc autem ferme Omnibus alvum pedetentim, & lente inhibuit, & ventris tormina sensim composuit: Paucissimis vomitum movit: Perpaucis dysenteriam in diarrhœam convertit.



C A P U T III.

Febris inflammatoria dysenterica, seu dysenteria inflammatoria, benigna, maligna.

Rheuma intestinorum, quo sine dysenteriam concipere nequimus, inflammatoriam non raro sibi febrem sociabat; seu ipsa materies destillans acredinem, & inflammandi habuerit vim; sive Ægri habitus fuerit præ cæteris opportunus phlogosi; vel vero constitutio anni phlogistica, tunc forte vigens, quidquid per id tempus morborum occurfabat, in phlogosin inclinaret inverteretque. Non raro, quod neque temporis neque Ægri constitutioni tribueris, nec peculiari cuidam rheumatis acredini, inepta & prava medicina fecit, vinosâ, aromaticâ, narcoticâ, adstringens &c.

Dysentericæ vernæ, autumnales, hyemales, Plethoricorum, Robustarum, aut ex toto erant inflammatoriæ, aut saltem ex parte, majore, minore.

Subinde *æstiva* quoque dysenteria multum phlogoseos habuit, subinde vero omnino nihil. Anno 1776. unicam certe dysenteriam inter longe plurimas offendi inflammationis participem.

*Unde si-
tura dy-
senterie
possit de-
termina-
ri.*

Ea in re dysenteria naturam *dominantis febris* imitabatur, ut, si *hæc* multum, aut parum, distaret ab inflammatione, *illa* quoque ab eadem longius abesset, aut propius.

Oculatum Medicum esse oportuit, atque emunctæ naris, ni insidentem ventri phlogosin voluerat prætervidere: decepit pulsus, deceperunt vomitiones saburrales, æruginosæ, vermes ore rejecti, ut motæ turgentisque saburræ molimina crederes, quæ potius ab incendio fuerant intestinorum. Dolor *assiduus alicubi fixior, tactum re-* fugiens, inquires, αλυσμος, atque alia, quæ enteritidum solent signa esse, Medentem periculi commonefecerant.

Eandem in *hac* dysenteria medendi rationem tenuimus, quam enteritidi quoque conducere noveramus, nempe *generosius antiphlogisticam*.


Balnea, aut cataplasmata, postquam sanguis, subinde iterato, detractus fuit, & emulsa tepida, ore assumpta, ano injecta, juscula quoque non pingua, quæ gummi arabicum incoctum fuerat, cruciatus abdominis & dejectionum frequentiam composuerunt: quæcunque alia, alia, cum nempe virtutum, remedia nocuerunt.

Dysenteria diversæ subinde commiscebantur. *Inflammatoria*, atque *biliosa*, in unum morbum conflari præ ceteris solebant; constitutione temporis cæterum valente, pleno, stricto; vel vero, ubi opio, vino, rheo, myrobalanis, aromaticis, adstringentibus Æger fuerat abusus.

*Dysenteria com-
plicata,
seu varia
ratione
commix-
ta.*

Nonnunquam, quæ in quibusdam Ægris aut

*invicem
excipien-
tes.* solæ fuerunt, aut complicatæ, in aliis sibi ita
successerunt, ut una dysenteriae species exceperit
alteram; atque huic dysenteriarum, variarum
successioni oportuit medendi rationem accom-
modare.



C A P U T I V.

*Tentamen novæ divisionis morbi dysen-
terici; ex cognatione cum vario rheu-
matismo repetitæ.*

Quam hucusque dysenteriae divisionem dedi,
plerasque ejusdem species complectitur,
easque communiores, sanatuque non diffi-
cillimas.

Superfunt autem aliæ quædam, quas ad hu-
cusque recensitas operosius referes, & quarum
indolem ex superioribus vix perspicies.

Hinc aliam inire viam placet, qua ad genium
morbi intimius cognoscendum nos perventuros
confido.

Statuo, dysenteriam, hisce annis observatam,
fuisse *intestinorum rheumatismum*, ab eadem ge-
nitricæ materie natum, qua rheumata nasci, æ-
state adulta atque autumno, solebant.

Febris ergo rheumatica æstatis, rheumataque
partis cujuscunque, artuum, faciei &c. *eandem*
per ea tempora habuere cum dysenteriis *causam*
materialem, & solummodo *forma* differebant.

imo.

Imo enim rheumatismos artuum videre contigit, repente sublato dysenteria oborta.

2do: nonnunquam eundem hominem & rheumatismus vexabat, & dysenteria.

3tio: dysenteria quoque subito cessabat, ut primum carpi, aut genua intumuere, doluerique ad eum modum, quo a febre rheumatica solent, in artus incurrente.

4to: par quoque utriusque morbi frequentia fuit eadem tempestate, ut Alios rheumatismus affligeret, Alios dysenteria.

5to: eadem medendi ratio in utroque morbo valebat, idem etiam habitus symptomatum erat; si ea excipias, quæ ob partis affectæ diversitatem differre necessario debebant.

6to: dysenteria non infrequenter sudoribus, aut efflorescentia miliari, vel vero utraque hac ratione, judicari & solvi solebat, quod sæpe numero in rheumatismis quoque observabamus.

Sola certe acrior bilis, atque ab rheumate non adjuncta, dysenteriam non fecit. Acerrimam saburram in febre biliosa ipse quondam vomebam, fauces ita exurentem, ut integro biduo, vel lenissima potulenta ignis instar œsophagum quasi arrosus afficerent; nihilominus, præsentem licet hac acerrima bile nec ventriculus, nec intestina doluerunt, nec ullum dysenteriae signum adfuit.

Præterea, Qui dysenteriam patiuntur, sæpe perpauca vomunt, & quæ nec colorem, nec saporem depravatum habent, nec sensibilem aliam qualitatem vitiatam, etsi cum multo plerumque levamine vomant.

Idcirco non videtur dysenteria produci ab acribile intra tubi intestinalis cavum contenta, & nondum resorpta; licet ab eadem reddi possit periculosior: atque emeticum non raro profuisse

vi-

visum est, quæ *sudoriferum*: novimus enim post emesin sudores moveri.

Hinc dysenteria non ob remotam quamdam analogiam, & per metaphoram, sed *vere* ac *genuine* *rheumatismus intestinorum* dicetur, suntque hi duo morbi *ἀδελφὴ παθήματα*, atque ejusdem matris.

Quapropter methodus rheumatismis æstivis medendi rectificari corrigique ex ea medendi ratione potest, quam dysenteriiis applicamus, & e contrario hæc per illam potest illustrari.

Recensebo nunc, quam rheumatum diversitatem viderimus temporibus dysentericis; ut, quanta rheumatismos inter & dysenterias analogia intercesserit, liquido constet.

*Prima
species
rheuma-
tismi, &
dysente-
ricæ.*

Rheumata observabantur in hominibus cæteroquin benè valentibus, ab aura frigidiore, quæ forte Sudantes afflarat. Hi rheumatismi benigni fuere absque febre, & potu tepido, diaphoretico-ve absque negotio difflandi.

Ejusdem omnino moris dysenteriam vidi ferocem, benignam, cito & eadem ratione sanandam; hanc superius *primam dysentericæ speciem* nominabam.

*Secunda
species
rheuma-
tis, &
dysente-
ricæ.*

Alteram speciem rheumatismi constituebat: rheuma artuum pertinax, & diuturnum, initio febrile & cum afflictæ partis tumore, atque, febre licet profligata, diutius nihilominus dolorificum; quodve, ni exquisita methodo succurreretur, articulos sero tandem a dolorum cruciatu liberarat, & eos reliquerat ad motum ineptiores, rigidiores, tuberosos, tumidos, & per omnem fere vitam veluti semidistortos.

Non dissimilem dysenteriam offenderamus rebellem ad notas sanandi leges, & cum hac pertinaci fluxione articulorum apprimè convenientem

tem. Sero dolor abdominis valedixit; longissimamque omnium moram traxit, sano reliquo abdomine, in intestino recto; quod assiduo tenesmo mucum tremulum lineis sanguineis pictum expressit. Tenesimum hunc diutissime durantem sublatum una nocte vidi, oborto mox femoris sinistri, & carpi dextri tumore, ac dolore rheumatico, qui sero lactis, & frictionibus sanabatur.

Cum Paucissimis tamen tam benigne agebatur, nonnunquam enim dysenterico dolore, utut sero, cessante, alvus nihilominus indolenter & assiduo fluebat multis septimanis. Varia incassum tentata sunt: Ægri aut hydropici perierunt, aut consumpti ab assidua, aquosa, chymosa dejectione.

Tunc intestina, potissimum crassa, reperiuntur solito multo crassiora, rigida, coriacea, ac nullibi ulcerata.

Idem hic intestina sunt passa ab inveterato rheumate, quod articulis ab eodem accidisse ante dixi, tumidis manentibus, tuberosis ac rigidis effectis, & ad motum ineptioribus.

Oblitteratis nempe intestinorum absorbentibus vasis, rigescentium, durorum, alvus absque torminibus & assiduo manans; hydropem induxit, & consumptionem.

Horum pauci, iique solum valentiores, & quibus adhuc virebat genu, postquam diuturna ægitudine ferme ad incitas redacti fuerant, attritas sensim vires resumerunt; fatiscente fortassis materie rheumatica, & intestina desistente. Sed longa mali mora memoriam sui reliquit, & languidior ventriculi vis, decoctusque iuventæ flos superati morbi identidem commonescit.

Tertia species rheumatismi, & dysenteriae. Tertium quoddam genus erat destillationum, æstate, & sub initia autumnii, sæpe conspectum, erysipelatodes, urentissimum, quod vel levissime digito contrectatum, Ægro ejulatus expressit; sub vesperam & noctu crudelius sæviens, & septicum.

Anno 1777. binas Juvenculas habuimus, quarum altera manum habuit ejusmodi rheumate tentatam, altera pedem. *Tempore* potius delinitum morbum existimabam, quam *consilio* fractum; quod, etsi varium fuerat, tamen a morbi ingenio capitoso identidem vincebatur.

Quibusdam id genus rheumata post multorum dierum cruciatus in pus convertebantur.

Quorum corpora jam ante morbum pravos succos fecerunt, hos præ cæteris hoc rheuma invasit.

Sed etiam dysenteriam non absimilem vidi in Cacochymicis, gravissimam, lethalem, atque id solum boni habentem, quod rarius fuerit observata, & anno 1776. omnino nunquam.

Dysenterici hi *ardorem abdominis*, eumque intensissimum, assiduum, contrectationis vel mitissimæ impatientem mox primis morbi diebus; anxietatem miram, & jactitationem; creberrimas, mere, sed obsolete sanguineas dejectiones; pulsus sæpe magnos, vibratosque, sed nunquam valde acceleratos, subinde autem tenuissimos exhibuerunt. Vena secta sanguinem dedit laudabilem, absque ulla phlogistica crusta, & absque dolorum levamine. Sub frigidissimo artuum frigore & plusquam cadaveroso internis caloribus se peruri querebantur; potus gelidi inexplebile desiderium. Lingua sicca, hirsuta, & ipsa quoque frigida. Mentis constantia, & dolorum sensus usque fere ad ultimum vitæ diem. Mucilagino-

sæ,

tepidæ, crebræ, potiones, & abdominis for-
us assidui, rarissime profuere. Tertia, quarta-
te plerumque die marmoreum illud humidumque
rigus artus omnes occupavit; sudore gelido in
magnas guttas collecto ubertim manante, præ-
rimis ex facie.

Septima atque octava die, dejectionibus &
rioribus, & melioribus, jam non torminosis,
va Septuaginta subinde videbantur: at ore aper-
o, oculis conniventibus, taciturne deliri, &
eglectim cubantes nona, aut decima, periire.

In cadaveribus cæcum, colon ejusque potissimum
transversa portio, & quæ per sinistrum latus de-
cendit, itemque intestinum rectum, crassas, &
arnosas membranas habuere, duras, & tume-
factas; color autem plumbeus fuerat, aut luride
ber.

Mesenterium & omentum obsoleta, & late
diffusa rubedo infecit; hinc inde altius intra eo-
undem viscerum substantiam demissa.

Dissectus horum intestinorum canalis villosam
unicam profundo, & tristi virore imbutam, ex-
hibuit, quem nec aqua eluit, nec spongia ex-
ersit.

In quibusdam cadaveribus hic viror observa-
us non est; cum intestina interea sæde rube-
ent, & luride rubente sanguine manarent.
Glandulæ quædam mesenterii ex inflammatione
tuebant, referebantque sanguinis grumos.

Rariora, & leviora, aut etiam nulla, vitia in
enuibus reperta sunt intestinis.

Mesenteritis gravissima hic fuit, & enteritis
um omenti simul inflammatione, non *benigna*,
ed *septica*, *erysipelatoſa*, & antiplogistico appa-
atu non domanda.

Qui lubricantibus, & involventibus remediis
mor-

morbum commisit, æque parum profecit, ac
ls, qui aut emesi, aut catharsi voluerat Ægro
mederi.

Solis quippe antiphlogisticis cicurare phlogo-
sin interaneorum non licuit, relicta acri & inflam-
mante, si qua aderat, bile: sed neque hanc li-
cuit evacuare, ubi intestina, & omentum, &
mesenterium jam tanto incendio conflagrarent.

Nec morbi causa solum intra tubi alimenta-
rii cavum commorabatur; uti forte in illis so-
let, quorum ventriculus ex prandio hesterno vi-
tium & cruditatem traxit, sed ipsis intestinorum
membranis, mesenterio, omento, infixæ portio
materiæ dysentericæ non parca. Hanc extrica-
re persæpe difficillimum fuit, periculique ple-
num.

Febris ipsa ex ampla, & variegata *febrium
septicarum*, aut potius, inflammatorio-septica-
rum, & erysipelatodon, familia fuit.

Quarta
species
rheuma-
tismi æ-
que, ac
dysente-
ricæ.

Rheumata gastrica dari, observatio quotidia-
na docet: eorum autem cum magna inter sese
variatio est, tum ab aliis rheumatismis hucus-
que descriptis diversitas. Neque hoc novum est,
aut nuper conspectum, sed homini vel medio-
criter docto notum, & cognitum jam dudum.
Ophthalmiæ enim gastricæ, & odontalgicæ sabur-
rales, cephalalgia gastrica, rheuma artuum bi-
liosum, aliæque aliarum partium fluxiones, quæ
a sordibus ventriculi nascuntur; nonne vulgata
nomina jam sunt, & ex ipsis rerum causarum-
que visceribus petita?

Fluxionibus his vel nulla comes it, vel obscu-
ra solum, febricula. Molestiam potius quamdam,
quam morbum arbitrantur, qui sic ægrotant.

Horum ventriculum acrior bilis ferit, sed quæ
tota intra eundem collecta non manet, tenuior
enim

enim ejusdem portio ac ejus veluti aura quædam intra alveos circumeuntium humorum suscepta, vel ad varia corporis cola defertur, absceditque *εξέρχεται*, vel vero in itinere suo aberrat, atque illicubi adhærescit.

Quod si id in pulmonibus contingat, hique hanc *αποθέρσις* patiantur, catarrhum habebis ex primis viis ortum; si in membrana narium, coryzam &c.

Fac jam halitum illum biliosum intra circumeuntes humores susceptum ita suo cursu deviare, ut ad opportunum quoddam colatorium non appellat, aut forte per cutis poros exitum moriens, admissio frigore reperiatur, neque tamen, uti antea posui, pulmonibus infigatur, aut naribus, sed decumbat ad ipsum intestinorum corpus, ad mesenterium &c.; catarrhum habebis intestinorum, aut eorundem coryzam, seu *dysenteriam*, eamque speciem quam in principio hujus dissertationis simpliciter appellavi *biliosam*.

Sola ventriculi, & intestinorum saburra biliosa absque eo rheumate, & intra cavum intestinale solummodo contenta, alvinum forte fluxum fecisset indolentem, aut etiam dolentem, si quidam materiæ fuisset acor: sed ejusmodi *diarrhœam*, utut fortasse, acore posito, *torminosam*, diversam arbitror a *dysenteria*; cujus creberrimæ quidem, & torminosæ sunt dejectiones, sed ferme irritæ, ut fæcum secedat plerumque nihil, sanguis vero & mucus vi exprimatur.

Ea certe est dysenteriae legitimæ conditio, ut hanc morbis adnumeres alvum potius occludentibus, inter assiduos licet deijciendi, sed frustraneos, conatus, & diarrhœa quoque dysenteriam sanet persæpe.

Nihilominus non ita dysenteria diarrhœæ opponitur, ut hac oborta, aut sponte, aut ope remedium, necesse sit, illam *semper & certo* tolli. Juvenula enim quædam, cum saltu incauisset, & meraciore vino, noctuque esset perfrigerationem passa, altera mox die in dysenteriam incidit crudelem omnino, cum intolerabili exili pulsu, *αλυσμα*; exacto triduo ad nos venit. Materies veluti lactea, cum exiguo hinc inde virore, magno impetu, & pari copia, & ferme assiduo, per inferiora secessit. Venam secui, cum conceptam in abdomine inflammationem adverterem, & potu tepido, mucilaginoso, & fotu externo abdominis usus sum, ut prolapsos ad intestina humores revocarem; tandem & opio volui ad aliquot saltem tempus secessus inhibere. Nihil profeci. Periiit Ægra inter assiduas jactitationes, & immanis circa præcordia ponderis querelas, cum tormina consopirentur.

In cadavere intestina omnia & ventriculum reperi colore intenso roseo imbuta per totum; mollia tamen, & membranis horum viscerum, secus ac in Aliis observaram dysenteria enectis, non tumidis. Omentum, & mesenterium eundem habuerunt colorem.

Sed redire ad *dysenteriam biliosam* juvat, quam inter reliquas species multo frequentissimam vidi, ac popularem; & anno 1773. in Hungariâ quibusdam locis, atque æstate vigente anni 1776. per omnem agrum Viennensem, prope solam.

Utut hæc vulgaris persæpe sit, Multique per ea tempora in Libitinæ rationem veniant; tamen naturam hujus speciei immerito malignitatis damnares, reamque ageres tot funerum.

Incusare Ægrorum potius socordiam oportebat, morbi initia contemnentium; aut eiden
me.

medentium quidem, verum sinistre, & inauspicato.

Αὐτῶν γὰρ σφειτέρῃσιν καταθάλιψιν ὄλοντο,
Νηπιοί. (*)

Morbi faciem, atque notas hic non describam, cum id a me fuerit antea præstitum in relatione *dysenteriae biliosæ*.

Sed & methodum medendi ibidem exposui, quæ ferme in solius emetici, aut emeto-cathartici usu consistebat, & opio emeticum excipiente.

Emeto-catharticum præplacuit præ solis catharticis, iisque quibuscunque. Nam eduxit id genus remedium, quidquid offenderat alieni in cubo alimentari, qua data porta.

Confidebam quoque in illa emeticorum vi, quæ finita purgatione sudores movet: hos tuto moveri tunc posse, iisque motis rheuma abdominis una submoveri, existimabam.

In eum finem *Nepenthes Helenæ* propinavi, liaphoreticorum potentissimum, certissimumque, & dulce simul cruciatuum lenimen.

Quodsi is morbi habitus fuerat, quem in antecedentibus *febrim biliosam dysentericam* nominavi; parcius, tardiusque opium exhibui, & febre jam inclinata. Ejus rei rationem supra deli.

Plerumque unicum emeto-catharticum profligando morbo par fuit; Nonnullis id bis dedi,
vix

(*) Odyss. A. v. 7. : nam propria Stulti culpa periere.

vix Ulli ter, interjecta die una inter singulas emeto-cathartes. Die intercalari decoctum radicis graminis, & taraxaci cum syrupo ribesiorum, aut alio consimili, Ager per vices sumsit, cum narcotico vespertino.

Aliud quoque est, quod emelin præ ulla purgatione commendabat, actio nempe ipsa, & labor vomendi; qua re videlicet vel sola pungentes particulæ eliciuntur, atque prolectæ quaquaversum excutiuntur.

Multi ad nos venerunt, rheo, myrobalanis, tamarindis, sale medio vario, manna, jam dudum, sed frustra usi. Fateor, me laboriosius sanasse Horum dysenterias, quam illorum, qui paribus cæteris morbum naturæ commiserunt.

Horum quidem remediorum encomia novi: fors tardius sanarunt dysenteriam, quam nostra citius sanassent.


Quin mihi hæc remedia nocere visa sunt, ubi abundantior saburra adfuit; aut in ventriculo, eique connexo intestino, sita.

Idem in Dysentericorum curatione evenire observavi, quod in plerisque aliis morbis contingit; ut nempe sanati hoc vel illo remedio dicantur, Quibus sub usu ejusdem id solum fortunæ obtigit, ut non morerentur. Hinc intempestivæ curationum quarundam laudes explicari possunt.

Periclitanti methodos diversas, easque inter se, & cum solis naturæ non adjunctæ viribus, conferenti constabit, quænam methodus alteri præstet, & quantum solius valeat naturæ vis, quid ferre recuset. Horum omnium nobis copiam nosocomium fecit.

Aliæ quædam species Rheumatismos inflammatorios, atque etiam inter sese complicatos compositosque, aut diversas rheu-

rheumatum species sibi invicem succedentes; ear^{ar}beuma-
ipsa tempestate spectare licuit, quæ ejusdem om^{tismi &}
nino indolis dysenteriae grassabantur, & eodem^{dysente-}
modo sanare, quo populari intestinorum morbo^{riæ.}
medebamur.



C A P U T . V.

Varii exitus dysenteriae.

Nunc quos hac dysenteria diversos exitus ha-
buerit, exponam. Non raro emeto-ca-
thartici instituta morbum ex integro, atque repen-
te sustulit, non rediturum.

Atque hanc quidem rheumatum gastricorum, ^{imus}
phrenitidis e. g. gastricæ, ophthalmiæ, coryzæ, ^{dysente-}
catarrhi, aliarumque Ægritudinum, si forte ex ^{riæ exi-}
fordibus ventriculi nascerentur, promptissimam ^{tus in sa-}
levationem sæpe mox emesi intuebamur, at-
que etiam mirabamur, non enim ventriculum so-
lum a recrementitia materie vomitorium vendi-
cavit, verum etiam id, quod ab ea materie
decerptum in parte subinde dissitissima fixum
hæsit, pari submovit celeritate. Ea fortasse
portionis ex illuvie gastrica decerptæ, & aut
oculos, nares, thoracem, artus, intestinorum
membranas vexantis tenuitas, mobilitasque fuit,
(in corpore præsertim jam præparato, & fibris
aliquantum jam emollitis, cedentibusque, seu co-
llione prægressa); ut eodem tempore & remedio
eodem vacuari ventriculus potuerit, atque id,
quod inde ad viscus quoddam ante abscesserat,

moveri loco reduci que in circulum communem, atque ad aliquod corporis colon deferri.

Subinde mitior morbus evasit, cessitque serius, nova materiæ coctione prægressa, & corporis præparatione ulteriori, datoque altero, vel etiam tertio, emetico.

Aliquoties nullum ab emesi levamen observabatur, manente eadem dolorum sævitie, & fecessuum frequentia eadem. Venam in brachio tunc secui, & ex Cōi Senis oraculo *partes sub umbilico aqua calida multa lavabam*, & tepidos, copiosos, emollientes potus propinabam; atque ita Multis tempestive profui; Aliis vero aliquanto tardius profui, certo tamen.

Tum vero sanguinem eduxi persæpe, qualem in pleuritide solemus; sic antiphlogisticam methodum cum illa conjunxit, quam appellant *evacuante*.

Appetente autumno, aut ubi cælum asperius, quam pro anni ratione, atque aura rudior homines tenuiter vestitos, aut meridianis solibus, aut exercitatione, in sudorem solutos, percuteret conjiceretque in dysenteriam, sola non raro phlebotomia juvit cum emolliente, & copiosa potione & abdominis fotu.

adus exitus in diarrhoeam. Torminibus, seu *evacuante* methodo, seu *antiphlogistica* consopitis, alvus subinde fluebant indefinenter diebus multis, quin etiam septimanis. Radix arnicæ, vel ejus infusum cum emolumento exhibebatur; Uni Alterive hanc diarrhoeam vesicans stitit.

Crurum oedema, quod diuturnum alvi fluxum excepit, stomachica, invigorantia, frictio, & tempus tandem ipsum, dispulerunt. Verum caute invigorantibus utendum esse docebar, ne, dum corroborare ventriculum volumus, eidem inge-

ramus, quæ nimia sint, aut mole ipsa, aut vi. Languidissimum enim, & debilissimum ventriculum mitissima solum tonica reficiunt; fortiora offendunt. Diæta medicatrix; & auxilium ab ipso tempore petitum potiora fuerunt hoc ælvi fluxu Laborantium; indeque Convalescentium adjuncta.

De dysenteria; etiā post emeto-catharsin; non mitigata; deque hujus phænomeni ratione; & medela; itemque dysenteriae in longam diarrhœam conversione; dilucide; opinor, atque abunde disputavi.

Verum tertiam quamdam Ægrorum conditionem vidi, etsi raro obvenientem, at eo difficiliorem sanatu. Dysenteria nempe subinde plurimum remisit; ut & secessus rariores fuerint; & vix torminosi; torminosi tamen; multisque septimanis.

Hanc chronicam dysenteriam; utut dolore paucio; brevi evanido; sub ipsa solum dejectione modice percepto; stipatam præ acutissima dysenteria, præque illa longa diarrhœa abominabar. Remedia, spesque nostras ut plurimum elusit; & Ægros lentæ; & certæ morti consignavit.

Cadavera horum *phlogosin chronicam*, & dūritiem, rigiditatemque intestinorum potissimum crassorum monstrabant.

Hanc dysenteriae conditionem cum rheumatica, aut arthritica materie comparabam, articulis tumentibus pertinaciter infixis, indeque non dimovenda; ut eundem putarim morbum, eandemque causam materialem, sed dispari fixam loco.

Qui florem ætatis jam superarunt, ex morbi diuturnitate potius, quam vi perierunt.

*etus exi-
tus in te-
nesmum
varium.*

Pauciores hoc anno (1779.) dysenterias tenesmus finiit, qui symptomatum dysentericorum alias plerumque ultimum est, atque agmen claudit. Fuere tamen, qui torminibus jam penitus compressis per aliquot dies inanem desidendi conatum experiebantur, expresso mucos, subinde etiam paucos cruore. Semel solummodo tenesmus observavi longius durantem, & nulla pelendum ratione. Nam rheo, & myrobalanis subinde, nonnunquam mucilaginoso clystere, nonnunquam, consilio mutato, narcoticis molestum hoc symptoma volui profligare. Frustra fui. Una nocte repente tenesmus evanuit, orto mox, ea adhuc nocte, dolente tumore ad carpum dextrum, orta quæ ex sinistro latere ischiade. Non multo post Æger etiam ex his doloribus usu ferri lactis convaleuit.

*Quoddam
tenesmi
species
est, velu-
ti dysen-
teria par-
tialis.*

Tenesmus, eundem postmodum morbum existimavi cum dysenteria, sede solum diversum, & magnitudine minorem. Si enim potior crasforum, colique præcipue intestini tractus, quam ego præcipuam, solennioremque dysenteriae provinciam puto, eo rheumate, atque eo modo laboret, quo id ad constituendam intestinorum difficultatem requiri superius assereram, *dysenteriam* adesse in confesso fuit. Rheumate autem dysenterico sua illa ampliori de sede moto, atque intra angustos solum intestini recti, aut ejusdem extremæ tantum oræ cancellos concluso, *dysenteria recti* solummodo intestini fuerat, sive mutato nomine *tenesmus*.

Non aliam tenesmi, seu *dysenteriae hujus partialis* curationem noveram, quam ipsius morbi integri, principisque.

Hinc evenerat, ut aut evacuantibus *αὐτῷ* aut *κατὰ*, vel vero emolliente enemate, potuque.

ac venæsectione, nonnunquam etiam laudano, etiam vesicante semel ad os sacrum applicato, tenesimum expugnarim; ratione videlicet diversa, prout diversam hujus *topicæ dysenteriae* notionem conceperam, & concipi debere arbitrabar.

Tempori subinde committi tuto tenesmus potuit.

Puellam ex dysenteria convalescentem tenesmus vexabat, sed quem alterius indolis esse existimabam. Olim enim hæmorrhoidum tumore dolente, & cum tenesmo afficiebatur. Nunc quoque easdem ab hæmorrhoidum irritatarum tuberculis molestias pati videbatur.

Alia vero species est tenesmus hæmorrhoidalis.

Hæmorrhoidalis hic tenesmus frequentius postea observabatur; in Viris iisque robustioribus, frequentius quoque in dysenteria autumnali, quam æstiva.

Tenesmo hæmorrhoidali emulsio medebatur, & mere emollientia enemata; opiata vero eundem augebant.

Nonnullis dysenteria versa est in rheuma cujusdam alterius partis: sic humeri Quibusdam, Aliis nucha, occiput, manuum carpi, genua &c. dolore dilacerante occupari visa sunt, ventre, atque alvo sanatis.

*Stus exi-
tus dy-
senteriae
in rheu-
mata articu-
lorum &c*

Conversionem hanc dysenteriae in morbum articulare subinde optabam, utut a plurimis Observatoribus damnatam. Malui enim articulos sanare, qui morbi vim facilius & minori cum noxa perferebant, quam intestina. Sed id subinde optasse me dixi, in dysenteria nempe graviori, difficulter, aut vix sananda, non autem in *dysenteria simplici biliosa*; utpote quam & cito poteram sanare & multo facilius, ac morbum articulare.

Subinde pulmones ægrotare veluti catarrho cœperunt, ut primum a dysenteria mitius habebantur, aut ex eadem convalescebant.

Quibusdam a dysenteria aures tinniebant cum aliqua surditate.

Paucissimis, morbo intestinorum jam cicurato, malum ad ventriculum versum est, ubi ingens quasi pondus percipiebatur.

Nonnunquam mitigatis jam symptomatibus dysentericis, pectus valdopere opprimi, aut latus veluti pleuritice dolere, citra tamen magnam, ac manifestam febrem; rheumate nempe in pleuram, aut musculos intercostales, irruente.

Subinde fixum hoc rheuma uni loco adhæsit, nonnunquam vero vage, atque errabunde discurrebat, ut modo hanc partem vellicaret, modo aliam.

Intra non multos dies hæc destillatio evanuit, in quamcunque demum partem cecidisset, seu sponte, sive etiam aptis remediis.

In hunc scopum diaphoresin movebamus potu tepido floribus sambuci medicato, & stibio diaphoretico non abluto. Decocta radice bardanæ &c. profuerunt, Nonnullis serum lactis, Aliis rheum, Aliis admotum alicubi vesicans, hanc sustulit defluxionem.

Fœminam dolor pleuriticus corripuit, qui relicto thorace hypochondrii dextri portionem mollem obsedit, inde defluxio ad pulmones se recipiens molestissimam tussim, noctu præcipue, veluti catarrhosam fecit; ea repente cessante orta est dysenteria, quæ nychthemero nondum exacto subito conquievit, thorace dextro supremo pone claviculam acerbè dolente. Diaphoresin potu multo, tepido, & sambucino tentabam, atque inter scapulas ponebam vesicans; convaleuit.


Petulantis id genus rheumatis æstivi, atque autumnalis exempla plura vidimus; quæ, quâ affinitate teneantur cum dysenteria, vel maxime Reluctantes, atque aliter hucusque Sentientes ita docent, ut omnis dubitatio eximatur.

Quibusdam ad vesicam morbus decubuit ita, ^{Stus exitus in} ut dysenteria repente subsisteret, orta ingenti ^{urinae} mingendi difficultate, aut etiam lotii plena sup- ^{difficul-} pressione. Aliis ingens solum in pube pondus ^{tatem} erat, alvo sanata.

Nonnulli dysenteria vigente adhuc moleste mingebant. Dysuriam post dysenteriam emulsum amygdalinum, cui syrupum althææ admiscebam, itemque adplicatum ad pubem cataplasma emolliens solvit.

Hoc anno (1779.) multo Pauciores observavi, utut numero Dysentericorum longe majori, quos mictus difficilis una affligeret cum dysenteria, quam anni (1776.) æstate.

Paucissimos videre erat stranguriose mingentes, cum ponderis ad pubem sensu, sed absque dysenteria.



C A P U T VI.

Exitus dysentericæ in hydropem.

E P I S O D I O N

de hydrope plethorico.

Exitus quoque dysentericæ in hydropem fuit; ^{7mus} in sexu præprimis sequiori, quem morbi ^{exitus} diuturnitas attrivit magis. ^{dysento-} ^{ria in}

Sub

varium
hydro-
pem.

Sub ultimos nempe dysenteriae dies, eaque in indolentem alvi fluxum fatiscente, Plerisque crura, subin. & femora albo phlegmate intumescunt; Nonnullis abdomen quoque, & universum corpus.

Quibusdam, pedes solum & crura tumidis, Ilenia tonica, grata cardiaca, amara &c. & crurum aromaticæ frictiones, & ipsum tempus, remedio fuerunt.

Quibus vero totum corpus intumuit, quod quidem paucissimis contigit, laboriosior curatio fuit, & variis modis tentata. Somno parco, exercitatione corporis, decocto taraxaci, cichorei cum terra foliata tartari, extracto præterea Col-
liniano, quod ex succo recentis herbæ lactucæ virosæ parari curaveram, autumno devexo, & sub initia hyemis convaluerunt.

Digressio
ad hydro-
pem ple-
thori-
cum.

Hydripes alios complures & aliunde exortos, remediis methodisque cognitis sanatos non recensabo, cum nihil habeant non ubique descriptum. Illata tamen hydropis mentione non possum non aliquantum ab instituto desletere, & Sermocinantium more, differere de ea re, ad quam forte fortuna delapsi sumus, nempe hydropem.

Resumam iterum abruptum de dysenteria sermonem, ubi aliqua rerum varietate veluti refocillati, a longæ narrationis tædio quieverimus.

Hydropem quemdam, præter alios hydripes frequentiores, sed quos & quorum causas hic prætermitto, videre erat hinc inde quidem descriptum, minus tamen in praxi, ut opinor, cognitum, atque idcirco sinistra nonnunquam curatione vexatum.

Is nobis hydrops plethoricus erat, seu ortus a plethora.

Causas habuit aliis hydropis speciebus ferme

oppositas, plethoram nempe, & laboriosum abundantium humorum, cæteroquin bonorum, circuitum. Inde vasa sanguifera, cruore nimio distenta, aquosam portionem facillime dimiserunt, extruseruntque, sed ita demissam difficulter receperunt: hinc aquæ intra cellulofum corpus, aut cava varia collectæ, hydropis eam speciem fecerunt, quam *plethoricam* appellabamus.

Hydropis hujus genesin ipse mihi exemplo quodam illustrare conabar. Quemadmodum enim ultimo graviditatis tempore venarum iliacarum compressio abundantiam humorum in artubus inferioribus contentorum, sive topicam plethoram, indeque crurum, femorum & pudendorum facit hydropem; sic plethoricis columna cruoris major, quam quæ apte contineri vasis possit, & expedite ad cor reduci, hydropem gignit.

Hic morbus in corpora solum robusta, ætatis florantis, & bene pasta, juxta nostras observationes cadit.

Atque ex hac corporum ætatis & vitæ ratione, item ex defectu causarum illarum, quæ alias producere hydropis species solent, huic nostræ plethoricæ oppositas, hydropis hujus indoles, cum eaque conveniens medendi methodus nobis innotuit.

Coquum Comitæ St **, quadrato corpore donatum, Fabrum item lignarium, Fabrum ferrarium, Famulum quoque compagis cæteroquin firmæ, item binas Fœminas, Viraginum habitu utramque, præter Alios hac specie hydropis detentos vidimus; eventu, ut postea referam, diverso.

Plerumque hic hydrops *intercus* est, & diffusus per totum corpus, subinde crurum solum, &

femorum. *Asciten plethoricum* nondum observabamus. Nonnunquàm hydrothoracem præ se ferebat, difficili inter gradiendum spiratione, decubitu supino impossibili, nocturna in primo somno excitatione cum suffocationis metu, aliisque.

Hydrothoracem plethoricum difficulter distinguebamus ab aliis hydrothoracis speciebus, alia a causa ortis, & alia sanandis ratione.

Chlorosis quoque orta a *plethora*, & ab aliis chloroseos speciebus distincta, in Puellis rusticanis, & duro labore exercitatis, nonnunquam occurrebat.

In hoc & hydrope, & chlorosi remedia pleraque aliis chloroseos & hydropis speciebus apprimè dicata, nocuerunt.

Profuerunt autem phlebotomiæ moderatæ, sed aliquoties repetitæ, & antiphlogisticus victus: decocta item emollientia, nitrosa, acidula, serum lactis cum terra foliata tartari.

Quasdam hujus hydropis curationes longo temporis tartari usu perfecimus.

Subinde hic noster hydrops & chlorosis phlogosin conceperunt. Sanguinem pleuriticum iterato educebamus, generosiori antiphlogistica methodo usi.

En hujus hydropis exempla quædam minus fausta:

Coqus Comitis St * * quadrato corpore, lactosus, amplo thorace, brevique sed crasso collo, vigente hyeme pleuritide laborabat domi suæ: ægre eluctatus difficilem in incessu & noctu supine decumbens, respirationem querebatur; inter primos somnos veluti jamjam suffocandus evigilabat, atque e lecto exsiliebat auram capturus. Multas noctes sedendo transegit; crura valde tumebant aquoso tumore, uti etiam carpi, hi ve-

o modice. Pulsus amplissimi, tardi, & instar chordæ ferreæ digitum ferientes. Aliquoties domini adhuc suæ sanguinem emisit pleuriticum & tum aliquo, sed temporario, levamine. Victu nihilominus pristino utebatur, carneo videlicet, & vinoso; atque hoc quidem non raro meracioris, utpote multos inter labores, & penes ignes calefscens.

Exeunte vere mihi tradebatur. Ufu squillæ, liorumque remediorum urinas potentius movendum, & crurum frictionibus, intra breve tempus id est consecutus, ut noctu non excitaretur, aut excitatus non exsiliret. Disparuit intra paucas septimanas tumor crurum & manuum, thoracis incommodis sublatis. Discessurus a nobis cum pridie has farcinulas collegisset, hilaris, & de recuperata valetudine sibi gratulatus, se lecto commisit: post mediam noctem cum ejulatu epileptice concellitur, inde apoplectico sopore pressus vespere periit.

In cadavere cor triplo fere majus inventum est, ac alias solet offendi, & giganteum; non morbose dilatatum, cum justa partium id constituentium proportio fuerit.

Pulmones ubique laxiori cellulosa tela ambientibus thoraci revinciebantur.

Vasa encephali prægrandia, & multo cruore distenta. Pauxillum aquæ intra meninges diffusum.

Remediis diureticis, purgatione, frictionibus plethoræ effectus auferebantur; collectiones nempe aquosæ, causâ manente, atque etiam auctæ.

Historiam similem in *diariis Swietenianis* legimus, quorum notabiliorem partem, ut primum per alios labores licuerit, publici juris faciam.

Quidam enim *eadem*, qua hic meus homo,

ratione hydropicus, *eadem* curatus, *eandem* quoque mortem oppetiit.

Famulus compagis firmæ, & valentissimo cæteroquin corpore ultra annum frequenter vomebat, matutinis horis præsertim: siti assidua vexabatur. Tandem intumescere *αναοσφρα* cepit. Purgantibus domi suæ frustra utebatur; diuretica non profuere, quin urinas potius parciore reddiderunt. Mirum id Omnibus, qui hominem noverant, visum fuit, potuisse nempe hominem ex athletico habitu transire repente in aquosam humorum cacochymiam, quin antea morbus quidam intercalaris vires athleticas attrivisset.

In nosocomium receptus pulsus plenos, duros, & vibrantissimos exhibuit; totum corpus, femora & crura immane quantum tumebant; diuretica tentabantur de novo, eaque varia, cum experientia constet, in eodem etiam hydropse non idem semper remedium urinas movere.

Tandem, cum nihil proficerem, cruribus vesicantia apponi curavi; qua methodo alias gravissimos quosdam, & remediis quibuscunque internis rebelles hydropes sanavi.

E plagis vesicante erosis aquæ largiter diu noctuque manabant, ut Æger fere totus paucis intra dies detumuerit.

Lævum jam ab initio augurabar de hoc hydropse, quod ortus esset a causa ignota in homine juvene, ad hydropem, ut arbitrabar, non prædisposito; & quod quædam Coquum inter, & hunc Famulum analogia intercederet.

Sinistrum eventum, mortem convulsivam, apoplecticam, Omnibus aliis bene sperantibus, non longe abfuturam, prædixi; etsi tunc, quæ ratione imminenti tempestatu occurrerem, non sciebam. Paucos post dies, aquis jam ferme eva-

cuatis, repente aliquoties convulsus, & apoplecticus periit.

Cerebellum sero amblebatur; vasa sanguine turgida. In thoracis cavo dextro libra ejusdem feri, & uncia novem in cavo sinistro fuerunt; pericardium uncias sex ejusdem feri continebat. Vesicula fellea vacua: hepar consistentia sanum, sed colore per omnem suam substantiam viridissimum.

Suspicabar, hunc hepatis virorem, & bilis in vesicula absentiam, explicari a convulsionibus posse, quæ sub finem vitæ accesserunt.

Noveram quidem jam dudum hanc speciem hydropis; eamque etiam sanavi. Verum nescio, quid meam diagnosin in binis his Ægris ita subverterit, ut morbo causam subjicerem non suam.

Apparente fortasse curationis, utut male institutæ, successu decipiebar, inque mala, quam de morbi natura conceperam, notione confirmabar.

Equidem aquæ exantlabantur copiose, verum his remediis, quæ vel causam ipsam hydropis non attigerunt, vel ejusdem adeo vires auxerunt.

Ex eo tempore in hydrope *plethorico* a vesicante abstinui: malui infima crura *scarificare*, & aquas ad plagam incisam invitas evocare. Hæc praxis sanationis celeritatem, mirum, quantum, adjuvit.

Murarius 38 annorum ante semialterum annum in quodam nosocomio ægrotasse se ajebat ex catharrhosa thoracis affectione; tussi crebra, sicca, respiratione laboriosa, & frequenti; nocturno præcipue suffocationis metu. Pectus oppressum habuit. Venæsectionibus, ut hæc thoracis incommoda non raro reditum minitarentur, nova sanguinis missione denuo depulsum,

Jam ab undecim septimanis oppressionem infimi thoracis, & spiritum impeditiorem consuetam methodus non solabatur. Sputabat mucosa; suoque opificio vacabat.

Ab octo diebus tussis catarrhosa, assidua, noctu gravior, & eo tempore ferme suffocans accessit; auctis & oppressione, & impedito spiritu, ut e lecto exsilire, & per cubiculum ambulare, ne cubans, & quietus suffocaretur, debuerit.

Decumbebat æque facile, aut verius, æque difficulter, in quamcunque partem libuerat. Jam non appetit: dedolatus est, corpus totum *oedematizatum*, pedes præprimis, crura, & femora tumet. Pulsus fortis, plenus, & vibrans erat.

Cum respiratio continuo laboriosior fieret, sibilosa, asthmatica, cumque universum corpus tumeret in dies magis, & sputa lateritia compluribus noctibus excuterentur, intermixto multo mucosum & Æger frequenter e lecto exsiliret, atque ultimis temporibus aliena per vices loqueretur; die, ex quo apud nos fuit, decimo tertio circa auroram periit.

In pugillaribus meis id solum adnotatum reperio, secto cadavere utriusque thoracis, & pericardii hydropem fuisse detectum, cum non exigua inflammatione dextri pulmonis.

Aquæ repertæ quantitatem per oblivionem, aut aliis laboribus distractus, non connotabam.

En hydropem, ad hanc, de qua loquimur, hydropis speciem, referendum; venæsectionibus initio sanatum, dein vero eodem auxilio frequenter mitigatum, donec tandem viribus resumptis hominem penitus oppressisset.

Taber ferrarius 46 annos natus a juvenilibus annis difficilem & per intervalla ferme asthma-

ticam respirationem habuisse ajebat; cæterum nunquam graviore morbo, nisi hyeme anni 1768, ubi octiduo ex morbo thoracis acute decubuerit, conflictatum fuisse.

A mensis Decembris (1778.) initio abdomen leviuscule tumidulum fieri occepit, uti etiam crura circa malleolos. Ab eo etiam tempore laboriosius, præprimis a pastu, spirabat, laboriosius quoque decumbens.

Jam inde a fine ejus mensis noctu frequenter e lecto surgit, aërem capturus, metuque, ne spiritus præcludatur cubanti.

A septemdecim diebus lateri sinistro incumbere nequit absque metu suffocationis, sed neque ante eos dies valebat semper, & absque molestia, in id latus cubare.

Huic *venas hesterno semper. Facio* turgere; vultus, qui hominem noverant, asserebant.

Tussicula moderata paucum subinde gluten eliquit.

Die 15ta Januarii 1779. nosocomium adiit; ammentibus utroque crure femoreque, ac ventre, tamen non valde.

Terram foliatam tartari ex aqua petroselini & sauco oxymelle squillitico hauriebat, & multum urabatur, urinis motis & alvo referata. Post quadriduum, me vel maxime invito, discessit, uberius multo respirans, nondum tamen liberrius, tumidulisque & artubus inferioribus & venter: hac se libertate spirandi contentum esse, & polle se apud nos tanti emere plenam sanitatem; ictu nempe tenuiori, & hydroposia, quam vivendi rationem præ morbo impatientius ferret.

Die 24ta Januarii mane carpento impositum ad nos deducunt, eumque facie turgida, purpurea, livescente, & labiis plumbeis, protuberan-

tibus oculis, sibilose, atque abruptim respirantem, veluti jamjam moriturum, ad portam nosocomii deponunt.

Fit modica venæsectio; deportatur ad lectum; redit vox, & usus sensuum; respiratione tamen vix emendata.

Cum per horulam quievisset, & ad interrogata responderet, agebat se pridie, atque reliquis diebus, postquam a nobis discesserat, labores vulcaneos exercuisse, eosque solito duriores, Baccho usum idcirco meraciore.

Fit denuo venæsectio unciarum decem; sanguis crustam phlogisticam tenuiorem, gelatinosam, plumbeam efformavit. Educto sanguine dextrum thoracem perforari curavi, unde feri flavescentis libræ quinque pleno rivo fluxerunt. Chirurgus testabatur, se pulmones *duros*, quemadmodum eosdem inflammatos sæpe in cadaverum sectionibus videramus, immisso digito offendisse.

Signa pleraque aderant, quæ hominem ostenderant; præter hydropem, læva quoque peripneumonia correptum.

In lectum repositus commodius quidem multo, non tamen absque omni prorsus sibilo, spirabat. Terram foliatam tartari ex aqua petroselini, & pauxillo oxymellis squillitici hausit; unde bis vomuit materiem soluto Löttricum saponi simillimam, albidam, spumantem, aliquantum tenacem, & amaritie intensa.

Cum die proxima iterum æstualet magis, & laboriose atque cum strepitu respiraret, potum mere emollientes, & tepidos, nitrososque haurire jussus est multis diebus; sanguine iterum iterumque edueto, pleuritico semper, & semper levante, ut die prima Februarii libere spiraret.

recumbēretque & supinus, & in quodcunque la-

is voluerāt, tussiretque perquam raro. His omnibus diebus, magna aquarum vis ef-

uxit e cavo thoracis, atque e tela cellulosa mu-

ulorum thoracicorum. Sed crurum & femo-

rum tumor manebat aquosus, & magnus. Ab hoc tempore e lecto surgebat, & cubi-

lūm obambulabat: oxymelle squillitico allis-

ne, quibus lotium cieri posse sperabamus, uti-

epit. Verum post medium mensis Februarii crurum

et morumque tumor ita increvit, ut lecto iterum

tigeretur. Tussis redire, vespertina potissimum,

que nocturna: calere deum, atque febre

liduo, vesperi tamen intensius. Vulnus para-

ntesi inflictum, pus fudit tenue, aquosum,

perissimumque. Artubus inferioribus supra modum tumentibus,

periosa brachia consumi, quæve thoracem am-

erunt, carnes tabescere. Die 18^{va} Martii occubuit. Pulmo lateris

inferioris inflammatus erat totus quantus, &

aque cum pleura arctius cohæsit, pariter in-

firmata. Nulla ullibi puris collectio, ulceratio

illa fuit. Cætera uti Sanis fuerunt.

Mirabamur veram gravissimamque peripneu-

moniam hydrothoraci junctam, & ingenti ar-

um inferiorum hydropi; sputa quoque purulen-

ta, non puriformia, admirationi fuerunt; nullo

ceris, aut in pulmonibus, aut alibi, vestigio

perto.

Et si Æger initio Februarii febre careret ma-

ifesta, & se e lecto proriperet; non omnis ta-

men pulmonum inflammatio, quam ad nos attu-

at, videtur fuisse soluta.

Pulmonum cum pleura cohæsiō serius, & post

institutam paracentesin, nascebatur. Nam aquæ & liberrime profluxerunt, & nullus observabatur ab exploratore digito, mox a facta perforatione, coalitus pulmonum cum pleura.

*Pleura
inflam-
matio si-
ne dolore.*

Utut inflammata pleura reperiremus, nullos tamen dolores punctorios querebatur.

Hydrothoracis cum peripneumonia connubium (seu bini hi morbi fortuito solum sociantur, seu vero uterque a communi quadam causa nascitur, aut alter ab altero (id quod ut plurimum fieri, supra ostendi) dependeat tanquam effectus a sua causa) non infrequenter offendi, atque etiam Quosdam sanavi parviori, at vero frequentius instituta, phlebotomia, & althææ decoctio cum nitro.

Quæ de usu mitiorum salium, acidorum, medicamentorum, salis acetosellæ, cremoris tartari, terræ foliatæ tartari, & ipsius nitri in cura hydropis dicuntur, ad hanc præprimis hydropis speciem *plethorici* nempe, aut inflammatorii, pertinebunt si & reliqua auxilia in eundem finem conspirent victus, & potulenta congrua, & subinde ipsius quoque sanguinis detractio.

Quamquam nec alios, quoscunque hydropes diutius a potu abstinencia putem expugnandos; quam certe praxin perniciosam esse, & ipsius expertum, & luculenter legi ab egregio MILLMANNO demonstratum (*).

(*) Animadversiones de natura hydropis, ejusque curatione, Auctore FRANCISCO MILLMANN, M. D. Colleg. reg. med. Conf. & reg. Societatis Lond. Socio. Viennæ & Londini, apud Rudolphum GRÆFFERUM.



CAPUT VII.

De variis & remediis, & methodis antidyntericis: quædam dysentericæ proprietates.

Longius fortasse, quam initio propositum fuerat, in exponendo *hydrope plethorico* processi, re nempe ab instituto sermone aliena: neque veniam ob hoc ἀνακολυθον, aut Ipse Alteri arem, aut rogarem ab Aliis; nisi ferme perinde esset, quo ordine Quis narret, qui non integram quamdam historiam, sed ejus solummodo vicinias quasdam, & fragmina velit proferre.

Ordini, atque rerum œconomix, Is studeat, qui struere ædificium vult: nos, qui huic Structori a servitio solum sumus, tanquam officio nostro gregie defuncti lætamur, si quædam usui futuri in acervos, prout fors dedit, congesserimus.

Hinc sepositam nuper telam resumam, & quæ de dysenteria sparsim ac prout, aut in pugillibus descripsi, aut memoria teneo nullo certo eorum nexu narrabo.

Remediis variis in cura dysentericæ opus fuisse, *Varie* constabit morbi diversissimam faciem non Ignoranti. Nunquam tamen adstringentibus me usum *methodi* antidyntericæ, nisi unica vice æstate anni 1776. in alvi *antidyntericæ* rofluvio indolente, & longo, dysenteriam exipiente. Nihil profeci; venter assiduo fluens hydropem primo, dein, hyeme am inclinata, mortem induxit.

Adstringentibus remediis cum ea notione male convenit, quam de dysenteriae natura concepi.

Qui bolum armenam cum in finem Dysentericis propinabant, ut laxata ostia fluentis alvi restringant, & egregie *adstrinxisse* putabant, si dragmulam inertis terrae dederint; nã Illi sese in Ægrorum plerumque salutem deceperunt perbelle.

Longam & apyreton dysenteriam nullis remediis comprimendam balsamo, *Saxonico* dicto, sublatam novi.

Sublatam quoque consimilem dysenteriam scio vesicante abdomini imposito, atque aliam sinapismo ad ventrem applicato.

Oleosorum vix ullus quoque usus fuit, nisi blandissimorum, & multa mucilagine divisorum; qualia in seminum *frigidorum* emulsionibus habentur: in dysenteria non biliosa, sed potius *enteritica plus minusve*, tepidæ emulsiones cum reliqua antiphlogistica penu primas tenebant. Ejus vero indolis dysenterias veris exordium, aut etiam frigidior autumnus profert, non diu regnaturas, constitutione nempe jam senescente, jamque emoritura.

Atque hac ipsa tempestate (1779.), & autumnali rigore rarissimæ fuerunt dysenteriae illæ, quæ, utut præmissis præmittendis, ab opio non abhorrent. Febrim acutam, auctum adeo secessuum numerum, & peripneumoniam subinde initia proximo mane debueras venæsectione, & emulso tepido, & ventris fotu comprimere; si pridie opium dederas, quietem, & somni blanditias Ægro conciliaturus.

Dysenteriae *autumnales* plerumque erant *bilioso-inflammatoriae*, aut *inflammatoriae*; quales etiam

etiam vernas habuimus; utut universim perquam raras, & sola plerumque antiphlogistica methodo non morose sanatas.

Dysenterias complures, vix inchoatas, sub mensis Augusti finem, & per autumnum anni 1779., tenui victu, & potu tepido atque emolliente, priusquam invalescerent, suppressi, absque morbi recurso.

Nec est, quod Quis objiciat, *diarrhæas* solum fuisse leviculas, leviterque torminosas, non vero *dysenterias genuinas*, quas tanta facilitate sanarim, vix ortas. Idem profecto His morbi initium, quod Aliis fuerat, quos morbos exercuit, Omnium consensu dysentericus.

Erant igitur quædam, veluti gravioris morbi præludia, & velitationes dysentericæ; consummatae futuræ, ni principiis obstitisses.

Mense Septembri ejusdem anni dysenterias quasdam jam persanatas, sed post aliquot dies reditum denuo meditantes, eadem ratione arcebam; victu nempe tenuiori, & potu tepido, ac emolliente; nisi forte voracior. Eger ventriculum onerasset, adhucdum languentem, atque amesi purgandum.

Plerumque determinari methodus medendi dysentericis epidemicis potuit ex ea methodo, quam febris illius tempestatis dominatrix poscebat; cum dysenteria epidemica ad epidemicæ febris naturam quam proxime accesserit.

Anno 1776. biliosissimam habuimus febrem æstivam, non male tamen moratam; ni illam inepte Quis irritarit, meracam, & omnis phlogoseos ut plurimum expertem: atque & dysentericæ fuerunt eodem anno ejusdem prorsus indolis, biliosissimæ nempe, meracæ, & absque ulla

inflammatione, & *eadem* prorsus methodo, atque *eadem* etiam celeritate confectæ.

Annis 1777, 1778, atque hoc ipso, quo hæc scribo, anno 1779., febris æstiva biliosa, bilioso-putrida, non raro pertinax, cum phlogosi complicata, & exanthematibus variegata, non boni moris, non Paucos oppressit. Eandem omnino indolem dysentericiæ una regnantis experiebamur Admirabundè.

Non tamen observabatur, quo anno plurimæ fuerint æstivæ febres, eodem quoque plurimas fuisse dysentericias; ut idcirco, stante licet eadem inter febrim dominantem & dysentericiam affinitate, tamen dispar subinde utriusque dominium fuerit, & dispar ex alterutro morbo Ægrotantium numerus.

*Prima
Dysente-
ricæ initia
non opo-
rte re-
primun-
tur.*

Etsi hic morbus, si quando latius diffundatur, amplissimas ubique prædas agat, neque nisi cum opimis spoliis recedat; tamen ejus sævities plurimum cohiberetur, si modo morbi primordia occuparentur, eaque opinio Omnium animis insideret, vix ullum morbum esse eos inter, qui *populares* appellantur, cujus initia tam cito queant comprimi, & qui neglectus urbes, agros, castra adeo depopuletur; ut hæc pestis castrorum plures ferme, ac ipsum hostile ferrum necet.

Dysentericias quasdam nullum hucusque cognitum remedium sanabat; at vero, dummodo non *gravissimæ* fuerant, & dummodo *valentiori* remedio non urgerentur, mortem non intulerunt, nisi jam antea Debilibus: tepidi & mucilaginosi potus, & abdominis fomenta & ipsum præprimis *diuturnum tempus* profuere.

Idem in curatione quorundam rheumatismorum con-
suebat, quæ *potentius* urgere non oportuerat;

citius enim reliquam sanitatem attriveras, quam expugnaveris rebelle rheuma. Temporum *constitutio mutata & longa mora* solum præsidio fuerunt.

Atque universim convincebamus, quosdam *Mont.* morbos urgeri nimium & premi non oportere: *sum gran* lat esse, si in pejus non abeant, & si, utut *ve!* tarde, quotidie tamen pauxillum ex morbo detrahat. Quemadmodum enim medicando recte fit, sic etiam medicando peccatur.

Nullam ætatem hic morbus præteribat, nec *Dysent.* sexum: conditio hominum quæcunque, & quæ *ria nul-* vis humorum & solidorum crasis, valetudinis *lum se-* quævis ratio dysenteriae ex æquo patebat, etsi *xus, æ-* diverso discrimine. Nec ullam ab hoc morbo *tatis, &* immunitatem, aut hydroposia dedit, aut usus *vitæ ra-* vini. *tionis di-* *scrimen* *fecit.*

Qui a fructibus horæis severe abstinebant, aut iisdem utebantur, aut etiam abutebantur; ita, aut in dysenteriam inciderunt, aut ab ea perstiterunt intacti, ut nulla ratione, vel modice probabili, determinaveris, quid potius facere expediat.

Dysenterici fiebant, & qui victu animali ferme solo vesciebantur, & qui vegetabili (ferme solo).

Non tamen par ubique periculum fuit, si *Diver-* Quem morbus corripuit; gravius enim Fœminæ *sum ta-* mulstabantur, cum morbo ipso, & cum ejus- *men per-* dem jam profligati reliquiis diutius colluctatæ: *iculum ei-* *rat in* De vita periclitabantur Cacochymici, Senicu- *homini-* li, articulorum morbis antea Vexati, & inter *bus di-* hos Fœminæ præ Viris. *versis.*

Illi enim Ægri e sexu sequiori fuerunt, quibus dysentericis factis mox lingua aruit, extrema friguerunt glaciali frigore, manante per uni-
ver-

versum corpus sudore frigido, in magnasque guttas collecto cum sensu assidui & intolerabilis ardoris, interanea exurentis, non restinguenda siti, & potus frigidi, vinosque implacabili desiderio, mentis acie non retusa, & valente usu sensuum cæterorum.

In cadaveribus Dysentericorum nunquam offendi suppuratam plagam, ut idcirco perrara existimem intestinorum ulcera ex dysenteria.



CAPUT VIII.

Binæ opiniones erronæ de indole & sede materie dysentericæ, deque ejusdem contagio.

Binas scaturigines dysentericæ hujus malignæ (nimirum malis malignæ inflammatoriæ appellare), quam sexui sequiori potissimum inimicam fuisse paullo ante dicebam, mihi visus sum detexisse, ipsius nempe malæ moratæ constitutionis ingenium prævum, & corpus Ægri huic morbo præ Aliis opportunum.

Binas quoque opiniones protavi, quæ de dysentericæ naturâ vigent, plebeiam alteram, quæ humorum tumultuose ad intestina ruentium copiam accusat, eaque ipsa debiliorâ, alteram verò non ignobilium Medicorum, atquæ aliquid veritatis habentem, nempe: omnem dysenteriam pertinere ad morbos saburrales; quam scilicet materies

aut *biliofa*, aut *putrida*, eaque simul acris, intra intestina commorata, vellicando irritandoque producat.

Multis exemplis utuntur, Qui sic opinantur, ad illustrandum assertum. Qui enim (ut ajunt) resinam purgantem male subactam, & intestinorum plicis postea pertinacius adhaerentem devorarint; in dysenteriae speciem incidunt æstivæ *Dysenteriae* dysenteriae analogam. Idem ex Horum mente *riae spur-* Illis solet evenire, quorum intestina aliud acre *ria.* quodcunque, aut etiam vermes rodunt; unde frequentissima, & tenesmodeis, torminosæ, mucosæ, cruentæ dejectiones proliciuntur.

Verum has ego dysenterias potius *spurias* nominandas puto, aut *diarrhæas torminosas*; nihil commune habentes cum *intestinorum rheumatismo*, seu *dysenteria vera*.

Plebeia opinio inter Medicos temporis tractu extabuit in generis humani felicitatem, nihilo minus Herculi potius clavam, quam eandem hanc opinionem rudibus animis extorseris.

Hæc tot malarum praxium auctor est, atque inventrix, unde tanta seges funerum quotannis succrescit.

Opio enim, & adstringentibus conatur alvum siccare.

Altera opinio, quæ propius abest a vero, rodentis atque intra cavum intestinorum morantis materiæ exitum molitur emeticis, purgantibus variis, & vario modo, in eaque re curationis cardinem docet versari.

Verum non omnis omnino dysenteria vomitorium aut purgans admittit: nonnullæ enim, etsi perpaucae, solo opio, & proleptis sudoribus illico cessant, SYDENHAMO testante: quædam aliæ, non multum ultra initia provectæ, potu-
te-

æpido & emolliente comprimuntur, quas evacuans remedium exasperasset. Atque alias quasdam phlebotomia sanat, eaque repetitis vicibus instituta. Ut ita constet, dysenteriam populum non esse morbum intestinalis cavi, acrem materiem continentis, sed ipsarum adeo *intestinalium membranarum*, rheumate laborantium; subinde & mesenterii, & omenti, & urinariæ vesicæ.

Hunc quidem rheumatismum intestinorum *per sepe* aut emeticum, aut purgans tollit, ut experientia constat.

Inde Eorum opinio nata est, qui dysenteriam prorsus omnem merum esse *faburralem morbum* arbitrantur.

Quamquam neque altera opinio veram dysenterię notionem habeat, tamen medendi rationem in *plerisque* dysenteriarum epidemiis non erroneam instituit.

Potiores enim hujus morbi epidemiæ eam speciem constituunt, quam superius *biliosam* appellavi.

Est nihilominus, ubi haud leves errores practici hanc quoque opinionem consequuntur.

Quando autem bona esse medendi methodus possit, utut falsæ opinioni innixa, & quando e contrario ea ipsa opinio in errores practicos inducat, & quæ hujus rei ratio sit; Is intelliget, opinor, qui expositam in antecedentibus dysenterię naturam & varias ejusdem species pensitavit.

An detur contagium dysentericum Pauci in dubium vocarunt, idque effluvium ex uno homine exspirans communicari Adstantibus posse plerique credunt. Miror Hercle, qui nos immunes per omnes hos annos a dysenteria manserimus, Medici,

ei, Medicorum Adjutores, & Ægrorum Custodes. Atqui quotidie mane singulorum fæces lustramus ea nocte exceptas, & vel inviti haurimus putidissima effluvia totis naribus. *na dimi-
nans in
plures.*


Probe equidem novi, Dysentericorum dejectionibus aerem, ex quo omnes tanquam ex communi fonte potant, fædo putore corrumpi, morbosque putridos, per eminentiam *nosocomiales* appellatos, invitare; verum quod Dysentericorum exhalationes *eundem* in aliis morbum producant, id quidem arbitror observationibus adversari.

Magni interesse puto, non ignorare, dysenteriam contagio carere. Quo enim animo Medicus Dysentericorum domos, Pauperum præprijis tabernas, adibit, de morbi contagio peritiosus? *De vani-
tate qua-
randam
aliorum
conta-
giorum.*

Quanti igitur interest, & esse Ipsummet a vano metu liberum, & eum Aliis posse excusere.

Idem de miliari, petechiali, & scarlatinoso contagio intellectum velim; quod nullum est, neque tactu, nec inspiratione, nec devoratum, neque *inoculatum* quocunque modo *eundem* in Aliis valet morbum excitare; observatione mea & experientia multiplici id perpetuo atque constanter testante.

Sic uno saltem, alterove terriculamento, eoque non minimo, minus habebimus, tot inter alios tam veros, quam inanes terrores.



CAPUT IX.

Prophylaxis.

Al dysenteria non præferuat, nec purgatio, **R**emedium prophylacticum dysenteriae in frequenti alvina purgatione frustra quaesitum est, hanc enim potius noxiam arbitror; nisi praesens saburra eandem poscat. Vires enim ventriculi & intestinorum aestivis caloribus remissiores crebra purgatio magis frangit, & rheuma tanquam ad partem debiliorem invitat.

Observationes etiam confirmarunt, hanc prophylaxin vanam esse.

nec vomitio, Aequè parum a dysenteria praeservantur, Qui frequenti vomitione ventriculum per vices subvertunt, dysenteria grassante; nisi forte jam adsit cacochylia exantlanda.

At sic non *prophylacticum* remedium haberes, sed *cûrativum*.

Nec ultimum vitæ genus. Nullum vitæ genus a dysenteria intactum præteriri, supra dixi.

In quo consistat prophylaxis dysenteriae. Nullam certiorē prophylaxin novi, quam quæ æstuantis corporis, & profusius perspirantis refrigerium repentinum, & auræ frigidioris afflatum vitat.

Non raro subita dysenteria Correptos observavi, quorum male vestitum abdomen post largiores sudores subito perfrigeratum fuit.

Vitato ejusmodi refrigerio, cruditatem quoque, & saburralia vitia vitanda puto; quæ, etsi dysenteriam sola non producant, corpus tamen de-

bilitando eandem invitent, præsentemque red-
dant graviolem.

Proderit etiam præter hanc & perfrigerationis,
& cruditatis fugam, leni quoque tonico vim pri-
marum viarum sustentare.

MÖHRLINI apud præclarum ZIMMERMANN-
NUM (*) observationi lubens subscribo, Eos po-
tissimum dysenteriam a se prohibuisse, qui vita-
lis diætæ vitiis, potum, præsertim aquæ frigi-
dæ, si forte corpus æstuatet, liberaliorem vitas-
sent, & diu noctuque non interceptam diapho-
resin fuissent experti.

Magna curationis difficultas in eo est, quod
Ægri continuo surgendo, male contexti, pedi-
bus nudis, noctibus sæpe perquam frigidis, mor-
bi causas identidem de novo repetant, perfri-
gerationem videlicet.

Hinc tantum quoque solaminis experiuntur,
si in lecto manere jubeantur, hisque supponan-
tur excipula, in quæ vel decumbentes alvum po-
nant; item, si abdomen dolens molli & calido
cataplasmate foveatur.

Hac ego ratione dysenteriam a me, Meisque
fortunate arcebam.

C A-

-
- (*) Quis nescit egregium Zimmermanni de dysente-
ria librum, Qui, quidquid hucusque de eo mor-
bo observationum exstabat, apte & philosophice
disposuit; cum suis comparavit, leges stabilivit.
Caput X. ejusdem libri spiritum prædicatorem
spirat; opus diurna, nocturnaque versandum ma-
nu: spiritum, inquam; quem is solum rite in-
telliget; qui in praxi dysenterica versatus, ab
hujus operis lectione ad Dysentericorum lectulos
acceserit; indeque iterato fuerit ad legendum
præcipue decimum libri caput reversus.

CAPUT X.

Quenam instructio plebi sit danda, grassante dysenteria.

Prophylacticas præceptiones, atque ipsam methodum dysenteriis medendi, Medicorum collegia Plebem, illam potissimum, quæ rus colit, docere solent; si quando tempora dysenteriae ingruant, Ruricolis præprimis inimica.

*Cur vi-
gente dy-
senteria
Vulgus
vix pos-
sit in-
strui de
methodo
medendi.*

Quod quidem institutum, ut est summe laudabile, ita arduum maxime, atque anceps videtur; ne nempe docendo noceas, ubi satagis prodesse.

Malin certe, ut *nulla* prorsus medicina fiat, quam *inepta*, & morbo *non respondens*, atque hoc ipso perniciosa, & salutarium naturæ moliminum turbatrix.

In morbo autem *tantopere versatili*, qui solertium etiam Medicorum sagacitatem exercet, nonne sæpius periculosa sibi medicationem Plebs faciet? Quam remediis valentibus tanquam totidem armis instruere quidem possumus, dexteritate vero captandæ occasionis, & indicationum scientia nequaquam.

Dispiciendum tamen est, quousque instrui Plebs possit, ut constitutionibus dysentericis aut a morbo sese præservet; aut eundem jam præsentem vel sanet omnino, vel sananti naturæ salutem non obsit.

Primam instructionis partem ea fortassis præcepta, atque ea quidem sola, suppeditabunt, quæ de prophylaxi, & de cavenda æstuantis corporis perfrigeratione superius dicebam.

Alterum vero consilii caput morbum ipsum docebit sanare, atque *binis* solum methodis absolvetur, ab HIPPOCRATE *de affect. T. II. Sect. I. c. VII.* Edit. HALLERI, propositis; binas enim Is suasit, utramque *parabilem, adolicatu non difficilem*, & quarum *apta tempora* atque *indicationes* vel ipsa edoceri rudior Plebs potest.

Sunt autem hæ duæ methodi dysenteriis *Inter* melendi *evacuans* una, atque altera *antiphlogistica*. *metodos*
 Novi perbene, *methodum antidyntericam* mi- *antidy-*
 nime his binis solummodo capitibus contineri; *senteri-*
 verum etiam scio, Qui has binas scite noverit *cas com-*
 adhibere, eum *Plurimis* profuturum; Multis qui- *solum*
 lem *directe*, non *Paucis indirecte*; vix Ulli vero *duæ sunt*
 quæ res in omni medicina maximi momenti est) *de quibus*
 obfuturum. *instrui*

Reliquæ autem morbi varietates plebeium cap- *Vulgus*
 um superant; neque directæ pro Iis methodus *poteft,*
 potest Plebi dari; nisi Quis velit, ut sibi no- *& debet.*
 teant male medicando. *Et cur?*

Dysenterias quasdam HIPPOCRATES loco su-
 pra citat. evacuante remedio curat, & medica-
 mentum, quod supra pituitam purget propinat.
 in aliis vero dysenteriis, in quibus dolor detinet,
 partes sub umbilico multa calida lavat: ibidem.

Quæ duæ res & evacuantis methodi, & an-
 tiphlogisticæ notiones exprimunt.

Hinc Qui sibi mederi coguntur, his omnis dy-
 senteriæ cura a potu tepido, & emolliente, item-
 que a fotu abdominis est inchoanda.

Quodsi dolor remiserit, aut extra tempora de-
 je-

jectionum penitus cessarit, si & vires non sint projectæ, & febris evidentior absit, aut ea statim solum horis intendatur, medicamentum, quod supra purget, hauriendum dato; fœtu abdominis interim continuato.

Atque hac ipsa methodo *evacuante sola* quam plurimas novi dysenterias fortunate compressas; dummodo & tenuis victus accedat, & lecti tempor, & potus ex emollientibus, addita chamomilla, post emesin diutius sumendus.

Opio carere tunc possunt; nisi forte *post emesin, dolore sublato, absente febre*, pauxillo opii velis sudores juvare, proficuos, & alvum siccantes.

At vero, si *dolor detinet, assiduus* atque etiam *extra tempora secessuum affligens, attactum non ferens, partes sub umbilico*, Suasore HIPPOCRATE, *calida multa lavato* Infidum enim hic esset, quin immo perniciosum, emeticum. Venæsectio proderit, & fœtus abdominis assiduus, atque assiduus quoque potus ex emollientibus *althæa, malva, feminibus lini &c. confectus; sola enim antiphlogistica* methodus opitulabitur.

Infantes dysenteria correptos, præprimis si dolorem difficilius ferant, & insistent præ dolore convulsiones, *aqua calida lavare, seu calido balneo imponere, expediet.*

Qui hæc medendi momenta tenuerit, (neque ea sunt difficilia, utpote a manifestissimis qualitatibus, torminum nempe *assiduitate*, aut *intermissione* potissimum repetita) amplissimas dysenteriarum species sanabit, *biliosam nempe, & inflammatoriam, & ex hac utraque conflata.*

Unicum superest, quo id genus instructio cære non deberet; quas nempe methodos, quæve remedia averfari tanquam noxia & perniciofa, oporteat, esset dicendum.

Ve

Verum, utut sanissima consilia dederis, vector, ne aut nihil inde bonæ frugis, aut non nisi pauxillum, referas.

Solet enim Plebecula præjudiciis potius, quam inæ rationis dictaminibus auscultare, atque hoc pso.

- - - ὅπερ μορον ἀλγὶ ἔχουσιν (*).



C A P U T XI.

Quid peculiare, aut etiam commune habuerint inter se quatuor æstatum dysenteriae.

Quatuor æstatum constitutiones dysentericas strictim delineabo; qua re inter sese con-
venerint, aut quid discriminis intercesse-
rit, dicturus.

Æstas anni 1776. tota, & hinc veris pars magna, illinc vero autumnus non minor, morbos *μολυσμους, καὶ ὁμογενεῖς* proferebat; bile nempe prognatos, sed ea *meraciorē, non inflammantē, non septicā,* atque *indolis bonæ,* nisi mala fortas-
se medicina obtigerat.

Ejusdem quoque ingenii dysenteriae fuerunt,
at-

(*) - - - Vel DIS nolentibus ipsi
Se miseros faciunt - - - *Odyss. L. 1. v. 34.*

atque ex ea specie, quam *rheumatico-biliosam*, & *febrim biliosam dysentericam* nominavi, numerosissimæ quidem, sed quæ mira celeritate & tuto solis vomitoriis, atque inter hæc tartaro emetico, promptius multo sanabantur.

Quasdam illius anni dysenterias tamarindis, manna, sale amaro, cremore tartari, tartaro vitriolato, tandem rheo, & myrobalanis sanatas vidi ab Iis, qui medicinam emeticam, utut *suo loco*, & *suo tempore* perefficacem, ignorata ejusdem præstantia, averfantur, atque in Deliculis, Fœmellis, Nobilioribus, Iisque

- - quibus dant crustula blandi
Doctores.

Plus quidem temporis hæc methodus insumsit, quam quæ emetico utebantur; nihilominus Ægri evaserunt, nisi si forte copiosorem Quis bilem habuerat, *καὶ αὖ* potentius turgentem.

Æstate vero anni subsequæntis (1777) dysenteria hinc inde solum in publicum prodiit, at ergastula frequens invisit, & cum Ægrorum perniciæ.

Verum ubicunque apparuerat, difficilis plerumque fuit, longâ, & evacuantibus, seu *αὖ*, sive *κατὰ* non sanata, vix mitigata.

Quasdam dysenterias illius æstatis mutata potius temporum vice, quam vi remediorum, compositas arbitrabar; in Juvenibus præcipue, & Qui ferendo morbo magis erant.

Erat hæc difficultas intestinorum non *mere biliosa*, sed aliquantum, ut videbatur, *inflammans*; putredine tamen non carens, ineffabilis cujusdam ingenii, *cujus solam pertinaciam* certo cognoveramus.

Hi ipsi mores morbos etiam reliquos insigniverunt, exeunte vere, æstate, atque autumnospectos.

Salium mediorum vix ulla utilitas fuit cum in dysenteriis hujus anni, tum cæteris in morbis. Inde in longos alvi fluxus, non comprimendos, Ægri inciderunt.

Radiciſ arnicæ magnus uſus cum in illis dysenteriis, phlogofi prius absterſa, fuit, tum potiffimum in febribus cæteris non dysentericis.

Anno 1778. numerus Dysentericorum paullo major fuit, quam priori æstate; attamen multo minor, ac anno 1776.

Dysenterię hæ ad illas anni præteriti proximè accedebant, niſi quod fuerint phlogiſtico-teræ.

Alvus hoc anno in pluribus Dysentericis tota quanta mucoſa fuit, ſpermatis ranarum ſimillima; magna ductiliſſimi & tremuli muci copia, ab excipulo vix abradenda, prodivit, qualem fere Calculoſi, aut Quibus veſica ab alio quocunque ſtimulo irritatur, mingere ſolent, utut hic Dysentericorum mucus inſtar glutinis vaſi tenacius adhæſerit.

In reliquis fæces erant porraceæ, ſpumantes, fructula ſebacea referentes, lineis ſanguineis pictæ, carunculofæ, loturæ carniū ſimiles.

Hæc muci excretio Ægros mirum quantum emaciabat, eoſque intra non multos dies, morbo licet in ſpeciem tolerabili, ad incitas atque ad mortem redegit.

Qui hac ratione ægrotabant, methodo illa evacuantē, quæ æſtate 1776. tam feliciter ceſſit, non ſanabantur; ſeu emeticum fuerat, ſeu eccoproticum propinatum.

Curationem oportuit compoſitam iſtituere;

qualem, ut unicum exemplum proferam, Puella quædam auspicato subivit, mucum illum tremulum largiter, & solum excernens, & dolorem totius abdominis quasi exulcerati conquesta. Dedi multa tepida, & emollientia per os atque anum. Abdomen cataplasmate fovi, corpore probe contexto, sanguinem missurus, nisi jam suæ domi misisset suo consilio. Elapsis aliquot diebus, & doloribus paulum remissioribus, lingua autem impuriore, salutare emeticum hausit, Paulo post convaluit, & citius, quam omnes Alii.

Post medium Septembrem 60 annorum Fœmina ad nos venit. Ante 3 septimanas diarrhœa laborabat octiduo: ea sponte cessante bene valuit. Nunc a quadriduo alvus creberrima, parca, tenesmodes, torminosa, cruenta. Dolor assiduus abdominis, non gravissimus, sed inter dejiciendum auctus. Os mucosum; febricula. Eadem methodo morbum tentavi, qua dysenteriam Puellæ modo relatam. Venam secui, sanguinem pleuriticum eduxi, noctu alvus solum quinquies mota est copiosa, & scybalosa. Altera die ter dejecit, sana posthac.

Eodem anno (1778.) dysenterias quasdam levi brachio sanavi, quasdam vero difficulter. Duos Ægros emacians alvi fluxus, quo mucus tremulus, initio torminosus, dein etiam absque dolore, reddebatur, confecit serius. Binæ Fœminæ post paucos dies dysenterice moriebantur.

Existimo, me minus fuisse attentum ad commistam hujus constitutionis phlogosin, seductum nempe dysenteriis anno 1776. observatis, quas *merissime biliosas* celeriter constanterque paucos intra dies emeto-catharsi sanavi.

Sed penes Lectorem erit dijudicare, num artis,

lis, an vero meam ipsius impotentiam incusare oporteat, quod curationes quædam non cefferint ex voto, ubi succinctam morborum historiam proposuero.

Septuagenario Major longa per æstatem febre, eaque intermittente, conflictabatur. Non adnotavi, qua methodo sanitatem recuperarit. Die 4ta Augusti 1778. nos accedit, aitque, se quatuordecim dierum dysenteria gravi affligi. Ante morbum præsentem per alios quatuordecim dies præcessisse inappetentiam, oris amarorem, febriculam vespertinam. Limeto-catharsi primo, dein vero radice arnicæ dolor omnis sublatus est intra dies perpaucos. Verum alvus crebro fluxit diu, noctuque, mucosis, aquosis, & indolenter: sisti nulla ratione, nequidem opio poterat suspendi. Emaciatio, qualis in extrema phthisi. Cutis pendula, strigosa, aridissima. Finiente Septembre periit.

Intestina crassa inflammata valde, dura, rigida, difficillime scindenda in cadavere reperi.

Triginta annorum cœlebs Fœmina die 13tia Aug. huc venit; quatríduana dysenteria fuit, corpus macrum, exsuccum, aridissimum, ligneum, &, utut se sanam fuisse assereret, notas tamen sanitatis perpaucas habuit, hac jam ætate edentula. Dejecit inter assidua tormina materiem pendulam, albam, qualis ex Calculosorum vesica exprimitur.

Remedia aut nulla sumsit, morosissima Ægra, aut devorata revomuit, vomitum ipsa immissa in fauces manu proliciens. Parum potulenti emollientis retinuit. Vomitibus manu concitatis aquosa pauca cum paucio muco vomuit, cum dolorum initio levamine, dein etiam eorundem plena evanescensia. Mansit fluxus alvi mucosus, &

multo magis emacians, quam pro deperditi humoris mole.

Periit die 17ma Septembris. Sceleton cada-veris, non cadaver. Omentum ruberrimum: intestina crassa parietes solito multo crassiores habuerunt, & duros: plagæ hinc inde inflammatae: interior superficies luride rubescebat, mucosanguinolento obducta: erosio nulla.

Puella quædam circa finem mensis Julii clam peperit, inde maturius ad pristinos labores reversa dolores lumborum assiduos experta est. Die 28va Augusti nosocomium adiit, a quinque diebus jam dysenterica: dejectiones innumerabiles, aquosæ, aquoso-cruentæ, excretorum exigua quantitas. Dolor ventris assiduus, attactum refugiens: pessime vestita, & ferme nuda ad nos venit frigidissimo die, plures alios æque frigidos excipiente: inquietudo summa, lamenta assidua, pervigilium: gustus nulla ratione depravatus, & nulla febris, si pulsus, & corporis calorem spectaveramus. Facies lurida, subflaves-cens. Tinctura rhei aquosa dabatur cum dolorum levamine. Tandem dolor jam nullus erat, at alvus fluens, aquosa, sæpe cruenta. Die 3tia Septembris vesperi paregoricum datum est. Eadem nocte difficilis respiratio facta est, quæ die sequenti fervens, & strepens fuit. Periit eadem die.

Omentum leviter inflammatum: inflammata hinc inde tenuia intestina, hinc inde etiam mesenterium. At vero totum colon, ejus præcipua portio per latus sinistrum decurrens, valide inflammatum offendebatur; hinc inde quoque livescens, crassissimis parietibus, & vix præ duritie, etiam qua parte livor erat, scindendis. Eodem modo etiam rectum intestinum fuit, ejusque

que, uti & coli glandulæ prætumidæ, permagnæ, & dire inflammatæ.

Die 3^{ma} Augusti alia Puella 18 annorum nostræ curæ committebatur. A quinque mensibus catamenia non fluxerunt. Octennis ex febre acuta continua decubuit. Ab eo tempore frequenter lumbricos excrevit. Triduana dysenteria se teneri dicebat. Color faciei fœdus erat; exilissimi, ferme oblitterati, creberrimique pulsus; dolor assiduus, perque vices ita intensus, ut ejularet, volutaretur per lectum, dentibus commorsis strideret, extremis frigidis, vultu miserabili, desperabundo. Per os atque anum lumbrici secesserunt. Maximam frigidissimæ noctis partem solebat extra lectum consumere, excipulo insidens, quo uti cubans non potuit. Sapor vitiosus. Tinctura rhei aquosa, & emesis aliquid levaminis, utut perparum id fuerit, attulerunt. Verum non multo post omnia exacerbata sunt. Emollientia tepida, mucilaginosæ, cataplasmata &c. dolores mitigarunt, alvumque fecerunt rariorem, vix dolorificam. At die 7^{ma} Septembris periit; eo tempore, quo pulsibus & vegetioribus, & vix acceleratis, melius valere videbatur.

Omentum inflammatissimum fuit: intestina tenuia omnia profunde rubebant: totum colon, & rectum alta phlogosi correptum, cum livore hinc inde. Membranæ crassorum intestinorum crassissimæ, glandulæ ex inflammatione magnæ: cruentus mucus superficiem intestinorum internam oblinebat.

Hic curam oportuisset summe antiphlogisticam instituere, & curatio a tinctura rhei aquosa male est inchoata, male datum emeticum. Insiduum erat levamen. Sed decepit corporis habitus, ver-

verminosa dispositio, ipsique vermes excreti; sed maxime deceperunt aliæ Aliorum dysenteriae, eadem methodo feliciter curatae.

Non pauci Dysenterici hoc anno lumbricos dejecerunt, quemadmodum in casu Puellæ mox memorato. Atque hi quidem Ægri plerumque sexus sequioris fuerunt, Fœmellæ pallidæ, & olim jam verminosæ. Non licebat curam ab anthelminticis, emesi, purgante, etsi mitiore, inchoare; ob dolorum assiduitatem, & intensiorem ab inflammatione provenientium. Atque hæc quidem inflammatio subinde *prava* fuit, & ejus indolis, ut sanguis eductus, & præsidia reliqua antiphlogistica, non juverint, ac consueta crusta defuerit, qualis *inflammationes non pravæ* plerumque solet committi.

Omnibus hoc anno Dysentericis febricula fuit vespertina, cum paucio frigore, calore non magno; alvo tunc crebriore, & torminibus auctis. Ictus arteriarum vix accelerati. Lingua sicca, arida. Urinæ parvæ, subinde quidem copiosiores, at semper colore minime exaltato, sordidæ plerumque, mucosæ, non transparentes: sero mukum deposuere album, copiosum, ad altitudinem digiti transversi. Tandem rebus in meliora mutatis urinæ perlucidæ manserunt, absque sedimento, & quales reddi solent integra sanitate. Tenesmi excruciantes Plerisque fuere, & longo post dysenteriam tempore perstiterunt; secus multo, ac anno 1776, ubi & dysenteriam, & tenesmos unicum plerumque emeto-catharticum absterfit. Singultum, in morbi progressu, & serius, accedentem non timui, si modo reliqua symptomata non fuerant pejora.

Pinguia, & obesa corpora hic morbus intra paucos dies valde ac longe validius emaciavit, quam pro excretorum ratione. Mo-

Moriebantur mente non Moti, & inter assiluos secessus, pulsibus exilissimis, & evanescentibus.

Incerto dierum aut septimanarum numero, sepius, ocyus, perierunt.

In cadaveribus *crudam* inflammationem offerenti, &, utut hinc inde nonnunquam livor aderat, lesuerunt tamen alia gangrænæ signa; scilicet iriabilitas affectæ partis, & gangrænosa plaga minutâ cohæsiō. Erat enim lividarum partium magna durities inter scindendum animadversa.

Infinam plebem, Fœminas præprimis pauperiores, male pastas, pejus vestitas, hic morbus frequentius, & gravius lacessivit.

Custodum nostrorum nemo, uti etiam nemo Chirurgorum aut Assistentium dysenteriam contraxit. Quidam, qui cataractæ extractionem inter Reconvalescentes expectabat, ubi nulli fuerant Dysenterici, nihilominus in morbum hunc incidit, sed leviorē; cum levi vesticula testis ambulacra frigidiora obambulet.

Ad eam, quæ æstatem, & partem autumnī anni 1779. sædabat, dysenteriam transeo, multiformem, & variam, & non paucis internecionam.

Mense Junio perraræ dysenteriæ fuerunt, Julio vero crebriores, quam plurimæ Augusto atque Septembri, tandem Octobri, contrahebantur.

Diversas dysenteriæ species, quæ hoc anno in scenam prodierunt, supra commemoravi; ea certe constitutio fuit, quæ quasi composita ex constitutionibus priorum annorum videbatur, atque commista, aut cum iis per vices alternans; cum, quidquid dysenteriarum priores æstates atque

que autumnī progenērarint, hæc una æstas protulerit collectim.

Saburras hoc anno habuerunt minus biliosas, & pauca vomuerunt, neque utiliter; nisi præmissis emollientibus, tepidis, & non raro præmissa etiam sanguinis missione.


Salia media, quibus vel solis dysenterias biliosas anni 1776. subinde curatas dixi, horta dysenteria non tulit.

Dejectiones mere albas, tremulas, viscidasque, priori anno frequentes, hoc anno non vidi; harum vero loco loturæ carniū similia, carunculosa, modice viridia, luride rubra, prodierunt.

Multi certe æque in urbe ac ruri perierunt, cum ob ipsius morbi naturam, nonnunquam arte superari nesciam, cum quod anceps, & versatilis morbus, atque eadem semper veste indutus, Ignaris idem sit visus, fefelleritque.

Quam male enim eandem in omni dysenteria medendi rationem si sequantur, quibus nominatim pro rebus sunt, & quam vana spes sit remedii universalis *Antidysenterici*, hujus anni constitutio luculenter demonstravit.

Non datur
tur uni-
versale
Antidysentericum, uti
nec uni-
versale
Antirheumaticum.



C A P U T XII.

De quibusdam magni momenti minutiis

Non puto, me acutulas conclusiones, & distinctiones, subtiles magis, quam utiles dilucidasse: aut, si diversissimam morbi

fa

faciem descripsi, si minutulas dedi distinctiones, tales solummodo videbuntur Ignofanti, quod res parvæ per sæpe maximas trahant:

*Duntaxat rerum magnarum parva potest res
Exemplare dare, & vestigia notitiat. (*)*

Haud quidem ignoro, magis amari illam medicinam ab ejus Cultoribus, quæ rerum occultarum enodatione tam laboriosa non indigeat, nec tam altos recessus habeat, quæve in eliciendis morborum causis, & commistionum variarum examine minus anxie versatur, & multum disputari contra scrupulosam ejusmodi, seduloque *discernentem* scientiam: sed difficultas & labor discendi disertam horum hominum negligentiam reddit. Malunt enim differere, nihil esse in hac investigante & philosophante medicina, quam, quid sit, operose addiscere.

Sed etiam illud non ignoro, ne adhuc dumquam longissime abesse ab illa, quam de dysenteria concepi, idea, & me meam ipsius mentem in describendo hoc morbo neutiquam plane fuisse affecutum: neque, si id etiam licuisset efficere, idcirco existimo, his meis præceptis instructum posse jam tuto dysenteriae mederi; cum abunde mihi constat, quantum vel fidelissima descriptio, morbique inde hausta cognitio ab illa scientia distet, quam Quis ipso artis exercitio comparavit. *Est enim, ut LANCISIUS in Epistola ad COMITIUM ait, medicina quoddam experimentalis*
pru

(*) LUCRET.

prudentiæ genus, quæ vix doceri ab ullo potest: tota fere scdulo, peritque ab Artifice in arena ipsa invenienda, ac tractanda est.

Hæc habui ex mea penu depromenda, ut cum aliis Aliorum observatis conferantur.

Atque ita, Qui plura, quam ego, observavit, &

Cui lecta potenter erit, res,

Securiora tandem hanc annuam pestem propul-
sandi præcepta condet, efficietque, ut una mor-
te minus moriamur.



S E C T I O V.

D E

MORBIS QUIBUSDAM
SYSTEMATIS HEPATICI,

P R Æ S E R T I M

D E I C T E R O:

ITEM DE QUIBUSDAM

AFFECTIBUS NERVOSIS,

E T

SPARSA QUÆDAM

VARIÆ ARGUMENTI.

1873

THE
LIBRARY

OF THE

CONGRESS


OF THE

UNITED STATES

OF AMERICA

WASHINGTON


1873



De morbis quibusdam

SYSTEMATIS HEPATICI,

præsertim de ictero.



OBSERVATIO I.

Vir 39 annorum ante octo annos febrim tertianam autumnalem passus est: cortex datur: frequens erat recidiva. Ab eo tempore sæpius cardialgiam querebatur, & incommodum sensum in epigastrio dextro. Omni anno, vere, & autumnano oris aphthas habuit, graves, curaque difficiles. Pallor continuus, & macies quædam, alias insolita: appetiit: oculi levissima per vices flavedine tincti. A verno tempore anni 1777. hypochondrium dextrum in molli parte versus ventriculum sæpius tumuit, & gravius doluit; minus appetiit, alvo facta morosiore. Sumasit pillulas ex gummi-ferulaceis, aloë &c. Inde alvus promptior, & levamen. Oculi tamen frequenter & magis icterici: officio suo fungebatur: plurimum equitabat. A mense Augusto quotidie, omni alterno quartove, erronee, levi-

terque febrile, domi detineri, & sæpissime esse in lecto, cum omnes antea relatæ molestiæ augerentur, virium jactura præcipue, & inappetentia, ac alvi tarditas; ut tandem non nisi enemate sollicitata dimitteret pauca, dura, caprilla. Circa medium Octobrem vomere sæpius pituitosa cœpit aliquot a pastu horis; vomitione per unum, duos, pluresve etiam dies cessante, paullo post reditura. Aucta omnia; alvi obstructio major; vomitus crebrior. Nulli tandem secessus, nec injecto enemate provocandi; at multo frequentior vomitio. Perit quinta Novembris ejusdem anni.

Prædixi, cum circa medium Octobris in consilium vocarer, hunc morbi exitum probabilissime secuturum; addidi etiam, me *vitium circa pylorum, ejusque coarctationem cartilagineam* præ alia quacunque re suspicari: ita me esse per meas alio tempore habitas observationes edoctum.

SECTIO CADAVERIS.

Aperto abdomine ventriculi magnitudo erat prorsus insolita, ad umbilicum usque protensi, & figuram ferme quadratam referentis. Pylorus, & initium duodeni, ad attactum durissima, scirrhusa, nodosa, cum appendicibus crassis, itidem duris; quarum una, reliquis major, pancreatis extrema pars esse videbatur. Interior pylori facies angusta, scabra, hinc inde modice arrosa, exhibebat tuberculum atheromatofum, nucem myristicam fere excedens; quod, forfice dissectum reddebat materiem pultaceam ex griseo flavescen-tem, & foetidam.

Tenuium intestinorum color pallide luteus fuit.

Intestinum cœcum, valdopere distentum, nigrificabat.

Hepar, & vesicula fellea, & lien, & mesenterium, ejusque glandulæ, Sanorum erant similia.


Contenta ventriculo copiosa erant & nigra; intestina autem tenuia, & vasa mesenterii, febrina inania.

Cœcum, & colon dextrum, multis durisque tybalis infarctum; colon vero transversum, solito aëre plurimum turgidum, obscure rubebat.

In ventriculo, præter materiam copiosam & nigram, deprehensa fuit notabilis quantitas mercurii vivi, ante mortem ingesti; (dicuntur enim ingestæ fuisse mercurii vivi doses septem, singulis autem vicibus uncia tres cum oleo amygdalarum;) & in intestinis tenuibus diu sed frustra quæsit.

De visceribus thoracis, cum apertus non fuerat, nihil habeo, quod referam.

Sectioni, utpote ruri factæ interesse non potui; alias in hepar, & vias bilis, ejusque liberum, aut difficilem, aut impeditum, effluxum in intestina sedulo inquisivissem: utut probabilissimum sit, bilem primo difficillime per angustatos ductus, tandem omnino non, in intestinum fuisse delatam,



OBSERVATIO II.

Viginti sex annorum Juvenis per octo septimanas appetitum solito minorem, itemque lassitudinem queritur. Tristis, cogitabundus,

dus, & gravi mœrori immersus, quod nuper fuerat ab irato Hero dimissus, & nunc egens oberret; sanus cætera.

Accessit oppressio thoracis infimi, & anterioris: subinde vagus artuum dolor. Oppressione hac pectoris, & membrorum dolore post 14 dies sponte evanescente, icterus ortus est, saturatissime flavus, per totum corpus; lassitudo; obambulat; dejectus appetitus; oris subinde fœtor, & muci copia, fauces replentis.

Ictero jam tribus septimanis persistente, ad nos venit, apyretos prorsus. Fæces albæ, caninæ. Sumit solventia salina, decoctum graminis, taraxaci, dein emeticum; æque saturata flavedo. Continuat solventia, & aperientia: excrementa nunc bile tincta apparebant.

Tandem febris accedit cum linguæ ariditate lignea, pavores, taciturnitas, mite delirium. Ultimis diebus brachium dextrum totum mire intumuit, tumore non rubente & valde dolorifico. Paucos post dies, ex quo ad nos venit, moritur.

SECTIO CADAVERIS.

In abdomine omnia bile flava suffusa, vesicula fellea bile viridi refertissima. Hepar hinc inde vitellina bile admodum maculatum.

Liber exitus bilis per ductum cysticum, hepaticum, choledochum in intestinum duodenum hique ductus satis ampli fuerunt; omnia viscera multo flaccidiora.

Metastasis bilio- Brachium tumens incisum exhibuit tenuem biliformemque laticem, intra telam cellulosam ubique copiose collectum.

Mira facultas mœroris est, functiones ventriculi, intestinorum, ac hepatis conturbandi. Frequenter a solo mœrore diuturno febris lenta nervosa gigni est observata.

Plerosque icteros *febriles* aut perniciosos vidimus, aut saltem perquam periculosos. Juvat id adnotasse, ut quantillum spei, & quantum periculi sit in ictero febrili, Medicus prævidere, & prædicere queat.

Contigit aliquoties, *metastases biliosas* videre; seu bilis dilutissimæ collectionem confertam. Latex biliosus e tumentis brachii tela cellulosa profluens, a depositione fuerat ipsius bilis resorptæ, & ad brachium delatæ.

Ejusdem biliosi humoris varias posse migrationes esse, & ad diversas deferri partes, ratione probatur, & experientia.

Ad encephalon delata biliosa materies morbos faciet varios, huic visceri competentes: ad oculos, fauces, thoracem &c. traducta, ibique commorata, lusum illum mirificum biliosæ febris ludet, *Tomo II. meæ rationis medendi* luculenter descriptum.

Quanta morborum familia est ab una eademque materie, tanquam Protoparente oriunda!

An icterus saturatissimus, viis ad duodenum bilem ferentibus amplis atque hiantibus, quales a morte reperti sunt, oriri in Vivo potuit? An in Vivente bilis viæ spasmus interclusit, morte solutus?

Ductibus biliferis omnino perviis nihilominus dari icteros posse, observationes docent, atque etiam idem in hoc casu obtinuisse lubens confiterer, ni fæces albæ absentiam bilis fuissent testatæ.

OBSERVATIO III.

Triginta novem annorum Textor a viginti fere annis, quoque autumnis in hyemem vergente, rheumatica febre per aliquot septimanas decubuit. Tertius modo annus est, quo ex febre quartana, per tres anni quadrantes durante, appetente verno calore sine aliis remediis convaluit, quam quæ contra tussim validam, sputa copiosa excutientem, & per anni dimidium una cum febre quartana affligentem, adhibuit. Evadere autem remedia hæc herbæ; ut ajebat, pectorales.

Sanus inde hucusque vixit.

Die 22da Januarii 1779. cum præcedente vespera solito lautius cœnaret, & meracius biberet, mane leviter inhorruit, incaluitque alternatim. Mox vero assiduus & siccus calor ortus toto morbi tempore durabat. Erectus, sed fessis membra trahens & impar labori consueto, ægrota-
vit. Artuum omnium dolores rheumatici.

Die 24ta decubuit. Sumit proprio consilio pulverem myrrhæ ex haustu aquæ: omnia graviora.

Die 27ma tussis, quæ ab initio adfuit levior, nunc gravis fit, noctu præcipue infestans, cum sputis difficilibus, glutinosis. Doluisse hac die ajebat utrumque hypochondrium dolore puncto-
rio, attamen non magno, & in profunda solum inspiratione, aut validiore tussi.

Die 28va domi suæ venæsectionem instituit, eadem adhuc vespera repetitam.

Die

Die 29na ad nosocomium defertur. Dolores artuum rheumatici hodie evanescent. Vox rauca ab initio; sitis hucusque intensâ; capitis dolor obtusus, & diminutus sapor; attamen non depravatus; nullus appetitus; lingua humida, leviter albescent; decubitus facilis in omnem partem; nullus dolor; nulla thoracis oppressio, hypochondria nunc indolentia; anxietas ingens circa præcordia; pulsus pleni, fortes. Potus dabantur emollientes, nitrosi, copiosi, tepidi.

Die 3ma Januarii venæsectio. Sanguis crustam crassissimam, non contractam, tenacem, æruginosam habuit. Urinæ fulvæ: remedia priora; cataplasma ad præcordia. Alvus liquidior, levamen nullum: pulsus idem; ingens anxietas.

Die 3ma Januarii nihil in melius mutabatur. Fit venæsectio: ingens, tenax, diffusa, icterodes, crusta phlogistica. Remedia eadem. (Ad nos adveniens videbatur levissime in facie flavescere, exceptis oculis, pulchre albicantibus; excepto & reliquo corpore, naturaliter se habente.) Levis hodie icterus per totum corpus adaptavit. Pulsus iidem, uti etiam reliqua. Noctu molestissima & assidua tussis, & ferme inanis. Urinæ fulvæ; spiratio extra tempora tussendi facilis, indolens.

4ma Febr. icterus intensior; respiratio strepens, fervens, tussiculosa, pulsus pleni semper, & vibrantes, durique. Fit larga venæsectio; sanguis in majorem, sed ejusdem, ut antè, conditionis crustam habuit. Urinæ profunde flavæ. Ineffabilis anxietas circa præcordia, dolor vero nullus. Facilis in omnem partem decubitus. Per-

stat vox rauca. Mortem sæpius invocat præ anxietate; alvus facilis.

2da Febr. mane, vigenti forte duroque pulsu, voce fere penitus abolita, & extremis frigentibus jam per aliquot horas, moritur, exacta morbi die undecima. Mens semper constabat. Alvus facilis semper, & biliosa.

S E C T I O.

Pulmo dexter totus inflammatissimus, durus, ponderosus, carnosus. Is arctissime pleuræ adhærebat ubique, uti & diaphragmati. Superficiem omnem pulmonis dextri membrana investit, dimidiæ lineæ crassitiem habens, solidæ compagis, & plurimis rubris vasis distincta: ex duabus laminis conflata erat, facile ab se invicem dividendis; quarum utraque membranam tenacem, quasi vasis quam plurimis & ruberrimis perreptam, referebat.

Notandum est, & pleuram ex parte una, & membranam extimam pulmonis, fuisse ab his membranis prorsus distinctas; neque posse hæc peregrinas membranas a degenerante, aut pleura, aut extima pulmonis superficie, repeti.

Pleura, supremum & posticum thoracis dextri cavum succingens, inflammatissima reperiebatur.

Dissecta pulmonis inflammati substantia colorem cinereo-rubrum exhibuit.

Interna asperæ arteriæ superficies, uti & bronchiorum ramorumque bronchialium, ruberrima fuit, atque inflammata.

Pulmo sinister sanus; atque longiusculis, attenuis validis, nexibus cum membrana pleuræ ubique connexus.

Hepar mole permagnum, ex rubro flavum, ponderosissimum, majorem solito duritiem secanti cultro opponens: ab hypochondrio dextro ad sinistrum procurrebat, replebatque præcordia tota.


Vesicula fellea pauculum bilis pendulæ, tenacissimæ, & profunde flavæ continuit. Ex ductu bilifero vesiculæ felleæ, itemque hepatico, & communi, plena fuerat in intestinum duodenum libertas, & bilis poterat pressione levissima in intestinum effundi.

N O T A.

1mo: Libertatem cubandi semper adfuisse, in quodcunque latus voluerat:

2do: dolorem vere pleuriticum non adfuisse, atque ultimis diebus nullum, utut gravis adfuerit inflammatio ipsius pleuræ:

3tio: icterum fuisse, viis, bilem effundentibus in intestinum, perviis & patulis, quales fuisse etiam durante morbo videntur, cum alvum posuerit semper bile tinctam.



OBSERVATIO IV.

Murarius 40 annorum, antea semper sanus, die Martis mane scalam, cui Alius quidam insistebat, valido nisu adhibito sustentat. In ipso hoc opere dolorem, quasi aliquid intus ad cardiam dilaceraretur, sentit: dolor augetur, & ad medium usque sternum per totum sinistrum
latus

latus ascendit; ad umbilicum descendit: horret, caletque per vices; respiratio difficilis.

Die Mercurii eadem omnia. Respiratio stridens, fervens: obambulat.

Die Jovis fit venæsectio in brachio: postea sputat cruenta: nil emendatum.

Diebus Veneris, Sabbathi, Dominica, omnia pejora. Hucusque extra lectum semper erat, laborabat, utut difficulter: quotidie vinum hausit, & cerevisiam; morbum mero, labore & contemptu, superaturus. Omnibus his diebus leviter per vices frigit, caluitque.

Die Lunæ ad nos venit, ictero perfusus non scio a quot jam diebus. Calor naturalis ad actum: mens constans, vigor: sputum cruentum; tussis, respiratio fervens dolorque, uti hucusque; pulsus omni modo inæqualis.

Mox secta vena; sanguis crustam phlogisticam, diffusam, crassam habuit. Potus tepidi emollientes exhibiti.

Die Martis mane inter loquendum moritur.

S E C T I O.

Icterus saturatus per totum corpus.

Pulmo dexter leviter in medio inflammatus, qua dorsum respicit; sinister vero per totum inflammatissimus, & sacco totus quantus inclusus, quem & a pleura, & ab ipso pulmone, deglubere poteramus.

Saccus hic ex membrana constabat, vasis plurimis, magnis, evidentibus, & evidenter cum pulmone nexis, aut ex eodem provenientius, distinctus.

Aquæ flavæ uncie tres in pericardio repertæ sunt.

Ven-

Ventriculus magnus; varicosis magnisque vasis distinctus.

Vesicula bile tenaci mediocriter plena; ductibus in intestinum duodenum valde patulis, ut bilis libere transiret. Hinc inde maculæ rubræ in intestinis tenuibus, quasi ab incipiente inflammatione.

Seri circiter libræ duæ subflavi in abdomine. Hepar valde flavum, molle, friabile.

OBSERVATIO V.

Scriniarius 35 annorum sanus antea, nisi quod Bacchanalium tempore catarrho laboraverit, non diu durante, sexta Martii mane incaluit præter morem cum vagis horripilationibus, & cephalalgia gravi. Dolor acutus a mamma dextra usque ad cristam ossis ilei protensus. Bis eo die secta vena est sine levamine; crusta phlogistica, pleuritica. Eodem die vomitiones accedunt spontaneæ, aquosæ, amaræ, virides. Alvus dura. Sumsit eodem die mixturam quamdam, quam suspicor fuisse nitrosam.

Die 7ma Martii ad nosocomium deferitur. Symptomata hesternæ manent, sponte vomit, & frequentissime, multa, amara, æruginosa. Alvus dura, clysteribus sollicitata.

Die 8va Martii cephalalgia mitior, lingua albidissima, villosaque, at humectata; oris amarus; difficilis spiratio, & cum thoracis oppresione: dolor pungens ab ultima costa spuria ad mammam dextram usque, & procurrens ad scro-

bi-

biculum, remittens, ubi quietus jacet. Decumbit in dorsum, at in latus affectum difficiliter cubat. Tussis moderata. Sputa pauca, tenacia, & hinc inde quasi herbida, ac virescentia. Sumit emollientia, copiosa, tepida, nitrosa: urinæ croceæ. Fit venæsectio; sanguis valde phlogisticus, & simul icterodes: levamen nullum.

Die 9na Martii levis icterus; spontaneæ, æruginosæ, copiosæ vomitiones. Vespero vero non amplius sponte vomebat, levare modice videbatur.

Die 10ma Martii, seu 5ta morbi, icterus paullo evidentior; nullæ vomitiones: urinæ saturate croceæ; calor intensus; dolor punctorius levis. Continuabantur emollientia tepida, nitrosa. Cataplasma ad totum thoracem dextrum, & hypochondrium dextrum adplicatum. Fit venæsectio perquam larga.

Die morbi 6ta sputa herbida, modice cruenta: respiratio anxiosa, brevis. Urinæ, icterusque, & calor, uti heri. Pulsus naturalibus parumper celeriores, subduri. Venæsectio facta est; crusta eadem; remedia eadem.

Die 7ma morbi eadem symptomata. Sputa multa, cruenta subinde, subinde vero viridissima. Serum lactis copiose bibitur jam a biduo, & tepide. Venæsectio fit; ingens & icterica crusta: urinæ ferme nigræ. Citata decurtata, & abdominalis, respiratio. Decumbit modo in utrumque latus: pulsus pleni, fortes. Calor intensus & perstans, icterus.

Die 8va morbi sputa, calor, decubitus, respiratio, uti heri. Semel æruginem modicam sponte vomit. Anxietas magna. Alvum hodie ter sponte posuit multam, albißimam, liquidam, quæ ante solo moveri enemate debuit. Respi-

atio vesperi pejor. Celebratur venæsectio uniarum decem: sanguis idem.

Die 9na morbi omnia eadem. Alvus spontanea, sed *viridissima* & *æruginea*.

Die 10ma morbi nihil emendatum.

Die 11ma morbi ob febrim valde auctam, & difficillimam respirationem, fit venæsectio.

Die 12ma morbi mane venæsectio. Alvus uterque *æruginea*. Ex hoc tempore febris intenscere interdium cœpit, & non nisi vesperi subsurgere.

Die 17ma sputa tenacia, partim puriformia, partim purulenta. Febris vespertina.

Die 18va & 19na sputa plurima.

Die 20ma morbi vix ulla febricula, Sputa eadem. A triduo subinde e lecto surgit.

Ab hoc tempore emaciari, tussi maxime nocturna vexari, & ingentem sputorum purulentorum vim educere. Adhibita fuere pleraque, quæ in viscerum ulceratione commendantur, cortex, lichen, lac, inviscantia &c.; nil profectum est. Accedente ultimis diebus diarrhæa colliquativa, animo erecto constantique, & vegeto sensuum usu, homo ultra suam sortem sapiens, tranquillissime moritur die 17ma Maji 1779. Perus ad finem usque vitæ perstabat.

S E C T I O.

Pulmo sinister arctissime & validissime per totum cohæsit cum pleura, & diaphragmate.

In cavo thoracis dextro aquæ pellucidæ libræ tres reperiiebantur. Tota utriusque pulmonis substantia innumeris abscessulis obsessa fuit, ita constitutis, ut alter in alterum aperiretur, & pus continerent.

Vesicula fellea contracta, sine ulla bile, vacua, atque valde angusta erat. Ductus vesicularis, uti & hepaticus, & qui ex utroque coarctatus, choleodochus, impervii fuerunt per totum, atque occlusi, materia solida, succum liquiritiæ inspissatum referente; quæ, utut calculosam duritiem habuerat, aqua tamen dissolvi poterat, paulatim & agitatione facta. Solutionem obtinuimus inde nigram, & atramento similem.

Hepar mollius solito, & mole minus, quam plerumque reperiri consuevit.

Intra tunicam vaginalem sinistri testis uncia quatuordecim aquæ limpidæ reperiiebantur. novem jam annis hac hydrocele laboravit.

Pleuroperipneumonia utriusque lateris, & hepatitis in eodem Ægro jungebantur.

Uterque morbus absque alterius adjutorio per sæpe perniciem infert. Accessit immanis quoque saburræ biliosæ turgor.

Hinc explicari potest, cur sola antiphlogistica methodus infringendæ inflammationi impar fuerit, relicto nempe acris, & æruginosæ, saburræ stimulo.

Sed neque votis respondisset saburræ evacuatio. Nimis enim protracta, & gravior, inflammatio fuit, quam ut emesi, utut stimulum inflammantem removere, non debuisset augeri.

Alvus pigra & flava plerumque fuit, deinde vero æruginosissima multo tempore, etsi invias bilis in intestina vias a morte inveniremus.



OBSERVATIO VI.

Juvenis 20 annorum, Pincerna; corpore pleno; subrobusto, a biennio non interrupta sanitate gaudebat.

5ta Maji, cum cubitum iret, inhorruit; postea caluit. Dedolatus erat; sitivit; cephalalgia; ris amaror; anxietas; oppresso thorace, difficulter respirabat.

6ta Maji calor & cephalalgia major: amaror lem. Dolor thoracem opprimens hodie auctus; & ad totum epigastrium protensus; nauseat; difficilis in utrumque latus decubitus: tussis cruenta. Fit venæsectio; sanguis exhibuit crustam immopere pleuriticam: non levatur.

Die 7ma & 8va Maji, qua ultima ad nos venit, icterico colore tinctus; omnia eadem. Vena bis secta; & sanguis pleuriticus, ac icterodes: levamen nullum.

Die 9na Maji omnia pejora. Cruenta tussisucusque perstat. Vena hoc die bis secta vix videbatur aliquid levaminis attulisse: sanguis colorum ictericum & pleuriticum habuit.

Die 10ma Maji caput minus dolet. Totum corpus magis flavescit suffusum bile. Os hucusque semper amarum. Lingua hirsuta flavo mucoso oblinita: nausæ; respiratio citata, laboriosa; oppressio totius thoracis; anxietas magna circa præcordia. Scrobiculi, & totius abdominis quasi contracti sensatio cum ingenti anxietate. Intorsum trahi potissimum hypochondrium dextrum existimabat. Pulsus celer, amplius, plenus, at-

tamen absque durtie. Alvus facilis & *biliosa*: decubitus solum in dorsum; rejectio cruenta: vesperi venæsectio; sanguis uti antea. Hucusque febris quotidie increvit.

Die prima Maji datum est emeticum, unde multa, & profunde flava, revomuit, cum ingenti levamine omnium symptomatum. Tussis nulla, nec ulla cruenta sputa. Icterus vesperi dilutior.

Die sequenti icterus disparuit.

Ex hoc tempore sub usu decocti ex gramine, taraxaco, cichoreo parati, sumto dein *elixirio stomachico temperato* convaluit, ut die 20ma Maji optime se habuerit, excepto adhuc aliquo crurum aquoso tumore.

Peripneumoniam cum sputo cruento, & hepatitide adfuisse bilioso-inflammatoriam, historia morbi ostendit. Necessum fuit primo, inflammationi mederi, tanquam pernicioso effectui; biliosæ & sanguinem succendentis atque amurcosæ saburræ. Verum id non suffecerat, cum & ipsum saburralem stimulum dilutum, enervatum, mobilemque effectum, vomitu submovere oportuerit.

Male emeticum, initio datum, cessisset: nam eo tempore minus idonea materies erat, ut evacuaretur, & excusso etiam fomite bilioso Æger ex inflammatione periisset, persistente, atque ad-
aucta.



OBSERVATIO VII.

Faber lignarius, sexaginta & sex annos natus, ultimo sexennio sanus vixit.

Cibi vix ullius; sed strenuus erat ardentium spirituum Potator.

Toto Januariario os continuo amarum habuit; non appetiit, sponte, frequenter vomuit amara, iridia; toto abdomine doluit; sine febre.

Initio Februarii in nosocomium receptus, post quatuordecim dies ad Suos rediit, nihil amplius incommodi conquestus. Noluit diutius apud nos morari, etsi salutarem decocti radicis graminis, iraxaci, & cichorei vim fuerat vel intra breve tempus expertus.

Circa 8vam Martii diem priora recruduere: accessit ischias & artuum dolor, quibus per tres septimanas domi suæ conflictabatur. Apud nos venio aliquot dierum spatio eadem ac prius methodo, & vesicante ad locum dolentem admodum, curatus, ad Suos rediit.

Medio circiter Aprili omnibus prioribus malis ejus affectus per quatuor septimanas domi demeruit: ad nos venit; emetico levatus est: discessit.

Decima septima Maji in nosocomium reversus est corpore strigoso, inperspirabili, & arecente; gressu titubante; ictero flavo, virescente, profunde suffusus. Oris amarities, & lingua villosa, mucos flavesciente obducta; dolor abdominalis per vices recurrens, levior tamen, & confectionis non impatiens, quive ad hypochondrium dextrum, indeque per latus vicinum ad

humerum usque ascendit. Vomitiones amurco-
sæ, virides, spontaneæ, crebræ, potissimum
post assumta: alvus libera, sæbunde fluens; pul-
sus exiles, celeres; virium ingens ruina, &
carne penitus diffuente, cutis aridissima vix
ossibus hæsit.

Ultimis morbi diebus placide deliravit. Perit
die Junii st̃a.

S E C T I O.

Jecur cum virore flavum, molle, & multis
corporibus rotundis, juglandem nucem æ quanti-
bus, cum pauca flavedine albis, & quasi seba-
ceis, ubique disseminatis, per omnem substan-
tiam distinctum.

Vesicula biliosam amurcam continuit, quæ
exprimi in duodenum nulla potuit ratione.

Ductus choledochus angustissimus corpusculis
rotundis fabam æquantibus, glandulas induratas,
cartilagineas ferme referentibus, ubique obsessus.
Canalis ipse totus durus.

Pylorus (quemadmodum vicina quoque ventri-
culi portio, & initium duodeni) durus, crassus,
iisdem, quibus ductus choledochus, duris & glan-
dulosis corporibus ubique confitus.

Viscera omnia thoracis & abdominis profunde
flaviebant.

Ossa in Flava quoque ossium substantia fuit, utut mi-
ictica nus saturate, quam partes carnes.
flava.

Cartilaginæ per omnem substantiam flava
erant, paullo tamen dilutiori flavedine quan-
quam in ossibus repereramus.

*Meninges icte-
ricæ.* Substantia cerebri, ictericis meningibus, colo-
re erat naturali, uti etiam oculorum humores.

OBSERVATIO VIII.

Vir 62 annos natus, Operarius, &, ut hoc hominum genus solet, paullulum vinosus, apso anno febre continua corripiebatur, brevi ostea in tertianam conversa; qua post quatuordecim septimanas sanata, sanus degebat hucusque.

Ante 14 dies inhorruit incaluitque per vices incertas. Propinatum a Chirurgo remedium est, quod multam per os & per alvum saburram eiecit, cum quodam levamine.

Manebat tamen ab eo tempore ponderis in pigastrio sensus, appetitus dejectus, & ventriculi regio dura. Tussicula pauxillum mucii eductens; hypogastrium molle; facies, atque oculus per hos quatuordecim dies flavo colore tincti: vomitiones frequentes, spontaneæ, ingestorum.

Die 18va Novembris in nosocomium susceptus est, strigosus, & carnibus absumtis; alvo moroso, bile tamen colorata. Febris nulla.

Die 9na Decembris vesperi moritur, cum jam mane extrema frigerent, & arteriarum ictus levissime adhuc micantes, at appposito digito evanidi, observarentur. Mentis & sermonis facultas integra ad ultimum usque vitæ momentum fuit.

Cranium resectum exhibuit duram matrem icterico colore tinctam: cerebri cortex obscurioris paullo coloris, ac alias solet, exterior vero ejus-

dem substantia multo durior; cæterum nihil exhibuit vitiosi.

Parum aquæ inter utramque meningem fuit, atque in utroque laterali ventriculo, in dextro plus, quam in sinistro: hic plexum choroideum parvis hydatidibus obsitum monstravit: plexus vero, uterque multum rubebat.

Vertebris utraque, ubi intra calvariam emergit, laminis ossæis, quasi insulis interstincta, quin & ossæa ex toto paucarum linearum spatio fuit; dextra tamen magis, quam sinistra.

Pulmones, hinc inde granulis albis durisque interspersis, ferme toti incipiente phlegmone tentari, duriores, rubicundiores, magisque, quam Sanorum pulmo solet, ponderosi fuere. Levioribus hinc inde nexibus cum pleura, & diaphragmate cohæsere.

Aperto abdomine ventriculus ingens in conspectum prodiit, cujus posterior facies longè lateque ex inflammatione, totam ipsius substantiam penetrante, rubebat; qua is in pylorum desinit, hepatis firmissimo crassoque membranaceo vinculo nectebatur.

Hepar magnum, multumque infra costas prominens, & per regionem epigastricam protensum. Colorem ex toto ictericiam exhibuit.

Vesica fellea inflammata, intus puris albi, sed solito consistentioris unciam, aut paullo plus, aut vero bilis nihil, continuit: ductus ex hac vesicula prognatus ex toto coaluit, cohærentibus inter se ejus parietibus, idque ibi artissime omnium, quo is a vesicula nasci incipit. Canalis focius, quem hepaticum appellant, ita dilatatus inveniëbatur, ut crassiorem viri pollicem facile admitteret, latis æque canalibus, quasi cotidien-

radicibus, hepar subiens. Bilis ibi profunde flava, & ductilis continebatur. At vero latus hic ductus mox in perangustum canaliculum, ductum scilicet choledochum, duos & sex fere lineas crassos parietes habentem, terminabatur. Duodenum, quo loco canalem hunc susceperat, crassius multo, duriusque fuit.

Intestina pleraque livida, omnia fere contracta idmodum in funiculi speciem: omentum gangræna affectum: mesenterium totum icterico colore tinctum rubras, hinc inde latiores, maculas, quasi ex inflammatione, monstrabat.

Pulmones & in hoc, & in plerisque cadaveribus, *granulosos* deprehendi; granulis videlicet innumeris, milii semen colore, & magnitudine referentibus, duris ad instar cartilaginis firmioris.

En hic quoque ventriculum inflammatum, absque consuetis & manifestioribus inflammationis signis.

In hoc homine, uti in multis Aliis, Is hepar tetigit, qui ventriculi regionem exploravit: hunc enim situm, & hanc molem id viscus habuit, habetque non raro.

Difficilior solum erat hepaticæ bilis in duodenum effluxus, non autem nullus.

Intestina livida vel absque prægressa inflammatione fuerunt, vel prægressa est inflammatio, absque ejusdem signis.

Virorum icteros chronicos, Potatorum præcipue, subinde vidi brevi lethales fieri, ubi Æger non contentus blanda & emolliente methodo morbum deliniri) remediis potentius resolyentibus fuisset usus.

Vomitus ingestorum diuturni, initio rariores, aliquo post pastum tempore oriri soliti, demum

Viscera quædam inflammata absque consuetis inflammationis signis.

icterus chronicus Po-

tatorum
potentio-
ra resol-
ventia
non fert.

frequentiores, & post quævis ingesta, aut solidiora, aut copiosiora, mihi & in nosocomio, & olim aliquoties occurrebant. Ventriculus nihil retinuit, nisi aut hydrogalæ, aut juris carniumpauxillum; demum ne hoc quidem: extrema macie Confecti perierunt.

Angustissimos tunc pyloros offendi, & magnam ventriculi portionem, qua is pylorum spectabat, duram, ac semicartilagineam.



OBSERVATIO IX.

Sartor 59 annorum, ab octodecim vero jam annis templi Custos, a longo tempore sæpius vomituriebat; amara ructabat, matutinis præsertim horis: non raro toto propemodum animo linguebatur. Potui spirituum ardentium, & vini quotidie & largiter indulgit, eratque cibi perpauca.

Ante quatuor vero septimanas os amarescere magis cœpit, accessitque ciborum fastidium, & artuum per intervalla rheumaticus dolor, noctu exacerbatus: sitivit.

Tertia morbi die tribus pilulis assumtis vomuit semel biliosa, sæpius dejecit. Emaciari dein, & abdominis scindentes dolores pati, & universim flavescere cœpit. Sumsit adhuc aliquoties pulverem ex jalappa, & scammonio, sed omnia indies pejora. Decubuit vix non semper per integrum mensem.

7ma Decembris ad nos venienti consumptio multa: cutis ossibus hæsit, flavescens tota, stri-

gosa, & imperspirabilis. Abdomen, attactum paullo rudiores ægre ferens, tumebat tympaniticum in morem. Lingua impura erat, & os amarum: non appetebat. Vires fractæ, & pulsus exiles, celeresque. Sumtis per aliquot dies solventibus accessit diarrhæa colliquativa; 17ma moritur.

S E C T I O

Cutē ab anteriori thorace separata primum videre erat cartilaginee, quæ costas sterni adnectunt, flavedine tinctas, diluta quidem, sed ipsam cartilaginum substantiam imam penetrante. Pericardium flavicabat pariter, uti & cordis extima superficies. Pulmones a statu sano vix recedebant. Diaphragmatis facies superior sana erat, inferior vero flava, nodosa, laminas cartilagineas exhibens majores, minoresque. Hepatis color erat ex obscure flavo viridescens, substantia valide compacta, dura.

*Cartilaginee
icterice.*

*Lamina
cartilaginea
diaphragmatis.*


Vesicula fellea continebat bilem fuscā, mucosā. Ventriculus solito longe minor, flavicabat. Pancreas pugni magnitudinem & figuram fere referens, nodosum erat, & durum, secantis manui valide resistens. Intestina nihil, quod præter naturam esset, ostendebant, excepto cæco, quod a flatu tumebat, & coli parte extrema, qua in rectum intestinum terminatur; hæc enim pars a sinistro latere in dextrum transversim porrigebatur ante ultimam lumborum vertebra; inde vero intestinum rectum secundum ossis sacri latus dextrum per pelvim ad anum usque descendebat. Omenti margo inferior pendulus exhibebat plures series nodorum, quorum varia magnitudo, figura varia, ut alii fabas, alii pisa majores.

ra, itemque nuces avellanas referrent; universim fusci coloris, & cartilaginum instar duri.

*Cerebri
substan-
tia modi-
ce iſta.
rica.*

Glandulæ mesenterii induratæ, peritonæi facies interior flavicabat tota, hinc inde obſita crūstis & nodis cartilagineis. Abdominis cavo continebantur menſuræ fere tres aquæ flavicantis, quæ immerſam chartam tinge-
bat. Membranæ corporis pleræque & perioſtium flavēſcebant, immo oſſa ipſa, & cerebri ſubſtantia, ſed modice.

Obſtaculum bilis effluxum prohibens in inteſtinum duodenum erant tubercula dura, circumſcripta pone biliferos canales ſita.



OBSERVATIO X.

*Icterus
omeſi re-
petita
ſanatus.*

Fœminæ 45 annorum, ictero profunde flavo, aut potius fuſco laboranti omnis generis ſolventia data ſunt, non emendabatur. Sapore amaro, ruſtibusque bilioſis, affligebatur. Dato tartaro emetico immanem ſaburræ bilioſæ molem rejecit, color faciei dilutior fiebat. Deinceps ſingulis ſeptimanis vomitorium datum eſt, cum poſt aliquot ab emeſi peracta dies iterum ruſtus amarus experiretur, & ſingulum emeticum partem icteri auſſerret.

Postquam ſexto vomitorio uſa eſſet, ex integro convaluit.

*Inſidus
tamen
plerum-*

Emetica in ictero rariuſ convenire obſervavi, etſi in caſu præſente, & aliis perpaucis profuerint ferme ſola.

etc.

Icterus enim a vomitorio non raro intendebatur, aut motus febriles, qui antea non adfuerant, excitabantur. Hinc solum in ictero non febrili, nec diuturno, præmissis multis solventibus, & fotu præcordiorum emolliente, atque is-lis, quorum viscera, antequam ictero corriperebantur, integra existimarem, atque illæsa, vomitorium cum emolumento propinavi.


*que est
emetico-
rum usus
in ictero.*

OBSERVATIO XI.

In tribus Ictericis hoc autumno post adhibita aliquot dierum remedia efflorescentiæ nascebantur omni nota *scarlatinosa*, itemque *miliars rubra*, in brachiis maxime, atque per crura diffusæ. Ut primum hoc exanthema in conspectum prodiiit, aliqua icteri emendatio observabatur, qui protracto eorundem remediorum usu ex toto profligabatur.

*Efflorescentia
scarlati-
nosa
Ictericorum.*

An *scarlatinosum*, & *miliare* exanthema a bile est in febre *scarlatinosa* & *miliari*, quemadmodum nempe erysipelas ab eodem humore generari solet?



OBSERVATIO XII.

In cadaveribus Eorum, quos colica Saturnina correptos superveniens epilepsia peremit, vesiculam felleam semper deprehendi multa & viridi amurca biliosa turgidissimam; absque ictero plerumque, aut præcedente, aut conjuncto, nisi leviori, & raro.

OBSERVATIO XIII.

Sutor febre putrida laboravit: provecto morbo icterus accessit. Febris ante assidua nunc in remittentem mutatur, debili, celerique pulsū, & aridissima lingua: consumptio carniū. Decocto corticis & icterus, & febris auscultabat.

OBSERVATIO XIV.

Juenculæ 20 annorum a 5 mensibus catamenia non fluxerunt. Ab octo septimanis ventriculo doluit, calores fugaces, & vagos, inmutumque appetitum, & lassitudinem experta.

Ver-

Vergente Julio pharmacum potavit drasticon; unde ventriculo vehementer, & multis vicibus, subverso multam æruginem revomuit, valideque dejecit.


Inde tormina, febris, aurigo intensa, & cum die 6ta Augusti nosocomium adiret, lingua prærubra, & pulsus fortes, accelerati.

Cum febris, & icterus intenderetur, & alva immorigera vomitiones ingestorum accederent spontaneæ cum epigastrii cruciatu, atque ab remediis non levaretur, die 13tia morosior, oblata quævis averfaretur, & ejularet per vices, accedente subinde lumborum dolore; tandem impositis, & æruginosa aurigine contaminata; die 15ta Augusti, fœtu recenter mortuo prius excluso, periit.

Videbatur vitriolum cupri fumfisse, quo fœtum expelleret; remedium in vulgus notum, & cui non pauca funera debentur.

Sectis cadavere vesicula fellea bile ex flavo virescente plena fuit, & ejusdem humoris per *amplos* ductus liberrimus in duodenum effluxus. Hepatis substantia ita mollis reperiabatur, qualis alias pulmonum esse solet Sanorum. Vacua intestina & flatu turgidula. Mesenterium multis in locis prærubrum, & veluti sugillatum.

An ductus bilem in intestinum ferentes in *Vivente* quoque aperti, atque ampli fuere? An vero aut spasmo constricti, aut ab utero grandescente compressi?





OBSERVATIO XV.

*Rupta
vesicula
fellea, &
bilis in
abdomen
effusa.*

Fœmina triginta octo annorum a mense Novembri catameniis caruit, abdomine inde pedetentim increcente; se gravidam esse negabat.

9na Martii noctu derepente, & vicibus repetitis vomere cœpit ingesta, dein biliosa viridia: alvus a quinque diebus clausa; horror; frigus; calor alternans; oppressio pectoris; sitis magna; & ingens abdominis cruciatus.

10ma Martii circa meridiem in nosocomium suscepta, semel sponte & cōpiosissime dejecit. Vespero venæsectio: symptomata eadem.

11ma manē altera venæsectione sanguis valde compactus leviter phlogisticus emittebatur; lingua sicca cum crusta ex albo flavescente; urina jam in tertiam diem suppressa applicato cathetere magna quantitate educebatur: dolor abdominis continuus, attactum non ferens, per vices exacerbatus, maxime in regione hypochondrii dextri: cutis subflavescent, perspirabilis; pulsus fortis, celer, plenus, & durus. Denuo secta vena est, & data sunt mucilaginosæ, oleosæ. Fetus emollientes ad abdomen applicabantur, & enemata.

12ma Martii noctu, ventriculo aliquoties adhuc & sponte subverso, æruginosa multa, dein pituitosa, & nigrescentia rejecit. Summo mane inter Parientium dolores cum hæmorrhagia magna per vices repetente excipulum petiit, in
quod!

quod Fœtum quinque mensium exclusit, per hanc adhuc viventem.

Tribus post fœtum exclusum horis occubuit.

Dissectus thorax nil vitiosi habuit.

Abdomine recluso bilis flavæ, mucosæ, libra in cavum abdominis effusa colligebatur. Intestina omnia leviter hinc inde inflammata, multisque in locis livescentia. Hepar coloris dilutioris, quam soleat esse, & substantiæ mollioris fuit. Vesicula fellea collapsa maculam obsolete rubentem exhibuit, monetæ cruciferæ magnitudine; cujus medium foramine exiguo pertusum esse, paucula bilis, ea digitis compressa, profluens, itemque injecta aqua demonstravit, qua in altera vesiculæ parte, pertusæ maculæ directe opposita, tuberculum prominuit inflammatum, & magnitudine ciceris. Duo calculi minorem avellanam æquantes, obtusis angulis præditi, intra vesiculam reperiebantur. Ventriculus ingens copiosam materiem nigram, leviter mucosam, & ferme roob sambuci aqua dilutum referentem, qualem ultimis vomitibus non exigua quantitate reddiderat, continebat. Pylorus pollicem facile admisit. Intestinum duodenum livescens, & amplum valde, ut potius colon referret.

Ductus hepaticus, cysticus, choledochus, pervii fuerunt. Placentam osculo uterino ante abortum supertensam fuisse, dissecto utero, constabat.

Sero intellexi, Fœminam hanc infuso sabinæ furtivi amoris fructum perdere tentasse.



OBSERVATIO XVI.

Fœmina quadraginta annorum per duos annos menstrua nulla habuit; bene cæteroquin valens ante annum lapsam ex alto passa, nil tamen mali inde retulisse se aiebat, at sanam posthac vixisse, donec ante medium annum, post cibum præcipue paullo largiorem, pressionem ad scrobiculum sentire inciperet. Dolor cæterum nullus. Ex Amicarum consilio vinum dein amaricans per aliquot dies sumsit. Vomuit inde per intervalla mucosâ, tenacia, item alimenta. Jejunio ventriculo non vomuit. Continuato per vices vomitu pressionis ad cardiam sensatio intendebatur.

Ante novem circiter septimanas, quin sensus rupti cujusdam abscessus præcesserit, vomuit materiam, Medico *purulentam* affirmante, primò moracam, dein sanguine striatam. Quantitas materiæ per intervalla rejectæ mens. IV. V. æquabat. Pressio inde minor & levamen; corporis vero, robusti antea crassique, de die in diem major consumptio. Hoc rerum statu Ægra die 1^{ma} Martii 1777. ad nosocomium venit. Exactis hic tribus septimanis residuæ vires prosternebantur. Omnino non appetiit; non caluit, non sitivit; vomitus per intervalla, præprimis post ingesta; sapor rejectorum acidus, color vero cinereus, fuscus, niger, & lintea, veluti atramento, tingens; levamen a vomitu; ardor circa ventriculum, & per œsophagum ad fauces

isque; alvus tarda. Pulsus contracti, non debiles, naturalibus vix celeriores; sudores noctu nulli; difficilis decubitus in latus dextrum, & vomitum promovens; tumor manum æquans in regione ventriculi versus hypochondrium sinistrum; durus; & ad attactum dolens. Circa 27mam Martii corpus erat pallidissimum; vix observandus tumor a duabus fere septimanis; pulsus humiles debiles; faciei; artuumque leve edema; respiratio parva; in latus affectum continuo decumbit. Mens constans, & initio dici 28væ Martii mors.

Alterâ die sectum cadaver est. Sinistrum thoracis cavum libras duas cum dimidiâ aquæ leviter flavescentis continuit, dextrum vero vix unciam ejusdem aquæ. In dextro pulmone hydatidis avellanæ magnitudine ex pendunculo tenui suspendebatur. Pulmones maculis parvis nigrisque variegati, sani cæterum. Cor parvum. Aqua in pericardio nulla, & pauca in abdomine. Hepatis gibba facies cum diaphragmate membranaceo coalitu, digitis solvendo, nectebatur. Sinister hujus visceris lobus, ventriculi regionem occupans, ad duos transversos digitos supra umbilicum terminabatur, eamque duritiem, quam manu toties contrectatam ultimo, quo vixit, tempore identidem minui credebamus, effecerat. Hepatis pars illa, cui vesicula fellea insidet, cum duodeno, quo id ex ventriculo emergit, ipsoque pyloro ad tres fere digitos transversos validissime cohæsit; cum eodem intestino duodeno etiam colon transversum valide nectebatur.

Divisis cultro ab se invicem connatis hepate & ventriculo, ulcus semialterum digitum latum in conspectum prodiit; hinc duodeno proxime pylorum, illinc lobo hepatico erosio: parietes

Vesicula fellea defectus: an ab erosione.

ulceris crassi. Materies ex eo profluens, atra; odoris penetrantissimi, acerrimique, & quasi acidi. Vesiculæ felleæ, & ductuum biliferorum nulla vestigia comparebant, videbaturque hoc bilis receptaculum cum ductibus suis elisum, erosumque ipsum uleus formasse. Ventriculus ingens totum hypochondrium sinistrum implebat; eadem atra, quam vomuerat, materie turgens. Lien exiguus, ventriculo arcte connatus. Transversa coli portio post arcum cum duodeno, & pyloro coalitum ad tres infra umbilicum digitos descendebat; inde sursum & sinistrorsum pergens, flexum lienarem formabat. Omentum sano simile, uti etiam mesenterium. Intestina livida. Rectum supra uteri fundum contra se ipsum retorquebatur; eo vero loco, quo id uterum, vaginamque sibi incumbentem habet, non recta per pelvim via, sed huc & illuc flexum ad

Uterus, ovaria, tubæ cum recto intestino firmissime nexæ.

anum pergebat. Uteri tota posterior facies cum ovaria, subjecto intestino recto firmissime, cum eoque & ovaria exigua, strigosaque coaluere. Tubæ utrimque digiti crassitiem æquantes, serum flavum & mucilaginosum continebant. Ovaria complexæ tubarum fimbriæ, ipsæque tubæ cum iisdem & recto intestino nexu continuato membraneoque, quem cultro vix solvebamus, utpote difficillime ab ipsis visceribus connexis inter noscendum, jungebantur. Uterus exiguus, intra parietis dextri substantiam tumorem rotundum durumque, nucis juglandis magnitudine, continens. Cultro per medium Dissecanti, eam is tumor duritiem opposuit, quam mollior cartilago solet; albidus, quique digitis excipi ex ejusdem parietis substantia veluti ex folliculo poterat. Ex inferiori & interna colli uterini facie duæ albidæ, quatuor lineas longæ, unamque latæ, excrescentiæ prodibant. Glau-

Glandula thyroidea in pugni magnitudinem *Struma* distenta mucilaginem intra substantiam quasi cel- *dissectio,* lulosam, cum secaretur, exhibuit; septis *carti-* *natura,* *lagineis* diversa intus cava, mucō tenui cellulis-que membranaceis referta, efformantibus.

Nulla suffocatio nocturna observabatur; semper cubabat capite humili, situque fere horizontali.

Quare vomitus, si quando in latus dextrum cubaret?

Duritiem opponunt, & viscerum indurationes *Quadam* mentiuntur muscoli abdominales, recti præcipue; *deceptio* in his maxime, qui eosdem habent magis toro- *in explo-* sos, exercitatos &c. Item hepar prominens in- *randis* *tumori-* *bus abdo-* *minis.* durationem ventriculi fingit.

Doleo, me naturam ichoris non examinasse accuratius, qui acidum penetrantissimum olebat.

Nulla adfuit unquam febris, in pessima licet suppuratione.



OBSERVATIO XVII.

Die 5ta Decembris 1779. Fœminam ad nos deportabant, delirantem a quatrduo, corpore emaciatissimo, strigosoque; 34 circiter annos natam, & viro junctam a decennio. Matritus sequentia narrabat:

A mensis Julii initio, frequentes cardialgias passam, emaciari cœpisse; accessisse tormina frequentiora, & ante has 15 septimanas vomitum ingestorum, initio rarius, dein vero quotidie cre-

brius recursantem. A duobus mensibus alvum, semper antea jam orosam, ita desidem esse factam, ut non nisi acri enemate aliquid duræ facis emitteret.

Vino largius indulgisse, non raro usque ad crapulam. Nunquam peperisse, nisi una vice, & ante annos bene multos: eodem, quo ad nos deferebatur, die periit.

Dissecto cadavere pylorus observabatur angustus, & solito durior, quive calamus scriptorium vix admitteret.

Multa pylorum & duodenum corpora glandulosa, duriora, majoraque obsidebant. Vesiculam felleam in fabæ molem, & figuram contractam exigui calculi, seu potius *sabulum biliosum* replevit; deleta, impervioque ductu cystico, hepatico vero, & choledochu apertis. Hepar bonum; crassa intestina multa fecce infarcta. Uteri osculum prædurum, cartilagineum.


In aliis Potatorum cadaveribus non dissimilia vitia biliosi & gastrici systematis occurrebant.



OBSERVATIO XVIII.

Metastases biliosæ frequenter occurrebant, Merantque variae, atque ad varias corporis partes factæ. Viridissima sputa, & meram æruginem anacatharsi eductam in Pleuroperipneumonicis non raro licuit observare, & linguam æruginoso, aut prasino colore tinctam. Gravis simul inflammatio, forte ab ipsa acri bile succensa, pulmones tenuit.

In Quibusdam dilutam bilem, croceam, & quæ linteum aut chartam croceo colore tinge-
bat, modicissime pendulam, ut vinum pendu-
lum solet, atque illi bili per omnia experimen-
ta simillimam, quam, ex vesicula fellea deprom-
ptam, aqua diluebam, ad varia corporis loca,
e. g. ad cavum thoracis, translatam offendi.
Liber nihilominus erat effluxus bilis in duode-
num.




OBSERVATIO XIX.

Ictericam hoc autumno florum arnicæ deco-
cto sanavi; atque Aliam felle taurino, ad
dr. j. initio, deinde ad dr. ij., quotidie dato.

Culdā alteri virefcente ærugine contaminato
gummi ammoniacum profuit aceto scillitico so-
lutum, & ad duas primo, dein vero ad tres
quotidie drachmas, propinatum.

Vigente hyeme & constitutione inflammato-
ria icterus non raro phlebotomiam, & potus
antiphlogisticos solum admittebat, resolventia
averfabatur.



OBSERVATIO XX.

Quidam catarracta mulctati, cum in origi-
nem morbi atque ejusdem occasionem in-
quirerem, afferebant, se repente visu suis-
se privatos, quo tempore febre acuta fuerant de-
rum.

tenti, quam *biliosam* fuisse Examinanti constabat.

Sed alias quoque catarractarum origines multas & varias erat observare.



D E

AFFECTIONIBUS QUIBUSDAM NERVOSIS.

OBSERVATIO I.

Chorea S. Viti.

*Extra-
stun-
ra-
dicis bel-
ladonnae
in chorea
S. Viti.*

Puella 5 annorum, semper antea sana, circa medium Novembris 1778, curru in itinere subverso, quo una cum Parentibus vehebatur, vehementer terrefit. Nullum ullibi vis illatae signum comparuit: nullibi dolor.

Mox a lapsu omnes corporis motus promptius, & multo velocius solito, ac quasi raptim peregit, attamen ordinate. Post octiduum motus etiam facere exleges & gesticulationes coepit; nec firmiter stare, nec singula, quemadmodum antea solebat, vocabula proferre.

Tandem nec ulla ratione aut stare aut sedere erecto corpore potuit: motus omnium articulorum varii, gesticulatorii, citati; nil poterat pro-

fari.

fari. Oris & labiorum assidua motitatio, & ludicra contorsio. Nocte placidissime dormit & corpore quiescente. Appetitus viget.

Die totius morbi decima octava ad nos deportatur.

Remedium salinum; & eccoproticum initio dedi, dein emeticum; quod interposito aliquot dierum spatio iterabatur. Non emendabatur. Accessi dein ad usum florum zinci, quos sincerissimos adhibui; ita ut omni quarta tantum hora duo grana exhibuerim; nihil mutatum est. Destiti post septem dies. Fors debuissim experimentum protrahere. Verum nolui tempus terere, metuens, ne malum radices agat fixiores, & nervi morbo assuefiant.

Dedi extractum ex succo recentis radicis belladonnæ paratum, dosi unius grani per 24 horas, ea lege, ut quarta quavis hora sextam unius grani partem absumeret. Elapso biduo emendationis vestigium leve comparuit. Dabatur dein granum unum cum dimidio dilutum in aqua simplici. Post sex dies elevare se in lecto potuit, & sola sedere. Intra octo dies sola etiam stare, & tandem aliquot passus eundo conficere.

Sub finem Decembris 1778 cubiculum & ambulacra obambulat, percurrit, cursu etiam veloci. Brachia necdum sunt penitus emendata; cibum enim manu propria capere non potest, & brachio dextro, manumque subinde ab objecto; ad quod extenditur, adhuc aberrat. Vocabula omnia profert, atque ordinate loquitur, attamen cum aliqua adhuc difficultate, & morose. Labiorum subinde motus inordinati observantur. Sumit per dies aliquot ejusdem extracti grana duo, in sex doses divisa.

Trigesima Decembris in febrim quotidianam,

sed levem, incidit. Datum est lene solvens & deinde cortex peruvianus.

Stante febre nil emendabatur, neque etiam habebat pejus.

Sexta Januarii 1779 nulla accessio febrilis observabatur. Ea die præscripsi sequens:

Rec. Spiritus serpilli

Essent. castorei, aa. unc. ij.

Camphoræ. drach. semis

M. D. ut totum dorsum, lumbi, humeri, brachia omni mane probe fricentur.

Die 9na roma iuma Januarii utroque brachio dextre atque utitur ad cibos capiendos: vegeta est, & alacris: convaleuit.



OBSERVATIO II.

Convulsio chronica.

*Idem extractum
in convulsione.*

Puella undecim annorum 1778 verno tempore mihi committebatur. Ea a triennio, ni fallor, frequenter levi totius corporis horrore, quasi ab affusa inopinate frigida, perstringitur, artubus omnibus leviter & per momentum, fulguris instar, convulsis. Hac transitoria convulsione, persistente integro omnium sensuum usu, sæpissime singulis diebus vellicabatur. Convulsa non corruerat, nisi perraro. Dederam corticem peruvianum, valerianam sylvestrem, folia aurantiorum, asam foetidam, camphoram, flores zinci &c.: nil emendabatur. Dedi tandem extra-

ctum

Stum radicis belladonnæ; primum granum unum intra 24 horas, ita, ut grani unius pars sexta pro dosi propinaretur. Tandem exhibui grana ij. intra nychthemeron. Intra paucos dies rarius convelli cœpit. Tandem post 14 dies omnino non. Defecerat extractum, nec ejus ulla erat eo anno recuperandi facultas.

Puella Hungariam petiit, ubi denuo levicule convelli cœpit per vices; sed multo rarius, quam initio, & magis transitorie.

Pinguis & optime valens e nosocomio discessit.

OBSERVATIO III.

Epilepsia.

Cuidam alteri Puellæ, pauperrimæ; orphanæ, tredecim annorum, a triennio convulsæ epileptice, id extractum dedi; dosi initio minutissima, deinde largiori, ut intra 24 horas grana octodecim in sex doses divisa absumeret. Cum ante usum remediorum singulis diebus sæpius convelleretur, id nunc erat lucrata, ut integris diebus a paroxysmo epileptico libera perstaret. Integris quondam octodecim diebus continuis morbus siluit, rediit tamen postmodum, utut minus frequenter. Paroxysmus mihi videbatur plerumque eo gravior esse, quo longior præcesserat ab eo immunitas. Experimentum prosequi non licuit, cum Puellam quidam ejus Cognatus e nosocomio abduceret.

*Idem
extra-
ctum in
epilepsia*

OBSERVATIO IV.

Actiones extracti belladonnæ in corpus humanum.

Clarissimus DE WASSERBERG, omnigena eruditione illustris, Cui aliquid extracti belladonnæ commiseram, ut data occasione ejus quoddam periculum faceret; vim remedii in Se ipso expertus, sequentia rescripsit; observationibus meis cæteris amussim consona:

Mutationes ab extracto belladonnæ in corpus humanum inductas.

„ Ab usu pilularum extracti belladonnæ, quarum in proprio corpore periculum feci, sensus oris siccitatem ac oesophagi magnam, hinc sitim; siccitatem præterea narium ac oculorum, cum sensu quodam ardoris in hisce ac palpebris. Dum quatuor de die sumebam, magis adhuc, dum augere dosin volui, cephalalgia; lectio ad lumen candelæ difficilis linearum subsultus, legenda oculo breviori sub foco admovenda: in ore sapor subvinosus pulsus mollior, tardior paullo, quam alias esse consuevit; subin ardor quidam ad cardiacum cephalalgia auctam dosin certissime nunquam non insequuta, cum quodam stupore, mentis que acie obtusiori reddita.



OBSERVATIO V.

Epilepsia.

Filius Consilarii Sz * * quarto ætatis anno. *Usus est*
 initio sæpius quodam quasi terrore momen- *trahi*
 taneo, & levicula, subitanea, brachiorum con- *belladon-*
 vulsione perstringebatur. Causam ignorabant. *næ &*
 Ea affectio & crebrior evasit, & diuturnior gra- *electrici-*
 viorque, ut tandem in veram epilepsiam abierit, *tatis*
 cùjus assultus non raro quotidianos, & quavis die *contra*
 plerumque sæpius, perferebat. Nonnunquam *invetera-*
 integris quatuordecim diebus, quin & multo *tam epi-*
 pluribus, immunis a paroxysmo fuit, absque ma- *lepsi-*
 nifesta ratione.

Innumera remedia per hos annos adhibita nil effecerunt, nisi ut morbus a quovis ferè medica- mine, anthelminticis variis, moscho, camphora, castoreo, valeriana, asa fœtida, marte, foliis aurantiorum, cortice peruviano, fœdo quoque & fordido menstrui sanguinis potu intendi, & frequentius affligere videretur.

Annum agebat 13tium, quo mihi concredebatur. Dedi exacta æstate anni 1779. extractum radicis belladonnæ; minutissima primum dosi, sensim aucta; ut sub finem anni ejusdem intra nycthemeron grana viginti devoraret in quinque doses divisa.

Paroxysmi ab assumpto extracto mitigati primo, dein totis septimanis non redire; reversique imperfecti fuerunt, & qui Ægrum in terram non pro-


proruerent, neque mente privarent, & cito evanescerent; præcipue si Quis fortiter alloqueretur tremementem Ægrum. Verum noctu, atque inter dormiendum nihilominus subinde verus perfectusque rediit epilepsiæ insultus.

Jussi ut dosin dormitum Eunti, & aliam media de nocte propinent.

Non rediit amplius accessio nocturna; interdum vero rarius atque imperfecte.

Spes est, eodem remedio, quod morbum cicuravit, eum penitus fore persanandum.

Dum hæc typis mandantur, ad machinam Æger quotidie accedit. Sub usu electricitatis, & pilularum ex belladonnæ extracto paratarum, nullus est jam a multis septimanis epilepsiæ paroxysmus, neque imperfectus, observatus.



OBSERVATIO VI.

Convulsio ex terrore.

Octo annorum Puer, semper antea sanus, pridie festi Nicolai simulato spectro terrebatur. Exactis ab eo terrore 24 horis, cum iterum putaret se terri (etsi nemo tunc ipsum terrefecerit,) subito ad Parentem adprehendit, clamatque, se a spectro jam correptum iri. Hic metus, cum clamore & fuga ad proximum Adstantem, hucusque frequenter rediit insperato, quavis fere die, subinde tamen post plures primum elapsos dies.

In nosocomio id illi accedit aliquoties; cursi-

tan-


cando, clamando, proxima quævis valide apprehendendo; per aliquot minuta ineptiebat, insaniebatque.

Sumit quotidie gr. j. belladonnæ. Altera die, ex quo sumere hoc remedium cœpit, tota die insaniebat, noctemque egit insomnem. Inde a paroxysmo immunis mansit usque ad adam Nov., ubi per aliquot minuta prioris morbi accessum patiebatur. Die sequenti dedi extracti belladonnæ gr. ij.

Die 9na Nov. denuo paroxysmus rediit. Data sunt gr. iij.

Cum accessiones morbi frequentius reverterentur, cum impotentia mentis, & alterius aut eruris aut brachii vel utriusque convulsione, & sopor, brevi quidem evanidus, paroxysmum terminaret, morbusque sub usu belladonnæ ad epilepsiam magis magisque accederet; verminosum quid subesse in macro Puero, coloris terrei, rustico & pauperiore arbitratus, purgare ventrem anthelminticis cœpi. Crebriores inde paroxysmi. Camphora & extracto chamomillæ nunc utitur; verum hucusque absque effectu optato.

Serius ad machinam electricam adductus melioris esse coloris cœpit, & rariores multo levioresque pati paroxysmos.





OBSERVATIO VII.

Chorea S. Viti.

*Chorea S. Viti an-
helmin-
ticis, &
pituitam
inciden-
tibus sa-
nata.*

Juvenis 16 annorum, cellæ vinariæ Curator, die 23 Maji 1779. caput temulentum querebatur; cætera sanus.

Die sequenti temulentia major, ardor cum sensu pressioni ad scrobiculum, utriusque hypochondrii inflatio, ructus subacidi, nausæ, conatus vomendi, febricula vaga, dolor per lævum brachium veluti rheumaticus, ac sensus urticationis cum levicula subinde ejusdem contractione, & momentanea convulsione: noctes turbatæ.

Die 26. Maji brachium sinistrum gesticulationes motusque facit, magis magisque inordinatos, atque animæ imperanti obedit minus. Symptomata reliqua perstiterunt.

Die 27. ira excanduit. Omnia pejora, cum sinistri cruris quoque motu inordinato.

Die 28. lingua exiguis pustulis, obsita, atque oris in lævum latus retractio accessit.

Die 30. Maji in facie quoque quædam pustulæ effloruerunt: augebantur priora. Venæsectio, quam die sequenti repetiit: levamen nullum. Noctes perquam inquietæ.

1ma Junii in nosocomium susceptus est. Præter superius enarrata, linguam albescentem exhibuit. Alvus difficilis & rara semper fuit.

Sum-

Sumtis solventibus, salinis, emeticum hausit: vomuit amara. Febricula disparuit, cum omni molestia præcordiorum. Artus multo quietiores.

Post emesin eccoprotica sumsit, atque ita est emendatus, ut die 7ma Julii de solo ferme sinistro brachii atque humeri dolore rheumatico querelas moveret. Posito igitur inter scapulas vesicante, diaphoreticus potus exhibebatur. Verum die sequente, (8. Junii) absque causa manifesta incæpit flere, gesticulari omnibus artibus, trunco corporis, capite, musculis omnibus faciei, & multa fatua per vices loqui.

A gummiferulaceis pejus habuit, a camphora pessime. Continuum oris gluten & dentium fordes accusavit.

Ab eccoproticis salinis emendabatur denuo, non curabatur.

Ab extracto radicis belladonnæ vertigo, cephalalgia, delirium, furor est ortus, ut, eo seposito, purgare denuo ventrem placuerit rheo, & salibus mediis, cum multo oxymelle squillitico propinatis. Inde lumbricum dejecit, (plures jam olim repetitum secessisse ajebat), & pituitam; alvo mediocriter, sed quotidie, fluente. Oris gluten, artus, atque omnia reliqua sic emendata sunt, ut sub mensis ejusdem finem sanus ad suos redierit.



OBSERVATIO VIII.

Chorea S. Viti priori similis.

*Idem
morbus,
eodem
modo sa-
natus.*

Choream S. Viti, ab amarescente primarum viarum pituita natam, solventibus, ecco-proticis, rheo, arcano duplicato & oxymelle squillitico, sanavi in alia Puella, quam diuturnus ante eum morbum rheumatismus affluxit; neglectus, atque in choream S. Viti suapte tandem fatiscens. Nocuere stimulantia, extractum quoque radicis belladonnæ; flores zinci, flamma electrica, in ea specie choreæ, quam tubi intestinalis pituita & vermes produxerunt.

OBSERVATIO IX.

Tetanus maxillæ, fracturis & contusionibus superveniens, lethalis.

Magdalena KANINGERIN die 26. Junii succensa turri pulveraria singulari ratione lædebatur. Brachium dextrum binis in locis diffractum. Pes sinister infra malleolum externum vulnere cutaneo læsus. Crus sinistrum & ejusdem lateris femur, ac nates validissime fugillati. Apte

de

deligata bene habuit; ac multo melius, quam omnes Alii, eodem tempore & ex eadem ratione egrotantes: venæsectio facta.

Die 3^{ta} levis dolor lateris sinistri punctorius; evicula febris: venæsectio & potus tepidus emolliens, eadem adhuc die dolorem sustulit.

Attamen vulnus illud pedis cutaneum eadem die gangrænescere cœpit. Scarificatio facta est partis gangrænosæ, & deligatio cum spiritu cerebinthinæ; camphora; unguento de styrace &c.

Partes gangrænosæ die 7^{ma} secessere. Tendo nudus, boni coloris; & integer apparuit. Nullus illibi dolor.

Die 9^{na} sera vespera, tetanus maxillæ per vices accessit; noctu perstitit, ita, ut apicem minimi digiti difficillime utrique maxillæ interponeres. Per vices eâ nocte difficulter deglutivit. Alvus non nisi enemate, eoque difficulter, movenda. Amaror oris assiduus, anaror & assumptorum. Per vices quoque nuchæ tensionem dolorificam, & caput in posteriora valide retrahentem; Conquesta.

Mane diei alterius (decima morbi), symptomatica eadem. Balneum totius corporis; cataplasma anodynum & emolliens ad maxillam; enemata. Opii gr. iv. sex dosibus ex mixtura neurotica propinabantur. A balneo levare se ait. Illud opisthotonicum rarius jam & mitius per vices redit. Maxilla paullo latius diduci potest; noctu vero denuo maxillæ arctius ad se invicem accedunt; ita, ut spatium lineæ dimidiæ vix fuerit relictum.

1^aima morbi mane, eadem, ut noctu. Frequenter exordia opisthotoni recurrunt. Opii gr. iv. intra 12 horas ex mixtura neurotica. Bal-

nea ea die bina; enemata; cataplasma ex fol. hyoscyami, flor. chamomill. fimo equino; nil profectum. Datae sunt refractae doses tartari emetici; non scopo emetico, sed alterante, antispasmodico: nausae inanes, & sine levamine; nox insomnis.

Mane (12ma) datur sequens mixtura:

℞. Camph. mucilag. gummi arabic.

solutae, drachm. sem.

Opii puri gr. vij.

Syrupi diacodii unc. j. sem.

Aquae chamomillae unc. v.

M. D. omni bihorio duo cochlearia: bina balnea: levamen nullum.

Tetanus eo morbi tempore accessit, quo nullibi ullum dolorem est quæstus, atque optime se habuerat.

Magna sugillationis pars discussa est. In infimo sinistro externo femore levis apertura sponte est facta, quæ rubrum humorem effudit & copiosum. Latum in natibus sinistris & impurum ulcus jam inde ab initio.

12ma: nox insomnis: paroxysmi opisthotonici frequentiores: mixtura hesternæ, sed aucta opii dosi. Levamen nullum.

13tia morbi, frequentiores & validiores paroxysmi opisthotoni. Difficilior in dies & horas deglutitio. Erecta melius habet. Melius etiam, si invadente opisthotono caput vi ab Adstante in anteriora urgeatur. Pulsus celeres semper, & hodie solito debiliores. Opisthotonus semper cum metu suffocationis & strangulationis erat conjunctus. Alvus non, nisi enemate sollicitata, parvissima, difficilis; sudores. Ulcera coloris leviter plumbei, atque hodie sicciora. Vesperi subinde

inde absona loquebatur: mens dein rediit perfecte. Post mediam noctem periit.


Sumsit in morbi decursu, præter alia superius commemorata, decoctum corticis peruviani, addita sub finem morbi radice valerianæ sylv. liquore anod. min. Hoffm. & syrupo chamomillæ.

S E C T I O.

In thorace dextro sanguinis grumosi uncia circiter tres. In eo thoracis cavo, sinistro nempe, quod primis diebus pleuritice doluit, nil præternaturale inveniebatur.

In femore sinistro contuso sanguis per telam cellulosa hinc inde deprehendebatur diffusus; non magna quantitate, nec magnas efficiens collectiones. Videbatur illud sanguineum adhuc reorberi potuisse, si Ægra vixisset.

Fors in eo erravi, quod non plures fecerim venæsectiones: tres universim me fecisse scio, primam initio, alteram cum pleuritice inciperet dolere, tertiam invadente tetano. Sed bene habere visa est, usque dum tetanus accederet; hinc plures ante adventum tetani venæsectiones non feci.



OBSERVATIO X.

Tetanus maxillæ, vulneri superveniens, sanatus.

Vocabar ad nobilem Fœminam viginti aliquot annos natam, octavo graviditatis mense, die 18va Julii 1779. ut consilio interesset.

sem. Historiam morbi egregius ejus Medicus DE BECŒNTINA *Junior*, hanc dedit.

Ante sedecim dies (scilicet 2da Julii 1779.), ex alto decidit, altitudine circiter 14 pedum. Dextrum crus paullo supra malleolos diffractum in frustula, quorum quædam ex amplo vulnere exempta sunt. Calcaneum fractum, & vulneratus pedis calx vulnere illato.

Repositio facta est: pus tenue; noctes inquietæ. Dabatur cortex peruvianus, vesperi paregoricum.

Die a lapsu 14ta utrinque ad maxillæ articulos sensus constrictionis, identidem increescens; ita, ut die 16ta a lapsu, cum me vocarent, vix digitus posset dentibus interponi. Bacillum ligneum mordicus tenebat, quo prohibere conabatur; plenam utriusque maxillæ contractionem. Pus hodie laudabilius; quies. Nulli hodie ulli bi dolores.

Infaustam feci prognosin, nihilominus sequentia proposui:

℞. Pulv. cort. peruv.

— rad. valerianæ fylv. aa. drachm.
sem.

Moschi.

Camphoræ aa. gr. ij.

Syrup. chamomill. q. s.

F. bolus, dentur tales Nro. viij.; omni trihorio bolum sumat.

Vesperi sumat mixturam opiatam; & maxillis adplicet cataplasma ex foliis hyoscyami, cum lacte coctis & camphora.

Die ima Augusti per vices accessit levior opisthotonus, isque frequenter postea rediit ad diem usque 6tam Augusti.

Die 2da August. mane leves partus dolores

accefferant, sed fugitivi; quotidie horis matutinis reversi, iterumque evanidi.

Noctes tranquillæ erant, leves solum hinc inde motus artuum convulsiyi inter dormiendum.

Dolor in loco vulnerato exiguus, & vix ullus toto tempore observabatur: quin immo, per omne id tempus, quo tetanus adfuit, dolor in vulnere erat multo minor, quam ante ejusdem accessum.

Inter dormiendum maxillæ sponte diducebantur, ita, ut bacillus, quem dentibus interposuit, ad impediendam plenariam maxillarum clausuram, in somno sæpenumero ex maxillis relaxatis, atque aliquantum magis hiantibus, elaberetur.

Relicto moscho & camphora (ab utroque enim remedio multum abhorrebat), usa est cortice & valeriana; vesperi opio.

Die 9na August. circa octavam matutinam foetum maturum & vegetum facili partu exclusit.


Pus toto hoc tempore bonum fuit. Sæpius frustula & fragmenta ossiculorum excipiebantur.

Die 26ta August. Maritus mihi retulit: Uxorem a 14 diebus non jam indigere bacillo ligneo, quam antea mordicus tenebat; posse maxillas parumper diducere: cætera bene valere.

Toto tempore utebatur cortice peruviano, & radice valerianæ sylvestris. Convaluit.

Partu primum absoluto coadunatio fractorum est facta.





OBSERVATIO XI.

Tetanus, opisthotonus, epilepsia, probabilius a vermibus, & sectio.

Sutor 18 annorum a longo tempore sanus, 5ta Maji querebatur mane dolorem in nucha continuum, prementem, descendentem per dorsum; oppressionem pectoris a jugulo ad scrobiculum usque. Noctu sudor copiosus.

6ta Maji omnia eadem. Accessit levior, & per pauca minuta durans, maxillæ tetanus. Nox inquieta: sudor multus.

7ma Maji in nosocomium Venienti, validi caloris sensatio utrinque ad tempora fuit, & lingua multum spurca, subflavescens; quædam oris amarities per omnes morbi dies, halitus acidum spirans, & dolor in nucha pressivus: perstat oppressio pectoris, alvus dura, & pulsus naturali celerior.

Exhibebantur haustus salini.

Die 8va eadem omnia: totius corporis musculorumque omnium obrigescentia fere continua, sæpe gravior, nunquam omnino soluta; ita, ut nunc tetanus videretur universalis, nunc potius opisthotonus: febris intensior: urinæ crocæ, jumentosæ, semihypostaticæ: sitis: lingua impurissima: amaror: odor acidum redolens.

Alvus, pertinaciter clausa, clystere, primo oleoso, dein acri, referata est. Haustu purgante ex sale amaro & manna iterato propinato ter purgabatur copiose.

Noctu

Noctu binis vicibus epileptice convellebatur. Linguam aliquoties commordebat. Insomnis: inquietus. Finito insultu epileptico jactitatio, clamor, boatus.

Die 9na febris: sitis. Pectus liberum; impurissima lingua. Toto hoc tempore videbatur; si Quis alloqueretur, veluti subridenti vultu respondere.

Pulsus toto tempore naturali paullo celerior fuit, non durus. Calor naturali vix major. Urinæ cerevisiæ instar, brevi jumentosæ, & paullo post semihypostaticæ, sedimento ex albo rubescente; supernatante, & vitri parietibus adhærente, sorde multa mucosa.

Hac die minor musculorum colli, thoracisque convulsio, agitatioque: at abdomen ligni adinstar durum, & hodie magis quam præteritis diebus. Minor rigiditas brachiorum, rariorque convulsio. Ter dejecit. Dolor hodie utrinque in inguine; penis identidem arrectus.

Dolor subitaneus & pungens circa umbilicum per vices, & crebro rediit, eoque redeunte subito postrosum convellebatur; convulsione mox iterum, sed nunquam ex integro, cessante.

A meridie repente convellitur, respiratione diutissime suspensa; tandem Lividus, ore spumas agens, non respirans, artubus omnibus raro & leviter agitat, & potius obrigescentibus, intra octavam horæ partem periit.

Pulsus tempore insultus epileptici explorabam; ii erant tenuissimi, vix observandi, parum celeres, tandem identidem tenuiores, manente celeritate non magnâ, donec omnia evanescerent.

E X T I S P I C I U M.

Pulmones boni; sinister sanguine congesto gravior, quam alias solet.

Intestina omnia flatu valdopere distenta. Jejunum coloris leviter ex rubro liventis; in eoque lumbrici aliquot.

Colon, antequam in rectum abierat, vasis ruberrimus, solito majoribus, copiosioribus, liventibus quibusdam, longitudine spithamæ, cum magna annexi mesenterii rubentis portione, erat distinctum; quod, an inflammatorium fuerit, an sugillatio, an potius congestio sanguinis non inflammatoria, a spasms facta, ignoro.

Omentum solito rubicundius erat. Glandulæ mesenterii majores consueto & infarctæ apparabant: hepar mollius.

An vermes in causa fuerunt? An erat aliud acre in intestinis, aut alibi? Tenebræ ubique.



SPARSA QUÆDAM VARIÏ ARGUMENTI.

Die 19 Jun. 1779. nobis Infans offerebatur, ^{Penis} quindecim menses natus, qui sequentia ex- ^{fissus}hibuit. Utrunque erat hernia scrotalis, magna; ^{hernia} major tamen in latere dextro. Dextri lateris ^{vesicae} hernia fuit congenita, sinistri vero post tres primum a natiuitate menses prodire cœpit, postquam Infans assiduos antea, validosque vagitus edidisset. Supra ossa pubis tumor erat, dimidiatum gallinæ ovum magnitudine æquans, subrotundus: re accurate examinata, constitit, esse vesicam urinariam, aut ejus saltem quandam partem, quæ inter musculos abdominis rectos, a se invicem dimotos, supra ossa pubis herniose prodiit.

Hæc vesicæ hernia pariter fuerat congenita.

Penis in dorso fissus, quousque eum poteramus oculis persequi.

Complures repente moriebantur, cum ex febre ^{Mortes} acuta convalescerent, & cruribus adhuc essent ^{subita} œdematosis, si forte somno indulserant plus æ- ^{Hydropi-}quo; aqua enim ab inferioribus partibus subito ^{corum} ad encephalon decubuit.

Quidam etiam, aliunde hydropici facti, subinde subito suffocati perierunt, aquis ad pectus

ruentibus; aut apoplectici, fero encephalon occupante.

* * *

*Tendo
insensibilis.*

Nudum tendinem forcipe varie tentatum, indolentem, hoc anno vidimus.

* * *

Decoctum foliorum aut corticis salicis albae antisepticum.

In gangræna a decubitu; & bubonibus gangrænosus, magnæ efficacix esse usum externum decocti foliorum, aut corticis, salicis albæ, certo novi.

Nemo tamen Ægrorum gangrænam a decubitu apud nos primum contraxit; domi vero contractam dicta ratione in nosocomio sanavimus.

*Febris
venerea
larvata.*

Puellæ 18 annorum, semper antea sanæ, a novem septimanis in medio sterni tumor excrevit offeus; dolens per vices incertas, interdiu, noctu, dolore scindente, per mammas, & brachia discurrente: subinde dolor penitus quievit: nulla alia signa luis venereæ unquam adfuerunt. Electuarium ex roob sambuc. unc. iij. extr. gratiol. dr. iij. & merc. subl. corros. gr. iij. paratum exhibebatur. Tumor dolorque disparuerunt. Convaluit.

Huc quoque historia pertinet Puellæ illius febre quotidiana venerea laborantis, p. 66.

Luem veneream, aliis præparatis mercurialibus non profligatam, sanavit mercur. sublimat.

non

non raro ; quem , aut solum dedimus cum roob sambuci commixtum , aut admixto extracto aconiti , vel gratiolæ.

Sic herpes pone aurem dextram in collo Puellæ , sanissimæ ceteroquin & nulla signa luis monstrantis , sanabatur : variam subiit curationem rebelle malum , causticis & vesicante imposito funditus erosum , iteratis vicibus succrevit : veneream originem tandem suspicabamur. Verum , nec litus mercurialis , nec quæcunque hydrargyri præparata , profuerunt. Sublimato & extracto aconiti , cum roob sambuci commixtis , herpes cessit , nec rediit posthac.

Multa nobis exempla visa sunt luis venereæ , mercurio sublimato corrosivo perfecte sanatæ. Verum in re obvia certaue , atque ab Uno solum Alterove contra tot Alios ac Tantos in dubium vocata , nolo diutius versari.

Visi tamen sunt morbi venerei quidam , qui , mercurio sublimato rebelles , aliis obediverant mercurialibus remediis , atque his quidem præ illis.

Hinc nullam mercurii præparationem semper , & ubique , *in omni & singula* lue venerea , de prædicandam , tanquam *universale antivenereum* remedium , arbitrabamur.

Idcirco modo *huic* , modo *illi* præparato locus erat ; pro diversa Ægrotantis aut *idiosyncrasia* , aut ipsius morbi venerei in variis hominibus *diversa modificatione* , aut luis cum aliis morbis morbosisque conditionibus *diversa complicatione*.

Male ergo mercurium sublimatum ex cura antisiphilitica Quidam penitus proscriptum voluerunt , tanquam aut inutilem , aut & perniciosum. Sed male quoque tanquam remedium , quod semper & ubique *optimum* esset , commendaretur.

Illi igitur, qui luem eo remedio sæpe & cum constantia sanatam referebant, non fuerant atro calculo notandi, tanquam subleſtæ fidei, aut deceptores; utpote Quos vel maxime iterata, caſtaque & ſine metu, & ſine ſpe, & variis in regionibus, capta obſervatio mirum quantum juſtificat.

Profecto non merebantur magni SWIETENII manes inculſari tanquam nimium quondam creduli, atque ab Aliis decepti. Veras eſſe Obſervationes, de mercurii ſublimati emolumento; SWIETENIUS ſuis ipſe oculis uſurparat non raro, & experientia propria edocebatur, cui hodiernæ quoque obſervationes ſuffragantur.

Liceat hoc loco Illis reſpondere, qui malevolis rumoribus circumventi, obſervationes quasdam Viennenſes atque experimenta iis verbis in dubium vocant, ut revera omnem his fidem denegare probe conſtet.

Omnia experimenta de remediorum quorundam facultate Viennæ capta ex ipſorum Auctorum teſtimonio id docent, hoc vel illud remedium non raro profuiſſe præ alio quocunque, atque in morbo deſperato; aliquoties tamen non profuiſſe; nocuiſſe etiam ſubinde.

Sed ecce rem quamdam propemodum incredibilem! paucorum illepediſſimorum hominum invidioſa, ac falſitatis dudum convicta relatio de permodeſto hoc Virorum gravium aſſerto triumphavit!

Verum obtrectionem hanc, temere atque imprudenter prolatam, tempus ipſum & repetita Clariffimorum per Europam Virorum experimenta examabunt.

*

*

*

In Fœmina venetea venereis maculis & tophis *Exacer-*
 tibialibus laborante notabatur quotidiana dolorum *batio do-*
 exacerbatio, circa meridiem exacte recurrens: *lorum*
 noctes bonæ erant; mercurio sublimato corrosivo *venereo-*
 sanabatur. *rum me-*
ridiana.

Rheumatismus tibiarum venereus omni *alterno*
 die *interdiu* rediit horis constitutis; noctu siluit.
 Tibiæ denudatæ, & aëri frigido expositæ multo
 mitius doluerunt.

Dolores venereos diu noctuque *continuos* conti-
 git videre; itemque in alio Ægro continuos diu
 noctuque in certa quadam brachii parte, quum
 alia quædam ejusdem brachii plaga solum noctu
 doleret.

Angina *mercurialis*; item *ulcera mercurialia* *Angina*
 faucium bene debebant distingui ab *angina vene-* *mercu-*
rea, & *venereis ulceribus*. Ulcus enim faucium *rialis.*
 venerum mercurio sanabatur; ortum vero a mi-
 nima hydrargyri ingesti quantitate, purgante rha-
 barbarino & myrobalanis, parce, sed frequen-
 ter exhibitis, & collutoriis adstringentibus fue-
 rat sublatum.

Angina mercurialis vesperi atque per noctem
 intendebatur, & ob hanc vespertinam exacerba-
 tionem *venerca* esse videbatur.

Subinde ulcus faucium, quod initio miasmati
 venereo debebatur, usu hydrargyri, properan-
 tius & copiosius exhibitum, non consolidabatur.
 Ulcus enim *venerum* deletum miasmate transibat in
mercuriale.

* * *

Curationis difficultatem in lue venerea potius ex tempore, quo miasma intra corpus delituit, quam ex symptomatum gravitate, aut numero, dimetiendas arbitrabamur. Inveteratum, atque annosum morbum, & palliante subinde cura mitigatum, laboriose sanavimus, & tarde, & acrioribus solum hydrargyri præparatis, aliisque etiam remediis, pro morbi complicati natura in opem vocatis. Luem vero recentem, utut pleno venereorum graviumque symptomatum agmine stipatam, absque alterius, aut morbi, aut morbosæ conditionis consortio, sanavimus citius, & mitioribus mercurii præparatis, atque iis plerumque solis.

Lues non raro levis initio visa est, & ob pauca, eaque dubia symptomata, de ejus præsentia ancipites subinde hæsimus. Pauxillum mercurii dabatur, mox certa luis signa comparuerunt, morbo, e latebris in lucem protracto, & quis esset, monstrante.

* * *

Binas Puellas hydrargyro sanavi, sorores, i.e. unam, alteram 11. annos natam, rheumate venereo, & tophis affectam utramque; probis moribus, & circumspecte educatas, sanas ad id usque ætatis. Nulla alia luis signa aut præcedebant, aut comitabantur; Parens ajebat, se adhuc cœlibem gonorrhœa laborasse, diu durante, atque neglecta, donec sponte evanesceret. Illæsam Uxoris sanitatem & fuisse antehac, & adhucdum esse. Sanatis Puellis, quin iis adhucdum ægrotantibus; Parens anginam, noctu gravio-
que;

querebatur; cujus quosdam, utut leviores assultus, sæpius jam, & a multis annis persensit, fugaces tamen: frons quoque maculis effloruit, squales in Venereis solent, ulcerabatur labium oris superius, & fauces. Tandem sanabatur decocto guajaci & antimonii, & mercurio sublimato corrosivo cum extracto aconiti; ita tamen, ut labium superius identidem de novo ulceraretur, donec remediis mercurialibus, ad ipsam effectam plagam adplicatis, consolidaretur. Triennium est, ex quo integra-sanitate gaudet.

Puella quædam, undecimum ætatis annum nondum egressa, tophos in utraque tibia exhibebat, & articulorum syphiliticos cruciatus; ante hanc ætatem prorsus sana, & absque aliis luis signis. Omnis suspicio procul abfuit morbi consortio contracti. Puellæ Mater dolorem cubiti sinistri, plurimis annis, noctu exacerbatum, & jam ante, quam enixa Prolem esset, persensit. Dolore tandem hoc anno præter modum incrementum adiecit, Filiam una adducit; utramque mercurio sublimato ita sanavimus, ut per annum ad id usque tempus, quo hæc scribo, ambæ incolumem vitam degant, & veteris doloris immunem.

Fomes venereus hæreditate acquisitus videbatur in his Puellis, & pubertatis annis jamjam instantibus, prorupisse quasi recluso carcere, & viribus ab ætate acceptis.



Triginta quatuor annorum Vir gonorrhœam ante aliquot annos, iteratis, ni fallor, vicibus, contraxit. Decocto lignorum copiose potu gonorrhœa sanata, articulorum dolor subla-

tus

tus est, diuturnus, & blanda noctis silentia turbans. Angina nocturna ulcerosa, maculæ syphiliticæ in facie, atque ulcus impurum in parte capitis supremi capillata pone frontem. Labia ulceris elata erant a tela cellulosa prætumida, & luxuriose excrecente. Utebatur decoctis variis, antimonio, litu quoque mercuriali, & variis quoque hydrargyri præparatis per sex menses continuos: angina & artuum tortura emendabantur; ita tamen, ut vagus vesperi noctuque dolor, mitior quidem, nunc hanc, nunc illam corporis partem impeteret. Ulcus cicatricem pertinaciter renuebat, fundebatque pus non illaudabile; facies cæterum sanissimi hominis, & habitus corporis plenus, atque athleticus.

Cum saliva identidem, utut non supra modum, moveretur, & faciem bene coloratam, & paullo turgidiorem viderem, blandis & eccoproticis remediis quotidie alvum sollicitare constitui, præscripto simul parciori victu. Animus erat, vim humorum, ob usum hydrargyri longiorem validius caput petentium, avocare, atque ita pertinaci ulceri subtrahere pabulum, ut imposito deinde siccante remedio, & levi mechanica pressione laxis & luxuriantibus plagæ carnibus ad-mota; hæc perennis parvis scaturigo exarescat.

Longo eccoproticorum usu siccatum ulcus est, at mansit vagus ille per vices & noctu maxime incurrens rheumatismus, orto in media clavicula sinistra tumore osseo, dissectæ nucis avellanæ hemisphærium æquante; dolente; si rudius tetigeras, noctuque. Ulcus ipsum post paucas septimanas, cum recenter obducta cicatrix cæsariem fictitiâ, qua locum crinibus carentem tegebat, ægrius ferret, & abortis forte subtus cæsariem sudoribus, vehementer pruriret, recruduit, ne-

quæ

que amplius adhibita quacunque methodo cicatricem admisit. Exostosis unguento mercuriali inungebatur, imposito extra inunctionum tempora mercuriali emplastro.

Cum per quatuor menses nihil proficeretur, enfebrim validam, cum faciei totius erysipellate, repente exortam; facta venæsectio, & dati potus antiphlogistici, atque etiam emeticum. Post quatuordecim dies a febre profligata ulcus coaruit, evanescente exostosi, artuumque vago dolore.

Post quatuordecim septimanas cephalalgia hominem ex improvise adorta est, dolorque in loco nuper cicatrizzato validior. Secta vena est, & antiphlogistico victu paucos intra dies convaleuit.

Exacto iterum mense idem capitis dolor eodem modo sanatus est.

Inde firma & vegeta ad hunc usque diem valetudo perstat.

Exostosis & arthritidem vagam & ulceris pertinaciam, hydrargyrosis cicuravit solum, non autem penitus devicit. Vehementior febris auxilio fuisse contra antiquum morbum videtur; quam utinam in rebelli nonnunquam atque inveterato malo, ita excitare possemus, ut, quousque salutaris foret, intenderetur, neque eos tamen idcirco limites, quos intra ipsius vis medicatrix consisteret, egrederetur!

Articulorum dolores nocturnos & topbos, in aliis quoque nulla subinde ratione sanandos, febris sustulit, quæcunque demum, & undecunque exorta.

Ipsæ certe febres, teste SENECA, quædam genera valetudinis levant; & febris, quod maxi-

me mirum videri potest, sæpe præsidio est.
CÆLUS.

* * *

*Quon-
que con-
tinuanda
cura an-
tisyphti-
tica?*

Curam antiveneream eousque protrahendam, donec omne miasma penitus fuerit extinctum, Quivis concedat; sed, quæ signa sunt miasmatis ex toto deleti? An symptomatum plena evanescentia? Verum constat indubitato, luem, quæ penitus extincta videbatur, fuisse nonnunquam solummodo ad tempus enervatam, & absque novo contagio, denuo, sero licet, repullulasse.

* * *

*Scirrbo-
rum sub-
stantia.*

Scirrhos mammarum dolentes & cultro excisos aliquoties examinavimus; substantia dura erat, & molliorem cartilagineam consistentia & colore æmulabatur; ita, ut nihil organici superesset, & corpus adpareret homogeneum, ac cartilagineum.

* * *

*Fractio-
rum coa-
litus im-
peditus.*

Habuimus Duos in nosocomio ossibus fractis. Unus brachium fractum repositumque sæpius initio commovit. Non est unio facta, licet post aliquot dies Quietissimus cubaret, & fracta non dislocaret. Alter & brachium & femur simul confractum habuit. Brachium consolidatum est, non autem femur, etsi fractos artus ne hilum commoveret.

* * *

*Scitio
Pamina
Hydro-
phobæ*

In corpore Paminæ, ex morsu rabidi canis hydrophobæ factæ, accuratissime lustrato culter a-

na-

atomicus nihil prorsus alieni læsique potuit detegere.

Multi hoc anno visum nostro auxilio recuperarunt; cataracta subinde *extracta*, subinde vero *depressa*.

Non perinde nobis erat, an *hac*, vel *illa* ratione cataractæ medeamur; sed erat non raro locus *extractioni*, nonnunquam vero soli *depressioni*.

Operatio per *extractionem* nunquam instituebatur, ubi rheumaticus alicubi dolor, aut arthriticus Ægrum vexarat, aut cephalæa, aut hemiplegia; nec Iis, quibus tempora doluerunt, nec frequenti ophthalmiæ, aut erysipelati sæpe recurrenti Obnoxiiis; nec Quibus tussis longa, aut facies pustulosa fuit, aut dentium & gingivarum conditio prava; neque Illis demum, quibus alterutra cornea opacari incæpit, aut oculus vasis sanguineis amplioribus, aut varicosis perreptabatur. His instituta cataractæ extractio plerumque male cessit, & oculus post operationem inflammabatur; visu posthac aut imminuto, aut etiam penitus amisso.

Eo autem in casu *depressio* solummodo locum habuit.

Hanc vero acu argentea instituebamus, non in apice hastata, sed in conum longiorem excurrente & tenuem; cum ejus manubrium calami scriptorii crassitiem & formam cylindri & septem pollicum longitudinem haberet.

Hoc instrumentum ex argento confectum dixi, sed cupro largius admisto; ut apici conoideo & subtiliori quædam firmitas & robur esset.

Acus ita comparata, duobus digitis comprehensa, lente gyrando ita intra oculum immittebatur, ut nulla adhibita vi, sed solo ferme pondere proprio, adigeretur.

Depressionem hoc modo institutam oculus ita ferebat, ut deligatione vix opus habuerit, nihilque unquam mali sit consecutum, nec fuerit Ægro necessitas decumbendi; præstabat tamen oculum deligare, cum lucem repente admissam non raro ægerrime ferrent.

Ante, aut post, depressionem Valentioribus sanguis detrahebatur.

Unus, cataracta depressa, multis vicibus & cum labore vomebat; nihil tamen inde mali est consecutum, neque ideo depressa lenticula atque infra vitreum corpus abscondita, priorem stationem repetiit.

Quibus lenticulam extracturi eramus, parari corpus debuit, aptumque reddi, operationi subeundæ.

Diebus aliquot ante operationem tenuiori victu utebantur, & sanguinis detractiōe.

Non quovis anni tempore æqualem sortem experti sumus; averfabamur constitutiones rheumaticas, illas præprimis, ubi ventres supremi præ infimis impetuntur.

Facilem quotidie alvum habere, post operationem mirum profuit; eamque enemate sollicitare potius placuit, quam remedio purgante, ut ut leni.

Post operationes quascunque chirurgicas dolor in plaga vulnerata intendebatur, nisi Æger quotidie & facile dejiceret.

Aëris boni habenda est cura peculiaris; hinc præstat, separato cubiculo committere, Cui len-
tem

tem volueris extrahere. Inter alios enim Ægros Decumbentes aëre vescuntur immundiore, & in febres tunc epidemicas, aut motus saltem febriculosos, facilius labuntur. Febris autem, uturvis, & forte solum ephemera, id efficiet, ut morbifica materies in ea corporis parte figatur, quæ ante febrim imbecillior fuerat dolueratque; in oculo nempe vulnerato.

Has cautelas nos usus docuit, & eventus quidam non boni, sed quos vitare posthac didicimus.

Hora post extractionem elapsa, & oculo, cum se omnia ex voto haberent, denuo explorato, cataplasma imposuimus ex mica panis albi & pulpa pomorum acido-dulcium, cum aqua coctis, addito florum sambuci pauxillo.

Maturus hic usus cataplasmatidis id fecit, ut inflammatio præpediretur; quam subinde experti sumus, cum visus diminutione, aut etiam jacura, priusquam hoc usi consilio essemus.

Hinc Omnibus ferme indiscriminatim post operationem hunc fotum admovebamus.

Non erat eadem in inflammationem apud omnes proclivitas: vidi enim in extractione cataractæ secundariæ oculum cultello, forfice, hamulo liu multumque vexatum, quin ulla fuisset inflammatio secuta; ubi aliam, in alio homine suspectam, lentis extractionem, cito & nitide & sine ulla oculi insigniore molestia peractam, inflammatio dira excepit.

Videor mihi observasse, Eos, quibus sub operatione aliquid humoris vitrei effluxit, fuisse ab inflammatione, tantopere metuenda, & a cujus absentia omnis ferme operationis felicitas dependet, magis immunes.

Deperdita quondam majori vitrei humoris portione, oculum semicollapsum, intra nychthemeron denuo sano æqualem deprehendi turgidumque & vulnusculum clausum.

Emissus humor aqueus in alio Ægro post dimidiam horam denuo erat restitutus.



I N D E X

I N

Partem Primam, Secundam, atque Tertiam.

A.

- A**bbdominis tumores difficillime sæpe dignoscuntur.
Part. III. Pag. 273.
- Abortus epidemici. III. 33. 73.
— — vitriolo cupri excitatus. III. 269.
- Abscessus in cerebello. I. 178. III. 157. 159. In eadem
parte, alter circa os petrolum, tertius circa sinus la-
terales in cadavere apoplectici. I. 178.
— — in prostata. I. 104. 153.
— — ventriculi versus cavum abdominis disruptus.
I. 179.
- Aconitum. Quamnam quantitatem extracti ferre quis
possit. III. 115.
- Adstringentium in Dysenteria usus. II. 100.
- Aër conclusus, putridus, ventriculi vim infringit. II.
139. Febrim gastricam, aut Nosocomialem exci-
tat. ibid.
- frigidiusculus, & recens maximam vim habet in pro-
hibendis morbis biliosis. II. 139.
- Ammoniacy salis vires incidentes, attenuantes. I. 78. 79.
— — flores martiales cortici peruviano optime
junguntur. II. 197. Profuerunt in tertianis. III. 80.
- Anagallidis flore luteo extractum est solvens optimum.
III. 197.
- Angina mercurialis. III. 301.
— rheumatica I. 58.
— scarlatinam febrim concomitans. II. 20.
— verna anni 1779 III. 79.
- Anni 1775. Constitutio & morbi. I. 1.
— 1776. I. 5. 22. 52. 68. 73. 76. 85. 90. 92.
— 1777. II. 1. 3. 16. 19. 31. 33. 35. 37. 195. 200.
207. 231. 261.

- Anni 1778. Constitutio & morbi IH. 3. 6. 21. 33. 41.
 42. 43. 45. 47. 51. 52.
 — 1779. III. 61. 69. 72. 77. 79. 80. 82. 84. 86.
 91. 103. 113.
 — partes quædam prae aliis sunt perniciosæ. I. 189.
 Anthrax in brachio. II. 117.
 Antidysenterici nomen cui remedio, si ulli, competat.
 II. 274.
 Antiphlogistica quænam sint, disquiritur. II. 54. 55. 56.
 Aortæ arcus solito amplior. I. 136.
 — Inflammatio. II. 251.
 — principium osseum. I. 156.
 — truncus descendens osseus. I. 136.
 Aphthæ pustulosæ & ulcerosæ. II. 112. Earum gene-
 sis & affinitas. II. 112. 113. Cura II. 142.
 Apoplectici examen anatomicum. I. 178.
 Apoplexia rheumatica. III. 92.
 Apoplexiæ causa in latere cerebri sinistro reperta, licet
 latus oppositum corporis paralyticum fuerit. I. 137.
 — distinctio. I. 137. 138.
 Aqua in abdominis capacitate collecta. I. 100. 128.
 184. II. 247. 269. III. 253. 266.
 — in pectoris cavo. I. 95. 99. 103. 133. 148. 156.
 171. II. 247. 256. III. 255. 273.
 — in pericardio visa. I. 161. II. 257. III. 253.
 — inter meninges cerebri detecta. I. 136. 148.
 — in tunica vaginali testis. I. 104. III. 256.
 — in ventriculis cerebri. I. 156.
 Arteria aërta ossea. I. 136. 156.
 — pulmonalis pro parte ossificata. I. 136.
 Arthritis sæpe oritur ex præmaturo corticis peruviani
 usu. I. 89. Quomodo hæc sanetur. I. 90.
 Arnicæ flores. Observata circa eorum usum. III. 109.
 115.
 — Radix. Hujus vires in febribus gastricis mesen-
 tericis, putridis, malignis. I. 78. II. 274. In Dy-
 senteria. I. 86. II. 35. 274. Observationes circa
 eam. III. 112. 181.
 Asthmatis species variae. I. 95. III. 104.
 Atmosphæræ diversus habitus ad hominum diversam
 valetudinem, quando demum determinari poterit.
 I. 46.

Atrophia, rheumatismos originis gastricæ, male curatos, insequuta. III. 22.

Auenbrugger. Ipsius inventum, de percussione thoracis, ut signo abstrusorum morborum, laudatum. III. 106.

B.

Belladonnæ radicis extractum in Choreæ S. Viti laudatum. III. 278. In convulsione. II. 280. In epilepsia. III. 281. 283. Mutationes ab hoc extracto in corpore observatæ. III. 282.

Biliferis ductibus omnino perviis, icterus tamen adesse potest. III. 247. 251.

Biliosi morbi non semper iidem sunt. I. 24. 77.

—— — Aër frigidiusculus & recens maximam vim habet in prohibendis illis. II. 139.

Bilioforum rubor. II. 86. 130.

Bilis nomine crudus & amarescens apparatus, in ventriculo & ejus vicinia collectus, venit. I. 22. Unde originem trahat. I. 23. Ejus differentia varia I. 23. Est adultæ ætatis & autumnii soboles. I. 24. Biliofi tamen morbi in aliud anni tempus sæpe incidunt. I. 24. Quomodo morbi biliosi veris & adultæ ætatis differant. ib.

Bilis post capitis læsiones imperium. III. 149.

—— qualitate & quantitate peccans, morborum malignorum & petechialium sæpe causa est. I. 119. Hæc diversa ratione nocet & occidit. I. 120.

Bronchiorum rami ossei. I. 161.

Bubones gangrænosii. Decoctum foliorum & corticis salicis albæ tanquam egregium remedium laudatum. III. 298.

C.

Calculus. Choledochum ductum obturans. I. 34.

—— In duodeno visus. I. 184.

Calculi In vesicula fellea inventi. I. 166. 184. 187. II. 245. III. 271. Tres hanc vesiculam penitus replentes. I. 166.

—— sectio per lithotomum occultum instituta. I. 83.

Cancrosus tumor arcui majori ventriculi insidens. I. 133.

Capitis affectus plures & graviores a ventriculi & intesti-
norum vitio oriuntur, quam ab idiopathica encephali
labe II. 63.

———— læsiones. Animadversiones circa eas. II. 275.
III. 143. 145. 147. 149. seq.

Carotides arteriæ officæ. I. 136. In sinistro latere admo-
dum distenta. I. 136.

Cartilagine Costarum iëtericæ. III. 265

Carunculæ. An in urethra ex male curata gonorrhœa
excitentur. I. 105.

Cataractæ a rheumate lentem afficiente. III. 91. Alia-
rum origo. III. 277.

———— cura nunc in extractione, nunc in depressione
consistere debet. III. 307. Observationes circa has
operationes. III. 308. seq. Eventus institutæ opera-
tionis. III. 50.

Catarrhus. De hoc morbo observationes. III. 26. Di-
versæ catarrhorum species non sunt confundendæ.

II. 4. Sæpius negliguntur, & cur? II. 4. 5. Ca-
tarrhus serosus, febris catarrhalis benigna. III. 27.

Inflammatorius. 28. Peripneumoniz comes. 28. Ga-
stricus, biliosus putridus, malignus. III. 29. II. 5.

Convalescentium ex febre maligna. III. 29. Post
morbillos æstate 1777. 30. Catarrhalis febris anno
1777. observata. II. 3. 17. 20. Ejus cura. II. 4. 18.

Catarrhus, a peripneumonia aut pleuritide biliosa sola
mali vehementia differens. I. 17. Annis 1775 & 1776
per totam fere Europam grassata. ibid. Conveniebat
cum eo, qui anno 1580. Europam infestabat. I. 18.

Symptomata morbi. 18. 19. Quænam profuerint. 19.

Comparatio hujus morbi cum eo, quem descripserunt
alii, catarrho. 19. 20. 21. In omnibus morbus non
fuit idem. 21.

Catarrhus & Coryza canum. III. 31.

Cathetere vulnus in urethra productum. I. 113.

Catheterismus diverso successu institutus. I. 101. 102.
III. 155.

Cerebelli abscessus. I. 178. III. 157. 159.

Cerebri & cerebelli in febre petechiali singularis degenera-
tio. II. 265.

———— affectiones idiopathicæ a sympathicis difficile distin-
guuntur. III. 37.

Cerebri degeneratio in scemina, cui, febricitanti, parotides erant subortæ III. 95. In phrenitide. III. 156. seq.

———— post fracturas cranii. III. 146. 152.

———— inflammati signa ambigua sunt. III. 138.

———— substantia morbosa. I. 119. 156. 163. II. 265.

III. 95. 146. 152. 156.

Cereorum, urethræ inmissorum, utilitas in suppressione urinæ. I. 106.

Chloroticarum febris continua. III. 54.

Choledochus ductus angustissimus. III. 260.

———— Cálculo obturatus. I. 134.

———— Impervius. III. 256.

———— Obsessus corpusculis rotundis. III. 260.

———— Parietes diros & crassos habens. III. 263.

Cholerae observatio. I. 75.

Chorea S. Viti. Usus extracti radice Belladonnæ in hoc morbo. III. 278. 287.

———— antihelminthicis & pituitam incidentibus fanata. III. 286. 288.

Choroideus plexus hydatidibus obsessus. I. 119. III. 262.

Coli situs, ac decursus, insolitus. I. 148. 151. Dilatatio magna. I. 151. Quid mali hæc faciat. I. 153.

Contortio funiculum referens. II. 256.

Colica a rheumate interaneo. III. 71.

———— Biliofa ejusdem cum Dysenteria prosapiæ, cito fanata. I. 83.

———— Biliofa subinflammatoria. II. 206.

———— Pituitoso-biliofa. II. 83. seq. 93.

———— Saturnina. II. 179. seq. Ejus cura 189. Complicatio cum aliis morbis. III. 194.

Colicus dolor, pulsibus & urina bonis, per aliquot dies valde tolerabilis, subito lethalis fieri potest. I. 167.

———— Cautelæ in doloribus colicis observandæ.

II. 95.

Constitutionis unius in aliam transitus, indeque natæ febres complicatæ. II. 74.

Contagia. Quæ & quot dentur. II. 39. III. 223.

Convulsio Chronica. Usus extracti radice Belladonnæ in eadem. III. 280.

———— ex terrore. III. 284.

Cordis dilatatio immensa, in asthmatico. I. 179. 184.
186. Post repetitas pulmonum inflammationes non raro reperitur. I. 99.

— flacciditas summa. I. 186.

— magnitudo insolita. I. 156.

— vasa coronaria mirum in modum dilatata. I. 99.
117.

Cortex Peruvianus qua ratione febribus medeatur. I. 54.

In febribus larvatis auxilium non adfert. I. 54. Præmaturum ejus usum sæpe mala insequuntur. I. 89.

— — — — — cum floribus salis ammoniaci martialibus combinatus, optimum sistit febrifugum. II. 197.

— — — — — quomodo in phthisi & in qua specie conveniât. I. 129.

Coturnii vesicantia in ischiade applicandi methodus laudata. I. 67.

Cranii fissura & fractura. Examen in cadaveribus institutum. III. 146. 152. 154.

Critici dies. Controversia de dierum criticorum varietate unde nata. I. 44.

— — — — — Doctrina verior horum dierum, observationibus recentiorum stabilita. I. 44. 45.

— — — — — Observationes circa eosdem. II. 140.

Cysticus tumor supra sellam turcicam & nervum opticum hærens. I. 178. Ovario adnexus. I. 179.

D.

Debilitatis veræ in morbis biliosis causa, & medicatio. I. 135. An vesicantia profunt? II. 136.

Defluxiones variae & ad partes varias. III. 100. seq. 109. 114.

Delirium biliosum. I. 11.

Diaphragma. Laminæ ejus cartilagineæ. III. 265.

— — — — — Inflammatum. II. 252.

— — — — — Multum versus abdomen pressum a pure, in cavo thoracis collecto. I. 100.

Diarrhoea. In qua specie radix arnicæ præcipue conveniat. II. 274.

— — — — — symptomatica pleuriticis non semper periculosa. I. 14. 42.

— — — — — febris lentæ nervosæ accedens, ejusque cura. II. 25. Do-

- Dolor capitis biliosus. I. 24. Symptomata hujus morbi & medendi ratio. I. 25. 26.
- Doloris punctorii causa in pleuriticis & peripneumoniacis quorsum referri debeat. I. 97.
- Dolores venerei nocturni, suborta febre, sæpe sanantur. III. 305.
- nonnumquam interdum graviore sunt, noctu mitiores. III. 66.
- Duodenum a flatu naturali recedens. I. 134.
- Dura mater cum pia inflammata. I. 117. Pus inter eas effusum. III. 157. Ictericæ. III. 260. 261.
- Dysenteria anno 1776. observata. I. 79. Quomodo sanata sit. I. 80. 86. 89.
- anno 1777. visa, a præcedenti diversa. II. 97.
- Frequentior & lethalior inter captivos fuit. II. 99.
- Cognatio inter dysenteriam & rheumatismum. III. 88.
- Complicatio ejus & varia divisio. III. 171.
- Tentamen divisionis novæ. III. 86.
- Contagiosa an sit. III. 222.
- Exitus varii in sanitatem. III. 197. In Diarrhoeam. 198. In Dysenteriam chronicam. 199. In Tenesmum varium. 200. In Rheumata artuum. 21. In Urinæ difficultatem. 203. In Hydropem varium. 204.
- Indoles & sedes materiæ dysentericæ. III. 220.
- Natura dysentericæ unde possit determinari. III. 185.
- Observationes variae, circa hunc morbum. II. 99.
- Prophylaxis hujus morbi. III. 224.
- Putrida. III. 183.
- Quænam instructio plebi danda, regnante hoc morbo. III. 226.
- Remedia varia antidysenterica. III. 215. seq. Non datur universale. 238. Arnicæ radix laudem meretur. II. 35. 274.
- Rheumatico-biliosa, composita ex Dysenteria simplici, & biliosa materie commota. III. 177.
- Sicca qualis sit. I. 89. III. 87.
- Simplex. III. 171. Quid profuerit & nocuerit. 172. 173. Explicatio methodi medendi alio. Dy.
eum. ibid,

Dysenteria. Ulcera intestinorum in Dysentericis pertrata III. 221.

———— Verna, ut rheuma intestinorum phlogisticum, sanata. III. 71.

Dysenteriarum quatuor æstatum comparatio. III. 229.

Dysenterica biliosa febris. III. 179. Rarius periculosa fuit. ib. Nisi complicata inflammatione. 180. Methodus medendi qualis fuerit. 180 Quos exitus habuerit. 181.

Dysentericorum dissectiones. III. 223. seq.

E.

Electricitas quid in paralyfi saturnina fecerit. II. 271. 272. In Epilepsia inveterata. III. 283.

Emeticorum usus in morbis malignis. I. 121.

———— pleuritide vel peripneumonia biliosa: I. 9.

———— rheumatismo bilioso. I. 16.

———— dolore capitis bilioso, cum cathartici. I. 25. 26. 27.

———— vires purgantia supplere non possunt. I. 37. seq.

———— præ solis purgantibus præstantia. I. 39.

———— optimum. I. 39.

Emollientium in Dysenteria usus. II. 100.

Empyema pleuritides rheumatico inflammatorias promtius insequitur. III. 107.

Enteritis rheumatica. I. 55. Non adeo gravibus stipatur symptomatibus, quam vera. I. 56. Quomodo curata sit. I. 58.

Epilepsia vomitorilis sanata. II. 105. Vesicantibus curata. II. 106. Extracto radicis Belladonnæ. III. 281.

Epidemicæ constitutionis genium, omnes morbi, per id tempus orti, assument. II. 46. 47.

Epidemicorum morborum cognitio est dux & acus nautica in assequendis innumeris aliis affectionibus morbo-
sis correignantibus. III. 25.

Equitatio an in phthylicis laudari mereatur? I. 131. In quibus morbis conveniat. ibid.

Exanthemata scabiem referentia. III. 55.

Exan-

- Exanthemata**, quæ in eorum exterioria superficie, in febribus malignis proflare solent, etiam in ventriculo, & passim alibi in corpore reperiuntur. I. 121.
- Exanthematini genesis in sordibus systematis gastrici fere semper quæri debet.** I. 31.
- Exostosis**, in clavicula, ex causa venerea. III. 304.
- Expectorantia** in vera pulmonum inflammatione nocent. I. 13. Quando convenient. II. 14. 43. Remedium hujus generis optimum. I. 39.

F.

- F**ebres Exanthematicæ an strictè sint contagiosæ. II. 39.
- **Larvatae**, anno 1776. observatae. I. 53. Prima harum sedes in systemate gastrico fuit. I. 44. In solo Cortice auxilium non quærendum. I. 54.
- **Veteres** in denominandis febribus, non eodem modo, ac recentiores fuerunt versati. I. 141.
- Febris æstiva anni 1777.** Ejus in variis individuis lusus varii. II. 59. Reflectiones circa hanc. II. 125. Complicationes ipsius cum aliis morbis. II. 146. Cum vulneribus, ulceribus. II. 147. Cum lapsu ab alto, læsionibus capitis. 148. 276. Cum variolis, morbillis. II. 148. seq. Cum colica saturnina 178. Mutationes ipsius varicæ aliæ. 198. 200. seq. Symptomata diversa, atque metastases. 204. Aegritudines, quæ hanc febrem exceperunt. II. 239.
- **Anginosa.** Usus vesicantium in hac angina. II. 22.
- **Biliofa**, quæ anno 1777. grassata est, mirificis symptomatibus stipata. II. 36. Variæ ejus complicatio. II. 37.
- **neglecta**, seu species malignæ febris cum symptomate phrenitico. II. 61. 63.
- **putrida**, maligna. I. 140; II. 34. Mendendi ratio. I. 142. Materies subinde ad vias secundas, & ad pectus decumbit. I. 176.
- **dysenterica.** III. 179. Putrida dysenterica. III. 183.
- **putrida pituitosa**, quomodo fiat, ibi. II. 14. 34. 137. Quænam tunc methodus conveniat. ibid.

Febris Biliofo-putuitofa cum morbillis & miliaribus complicata. II. 161. 162. 166. 171. 173. Cum morbillis & variolis, II. 35.

—— Catarrhalis, anno 1777. observata. II. 3.

—— Epidemica invitatur frigida potu, æstuante corpore. II. 176. Terroris noxæ in producenda ca. II. 176. Mœroris. ibid. Iræ. 177.

—— Erysipelatofa. II. 116. 237.

—— Gastrica. Quali modo lingua sese habeat. I. 142. Cura ipsius. 142. 143.

—— ——— Aër conclusus, putridus, hanc excitat. II. 139.

—— Inflammatorio-putrida. III. 46 Peculiaris species, putrida, sanguinea. III. 72. seq. 93. Phrenitica. III. 162.

—— Lenta nervosa. Descriptio ejus, quæ 1777. observata est. II. 23. Symptomata, quæ sese subinde junxerunt, eorumque cura. 25. Varia complicatio, & varii gradus. 27. Differentia in foeminis & viris. 28. Methodus medendi. ib. seq. Subinde malignitatem induit. 29. Incerta fuit duratio. 30.

—— Maligna. Historia talis febris. I. 118. Non tantum ex putrido, crudo, primarum viarum apparatus producitur, sed & bile, quantitate & qualitate peccante. I. 119. II. 14. Confirmatur hoc sectione Anatomica. I. 119. Observationes variorum institutæ in cadaveribus eorum, qui hac febre laborarunt. I. 120. Emeticorum in his febribus usus. I. 121.

—— ——— Quibus modis ægros jugulet. I. 189.

—— ——— Non contagiosa. II. 140.

—— ——— Notio hujus febris varia. II. 13. Non est specifica & sui generis, sed alia est in alio malignitas. II. 15.

—— Miliaris. II. 108. Proprietates ipsius quædam & medendi ratio. 109.

—— ——— phrenitica. III. 163.

—— Petechialis & sectio. II. 262.

—— Pituitosa. Materiæ hujus sedes, crises. III. 97. Differentiæ inter hanc & biliosam. 89. Varietates, complicationes, cura. 99.

—— Puerperarum. II. 45. Inflammationem mentio-
batur, sed erat a bile. II. 46. Subinde tamen est
in-

- inflammatoria. 48. Pulsuum fallacia in hac febre, ut in aliis. 50. Cujusdam puerperæ casus descriptus. 50. Quenam nocuerint. 41. Profuerint. 53. Medendi ratio. 54. 57. Cur puerperas potius, quam gravidas invadat. 57.
- Febris Putrida. Non omnes febres hujus generis eadem methodo sanari possunt. III. 76.
- Quotidiana remittens sub larva paroxysmi hysterici. II. 101.
- Rheumatica. II. 21. III. 103. Ejus cura. II. 22.
- — — originis biliosæ. II. 83. 88.
- Scarlatinosa. II. 20. Ejus origo. II. 141. Cura. II. 23.
- — — una cum miliaribus. II. 115. 237.
- Februm practica classificatio cur nondum habeatur. II. 59. Necessitas classificationis bonæ. II. 60.
- Fractorum osium coalitus impeditus. III. 306.
- Fractura cranii lethalis. I. 180. 181.
- Furor ex alvo biliosa, cum flueret, compressa. II. 66.

G.

- G**angræna a decubitu. Decoctum foliorum & corticis salicis albæ sistit egregium remedium. III. 298.
- præsentia omnia symptomata mitiora redduntur, & incautos sæpe fallunt. I. 114.
- Gastritis rheumatica. I. 55. Non stipatur symptomatibus adeo vehementibus, quam vera. 56. Qua ratione curata sit. 58.
- Genitalium, gonorrhæa affectorum, dissectio. II. 261.
- Genu hydropicum sanatum. III. 87. 91.
- Glandulæ mesenterii, magnæ, induratae. I. 161. II. 266. III. 266. Sanguinem continentes. II. 252.
- submaxillares & parotides magnæ, dolorificæ. III. 70.
- urethræ tumentes, inflammatae, suppuratae. I. 105.
- Glandulosa corpora pylorum & duodenum obsidentia. III. 276.
- Gonorrhœa levior. Quæ ipsius sedes sit. I. 105. II. 262.
- — — Recens quomodo optime sanetur. I. 110.

Gonorrhœa male curata sæpe obstacula in urethra relinquit. I. 104. An inde in urethra carunculæ producuntur. 105. Sæpe mala alia excitat. 108. Præcipue si purgante valido suppressa sit. 109.

————— H.

Hæmoptoe in hominibus, corporis habitu tenui delicato summe irritabili præditis, quomodo tractanda. I. 76.

————— in Pthifin transiens. II. 239. Examen cadaveris. II. 243.

————— in Sartoribus, aliisque sæpe observata. I. 153.

Hæmoptoes species variae. Inflammatoria. III. 6. Momentosa admonitio in sananda hac. 10. Plethorica; Periodica; ab erodente materie; maligne febrientium. 11. Vulneraria; Peripneumonix nothæ seu pituitosæ comes. 12. Biliosa. 13. II. 73. 77. Quomodo sanari & præcaveri debeat. II. 228. seq. Abdominalis. III. 14. Illorum, quorum pulmo tuberculis obsessus. 15. Hydropicorum. 16. Composita ex inflammatoria, pituitosa, biliosa. 18.

Hæmorrhagiæ uteri epidemicæ. II. 33.

Hemicrania chronica. Causa ejus in cadavere detecta. I. 178.

————— ex retropulsa ophthalmiæ serosæ materie orta, quomodo sanata. I. 58.

Hemiplegia a bile. II. 62.

Hepar cartilaginosum. I. 184.

————— Concretum cum diaphragmate, magnum, durum. III. 273.

————— Durius, inæquabile. III. 148. Durum & magnum. I. 183. III. 251.

————— Flavum, molle, corpusculis sebaceis distinctum. III. 260.

————— Friabilius solito. I. 166. III. 269.

————— Magnum, sed sanissimum. I. 103. 157.

————— Pseudomembrana investitum. I. 171.

————— Scirrhusum, steatomatosum. I. 176. 182.

————— Sphacelatum. I. 181.

————— Superficie veluti pereocta. II. 247.

————— Ulcerosum. I. 177. 182. 184.

Hepatis vasorum tunicæ præter modum crassæ.
I. 134.

Hepatici systematis morbi nonnulli, variis observatis illu-
strati. III. 243. seq.

Hepaticus ductus impervius. III. 256. Maxime dilata-
tus, concreto cystico. III. 262.

Hernia scrotalis in cadavere visa. I. 112.
— Vesicæ. III. 297.

Hirundines cum successu applicatæ. II. 104.

Hôræorum fructuum usus in Dysenteria. III. 177.
Abusus. 178.

Hydatis ex dextro pulmone dependens. III. 273. In
choroideo plexu. I. 119. III. 262.

Hydrocèle sinistri lateris. III. 256.

Hydrophobia, elapsis a morfu diebus octodecim, lethali-
lis. I. 180.

— In cadavere feminae hydrophobæ nihil pec-
culiare inventum. III. 306.

Hydropicorum mortes subitæ. III. 297.

Hydrops articuli genu, quomodo sanatus. III. 87. 91.

— Plethoricus, seu ortus a plethora. Observationes
circa hunc morbum. III. 204. seq.

Hydrothorax inflammatorius. II. 236. Extispicium. 247.

— post coryzam evanidam, enatus. III. 92.

— I.

Icterus adesse potest, ductibus biliferis omnino per-
viis. III. 247. 251.

— Chronicus potatorum. III. 263.

— Quæ in cadavere talis ægri inventa sunt.

I. 133.

— Quibus remediis sanatus sit. II. 197. 211. III.

277. Observationes circa hunc morbum variæ. III.

246. seq.

Ictericorum efflorescentiæ scarlatinæ. III. 267.

Ilei causæ variæ, medendi ratio. I. 168.

Ileum intestinum peculiari modo coarctatum. I. 149.

Foramine amplo pertusum. I. 166. 266.

Inflammatio, ab acri bile generari solita, ab omni alia
differt, & maligna est. I. 120.

Inflammatio intestinorum visa, absque ut dolor, febris, calor præcesserint. I. 164. II. 146. Cum febre vix ulla & dolore exiguo. I. 166.

————— Historia. II. 248. 265. 267.

————— Cadaveris-Examen. II. 249. 266. 269.

————— Rheumatismum febrilem concomitans alia est, quam ea, quæ morbos alios inflammatorios. I. 55.

————— Vera & simul chronica rara est. I. 56.

————— Viscerum quandoque observatur, absque consuetis inflammationis signis. III. 263.

Inflammationum thoracis exitus varii. III. 36. Suffocatio. 37. Hydrothorax. 38. Pulmonum vincula, co hæSIONES. 38. 39. Pulmones granulosi, & inde asthma. 40. Quænam respiratio in his inflammationibus pessima. III. 62.

Insania quandouam timenda. I. 117.

Intermittentes febres, quæ 1776. grassatæ fuerunt. I. 51. 85. 87. 88.

Intestina coarctata. I. 148.

————— Inflammata, gangrænosa. I. 113. 117. 120. 125. 148. 156. 164. 166. 171. II. 243. 245. 249. 252. 266. III. 36.

————— Livida. I. 119. 148. 158. II. 269. III. 263.

————— Pertusa amplo foramine. I. 166. 266.

————— Præter modum expansa, & simul ad digitum usque crassa, inflammata, in tympanitide. I. 175.

Ipecacuanhæ radix desideratum effectum sæpe non producit. I. 40. 77. 81. Qua ratione in morbis malignis conveniat. I. 121.

Iræ in producenda febre biliosa potestas. II. 177.

Ischuria & mictus tenesmoideus, mucro albo benigno per urethram fluente, cessans. I. 107.

Ischuriæ historia. I. 101. 111. Cadaveris-examen. 103. 112.

L:

Lac an in phthysi conveniat? I. 130.

Lactis in puerperis incommoda. II. Quid faciendum, quo ad mainmas, prole mortua. II. 57. 58.

Lar-

- Lardacea materies pulmonis infimas oras obtegens in homine, qui peripneumonia laboraverat. I. 116.
 Lichen Islandicus an in phthysi laudandus. I. 131.
 Lien duplo major, quam solet, sed sanus. I. 103. 157.
 Ligamentum latum uteri in sinistro latere breve admodum, causa obliquitatis uteri. I. 140. 146. II. 247.
 Lingua quomodo in febre gastrica sese habeat. I. 142.
 Lues Venerea. Curationis difficultas ex tempore, quo miasma intra corpus delituit, dependet. III. 302.
 ——— Hereditaria. III. 302.
 ——— Mercurii sublimati corrosivi in ea sananda laudes. III. 299.
 ——— An dentur signa, miasma ex toto esse deletum, III. 306.
 Luxationis vertebrarum lumborum effectus. I. 175. 185.
 ——— Dorsi cum fractura. I. 184.

M.

- M**ania ex phrenitide. III. 136.
 Medicus sibi ipsi medicinam facere nequit, & cur. II. 6.
 Neque suum morbum recte describere. ib.
 Medulla oblongata admodum dura. I. 119.
 Meninges, ictericæ. III. 260. 261.
 ——— Inflammatae. I. 117. III. 246.
 ——— latis rubris, cæruleis, atris, maculis obsessæ. II. 264.
 ——— Pus inter illas effusum. III. 157.
 Meningum inflammatio absque phrenitide. III. 246.
 Mercurius vivus in ventriculo inventus. III. 245.
 Mercurii corrosivi in sananda lue venerea laudes. III. 299.
 Mesenterii glandulæ cartilagineæ. I. 187. Induratæ. I. 161. III. 266. Sanguinem atrum continentes. II. 252.
 Tumentes. II. 266.
 ——— Suppuratio. I. 179.
 ——— Ulcus cancrosum. I. 164.
 ——— Vasa amplissima. II. 252.
 Metastasis. Ad cerebrum in febribus putridis. III. 95.
 Quomodo hæc potuit præverti, aut præsens tolli. 96.
 ——— Biliosa ad brachium. III. 246. Ad partes alias. 247. 277.
 ——— Peculiaris ad nucham. II. 230.

- Metastasis. Quæ in metastasi observanda. II. 80.
 Meteorismus, duplex in febribus biliosis, putridis, malignis, observatus. II. 15.
 Nictus difficilis in febre æstiva. II. 140.
 Miliæres pustulæ morbillos concomitantes. II. 162. 166. 173.
 ————— Nervosam lentam febrem insequentes. II. 26.
 ————— Origo earum. II. 53. 109.
 ————— Pleuritidi vel peripneumonix supervenientes. I. 31.
 ————— Præverti quomodo possint. II. 53.
 ————— Sponte natæ, non coactæ, criticæ fuerunt. III. 94.
 Moeroris effectus in functiones ventriculi, intestinorum, hepatis. III. 246. 247.
 ————— Potestas in producenda febre biliosa. II. 176. 214. 215.
 Morbi inchoantis species difficillime determinatur. I. 33.
 ————— Maligni historia, quo Auctor ipse laboravit. II. 5.
 ————— Nervorum. Regulæ in sanandis iis. II. 103.
 Quis stimulus fibras irretet, ante omnia, investigandum. Hujus cognitione niti curam, exemplis probatur. II. 104. seq.
 Morborum biliosorum symptomata I. 7: 33. seq.
 ————— Inflammatoriorum & biliosorum connubium quando obtingat. II. 130. Quomodo sanguis educus tunc sese habuerit. II. 131. Difficulter sanantur, & quare. II. 235.
 ————— Vulgarium observationes non rite attendi solent. I. 175.
 Morbilli cum febre æstiva 1777. II. 148.
 ————— cum febre biliosa. II. 35.
 ————— ————— Bilioso-pituitosa. II. 161.
 ————— ————— Bilioso-pituitosa, miliarî. II. 166.
 ————— ————— Bilioso-pituitosa, prægressa, comitante, subsequente, cum miliaribus & exanthemate scarlatinam referente. III. 162.
 ————— ————— Bilioso-pituitosa, vernali. II. 171.
 ————— Cum miliaribus & petechiis. II. 173.
 ————— Eorum malignitas & anomalia. II. 160.
 Musculorum caro in venereo fracidissima. II. 261.

N.

- N**ecrologia. Excepta ex Necrologiis Nosocomii ad
S. S. Trinitatem. I. 173.
Nervina remedia quænam sint. II. 107.
Nosocomii practici Vindobonensis descriptio. I. Præf.

O.

- O**bservationes. Quid de observationum collectoribus
sit sentiendum. I. 174.
Oculorum vitia a defluxione. III. 90.
Odontalgia periodica, cortice sanata. III. 66.
—— Rheumatica, vesicante curata. I. 58.
Omentum fuscum, putridum. I. 119. 140. 148.
—— Inflammatum. I. 117. II. 249. 256. 269.
—— Margo ipsius plures series nodorum exhibens.
III. 265.
—— Perbreve & reflexum. II. 252.
Ophthalmia serosa ad rheumatismos topicos pertinet. I.
55. Per vesicans sanata. 58.
—— a vitio ventriculi orta, ad vesperam exacer-
bata, & curato ventriculo sanata. II. 68. 213. 217.
219. 222. Subinde pro venerea imposuit. 215.
Opii in dysenteria usus. II. 100. In saturnina colica.
II. 190.
Ossa in ictero flava. III. 260.
Ossiculum in sinu falciformi visum. I. 136.

P.

- P**ancreas insignis magnitudinis & duritiæ. III. 265.
—— Scirrhum. I. 182.
Paracentesis thoracis suppurati instituta. III. 105. Sec-
tio cadaveris. 107. Quæ causa mortis talem paracen-
thesin sæpe citissime insequentis. 108.
—— Vesicæ in perinæo instituta. I. 112. In
regione hypogastrica. ib. Optime fit in perinæo.
I. 113.
Paralysis in latere dextro, apoplexiæ causa in latere fini-
stro visa. I. 137.

Paralyſis ſaturnina. Obſervationes hoc de morbo, ejus-
que cura. II. 270. ſeq.

Parotis. Cura. II. 69.

———— Lethalis. III. 94.

———— Secundo pleuritidis die orta morbum ſuſtulit.

I. 14. Quomodo fuerit diſſipata. ibid.

Pectoris affectus ſpurius. I. 87.

———— Morbi. Prognofis in his ex ſpirandi libertate ma-
jori vel minori formanda. I. 117.

———— Signum ex percuffione thoracis. III. 106.

———— a bile orti. I. 6. ſeq. Eorum frequentia,
medendi methodus, periculum. I. 28.

Penis fiſſus. III. 297.

Pericardium puriformi materie reſertum. II. 251.

———— feri uncias octo continens. I. 128.

Peripneumonia. Bilioſa cum ſputo cruento. II. 73.

———— Pituitoſa. II. 208. Ejus cura. II. 209.
228.

———— Signum certæ mortis. III. 36.

———— Sectio anatomica hoc morbo defuncti.
I. 116.

Peritonæum inflammatum. I. 166.

———— Scirrhoſum, craſſiſſimum. I. 181.

Peſtis contagium probatum. II. 40. ſeq. Natura. 42.

Quæſtiones variæ. 42. 43. 44.

Petechiæ. An regimini calido ſoli debeantur? I. 72.

———— In extremitatibus viſæ ad muſculos uſque pene-
trarunt. I. 126.

———— In inteſtinis, meſenterio, peritonæo, cordis
externa ſuperficie obſervatæ. I. 125. II. 262. Intus
humorem extravafaſum continebant. I. 125.

———— Bilioſum morbum concomitantes. I. 68.

———— Morbillis & miliaribus intermixtæ. II. 173.

———— Obſervatæ in iis, quibus peculiaris ſaburra erat.
III. 78.

Petechialium malignorum morborum cauſa unde peten-
da. I. 119. 164.

Phrenitis bilioſa emeſi curata. II. 61.

———— Descriptio hujus morbi III. 121. Hiſtoriæ quo-
rundam phreniticorum. 122. Dantur diverſæ phre-
nitides, & non una ſemper eademque phrenitidis cau-
ſa & cauſæ ſedes eſt, 123. Diviſio phrenitidis unde
pe-

petenda. 135. 139. Morbi hujus in maniam con-
versio. 136. Amplitudo ipsius. 142. A sero inera
caput effuso post lapsum ab alto. 143. A sugillatione
encephali post lapsum. 145. Post casum forte sympa-
thica. 147. Ab æstatis & ignium calore, & abusu vi-
ni. 155. A cerebelli abscessu & pure intra meninges
effuso. 156. A pure in encephalo. 161. Post gra-
vissimam cruris contusionem & fracturam. 162. Ab
ira. 165.

Phthisis ex catarrho æstivo & autumnali neglecto. III. 57.

— ex pleuritide seu peripneumonia occulta. I. 73.

Quænam profuerint vel nocuerint in ea, quæ pleu-
ritidem insequuta erat. III. 65.

— extussi stomachica. II. 212. Extispicia ex hac cau-
sa tabidorum ib. Quinam huic phthisi magis obnoxii
erant. 213.

— Incipiens solis antiphlogisticis sanata. III. 117.

— Post hæmoptoën enata. II. 239. Extispicium.
III. 242.

— Pituitosa, a febribus gastricis, quæ in malignas
abiere, frequens, quomodo curata. II. 66.

— Pulmonalis quare adeo difficulter sanetur. I. 128.

Quænam remedia convenient aut noceant. I. 129. 132.

Pia mater inflammata. II. 245.

— Inter hanc & cerebrum serum rubellum. II.
245.

— Membranam aponeuroticam æmulans. I. 136.

Pistores, morbis acutis correpti, facilius pereunt. I. 149.

Placenta osculo uterino supertensa. III. 271.

Pleura crassa admodum, quodammodo cartilaginea. I.
156.

— Doloris punctorii sedes in pleuritide & peripneu-
monia male in pleura quæritur. I. 97. 99.

— Inflammata valde. III. 35.

— — in loco doloris punctorii. II. 251.

— — sine dolore. III. 214.

— Sanissima in pleuritide. I. 171. 172.

— — cum dolore punctorio lateris & inflamma-
tione pulmonis. II. 246.

Pleuritis biliosa. I. 6. Constans ejus nota fuit, præter
pectoris respirationisque affectus, lingua, & oris sa-
por, variatione depravatus. 7. Rheumatismus sub-

- inde iungebatur. 8. Præter morbum biliosum nonnullos pulmonum inflammatio tenuit. ib. Aut aliarum partium. 12. Instituta venæ sectione symptomata exasperabantur. 8. Purgantia parum emolumenti attulerunt. ib. Emetica & leniora purgantia quandoque proficua fuerunt. 9. In omnibus tamen non eodem modo procedere licuit. 10. Successiones ac mutationes variæ. 13. In veram ac inflammatoriam pleuritidem. 13. In biliosam malignam. 15. Ulteriores observationes de pleuritidis & peripneumoniæ biliosæ frequentia, methodo curandi, periculo. 28.
- Pleuritis biliosa cum sputo cruento. II. 71. Gravis admodum seu maligna. 73.
- Biliosa inflammatoria, sive vera & essentialis cum vitio primarum viarum bilioso iuncta. I. 68. II. 205. 223.
- occulta, seu latens. I. 73. Ejus signa. 73. 74. Varii morbi hanc sæpe post se relinquunt. 74. Prognosis, Cura. 75.
- Pituitosa seu notha. III. 7. 24.
- Putrido-inflammatoria, qualis sit. III. 20.
- Rheumatica. Ejus signa diagnostica. I. 59. 62. Sedes 60. Cura. 61. Quando cum biliosa aut genuina complicatur. 62.
- Rheumatico-inflammatoria promptius in empyema transit. III. 107.
- — — — — III. 63. Fallax pulsum debilitas. 63. Fœminæ præ viris hac specie laborarunt. 64.
- Vera a spuria quomodo dignoscatur. I. 45. Quænam symptomata utrique convenient. 48. Quid faciendum, quando ea maxime sunt complicata. 56. Canones circa usum vesicantium in pleuritide. 65.
- Vera, inflammatoria, sed chronica. I. 75. 95.
- — — — — aliqua labe biliosa contaminata. III. 53.
- In hydropico frigidissimo observata. II. 237.
- Cum inflammatione pulmonis dextri- & pleura sanissima. II. 246.
- Pessima in hoc morbo signa. I. 97.
- Pleuritidis transitus in peripneumoniam malus. I. 71.

- Pleuroperipneumoniarum historia. I. 93. sequi Sectio Cadaveris. 94. Historia alia. I. 99. Cadaveris examen. 100. Historia alia. II. 216.
- Plexus choroidæ varicibus obsessi. II. 245. hydatidibus. I. 119. III. 262.
- Polygala an in phthysi conveniat. I. 131.
- Polypi visi in corde & vasis majoribus. I. 95. 103. 179. II. 251.
- Potus frigidae æstuante corpore haustus febrem incitat epidemicam. II. 76.
- Predictiones futurorum in acutis. II. 142.
- Prostatæ abscessus duo. I. 104. 150.
- inflammatio, gangræna, tumor. I. 112.
- Pseudomembrana pleuram, & pulmonem obtegens. II. 245. 255. 269. III. 39. 107. Crassissima. II. 250. 252.
- pericardium obvestiens. II. 255.
- unde oriatur. III. 107.
- Pulmo abscessibus exiguis innumeris plenus, cultro hepaticam duritiem offerens. I. 127. III. 255.
- Abscessum recondens. I. 160.
- Prolapsus ad latus. I. 96. 99.
- Pulmones. Constitutio eorum in homine, qui pleuroperipneumonia laboraverat. I. 94. 96. 97. 98. 100. 116.
- in hydrothorace. II. 247.
- post paracenthesin propter empyema institutam. III. 107.
- in tabidorum cadaveribus. II. 212. 233. 243.
- Concreti cum pleura. I. 103. 119. 127. 150. 156. 160. 163. 171. II. 245. 251. 266. 269. III. 39. 250. 255.
- Granulosi. III. 262. 263.
- Inflammati, II. 251. III. 35. 36. 250. 253. 262.
- Maculis parvis nigricantibus variegati. III. 273.
- Pseudomembrana obtekti. I. 148. 160, 171. II. 255. 269.
- Rheumatica inflammatione affecti, quomodo se habuerint in cadavere. I. 60.
- Scirrhusi in asthmatico. I. 184. 186.
- Tuberculis obsessi. I. 150.

Pulmonum inflammationes pergraves post novem aut undecim dies, absque manifesta evacuatione, cum constantia ac securitate solutæ. I. 14.

Pulsuum fallacia in morbo quocunque thoracis. I. 98.
in pleuritide. III. 63.

———— in morbis biliosis. II. 133.

———— debilitas vera & fictitia. II. 135. seq.

Purgantia antiphlogistica nulla dantur. I. 110.

———— emeticorum vices subire non possunt. I. 37.

———— in pleuritide & peripneumonia biliosa fere semper nocuerunt. I. 11.

Pus in cerebello, cerebro, inter meninges visum. III. 157. 159. 161.

———— inter diaphragma & pulmonem, aliisque in locis conclusum. I. 100. 103.

Puriformis materies in pectoris & abdominis caro visa. I. 171. Hæc in Pseudomembranas sæpe concrevit, & in sanguine emissio crustam phlogisticam videtur constituere. I. 172.

Pylorus canerosus, scirrhusus, cum parte duodeni. I. 179.

———— durior solito & angustus. III. 276.

———— durissimus. III. 244. 268.

Q.

Quartanæ, corticis peruviani impatientes, floribus arnicæ sanatæ. III. 115.

———— irradiatæ quomodo sint curatæ. III. 61.

R.

Remittentes febres, anno 1776. observatæ. I. 52. 68. 77. 85.

Ren sinister innumeris & exiguis abscessibus plenus. I. 102.

Renis dextri defectus, sinistro aliquantum majore. II. 252.

Respiratio abbreviata & simul accelerata; ita ut inspirationes & expirationes pusillæ sint, seque cito insequantur, pessima est in putridis, malignis, & inflammatoriis thoracis morbis. III. 62.

Respi-

- Respiratio facilis, etiamsi pulmones partibus vicinis essent firmiter accreti. I. 164.
- Rheuma vesicæ. III. 71.
- Rheumatica inflammatio ab omni alia differt. I. 56. Optima cura quænam sit. I. 57.
- materies diversas partes afficiens, alios aliosque producit morbos. I. 55.
- ex artubus ad pulmones delata. III. 81.
- Rheumatismi febriles. I. 16. Fuere vel inflammatorii. 16. vel biliosi. ibid. 67. Horum symptomata & mendendi ratio. 16. 17. Quo tempore biliosi frequentissimi fuerint. 17.
- ad lumbos, coxam, femur, fanati vesicante, methodo Cotunpiana, applicato. I. 67.
- originis gastricæ. Horum natura, sedes, cura. III. 22. 23. II. 17. 88.
- male curatæ, atrophiam induxerunt. III. 22.
- Periodici, cortice sanati. III. 66.
- Scorbutici unde oriantur. I. 67.

S.

- Salis Ammoniaci vires incidentes, attenuantes. I. 78. 79.
- Salix alba. Decoctum foliorum & corticis in gangræna decubitu, & bubonibus gangrænosus, laudatur. III. 298.
- Sanguini emisso non semper fidendum. I. 15. 16.
- Sanguinis corium phlogisticum unde oriri videatur. I. 172.
- quomodo sese habuerit in morbo inflammatorio & bilioso. II. 131.
- extravasatio in cranio. I. 185.
- Sartores pulmonum morbis præ aliis laborant. I. 152.
- Scarificatio, in dorso inter scapulas facta, in vehementi utriusque pulmonis inflammatione laudatur. I. 152.
- Scirrhorum substantia. III. 306.
- Scorbutus levior. III. 117.
- Sensuum internorum vigor, externis abolitis, in morbo maligno. II. 11.

- Serum in Abdomine visum. I. 100. in cavo pectoris. I. 95. 99. Vid. Articulum Aquæ.
 Sinus falciformis, officulum continens. I. 136.
 Somnus febrem incendit. III. 75.
 Spinæ dorsi concussionis effectus. I. 186.
 Strumæ dissectio; natura. III. 275.
 Submaxillares glandulæ magnæ, dolorificæ. III. 70.
 Suffocatio ex inflammatione thoracis. III. 34.
 Suppressionis urinae historia. I. 101. 111. Cadaveris examen anatomicum. I. 103. 112.
 Sutores hæmorrhagis pulmonalibus obnoxii sunt. III. 8.

- T**abes ex febre æstiva enata. II. 230. Ejus generationis ratio & modus. ibid. Quid consumptorum cadavera exhibuerunt. 233. Medendi methodus. 234.
 Taeniæ portiones variæ rejectæ. I. 159.
 Tartari emetici solutio optimum sistit vomitorium. I. 39.
 Qua ratione propinari debeat. 40.
 Tempestatum ratio habenda ab eo, qui morbos populares descripturus est. I. 1.
 Tendo insensilis. III. 298.
 Tenesmi varii. III. 200.
 Terror convulsionis causa. III. 284.
 — febre biliosam producere potest. II. 176.
 Testis, aqua tumidus, sanatus. III. 91.
 — suppuratus. I. 156.
 Tetanus maxillæ, fracturis & contusionibus superveniens, lethalis. III. 288.
 — opisthotonos, epilepsia, probabilius a vermibus, & sectio. III. 294.
 — vulnere superveniens sanatus. III. 291.
 Thoracis inflammatio a stimulo bilioso putrido acri. II. 253, 256. Qualis medicina tunc requiratur. II. 257.
 — percussio, ut signum abstrusorum interni pectoris morborum, laudata. III. 106.
 Thyroidea glandula, substantia gelatinosa, glutinosa, distenta. I. 128.
 Tophi in ossibus visi. II. 261. Suborta febre subinde sanantur. III. 305.

Tumor canerosus arcui majori ventriculi insidens. I. 133.

— cylticus supra fellam tarcicam & nervum opticum visus. I. 178. Ovario adhærens. I. 179.

— uteri faciei posteriori adnexus. II. 247.

Tumores abdominis. Deceptio quædam in explorandis his. III. 275.

Tumorum quorundam in febre biliosa genesis. II. 86.

Tussis chronica & gastrica. II. 225.

— convulsiva. II. 21. 118. III. 105. Quædam proprietates ipsius & cura. II. 120. Sæpe est Stomachica. 121. Aphorismi nonnulli de hoc morbo. 122.

— Cruenta. II. 21.

— Molestia illis, qui graviori morbo putrido, seu maligno, diutius decubuerant, quomodo tractanda. I. 144.

— Stomachica. Ejus origo & cura I. 87. 145. II. 211. sæpe in phthisin abit. 212. Extispicia talium tabidorum. 212.

Tympanitide defuncti cadaver quid exhibuerit. I. 175.

U.

Ulcus canerosum in mesenterio visum. I. 164.

— Hepati & ventriculo concretis adhærens. III. 273.

— Venereum in capite. III. 304.

Urethra abscessibus obsita, inflammata. I. 104. 112.

— Cathetere læsa. I. 113.

— Carunculæ an in ea ex male curata gonorrhœa excitentur. I. 105.

— Coarctata. I. 155.

Urethræ glandulæ tumentes, inflammatae, suppuratae. I. 105.

— Gonorrhœa affectæ dissectio. II. 261.

— Morbi curatu difficillimi. I. 106.

Urina in abdominis cavo inventa, disrupta vesica. I. 112.

— Morbos gastricos, a colluvie materiæ alienæ ortos, a febribus inflammatoriis distinguit. I. 33.

Urinæ Suppressionis historia. I. 101. Sectio cadaveris, 103. Observatio alia. 111. Cadaveris examen,

112.

Ure-

Uterus, ovaria, tubæ, cum recto intestino, firmissimè nexa. III. 274.

— Verrucis obsessus. II. 264.

Uteri hæmorrhagiæ epidemicæ. III. 133.

— Magnitudo, post primum partum. I. 158.

— Osculum cartilagineum. III. 276.

— Posticæ faciei adhærens corpusculum, castaneæ magnitudine. II. 247.

— Situs obliquus. I. 140. 146. II. 247.

V.

Valvulæ cordis degeneratæ. I. 157.

Variolarum stadia. II. 153. Methodus medendi singulis stadiis. 153. seq. Earum diversæ species. 158. Cura quare ab aliis alio modo proponatur. 175.

— Complicatio cum febre biliosa. II. 35. 149.

— Insitio quo anni tempore fieri debeat & quæ præparatio requiratur. II. 158. seq.

Variolosi historia. II. 150

Vasa coronaria cordis mirum in modum dilatata. I. 99. 117.

— Sanguifera si obrigescunt, qualis ictus arteriarum sese manifestet. I. 158. Quid in tali casu agendum. 159.

Vasorum ad cerebrum tendentium inæqualis capacitas. I. 137.

Venæsectio an vomitoriis præmittenda. I. 41.

— In pleuritide & peripneumonia biliosa, momentaneum subinde levamen attulit. I. 36. In genere nocuit. I. 11. 29. Nisi vera inflammatio accedens morbum complicatum reddidit. I. 12. Quam cautelæ tunc fuerint observandæ. I. 12. 13. Quatenus biliosis subinde Venæsectio prodest. I. 50. II. 65.

— Nullum potest statui dierum numerus, ultra quem venæsectio in inflammatoriis pectoris morbis admitti nequeat. I. 96.

— Quandonam in hydropicis conveniat. II. 248.

Veniærea larvata febris. III. 298.

Veneri dolores nonnunquam interdum graviores sunt, noctu mitiores. III. 66. 301.

Venæ

Ventriculi abscessus versus cavum abdominis disruptus. I. 179.

———— Capacitas major. II. 256. Maxima. III. 35. 244. 262. 271. 274.

———— Contractio, sic ut crassum intestinum reple- rit. I. 158. 161. Medio loco constrictus. I. 158.

———— Interior membrana fusca. I. 119. Livida. I. 148. Inflammati. I. 119. 124. Maculatam u- gridis pellem referens. I. 125. 140.

———— Magnus, varicosus vasis distinctus. III. 253.

———— Saburra, qua ratione cerebrum adficiat. III.

134.

———— Spasmus gravis sanatus. II. 106.

———— Splacelus. 187.

———— Tumor cancrösus. I. 133.

———— Vim infringit aer conclusus, putridus. II. 139.

Vertebris arteria, ubi intra cranium emergit, ossea. III. 262.

Vertebrarum lumborum luxationis effectus. I. 175. 185. Dorsi cum fractura. I. 184.

Vesica urinaria disrupta. I. 112. Sugillata. I. 156. Morbosa. 104.

Vesicæ hernia. III. 297.

———— Paracenthesis in perinæo instituta. I. 112. Ut & supra os pubis. ib.

Vesicans lateri dolenti raro impositum, & in morbis vere inflammatoriis sæpe noxium. I. 13. In rheumate con- tra utilissimum. 13. 16. Ut & quando vera debilitas adest. ib. 15. Quandoque in pleuriticis fuerit utile. 43. 61. 62. In rheumatismis topicis. 58. Canones circa usum vesicantium observandi. 65. In febre an- ginosa. II. 22.

Vesicula fellea calculis tribus penitus oppleta. I. 166.

Calculos varios continens. I. 184. 187. II. 245. III. 271.

———— Defectus ejus, an ab orosione? III. 274.

———— Degenerata in ictero. III. 256. seq. 262.

276. In iis, quos, colica saturnina correptos, super- veniens epilepsia peremit. III. 268.

———— Sanguinem, loco bilis, continens. I. 182.

———— Semicartilaginea. I. 181.

———— Rupta, bile in abdomen effusa. III. 270.

Vesicula fellea turgida admodum. I. 119.

— Seminalis, pure plena. I. 156.

Veterum scriptis qui uti velit, quid nosce prius debeat.
I. 141.

Vigiliæ febrem restinguunt. III. 75.

Viscera abdominalia maxime inflammata. I. 166.

Viscerum situs naturali plane oppositus, sic ut in sinistra parte reperirentur, quæ dextrum occupare solent.
181.

Vilus depravatus in reconvallescente a morbo maligno.
II. 11.

Vitriolum cupri, quo foetus expellatur, sumtum. II. 269.

Voinica pulmonalis. I. 160.

Vomicarum clausurarum in pulmonibus frequentissima genesis. I. 75.

Vomitória in rheumate originis gastricæ optima. II. 17.

Vide tit. Emeticorum I. 9. 16.

Vomitus biliosis in morbis levamen imo curam adfert,
25. 26. 27. Non semper æque facilis est. I. 77.

Quonam remedio optime excitetur. I. 39. II. 141.

An præparanda materia ante vomitum sit. I. 41. Quid de venæsectione statuendum. ib. Quo usque in hoc remedio pergendum. II. 132. Quænam contra indicantia dentur. II. 132. 133.

— Præsente gravissima ventriculi inflammatione, absens. I. 126.

— a scirrho pancreatis. I. 182.

W.

Wagneri methodus curandarum febrium malignarum laudata. I. 121.



